



الجلد الاول من شرح المشوى المسمى بروح المشوى*
للشيخ اسماعيل حقي البرسوى* صاحب
روح البيان* من تفسير القرآن*

مركز رسومات تدن مع سافر



Süleymaniye U Kütüphanesi	
Kis	Hacı Hüsni P.
Y	
Eski	456



بِسْمِ اللَّهِ الرَّحْمَنِ الرَّحِيمِ

الحمد لله وسلام على عباده الذين اصطفى * خصوصا على الحبيب المصطفى
 * وعلى آله واصحابه خير القرون والافروم * من جمال العرب وجمال الروم
 * جدا كاملا عاما * وسلاما شاملا تاما * ما تنفس المعاني وتجلى الحقائق
 * بوجوه النثر الفائق والنظم الرائق (وبعد) فيقول العبد الفقير * سمي
 * الذبيح حتى البرسوى * جعله الله تعالى ممن ذاق حلاوة التحقيق *
 * وتثبت في كل امره بذيل التوفيق * انه قد ضل عن الطريق السوى *
 * كل من تعرض لشرح المشنوى * وان كان الشارح المولوى * فانه ربما
 * اورد على النظم ما يخل به نظامه * وضربه ضربا ينقص به عظامه
 * وليس كمال المرء في كثرة النقل * اوفى قوة العقل * بل في الاهتداء الى
 * المرام * وذلك موقوف على الهام الله العلام * على ان العلوم الذوقية
 * لا تنال بالتقليد * بل لابد فيها من تحقيق اسرار التوحيد والتجريد
 * والتفريد * واني لما سألني بعض الاخوان مذاكرة ذلك الكتاب * وعزني
 * في الخطاب * تفألت من الجلد الاول فجاء قوله (شيخ كامل بود وطالب
 * مشتهى * مردچاپك بود ومرتكب در كهى * ديد آن مرشد كه اوارشاد
 * داشت * نغم پاك اندر زمين پاك كاشت * ثم اوتيت في المنام مجلدا كبيرا

هو شرح الجلد المذكور فاجأتني هذه المسئلة والاشارة الاهمية الى
 التقرير والتحرير * والله العليم الخبير * اعلم بالانعام * وبمساعدة العمر
 الاختتام * وانا استعين به تعالى * واستمد من روحانية مولانا * قدس سره
 الاعلى * اعلى ارجع الى الناس * ببديع هذا الامر والشان لعلهم يعلمون
 ان الله على كل شيء قدير * وبيده المفاتيح لكل خير وفيض واحسان *
 وعليه التكلان *

* بشنوازي چون شكایت میکنند *

* از جدايها حکایت میکنند *

* نى * قامش ورمزار معروف در نى زن ونای زن آنی ضرب و نفع اید در نیکم
 بعض شعرا نظمده کلور * هر ناوک نى * کز نورسد بر دل چاکم * نای
 شود و ناله کنند بر سر خاکم * بونده اولکی نى ايله مر اد قامش
 وایکنجی ايله مراد آلت معروفه در نای کبی و لغت حسامی ده
 * قامش نى در دودک نای * دیدوکی بحسب الغالب در بویته شکایت
 حکایت اوزرینه مقدم در زرا مصرع نای اولی بیان واقع اولمشدر
 نیکم تصویر معناد کله کر کدر و نسخ عتیقه ده بوبله نصیح
 اولد یغندن ماعداد جلد اولده بویته دخانی مؤید در نیکم کلور
 * من زجان جان شکایت میکنم * من نیم شاکى روایت میکنم *
 وایکن مولانا جامی رح نضمین ابتدکی قطعه ده شکایتی تأخیر ایتشد ر
 نیکم بیورر * دورازان لب جان یکی نالان نى است * بشنوازی چون
 حکایت میکنند * زان لب همچو شکر مانده جدا * از جدايها
 شکایت میکنند * مرادی انواع حکایتدن اولان شکایتدر بوندن
 صکره معلوم اوله که مشنوی شریفی بآله ابتداده وجوه کثیره وار در
 * بری بوکه بسمله به موافقتدر سورة توبه بسمله سز تنزیل اولوب بآله
 ابتدا اولد یغی کبی بوکتاب دخی بآله بدأ اولندی بس بوبه بسمله نک
 باسندن بدل و آنک نختنده مندرج اولغله بحسب الاشارة بسمله ايله ابتدا
 دخی حاصل اولدی * و بری دخی بآله بدء و دفتر سادسی نون ايله ختم
 ایلدی نا که (انا النقطة تحت الباء) سرنه اشارت حاصل اوله زیرا
 حرف نون نقطه نک نوننه اشارتدر که اکا نون الجمع و ام الکتاب دخی
 دیرل اول سیددن که اصل کتاب وجود در ومداد مواد نقوش عالم مجتمع
 اولدیغی بر در نسیمی نک * جله نک معنسی بر نقطه بو تکرار ندر *

وابدال اتانك الان بر قلدن آلوردید کلمی سر مذ کوره اشارت در * وبری دخی
(بی قام کل شیء) سرینه اشارت در یعنی نقدر موجودات واریسه جمله سنک
ملکوتی وار در واول موجود اولان ملکوت ایلله قائمدر واول ملکوت
حق تعالی نیک بدقدرتنده در نیکم تنز یلده کلور (فصبیحان الذی یبیده
ملکوت کل شیء) اگر جمیع اعیان موجوده واشیاء خارجییه بو ملکوت
ایلله قائم اولسه عالم عدمه الخاق بو اور وناود ونا پید او لوردی
پس تحت الباء اولان نقطه بایه دلالت ایدر و آتی سائر حروفدن تمیز
ایلدیکی کبی هر موجود دخی ذکر اولان نقطه ملکوتیه ایلله حقه دلالت و آتی
سائر اسمادن افر از قیلدی * وبری دخی بابتیه واول بدایتک مثنوی اولدیغنه
اشارت در زیر (ب) حساب ایجاد اوزره ایکیدر * وبری دخی (ب) اهل الله
قتیده اسم لطیف مقابله منده واقع اولمشدر پس کتاب مثنوی اسم
لطیفک تجلیسندن صادر اولوب محض لطف باری اولدیغنه
دلالت ایلدی خصوصاً که تلطف روح ایتدیجکه عالم لطائف وحقایقه
دخول ایتک ممکن دکلدر زیرا جسم کثیفه مقارنتله روحه دخی
کثافت عارض اولمشدر و کثیف و لطیف متقابلدر * وبری دخی تعین
کونی به اشارت در که انسان بو تعینده الف شکلنده در پس بو کتاب
عالم ملک و ملکوتک اسرارینه متعلق اولمغه بالف اوزرینه ترجیح اولندی
زیرا انسانک وجود کونیهی تعین مذکوره تابعدر انکچون اسم باده الف
بایه تابعدر پس الاقدم فالاقدم حسبیه با تقدیم اولندی * وبری دخی بودر که
بانک تحتنده اولان نقطه وحدت تعین اول ذاتی به اشارت در که سر
انسان انک مظهر یدر نیکم نقطه تنبیه تعین ثانی صفاتی به اشارت در که
روح سلطانی آنک مظهر یدر و نقطه تثلیث تعین ثالث فعلی به اشارت در که
روح حیوانی آنک مظهر یدر بناء علی هذا نقاط دخی اوچه منحصر
اولوب مقیداتی بیاننده ترتیه رعایت اولندی پس بانه ابتداده صورت
و معنایی تطبیق و تنقیفه اشارت وار در و حضرت امیر المؤمنین علی
کرم الله وجهه نیک (انا النقطة تحت الباء) بیور دخی سرانسانک
مبدأیت و کلیتیه و حقیقت محمدیه نیک جمعیته اشارت در که نقدر نقوش
ارواح و صور اجسام و بسائط طبیعیات و مرکبات عنصریات واریسه
اندن تشکل و تصور و تولد و تمیل ایلوب عالم علمده مستعد اولد قلمی

صورت مخصوصه ایلله وجود پذیر اولدیلمر و بو کثرات بی نهاییه اول
وحدته مانع و جزئیات بی غایه اول کلیته مزاجم اولدی زیرا تعدد
وجود تکرر تجلیدن حاصل اولدی نیکم بانک نقطه سی تکرر حسبیه
تاوئا اولدی پس بو تعینده اولان تعدد بانک وحدتیه مانع اولدی نیکم
هر شخص انسانی بحسب الظاهر جسم واحد و من حیث المعنی
روح واحد در مع هـ هذا بو قدر اعضا و قوایه متکثر و متفصلدر بوسره
مبنیدر که دیمشدر در * ففی کل شیء له آیه * تدل علی انه واحد * و بو ذکر
اولان وحدت شخصیه وحدت حقیقیه بی دخی مشتملدر انکچوندر که
هر جسم جزء لایجزی به متشعبددر او جزء نقطه به اشارت در که جمیع
ترکیبات انکله قائمدر * وبری دخی (ب) ده الفه نسبتله انکسار وار در و انکسار
و نواضع باعث علو و سبب رفعتدر نیکم حدیثنده کلور (من تواضع
للّٰه رفعه الله) و حدیث قدسیده کلور (انا عند المنکسرة قلوبهم من اجلی)
پس ظاهراً اندراس قبور و باطناً انکسار قلوب ایلله فناء تام لازمدر تا که
رفع الدرجات سری باهر اوله (لمحرره)

* الف قائم کی نون ایلله * وارفنونک بوری جنون ایلله *
* کیم که باکی منکسر اولم * نقطه نیک علی طوغریلوب کلز *
* وبری دخی بالسان عربیده و فارسیده التصاق ایچون کلور پس بانه
ابتدا ده بو کتابک التصاق اصله و صله رحمه سبب اولمسنه اشارت
وارد در مع هذا بحسب الغالب متواصل رسم اولنور * وبری دخی باده اولان
نقطه واحد بانک علو همتیه دلالت ایدر که وحدتدن غیری نسنه
قبول ایلدی انکچون (قل الله ثم ذرهم) بوردی یعنی مرتبه الوهیت که
مرتبه احد یتدر انکله اکتفا ایلله و سائر مراتب تعیناته التفات ایلله
دیمکدر پس بوشبیدندر که فخر عالم صلی الله علیه وسلم لیلله معراجده
قاب قوسین مرتبه سندن اوادنی مر کزینه عروج ایلوب جای بی جاده
فروکش و نزول ایتمشدر * وبری دخی بانقطه دن حاصل اولان درجه بی
تحت قدمنه وضع ایلدی کویا ماسوا به نظر ایتیموب صدق اهلندن اولدی
جیمک نقطه سی ایسه و سطنده در تحتنده دکلدر و (ی) که آخر الحروفدر
نقطه لری کرچه تحتنده در فاما اول نقطه ل افراد حائیه کوره دکلدر
زیرا بیه مفرده و مقطوعه بی نقطه رسم اولنور بلکه اتصال حالنده

بایه موحدیه مشایه اولسون ایچون نقطتین وضع اولنور بایسه
ایکی حالده بیله منقوطدر پس بووجهله جیمدن ویدن مقیم اولوب
احراز شرف قیلدی * وبری دخی باحرف عاملدر مایه دنده متصرف
اولوب معمولی کنیدی کبی مکسور ایلمر پس بانک حالی مرشد کامل
حالتیه مشایه اولدیکه مرشد کامل کنیدی انکسار حقیقی ایله متصف
اولدینی کبی کندیویه تابع اولان مسترشد لری دخی رعوت نفس
اماره دن تخلص ایدوب منکسر ومتواضع قیلور نیکم تنزیده فخر
عالم صلی الله علیه وسلم وصفنده کلور (ویزکیم) اگرچه که حقیقتیه
تزکیه وصف حقدر نیکم پیور (بل الله یزکی من یشاء) وپو جروعمک
لسان عربییه اختصاصی بوعتبار اطمینی زبان پارسیده رعایتیه منافی
دکدر زبیرا فارسیه دریله ایله لغت عربیه نک اهل جنت اسانی اولمده
اشتراک لری وارد مع هذا (پ) و (ج) و (ژ) و (ک) فارسیه حروف عربیه یه
الحاق اولوب مجموعی اونوز ایکی عد اولمشدر وپو حروف ایله فی الجملة
عرب تکلم ایتشدترتکم محالده میندر * وبری دخی (ب) حرف شفویدر
تکلم ایسه شفه نک حرکتیه موقوفدر پس شفه بوعتبار ایله منتهی
الخارج وبرا اعتبارله دخی مبدأ المخارج در آغاز کلام وعنوان کاید
بذکر اولدینیه مناسبت بودر * وبری دخی انسانک عالم ارواحده فتح دهان
ایلیوب ابتدایطق ایتدیکی یادرتکم (الست بریکم) جوابنده (بلی) دیدیلر
پس حکمت الهیه اقتضای اوزرینه (ب) سائر حروفدن اختیار اولوب
تخصیص بالذکر اولنق لازم کایدیکه (هو الاول والاخر) سری باهر
وازل وابد احدیتک سری ظاهر اوله * وبری دخی بالفظی بلده یه
اشارتدر که حالت جمدن عبارتدر بوکتابک حقایق ایسه حالت جمده
صادر اولمشدر یعنی سالک بوعالم فرقدن انسالخ کایدیکه فیض نزول
ایلمز وعلی تقدیر النزول مأذون اولدقجه یازمز وسویاز * وبری دخی
حرف (ب) بلخه اشارتدر که حضرت مولانا نک مولیدر وابتداء عرصه خالیه
دنیا ده وضع اولنان بلده در که اول الملوك اولان کیومرث بنا ایتشدتر
پس بووجهله دخی بانک حسن موقعی ظاهر اولدی وبلده
مذکور بی زمان خلافت عثمان رضی الله عنه ده اخف بن قیس تمیمی
فتح ایتشدتر که بلخه انکله ضرب مثل اولنور یعنی اول البلادی

حضرت عثمان رضی الله عنه فتح ایلیوب وابتداء نظم قرآنک جمعیه
موفق اولدینی کبی حضرت مولانا دخی ذکر اولنان اول البلادده
حرکت عالمه ظهور ایدوب ابتدا معانی قرآنی بو اسلوب بدیع اورده
سلاک نظمه چکوب یاران روم وغیره اهدا ایتشدتر (لمحرره) زهرنی یوتمه
عالم تلخک * شکرن چینیه بلده تلخک * نی کبی بولدی بلخ ایچنده نما *
صالحی آوازی قوییه ده اما * وبری دخی باری اسمنه اشارتدر که عرشدن
رایه دک جمیع موجودات اول اسمک تعلقدن خلق اولمشدر نیکم
تنزیده کلور (هو الله الخالق الباری) پس باده بوکتابک الفاظ وحرروفی
زبان پارسی اوزرینه خلق اولوب ملکوت معانی اول لباس ایله تلبس
ایتدیکنه اشارت واردر یعنی کتاب مشوی که مغز قرآندر وقرآن غیر
مخلوق در زیر قائم بالنفس اولان کلام قدیمدر ولکن کلام قدیم عالم
جمدن عالم فرقه نزولده نه مقوله لسان ایله کسوه انورسه اول انسانک
الفاظی وحرروفی حادثدر واسم باری تحتیه داخلدر * وبری دخی
بصیر اسمنه اشارتدر نیکم قرآنده کلور (والله بكل شیء بصیر) یعنی
الله تعالینک جمیع مبصراته احاطه علی اعلام اولنق ریا اهلنده تنبیه
وتخویف وخلوص اهلنه الهاب وتهیج قیلند ندر پس بونده بوکتابک
علوم حقدن مستفاد اولوب تربیتی خلوصه مقارن وطلب رضایه
مجاورتنه رمز واردر انکچون الی یوم القیمه علی الدهر اثباتی وعموم
وخصوص اوزره منتفع به دروالاچوقدن نقشی فنا بواور وشمیدی به دک
زائل اولور دی بوسیدندر که مؤلفاتک اکثری زوایاده مهجور
ومستعمل اولنلری دخی قلیل الانتفاعدر * وبری دخی غداء ارواحدر
وبورزق ثانیکنک بسطنه بوکتاب متکفلدر ولکن انتفاعی طهارت ایله
مشروطدر نیکم کلام قدیمده کلور (لا یغسه الا المطهرون) ومطلقا
طهارت سبب وسعت رزقدر نیکم حدیثیه کلور (دم علی الطهارة
یوسع علیک الرزق) پس قرآنه وقرآندن اولان اسرار وحقایقه
دامن آلوده اولنلرک الیری ایرمز واول جمال معانی ذوقیه بی کوزلری
کورمز وبویاده انجاس ارجاس ندر وطمهیری نه وجهله در محالده
کلور ان شاء الله * وبری دخی باقی اسمنه اشارتدر زیرابو علم الدینی سائر علوم
رسمیه کبی فنا بولمز انکچونکه صفت روح وسردر روح وسره

فناطاری اولدینی کبی متحلی اولدقلری علوم شریفه به دخی فناعارض
اولمز وبلکه روح و سر انسانی فی الحقیقه بومقوله علوم عالیہ و ملکات
فاضله الیه انصافه بناء اندراس قبول ایتموب بوجوهر نفیسک
ضیاسی ابدانه دخی ساری اولور انبیا وکل اولیارک جسدلی چوریمز
زیرا موجب تفسیح اولان عفوتدن تاثیر مجاور الیه تفاوت قبول ایتمشدر
وقفادخی وجهک عینی اولمشدر قال تعالی (و یبقی وجه ربک)
الحاصل بوطائفه جلیله سیر واجب اربابی در سیر ممکناتده
قلندر بویه دکلد زرا حادثه مقارن اولان دخی حادثه
شوقدر وارد که علوم ظاهره ده اعمالک ثمراتی اولان ثواب باقیدر
انکچون قیامتده اعراض تجسدایتسه کر کدر * وبری دخی باعث اسمنه
اشارتدر نکم الله تعالی بیورر (ان الله یبعث من فی القبور) جمله ذی
روح نفخ اسرافیل الیه بعد الموت بعث واحیا اولدقلری کبی بوکتابلک
نفحاتی الیه مرده دللر حیات نازه بو اورلر انکچون اولیاء کرام اسرافیل
وقتدر زرا حیاته مستعد اولنلر انلرک انفاستدن بوی حیات الورلر
* وبری دخی بر اسمنه اشارتدر نکم قرآنده کلور (انه هو البر الرحیم) زرا
بوکنابده بو علمه مؤمن اولنلر بر واطف وارد پس بونی مطالعه به
قادر ومذاکره سی مجلسنده حاضر اولنلر لازمدر که بونعمت حاضر به
شکر بسیار ایلوب سبب اولانک روحنی دائما خیر الیه یاد ایده لر
و واسطه به کفران اوزره اولمیلر نکم حدیثده کلور (من لم یشکر الناس
لم یشکر الله) مرویدر که ام المؤمنین عائشه رضی الله عنها نک براءتی
حقنده اون سکر آیت نزول ایدوب صدیقه حضرتلری عنان شکری
جانب حقه اماله قیلدقده پدری صدیق رضی الله عنه رسول الله
صلی الله علیه وسلمدن شکره متعلق حث و تحریض واقع اولدی زرا آیات
مذکوره نک نزولنه وساطتی ومقام جمعه کوره حقیقی معنای مزبوره
موجب تام اولدی وقرآنده بعض آیات مطلقه دخی بوسره ایما
ایدر نکم بیورر (من یطع الرسول فقد اطاع الله) (ان الذین یبایعونک
انما یبایعون الله) پس نظر الیه که رسوله اطاعت ومبایعتی کنندینه
اطاعت ومبایعت قیلدی * وبری دخی حرف (ب) بدایت اشارتدر نکم
مروایتدی ولکن بدایت (شنو که) امر در اشت معنایه انکله واقع

اولدی به بین یعنی کور و یا خود بکوب یعنی سویله دیو بدایت واقع اولدی
زیرا طبعاً سمع بصر دن وبصر دخی کلامدن مقدمدر نکم رحم مادرده
جنینه ابتدا حاصل اولان حس سمع قوتیدر انکچون حامل مطلقه
ویاتوفی عنهای تزوجدن شرعده نهی اولمشدر * زیرا وطی الیه
جنینک حس سمعی زیاده اولوب حرث غیری سقی ایتمک کبی اولور
اندن دنیایه کلد کده حس بصر اندن کلام ظهور بولور پس کلام
مراتب صفاتک آخریدر زرا صفات سبع ترتیب اولوب حیوة
وعلم وارادت وقدرت وسمع وبصر وکلام دنلشدر وکلامکه کمالک
مقلوبیدر اولی کالدرو کمالک آخری کلامدر یعنی تعینات آلهیه نک
اولی هویت ذاتیه و آخری کلامدر نکم تعینات کونیه نک اولی روح
مجمدی و آخری نشاء انسانیه در و بود کر اولنان ترتیب ملکده وجنده
دخی بواسطه اوزرینه در اگر چه ملکک خلقتی انسان تولدی کبی
اطوار مختلفه اوزرینه دکلد انکچون کمالی دفعیدر انسان کبی تدربچی
دکلدر ولکن هر نوعک کندی مقایسه لایق وشائنه مناسب صفاتی
واردر کیفیتده صفات انسانیه کبی دکلد لطیف اولانک حائنه کوره
وکشف اولانک دخی حائنه کوره در الحاصل بشنوا الیه امر ایلدی
زرا سمع صفتی سائر صفاتدن مقدمدر وسالک دخی رحم مادرده
جنین کبییدر زرا ولادت ثانیه اهلیدر انکچون حضرت عیسی
علیه السلام بیورر (ان یلج ملکوت السموات من لم یولد مرتین) پس
سالککه لازم اولدیکه اولاندای حقه وهاتف غیبه طو غری سمع آچه
وبوسمعک حقیقی الیه متحقق اولدقون صکره بصر مرتبه سنده رؤیت
دیدار صاحبی اوله اندن حقله مناجات ومکالمه به استعداد بولوبوسیدندر که
فخر عالم صلی الله علیه وسلم قبل النبوة بر مدت اسرافیل علیه السلام
مقارنت ایلوب بعض امور وعلوم تعلیم ایلردی وفخر عالم اسرافیلک
صوت وحسنی ایشیدردی ولکن شخصی کورمن دی صکره بر مدت
دخی آینه اکوانده نور الهی مشاهده ایلردی صکره وجهه خاص
وعامدن وجهه مستعد و منتهی اولدقده جبرائیل علیه السلام نزول ایلدی
صکره معراج جسمانی دخی واقع اولوب عالم تفریده حقک هم کلامن
ایشندی وهم بی پرده جهان کوردی انکله بیک بر عدد کلام مکالمه

مطلب
فی سر منع الحامل
عن التزوج

ایلدیکه اسماء حسنی نك تفصیلی مرتبه سی ایدی (آمن الرسول) آخرینده دك
و كذلك (هو الذي يصلي عليكم وملائكته) آیتی اول دمه بی واسطه
وحی اولندی ایشته بیخبردن بویه برادر که کل اولیاء امته قالمش وهربری
اندن حظ او فر آلمشدر بالکز سمع مرتبه سی بدایت وسمع ورؤیت
پایه سی توسط وجموعی نهایت اربابنکدر بواج معنائک اجتماعی فرض
مع التعصیب کیدر بالکز سمع اهلی ویا سمع ورؤیت اهلی
من وجهه مرزوق ومن وجهه محرومدر زیر جیع مراتبک غنائمی
احراز اولند قجه وجهه اطوارک حقائق ایله تحقیق بولند قجه ارواح
وقاویه غنائی تام کلزونی کبی فریاد و فغاندن خالی اولمز و معرفه الحال
اولنله نظر ایدوب اغلر کولمز (معنای بیت) بودر که ایشیت نی دن
نیچه شکایت ایلر یعنی شکایت ایلز بلکه جداقلردن حکایت ایلر و عالم
اصلندن دور ووطنندن مهجور اولدیفن هم در داوالره یاوب سوبلر
زیرانی تمثیل طریقه ذکر اولمشدر مراد وجود انسانیدر که ضروری
بو عالم غربته دوشمش ومرتبه احدیتدن تدریجیه نزول ایلش وناچار
ینه وطنه رجوعی لازم کلمشدر عاشق حقانی وعارف ربانی اولنلر کسانانی
ایسه اسان حکایتدر که حضور محبوبه مجرد عرض افتقار و اظهار
عجزدر یوخده اسان شکایت دکادر که سرقدردن غافل و حلیه معرفندن
عاطل اولان جاهل محجوب کسانیدر پس مصراع ثانی اولی بیان
اولور * زیرا بعض شکایت صورتی حکایتیه محجوبدر نتمک بعض اهل
درد سرد ایدوب دیمشدر * حکایت ایلسم بلکه شکایت اکلانور بلم *
نه یوزدن عرض حال ایتمس سکان ای کرم کانی * انکیچون بعض اهل
حقیقت یور مشلردر که تنفیس کربت و تفریح شدت ایچون کشی
احوالنی ابتداء جنسی ایله مذاکره ایتمک شکایتدن عداولمز خصوصاً
درگاه والای کبریایه عرض حال و تضرع وابتهاال اوله نتمک قرآنده
حضرت یعقوب علیه السلامدن بطریق الحکایه کلور (انما شکو بی
وحزنی الی الله) و حضرت ایوب علیه السلامدن دخی ترجمه اولنور
(رب انی مسنی الضر) پس عارف نه شکایت ایدرونه کندی مجانیسی
عارفدن صادر اولان ماجرای شکایتیه حمل ایلر ابتداء علی هذا کوش
جانی کشاده اولنلر نیک فریادی و فغاننی حکایت اولمز اوزره استماع

ایلدیکه وصیت وصداسنی مجرد افسانه دردیملر حقه حق سوبلر یلورلر که
هر موجود السنه حقندن بر لسان وهر صورت بر سر عجیبدن نشاندربوند نصکره
جدایه ایدوب جمع ایراد ایلدی نیک افراد کثیره سی اعتباریله وپردخی
نیستاندن قطع اولند قدن صکره الدن اله کپوب صورتدن صورته
کیردی تا که تعین مخصوصی مرتبه سنه ایدی پس هر تعینده بر نوع
جدالق ویرکونه بحجاب عارض اولدی وپردخی نیستاندن مفارقت
ایده لی بوقدر دملر کذرا بتش ایدیکه هر دمی بر دم وصلت اولمغه
صالح ایدی پس هر دمه کوره بر جدالق حاصل اولدی وکذلك وجود
انسانی دخی هویت ذاتیه مرتبه سندن تنزل ایدوب کندی تعین
مخصوصی آینه سنه جلوه کر اولنجه بوقدر اطوار و منازل دور ایلش وعهد
بعید اولد قجه غربت و دوری دخی کمالن بولمشدر نتمک غربت آشنا اولنله
معلوم فافهم جدا (لحرره) عند ایب دل نیچه فریاد و افغان ایتسون
* چون کل صدر کجان قات قات بحباب التنددر * مزرع وحدتده بتش
دانه ایکن بووجود * شمدی کثرده نهان او اوب تراب التنددر * سؤال
اولنور سه که نیچون فی تمثیله تخصیص اولندی مع هذا موالید اراسنده
تقریب مناسبت ایدوب دیمشدر که مرجان معادک مرتبه نباته افریدر
زیرا نووار درونخل نباتک مرتبه حیوانه افریدر زیراکله سی قطع
اولنسه خشک اولور و تلقیح اولنسه باردار اولمز واسب حیوانک مرتبه
انسانه افریدر زیرا شعور صاحبیدر وزیر کدر خصوصاً که انسان
کبی رؤیا اهلیدر پس فی که نبات جنسندندر انساندن بعیددر * جواب
بودر که ابتدای مخلوقات قلمدر نتمک حد یشده کلور (اول ما خلق الله
القلم) قلم ایسه بونشانه کوره بحسب الغالب قامشدن اولور قلم ایله
بوقدر نقوش حروف وصور کلمات ظاهر اولدیغی کبی اول مخلوق
و ابتدای مصنوع اولان قلمک بوزندن دخی بوقدر ارواح واجسام
طیات آباد نابوددن صحرای وجوده قدم باصدی نتمک حد یشده کلور
(انا من الله والمؤمنون من نوری) الله تعالی حقیقت محمدیه نورینه
تجلی ایتدکده قلم کبی ایکی شق اولدی بوجهندن دخی قلم اطلاق
اولندی وپردخی قلم ایله صاحب قلم مراد اولنور صاحب سیفه سیف

دینلدیکی کبی نیکم خالد بن ولید رضی الله عنه سیف الله المسلول دیو
ملقب اولمشدر و بوقلم کرچه حقیقت محمدیه دن عبارتدر ولکن جله
حقایق کونیه نك اول حقیقتدن حصه سی واردر آدم علیه السلامک
ترابندن اولادینک بهره سی اولدیغی کبی انکچون قرآنده کلامور
(هو الذی خلقکم من طین) پس قلم ایلله مطلق وجود انسانی
ارادته وجه بودر و بوطریق ایلله دن انسانی انتقال اولمشدر الحاصل
نی مطلقا رجعی خطابنه لایق اولان عشاقه مثال اولوب نزول و عروج
میائنده اولان احوالی بیانه اشارتدر * زیرا هم قیائند ندر وهم فریاد
حزین ایتمه ده اهل فراق ایلله مشترک و حالت اربابی کبی نی زن النده
بی اختیار در بوندن غیری کلام تحلات قیائندن اولدیغی
اصحاب ذوقه بدیدر * بعد ذل حضرت مولانا قدس سره نی دن
استماع ایلله امر ایلدی و بواصر ندب ایچوندر و استماع اول وقتده
مندوب اولور که مستمع اولان کسینه به محبت حق و شوق مطابق غالب
اوله انکچون دیمشدر که آلات مطربه نك حرمتی عینیه دکدر
حرمت خروژنا کبی بلکه حرمت غیرییه در پس لهو و لعب طریقله
استعمال اولنسه حرام و الا مباح اولور بو نك شرحی بودر که انسانی
بش مرتبه واردر بری طبیعت و بری نفس و بری قلب و بری روح
و بری سر در پس اول میل طبیعی که طبیعتک صوت حسنی استماع
و مطالعه سندن تولد ایدر اکا شهوت دیرلر و اول میل نفسانی که
نفسک نغمات و الحانی استماع و مطالعه سندن تولد ایدر اکا هوا دیرلر
و بو ابکیسی یعنی میل طبیعی و نفسانی حرامدر زیرا شیطانیدر انکچون
بو مرتبه لده اولان سماعه مطلقا رخصت یوقدر خصوصاکه
طائفه شبانک سماعه زیرا سماع بونلرک وجودلنده غالب اولان
صفات ذمیمه بی تحریک ایدر شهوت و هوا کبی پس شول کیمسه نك که
باطنی کدورت شهوت و هوای ایلله متکدر و ظلمات صفات ذمیمه ایلله
مظلم اولوب سماعه غرض فاسدی اوله اکا سماع حرام اولور انشاء
زمانه نك اکثری کبی و اول میل قلبی که قلبک سماع حالنده نور افعال
حق مطالعه سندن تولد ایدر اکا عشق دیرلر و اول میل روحانی که
روحک عند السماع نور صفات حق مطالعه سی سیمبله تولد ایدر

اکا محبت و حضور و سکون دیرلر و اول میل سرکه سرک وقت السماع
نور ذات حقی مشاهده سی و ساططیله تولد ایدر اکا انس دیرلر
و بو اوچی یعنی میل قلبی و میل روحانی و میل سری حلالدر زیرا
رحمانیدر انکچون بو مرتبه لک اربابنه سماعه اذن ویرلشدن زیرا
سماع بونلرک باطنلنده غالب اولان صفات حمیده بی تحریک ایدر
بوسببندر که صورت حسنه نك نظر ده تأثیری اولدیغی کبی نغمه
لذیذ نك دخی نفسده تأثیری واردر بناء علی هذا مجالس ذکر ده
ذا کرلره و قواللره قصائد و آلهیات و بعض محركات قراءته رخصت
ویرلشدن الحاصل حضرت مولانا نك بشنو دیوامری ارباب قلب و روح
وسره کوره در که بونلر و بونلرک مجلسلری و حرکتلری و سماعلری
حقانیدر اهل طبیعت و نفسیه کوره دکدر که بونلرک جمیع احوالی
شیطانیدر زیرا بونلرک آلات و وسائطه بند اولوب نظرلری مظهره
مقصوددر فاما حقانی اولنلر قیوددن خلاص اولوب سر مطلقه
ناظر اولمشدر و هر آوازی حقدن استماعله سائرلر دن امتیاز عظیم
بولمشدر حکایت اولنور که خیر نساج قدس سره یه برکسه ملاقی
اولوب سن بنم قولسن دیدی خیر دخی اولوقته فلک سمعده دوار
اولغله مظهره نظر ایتوب بو خطابی حقدن استماع ایدوب نعم دیدی
و نیجه مدت اول کسینه نك خدمتده اولدی و مخالفت کوسستمی
تاصکره سن بنم مملوکم دکل سن دیواندن و یروب اطلاق ایلدی و ارباب
مکاشفه دن بری دخی حرم کعبه ده برامامه اقتدا ایدوب امامک
قراءتتی رسول الله صلی الله علیه و سلمک لسانتدن استماع
ایلدی پس بومقوله سماع اهلنیه تقلید جائز دکدر زیرا بونلرک
سماعلری غلبه حالده در و حکم غالبکدر و مولانا حضرتلری
دخی بوقیلمندن انکچون اسرار نیه استطلاع ایچون استماع ایلله امر
ایلر غیر یلره بویابی فتح ایتمه ده مفاسد چوقدر اگرچه که مفاسد اهللی
دخی محل عبرت اولغله انکار اولنلر نیکم شیخ ابومدین مغربی قدس
سره بیورر * لاتنکر الباطل فی طوره * فانه بعض ظهوراته * و بوندن
فهم اولنور که وجودده باطل مطلق دیدکاری عدمدر فافهم جدا
شکاده کاور که خواجکان نقشبندییه قدس الله اسرارهم دن بری بیورمشلر که

زمان جوانیده بر کجی داعیه فساد ابله خانه بیرون اولمش ایدم
و قریه مزده غایت شیر و بد نفس بر عسس و اراید یکله اول خباثتده
کیمه اولقی معلوم دکل ایدی و جلله قریه اهالیسی اندن ترسناک ایدی
شب مذکوره کورده که اول عسس بر کین کاهده طور مش و رصد
طریقله او طور مش آتی کورد کده خوفدن اول فسادی ترک ایتدم و بلمده که
بد نفس او لنر دخی بو کار خانه ده کار دن خالی دکلر در * چون بعض
ظهورات حق آمد باطل * پس منکر باطل نشود جز جاهل * در کل
وجود هر که جز حق یبند * باشد ز حقیقه الحقایق غافل *

❖ کز نیستان نامر ایدیده اند ❖

❖ وز نفیرم مر دوزن نالیده اند ❖

که بنی قامشلقدن کسدکارندن بری بنم فریاد و فغانندن ارو عورت ایکلمش
و آواز حزینم تأثیرندن اضطرابه دوشمشلردر نیستاندن مر ادوجود
انسانینک وطن اصلی و مبدأ اولی اولان مرتبه احدیت در که اکا
هویت ذاتیه و تعین اول دخی دیرل ذات بحت دیمز لر زیر ذات بحت
لاتعین عالمیدر که ذکر اولنان مرتبه نک فوقنده در اکا عالم غیب
مطلق دخی درل مر دوزندن مر ادعالم ارواح و اجسام و عالم طبیعیات
و عنصریات و عالم علویات و سفلیات و عالم قلوب و نفوس در که کی
حقایق فاعله و کی حقایق قابله در و وجود انسانی ذکر اولنان
مرتبه احدیتندن نیستاندن فی کسلور کی بونشاء انسانید پایه سنه
نزولده علویات و سفلیات مرور و هر برینک تعینی ابله ظهور ایلوب
عالم اصلدن افتراقدن ناشی فی کبی فریاد کنان اولد قده ذکر اولنان
عالم بونک ناله و آهندن متأراولمشلر و ضرب زخمه نوحه سندن تأثیر
عظیم بولشلردر بیریده اند دیدی جمع ایراد ایلدی نیک کثرت افرادی
اعتباریله و با قاطع قطعده من اوله یه منوط اولان اعضا سی حسیه له
و یا خود صورت مخصوصه سنه دخول اید نیجه برقاج الدن کجیه سی
سببیه و یا خود قطع اولنه لیدن بری مر و رابدن از منیه کوره در و گاه
اولور که فاعلی تعظیم ایچون دخی جمع ایراد ایدر لر نشکم قرآنده
جعلت و جعلنا و خلقت و خلقنا و نظار می مفرد و جمع ایراد اولندی
ولکن بو کلام ارباب ظواهره کوره در فاما اهل حقیقت قشده نکته
بودر که نون متکلم کثرت اسماء و صفات حسیه له در زیر اقدرت مقدوره

تعلقی مقارنت و توجهات اسماء الله در ادنی مرتبه ده ذاته ارادت
و قول صفیلری منضم اولمشدر نشکم تنز یلده کلور (انما امره اذا اراد
شیئاً ان یقول له کن فیکون) پس افراد صیغه مثلاً جعلت کی بالکثر ذات
و جمعی ذات مع الصفات اعتباریله در انسان دخی عالم اصلدن
کسب کده تجلیات اسماء و صفاته مقارن اولمغله اکا اشارت ایدوب
بیریده اند دیدی و بو اجمال معلوم اولد یسه بو مقامده نیستاندن
و قصیده برده ابتداسنده (امنی تذکر جبران بنی سلیم) مقاله سنده
واقع اولان ذی سلیم و سائر نظارینی بالکثر عالم ارواحه و یا فوقنده اولان
براز خدن برینه قصر ایتنه نک قصوری ظاهر اولدی تحقیق مقام بودر که
عالم اصل تعین الهینک اولندر تعین کونینک دکل یعنی تعین ایکیدر
بری تعین الهیدر که اولی هویت ذاتیه و ذات احدیه و آخری کلام در و بری
تعین کونیدر که اولی حقیقت محمدیه و آخری نشاء انسانیه در و کله شهادت
ایکی مرتبه بی جا معدر که بری مرتبه لاتعین و بری دخی مرتبه
تعیندر اگر چه حقیقتده الله تعالی تعین و لاتعیندن منزهدر زیر
بو عبارتلر ذات حق تقیددن خالی دکلدر و لکن تفهیم مراتب ایچون
اطلاق ایدر لر اعتبار مراتب ایه ضروریدر انکچون دیمشلر (اولاً
الاعتبارات لبطالت الحقایق) پس لا اله الا الله کله سنده مندرج اولان
نفی لاتعین عالمنه اشارتدر که عالم غیب هویت حقدن ذات بحت عالمیدر
و عالم عماد دخی دیرل زرا بو عالم اگر عقل و اگر کشف حوصله سنه
کجایش مرتبه سندن دور بر عالم در که ککل انسان بونده و رطه
حیره دوشمشلردر و بو عالم جمیع تعیناتک بالقوه مبدأیدر زیر بو عالمده
تعینات و اعتبارات یوقدر و بو عالم جانب ازله طوغری اول مراتب غیبدر که
غیب حقیقی و اطلاقیدر و کله مذکوره مخنوی اولدیغی اثبات عالم تعینه
اشارتدر که اول منازل شهادت هویت حقدن و بو عالم بالفعل مبدأ تعیناتدر
نقطه دید کلری عالم بودر و مرتبه احدیت دخی دیرل تعین الهینک
اولی بو عالم در که ذکر اولنان لاتعین عالمینک ظلیدر و بو مرتبه ده شئونات
ذاتیه غیبیه اعتبار اولنور که صفات الله بوشئونانک مظاهریدر و اسماء الله
دخی بو صفات واحدیه و اعیان ثابته دخی اسماء الهیه نک و صور علمیه دخی
اعیان ثابته نک و صور مجرد دخی صور علمیه نک و صور مثالیله دخی
صور مجرد نک و صور حسیه دخی صور مثالیله نک مظاهر و محالی

و آینه سیدر پس بوجوهی مرتبه احدیته انتهاء اولجه بری برینه
نسبتله مظاهر وظلالا تدریعنی ماتحتنده اولان مرتبه مافوقنده اوله نک
مظهري وظلیدر زرا ابدالک آینه سیدر و متاخر متقدمه مستنددر
بوسیدندر که ابوالبشر آدم علیه السلام شان ذاتیسی منکشف اولدقه
طریق ادبه سلوک ایدوب (ربنا ظلمنا انفسنا) دیدی یعنی ظلی کندی
نفسنه اسناد ایلدی ابلیس علیه اللعنه ایسه بومعنادن محجوب اولوب
(فما اغویتنی) دیدی یعنی اغوایی الله تعالی به نسبت ابتدی مع هذا الله
تعالی علمده ثابت اولمین نسبه بی عین ده اظهار ایتمز الحاصل انسان
بو عالم ناسوته تدریج و ترتیب ایلله تنزل ایلدی تنکیم قرانده کلور (ثم ردناه
اسفل سافین) و عالم امر و خلقدن حصه مند اولدی تنکیم الله
تعالی پرور (الاله الخلق والامر) و خلقک اول مرتبه سنه عقل کل
و عقل اول و قلم اعلی و آدم حقیقی دخی دیرلر و اول مرتبه دن عالم
انسانه دکنازل قر و مفاصل بدین و حروف تهجی عددنجه بکرمی
سکر مندر که بوجه ده طبیعیات و عنصریات و موالیید داخلدر
و باعتبار ایلله دخی اوتوز بش طبقه اولوب ظهور و بطون اعتبار ایلله
یتش و یتشک هر بری بیک عدد اسم الهی ایلله دار اولدیغی جهتندن
یتش بیک اولور یتش بیک حجاب دید کلری بودر تنکیم حدیثده کلور
(ان لله سبعین الف حجاب من نور وظلمة) بونور و ظلمتدن مراد عالم
ارواح و اجسام و بونلرک تفصیل و جزئیاتیدر و دخی نیجه اموردر که
افشاسی حرا مدر بونلرک حجاب اولمسی عبده نسبتله در زرا الله تعالی
کندی صفاتله مخجبدر امر خارجی ایلله محجوب دکلدر صفاتی ایسه
کننده حجاب دکلدر فافهم جدا و باعتبار ایلله دخی اوچبوز التمش بیک
عالمدر که کمی ظلمانی و کمی نورانیدر و بوجه سی سیرانیدر یعنی کمل
انسان بو عوالمک جمله سنی سیر ایدوب ترقی ایلرلر و سیر ممکناتدن سیر واجب
سمته طوغری کیدر لر زرا بوجه تعینات و ظهورات باعتبارله ماسوی الله
و اغیاردر اگرچه که غیریت و ضدیت فی الحقیقه ایکی متعین ارا سنده در
بوخسه تعین ایلله متعین ارا سنده دکلدر مثلاً بر کیمسه اوصاف متباینه ایلله
موصوفدر لکن اول اوصافک تباین و تضادی بری برینه کوره در قیام
و قعود کی موصوفه کوره دکلدر و الاموصوف اول اوصافله متصف

اولزدی دیمش لردر که وجود ایدر بری وجود ظاهر که بو کتابک حروف
عالیاتی شئونات غیبه و کلمات ناماتی اعیان ثابته علیه و آیات معالیاتی
حقایق ارواحیه و مثالیه و سورکاملاتی صور حسیه و عینیه در حروف
تهجی شان غیبده اولان وجود مرتبه سیدر که بسطیدر یعنی ماتحتنه
نسبتله و الانقطه یه کوره حرف دخی مر که در زیر نیجه جزء لاینجری به
منقسمدر و ابجده وار نیجه اولان حروف مر که وجود علی مرتبه سیدر
و ابجد عالم ارواحده اولان وجود مرتبه سیدر و سائر مر که کلمات عالم
اجسامده اولان وجود مرتبه سیدر صبیان عالم ذاته قریب اولمغله
ابتداء بساطت حروفدن بدأ ایدر لر و کعبه دخی ذات احدیت صورتی
ارمغله حجاج مخیط کیمه دن منع اولندیلر زرا مخیط ده ترکیب زیاده در
بالکرنسج کی دکلدر پس هر کسک حقه تقریبی تجرد و بساطته
کوره اولور و بردخی وجود حقیقیدر که بو کتابک حروف مجرد سی اسماء
ذاتیه احدیه و کلماتی اسماء صفاتیه احدیه و آیاتی اسماء افعالیه و احدیه
و صوری اسماء آثاریه مظهریه در و وجود انسانی بونششیه منتهی
اولجه مرور ابتدکی اطوارک خصایصیه متصف و احکامیه منصف
المشدر مثلاً روحانیه قدم بصدقده روحانیات و طبیعیات و عنصریات دن
دخی برر کیفیت اخذ ایتشدر پس بو قدر غواشی ایلله تلبس ایدوب
بو عالم کلش و بود کلوز منازل چنبرندن کجوب انسان رتبه سن بولمشدر
ولیکن اوچبوز التمش بیک عالم قسطا رندن کری فلان اسب لشکک
حالی نوله جقدر و بو قدر بیک یلاق مسافه و طنندن دور اولان غریب
اصلنه نیجه و اصل اوله جقدر مکر توفیق باری باری اولوب سمند همته بنه
و کلدیکی بوله ینه دونه و مرتبه احدیته ابر نیجه مرور ابتدکی اطوارک
امانانی نأدیه ایدوب عقد ابتدکی خواص و احکامی تحلیل ایلله به تنکیم
قرانده کلور (ان الله يأمرکم ان تؤدوا الامانات الی اهلها) ایشته
سالمکه فاء کلی بو عروجه واقع اولوب (الله احد) سری ظاهر
اولور و خلوت مع الله بولور که طریقت خلوتیه مرتبه سیدر نیجه لر بو عروجک
غایتنده و قوف اختیار ایتش لردر عین العارفین ابو یزید بسطامی کی
و نیجه لر دخی نزول اختیار ایدوب فتادن بقایه رد اوامشدر در تا که بقیه
وجود و ارایسه تکمیل و ارباب استعدا دی ارشاد ایدره لر بونلره

قطب ارشاد درل که عین البقین مرتبه سیدر بعضری قطب الاقطاب
دخی اولورل بومر تبه ده (الله الصمد) سری ظهور ایدر و عروجده
تحلیل اوائان امورک جله سی حقانی وجه اوزرینه تقیید اولور طریقت
جلوتیه مرتبه سیدر جمیله و بو مقامه مناسب مشال خارجی وارد یعنی
خوابدن ابتناه اول امرده ابتناه قلب کبیر اندن وضویه حرکت
ایتمک توبه و انابتیه اندن تکبیره اولی توجه الهی به اشارتدر وقت
انتباهدن بومحله کلنجه عالم ملکدن عبور و عالم ملکوته دخول کبیر
اندن رکوعه انتقال عالم جبروته نبی اوزه اندن سجده به انتقال عالم
لاهوته و صوله اشارتدر که سالك بومقامده فناء کلی بولوب وطن
اصلیه وصول حاصل اولور سجده دن قیام حالت بقایه اشارتدر زیرا
کرویه رجوعدر پس صورت نزولده عروج و صورت عروجده نزول بواندی
ورکوع مقامی قاب قوسیندر که مقام صفا تدر یعنی ذات واحدیه
مقامیدر و سجده مقام اودنی در یعنی ذات احدیه مقامیدر و حرکات
ست یعنی قیامدن رکوعه حرکت و اندن قومه به و اندن سجده اولیه
و اندن جلوسه به و اندن سجده ثانییه و اندن قیامه حرکت ایتمک الله
تعالی نک سموات و ارضی الی کونده خلق ایتدیکنه اشارتدر یعنی خلق
البته حرکات صلوة کی حرکات صفاته موقوفدر پس نمازک برر که تی
ساو ک اول و آخرینی مشتمل اولدی و تقدیر صور و حقایق دینویه
و اخرویه و علمیه و عینیه و کونیه و الهیه وار ایسه انده اندراج بولدی
و چون بوقدر بریدی ایستدک و بوجام تحریردن نوش ایتدکسه بلدک که
مرتبه احدیتک مانحتی وطن اصلی اولغه صالح دکلدر زیرا کیمی حجاب
ظلمانی و کیمی دخی بحجاب نورانیدر که سالک جله سنی قطع ایتمک لازمدر
اگرچه که بعدالوصول تعین اولدن دخی فناء کر کدر پس بوصول
وفنا حاصل اولد فیه اکمل استعداد ایله مستعد اولدره غنا کلن
وسیل کی دریاه و اصل اولد قبحه پست و بلند اولمقدن خالی اولمز لربناء
علی هذا مرتبه عشقه قائلر اضطرابدن خالی دکلدر زیرا ربانکیه
حجابدن خالی اولد مشلدر اصل بودر که مقام عشق مقام صفاتدر که
مقام قاب قوسیندر و مقام فناء و بقا مقام ذات در که مقام اودنی در
و بومقامه مقام محبوبیت دیرلر که جمیع مقاماتک فوقنده در انکیچون

رسول الله صلی الله علیه و سلمه حبیب الله دینلشد در بوسیدندر که الله تعالی به
محب دینلور تنکم قرانده کلور (یحیی و یحیونه) عاشق دینلر زیرا عشقه
اضطراب و افراط وارد در صفات الله ایسه اعتدال تام اوزرینه در
فاما اولکه سلیمان چلبی مولانده کلور * کل حبیب سکعاشق اولمشم *
بوعباره مشکله به محوادر زیرا اول وقتده فخر عالم صلی الله علیه و سلم
مقام قاب قوسیندن مقام اودنی به ترقی و عروجده ایدی چون اول
حرکت تمام اولوب وحدت صرف مقامده قدم بصدی سکون حاصل
اولدی و (کنت کنزاً مخفیاً فاحییت ان اعرف) سری ظهور بولدی
یعنی موطن ناسوت و ته نزوله کوره معرفت محبتک غایتی ایدی و چون
عروج بولدی محبت معرفتک غایتی اولدی الحاصل عاشق هنوز
غربتده در اگرچه ایراقدن اکا وطن کورنمشدر و اصل اولدم دیو
دعوی ایده نک حالی رایحه خردن مست اولوب بن خردن مست
اولدم دیه نک حالی کبیر زیرا علم واصل اولدی یعنی یره هنوز عین
و اصل اولد مشدر قچن قدم و علم متوافق و سلو کده بری برینه متلاحق
اوله (ما زاغ البصر وما طغی) سری ظهور ایدر اضطراب
و التهاب بالکلیه کیدر تنکم آنشده هیزم بقیه سی اولد قبحه علو انداز
اولمقدن خالی اولمز چون بالکلیه سوزان اوله و اول دخی تدر یحیله
سوینب اثری نابود اولور * سؤال اولور سه که نیجه اهل وصول اوللردن
حرارت و حرکات صورتی ظاهر اولمشدر پس نیجه بالکلیه فناء تام
بولمش اولورل * جواب بودر که اهل وصوله اهل فراقک میانده
فاروق وارد زیرا اهل فراقک آه و ناله سی وطنه اشنیاقدن و اهل
وصول فریاد و نوحه سی هیبت حقدن و هر ایشده بر حکمت بدیهه
مطالع و بر سر عجیب مکاشفه سینددر تنکم اکمل الموجودات علیه
السلامه اصحاب کشف حقنده خطاب الهی وارد اولدیکه (اواطلعت
علیهم لولیت منهم فرارا و لم ائت منهم رعباً) بوخود معلومدر که
افراد امتدن نیجه لراصحاب کشفه مطالع اولوب ذکر اولشان رعبی
استشعار ایتمشلدر و طریقۀ فراره کتمشدر در پس فخر عالم صلی الله
علیه و سلمه بومعنائک حصول امتک مطالع اولد یعنی امور خفیه
سبیلده در پس حرقت اهل وصول تلذذ و حرقت اهل فراق تألم

طریقیه در مع هذا حجاب امکانکه رتبه مظهر در وجود انساندن
غیر مفار قدر والا امکان وجوبه و ممکن واجبه منقلب اولی لازم کلور
بواسته محالدر پس فی الجمله اضطراب انسان اکلمده دخی متصوردر
اضطراب دریا کبی ولیکن دریانک تموجی سیلک حالی کبی دکا در
میانده فرق عظیم وار در واما اولکه مولانا جامی کلماتده کلور * محنت
قرب ز بعدا فروخت * چکر از محنت قریم خونت * هست در قرب
همدیم زوال * نیست در بعد جز امید وصال * بومعنی اهل تلونک قرب
وبعدنه کوره در که رد و قبول اراستنده مترددل در والایلی دائمه مظهر
اولان اهل تمکینه حجاب امکاندن غیری حجاب یوقدر اول دخی حجاب رفیق
واطیفدر جهره آفتابه حائل صورتنده اولان ابر سفید نازک کبی بوسیدنددر که
شوقلندن فریاد ایدرل وهر لحظه اول جنبش حسیه شهودده
ترقیدن خالی اولزلر نتکم قرآنده کلور (وقل رب زدنی علما)
ز براسیرالی الله نهایت یوقدر بومقامدندر که مولانا حضرتلری
بیورر * ای برادر بی نهایت در کهیست * هر کجا که میرسی بالله مییست *
بناء علی هذا کل اولیا بوموطنندن انتقاللرنده برقات دخی ترقی ایدرل
وحشمرده ومقام کشیده والی ابد الابد تجلیات عظیمه الیه شرفیاب
اولزلر ترقی اولمق دنیاده اعمی اولنلره کوره در نتکم تنزیده کلور
(ومن کان فی هذه اعمی فهو فی الآخرة اعمی) والابصیر اولنلر
هر حالده ترقیده وهر ترقیده بر درلو قریده وهر قریده بر کونه وصولده
وهر وصولده بر نوع حصولده درل و فہیم کلماتده کلور که * بنه فرقتده در
عاشق اولور سه یارلہ بک تن * فلک بیهوده قیسی وادی ہجرانہ
صلمشدر * فرقت دیدیکی حجاب امکانی در که ذکر اولندی یکتن دید یکی
مبالغه طریقیه در مقصود کمال وصولده حاصل اولان اتفاق واتحادی
بیاندر ولیکن قائل الیہ مقول اراستنده بون بعید واردر ز رارمیه من غیر
رام قبیلندندر بعدذا مولانا استعدادی اولنلر حقندہ بی صور اسرافیلہ
بکرہ در که صوتی حیات تازہ بخشدر صور سبب جنبش اهل قبور
اولدیغی کبی نی دخی باعث نشاط دل اهل حضور در بوندن فہیم
اولنور که سکون حالی عالم علم حالنہ بکرز کہ کیچہ آنک مظهر بدر
وحرکت حالی عالم عین حالنہ بکرز کہ کونز آنک مظهر بدر یعنی

عالم ذاتک حکمی سکون وسکوت وعالم صفاتک مقتضای حرکت
وتکلمدر پس نفس انسانی صور حروف وکلمات وکلامک هیولاسی
اولوب کلمات لفظیہ بونفس اوزرنہ واقع اولان تعینات اولدیغی
کبی نفس روحانی دخی عالم روحانی وجسمانیک هیولاسی اولوب
کلمات وجودیہ بونفس اوزرنہ واقع اولان تعیناتدر و بونفسک ظہوریلہ
عالم ذاتدن عالم صفاتہ تجلی واقع اولوب اگر ارواح واکر اجسام
عالم حرکتہ خروج ایشلدر و بوجہ حرکت الی یوم القیام قوت بولمده در
غایتی کالاول سکوندر نتکم قرب احتضارده کہ وقت انحلالدر
اضطراب بدن پیدا اولوب بالآخرہ شرارہ جنبش بالکلیہ منطقی اولور
واثر حیات فنا بولور مقامات فی ده ابتداسی راست وانتھاسی سماعی
اولق بوسرہ اشارتدر و بورادہ دخی اسرار واردر کہ عہد مأخوذ
افشاسنہ مانعدر هر کس جہد ایدوب ذوقلہ بولق کرکدر و بودخی
معلومک اولہ کہ بوجودک نزول وعروجی دوریدر یعنی استطالات
ویاماورایہ رجوع اوزرنہ دکلدر بلکه جانب ازادہ مرتبہ احدیتدن
طورا بعد طور نزول ایدوب جانب ابدہ عالم کشیدہ طوغری کیدر کہ
اول عالمده ازل وابد سری مجتمع اولوب حلقہ کبی دور تمام اولور
وبو معنا دندر کہ موتد نصکرہ اولان عالم مثال منامده اولان عالم
مثالک غیریدر زیرا عالم منامده اولان مثال ارواح واجسام میانده
برزخدر بعد الموت اولان مثال ایسہ بین الدنیا والآخرہ برزخدر
وبو ذکر اولنان معنای دوری وجودک ظاہرینہ کوره در والاشہود
حسبیلہ اولان حال بالادہ مفصلہ مرور ایلدی پس حرم حضرتہ
دخول ایتک دیلینلر بوجہلہ دور ایدرلر و دورلری تمام اولوب سکونہ ایدرلر
(المحرره) دمیدر حقیقا اولوب خاموش * کندیکی بوقفسدن
آزاد ایت * نیچہ بوشکایت ہجران * نیچہ برنی مثال فریاد ایت *
نیچہ بر جنبش ای کو کل نیچہ بر * بوقیدر بر قراری بودورک * دور
اصوانده بر قرارہ ایرش * نی جانک آل النندن جورک *

سینه خواہم شرحہ شرحہ از فراق *

تاب کویم شرح درد اشتیاق *

بوکلام نیک مقولاتندندر * سینه لغت عربیہ صدر دید کلریدر کہ

قلبك ظرفيدروكا، اولور كه ذكر محل و اراده حال طريقه صدر دن
 قلب مراد ايدر ل قلبك ايكي جاني وار در بري عالم غيبدر كه عالم
 قدسه مقابلدر اكا فؤاد ديرل علوم انبيا و اوليا بوحانبدن منحدر اولور
 انكچون طيب و صافي وجهت وحدت و اتفاق اوزر بنه در و بر جاني
 دخی عالم شهادتدر كه عالم دنسه مقابلدر اكا صدر ديرل علوم شعرا
 و خطبا بوجانبدن سنوح ايدر انكچون مشوب و متكدر وجهت
 كثرت و اختلاف اوزر بنه در * شرحه * قطعه لخم معناسنه در شرحه
 شرحه پاره پاره ديمكدر و شرحه بي سينه به نسبت ابتداي زيرا عشاق
 اراسنده داغ ياقق وآه چككمك سينه به مخصوص صدر و شرحه ايله
 شری جمع ايمده ده لطافت واردر شرح كشف و بيان معناسنه
 و فراق ايله اشتياقي ذكر ايمده ده دخی مناسب و واردر زيرا اشتياق
 آرزو مند اولمده ديرل بر نسته به آرزو ايسه فراقدن ناشيدر و حديث
 قدسيده كلور (الاطال شوق الابرار الى لقاء وانا اليهم لاشد شوقا)
 يعني ابرارك شوقى لقادن اول اولان حاندر لقاده شوق محبته مبدل
 اولور كه مقربيك صفتيدر و مقربين ابرارك فوقنده در جهت فوق
 بودر كه ابرارده بقيه وجود واردر اول بقيه سبيله در كه شوق
 و حنيندن خالى دكلر در مقربين ده ايسه بو معنى مفقود در زيرا جميع
 برازخ وجوددن عبور ايدوب عين مجرد مرتبه سنه واصل اولمشر در
 و حديث مذكوره حقه مضاف اولان شوق مشاكله به محمولدر كه
 بيت سابقه نظيرى مرور ابتداي و مبل صفاتي قبيلىدن اولق دخی
 وجهدر و بعضلر ديمشر در كه شوق ايله اشتياقك مياننده فرق واردر
 شوق اولدر كه رؤيت ايله ساكن اولور اشتياق ايسه لقائله زياده لك
 بولور يعني اشتياق اودر كه عاشق معشوقه وصولي حالنده باطنى
 معشوق جانبته منجذب اوله يا زياده لذاته نيل و يادوام لذات ايچون
 زيرا انسان بر مراده واصل اولمغله بالكلية رجا كسلز اول سببندكه
 مقصود اولان ياكز اول مطلبك وجودى دكلدر بلكه دواى
 و يا كيفيتك زياده لكى دخی مطلوبدر مثلا سلطنت و يا وزرات و يا غيرى
 جاهك مطلوب اولان نيجه مدت دواميدر يوخسه بر ساعت حصولي
 دكلدر پس بوقوله كوره وصال حالنده نوعا فراق بولمشر اولور

(معناي بيت) بودر كه زخم فراق وآلام هجرانندن پاره پاره و دلك دلك
 اولمش و هوای عشق و شوقله طولمش بر سينه و بر دل ديلر مكه درد
 اشتياقك شرحنى اكا سويليم و حسب حالى اكا افاده ايليم زيرا بنم
 دردمى بيلن و شرحه قولاق طوتان حقيقته بويله بر سينه و بويله
 بر دل اهايه در غير يلا جانب مقوله سديدر نتكم محمديه ده دخی كلور
 * كوكل بر سينه استر كم فراق اودينه يانمشدر * كه شرحه شرحه
 اولمشدر يانوب درد دلارادن * كه تاشرح فراق ايدم بيان اشتياق
 ايدم * كه وصف احتراق ايدم دكلسه سنك خارادن * و بونده اشارت
 واردر ككه هم درد اولميانه حسب حال سويلك عبت و افشاء
 راز ايتك حرام در نتكم كال مجدى كلاتنده كلور * باناصح بي درد
 نكوييم غم خویش * بيهوده سخن محرم آزاراز نباشد * و ويسى
 منشى نظمنده دخی كلور * صاقن داغ غمك آچمه اكا كيم حالكي
 بيلز * بو برورد نهالى در درر هر رده آچلمز * الحاصل آشنا حالى
 بيكانه به ياتمق بوق و عاشق ايله زاهد اراسنده فرق چوقدر و بومعنادندر كه
 بر سك بر منكر دن يكدر رتكم مولانا جامى ديواننده كلور
 * اكر باي سكي مى بوسم اى زاهد مزن طعنه * كه من روزى بكوى
 آشنای دیده ام اورا * پس آشنالر قپوسنه ملازمت ايدن سك ايسه ده
 محرم راز و محل تعظيم اولدى بوسيدندر كه سك اصحاب كهف رتبه انسانى
 بولدى و اول قپودن دورا وائلر انسان ايسه ده شيطان كپي خورونى اعتبار
 قالدی * باي سك اولدى محل بوسه * يوريدى كوى آشنابه چن * لاجرم
 اولدى سزاوارتقو * ياردن جانب اغياره چن * بعد ذابيت مشوى
 رمز ايدر كه انسان بو عالمه كلنجه مرور ايلديكي اطوار اهلى ايله ايتديكي
 صحبت صورى ايدى زيرا آنك سريله آشنا بوغيدى و بو عالمه تنزلده
 دخی كندى مجانسی اوللرك اكثرى بيكانه لك مرتبه سنده قالدی پس
 عاشق اولديغى جهتمدن كندى كپي بر درد آشنا طلب ايلديكه انكله
 همز افواوله و صحنيله درد ينه تسلى بوله نتكم اشاغيده مفصلا كلسه
 كر كدر ان شاء الله تعالى

* هر كسى كودور ماند از اصل خویش *

* باز جوید روز كار و صل خویش *

(المحرمه)
 او بوسم باي كلى ياك كل طعننى
 كه به يار كلى كو نين كورمى كورمى

بویات دخی مقولات نیدند و جله معترضه اولق دخی بعید دکادر
اصلدن مراد نیه کوره نیستان و انسانی کوره مرتبه احدیتدر * روزگار *
زمان معناسنه در زمان عند العرب لیل و نهاردن عبارتدر که فلک اطلسک
حرکتیه متعین و شمس و قمرک وجودی اوزرینه دأردر حقیقت زمان
آن غیر منقسمدر که جمیع ازمنه و ادواره ساریدر انکچون آن ایله دقایق
و دقایق ایله درجات و درجات ایله ساعات و ساعات ایله ایام تقدیر اوانور
پس آن منبسط اولسه یوم و یوم دخی منبسط اولسه اسبوع و اسبوع
دخی منبسط اولسه شهر و شهر دخی منبسط اولسه سنه و سنه دخی
منبسط اولسه دهر و دور دینور فاما اولکه تنز یلده کاور (کل یوم
هوفی شأن) بو یوم ایله مراد آن الهیدر که بسیط مریدر نتکم
بر محله دخی کاور (وما امرنا الا واحده کلمع بالبصر) و بو آن
حقیقته نفس رحمانی اولغله سب دهر دن نهی اولمشدر نتکم حریده
کاور (لاتسبوا الدهر فان الدهر هو الله) بیت مذکورده روزگار ایله
مراد لایل و لانیهار عالمده اولان آن وصلدر و یا تشبیه محمولدر و یا خود
ذکر محمل و اراده حال طریقله اولان آن غیر منقسمده اولان حال
شریف و عالیدر (معنای بیت) بودر که هر بر کس که کشیدی اصلندن
دور و مهجور قالدی و غربت و فرقت آشنا اولدی کر و کند ینک زمان
وصلنی و صفاء حالی طلب ایلر و یکن دملری خاطر ندن چقارمز ز را
اصلنه میل طبیعی اوزرینه مجبولدر اطفالک ابوینیه میل انجذابی کبی
خصوصا که قریب العهد اوله یعنی میل اینک آنک شاننددر مکر که
احوال عارضه حسبیله نسیمان غلبه ایدوب ند کر نه میل بولنجه شقاوت ذاتیه
اربابی کبی نتکم قرآنده کاور (نسوا الله فتنسبهم) و بو مقام اوج وجه
اوزره مقصوددر اولکسی بودر که بعض کمال واردر که وجود لرنده
احکام وجوب و قدم احکام امکان و حدوث اوزرینه غالب و راجحدر
ویوندن ماعدا اسباب عارضه و احوال مانعه دن دخی مصون
و محفوظلدر پس بو مقوله لر رجوع اختیاری اوزرینه مقطور اولوب
بول قریب ایکن وطنه دونمشلدر هم مرزوق البدایه وهم مرزوق
النهایه دراکرچه که زیاده نادر ایدسه ده سهل بن عبدالله التستری
و عبد القادر الکیلانی و محیی الدین العربی قدس الله اسرارهم و انبیاء عظام

علیهم السلام دخی بوقیلنددر خصوصاً بوصفک اکلی و بوزمره مک
افضلی خواجه عالم و دیباجه نسخه وجود بنی آدم صلی الله علیه وسلم
انکچون اوتوز اوج دفعه معراج روحانی و بر کره معراج جسمانی واقع
اولوب مستوای عرشه دک جسدله و اندن عالم ترکیب و تدبیردن مفارقت
ایدوب اسراء بسیط ایله هویت ذاتیه مرتبه سنه دک ترقی بولمش
و مقدور بشرک غایتنه وصول ایله جله دن سرافراز اولمشدر و بوطائفه
ازلا و ابدا حضور اهلیدر زیر اقرار کاهلری مقام قلب در قلب ایسه
جنت عاجله در جنتده ایسه ذکر بوقدر زیر ذکر طرد الغفله معناسنه در
و بومعنی ایسه غفلتی موجبدر پس غفلت اولمین برده طرد اولمز و طرد
اولمین برده دخی ذکر اولا مالز بلکه حضور محض اولور فافهم جدا
محکیدر که شیخ علی بن سهل اصفهانی به روز بلی خاطر کده میدر
دیوسؤال ایشلر جوابنده نیجه خاطر مرده اولیه کویا دونکی کون
ایندی دیمش ولکن شیخ الاسلام خواجه عبدالله الانصاری قدس سره
بیور مشلر که بوسوزده نقصان واردر زیرا صوفی ایچون ماضی و مستقبل
بوقدر اول گونه هنوز شب کلمشدر و صوفی همان اول کونده
حاضر در * ایکنجی وجه بودر که بعض نفوس فاضله واردر که کرچه
نشأرنده احکام وجوب احکام امکان اوزرینه غالبدر ولکن ذاتلرنده
مستجن اولان کمالاتک ظهوری کسب و تعلمه موقوفدر علاج وجودده
کدایام و لبالی ایدر که بعد زمان مقصوده واصل اولور بونلر محروم
البدایه و مرزوق النهایه در فضیل عیاض و مالک دینار و ابراهیم ادهم
کبی قدس الله اسرارهم و بوطائفه (فاولئک یدل الله سبائهم حسنات)
دأره سنده در طائفه مقدمه نک احوالی ایسه محض حسنا در * اوچنجی
وجه بودر که نفوس ضایعه به احکام امکان و کثرت غلبه کلیه ایله غلبه
ایدوب ارجعی خطابندن محروم اولمشلر و جانب وجوب و حدنه بول
بولامیوب برزخ وجودده قالمشلر در بونلر نس بیان کل اهلیدر و بونلر
حقنه قرآنده کاور (ومن کان فی هذه اعمی فهو فی الآخرة اعمی)
* بعد ذاققه رجوع ایدن نفوس مطمئنه دخی ارشاد یوزندن اوج
وجه اوزرینه در * بری بودر که حقدن بلا واسطه اخذ ایدوب تربیه
بولمشلدر و کسک صحبت روحانیه و یا جسمانیه سنه محتاج اولما مشلدر بونلر

اویسی مشربلردر که کبریت اجر مقوله سیدرو بو مقامه اشارت ایدوب
خواجه عالم صلی الله علیه وسلم بیورر (ان الله ادینی فاحسن تأدیی)
وبر حدیثه دخی کلور (کنت یتیمافی الصغر و غریبافی الکبر) وبری دخی
بالواسطه صحبت روحانیه ابله اخذ ایتشلدردر بونلر اشراقی مشربلردر که
نادر در زیر تلطیف روح واستعداد قوی به محتاجدر وبری دخی
بالواسطه صحبت جسمانیه ابله اخذ ایتشلدردر که بونلر کثرت اوزرینه در
نتکم حضرت ولانا قدس سره شمس تبریزی دام شمس صحبتته داخل
و شیخ کبیر یعنی صدرالدین الفتوی شرح الله صدره معتقدیه شیخ اکبر
قدس سره الاظهر مجلسنه واصل اولوب تربیه لولمشلدردر وعلی هذا
اکثراهل سالوک بودارده در زیر صحبت جسمانیه بوزندن استفاده
آساندر وائله که بی صحبت و مجاهده فتح و مکاشفه حاصل اولمشدر
وبونلر اکثری حاللین هضم ایده میوب شربت جنون اچمشلر
ودیوانه لک زنجیره کچمشلدردر پس هر حالده حقندن بابالذات ویا بالواسطه
نایبند و عیبت لازمدر والا غایتی یا الحاد و زندقه و یا جنوندر
(لحرره) رهزن سالک حقدر زنهار * همدم اهل فنون اوله صاقن
* داخل صحبت عاقل اوله کور * سلسله بند جنون اوله صاقن

* من بهر جمعیتی نالان شدم *

* جفت بد حالان و خوش حالان شدم *

مصراع ثانی اولی بیاندر * جفت ضمه اش یعنی مقارن بد حالدن مراد
اهل شهوت وهوی * و خوش حالدن مراد اهل زهد و تقوی در بد حال
تقدیم اولندی کثرته بناء نتکم قرآنده کلور (فانکم کافر و منکم مؤمن)
(معنای بیت) بودر که هر جمعیتده اکلیمی یعنی ارباب شهوت وهوی
و اصحاب زهد و تقوی مجلسلرنده فریاد و فغان قلیجی اولدم دیمکدر
وبو بیت مابعدنه مرهوندر سر نعیم اشغده کلور معلوم اولاکه مرتبه
احدیتدن آخر مراتب وجود کانه تنزل رجائی اعتباریه طور الهیدر
وبومرتبه ده ظاهر اولان کاله کمال انسانی دیرلر و کذلک ترقی انسانی
اعتباریه طور انسانیدر و بومرتبه ده ظاهر اولان کاله کمال الهی دیرلر
پس سر انسانی بطریق التعقید نزولده نیچه خوش حال و بد حاله مقارن
اولمش و بطریق التحلیل عروجنده نیچه بد حال و خوش حال ابله

صحبت قلمشدر که مرور ایلدیکی اطوار و منازلدر چونکه بوناله
حقیقته عروج واصله رجوع خانه کوره در لاجرم بد حال خوش حال
اوزرینه تقدیم اولندی زیرا بواسطه اوزره بد حالدن حجاب ظلمانی
اولان تعینات و خوش حالدن مراد حجاب نورانی اولان تجلیاتدر
حجاب ظلمانی ایسه حجاب نورانیدن مقدس مدبر تکیم نزول حالده کوره
عکس اوزره در (سؤال اولنورسه که ذکر اولئان حجب مختلفیه بد حال
و خوش حال اطلاقنه سبب ندر) (جواب بودر که تعینات جسمانیه نک
بد حال اولدیغی ظلمت کثافتی اعتباریه و تعینات روحانیه نک خوش
حال اولدیغی نورانیت و لطافت حسیه در اگر چکه فی الحقیقه
بد حال و خوش حال اولمق بوظلمات و نور اعتباریه انسانک کندی
صفیدر فافهم هذا الوجه العمیق والسر السدقیق ومن الله التوفیق
(لحرره) چونکه شد بفرقت یاران مادر زاد من * چون نباشد
نی بشان افتان من فریاد من *

* هر کسی از ظن خود شد یار من *

* از درون من نجات اسرار من *

یعنی نالان اولدیغیم جمعیتلرده موجود اولان اجناس مختلفه و اصناف
متوعه دن هر بر کس کندی ظن فاسدی و قیاس کاسدی بوزندن
بکایار اولدی یعنی کیمی بنم فریادی مجازیه حمل ایدوب شهوت وهوی
ابله بکافولاق طوتدی و کیمی دخی بنم حالمی مجرد ظاهرده اولان صیت
و صدایه قیاس ایدوب کسه بنم دروئندن اسرار می طلب و صوتندن
سرمه و صورت حالدن حقیقته انتقال ایتدی زیرا ظاهر بین ایدی
و اسرار باطنیه و قوفه استعدادی یوغیدی تکیم بهض کلماتده کلور
* قوری افسانه صانور صوفی صدای نایی * نیله سالک ایدی
کوره سک مولانانی * الحاصل بد حال اولنلره شهوت وهوالری
حجاب و خوش حال اولنلره زهد و تقوالری نقاب اولوب حقیقت
حالی مشاهده دن محروم اولدیلر و فهم ایتدکاری کی قیاس ایدوب
برده پندارده قالدیلر * پس بونده اشارت واردر که سر انسانی نزول
و عروجنده مرور ایلدیکی اجسام ظلمانیه و نورانیه دن بریله حقیقت
اوزره صحبت ایتدی زیرا هیچ بومرتبه اهل انکله همراز اولمسه

مستعد دکل ایدی اگر چکه هر موجود علوی اولسون سفلی اولسون
انسانی کندی تعینی لباسنده کوروب کندی مرتبه سنده واقف اولی
ظن ایلدی و کندی برابری صاندی (و هیئات ابن اثیر من بد المتناول)
و حدیث قد سیده کلور (سر الانسان سری و سری سره) یعنی
انسانک سری بنم سرمک ظاهری و صور تیدر و بنم سرم انسانک
سرنک باطنی و حقیقتیدر و بو سر انسان حقیقت انسانیه دن عبارت
دیر که حقیقت الهیه صورتی اوزره ظاهر اولشدر تکم حدیده کلور
(خلق الله آدم علی صورته) و بو حقیقتدر که مرتبه غیبی دن مرتبه
شهادته تنزل ایتد کده الله تعالی اکمال و جلالیه تجلی ایلوب جانب
شرقیستنده نور جلالی و جانب غربیستنده ظلمت جلالی ایداع ایدوب
ملکی قبضه جلالک سادنی و شیطانی قبضه جلالک خادمی قلدی
ملکی و جنی ایسه بو جمعیت اوزره ایتدی زیرا ملک بالکر جمال و جن
بالکر جلال اوزرینه مخلوقدر و سائر موجود داتده اولان کالات فاعله
کلیوب قوه ده قالدی اگر چکه هر ذره آفتابک نورنی مشتمل و هر قطره
دریانک سرنی محتویدر و مولا ناجای کلما تنیده کلور * ملانک راجه
سوداز حسن طاعت * چو فیض عشق بر آدم فروریخت * انسان
بو جمعیت عظمی ایله دائر و بو سر الهی ایله ظاهر اولوب صورت تنزله
ترقی بولدی انکچون کفار جهالت آشنا انبیاء عظام علیهم السلامک
بشریتله تعینلرینه نظر ایدوب اول صورتیه معنای نبوتی منافی
صاندیلر و تنور قیاسه دوشوب آتش جهالتیه یاندیلر بوسیدندر که
کشی حتی ملک آسان انسانی ملک مشکدر انکچون انسان اکل هم معلوم
و هم مجهولدر زیرا عالم غیبیه مستقردر شویله که اندن اثرنا پیدا و عین
خبرنا بوددر ولیکن کندی عینی آینه سنده تجلیات آلهیه ادراک
اولنق حسیله مشاهده اولندی ظن اولنور و کندویه مضاف اولان
صورت یوزندن آثار مختلفه حس اولنق سببیه اول صورت انک عینیدر
ظن اولنوب باندی قیاس اولنور حقیقتیه ایسه عینی و ذاتی ایله
عالم غیبیه محتجبدر پس آتی عالم کوندن اولان نیجه ادراک ایدرو نیجه
تعین ایدوب اودر دیه بلور و چون انسان ناقص انسان کاملی
معرفندن و حقیقتی اوزرینه ادراکدن عاجز او ایچق سائر تعینات

اهلی آتی نیجه ادراک ایده یلور * الحاصل مجرد صورته اشتراک
و تعینده وفاق موجب معرفت دکلدر زیرا نظر عالم صفتیه در که آخرت
انک مظهریدر عالم صورته دکلدر که دنیا انک مظهریدر تکم
بعض اشعار ده کلور * آن سیاهی کز پی ناموس حق ناقوس زد *
در عرب بواللیل بود اندر قیامت بوالنهار * پس انسانک وجودی
متشابهاتدن اولدی فی کبی یعنی چون فی بد حاله مقارن بد کوریندی
و مجرد مجاز اولنق قیاس اولندی مع هذا اول بدک نیلک دکل بلکه
سامعکدر پس فی فریادنده صادق و بد حال استماعنده کاذب اولدی
بو صورته فی صدق سببیه نجات بولوب سامع بد حال ایسه کذب
یوزندن هلاک اولدی و چون سامع فی کبی خوش اوله ایکیسی بله مقبول
اولور تکم بوقدر شیعه و روافض و امامیه حضرت امیر المؤمنین
علی کرم الله وجهه فی کندوز عملری اوزره امام و دوست و محرم راز
اتخاذ ایتدیلر علی ایسه فی نفس الامر بونلرک ظنون فاعده سی مرتبه سندن
برتردر * بعدا بیت مشویده انسان کاملک تلویق مقبوله رهن واردر
زیرا تلویق ایکیدر بری تلویق اهل حجابدر که مر دوددر * و بری دخی
تلویق اهل مکاشفه در که مقبولدر و بو کا تلویق حقیقی و نفاق اکبردیر
منافق شرعی جهنمک در که سفلا سنده اولدیغی کبی منافق حقیقی
دخی جتنک درجه علیا سنده در یعنی منافق شرعی اول ماسوی
پرسته دیرلر که بر یوز بله ایمان و بر یوز بله کفر اظهار ایلر * و منافق
حقیقی اول حق پرسته دیرلر که اسمایه هر یوز دن تجلی ایلیه
و باطنی جمیع صورتن معری و قیود دن مبری اوله بعض ثقاتدن
مسموعدر که تلویق حقیقی اهلندن بری وفات ایتد کده یتیم ایکی فرقه نک
هر برندن آدم حاضر اولوب یزدندر یزدن ایده رز دیو ادعا ایتمشلر
مع هذا بر فرقه دن دکل ایدی * و محکیم مولانا قدس سره نک مجلسنه
بعض رهبان کلوب مولانایه تعظیما دوتا اولوب انحنای کوسسترلر مولانا
دخی بونلره قیام ایدوب تواضع قیلورلر سری بودر که رهبان مظاهر
جلالنددر که جمال آنلرده مرتبه باطنیه قلمشدر و مولانا مظاهر
جمالنددر که جلال آنلرده مستور اولشدر یعنی اول جلال که
قهره متعلقدر اندن اهل اللهده بالفعل اثر یوقدر زیرا ریاضت و مجاهده

ایله ناری نوره تبسیدیل ایتمشدر قهرایسه نار مقوله سندندر انکیچون
مغضوب علیه اولنلر نازله معذب اولورلر پس قهره متعلق اولان
مرتبه انلرده بالقوه اثری ناپیدا دریس مولانا نیک رهبانیه سرفرو
قلدییغی حقیقده انلرک باطنلرلنده مستور اولان جمال بالقوه به
کوره در ظاهر لنده بالفعل اولان جلالت دکلدر اگرچکه بحسب الظاهر
بو قیلدن ظن اولنور و رهبانیک مولانایه منحنی اولدیغی حقیقته
مولانا نیک باطننده مستور اولان جلال بالقوه به کوره در ظاهر نده بالفعل
اولان جماله کوره دکلدر اگرچکه بحسب الصورة بو بایدن قیاس
اولنور پس بونلردن هربری کندی نفسنده متحقق اولدیغی حقیقت
جالیله و جلالیه به سرفرو قلش اولدی انسان ایسه کندی حقیقته
مستور در فافهم فانه من مزالق الاقدام حتی لا یلزم الکفر بعد الاسلام *
و بو ذکر اولنسان جمال و جلال الی یوم القیام انسان ارا سنده دأردر
ابوالبشر آدم علیه السلام جمال ظاهری هایلده و جلال باطنی
قایلده ظهور ایلدی و حضرت نوح علیه السلام اوغلی کنعان
دخی قایل قیلندن اولدی و حکایه ده کلور که شمس تبریزی قدس سره
وقعه سنده اولاد مولانادن بری مخالفین طرفنده بو لغله وفات
ایتد کده مولانا آنک جنازه سنده حاضر اولوب بزدن دکلدر دیدی
یعنی بزم جمال ظاهری من مرتبه سیله متحقق دکل بلکه جلال
باطنیز مظهر بدر دیمک اولور و چونکه ظاهرا و باطنا موافقت بولمادی
لیس من قیلندن اولدی پس سعی ایدوب میراث پدری احراز ایتدیک
کر کدر انکیچون میراث زکریا و یه ده کلور (فیهبلی من لدنک و لیا برثنی
و یرث من آل یعقوب) (لحرره) کوردی فرزندنی چومولانا * مظهر
رتبه جلال اولمش * دیدی بزدن دکلدر بو ولد * بونی رد ایلدیک
جلال اولمش *

* سرمن از ناله من دور نیست *

* لیک چشم و کوش را آن نور نیست *

* نیست * مر کدر برجزنی فی در بوق و دکل معنایه و برجزنی ده است
در که لسان فارسیده را بطه و و بو اسانده رابطه حذف اولنر
مکر تکرار لازم کلد انکیچون بعض قرائنده ماقبلنده ذکر ایله اکتفاء

حذف اولنور یعنی بنم سرم بنم ناله و فریاد مدن دور و جدا دکلدر
زیرا هر صوت بر سرله دائر و هر ظاهر بر حقیقت ایله قائمدر انکیچون
الله تعالی به قیوم دینلدی و لیکن چشم ظاهری و کوش صوری ایچون
اول نوری ادراک یوقدر زیر احواس ظاهره ایله ادراک اولنسان یا جسم
و یا جسمایندر یعنی جسم ایله قائم اولان نسبه در روح و سر دکلدر که
بونلر بصیرت ایله ادراک اولنورلر پس ظاهرین اولان آدم بوسری
نیجه ادراک ایله مکر که قوای حسیه سی بالکلیه منقطع اوله انکیچون احوال
آخرت احتضار حالنده منکشف اولور زیرا اول وقتده حس دن اثر قائلز
و بو مقامه مناسبدر که مشوی ده کلور * بنه این کوش سر کوش سرست
* تاباشد این کر آن باطن کرست * یعنی باطن قولاغنک انکشافی ظاهر قولاغنک
انسدادنه موقوفدر انکیچون فرآنده کلور (صم بکم عمی) یعنی منافق
حقدن اصم و ابکم و اعمی اولدقلری کی راه حقده صادقدر دخی جمیع
ماسوی دن حواسی سدا یتشدر شوبله که وجود یادن فناء کلی کلوب
بو فناء تام ایچنده جمال حقیقی مشاهده ایتشدر پس انسانده حواس
حقیقیه کر کدر که انکله حتی ادراک ایله و کمال حجبی کلماتنده کلور
* مکر اصحاب دل رفتند شهر عشق شد خالی * جهان پر شمس تبریزست
مردی کو چومولانا * یعنی شمس ینه شمسدر و لیکن خفاش اولنلر آتی کور منزل
پس شمس کورمکه مولانا دیده سی کی بریده و نایی استماعه آنک کوشی
کی بر کوش لازمدر مع هدا صدای نایه مخصوص دکلدر بلکه وجود
ظلی اطلاق اولنسان کونیاتک جمله سی صدا حکمنده نکیم شیخ عراقی
کلماتنده کلور * همه عالم صدای نغمه اوست * که شنید این چنین
صدای دراز * یعنی جمیع کائنات نفس رحماننده صادر اولمش
تجلیاتدر بو خود معلومدر که اشیا مظاهر اسماءدر شوبله که هر وجود
راسمله قائمدر صوت نفس ایله قائم اولدیغی کی پس جمیع اشیا صدا کی
اولوب و اول صدا دخی عکس نفس رحماننده وجود بولوب
بر سر بایک ایله قائم اولیجی خصوص اوزرینه فی که هم وجودی صدا حکمنده
و هم صدای متحقق ایله متصفدر نیجه بر سر احدی و بر نور صدای ایله قائم
اولیه فافهم فانه لیس وراء عبادان قریه * لحرره * صدای نغمه فی دن
بلندی سر وجود * بلی بو آینه دن عکس ایدر جمال شهود *

تن زجان و جان زتن مستور نیست
ایک کس را دید جان دستور نیست

* دستور * فتح دال ایل اذن و اجازت معناسند در لسان فارسیده تن و عربیده بدن ایکسی بر معنایه در که کوده در اطراف یعنی باش وال وایق انک مسماستدن خارجدر و لکن گاه اولور که ذکر جزء و اراده کل طریقله ذکر اولنوب شخصک کنندنی مراد ایدرلر بو مقامده اولدیغی کبی * جان * روح حیوانیدر که روان یعنی روح سلطانی که اثری و ظلیدر بوراده جان ایل مراد رواندر معلوم اول که روح ایکیدر اولیکسی سلطانیدر که عالم امر دندر اکا روح مفارق دخی دیرلر ز پرا حیات حالنده بدنه تعلق تدبیر و تصرفله متعلق اولوب ممان حالنده مفارقت ایدر و روح اضافی دخی دیرلر (و نفخت فیه من روحی) کلامنده اولان اضافتدن اخذ اولمشدر و بورو روح سلطانی بدنک خرایله خراب اولمز و لکن اعضا و قوای بدنه اولان تصرفی قنابلور و بونک محل تعینی قلب صنوبر بدر و قلب دخی روح کبی من وجه عالم ملکوتدندر و بورو روح سلطانی که انسانک ملکوتیدر قبضه حقه در نیکم آخر پس ده کلور (فسبحان الذی بیده ملکوت کل شیء) و چون بورو روح ملکوتی (الله یتوفی الانفس حین موتها) موجبجه قابض ارواحک یدقدر تبیلله مقبوض اوله تصرفدن معزول اولور انکیچون بدنه اختلال کلوب انحلال ایله نظامی بوز یلور کرک بدن عالم صغیر اولسون و کرک بدن عالم کبیر اولسون نیکم حدیثده بطریق الاشارة کلور (لاتقوم الساعة و فی الارض من یقول الله الله) ای ملازم الذکر لا الذکر فی الجملة فافهم جدا و ایکنجیسی روح حیوانیدر که عالم خلقندرو اکا قلب و عقل و نفس دخی دیرلر اعضاء بدنک جمله سنه ساریدر جرک فحه و دهنک سمسمه سریانی کبی و لکن اقوای مظاهر بدندر انکیچون حکما قتده روح حیوانی دمدن عبارتدیرلر برادمه ضعف و فساد طاری اولسه هلاک حاصل اولور و بورو وحک محل تعینی دماندر برکیمسه نک کله سی قطع اولنسه و یادماغنه اختلال کلی کله هلاکنه و یا جنونه سبب اولور اگر چکه یورکک و جرکک اختلالی ایله دخی فساد بدن حاصل اولور اصلی بودر که عرق دماغ قلبه متصل و نوری اکا منعکسدر انکیچون عقل باشددر دیرلر مع هذا قلب ایله دخی ادراک

مطلب فی بیان
الروح

اولنور یعنی عقل و قلبک ادراکنه آت و واسطه در زیر ارازنده اتصال وارددر و بورو روح حیوانی روح سلطانیست بوهیکل محسوسه تعلقندن صکره حادث اولمشدر آت انواری انعکاستندندر و جمع افعال و حرکاتک مبدئدر زیرا حیوة صفتی حی اولانده مستور و مغیبر آثاری ایله معلوم اولور حس و حرکت و ارادت و امثالی کبی اگر بورو روح اولسه انساندن آثار مختلفه صادر اولمزدی زیرا روح سلطانی ذات و بورو روح صفات منزله سنده در انکیچون طشاش دیوار اولمز دیرلر افعال آلهیه ذات و صفتک اجتماعنه مبتنی اولدیغی کبی افعال انسانیه دخی بویکی روحک از دوا جنه موقوفدر و تقدیر صفات کالیه آلهیه و ارایسه بو افعال و آثارک وجودندن مقدم غیب ذات احدیه ده باطن اولدیغی کبی روح حیوانی دخی روح سلطانیست بدنه تعلقندن اول آنک باطننده مسجن و بالقره ایدی تعلق مذکورده ظاهر و بالفعل اولدی و لکن روح سلطانی حاله انسللا خنده و منامده و مومنده بدندن مفارقت ایلر اگر چکه فنا بولمز فاما روح حیوانی بالکرموت حالنده مفارقت ایلر و فنا بولور اول وقتده روحک تعینی جسد صورتده اولور بعد ذاتن و جان اصاده احدی الذاتدر یعنی عالم امره کوره بکپاره جوهردر اگر چکه عالم خاقه کورد مفترق اولمشدر در نیکم شیخ اکبر قدس سره الاظهر برقصیده عنواننده اشارت ایدوب بیورلر * شعر * انا من امره روح و جسم * و بونلرک عالم صورنده بری برلرندن بحسب المراتب و التجلیات افتراق و تمایزلی عالم معنی ده اتصال و اتحاد لیه منافی دکلر زرا عالم خالق عالم فریق و عالم امر عالم جمعه در تحقیق بو در که روح کندی جوهری و تجردی و عالم ارواح مجرددن اولدیغی حسیه بدنه مغایر و اکا تعلق تدبیر و تصرف ایله متعلقدر و بذاته قائمدر دوام و بقاستنده بدنه محتاج دکلر لکن عالم شهادته کوره بدن آنک صورتی و کالات و قوا سنک مظهری اولمغله روح بدنه محتاجدر و انندن منفک دکلدر و مطلقک مقیده سریانی کبی ساریدر سریان حلولی و جواری کبی دکلدر نیکم حیوان ناطق معناسی جمیع افراد انسانیه ده ظهور ایتشددر مع هذا حلول و سریان بوقدر بومقام من الق اقدامدندر مکاشفیه محتاجدر پس بوندن فهم اولندیکه

تن و جان میانده من کل الوجوه مغایرت یوقدر بلکه بری برلینک من وجه
عینی ومن وجه غیریدر بیت مشنوده نابی تنه و آوازی یوزندن ظاهر
اولان سری جانه تشبیه واردر روح حیوانی روح سلطانی به بدن
دخی روح حیوانیه آینه واقع اوایوب میانده یعنی بین الظاهر والمظهر
حائل اولدیغی کبی نای یله سری اراستنده دخی حجاب یوقدر و روح سلطانی
و روح حیوانی دخی بدن توسط یله محسوس و مشاهد اولدیغی کبی سر نای
دخی آوازی توسط یله مدرک و مرئیدر (معنای بیت) بودر که فجن جانندن
وجان دخی تنندن مستور و مخفی دکلدر زیراتنی جانک نقابی و مظهریدر
آینه به نقابی پرده اولدیغی کبی جانه دخی پرده دکلدر و لکن کسه ایچون
جانی کور مکه که اجازت یوقدر زیراجان لطیفه و لطیفه حواس ظاهره
ایله رؤیت تعلق اتمز نتکم تنز یلده کلور (لاتدر که الابصار و هویدرک
الابصار و هو اللطیف الخیر) پس رؤیت لازم کسه رتبه مظهردن
بالواسطه کور یاور که اول رتبه ظاهرک نقابیدر الحاصل رؤیت وراء
نقابیدر رؤیت چهره آفتاب وراء غیم رقیقندن اولدیغی کبی و حدیثده
کلور (ولیس بین القوم و بین ان یظروا الی ربهم الارداء الکبریا)
بورده کبریا لله مراد ذکر اولنان رتبه مظهردر اگر بورده ارادن زائل
اواسه نور محض قالور نور محضه ایسه رؤیت تعلق اتمز نتکم فخر
عالم صلی الله علیه وسلمدن ربکی کوردکی دیوسه و آل اولند قده جوابنده
(نورانی اراه) بیور دبلری یعنی نوردر نیجه کوره یم دیمکدر مع هذا الیله
معراجده علی التحقیق رؤیت حاصل اولمشدر پس اول نفی بواباتی منافی
اولدی زیر رتبه مظهر اراستندن مدرک و نور مجرد اولدیغی جهتمندن
غیر مدرکدر و اولکه حدیثده کلور (ان من العلم کهیئة المکنون لا یعلمه
الا العلماء بالله) یعنی معرفت جز بیاتده و علم کلیاتده مستعمل اولوب
عرفت الله دیمک صحیح و علمت الله دیمک جائز اولیجق حدیثده اولان
عبارت نیجه بر اشور حواشی حسنینده جوابنده بالمجاز الام معنایستدر
صله علم دکلدر لا یعلم الا العلماء المخلصون له دیمکدر دیمش و لکن
بو توجیهدن ضرورتیست مظهردن عدول واردر حیثیت قیدی اعتبار
اولیجق غبار قالمز یعنی علم باللهدن مقصود الله تعالی بی علم و مشاهده
طریقله احاطه دکلدر بلکه کندی ایله خالق اراستنده ارتباط و عالمک

اندن استثناسی حیثیتندن بقدر الطاقه البشریه علم دیمکدر پس با اصل
اوزرینه اولدور یومعنا به شهادت ایدر اول قول که اعلم البشر صلی الله
علیه وسلم بیور مشدر (ما عرفناک حق معرفتک) ای ما عرفناک حق
معرفتک بحسبک و لکن عرفناک حق معرفتک بحسبنا فافهم جدا
فقد اغناک الاصباح عن المصباح بعد ذایت مشنوده ایکی اشارت واردر
اولکیسی بودر که رؤیت جانه مستور اولسه مرئی اولق شانندن
زیر مخلوق در مخلوق ایسه نقدر لطیف اولسه ادراکی ممتنع دکلدر
ادراک اولتمق ضمه ف ترکیبندر والا الله تعالی انسانی رؤیت اوزرینه
اقدار ایسه بصردخی بصیرت قدر ادراک ایلردی انکیچون آخرنده
ترکیب آخر اوزرینه اوایوب خالقده بله رؤیت تعلق ایسه کرکدر زیر
زیرا دنیاده ارواح اجسام صفیله ظاهر اولمشدر آخرته ایسه عکس
اوزینه در انکیچون دیمشدر در که آخرت دنیاک قلبیدر پس اورا ده
قاب قلب اولسه کرکدر فافهم جدا ایکیجیسی بودر که جان تن تعینله
منعین اولمشدر انکیچون بدنندن مفارقتند نصکره بدن صورتیله تشکل
ایدر ارواحک حین ملاقاتده تعارف لرینه سبب بودر و الا بری برلن فرق ایتیمک
لازم کلوردی و روح حده بو صورت بدن قبل التعلق بالقوه ایدی صکره
حادث اولدی پس جان تن صورتیله تصور ایتکیله تنی رؤیت جانی
رؤیتک عینی اولدی نتکم اونی مشاهده ذی اونی مشاهده نک کندیدر
تن ایسه جانک اونی ورنکیدر و بو مقامک اسرارندن در که دیمشدر در
* رق الزجاج و رقت الحمر * فنشا بهما و نشا کل الامر * فکانتا خیر
ولا قدح * فکانتا قدح و لا خیر * و ابویزید بسط می قدس سره بیوردر که
قرق سنه در که بن حقه مکالمه ایدر و حقه دن استماع ایلرم بو خود
معلو مدر که مکالمه و استماع علری ظاهرده خلقله و خلقندندر فاما
حقیقه حقه و حقه ندر اگر چکه ظاهر بین اولنلر کنسیرلی کبی حقه دن
غائب و خلقله حاضر قیاس ایدر لر زیر محجو بلردر نتکم خواجه حافظ
کلماتده دخی کلور * معشوق عیسان میکدر بر تو ولیکن * اغیار همی
بیندازان بسته نقابست * و شیخ فضلی مقالاستده دخی کلور
شهود ایلردی آناری اولوا الا بصار اولنلر هب * ولی اغیار منع ایلر
ایدوب غیرت جلال هو * جمال شاهد مقصوده پرده در بو بدن

کورر اوجانی بدن پرده سن یاقوب کل ایدن * اگر چه جلوه یاره
نقا بدر نازی * ولی نیساز یوزندن کورر آنی لوکندن = اریدن (لعل)

* آتش است این بانک نای و نیست باد *

* هر که این آتش ندارد نیست باد *

* نیست باد * نجیس تاهدر وایکجی نیستند ادات خبر معتبر
دکدر بلکه نیستک مجموعی بوق دیمکدر زیر اداء علیه در اولکی
ایسه اخبار در بوراده دعا ذمه ویا تعجب محمولد قاتلهم الله کبی مع هذا
اکل انساندن مأذون اولدقلری مواد ده دعا علیه دخی صادر او اور
نتکم فخر عالم صلی الله علیه وسلمدن دفعا تله صادر اولمشدر (اللهم اشد
وطأتک علی مضروا جعلها سنین کنی یوسف) و (اللهم سلط علیه کلبا
من کلابک) و نظایری کبی ولکن بیت مشویده نیست باد که حسن
موقعی وارد در سری اشغه ده کلور (معنای بیت) بودر که آتشدر
بوصدای نای وبل دکدر یعنی بل ایسه ده آتش کبی درون عاشقده
تأثیری واردر که محرق و ماسوی سوزدر پس آتش است لفظی تشبیه
بلیغ قبیلندن اولمش اولور زید اسد کبی ویا خود عین آتشدر بو آواز
نای اگر چه که صورتا نفخدن حاصل و متوالد اولوب بل تعینی ایله متعین
اولمش و صوت صورتی بولمشدر نتکم دم شهید قبا متده لون دم ایله
تلون ایدوب ولکن اندن رایحه مسک استشمام اولسه کدر پس
دم مذکور عند الله مسک اولسه اول رایحه اندن فایح اولمز دی
و بو معنائک شریعتده نظاری چوقدر سری ارباب حقیقته روشندر
هرککه بو آتشی طوتمیه یوغ اولسون یعنی بوله اولان مذمومدر ویا محل
تعجدر ویا یوغ اولسون دیمکه لایقدر زرا فطرت اصلیه سندن مائل
واعتدال طبعی سندن فخر فاولمشدر بو آتشی طوتمیه دیمک ایکی معنی طور
بری بو که آنک قلبنده نای آتش کبی آتش و حرارت بو قدر دیمکدر وبری
دخی آتش نای دن متأز اولیه دیمکدر زیرا فبنده آتش مذکور اولماغه آتش
نیدن متأز اولمق لازم کلور پس معنای اولدن بطریق الکنایه معنای نانی
لازم کلور و بونده اشارت واردر که اول آتشدن متأز اولمغه یوقلق
دید کبری صفت کر کدر زیر یاش اغاج یاغدیغی کبی و اراق اهلی دخی
یانوب دوغزنتکم قبورده اولان اجساد ارا حله اشتعاله متهی اولمده فحه

نفخ صور اولمز و اولسه دخی جهاده تأثیر ایتزور حم مادرده اولان جنین دخی
بونک نظیری در و کذلک شریعت و طریقت جسد کیدر قبل الاستکمال
جسد نفخ روح اولمده یغی کبی شریعت و طریقت مرتبه لری دخی سالکک
وجود نده کمال بولسه روح معرفت و حقیقت اکافخ اولمز پس بر کاله
طالب اولان کسینه اول کاله اسبابی یوزندن متهی اولمق کر کدر
و بو مقامک لطافتند ندر در که سیواسی کلماتده کلور * استزسک بنی سن
اولدور و رین کنیدی بنی * سکا هر کیم برامز سه بکا دخی برامز *
بنلکدن مراد وجود و پندار واضافه کونیه در که برامز نسنه در
مقابلی تواضع و فسادر دیمشدر که سسالککه قرب درگاه یوقلغی
مقدار یدر پس بومعنادن حظ اوفی کر کدر و مولانا جامی کلماتده کلور
* چه شودای شیخ هر ساعت فزودن خرمن طاعت * چونتوانی
که یک جواز وجود خویشتن گاهی * ویت مشویده اشارت واردر که
استماع نایه تأثر قلبی و انفعال روحانی و انجذاب سری لازمدر والا
استماعی حرام و اول مجلسده حضوری محظورات اسلامندر
(لمحرره) کرم عشق اولسه کوکل چوتنور * نیچه ممکن که اوله
مظهر نور * ناله نایه طوتمده قواقی * بلبل وقت ایسکه وارا و ته دور *

* آتش عشقست کاندنی فتاد *

* جوشش عشقست کاند رمی فتاد *

* عشق * کسر عینله شول افراط محبتیه دیرلر که ذاتک صفتیه میلندن قلبده
ظهور ایدوب جمیع عروقده جاری و جملله اعضا و قوایه ساری اوله
بوسیدندر که حلاج قدس سره نک اطرافی قطع اولمده فقه وجه ارضه
دمی الله الله دیو واقع اولدی و زایحنا افتصاد ایتد کده قانی یوسف یوسف
دیو بره دوشدی و بو عشق مراتب محبت آخریدر یعنی درجات انجذابک
اولی محبت و آخری عشقدر انکچون نور محبت و نار عشق دیرلر الحاصل
نور و نارک ایکیسی بر حقیقندر ولکن نورک ظهوری مشد اولسه نار
دینور پس نار نوردن تفرع ایتشدن حوائک آدم اوزرینه علیهما السلام
تفرعی کبی انکچون نار مؤنث و نور مذکر اولمشدر بوندن فهم اولمده یک
نار نورک باطنیدر صفت زیاده لکله ظاهر اولمشدر عشق دخی محبتک
باطنیدر که کیفیت زائده سی حسبیه عشق دینلشدن و عشق فنا بولسه

محبت ذاتیه قالور که رو حک صفتیدر ولکن فناء عشقندن صکره اولان
محبت الله تعالی به و مقصد م اولان عبده مضافدر انکیچون اول
مر تبسه نک صاحبیه حبیب الله دیناری زیرا مقام محبوبیت که قرب
فرا نضی مر تبسه سیدر مقام عشقک فوقنده در صکه قرب نوافل
مر تبسه سیدر واول خلت که فخر عالم صلی الله علیه وسلم آخر عمرنده انکله
زنی بولمشدر خلت ابراهیم علیه السلام باطنیدر که مقام محبوبیتک غایتیدر
پس بومر تبسه ده فخر عالم غیر محبوبات بالذات بوقدر (لحرره) سنده
قلدی تجلی حسن ازل * حسنکه بنده اولدی جله کوزل *
دیشلردر که عشق ابکیدر بری عشق مجازی وبری دخی عشق حقیقیدر
عشق مجازی عقیف اولسه تلطف سره سبب و عشق حقیقی به وسیله
و بهانه اولور زیرا همومی هم واحد قبلور و تفرق خاطری ایله ایشان
دل کسر و خدمت محبوبی اندیز ایلر و محبویه اطاعت و امر نه امتثال ده
تعجب و مشقت قومر بوعشقدردر که حدیثه کلور (من عشق ففعل و کتم
ثم مات مات شهیدا) سید الطائفه جنید قدس سره دن مرویدر که نار
دیدیکه یارب فرضا سکا اطاعت ایتمسم بدن اشد بر نسنه ایله عذاب
ایدر میدک رب العالمین بیوردیکه نار کبرامی سنک اوزر یکه مساط
قیلور دم نار دیدیکه یا بندن اعظم نار وار میدر الله تعالی بیوردیکه
واردردر که ولیرم قلو بنده اسکان ایندیکم نار محبتدر انتهی بوندن فهم
اولور که سرامانت کبری بوعشق اوزرینه میندر انکیچون انساندن
غیری کسیه اکا تحمل ایندی زیرا عذاب اکبردر (لحرره) کیم الور
بو بنده بوعشقی دیو * حق تعالی چون ایندی خلقه خطاب *
الدی انسان اوباری گردننه * کوردی کسیه کتورمدی اکاتب *
کندی نندی کور انسان ضعیف * نار کبرایه دوشوب اولدی کباب *
دوزخ اول ناردن صغندی حقه * کوردی بوق عالم ایچره بوبله عذاب *
حق عشقک شرابن ایچدک ایه * قالدی سا که حاجت می ناب *
می شرابدر مطبوخنه خصوص اوزره باده دیرلر بعد ذایتک معنا سنده
ایکی مساک وارددر بری مساک ظاهرا در که نیده آتش عشق و میده
جوشش عشق اولق تشبیهه محمولدر یعنی فی ده اولان تأثیر آتش عشقک
تأثیری و میده اولان جوشش ذوق دله اولان جوشش کیدردر بمکدر

زیرای اصطلاحات صوفیه ده شمول ذوقه دیرلر که دل سالکده ظهور
ایلیوب آتی خوش وقت ایلیه و سر مست قیله وجه حل بودر که عشق
حقیقته انسانه مخصوص صدر نتکیم ذکر اولندی نیه و میه دکل جن
و ملک بیه احسان اولنسا مشدر نتکیم کلور * جذبه عشق نه بیچده ملائک
صائب * آن کند نیست که در کردن انسان باشد * وبری دخی مساک
حقیقیدر که فی و میده اولان آتش عشق و جوشش عشق محبت
ذاتیه به محمولدر نتکیم حدیث قدسیده کلور (کنت کنزاً مخفیاً فاحبت
ان اعرف فخلقت الخلق لاعرف) اگر چه بومعرفت حقیقته انسانه
مخصوصدر ولکن جمیع اشیاک وجودی تجلی حی اوزرینه میندر نتکیم
کلمات هدایده کلور * کنز مخفیدن ظهوره کلدی اشیا لاجرم * باد حبیه
تموج ایندی چون دریای عشق * پس سر محبت جمیع موجوداته ساریدر
انکیچون تسبیح و تکلم ایدرلر و خوف و خشیت و سایر صفاتله متصف اولورلر
نتکیم اهل الله بومعانی بی ادراک ایلشور و موجوداتک حیات حقانیه لرین
مشاهده قلمشدر و حدیثه کلور (احد تجسنا ونحبه) پس موجودات
اراسنده خصوصاً عالم صغیر ایله عالم کبیر میاننده جهت ارتباط واردر که
آنی ادراک ایتک غایت خفیدر بوجه نیندر که فخر عالم ایله احد طاغی
اراسنده محبت واقع اولدی بوضورتده (معنای بیت) دیمک اولور که
آتش عشقدردر که حقیقته نیه دوشدی انکیچون دل عاشق آتی استماعله
محترق اولور و جوشش عشقدردر که حقیقته میه دوشدی انکیچون آتی
نوش ایدن اضطراب عظیم بولور و بومعنی اوزره فی و می تخصیصه
وجه بودر که نای وجود انسانی شکلی و می دخی ذوق باطنی صورتیدر
بواعث اربله فی و می انسانک صورت و معناسنه اشارت ایلدی غیر
موجوداتده ایسه بومر تبسه ده تقارب بوقدر نتکیم سر نایی بیانده مرور
ایلدی پس حقیقته فی و می انسان و آنک ذوقندن عبارتدر زیرا عالم
کبیر عالم صغیرک تفصیلی واقع اولمشدر بوندن فهم اولندیکه
موجوداتده اولان عشق محبت مطلقه به محمولدر و ذوق باطنی می کی
دائمآ چو ششده در ولکن انتهای مراتبده غلیان عشق
کسلوب محبت صرفه قالور و بومحبت ایله عاشق معشوقه ارتباط بولور
نی حریف هر که از یاری برید *

✽ پرده‌هایش پرده‌های مادرید ✽

* حریف * عربی در ایکی معنایه کلور بری گرفته اش یعنی هم صنعت و بری
دخی بیع و شرا آشنی یعنی صاتی بازار اندوکی کسسته صکره باده مصاحبنده
استعمال اولدی بوراده مطلق یار و مصاحب معنایه در * باری ده اولان
بازانده در تنکیر و ابهام و یاغیری معنی ایچون دکلدر نیکم تصویر معنایه روشن
اواسه کر کدر * پرده * دیوان حافظ شرح نموده سودی دیر که پرده
نعماتک اصول اربعه سندن متفرع و متشعب اولان نغمه لره دیرلر مثلاً
عراقدن مایه و بوسلک متفرع اولدیغی کیب انتهی ولکن علم ادوارده
اصول اربعه دن مرادیکاه دوگاه سگاه چارگاه در پس عراق بواصولدن
و کذلک هفت آغازه دن خارج اولوب واو ن ایکی مقامده داخلدر
و بعضیلر دیمش لردر که پرده دن مراد مقاماتدر تنکیم پرده راست و پرده
عراق دیرلر و علی کلاً التقدیرین پرده نعماتدن خالی اولمق حسبیه بوراده
الحان و نغمات مراد اولنور (معنای بیت) بودر که هر کیمکه یاردن
یعنی یار حقیقیدن کسلدی و جدا دوشدی و وطن اصلیدن دور
و مهاجور اولدی فی آنک مصاحبیدر زیرانی دخی نیستاندن کسلوب
غربته دوشمشدر بس ایکیسک میانده مناسبت تامه وجهت جاهه
واردر بناء علی هذا فراق اهلنه همدرد و هم صحبت اولمغه لایق
اولان ینه فی در غیری دکلدر و یاخود هر کیمکه یار مجازیدن که جله
ماسوادر کسلوب (ارجعی الی ربک) موجبجه یار حقیقی جاتنه منجذب
اولدی تنکیم کمال نچندی کلماتده کلور * وصل میسر نشود جز بقطع
* قطع نخست از همه بیرید نسبت * پس فی اکا صحبت سزاوار در
زیرا سالک و وحدت صرفه عالنده و وحشت وارددر انکچون ایله
معراجده فخر عالم صلی الله علیه وسلم جنرا بیلدن مفارقت ایتد کده
وحشت حاصل اولیجق حضرت صدیق رضی الله عنه ایله زیاده
مأنوس اولمغین دفع وحشت ایچون آنک آواز ینه مشابه آواز ایله
خطاب وارد اولدی پس انسان کندی نفسندن ازاله وحشت ایچون
البته بر انیسه و دفع حزن ایچون لاجرم بر جلیسه محتاجدر بناء علی
هذا فی الجملة تغنی نجو ز اولوب هیچ بر کیمسه اولدیغی صورته صغیره
و کندی کنذیه زمزمیه رخصت ویرمشدر * بصورته اهل و حدته

نای دن اوز که انیس اولماز زیرا آوازی روحانی و مؤثر در ساراهو کی
غلیظ جسمانی قیلندن دکلدر (مصراع ثانیک معنای) بودر که
نیک پرده لری و نغمه لری بزم پرده لریمزی برتدی یعنی زهد و تقوی
و عرض و نا موس و وقار پرده لرینی ارادن قالدردی زیرا بونلر پرده
پندار مقوله سیدر که بو پرده دن بیرون اولمغه البت بر ضرب دسته
محتاجدر بو خصوصده فی بزم معین اولوب آواز حزینی دست بردله چاک
ایتمک پرده قومدی و خواجه حافظ کلماتده کلور * نه من از پرده تقوی
بدر افتادم و بس * پدرم نیز بهشت ابد از دست بهشت * یعنی آدم
علیه السلام دانه کتمدن تناول ایتمک و ساطتیه پرده بیرون تقوی
اولوب جسته دن چیقادی و بودنیاده مقنضای عشق اولان آلام
و شدائد ایله مبتلا اولدی بو ایسه صفت مدوحه در زیر بر عشق
بیک تقویدن یکدر بو معنی پدریمز آدمدن بزم میراث اولمغه بزم دخی
پرده مز برتلدی و دامن دلز خار ماسوایه ارتباطدن قورتلدی سلامت
استیلره جام تقوی عافیت اولسون ملامت داینلره ساغر عشق
دور داتم بری نوش اولسون بری طولون (لحرره) ساقیا درد
و بلا هر دم بکا شربت کلور * عاشق اولدر کم اکا زهر ستم لذت کلور *
پرده پنداری یاخود غم دلدارمی * هر کسک حالجه حقندن سرنوشت
البت کلور * و یاخود نایک نغمات رخیمه و اصول مستقیمه سی بزم حقه
حجاب اولان پرده لریمزی برتدی که اول پرده لک کیمی حجاب ظلماتی
و کیمی حجاب نورانی مقوله سیدر تنکیم بالاده بیان اولندی و بو پرده لک
انحرافیه حقه یول اچلادی و جانان ایلی سچلادی زیرا ارواح عالیه
و نفوس قدسیه به استماع نعماتدن بسط عظیم حاصل اولوب عالم
علوی به عروج ایچون بدندن مفارق و منسلخ اولورلر و اول بسطک
تأثیرندن قالد دخی اهتر از و حرکت ضروریه کلور ولکن کشفته
بناء بالاخره نابرجا اولوب قالور و بوندن علم ادوارک تألیفندن غرض
اصلی نه ایدوکی معلوم اولدی دیمش لردر که علم موسیقیک اصلی
فیثاغورس حکیمک اختراعیدر حکیم مذکور حضرت سلیمان علیه السلام
زماننده کلوب قوت ریاضتله حرکات افلاکی ایشتمش و حس و حد سه
عوالمی مشاهده قلمش ایدی احوالی مفصلاً محلنده مسطوردر *

* همچونی زهری و تریاقی که دید *

* همچونی دمساز و مشتاقی که دید *

* زهر * اصلند قاتی آبی نه در صکره آغوده اعلام غالبه دن اولمشدر اوده زهره دید کاری اکانسبتله در آخرنده بی یا تخصیص ایچوندر زهر هلاهل زهر قاتل معناسنده در هلاهل اصلنده سندن شهر لرنددر که بعض سم قاتل اکانسبت اولنور * تریاق * کسریله معروف دواء می کبدر ابتدا آنی ماغنیس حکیم اخترع ایدوب صکره اندر وماخس قدیم لحوم افای زیاده ایتمکله تکمیل ایتشددر لحم حبه دن معمول اولان تریاق فاروقی ضرورت قویه اولیجق اکل ایتمک جائزدر و نیک زهر اولمی ارباب طبیعت و نفسه کوره در که شهوت و هوایه مقارنتله مهملکدر و تریاق اولدیغی اصحاب قلب و روح و سره کوره در که عشق و محبت و انسه مجاورتله مصححدر نیکم بالاده تحقیق اولندی * که * استفهامدر * دمساز *

موافق مصاحب و راز داش معناسنده در نیک دمساز و مشتاق اولدیغی اییات سابقه ده شرح اولندی الحاصل دمسازاق عاشق ایله همدرد اولوب روحه آنک آوازندن انس حاصل اولمغه کوره در و مشتاق اولوق نیستانندن کسلوب عالم فراقه دوشمنی حسدیه در مأمون خلیفه دیمشدر که اخوان اوچدر بری بودر که غذا کبدر هر وقتده محتاجدر وری دخی بودر که دوا کبدر انسان اکانا محتاجدر وری بودر که داء کبدر اکانا ابدی احتیاج یوقدر پس نی ابدی محتاج ایله دمساز لرنددر زیراروحك دائمی عالم علوی به عروج به احتیاجی واردر استماع نی ایسه آنک اسباب قویه سندنر (ارحنا یا بلال) بوقبیلنددر زیرا عالم معنیه عروجه البت بروسویه لازمدر دیمشدر که نفس انسانی حزن حانده خام او اوب پس اصوات حسنه آنی اشغال ایدر و مقصوده متهی قبلور حتی بعض حکما مریضه استماع الحان ایله می ایدر لر ایش زیر ثقلت مرضی تخفیفه مداردر و دیمشدر که غنی تصفیة فهم و ترقیق ذهن و تلین عریکه و تشجیع جبان و تسخیه بخیل ایله و اطفال مناغات ام ایله خوش حال اولور و فیلی صید ایتمک دیاسر ملاهی جمع ایدوب اشغال ایتمکله صید ایدر و شتر حدی ایله نشاط ارتور و سرعت حرکت سبب اولور و تأثرندن چپ و راسته التفات قبلور و سببرنده بخت

ایله نیکم شیخ سیدی کلماتنده کلور * اشتر بشعر عرب در حالتست طرب * کرذوق نیست تراکزطع جانوری * و بوندن غیری دخی اربانه منافع کثیره و فوائد عظیمه سی واردرا کرچه که جمیع اصوات موزونه و الحان مرغوبه طلب ذوق و حضور ایچوندر حقیقتده ایسه ذوق دخی رحجابدر ارباب جذبه غیر یلری کندیلری کی قیاس ایدر لر طوق اولان آج حالن بلز ملندر پس سعی ایلوب عالم فناء و صرولاه بر ازخ فراقدن خلاص اولوق کرکدر (لحرره) چانور کوشمه نیدن آواز * آنی کور قوسنی کل سندن واز * طولاه کور بو هوا ی عشقه سن * ایده کوراندن علمویه پرواز * فی حدیث راه پر خون میکند * قصه های عشق مجنون میکند *

* حدیث * لغنده جدید و عرف عامده خبر و کلام معناسنده و عرف محدثنده خبر رسول صلی الله علیه و سلمدر کویا قرآنه مقابله ملاحظه اولمشدر زیرا قرآن قیم و خبر رسول حادثدر و صحاحده کلور که حدیث قدیمک ضدیدر کلامک قلیل و کثیرنده مستعملدر زیرا شیئا فشیئا حادث اولمقده در راه پرخوندن می اد طریق عشقدر که زیاده خطرناکدر و خطرناک یوللرده قان دوکیله گمشدر و بوعبارت ایکی معنیه محمولدر بری بودر که طریق عشق هر خطوه سنده بیک درد و بلا ورنج و عنا و اردر نیکم مولانا جامی کلماتنده کلور * مکو که قطع بیابان عشق آسانست * که کوههای بلاریک آن بیابانست و خواجه حافظ کلماتنده کلور * که بهر کام دران راه خطری نیست که نیست * وله * شب تاریک و بیم موج و کردابی چنین هائل * کجاندانند حال ماسبکباران ساحلها * شب تاریکدن مراد جلال ذات و بیم موجدن مراد صفات قهر و کردادن مراد کرداب بحر عشقدر که امتحانات هائله در سبکباران ساحلدن می اذعاده عباددر که بر بشریتمده قالمشدر و دریای درده دوشمشدر در پس انلر خطر نه ایدوکن بلزلر انکچون حقیقتده آدم علیه السلام اولاد منویه سندن دکلردر زیرا آدمک جنتدن دنیا به هبوطی مجرد بودر و بلا بوزندن ترقی ایدر کی که بوبلا باری اوزرنه المندن تنزل بولدی انکچوندر که انبیاء و اولیا علیهم السلامده انواع بلا ایله مبتلا اولمقی بوقدر نیکم یعقوب علیه السلام مصرده یوسف علیه السلامه تحریر ایتدی یکی نامه ده (نحن من بیت البلیا) دیدی و فخر عالم صلی الله علیه و سلم

(ماو ذی نبی مثل ما او ذیت) ای ماصفی نبی مثل ماصفیت دیو
تفسیر ایتش لردر زیر بلا سبب تصفیه در و تصفیه هر کسک استعداد دینه
کوره در چون فخر عالم صلی الله علیه وسلم قدر و منزلت و استعداد
وقا بلیت جهنندن اکل الخلق ابدی لاجرم جمله دن زیاده مبتلا اولدی
(لحرره) * در و صلی چقردی چون الدن * اشک عاشق نوله مر جان او اسه
* خرج او اور راه حقه هر نه که وار * بانکه قالز اگر جان او اسه *
(وبری دخی بودر که بو بولده نیچه قوافل کسلش و نیچه قانلر دو کلسدر
زیرار هرنی چوق و برازخی حددن آر تو قدر شول ظلمات در که قطعی
همراهی خضره منوط و بر بحر عمیق در که کشتی وجودی تخایص ملاحی
نوحه مربوط در خصوص انجلی علی مرتبه سنده خیالات و او همام
بوانه کمتش و عین الیقین پایه سنده قدم با صدق صانوب کندی
کندیله نه لایتش لردر شول یولک که هر قدمه سنده بر صومعه
و بر کشت اوله سالک مقصده نیچه وصول بوله یا چاه الحاده دوشرو یا نور
زندقه ده پشربای بند عجب غرور له بغلور قالور و یار سو اعتقاد مرضنه
مبتلا اولوب هلاک او اور * مجنون * جنون یعنی اختلال عقلا دن ناشی
کلام و افعالی مستقیم اولمسانه دیرلر بورا ده مجنون قیس عامرینک
اقبی در که لبلی آنک معشوقه سیدر جنونی جنون عشق در که مقبولدر کلمات
جای ده کلور * حیرت عشق راه عقلم زد * ار شدونی معاشر العقلاء *
و دیوان حافظه کلور * در ره منزل لبلی که خطر هاست دران * شرط اول
قدم آنست که مجنون باشی (معنای بیت) بودر که نی زیاده خطر ناک
اولان طریق عشق خیرن سویلر و عشق مجنون قصه لن پسان ایلر زیر
مجنون لیلای مجازی عشقنه مبتلا اولوب بو قدر مدت تیر بلا به آماجگاه
و دست ابتلا دن حالی تباه اولدیغی کبی لیلای حقیقی عشقنه گرفتار
اولنلر دخی نای کبی در دله بغلرلر دلتش و چنجر ستمله وجودلر دلم دلم
دلتش لردر شویله که آواز پرسوز لری و لوله انداز اهل زمین و آسمان
وناه جگر کداز لری غلغله برداز محافل انس و جان اولمشدر و بو نلردن
نیچه لقطع راه ایده میوب و ترتیب اوزرینه کلدگری بوله کیده میوب کیمی
موالید باغنه بنده و کیمی عناصر چاهنه افکنده و کیمی طبیعات مرتبه
سنده بسته و کیمیک دخی عالم ارواحه و صولده پای حرکتی شکسته

اولوب هر بری بر رهن یوزدن هلاک اولمشلر و بر رزخ ایچنده قالشلردر
زیرا جمیع براز خدن عبور ایلله موصوف بر مرشد کاملک ارشاد نه موقوفدر
خصوصا اصل الاصول اولان استعداد ازلی و توفیق لمزایدر تنکم
فضولی کلماتنده کلور * عزم چرخ ابدی مسیحا که بوله معراجن
یمدی منزل مقصوده طریق طلبی * وقس علیه حال ایدر بس علیه
السلام و غیره فا حصل لبینا صلی الله علیه وسلم من الوصول الی
نهاية التهیات من مراتب تجلیات الافعال والصفات والذات
لم یحصل اخره من الاولین والاخرین فی باطونی له *

* محرم این هوش جزیه هوش نیست *

* مرزبانرا مشتری جز کوش نیست *

* این هوش * بیت سابقدن مفهوم اولان هوشه اشا رتدر که عقل معاد
عقل کلیدر * بی هوش * ده اولان هوش ایلله مراد عقل معاش و عقل جزئیدر که
بوعقلک اربابی اور عقلک اصحابی قاتنده دیوانه حکمنده در و بالعکس
مصراع ثانی تشبیهی متضمندر (معنای مصراع اول) بودر که بوعقل
معاد و کلی نک محرمی بی هو شدن غیری دکلدر یعنی هر کیم که عقل
معاش و جزئی بی ترک ایلله و حکمنه اتباعی قویه و ملا حظنه دن
آتی چقاره عقل معاد و کلی به اول محرم و یار اولور زیرا اول عقل
بوعقلک پرده سیدر پرده ایسه مراده وصولدن مانع و جمال مقصودی
مشاهده دن حاجیدر دیش لردر که عالم ذاته وصول و دائره حقیقه
دخول عقله و فنون ایلله حاصل اولمز بلکه عشق و جنون لازمدر جنونک
وجهی بودر که سالک بوباید جمهوره مخالفته محتاجدر مخالفت ایسه
سفر معنوی ایلله اولور سفر معنوی دخی ابتدا محسوسات و تخیلات
و موهومات دن انقطاع و مهسا جرتیه موقوفدر پس خلقک مالوفاتنه
مخالفت ایدن کسینه آنلرک یاننده مجنون عد او نور زیر اوضاع و اطوار
و غیره احوالنده استقامت عرفیه و موافقت عایبه بو قدر انکچون اکثر
ذکر ایدنلر حقننده منافق لرمجنوندر دید یلر زیر آنلرک یاننده جهر و اکثر
دکل بلکه مطلقا ذکر و توحید بیلله مستبعد و مستغریدر * و چونکه حکما
و اکثر علماء عقول جزیه بندیلله مقید اولدیلر لاجرم انبیا و اولیایه
متابعدن محرم و میت بوالدیله و نیچه لردخی احلام مر اجمیع رزانی تصفیه

واحوال کبراء انسانی تقبیح ایدوب بالاخره بلدک که نولد یلرو بعض
کسر نفس صد دنده اولان حقانی سالکر که خلق ارا سنده مستبشع
ولیکن حقیقتده شرعه موافق نسته لارتکاب ایدرلر کرچه سفهاء ناس
قاتنده بومقوله امور جنوند ندر ولیکن مصلحتی متضمن اولیجق کمال
عقلندز زیرا کمال عقل اودر که سن انکله نفس اماره بی عقد و بند ایده سن
یوخسه نفس سنی قیداعیه و (معنای مصراع ثانی) بودر که زبان و اندن
صادر اولان کلام مرغوبه کوش راغبیدن غیری مشتری اولمدیخی کبی
نتکم دیمشلدردر * قاشه فیت اولمز مشتریسنز * کهر برپاره طاشدر جوهری سیر
وبوتمثلی ایراد دن غرض * خذوا العلم من افواه الرجال * سرنه
اشارتدر یعنی اولامر شد کامل صحبته واصل و تربیه سنه داخل
اولمدیقه ذکر اولنسان هوشه محرمیت حاصل اولمز پس ابتدا کوشی زبان
رجالدن جاری اولان کلمات ارشاده طوتمق کر کدر تاکه کوشیدن
هوش متأثر اولوب حالی جزئیدن کلیته متغیر و معاشدن معاده مبتدل
اوله نتکیم دیمشلدردر * اذنی لبعض نساء الحی عا شقه * والا ذن
تعلیق قبل العین احبانا * یعنی تعلیقه کوش مقدم در * نتکیم سری
بالاده بیان اولندی اندن رؤیت عین در وبصر ظاهرا خادم بصیرت
اولغه اهل حقیقت قاننده رؤیت عیندن مراد بصیرت و بصیرت ایسه
قلب ملکوتی و عقل کلینک صفتدر بعض کبار بیورمشلدردر که مرشد کامل
کتاب ناطقدردر پس آنک صحبته وصول ممکن اولمدیقه کتاب ساکت الیه اکتفا
اتممک کر کدر زیر اناطقک تأثری ابلغدر انکچون بوزبانه کوش
طوعدن محروم اولنلر عقل جزئی مرتبه سندن قالمشلدرو بلدکلرنده دخی
یا کلمشلدردر قال الحافظ * بس بکشم که بیرسم سبب درد فراق * مفتی شهر
درین مسئله لایعقل بود *

- * در غم ما روزها بیکاه شد *
- * روزها با سوزها همراه شد *
- * روزها گرفت کور و باک نیسب *
- * تو بمان آی آنکه چون تو پاک نیست *

* بیکاه * لغنده و قسزدیمکدر کونلر بیکاه اولدی کچدی مناسبه در
* پاک * بیا عربله قایر مقدر مبالات کبی بعد ذاسروری و شارح مو اووی

دخی اکاتباع اولوب دیمشلدردر که بو کلام اسلوب حکیم قاعده سی اوزره
وارد اولمشدر اصلنده در غم تان ایدی ولیکن امحاض نصیح ایچون
حضرت مولانا کندویه نسبت ایتدی بوصورتده معنی دیک اولور که
بزم اوله هوشه محرم اولما من غمنده و نایافت لک الله کونلر بزم سوز کدازله
مقارن اولدیخی حالده کچدی کونلر بزم کتدیسسه وهوای وهوس اوقاتمزی
اضاعت اندیسسه اول کونلره دی که کت قایرمق یوقدر سن قال
ای مرشد کامل که سنک = کبی پاک یوقدر سنک تربیه و همتمک سبیلله
بزه تدارک مافات ایتکم ممکندر کآن دیک استرلر که کرچه اوقاتی هوی
وهوس و ضیاع نفس اوزرینه کذر ایدن کسینه تدارک مافاتده صعوبت
واردر انکچون دیمشدر (فی التاخیر آفات) زیرا طریق عشق طریق زهد
کبی دکلدر بوسیدنددر که کلمات صوفیه ده کلور (الصوفی بعد الاربعین
بارد) و اکثر کمل انسانک سلوکی ابتداء شبایده واقع اولمشدر که
وقت حرارت و رطوبتدر وائلر که محروم البدایه و مرزوق النهایه
فضیل عیاض و مالک دینار و نظائر کبی بونلرک دخی حقه انابت
ورجوعلری قبل الاربعین واقع اولمشدر ولیکن سالک بر مرشد کامله
مقارن اولیجق فی الجملة تدارک مافات ممکندر زیرا موت صورینک
سن معلومی اولمدیخی کبی موت معنوینک دخی فضل حقه نسبتله
وقت معهودی یوقدر اکرچکه اوائل مکاشفه دن نهایت المراتبه
وصوله دک قرق بیل تقدیر ایتمشلدردر و بو معنایه سلوک ظاهری ده
دخی نظیره واردر * مثلاً ققال شاشی و امام قدوری رجهم الله
کبر سن حائنده اشتغال علوم ایدوب امداد باری الیه فائق الاقران
اولمشلدردر اگرچه که حفظ قرآن و تعلم علوم بحسب الغالب حال شبایده
واقع اولمشدر زیرا اول وقتده قوای مدر که ده اولان صور ادراکیه
ثبات و استقرار اوزرینه در نتکم حدیثده کلور (العلم فی الصغر کالقش
فی الحبر) فاما بوفقیه لایح اولان بودر که غم ماده اولان اضافت
ملابسده ایچونددر حقیقتده روزه متصلدر تقدیر کلام رزها مادر غم
عشق بیکاه شد دیمکدر زیرا بین العشاق غم مطابق غم عشقه
محمولدر مقصود ایامک غم عشقه کذرانی اوزرینه تحسیر و ندامت
دکلدر زیرا بی غم عشق کذر ایدن اوقاتک سروری غمدن معدوددر

نتکم کمال بخندی دیوانده کاور * کریارند بن شادی بکر بخته را *
 چه کنم شادی بی دوست که صد غم با دوست * و غم عشقه کین ایامک
 غمی فرحیدن محسوب در نتکم یونس امره کلماته کاور * عشقه کله
 کچورن دمی * بناسون غصه و غمی * پس حضرت مولوی نک مرادی
 مطلق ایامک مروزی بیاندر (معنای دویست) بود که شمس تبریزی
 قدس سره به مقارنت و جام صحبتیدن پر حالت اوله لیدن بری کونلریمز
 غم عشق و شوقه کچدی و سوز و حرارت و کدازله همراه و مصاحب
 اولدی اگر کونلریمز غم عشقه کچدیسه کچسون دی کونلرک کچدیکنی
 قایمق یوقدر زیر اول دخی اعراض مقوله سیدر اعراض خود فانی
 وزائل در فانی وزائل اولان ایسه صحبت سزاوار و ارتباطه لایق دکلدر
 انکچون بعض کبار بیور مشلردر (لاتکن زمانه اولامکایا)
 سن قال ای شیخ حسام الدین که سنک کی پاک دل و اهل هوس
 و تمیز و صحبت لایق عزیز یوقدر یعنی مقصود سنک وجود کدر ایام
 دکلدر زیر ایامک سنسز فائده سی یوق و بلکه غائله سی پک چوقدر
 نتکم خواجه حافظ کلماته کاور * اوقات خوش آن بود که بادوست
 بسر رفت * باقی همه بی حاصلی و بیخبری بود * پس خطاب تو مذکور
 شیخ حسام الدین متوجه اولور زیر کتاب مشویده حضرت مولوی نک
 هر برده مخاطبی اودر شمس تبریزی دکلدر * زیرا حضرت مولوی نک
 حسام الدین نسبتله شمس ابله صحبتی آذر خصوصاً شمس تألیف
 نگیدن مقدم و داع عالم فانی ایش و دائرة صحبتیدن چقوب کتمشدر
 حسام الدین ایسه کتاب مذکورک نظم تألیفته باعث وادی و حین
 املا ده دخی صحبتی متمادیدر با خصوص مولاناک نظم مشویدی به مباشرتیه
 حسامک اشارتیه مولاناک سر دستاردن بر ورق پاره اوزرنده
 عنوان کتاب مشتمل اولدیغی ایسات هجده چیقاروب حسامه
 صوندیغی عند اولی الاباب مذکور قرینه قویه در پس
 بورایحه ربانیه دن آینه جانکه نجلی حاصل اولدیسه و بومقاله
 حقانیه دن دل پر اضطرار که سکون و تسلی کلدیسه بلدک که کلام
 مولویده ذکر اولنان اسلوب حکیمدن غیری به مساع یوقدر دین
 کسته دایره فیضی تضییق و کلام جامع کنیدی حسابی مرتبه سنه

قصریله استبعاد و توفیق ابتدی الافوسهوا رحمة الله الواسعه و تأملوا
 فانه لا ینقضی عجایب کلماته الجامعة (لحرره) خوش کور افندی سخن
 کابری * کم ترک الاول للآخر * خصوصاً عنوان دیباجه همایوندن
 بومحله منتهی اولنجه نکاشته قلم عنبررق اولان ابکار معانی الی الان
 کسه نک آغوش ادرا کنه کرشمش و بر فکر دقیق اول سر عمیق
 ایرمشدن قال تعالی (قل بفضل الله و برحمته فبذلك فلیفر حوا) الایة

✽ هر که جز ماهی ز آبش سیر شد ✽

✽ هر که بی روزیست روزش دیر شد ✽

* آبش * ضمیری هر که یه راجع در اضافت ادنی ملایسه ایچوندر * روزی *
 روزه منسوب در که کرن کون تقدیر اولنان وظیفه در صکره تعمیم
 اولنوب مطلقارزق مقدره اطلاق اولنشدن بو کلامده عاشق ماهی به
 و فیضی آبه تشبیه وار در ماهی نک حیاتی آبله اولدیغی کبی عاشقک
 دخی نباتی فیض حقه در بوندن مفهوم اولدیکه خاکی نک حیاتی
 هوایله و محجوبک بقیاسی غداء ابله در و هوایله آبک فرقی بودر که هوای
 اسمک و آب محبی اسمک مظهر بدر حیده حیات بالفعل و احیاء بالقوه
 و محیی ده ایکسی بله بالفعل در و هوایله جسمی و آب باطنی تبرید ایدر
 انکچون علم و معرفت صفت روحدر و قرآنده کاور (وجعلنا من الماء
 کل شیء حی) یعنی هر نسنه نک اصلی حیات و نباتک دخی اصلی آیدر
 پس اهل شهود ماهی و آبی و اهل بحاب خاکی و هوای اولدی
 عکسی اولدی زیرا جسمله علمک مناسبتی یوقدر فافهم (معنای
 مصراع اول) بودر که هر کم که ماهیدن غیری در یعنی خاکی در آبدن طوق
 اولدی و برقاج جرعه ابله قانوب آزه فضاغت کلدی و بلکه اکثار یله
 هلاک عارضه اولوب فنا بولدی ماهی ایسه یدی دریایی نوش ایسه
 قائمق کلدی و حرارت جگری تبریده چاره بولدی بونده اشارت
 واردر که سیر الی الله نهایت یوقدر انکچون ماهیان بحر عشق
 اولنلر فیض حقه ابدی سیر اولنلر و نجلی الهی به نهایت بولنلر نتکم
 قرآنده کاور (وقل رب زدنی علماً) ای تحیرافیک لتجیاتک المتنوعه
 و بر محله دخی کاور (یا اهل یثرب لامقام لکم) یثرب دن مراد مدینه
 منوره در که مقام بقایه اشارتدر و مقام بقاده کرچه مراتب تمام

اولور ولکن سیره نهایت کلمز و کلمات قشیریده کلور (ما ازداد القوم
شربا الا ازدادوا عطشا ولا ازدادوا قربا الا ازدادوا شوقا) و بو مقامک
تقصیلی بودر که موت صوری ده رزق صوری منقطع اولوب آخری
حیات ابدیه اولدیغی کبی موت معنوی ده دخی رزق معنوی تمام اولوب
غایتی حیات حقانیه اولور یعنی سالک راه حق فناء کلی به واصل
اولد قده جمیع مقاماتدن حظنی استکمال و جمیع تعیناتدن
نصیبی اخذ واستحصال ایدر و بو نصیب آنک رو حنه غداء
مجراسنه جاری اولوب پس هر مقامدن حظنی استیفا ایدیجک *

موت صوری ایله وفات ایتمش کبی او اور و حال بر صورتی دخی متحول
اولور که اصلا صورت اولی به بکزه مز و بو معنی اول مکاشفه دن
فرق سنه غایتنه دک وجود بو اور ز بر ابو مده قوای طبیعیه و نفسانیه
بالکلیه مسخر اولوب امداد ملکوتی ظهور ایدر قرآنده (اذا جاء
نصر الله والفتح) الخ سر مذکوره اشارت ایلر و بو فنا که ذکر اولندی
بقادن صکره حاصل اولان فنادر بقادن اول اولان دکل زیر فناء اولده
هنوز رزق بقیه سی واردر و بو صورتده سالکک حالی اهل جنت حالنه
مشابه اولور زیرا اهل جنت جنته دخولدن طول عهددن صکره
(الا ماشاء ربک) استثناسی موجبجه بر مقامه واصل اولور که
اول که به بکزه مز و اول وقتده هر آن ابدیه سر ازل ظاهر او اور مبداء
تعینات اولان شئونات غیبیه ازل الازاین اولدیغی کبی
بو مقامک مابعدی دخی ابدال بدین اولور یعنی ابد مضاف
بو مقامده حاصل اولان تجلی مخصوصک مابعد بدر و مضاف الیه
بو تجلیک ما قبلیدر که جنته دخوللارندن بری اولان اوقات در و ازل
دخی بویله در زیر ابو مبداءک ما فوقی ازل مضاف و ما تحتی ازل مضاف
الیه در پس انسان کامل موت صوری به دک ترقیده اولدیغی کبی موتک
مابعدنده اولان برزخده و برزخدن صکره اولان مواطنده تا کثیبه دک
و کثیب دن صکره دخی ترقیده در یعنی کسند کجه علم و شهوددن حظ
و نصیبی افزون اولمده و هر دم بر کونه ترقی بولمده در پس ابدی سیرنه
نهایت کلمز و شربی غایت بولمز و تجلیات آلهیه دن سیراب اولمز زیر آب
حیات طویلن انکیچون غم عشقه دوشنلر اهل هوشک صحبتدن مفارقت

قیلزل ز پراهر صحبتده پر بال آجرل و هر پروازده بیک یاق مسافه اوچرل
پس بو وجهله بینک ماقبلته ارتباطی ظاهر اولدی و (معنای مصراع ثانی)
بودر که هر کسکه بی رزق قدر آنک کونی کج اولدی یعنی غم و قساوتله
کجیدی و اوزادی ز پرا غم ایله کوننر در اوز و سرور ایله کوتاه اولور نیکم
(و آیه لهم الیل نسلخ منه النهار فاذا هم مظلمون) آئنده احد الوجهین
معنای مذکوره دلالت ایدر و بونده اشارت واردر که عشق حقدن بی
بهره و فیض مطلقدن بی حصه اولنلره عیش عشرت یوق و درد بلاری
چوق و کونلرینک ساعاتی احصادن ارتقادر انکیچون قیامت کونی
اللی بیک ییلدر ز پرا اللی وقت نمازک اجالی اولان بش وقتک حضور
دائمی فقدان ایتدیلر و سهو و غفلت و نسیان ایله براوزن اوزاق بوله
کندیلر و قصیده خریه آخرنده کلور * علی نفسه فلیک من ضاع
عمره * واپس له منها نصیب و لاسهم * یعنی باده عشقندن بی بهره
و بی چاشنی اولنلر ضاعت عمر ایتدیلر اوزرینه اغلاسونلر ز پرا خسارته
دوشدیلر * ازین چه شود در کستان وطن دارم * مرا که عمر
خوبتر بخواب میکسذر * ولکن بو معنائک حصولی استعداد ازل
اوزرینه موقوفدر اسباب ظاهره یوزندن ظهوری کسبه منوطدر
قیاس او اور مجرد کسب و تعمل ایله اولسه هر کسه نصیب اولوردی
نتکم خواجه حافظ کلماتده کلور * فیض ازل بزور و ز رار آمدی
بدست * آب حضر نصیبه اسکندر آمدی * پس هر کاری حقیقتده
عنايته احاله ایدوب ظاهرده دخی طریق ادبی التزام کرکدر (لحرره)
* فیض حق چون آب و دل اول آب ایچنده آسیاب * دونددر اول
آسیابی کیمه کوندز ضرب آب * سنکدن کم اولسه بدل فیضدن
محروم اولور * حقه دوندز آسیاب آساصو سز اولور خراب *

در نیاید حال پخته هیچ خام

پس سخن کوتاه باید والسلام

* والسلام * تم الکلام مقامده مستعملدر یعنی پخته اولنلرک حالی هیچ
خام اولان بلمز و ادراک اید مز پس بو بابده سوز قیصه کرکدر ز پرا
اطاله نک معناسی یوقدر مثلاً بال طنودر دیمکدن اغز طنلوا ولمز بلکه
بالفعل طانمغه محتاجدر و کذلک عنین اولان مجرد وصفله لذت جماعی

نیچه بولور بونده اشارت وارد در که طبیعتی تنور ریا ضنده پخته ونفسی
پوته مجاهده ده قال ایتکله حرارت عشق و آتش شوقه دوشوب
یدی دریای نوشله سیراب اولمین اهل کمالک حالتی ذکر اولنان تربیه دن
خام قلان اهل نقصان ادراک ایده مز زیرا میانده بون بعید وار در که
بری ماهی وبری خاکی کیدر اصل ماهی ایسه آب واصل خاکی ایسه
کل در پس اصم باننده اکثر کلام ایتک فضولدن معدود واعمی قنده
عرض جمال ایتک جنودن محسوبدر انکیچون جهت جامه تحصیل
ایچون مشویده بر محله کلور * رو بدین بالاویشیتها بدو * تاشوی
تشنه وحرارت را کرو * بعد ذابو محله کلجه شرح اولنان اون سکر
بیت مشوئی نک جلد اولی مثابه سنده در ز را مابعدی صکره دن الحاق
اولمش در نتکیم بالاده اجمالاً اشارت اولندی پس بوا اعتبار ایله مجلدات
یدی عدد اولمش او لور زیرا سبعة ده اسرار کثیره وارد که سته ده
یو قدر نتکیم محننده میندر (سؤال اولنور سه که قضیه الحاق ایات
مذکوره نک جلد واحد حکمنده اولسنی مستلزم دکادر (جواب بودر که
ایات مذکوره نک علوم چه واحوال مهمه بی اشتغال مدعای مذکورک
ثبوتنه دلالت ایدر * پس مابعدنی الحاق مجلدی مجلد الحاق کبی او اور
(سؤال اولنور سه که اشتغال مشارایه نه وجهله در (جواب بودر که
عالم اصلدن نزول وینه عروج ومیانده اولان احوال سلوکی بیان
ایتمی حسبیه در انکیچون اون سکر عدد اولدی کویا بو عددک مشتمل
اولدنی سرفرد انیتی تحصیل ایدن اون سکر بیک عالم دن عبور ایتمش
اولدی پس اون سکر بیت اون سکر بیک عالمک اسرار نه متکفل
وحقایق ایله عمل ایتک جمیع عوالمی کذره تنبیه ایتدی * فرضی الله
عن سردها وعلی نهج الحقیقه اورد ها (لحرره) سخن پاک
زمره کل * نوله اولسه جوامع الکلمات * حبه ده داد حقه وارد
قوت سنبله پر برکات *

* بند بکسل باش آزادای پسر *

* چند باشی بند سیم و بند زر *

* پسر * بامعجمینک کسر بله اوغل معنایه این کبی صغیر اولسون کیر اولسون
اوغلان معنایه دکل بوراده پسر تعبیری شفقت طریقله در ویا مخاطبک اولاد

معنویه دن اولسی حقننده تفوا در ز یرا بند تعلقه اولان هنوز
مبتددر و مبتدی حقیقت اوزره مر شد منتهی به ولد معنوی اولاق
بند مذکور دن تخلص دن صکره در که بو تخلص سبب مجانبستدر نتکیم
دیمشدر در الوالد سراییه * معناه فیه مافیه * سیم وزر ذکر تعمیم دن
صکره تخلص طریقله در زیرا معظم مجیدر انکیچون که انلره قوت
تعلق وارد و قوت تعلقه دخی سبب سیم وزرک معظم اسباب معاش ومظهر
اسم عزیر اولدیفیدر نتکیم شاعر دیمشدر * پری پیکر لری اهل غنایه رام
ایدن اولدر * الومه کرسه بر یرده یوزن یوزر دم التونک * و بو معنائک
نظیری وارد در نتکیم خبرده کلور (لولاک نا خلقت الافلاک) افلاک تخلص
اولدنی معظم اجسام اولسی حسبیه در و حواجه حافظ کلماتده کلور *
غلام همت آتم که زیر چرخ کبود * زهر چهر نک تعلق پذیر دآزادست *
خواجه نک بو بیتنده مرادی یالکز زیر چرخنده نک تعلق قبول ایدن اشیاء
محسوسه دکادر بلکه بالجملة نک تعلق قبول ایدن امور جسمانیه و روحانیه
واشیاء صوریه و معنویه در که (وان الی ربک المنتهی) مرتبه سنه وارنجه
جمله سی رنگ تعلق قبول ایدر ولکن امور محسوسیه کثرت الف حسبیه تعلق
قوی اولغین تخلص ایلدی * بعد ذامعلوم اوله که شهوات مطلقایددر
نتکیم قرآنده کلور (زین للناس حب الشهوات من النساء والبنین والقناطر
المقنطرة من الذهب والفضة والخيل المسومة والانعام والحراث) سموات
سبع بویدی مقابله سنده در نتکیم سری شمعدی کلور بو شهوات سبع
مفصله بش نسنده درج اولندی نتکیم قرآنده کلور (اعلموا انما الحیوة
الدنیالعب ولهو وزینة وتفاخر بینکم وتکاثر فی الاموال والاولاد) صکره
بویش دخی ایکی نسنده درج اولندی نتکیم قرآنده کلور (اعلموا انما الحیوة
الدنیالعب واهو) صکره بوایکی دخی برکله ده جمع اولندی نتکیم قرآنده کلور
(فاما من خاف مقام ربه ونهى النفس عن الهوى) یعنی هوای انواع
شهواتی جامه بدر پس سیم وزر دخی بونده داخلدر چون سموات سبع
ذکر اولنان شهوات مقابله سنده در سموات سبع ایسه عالم کون وفساددن
اولغله حجاب ظلمت نیدن معدوددر و حجاب ظلمتینک انحرافی حجاب
نورانبشک انحرافنه وسیله در لاجرم بیت مشویده جمیع ظلمانیه
ونورانیه داخل اولمش اولدی و بوینک ماقبلنه اتصالی بو وجهله

در که بوحله کنججه عالم اصلدن اسفل سافلینه نزول وینه بحسب السیر
والسلوک عروج و بونزول و عروجک میاننده اولان احوال فراق
اجالا بیان اولنوب شمدی جیسع براز خدن طریق عبور و فرا قدن
خلاصه چاره بیاننه شروع ایلدی (معنای بیت) بودر که ای اوغل
بند تعاقی مطلقا اوزو قر آزاد اول زیرا بوقیود تعلقات قطع اولند چقه
مبدأ اصله پروازه چاره یوقدر و بوقیود ایچنده قلان قفصده محبوس
اولان مرغ کبدر * بال بکشا و صغیر از شجر طوی زن * حیف باشد
چوتو مرغی که اسیر قفسی * و یا شهر سنک بسته بر جره باز مثالدر
* براوج فلک چون پردجر باز * که بر شهرش بسته سنک آز * خصوص
اوز رینه سیم وزرک نیجه بر تعلق قیدنده سن زیرا سیم وزر مد نیدر
و معدن موالد ثلاثه دندر موالد ایسه می کباتد ندر پس بوتر کی
افراد و بوتعیدی تکیلدن صکره فوقنده بوقدر عناصر و طبیعات
و بسائط و روحانیات وارد که جله سندن کنزایتمک لازمدر نتمک هدایی
قدس سره کلماتنده کلور * غالب اولوب حب وطن * وحدت
دیارینه کیدن * صغیر اوزایه جان و تن * سیرله سیرایتمک کرک * بو کلامده
لفظ جان ایله مراد عالم ارواح و تن ایله عالم اجسام و سیرایله عالم امر
اکهیدر یعنی ارواح و اشباح عالم خلقند و سیر عالم امر دندر پس عالم
وحدت ذاتیه عالم ارواح و اجسام صغیرن زیرا اکا نسبتله کثیفدر
لاجرم اول عالمی سیرایتمک عین سروا کا دخول دخی قدم سرله او اور
* فلا یصل الی اللطیف الا اللطیف * و بریده که عالم ارواح دندن بله
تجاوز لازم کلدی پس سیم وزر نره ده قالدیکه عالم عناصرک مادونی
اولان موالد مرتبه سیدر و بوسره منیدر که حضرت ابراهیم
علیه السلام جبع اموال فی سبیل الله تصدق و وقف ایلدی دیرل که
حالا خلیل الرحمن ده طبخ اولنان طعام آنک اثریدر و بو مرتبه توحید
افعاله دأردر صکره فرزند دلبدی اسمعیل ذبح ایله مأمور اولد قده
تصدیق رؤیا قلدی و بو مرتبه توحید صفاته ناظر در صکره آتش
نمروده طرح اولنوب جوهر ذاتی یوزندن دخی بوتة امتحانده قال اولدی
و بومر تبه توحید ذاته اشارتدر اگرچه حضرت خلیله کوره
ترتیب خارجی ابتدا طرح واندن وقف واندن ذبحدر و لکن ترتیب

طبیعی و سلوکی ذکر اولند یعنی اوزره در و جائزدر که سیم سالکک
صفاته وزر ذاتنه اشارت اوله زیرا زر اجساد سیمه نك اعلاسی
اولدیغی کی ذات دخی افعال و صفاتدن اعلادر و انفس مرتبه سنده
حجاب عظیم و ذنب کبیردروا کر چکه سیم وزر اولق مرتبه سی
ترکیه دن صکره حاصلدر پس بوضو رتده مصراع اول آفاقی اولان
قیود دن انقطاعه و مصراع ثانی انفسی اولان براز خدن عبوره
اشارت اولور قال الشیخ عبد الرحیم القره حصارى قدس سره *
کس ای عبد الرحیم ال اوز اوز کدن بنلکک بندن * قبای عاری
ترك ایت اول عبای فقرله پنهان * کان المرحوم متوغلا فی التوحید
و ذاق منه ذوقا عظیما کذا فی الواقعات المحمودیه نقله عن حضرت
الشیخ افتاده قدس سرهما (لحرره) حقیقا قطع تعلق ایله
* بغایتوب قائمه سوايه بویه *

کر بریزی بحر رادر کوزه

چند کنجد قسمت یک روزه

* کوزه * برد قدر آخرنده که هاء رسمی تصرفات اعجامدندر یعنی
عربیدن عجمی به نقلاک علا متیدر معشوقه و طریقه و عریضه
وامثال کی و همزه دن صکره تلفظ اولنان یا غیرمر سومه وحدت ایچوند
عین بترا شکنده یازیلان اول یانک نشانه سیدر * کنجد * کافی عجمی ایله
تصحیح اولمشدر اگرچه بعض لغاتده عربیتی مصر حدر * روز * کوندز
آخرنده ها تخصیص ایچوند همزه دن صکره تلفظ اولنان یا غیرمر سومه
نسبت ایچوند مصراع ثانی سؤال و جوابی مشتملدر (معنای بیت)
بودر که اگر دریایی بر بردغه دویمک می اداید سن اول دریادن اول بر بردغه
نقدر صغر بر کونلاک قسمت و بر کون شربه وفا اید جک قدر صو صغر
زیاده صغیر بوسوز بحر عذبه و انهار عذیه کوره نر که شربه صالحدر
زیرا انهار واسعه دخی بحر اطلاق اولنور نیل و فرات و دجله و امثالی
کی و علماء (وکان عرشه علی الماء) آبتنده مندرج اولان مایه ماء عذب
ایله تفسیر ایتشدر که مراد بحر محیط در بحارک بعض عوارض حسیله
مالحیتی اصلنده عذوبتنه منافی دکادر مع هذا مقصود مطلقا تمثیل
و حرص آتی بی تمهیددر یعنی حرصک وجهی یوقدر زرا انسان

بر بردن و حریص اولدینگی مشتهیات دریاه بکرز آب دریا دن بردن
جوفته و سفتدن زیاده صغمدینگی کبی انسانک دخی حوصله سنه رزق
مقسو مبدن زیاده صغمز پس زیاده به حریص اولق عدم تحملانی
جهالتدن و کندویه رزق اولیان سنه حقهده کوشش بی فائده ایتمدن
ناشیدر پس بو حرص مذموم در فاما حریص فیض آلهی اولق بمد و حدر
اگر چکه بوصورتده دخی استعداددن زیاده حاصل اولمز * نمی آید
بکوشش دامن روزی بکف صائب * و کره من تردد بیشتر از آسیا
کردم (لحرره) چونکه برلقمه و بر خرقة بتر * حرص غالبدن افتدی
نه بتر * حرص انسانی چو آبی در یادر * وای اکا کیم آشنه زهر قتر *
* کوزه چشم حریصان بر نشد *
* تاصدق قانع نشد پردر نشد *

چشم حریصی کوزه به تشبیه ایلدی مدور لکده و طارلقده و حرص اگر چه
آفات باطنه دندر و لکن بحسب الغالب چشمک مشتهیات به تعلقی حسبیه
آرزو قوت بو اورا انکی چون طولانی و طویلی چشمه مضای قلدی * صدف *
هند و فارس دریالنده اولور بر حیواندر که سنه ده بر کره ماه نیسانک
اون سکرنجی کونی دریا یوزینه چیقوب منشق اولور و بر سمجابه ظهور
ایدوب دریا او زرینه فیض پاش اولد قده هر صد فک جوفته
ما قدر الله قطره دوش بر وایکی و اوج و یوز وایکی یوز و دخی ارتوق
واکسک و لکن عدد نقدر از اولسه شهدانه و قیتلو اولور مثلاً بر قطره
واقع اولسه در یکتا اولور وایکی و اوج اولدینگی صورتده دخی بوکا
قیاس اولنه و نقدر چوق اولسه فیتده نقصانی اولور ز برادانه سی
خرده اولور بوندن صکره اول صد فلک جنا حینی منزله سنه اولان
جانبینی منطبق اولور تا که جوفته آب دریا دخول ایدوب کوهرک
لونی متکدر اولیه زیرا آبی صودن چهره اولو صرارر و انطباق
ساعتنده جوفده اولان حیوان هلاک اولوب قعر بحره رسوب ایدر
تا که دریا آبی تحریک ایدوب کوهری افساد اتمیه و صد فده اوج طور
معتبردر اولکسی طور حیوانیدر که ظاهر در وایکنجیسی طور حجری در
زیرا هلاک حالنده طبع حجره منقلب اولوب طاش کبی قعر دریا به کیدر
واو جنجیسی طور نباتیدر که قرار دریا به منتهی اولد قده عروق شجره کبی

عروق ظاهر و متمد اولور و صدقک حلی و انعقاد یچون وقت معلوم
و موسم معروف وارد که اول موسمه غواصلر قعور بحاره غوص ایدوب
اصدافی چقاررلر و جوفی حاوی اولدینگی لؤلؤری نجاره بیع ایدرلر
* مکن ذخیره اگر زندگی هوش داری * که رفت بر سر این کار نقد جان
صدف (لحرره) معرفت بر در یکتا در کیم * قعر دلدرد قرار کاهی آنک
* بولدی دکه کشی آ که ظفر * بیلدی کانی هر ماهی آنک * دیمشدر که
در یاده صدف ابر نیساندن جذب فیض اتدیک کونده قراده دخی
نقدر پخته مار وار ایسه بطن ارضدن خروج ایدوب سمواته طوغری
اغزلرن آچرلر و مقدر اولان قطرات نیسان اغزلرینه دوشد که
اطباق دهان ایدوب ینه بطن ارضه دخول ایدرلر در یاده اصدافک
حلی لؤلؤلا اولدینگی کبی اول وقتده قراده دخی اول سنهده توالدایدن
حیاتک حلی زهر قاتل و سم هلاهل اولور پس نوع واحد اولان
آب اختلاف و عالمه مختلف اولدی زیر قدرت حق هر سنه صالحدر
نتکم اغصان سدره اهل جنانه نعیم و اصولی اهل نیرانه زقومدر
(لحرره) صدف اغزنده در اولان قطره * ماره نسبتله سم مطلقدر *
کوره بر نقطه سیاهی کم * اثر کلک قدرت حقدرد * رخ جانانه زین
ولایه آه * داغ دل اولدینگی محقدرد (معنای بیت) بودر که
حریصلرک کوزه مثال اولان کوزلری طولمدی یعنی طویلمدی و دلرینه
قناعت کلمدی انکی چون باطنلری کثافت و کدورتدن خالی اولدی و متاع
وجود لری بازار اعتبارده رواج بولدی اگر صدف کبی قانع اولغله
اواسلردی عز بر الوجود و کثیر المنافع اولور لردی زیرا صدف سنهده
بر کره برقاج قطره قانع اولغله اولوی صفوت کسترله محترم اولدی
و قناعتک نفه بولدی نتکم کعبه مکرمه سنهده بر کره کسویه قانع
اولغله کسویه سی طول مجاورتله رغبت تام بولدی شویله که اهالی اقالیم
انکله تبرک ایدرلر و استحباب ایدوب اطراف جهانه بطریق التین
کو تورلر و بونده اشارت وارد که لالی معارف ربانیه و جواهر کونیه
و آلهیه ایلر پر اولق دین طالب حق باطنی ماسوادن تهی طوتمق
و معدنه سنی فضالت طعمادن ارتق کر کدر انکی چون شیخ سعدی
بیورر * نداندن پروران آکهی * که پر معده باشد ز حکمت تهی *

مثلا صدق قطره نیکسانه قناعت ایتیموب آب دریایله جوفنی طوادر سه
مر و ایدر قیتد اردن محروم اولدیغی کی تن پرور اولانلر دخی فضلات
طعامله معدن بر قمار یله درر حکمتدن محروم اولورل * اسیر بند کران
شکم پرستی باد * زرزق هر که نکر دد باشته قانع (لحرره) چون
صدق بیمان ابرنوبه ساره قل وفا * آب دریایی قوم ابرایچره در در صفا
* هر که را جامه ز عشقی چاک شد *

* اوز حرص وجهه عیبی پاک شد *

نسخ حقیقه صحیحده جله عیبی دوشمشدر ولکن شراح نسخدر ند
عیب کلی واقع اولمشدر عشقی وعیبده اولان یار زانده در کلی بالکلیه
دیکدر ماقبلندن منفضلدر اگر چکه اتصال دخی فی الجملة وجهه در
چاک اولغی جامیه نسبت ابتدی زبراعشق حقیقی نک غلبه سندن کاهیمجه
دست اضطرارله جامه صوری دخی چاک اولور فراقدن سینه شرحه
شرحده اولدیغی کی نتکم مر و ایدر بورداده مراد جامه وجوددر که
جبه روحدر نتکم بردوست بر پوست دبرل پوستندن مراد وجوددر
معهود پوست دگدر نتکم نسیمی کلماتنده دخی کلور * بر کون اوله
بله سن جبه و دستارندن * جبه و دستارندن مرادی عالم اکواندر که عالم
آله لباس کی اولمشدر و شیخ افتاده قدس سره کلماتنده دخی کلور * اهل
عرفان دیدیلر سن چیمینجه آره دن * بیه مز سین کیمدرر کندوبی پنهمان
ایلین * سندن مراد وجود و مشتمل اولدیغی برده در که اضافه کوندر
چیمینجه دیدیکی اول اضافتی اسقاط ایتکدر ز براتو حیدر اسقاط
اضافاتدر مطلقا یعنی وجودا و ذاتا وصفه و فعلا فافهم (معنای بیت)
بودر که هر کیمک تأثیر عشق حقیقی ایله وجودی جامه چاک اولور کی
چاک اولسه و انبات و تعیناته متعلق اولان اموری فنا بولسه و ترکیبی
انحلال بولوب بساطت قبول ایلسه یالکن حرصدن دکل بلکه عیوب
باطنه و اخلاق ذمیه و صفات قبیحه و احوال رفیله دن بر امت و طهارت
و نظافت و نقاوت قبول ایدر ز برابر امور مضافات وجوددن معدوددر
بر برده که وجود اولیه مضافاتی دخی اولمز و بو کلامده ایکی اشارت
واردر بری بودر که سالک حق دست عشقه جامه اکوانی چاک ایتد کده
حجاب ظلمانی و نورانی لباسندن نجر دایدر و بوراده سیر ممکنات تمام

اولوب دیده سیر و اوجه دخی بول دوشمر فاما اثر عشاق سیر
ممکنانده وقوف ایتشدر ز براماورا سینه دخوله قدم اری کر کدر
(لحرره) هر که ایلر سه بو قدمده وقوف * اولور البته تفصله موصوف
فضل قرب امامی بلدک ایلسه * کرزله مسجدده ابتدای صوفی * ایکنجیسی
بودر که چاک جامه اولمق حقیقه سنده عشق حقیقی نک اثر بدر که مطهر
الوای وجوددر و الاتقلید بوزندن چاک جامه اولمک فائده سی ندر
انکچون صاحبیک اوصاف نفسانیه سی با فیدر و نیچهر که بهض حرارت
کاذبه دن کنیدیلرین آتش طرح و یادریایه القبا و باسطندن پرتاو
ایدوب هلاک اولورل ارتکاب کبیره ایله عنده الله تنزل عظیم بولورل
و بو مقولیه جنون دیمزلر ز بر احد جنونده تکلیف ساقط اولور و فلم جاری
اولمز معاذ نسفیدن منقولدر که سوء خاندنه خوفندن موتندن اوج
کون مقدم زوال عقل ایله دعا ایدردی تاکه لسانندن کلمه اسلامک
غیری صادر اولور سه اوزرینه قلم جاری اولمق حسیله مؤاخذه دن
خلاص اوله ولکن کمال انسان قاتنده بو مقوله حال نقصانندن معدوددر
پس شریعت اهلنک خوف و رجایی معتدل کر کدر و محجوبلره قول و فعلا
سکوت و سکون لازمدر و عشاقنک دخی غالب الحال اولنلری مغلوب الحال
اولنلرندن مقبولدر ز بر مغلوب اولنلر بحسب السکر دایره دن چقرل
مر کردن منفصل اولورل * مرکزیکر ایلک قطب جهان سن تحقیق *

* شادباش ای عشق خوش سودای ما *

* ای طیب جله علت های ما *

* علت * شول معنادن عبارتدر که بر محله حلول ایلله و اول محلاک حالی
انکله متغیر اوله انکچون مرضه علت دیدیلر ز بر حلولی ایله شخصک
حالی قوتدن ضعفه متغیر اولور و حد اعتدال دن چقر بوراده علتدن
مراد علت جسمانیه دگدر بلکه علت باطندر که طبیعت کوره شهوت
و نفس کوره هوادر و هوای ده کرچه جله صفات رذیله داخلدر ولکن
بدی صفات ذمیه بی استثنا ایتشدر در که جهنمک ابواب سبعة سی اولیدی
صفنک مقابله سنده واقع اولمشدر شویله که اول صفاتی تزکیه ایتین
حقننده ابواب جهنم مفتوح قالور اول صفات عجب و کبر
وریاء و غضب و حسد و حب مال و حب جاهدر و روح مرتبه سنه کوره
علت جهلدر و سره کوره ماسوایه التفادر بو مقوله رزائله علت و مرض

اطلاق اولنق اوج وجه اوزر بنه مبنیدر اولنکسی بودر که مرض بدن مرضی تصرف کاملدن مانع اولدیغی کبی بورذائل دخی ادرالك فضائلدن مانعدر ایکنجیمی بودر که مرض حیات دنیویه تحصیلندن مانع اولدیغی کبی بورذائل دخی حیات اخرویه تحصیلندن مانعدر اوجنچیمی بودر که مرض اولان کسینه اشیاء مضره به میل ابتدکی کبی بورذائل دخی نفسک اعتقادات ردیه به میلنه سبیدر آنکچون برمر بضمه خاطرک نه در دیدیلر جوابنده (اریدان لارید) دیمش یعنی برنسنه مراد ایتمه کی مراد ایدرم زیرا بدنه مضر اولان نسنه بی اشتها ایتمه ده فائده یوقدر کذلک نفسه مضر اولان اموره میل ایتمه ده بلا چوقدر سالک کرب ریاضت و مجاهدده لری بوماده بی قطع ایچوندر آنکچون بو طریقده برکسینه بددعا ایتسه لر (اذقک الله طعم نفسک) دیرلر زیرا طعم نفس و مشتهای طبیعتی ذوق ایتمه ک فوقنده مرض یوقدر آنکچون حدیثه کلور (الحمة رأس کل دواء) و بر حدیثه دخی کلور (من العصمة ان لا تجرد) فافهم الاشارة من العبارة (معنای مصراع اول) بودر که شاد اول ای بزم خوش سودالی عشقمن یعنی غم یوزی کورمه یوزک دائما کلسون و سودا ک ارتوب اکسلسون بو خطابک ظاهری ک کرچه عشقه در فامانفس عشق شاد اولق و خوش سودا اولق ایله متصف دکلدر بلکه بوصفت حقیقده عاشقکدر یعنی عاشق دائما عشق ایله شاد و خوش سودا در زیر عشقه مبتلا اولان کسینه ده غم و غصه ماسوا قالمز و سودای عشقه حالی خوش اولور زیر عقل معاش ایله مقید اولق ناخوشاغندن قورتلور و بوسه بیدندر که غم محشر بله خاطر بنه کلبوب شوبله بی باک و بی پروا کرر نتکم کلمات صابنده کلور * دل عاشق چه غم از شورش محشر دارد * نیست اندیشه سیلاب ده و برانرا (معنای مصراع ثانی) بودر که ای بزم علل باطنه و امراض قلبیه مزک طبیی اولان عشق یعنی طیب بدن مرضی انحرافدن اعتداله تحویل ایچون معالجه ابتدکی کبی عشق دخی دل انسانک استقامت و حقه توجهنه مانع اولان احوالی تبدیل ایچون مز اوله ایلر و بویاکسنک میاننده فی الحقیقه فرق واردر زیرا معالجه طبییه ده شفا مظنوندر فاما عشقه کوره مقطوعدر زیرا عشق بر آتشین جوهر در که ماسوای سوزدر علت خود میل ماسوادن عبارتدر و عشق دخی فی نفس الامر بر در که درمان قبول ایلز و علاج

کتورمن نتکم کلمات جامی ده کلور * نتوان علاج عشق تو کر خود طیب را * صدبار حقه های مداواتهی شود * آنکچون جنون عشقه مبتلا اولانلر جنون عقله مبتلا اولنلر معالجه ایدر فاما عکسنه بروجهاله امکان یوقدر (لحرره) یا تمه کلسه علاجیه طیب * باشقه بر در د او اور علاجی آنک * طنلوردر عشق ولی کی که آتی * طمیدسه حانه آجی آنک
* ای دوی نخوت و ناموس ما *
* ای تو افلاطون و جالینوس ما *

* نخوت * تعظیم و کردن کشکدر * ناموس * اصلده صاحب سره دیرلر که باطن اموره مطلع اوله ولکن عجم غرض و غیرت جا هلیه و آد و صان و پندار معنا لرنده استعمال ایدرلر * افلاطون آلهی یونا نیدر افلاطون لغت یونا نیسه ده عجم واسع معنا سنه در سکسان بریل معمر اولمشدر حضرت عیسی علیه السلامدن تقریبا التیوز سنه مقدم کلشدر * جالینوس * رد و سده دنیایه کلش و سکسان یدی سته معمر اولمش و علم طب بدن در تیوز عدد کتاب تألیف ایلشدر ابن کمال و یاخود طاشکبری زاده رساله الشفا ده ذاهب اولدیغی اوزره حضرت عیسی ایله معاصر و نبوتی معترف ایدی قصد زیارت عیسی علیه السلام ایدوب یواده مرض اولدی و قبل الوصول مبطونا وداع عالم فانی قلدی نتکم افضل المتأخرین تاج الدین ابن القاضی الکیلانی رحمه الله دیمشدر * الایا ایها المغرور تب من غیر تأخیر * فان الموت قد یأتی و او صیرت قارونا * بسل مات ارسطالیس بقرا ط بافلاج * و افلاطون برسام و جالینوس مبطونا * و بعضیلر دیمشدر که جالینوس حضرت عیسا دن الی طقوز سنه مؤخر دنیایه کلشدر بو صورته حضرت عیسا بی رؤیتی و یا آنکله مراسله سی خبری صحیح دکلدر دیمشدر که جالینوسک سلسله اخذی ارسطویه منتهیدر و ارسطو که ارسططالیس دخی دیرلر افلاطون آلهی شا کردیدر و ریئس مشائیاندر و مشائون انلدر که حکمت بحشیه بی جناب افلاطوندن سؤال و جواب و افاده و اکتساب طریقله اخذ ایتدیلر وجه تسمیه اولدر که خدمت افلاطونه متصل کلورلر کیدرلردی (اشراقیون بونلرک خلا فیدر که بونلر ارباب ریاضت و عزات اولوب معارف الهیه بی

عالم غیبی اشراق نور هدایت استفاده ایتمشدر اما بدینرندن قیل
وقان قیوسی منسد و محاوره لری لسان باطن ایله ایدی نتکم کلور
کوکلدن سوبلشورلر بونده فیضی بویه در آیین * بوخلو تخانه اشراقیاندن
گفت و کواولمز * و کتاب مال و نحل ده کلور که افلاطون حکمتی تعظیما
ماشیا تعلیم ایدر دی ارسططالیس دخی بو معناده اکا تابع اولدی
انکیچون اکا و توابعه مشاؤون دینلیدی دیشلردر که طریق نظر واستدلاله
سالک اولنلر اکرامل انبیادن برملتی التزام ایدر لسه متکلمون
والا مشاؤون درو طریق ریاضت و مجاهده به سالک اولنلر اگر احکام
شریعت موافقت ایدر لسه صوفیه متشرعون والاحکماء اشراقیون در
صوفیه ایله اشراقیه اراستنده بفرق دخی بودر که طریق سادات صوفیه
قدس الله اسرارهم ذکر الله وطریق اشراقیه فکر مجرد در قرآند
ایسه ذکر فکر اوزرنه تقدیم اولمشدر نتکم کلور (الذین ینذرون
الله قیاما و قعودا و علی جنوبهم و یتفکرون فی خلق السموات و الارض)
پس اشراقیه بوترتیه مخافت ایتملریله صحیفه مکاشفه لریک اکثری
اوزرینه خط بطلان چکلدی الحاصل حکماء فلا سفه نک مطلقا اغلب
معلوماتی علم طبر و بعض معقولات و علوم دقیقه که انده حاصل اولمشدر
مرتبه روحنددر روح ایسه مخلوقدر و مخلوق مرتبه سندن حاصل
اولان معانی و معقولات مؤمن و کافر شاملدر زیر نشاه اولی ده
جمله سی حامل روحدر بوسیدندر که خطا لری صوابلرینه غالب
و اعتقادلرنده فسادلری صلاحلرینه راجحدر نتکم اساطین حکمت
اولنلردن فیثا غورس و سقراط و افلاطون کبی منقولدر که باری تعالی
حقند نوعا حرکت و سکونه قائل اولمشلر و ذات و صفات حقند
الحاد ایدوب بوندن غیری دخی نیجه وجهله باکلمشدر صوفیه محققین
ایسه نشاه آخر بده منشی اولان خفی مرتبه سندن اخذ ایدوب
حقایق علوم لدیه ایله امتیاز بولمشدر (بیت) حقیقت علمک بحر نه
بلسون هر طهرار تسز * که جبریل امین اوچیز بودر یانک کنارندن
(معناه بیت) بودر که ای عشق که سن بزم جمله علنلر بزمه طیب
اولدینک کبی خصوص اوزرینه که بروعاره نیک دخی دواسی سن
زیرا سنک بزم چشم التفاتک طوقنق شیشه کر دکانه مست دوشمک

کبیر دین عاشقانه ایسه بومقوله برپت قریق صد عبادتدن خیرلوردر
زاهدلر ده بوانکسار عشق مفقود اولمغله قلبلری بتخانه اولمشدر جمالکی
نیجه یوزدن کورم دین دلار شکست آینه کبی پاره پاره کرک ای عشق
سن بزم افلاطون و جالینوس سن یعنی اساطین حکمتدن خصوص
اوزره بولنلر امور معالجه ده ممتاز و اقران اراستندن و قوف امر اض ایله
سزفرار اولوب مس نبض ابتدا کیری مر یضک عرق اعتدالی حرکت
زده و بدن برسقعاتی صحت آشنا و دست دزاراق ایدن چار طبع مخالف
سیر انداخت و بی عربده و سرمه اتفاق اضداد ایله چشم دل روشن
اولدینگی کبی سن دخی بزم علاج دروغمه کافی و مر ض باطنزه
شافین سن شویله که سنک مباشرتک بزمه اثر ملت قومز و سنک یودوغک
بوزی برطیب حاذق یومز بعد ذا منشیای مثالیله مقابله لطافت
ونکته دن خالی دکلدن زبرا افلاطون که توحید و معرفت ایله
معروفدر بومعنی ایسه ترک نخوته موقوفدر و جالینوس که قصد
زیارت عیسی ایتمشدر نتکم ابن کالدن منقولدر ناموس رسومی شکست
ایتمشدر (لحرره) ساغر عشق آلهیدن کوکل اولمز سه مست *

سوز دلستی شیشه پندار دل بولمز شکست *

* جسم خالک از عشق بر افلاک شد *

* کوه در رقص آمد و چالاک شد *

فلاک مجری النکواکب و مدار النجومدر وجه تسمیه فلک مشابیهتدر نتکم
قرآند کلور (کل فی فلاک یسبحون) و جائزدر که استدارنده فلک
مغزله مشابیهتدن اخذ اولنه * کوه * طور و سادر * رقص * بوراده دوران
معنا سنه دکلدن بلکه مطلق حرکت واضطرابه محمولدر بعد ذا جسم
خالکله خاکدن معمول و مصنوع اولان جسم مراد اولنورسه که انساندر
پس شارحلر ذاهب اولدینگی اوزره مقصود جسم مصطفی و عیسی و ادیس
علیهم السلام که بولنلر اصلنده (خلقکم من تراب) و فقیحه ترابدن مخلوق
و حضیض ناسوتده قرار داده ایکن قوت عشقه اوج ملکوتیه پرواز ایتدیلر
و محور عالم کبی جانب افلاک طوغری چقدیلر کتدیلر اگر نایر عشق اولسه
کسه یرندن حرکت محال بولمز و اوچغه طوغری اوچغه قادر اولمز دی
نتکم صحرا ده ریشه بوقدر خفت جسمله موصوف ایکن ینه خاکدن

ارتفاعی تحریک باد هوا به موقوف در ولكن اظهار اولان بود که جسم
خاکدن مراد نفس خاکدر تنگ مصراع ثانی بو کا قرینه در پس
معنا دیک اولور که خاک نفسنده عناصر اربعه اراستده زیاده ثقلت
و کثافت ایل به متصف و کرانه جثه سندن میت کی ساقط ابکن ینه جمیع
اشیانک نهادنده ایداع اولان حب ازی و جله موجوداتک ضمیر مایه سی
اولان عشق لم یزلی حسبیلله کوه موسی علیه السلام کی اجزاسنه
پربشانی کاری اولوب غباری هوا به متصاعد اولدی و ذراتی مقرر
افلا که اتصال بولدی کو یا بردماغ آشفته عشق در که دود آهی آسمانه
پیوسته و یا قبول مدبرات و مبادی حرکات مثالدر که جسم و جانی
رشته عشقه هیا کل علویه و تداویر فلکیاته بسته در انکچون مرکزنده
قرار ایده مبوب افلاکی طولاشور و اجرام سماویه به اولاشور و بمعنی
اولکیدن اباعدر زیر خاکی نک افلا که استعلا سندن نفس خاکک
استعلا سی قدرنده ادخل و تأثیر عشقی پیانده اغر بدر انکیچون انسانک
ترکینده خفت قبول ایدن عناصر تعبیر اولمشدر هوی و آتش کی
پس مرکبک دخی فی الجمله خفت شاندر فاما نفس خاک بسیط و ثقیل
محضدر (مصراع ثانیک معنای مرادی) بودر که کوه موسی علیه
السلام عشقک تأثیر و تحریکندن حرکت واضطرابه کلدی و چالاک
و چاپک اولدی مع هذا بحر ثقلنده و اتصال اجزاده حدیده موازن
و معادل کیدر اگر کوهده اثر عشق اولمایدی وقت تجلیده مست
صورتنه کیرمز و وجودی اضطراب کور مزیدی تنگ تفصیلی بیت
آئیده کلور (سؤال اولنور سه که اگر خاک و اگر کوه و اگر سائر اشیا عشقه
متصف اولق جائز اولسه عشق عام اولوب انسانه مخصوص اولمزدی
مع هذا اختصاصی متفق علیه در تنگ ایات سابقه ده مرور ایلدی
(جواب بودر که اتصافی مذکور اختصاص مزبوری منافی دکلدر
زیرا انسانده ظاهر اولان عشق درد و ابتلا اوزر ینه مبنی و دائم و بالفعلددر
سائر اشیا ده ایسه بویه دکلدر بوسیدندر که طورده وقت معینده ظهور
ایندیکی وقت تجلیدر و ظهورنده دخی طور متلاشی اولدی زیر
انسانده اولان قوت دل غیریده بو قدر اول وقتده موسی علیه السلام ده
اولان سقوط بو معنایی منافی دکلدر تنگ کلور * سر مجنون بزانو

می نهید ایلی نمی داند * که کوه طور خاکستر شود زیر سر عاشق *
عشق جان طور آمد عاشقا *
طور مست و خر موسی صاعقا *
عشق * مبتداء و جان آمدک مفعولی و جله سی خبردر * طور * بعضیلر قولی
اوزره سر یانیدر جبل معناسنه بومقوله الفاظ بحمیه نک قرآنده ذکر
قرآنک عر بیتنه منافی دکلدر زیرا عبرت اکثره در مع هذا السنه
عربده کندی لغتلندن خارج کلمات مستعلا چوقدر تنگیم حرمین
شریفین اهالی سندن مسموع اولمشدر طور دن مراد طور سینادر که
شام ایل مدین اراستده در حضرت موسی علیه السلام محل
مناجاتیدر خور و سقوط معناسنه در ولكن مفردانده کلور که خور و اول
سقوطدر که اندن خریر مسموع اولور خریر نصیر و زننده علودن
ساقط اولان نسف نک صوتیدر صوت ماء و ریج و امثالی کی بوندن ظاهر
اولور که موسانک سقوطی صوت و تسبیحی مشتملدر * موسی * اسم
عبریدر که تعریب اولمشدر زیرا اصلنده موشایدی شین معجه ایل
صکره عربیتده سین مفضلله به قلب اولمزدی ماول لغتده صو و شا
شجر در تابوت موسی بین الماء و الشجر بولمقله موسی تسبیح اولندی
و موسی اوسته معناسنه دخی کلور تنگ لطائف کلامده کلور * خدینک
اولمدن موسایبانی * خطی موسایه دیردی ان ترانی * صاعق *
مغشی علیه در زیر صاعق غشیدر که اغما دخی دیرلر ترکیده بایلق ایل
تعبیر ایدر عقله نوعا پرده عارض اولمقله حاصل اولور عقلی کتمک
دکلدر (پس بعضیلر قتنده اغما لله غشی بردر که بعض علت حسبیلله
اعضایه فتور کلوب سهو لاحق اولمقدر و بعضیلر فرق ایدوب
دیشلدر که اغما بطون دماغک بلغم بارد و غلیظدن امتلا سیدر
غشی ایسه آفادن برآفت سبیلله قلب ضعیف اولوب قوانک متعطل
اولسیدر) بعدذا بو بیتده خور و موسی بطریق التبعیه ذکر اولمشدر
مقصود طورک تأثیر عشقندن مست کی اولوب رفص و حرکت
کلدوکن بیانددر و بونده طوری جسمه و عشقی جانه تشبیه وارد
(شیخ اکبر قدس سره الاطهر حضرتلری بیور مشلدر که علماء
جساداتک عقل و ادراکی بو قدر دیرلر تکلم ایدن جمادات حقنده

اول وقتده الله تعالى انلره حیات و علم خلق ایتکه جل ایدرل
 بزم اعتقاد مزده ایهه بویه دکلدز زیرا سر حیات جمیع اجزاء عالمه
 ساریدر پس جهاد آتده دخی حیات حقانیه وارد رانکیچون مؤذک
 صوتنی اشیدن رطب و یابس قیامت کونی شهادت ایتسه کر کدر
 شهادت ایتسه حیات و علم اوزرینه منیدر وقت تجلیده اولان اندکاک
 جبل جبلك عظمة اللهی معرفتند ر اگر بو معرفت اولسه اندکاک
 حاصل اولمزدی انکیچون حضرت موای قدس سره عشق
 طورک جانی کلدی دیدی یعنی اگر طورک حیات حقانیه سی و عشق
 حقیقیسی اولمایدی حرکت واضطرابه کلزدی ننکم بی روح اولان
 قالبده حرکت صادر اولمز مولانا جامی کلماتده کاور * سر حب ازلی
 درهم اشیا ساریست * ورنه بلبل نزدی بر کل بی دل فریاد * یعنی
 جمیع اشیا ده حب ازلی سری ظاهر او مغله مخلوق مناسبنه انجذاب
 وارتباط بولدی کیمی عاشق و کیمی معشوق اولدی (معنای بیت) بودر که
 ای عاشق عشق دیدکاری حالت طور سینه قالبنه جان کبی کلدی
 بوسبیدن وقت تجلیده شعاع نور ذات اللهی اکا منعکس اولدقده
 مستانه کبی حرکت و اضطرابه کلدی و مستانه کیفیت صهبانک غلبه
 سندن چاک کر بیان ایلدی کبی طور دخی اول جام تجلینک تأثیرندن
 لباس وجودنی پاره پاره قلدی و اول حاتنه طاقت کتور میوب مغلوب
 اولدی و خاصیت تجلیدن طاشلری لعل قیمتدار صورتی بولدی
 و موسانک دخی بشریه سی اول معنایه تحمل ایده میوب ضعف
 ترکیبیدن ناشی مفشی علیه اولدی و مضطرب اولدیغی حالده
 طور اوزرینه دوشدی (و بوندن حضرت موسانک قوتی قوت
 طوردن افزون اولدیغی مفهوم اولدی زیرا اگر چه مغنی علیه
 اولوب ساقط اولدی فاما اجزاء وجودی طور کبی متلاشی و پریشان
 اولدی انکیچون امانت کبری خصوصتده (و حلهها الانسان) وارد
 اولدی پس بویار امانته انساندن غیری بر موجودک تاب و تحملی یوقدر
 والحاصل طوره عالم مثال مطلقده تجلی واقع اولوب عشقندن
 ناشی مضطرب و پریشان اولدی و حضرت موسی عالم انسلاخده
 واقع اولوب سقوطله سکون بولدی انکیچون انبیاء علیهم السلامه

وحی الهی وارد اولدقده استلقا واضطجاع ایدرلردی زیرا وارد
 الهی هجوم ایتدکده روح انسانی بدنی تدبیردن کندی حاتنه مشغول
 اولور و جسمک قیام و قعودنی حفظ ایدر قوت قلوب جسم دخی
 اصلنه رجوع ایدر که لصوق بالارضدر و اوایایه دخی بومعنادن
 میراث وارد ر محکیمدر که امام شافعی رحمه الله اوائل حالنده و قوت
 تبدلی زماننده بر کیچه امام محمد یاننده اقامت ایلوب صباحه دک
 نماز قلدی امام محمد ایتسه طلوع فجرده دک اضطجاع ایلدی و بعده قیام ایلوب
 بلاوضوء صلوٰة فجره شروع قلدی امام شافعی بیورر که بو خصوص
 بکا امام محمددن مستنکر کلوب اصلنی سؤال ایتدکده جواب ویردی که
 بنی بو کیچه غافل یاندیمی قیاس ایلدک کلاسن بو کیچه کندی نفسک
 ایچون عمل و بن ایتسه امت محمد ایچون اجتهاد ایلدم شوبله که کتاب اللهدن
 صباحدک بیکدن زیاده مسئله استخراجنه موفق اولدم سبب اضطجاعم
 بودر که صفاء خاطرمدانده در پس بوندن فهم اولندی که سر اضطجاعده
 امام محمد وارث انبیاء ایلدی انکیچون اول حالنده واردات خاطرنه
 مزاحم یوغیدی (و دیمشدر که رسول الله صلی الله علیه وسلم وحی
 الهی نزول ایتدکده بشره لری حالتده مهوده دن تغیر شدید ایلد منفیر اولور
 و مست صورتی بولورلردی ولیکن بو تغیر و انسلاخ عقل و تمیزک بقاسنه
 منافی دکل ایلدی انکیچون وضو لری مقتض اولمزدی و بو مقامدن
 حضرت موسی ایلد فخر عالمک میساننده فرق عظیم ظاهر اولدی زیرا
 حضرت موسایه مکالمه طورده و تجلی انسلاخده و وقعه طورده مغشی
 علیه اولدی فخر عالمه ایتسه مکالمه فوق العرش و تجلی عالم صورتده
 واقع اولدی و وقت تجلیده مغشی علیه اولدی ولیکن اگر تجلی طوردر
 اگر تجلی نوردر حقیقی باطن انسان کاملدن زیرا انسان کامل
 مظهر نام و آئینه تجلی واقع اولمشدر اجزاء عالم ایتسه انسان کاملک اعضاسی
 کیدر و اعضانک اضطرابی قلبک ثباتنی منافی دکلدز و عالم انفسدن
 خارج نسنه یوقدر فافهم جدا و بو مقامک حقایق مؤلفانمزدن تفسیر
 روح الیابنده و تمام فیض ده و شرح محمدیه ده ایراد اولمشدر ولیکن
 مقصود بالذات اولان ذوق دل و حضور قلب در تألیف کتب
 تشویش ایچوندز والا روی حقایق کندی نفسنده اشیا ده متجلیدر

سوزادر اكدہ در نكہم فضولى كلماتندہ كلور * اولسہ استعداد عارف
قابل ادراك خى * اطف حق ارسالہ ہر ذرہ در بر جبریل * (لحرہ)
ايلسہ طورہ تجلى اول نور * ايدر اول نور ايجندہ نار ظہور * كل ايدر جسم
طورى بر تاپا * ہم خراپہ ايلر آنى ہم معمور * كسہ بوا تشہ كنور عز تاب
* جسم موسى ايدر ضرورى خور *

* باب دہ ساز خود كر جفتى *

* همچونى من كفتنيہا كفتى *

* جفتم وكفتم فعل ماضيدر آخر لنده اولان يا حرف تعليلدر يعنى
فعلات معناسنى تجريدن تعليلہ صرف ايدر بوسيدندر کہ لاحق اولديغى
فعل سياق شرط دہ واقع اولور * كفتنيہا * كفتنيك جدير کہ مصدر
دلالت انديكى معنى ايجون معد اولانہ دالدر نفس مصدر اولان
كفتن لفظنك دكل آخرندہ اولان يا حرف مائلدر برايشك آخرى نيسہ
وار جفتى ويا بر امر نہ ايجون متہى اولديغى افادہ مراد ايتسہ لفظ
مصدرك آخرنہ برباء ساكہ الحاق ايدر اول مقصود اولان معنائى
افادہ ايدر مثلاً سويلكہ لابق كلامہ كفتنى ويمكہ لابق واكل
ايجون معد اولان طعامہ خوردنى وكيدہ جكہ رفتنى وبالاخر اولاجق
نسنہ يہ بودنى ديرلر بويئندہ مولانا حضر تلى مبتدى اولان سالكى
نايہ واهل نفس اولان مر شد كالمى نى زنہ ولبدن حاصل اولان فيض
نطقى نفخ نفسہ تشبيہ ابتديلر (معناى بيت) بودر کہ اكر بن يار موافقم
يعنى بر صاحب نفسك فيض نطقنہ مصاحب اولاديم ناي نى زنك نفخ
نفسنہ مقارن اولديغى كى بندخى سويلكہ لابق سوزلر سويلردم نكہم
خواجہ حافظ كلماتندہ كلور * فيض روح القدس ار بازمدد فرمايد *
ديكر ان ہم بكنند آنچه مسبحامى كرد * يعنى نيدن انواع الحان
وانواع نغمات صادر اوراق ناي زنك نفسى تأثيرندن در والاسيت
صداسى چقمز وكسہ اكا قولاق طوئمز وبوزنہ بقمزدى كذللك مبتدى
ماشق دخی براهل فيضہ مقارن اولوب آنك ابجان بخشندن نفس
المدجہ اسرارديكہ قادراولمز وسويلكہ لابق سوز بوزلر بو طريقك
حكيمى خدمت وارى نفس در (محكىدر کہ يونس امرہ يكرمى سنہ قدر
شيفنى طديق امرہ قدس سرهما قپوسندہ هيژم كشلاك ابلوب جلب

ابتديكى خطبى طبع مستقيمى كى راست كنور مش شيخ بركون استقامت
خطبك وجهندن سؤال ايتد كده اولدخى بو قپويه اكر ياك صغمر ديمش
شيخ بوسوزى استحسن ايدوب مقابله سندہ بطريق المكافاة وار ايدى
يونس م سويله ديو نطق ايلش بونفس سبيله يونس امرہ دن بو قدر
مقالات توحيد وكمات عرفان صادر اولمشدر کہ كسيہ مقدور دكلدر
انكيچون بويادہ خاتمة المتأخريندر زير اسويلديكى مضمون قالماش
وتركى سوزلردہ آنك كلماتنہ معادل كلمشدر كندى ترجمان الغيب واسان
الفيض وقالب نظمى روح المعانى پرور وخوان معرفتہ ارباب فيض
طفيليدر (لحرہ) كور مبدى قالب خاكي هر كز * بويله بر روح
مصور آدم * ظاهرا مى ايجد اما * ولى علم ايدندن اورردم * وجانزدر کہ
لب لفظى مقحم اولوب نى مناسبتيله ذكر اولنش اوله مثلاً (معناى بيت)
ديك اولور کہ اكر بن كندمہ حالداش ورازداش اولغہ لابق ومناسب
بر عاشقہ مصاحب اولاديم نى مصاحب اولديغى كى بندخى آنك كى
مقامات معرفتہ آغازہ لرايلردم وجرعہ دانم اولدوغى قدر اسرار
سويلردم وليكن محرم بولند قبحہ بومذاكرہ قپوسى آچيلز وصاف آيندہ
اولد قبحہ سوزہ صورت و برلزن نكہم هاتنى كلماتندہ كلور * چومجلس
تہى شد زنا محرمان * كهر رنخت بردا من همكنان * بورادہ همكناندن
مراد رازداراندر نكہم دستور العمل دہ مصر حدر محملدر کہ حب لفظى
مقحم اولوب سر مقابليه رعايتہ ذكر اولنش اوله زير ايكي دمساز برى برلئہ
لب كشادہ اظہار اسرار ايدہ كمشلردر (بعد ذابويئندہ قرب نوافل
وقرب فرائضہ اشارت وارددر زير اقرب نوافلدہ کہ الله تعالى قوائك
لسانى اولور نكہم حديث قدس سيدہ كلور (لا يزال عبيدى يتقرب
الى بالنوافل حتى احببته فاذا احببته كنت له سمعاً وبصراً وبداً ولساناً
فبى يسمع وبى يبصر وبى يبطش وبى ينطق) پس قول لسان حقلہ
تكلم ايدرو بو صورتہ حقك ذاتى ووجودى قولك صفاتنہ مرآت
واحوالنہ مظهر اولور وظاهر ومرتى ومشهود ونور اولور وقرب
فرائضدہ کہ قول الله تعالى نك لسانى اولور پس الله تعالى لسان
عبدلہ تكلم ايدر وبو صورتہ قولك صفاتى واحوائى حقك ذاتنہ
مرآت ووجودنہ مظهر اولور وظاهر ومرتى ومشهود حق اولور

گویا مولانا حضرت تری بیورر که اگر بوقرب نوافل مرتبه سنده لب حقه
مقارن اولایدم وحق بنم لسانم اولوب سوبلییدم ویاخود قرب فرائض
مرتبه سنده بن حقت لسانی اولوب حق بنم لبیدن سوبلییدی (والله
واسع علیم) مصداقچه بندخی نلردییدم ونه رازلر آچیدم وخلقک
عاجز اولدیغی اسراردن خبرلر ویریدم وبومعنی اگرچه مولانایه
نسبتله حاصلدر ولبکن حاصل اولینلری تهییج ونحر یکدر وبومقامک
اسرارندن در که بعض غزلیاتده کلور * اندر غزل خویش نهان خواهم
شد * تارلب تو بوسه زم خویش نخوانی * یعنی کلام متکلمک صفی
اولدیغی جهتدن موصوفله قائم در پس صفت ظاهر اولان ایه فی الجمله
موصوف دخی متصل وسری آنکله دأردر محکیمدر که بوییت حقیقت
شعار ونظم معرفت آثار سلطان الحقیقه شیخ ابوسعید ابوالخیر
قدس سره نیک مجلس شهود ومنتظم لرنده قرائت اولندقدده کیفیتنه
مست وتأثیرندن خوش وقت اولوب مریدلریله قائل اولان شاعرك
زیارتنه وارلر (لحرره) نوله آینه مجازیچره * اوله رخسار حقیقت
مشهود * هر کیم چشم دلی بواسه کشاد * ایدر البته
روی حق شهود *

* هر که اوازهمز بانی شد جدا *

* بی زبان شد کرچه دارد صدنوا *

* صد * تکثیر ایچوند * نوا * مقام و دستاندر یعنی هر کیمکه بر رازدار دن
جدا ودور وبر محرم اسراردن بعید ومهجور دوشدی بسیار مقام
دوستان وهزار صد داستان طو تسهینه کنک ولال ومجلس
کفتارده برملالدرزیراقابل خطاب اولسه متکلم خاموش اووروصندوقه
سینهده اسرار صقلر بولنسه داعیه سخن فتور بولورنتکم یچی افندی
اشعارنده کلور * بلرز بر دل که طوطی کبی کفتارایلیه * سوبلدرمی یوق
جهانده بلرز سوبلدرمی یوق * یعنی دنیاده سوبلر چوقدر زیرافیش
متواصل ونفس متصلدر ولبکن سوبلدر مستعدبو قدر یعنی کیابدر *
وبر مقاله سنده دخی کلور * دریغابر نفس دکلمدک کلزار عالمده * بوباغک
نبجه یلدر بلبل نالانیوز جانا * یعنی کلزار عالمده بوی کل معنی استشمامنه
مستعد اولمغله بزم دخی ناله وفریادمنز فائده سی اولدی وصیت

وصدا منزی کسه قولاغنه آلمدی وسرفغان وزاری ندر بلدی بناء
علی هذا خاموشاق اقتضا ایلدی وبلبل دخی بزم سکوتنزی کوروب زبان
دراز اولدی والا اگر کلزار معنی های وهوی عاشقان ایله بهجت
وبهاده وبلبلان دل محرم سرای اسرارده صیت وصداده اولسیدی
عندلیک بزم یا نمزده بیهوده یره نه نطق ایده جک حالی واریدی نتکم
صائب کلماتنده کلور * زبان دعوی بلبل دراز چون نشود * که
بکام ماخوش زبان خود بزدیم * الحاصل لکل مقام مقال ولکل مقال رجال
* هر سخن وقتی وهر نکته مکانی دارد * ودیملدر در که زبان لالان هم
مادر لالان داند * یعنی دلسزلرک اشارتی ینه مادرلری بیلور هر کس
اخذ اشارت ایده من بلکه فهمده یا کلور پس لاجرم بهم زبان وصاحب
لسانه احتیاج واردر * محکیمدر که درت نفر کسه بری عربی وبری عجمی
وبری ترکی وبری رومی ایدی اتفاق یولده کیدر کن براقچه بولوب اختلافه
دوشد یلر زیر بری برلرینک لسانک بلزلردی بولاننده بر اهل لسانه
راست کلوب بواهل دل بو نلردن استفسار ایدوب مثلاً عربی به ایش ترد
وعجمی به چه میخواستی دیدی مکر بوچار شخصک مقصودلری اولیک درهمه
انکورالمق ایدی مرادلری معلوم اولوب اختلاف مرتفع اولدی (لحرره)
اولسه اورته ده بر اهل لسان * سوزی فهم ایلز قالور انسان * (وبیت
منویده اشارت واردر که برکسنگ معارف صوریه ده نقدر بد طولی وهر فنده
مهارت وقابلیت هیولاسی اولسه مادامکه سلسله بند جنون عشق اولیه
وعشق ایچنده کندینه برهمزبان بولیه ینه ارباب دل یاننده عجم واصحاب لسان
قائنده ابکمدر زیر اعد مجانین العشق عقله ومعقولاننده اعتبار واسانه
وتقریر انده التفات یوقدر بومعنادن نیجه موشکاف تدقیق اولان فیلسوفانک
هربری بالآخره اوراق احراق وابواب قیل وقالی سد ایتمش وغیری
بردل تحصیلی ایچون مدرسه دن چقوب کمتشدرنتکم دیوان جامی ده
کلور * یکپاره دل برداشتم از قیل وقال مدرسه * زین پس بکنج
میکنده مایم وکفت وکوی تو * (لحرره) ای کوکل نکته شناسان
جهان * حق دیملدر که الفنون جنون * واربو عقلی جنونه تبدیل ایت
* نکته فهم ایت که الجنون فتون * نسأل الله سبحانه وتعالی ان
یتلینا بهواه *

* چونکه کل رفت و گلستان در گذشت *

* نشنوی زان پس ز بلبل سر گذشت *

* گلستان * کل بتی رده دیرلر بریره وافر کل دو کسملر اول بره گلستان
دینز پس ستان ظرف مکندر کلک لامنی تلفظده سینه وصلده
فصلده جائز در بور اده و وصول در * سر گذشت * باشند کچن احوال
وامور (معنای بیت) بودر که چونکه کل کتبی و گلستان موسمی
یکدی اندن صکره بلبلدن سر گذشت و ماجرای عشق اشقرسن زیرا آنی
نالہ کنان و پرزاری و فغان ایدن صحبت خاص کل ایدی چونکه فصل
خران ایردی زبان دخی تیغ کبی نیامنه کیردی زیرا هر زمان کل بتز
ووقسنز دخی بلبل اوتمز پس عاشق زارک احوالی دخی هزار دستان
گلستانه قیاس ایلہ (بعد ذابواوج بیت بر سوزده مولانا حضرت تلمیذ
شمس تبریزیدن فراقنه تحسیر و کچن عشقبازلق دملرن تذکر وارد
اگرچه که شیخ حسام الدین دخی محرم خطابی و صاحب املای
گلانی ایدی مع هذا هرراز کتابه کنجاسش مرتبه سندن دور وهر
سر دفتره ثبت و املا اولمندن مہجوره در زیر عہد ما خود هنک
استار ایتکه مساع ویرمز و قلم دل دو کککہ هریره کیرمز حقیقت بر کوهر
قیمتدار در که حقہ داده حفظ او انور بیانه آتلمز (و مشهور در که تاوق
بازارندہ دوه صیاتلمز * فاین السیائیس من الاطلاع علی معاملات
الخواص مع السلطان * وانما مرتبتهم القبول والتصدیق و الايمان
قد کان ماکان سرا لا ابوح به فظن خیرا ولا تسأل عن الخبر * قیمت
در کر انمایہ چه دانند عوام * حافظا کوهر یکدانه مده جز بخواص
* جامی رسید جان بلبل و دم نمی توانم * زو که سر عشق همی ترسم
آشکار شود (لحرره) بر کهر اولسه قچان بردل پاک * صدق آسا
اولور اولام خاموش * رازی صالماز جرس آسا طشره * سویلن
شمس جهتندن اولور کوش *

* جملہ معشوقست و عاشق پرده *

* زنده معشوقست و عاشق مرده *

عاشق پرده است و مرده است تقدیرنده در ماقبلندہ ذکر اولسان
ادات خبرا اکتفا اولمشدر والا بواسانده رابط بالکلیہ حذف اولنن

نتکم بالاده اشارت اولندی یالر تنکیر و وحده صالحدر ولکن اول
اولی در (معنای مصراع اول) بودر که عاشق حجاب عظمت و کبریا
دید ککری پرده ده در که رتبه مظهر در بو پرده دن قطع نظر معشوقدن
غیری یوقدر اول پرده دخی دیدار معشوقه آینده واقع اولمشدر
شویله که زوالنه امکان یوقدر والا ممکن واجبه منقلب اولمق لازم کلور
پس آینده منعکس اولان صورته پرده و حجاب دکلدر غیم رفیق
چهره آفتابه نقاب اولمدیغی کبی کور بنن همان اودر غیری دکلدر
نتکم شیخ مغربی کلماتندہ کلور * چکونه غیر تو بیند کسی که غیر تو نیست *
بدان سبب که تویی عین جملہ اعیان * و حکایہ ماهی ده کلور که بر کون
ما هیان جمیت ایدوب فلان ماهی آبی کور مشدر دیرلر کلورک و اروب
سؤال ایدہ لوم دیو حضور ینہ وارلر اول ماهی دخی سبز بواور تاده آبدن
غیری نسنہ وار ایدیکن بکا کو سترک بند خنی سزہ آبی کوستریم دیو
جواب ویرر یعنی ماهینک وجودی آبه پرده در زیر آب ایچنده حاصل
اولمشدر والا آبدن غیری نسنہ یوقدر نتکم هدایی قدس سرہ کلماتندہ
کلور * ظهوری پرده اولمشدر ظهوره * کوزی اولان دلیل استرمی
نوره * و ینہ انلرک اکھیاتندہ کلور * شوقدر حیرتده اولسون جان و دل
* قندہ باقرسم افندم صانهین (ای راه حقده پویان و سر معرفتی
جویان معلوم اوله که خلق ماسوی الہی اثبات ونفی ایتدہ درت قسم
اوزره در (بر قسمی اعتبارا و حقیقہ ماسوی اثبات ایدرلر یعنی ماسوی
دید ککری حقک غیریدر وجود حقہ مغایر وجود دله موجود در دیرلر
بونلر علماء محجوبوندر (و بر قسمی دخی اعتبارا و حقیقہ نفی ایدرلر یعنی
ماسوی دید ککری نه حقیقہ ونہ اعتبارا موجود دکلدر دیرلر بونلر
عارفون مکاشفوندر (و بر قسمی دخی حقیقہ نفی و اعتبارا اثبات ایدرلر
یعنی ماسوی ظل حقددر دیرلر زیرا ماهیات ممکنہ اوزرینہ واقع
اولان وجود نفس وجود و حقیقت وجود دکلدر بلکه ظل وجود
و صورت وجود در بر نسنہ نک صورتی ایسه کند بنک عینی دکلدر
مرآندہ اولان صورت و وجه ارضده اولان ظل کبی محجوب اولان ایسه
حقیقتده ممکناتی موجود قیاس ایدر فی نفس الامر ایسه حقیقہ
معدومدر و وجود ظلی ایله موجود در و اول وجود ظلی وجود حقلہ

قادر ظلك ذوالظل ايله قیامی کبی عرضك جوهر ویا صفتك موصوفه
 قیامی کبی دکل پس حقیقته وجود حقك وجودیدر که وجود واجب در
 و بولر مشاهدون معاینوندر (و بر قسمی ماسوای حقیقه نفی و اعتبارا
 اثبات ایدر لر و لکن مشاهدون معاینون کبی ظل حقدر دیمزلر بلکه عین
 حقدر دیرلر بولر محققون واجدون در (ولکن بو مقام منزالق
 اقدامنددر حقیقتیه محقق اولدغه فهمی کوجدر کمال صعبوتندن
 (لیس فی الدار غیره دیار) دینلری اکفار ایشلر و بویله دیمکی مذهب
 وجودیه ايله تمذهبیه حل قلمشدر در نیکم علم کلامده نیجه آزمیشلر
 سادات صوفیه حقیقه چوق جرح و طعن یازمشلر در مع هذا کلمات صوفیه نك
 محامل صحیحه سی و اردر اول کلمات بری ذکر اولان (لیس فی الدار غیره دیار)
 * و بری دخی (انما لکون خیال و هو حق فی الحقیقه) مقاله سیدر یعنی عالم
 کون بر خیال و بر صورتدر و لکن نفس الامر ده حقدر یعنی باطل دکلدر
 زیرا باطل مطلق اودر که مرتبه عدمده قالمشدر مرتبه وجودده
 اولان باطل ایسه اضافیدر بر نسنه نك من وجه باطل اولسی حقیقه منافی دکلدر
 مثلا شیطان کبی صفات جلایه و اسماء قهریه یه مظهر در طریق صوابك
 خلافتیه دعوت ایتکله باطلدر و لکن تحت وجودده داخل اولق اعتباریه
 حقدر زیرا حکیم مطلقك عبث ایشی یوقدر پس بو معنایه لیس فی الدار
 غیره دیار صحیح اولور زیرا ملک و ملکوتده حقك اسماء و صفاتندن غیری
 یوقدر و لکن ظهوراتی متفاوت و مختلفدر که اعیانك قابلیاتنه دائر در
 * و بری دخی (سبحان من اظهر خلق الاشیاء و هو عینها) کله سیدر و مقصود
 جمیع اشیا یه ساری اولان وجود مطلق حسیله عینیدر دیمکدر یوخسه
 تعین و تشخیص حسیله دیمك دکلدر زیرا هذا الوجود ايله وجودك
 مابینده فرق واردر مع هذا تشخیص دخی حقدر زیرا باطل مطلقدن
 خار جدر (و اطلاق دبدکلری ایکی قسمدر) (بر قسمی اطلاق حقیقی
 ذاتی و بری اطلاق اضافی عرضیدر اطلاق اضافی حادثدر زیر احداث
 اولان تفتیدك مقابلی در که اطلاق عبارتی اطلاق تقابلیدن ناشیدر
 حادثه مضاف و مقابل اولان ایسه حادثدر پس بو معنایه واجب
 الوجوده مطلق دینلر بلکه اطلاق حقیقی ايله مطلق دینلور که
 اول اطلاق اضافی نك مصدر و مور دیدر نیکم (و حده لاشریک له)

عبارتنده اولان وحدت ايله مراد مقابل کثرت اولان وحدتک ضمه یدر
 یوخسه مقابل کثرت اولان وحدتک عینی دکلدر زیرا بو مقوله وحدتدن
 حق تعالی منزهدر زیرا حادثدر فافهم جدا (لحرره) چونکه حقندن
 ایرشیدی خلقه وجود * حقله قائم اولدی هر مو جود * بلدر سرری
 اسم قبوم * کوستر کنندی آثار وجود (معنای مصراع ثانی) بودر که
 زنده انجق معشوقدر عاشق مرده در نیکم شیخ سعدی کلماتنده کلور
 عاشقان کشتگان معشوقند * برنیاید ز کشتگان آواز * پس اول وقتده
 عاشقندن هر نه صادر اولور سه معشوقدن صادر اولمش اولور نیکم
 بو ستانده لسان عاشقندن کلور * کرم جرم بیستی مکن عیب من * تویی
 بر آورده از جیب من * انکچون بهض کمل بیور مشلدر که واصل الی الله
 اولان کسنه دن هر نه صادر اولور سه قولاً و فعلاً شریعتدر که اتباعی
 لازمدر زیرا او معنائك ظاهری عبده مضاف و باطنی حقه مستنددر نیکم
 قرب نوافل و قرب فرائضده اشارت اولندی بعد ذل عاشقك مرده لکنندن
 مراد اوصافك فناسی و وجود مو هو منک زوالیدر انکیچون
 بو معناده دیمشدر در (صحو المعلوم مع محو الموهوم) ای ظهور الحق
 مع فناء المجاز و بو وحدتدن وجود حقیقی ايله وجود مجازی نك اتحادی
 لازم کلر زیرا وجود مجازی امر مو هو مدر تجلی آلهی ايله مضمحل
 اولوب حقیقت وجود ظهور ایدر نیکم ظلمت شیک وجود مو هو می
 طلوع آفتاب ايله زائل اوور یوخسه ظلمت لیل ايله نور زهار متحد
 اولر زیرا اتحاد اثبیت و غیریتی مو هو مدر بو ملکه جاری اولان ایسه
 کنندی تعین ایدر تعین ايله متعین میاننده ضدیت یوقدر بلکه متعین
 ايله متعین اراسنده وار در نیکم بالاده اشارت اولندی ایشته زنده لك
 بو مرده لکن صکره در که حیات باغیه در زیرا یار باقی ايله حیاتدر
 غیریتی حیات فانیه در که یار فانی ايله حیاتدر * نه پروانه جان داده در پای
 دوست * به از زنده در کنج تاریك اوست (لحرره) حضورش کر عمر
 باقی استریسك متصل * اوله کور آب حیات فیض حقندن زنده دل *

* چون نباشد عشق را پروای او *

* او چو مرغی ماند بی پروای او *

* چون * تعابیل و چو تشبیه ایچوندر اصلی چوندر نون حذف

اولمشر تعلیل ایچون اولان چون دخی حذف نوله مستعملدر * پروا *
فراغت و میل و هوس و مبالات معناسنه در آخرنده یا اضافت ایچوندر
ایکنجی پروای برایله وای دن می کسدر که بر قوش قنادنده بتن یلکدر
صکره بال یعنی قنات معناسنده استعمال اولندی زیرایک قنادک جزء
قوبسیدر و وای آه و فریاد معناسنه در که عربیده وی وویل کی مقام
نحسروندم و تعجیده استعمال اولتور (معنای بیت) بودر که اول
کسک که عقل معاش جزیدن عشقه فراغی و آنکله تقیدی واکامیل
وهوس و مبالاتی اولیه قناتسز قوش کی قالدی و آی و نحسروندامت اگا
بو کلامده قلب انسانی مرغ و عشق و شوق بال و پره تشبیه واردر پس
مرغ کرک یک پروکرک بی پر آشیانه سنده اقامت زده اولوب قطع مسافه دن
عاجز و مقصدی اولان محله پروازه حرکتدن درمانده اولدیغی کی
قدم عقله سالک و جانب مقصوده بی جنبش عشق منحرک اولان کسسه
دخی مقام طبیعته قالور * و عالم اصله وصولدن عاجز اولور و حار
طاحونه مثال مبدأ حرکتی اولان یره طولاشور کلور * نمی توان به قدم
قطع آسمان کردن * ز شوق بال و پری چون نسیم پیداکن * معلوم
اوله که مجرد عقله سلوک اینک فلاسفه طریقیدر تنگم دیرلر انسانک سعی
و کوششی تحصیل سعادت ایچوندر سعادت ایسه حکمت ایله حاصل
اولور طلب حکمت دخی یا عمل و یا علم ایچوندر حکمت علیه عمل الخیر
و حکمت علیه علم الحق در و بوابکی قسمده عقل کامل و رأی راجح لازمدر
پس بونظر ظن ابتدا بیلر که مجرد علم بالله تحصیل اینک حقه و وصولدر
و سعادت مطلوبه ک عینیدر و عقل و رأی واسطه قویه در و بلند بیلر که
بو عقل عقالدیر و حقیقی ادراکده قاصدر و نظر صحیح کرچه معرفه
حقه مؤیدر ز برابر معلومدن بر معلومه انتقال ایدر حقه منتهی اولجه
ولکن طریق تصور و فکر قیاساتی فاسده و عقیده اولدیغی صورته
بنه نتیجه سی اختلافدن خلاص اولور و صاحبی انبیتدن نجاته مجال بولمزن تنگم
شیخ اکبر قدس سره الاطهر بیور مشلدر که قرآن بکر قالمشدر یعنی علماء
رسومه نسبتله زیرا انلر نظر عقله و ترتیب مقدماته محتاجدر پس انلرک
علمی تفکریدر علماء حقیقت ایسه بو ترتیدن غیبردر ز برا انلرک معرفتی
تذکریدر مثلاً برکسسه بر محله حفر بئر ایسه صویه یا واصل اوله یا اولیه

اولدیغی صورته اول صویا آجی اوله و یا طنلو اوله طشلو اولدیغی
صورته دخی بی سبب حاصل اولان مطر کی دکلدر ز برامطر هر وجهله
پاکدر پس انبیا و اولیا ک عاومی و حی و الهام قبیله دندر و حی
و الهامده ایسه قطعاً خطا یوقدر انکیچون علوم صوفیه محققین ده صواب
شوقدر واردر که اولماده ده که علماء ظاهر اجتهاد ایدوب اصابت ایدرلر
اصابتلری انتهاء در ابتداء دکلدر از باب بصیرت ایسه هم ابتداء و هم انتهاء
مصیبلدر الحاصل و سعه بشرده اولان مرتبه ده حقه وصول بالکز
عقله و علمه حاصل اولمزن عشقه و کشفه محتاجدر دیشلدر که طلب
انسان علمه ساکن اولمزن تنگم آج اولان صوبله طویمز و صوسز اولان
دخی ناله قاتنر پس تشبیه صولازم اولدیغی کی علم اهلنه دخی عین
لازمدر عین ایسه علمدن سر ایدن آب کبیدر معشوقک ذاتنه و صفاتنه علم
اکا و صولک عینی دکلدر تنگم بر صحیفه اوزرنده مصور اولان شکل
سلطان رسا عینی و عینا غیبردر مادامکه مسمای حقیقی سنه رؤیت تعلق
ایتمه قناعت کلز بالکز علمه عشق و شوق لازم دکلدر بلکه طلب مجرد
کفایت ایدر ولکن معلومه وصوله عشق مفرط و شوق عظیم کرکدر
بو عشق در که انوکله علم بالله حبث المشاهده حاصل اولور و آنک قوت
ضر بیله بناء ملک و ملکوت یقبلور تنگم صائب دیشلدر * بزور عقل
گذشتن ز خود میسر نیست * مکر بلند شود دست تازیانه عشق *
انسان کندنی گاه کی سبک قلمدجه جاذبه کهرباء عشقه حقه منجذب
اولمزن تیر کج کاندن چقه قدقه رسوای اولدیغی کی عقل دخی عشق
یانشده بویله در بالکز عقل ایله مصلحت بئر اولسه فلاسفه نک ایشی
بتردی و طریق زهد موصول حق اولایدی گروه زهاد و عباد مقام
وصله بتردی ولکن هر کسک وصل حانه کوره در حجابلری بری برلینه
نسبتله در عقل بولنسه شرع دخی لازمدر فلاسفه نک عبادتلری
طبعله در شرعه دکلدر و کذلک متابعت هوالله در امر آلهی ابله دکلدر
و شرع بولنسه عشق دخی لازمدر پس شرعه قیام و شرعک امر
ایتدیکی ذکرده دوا مله عشق و عشقندن دخی مکاشفه و معاینه حاصل
اولور نیچه ریاضت اهل واردر که عشقه قدم باصممشدر مع هذا بعض
کشوفدن خالی دکلدر ولکن کشوفی سفلیه مقوله سیدر که ریاضتک

نمایندند معتبر دکلدر ز را اولی نور محبت و آخری نار عشق اوزرینه
 مبنی دکلدر نار عشق ماسوی سوزدر بنوار خاتمان وجودده بلورسه
 سفلیات و علویاتدن اثر قالمز جمله سی محترق اولور اگر بالکز ریاضت
 کفایت اینسه اشراقیه طائفه سی دخی مراده ایرلر و مجرد مطالعه
 کتب ایله وصول مرتبه سن بواسطه سواد خوان اولنلر دخی بودوقی
 سورلردی نتکم والهی کلماتنده کلور * علم هیئتله حکمت اشراق *
 موصل حق اولایدی طلابی * بوعلی مظهر کرامت اولوب * قطب
 اقطاب اولیدی فارابی * و بعضیلر دخی دیشلردر * دررفع حجب
 کوش نه در جمع کتب * که جمع کتب نمی شود رفع حجب * درکل
 کتب بکاشود نشاء حب * طی کن همه را و عدالی الله و تب (لحرره)
 اولز یسه عشق مطلق واسطه * خالق عالم حقیه بولمز رابطه *
 رشته عشق دلاک قبل منتظم * بودرر عشاق ایچنده ضابطه
 * من چه گونه هوش دارم پیش و پس *
 * چون نباشد نور یارم پیش و پس *

* پیش و پس * جهاتده اظهر و اعتبارده اکثر اولغله تخصیص بالذکر
 اولندی والامر ادجمع جهاتدر نور یاردن مراد وصل یاره دلیل وهادی
 اولان عشقدر پس بونده عشقی نوره تشبیه وارد ز را علم نور اولیحق
 عشق بطریق الاولی دروجه تشبیه هدایتدر نتکم قرآنده کلور
 (وبالنجم هم یهتدون) وبری دخی نور مطلق جمیع جهاتنه شامل
 اولد یخی کبی عشق دخی جمیع اعضا و قوایه ساریدر نتکم بالاده بیان
 اولندی بوسیدندر که قرآنده قره نور دینلیدی نتکم الله تعالی بیورر
 (وجعل القمر نورا) زیراقر انساک قابله اشارتدر و قلب دخی زجاجه
 مثالدر زجاجه شجره مبارکه دن ایقصاد اولوب شجره مبارکه دخی
 (لاشرقیة ولا غربیة) صفتیه اتصافنه بناء جهاتله تقییددن مطلق
 اولدیخی کبی قلب دخی عالم ملکوتدن ونوری دخی نور مطلقدن اشعال
 اولمشدر ودعاء نبوی علیه السلامده کلور (اللهم اجعل فی قلبی نورا
 وفی سمعی نورا وفی بصری نورا وعن یمینی نورا وعن شمالی نورا وامامی
 نورا وخلقی نورا وفوقی نورا وتحتی نورا واجعلانی نورا) و بونورک عمومته
 بناء حدیثده کلور (لانسبقونی بالارکوع والسجود فانی اراکم من خلفی

کا اراکم من امامی) زیرا حقیقه احدیه وهویت محمدیه جهات ایله
 متقید دکلدر ز یراظاهری خالق و باطنی حقدرا نکچون بوقصیره مدینه
 منورهده روضه منیفه لرنده سرمبار کلری اوچنده بوجهله اشارت
 اولمشدر که (لا تجوز السجدة لخلق الالباطن رسول الله صلی الله
 علیه وسلم) بوسیدندر که روضه لرینی طوافدن منع اولمشدر فافهم جدا
 و بحقیقتک اطلاق جسد مقید لرینه دخی فی الجملة ساری اولمشدر نفس
 مطمئنه لرینک برکتی بدن نظیفه لرینه ساری اولوب صورت بدیه بی
 انحلاادن منع ایتدیکی کبی نتکم ایله معراجده صورت جسمده عین محض
 اولوب بی جهت رؤیت دیدارله ممتاز اولمشلردر و قرآنده کلور (الله
 نور السموات والارض) یعنی الله تعالی سموات ارواح و ارض اجسادک
 نور یدر ز یرانور حق نور مطلقدر فی الحقیقه جهته واحده ایله تقیدی
 یوقدر انکچون اجسام و ارواح و ملک و ملکوت ظاهر و باطنه شاملدر
 وعالم آفاقد شمس و قمر ذکر اولنان نور مطلقه مثال اولغله سموات و ارضه
 پرتوانداز اولمشلر ونورله جمیع جهاتی پرقلشلردر و حدیثده کلور (ان الله
 خلق الخاق فی ظلمة ثم رش علیهم من نوره) پس ظلمتده قالمش و ارایسه
 عدم محضدر فافهم (معنای بیت) بودر که بن نه گونه ونه وجهله عقل
 معاشی پیش و پس طوایم و جهات وجودک ظلماتنی ازالده آنک نور
 ضعیفی فانوس ایدینه یم چونکه بنم یار مک حرم قربنه دلیل و مجلس
 وصلته هادی اولان نور مطلق یعنی عشق صافی و مروق جمیع جهاتنه
 حکم ایتیه و بمنله بله کتیه یعنی جمیع جهاتنه اناره واضاعته لایق اولان
 عشقدر که مطلقدر عقل دکلدر که مقیدر انکچون عقل جهت واحده
 وجود اولان دماغ انسانیده آشیان سازدر دماغ ایسه سدره المنتهی
 مثالدر عشق ایسه قطب وجود اولان قلب ایله آشنادر قلب ایسه
 عرش محیط کبیدر نتکم خبرده کلور (قلب المؤمن عرش الله) از ظلمت
 وجود که می بردر بیرون * کرشمع پیش پای نمیداشت نور عشق * و بونده
 عشقه ترغیب و تحریرض وارددر نتکم خواجه حافظ کلماتنده کلور * عاشق
 شورانه روزی کار جهان سرآید * ناخوانده نقش مقصود از کارگاه
 هستی * وله ایضا * نشان اهل خدا عاشقیست باخوددار * که در مشایخ
 شهر این نشان نمی بینم * یعنی زمانه و خصوصاً شهر شیرازک مشیخت

ادعا اید نلرند نشان اهل خدا اولان عشقندن اثر ناپیداد پس نیجه اهل
خدا ی اولور یعنی اگر نلرده بونشان اولسه ماسوی پرست اولمز و حقندن
غیریه سجده قلزل و هوای عجب غرورله طولزل و دعوی بولنه کیدوب
طریق معنایی یا کلزلدی ولیکن صورته قالمشله و حقیقتندن خبر الماشله
و جمال مقصودی کورمشله و سر فنیایه ایرمشله و در تنگم دیوان صابده
کلور * بفکر نیستی هر کز نمی افتند مغروران * اگر چه صورت مقراض
لادارد کریبانها (لحرره) عشق بر آتشدر آنده ماسوی چون خار و خس *
خار و خس هر کز طیانز اورسه کر آتش نفس * شش جهاتی غرقه
دریای نور حق اولور * هر کیم ایلرسه بونار عشقندن اخذ قبس *

عشق خواهد کین سخن بیرون بود *

آینه غماز نبود چون بود *

* غماز * قو و مجید و غمز سه ایتدر که شرده استعمال اولور و کوزله
وقاشله اشارت ایتک و تغامز بری بر آینه کوزله اشارت در * چون * جیم
عجمیه و ضمته ک اشباعی و واولک اظهار ایلله اسان فارسیده استفسار
ایچوند نیجه و نته معنایه اسان عرییده کیف کبی کهنه اطلاع اولیوب
حقیقتندن استفسار جائز اولمده بختندن او توری حق تعالی حضرتی
بیچون ایلله توصیف ایدر (لحرره) چوقدر رشورید ککان عشق
ایچنده ماجرا * یوقدر اول معشوق حقنده ولی چون و چرا * بعدذا
بوکلامده قلب عاشقی آینه یه و قلبده اولان لایحاتی آینه ده منعکس
اولان صورته تشبیه وارد (معنای بیت) بودر که عشق آلهی دلر که
بوسوز قلب آینه سنده ظاهر اوله و آثار یله زبان و اوراق دخی شرف بوله
زیر آینه غماز اولمده نیجه اوله یعنی غماز اولمده چاره یوقدر الحاصل
آینه کدورتدن صاف اولدقده صور آنده متجلی و منعکس اولمق لابد
اولد یغی کبی قلب دخی مقتضای عشق اوزره آرایش سوادن پاک
اولدقده آنده معانی و حقایق جلوه کر اولمق ضروریدر ولیکن * و الارض
من کأس الکرام نصیب * و فقیحه زبان و خامه و نامه دخی رشحه دار
اولور نتکم دیمشله و کل اناء بر شرح بمافیه و دیوان صابده کلور * مخم
راز عشق رادر خاک کر دن مشکست * می جهد چون سنک بیرون
از شر اسرار عشق * و بوندن اسرار آلهیه بی کتم ایتک لازم کلز زیر

اظهار اولان رشحه مقدر در و قرآنده کلور (یا ایها الرسول بلغ
ما انزل الیک من ربک) یعنی مصالح عبادیه متعلق اولان تبلیغ الیه و اسرار
مقوله سنی انشایله معلوم اوا که انسان الله تعالی ک نورنه آینه واقع اولمشدر
زیرا انسانده جهت لطافت وار در که روحانیتدر و جهت کثافت
وار در که جسمانیتدر (پس اول نور مطلق جهت لطافتی ایلله قبول
و جهت کثافتی ایلله امساک ایلر) نتکم آینه صفوت جوهری ایلله صورتی
قبول و ظهرنده اولان طلاء اسرب کثافتی ایلله اول صورت مرئی بی
امساک ایلر و کذلک بر کسینه شمسی کورمک داسه طریق بودر که بر طرفه
صوقوبوب کسینه مقابل وضع ایلله زیرا صواطاتی ایلله شمک نورنی
قبول و ظرف کثافتیه امساک ایلر اگر بو وجهله اولسه نور شمس حس
ظاهرله من حیث الحقیقه ادراک اولمز پس اول ظرف نور شمس آینه
اولد یغی کبی وجود انسان دخی نور مطلق آلهیه آینه اولدی
شویله که بر کسینه نور حق ادراک ایتک دیلسه انسان کامل آینه سندن
ادراک ایلر غیر و وجهله چاره بوله من و روح انسانی جسدله ازدواجنده
قلب تواد ایلر و روحانیتک لطافت و جسمانیتک کثافت و مظهر اولمشدر پس
قلب انسانی بر آینه ربانیتدر که اگر نعلق ماسوی پاسندن پاک و مینا کبی
جوهری تابانک اولورسه عالم غیبک اسرار نه جلوه گاه اولور و نقدر اسرار
آلهیه وارایسه اول آینه ده کندن کوستر و اول آینه اول اسراری
صقلمده چاره بولمز و کوستر ممکه مجال اولماز البته رمز و اشارت ایدر
واکر زنگار خورده علاقات اولورسه صور معانی غیبیه دن آنده اصلا
بوز کورنمز زیرا کثافت جوهری بو معنایه مانعدر و بوسیدندر که
کل اهل شهود بی قفا وجه اولمشدر یعنی انلرک جهات سنی آینه
مثالیدر زیرا قلبک عفتی جمیع اعضا و قوایه سرایت ایلمشدر اهل حجاب
اولنلر ایدر بونلرک خلافیدر یعنی آنلر بی وجه قفا اولمشدر زیرا قلبک
قسوت و کدورتی جمیع اجزاء وجوده شامل اولمشدر پس بونلرک جهات
سنی ظلت محضه ایچنده قالمشدر ولیکن بوراده دخی مراتب وارد
زیرا فرق شمعدن قرب و بعدده تفاه و تباه نوری زیاده و نقصان
قبول ایتد یغی کبی آینه انسان دخی وجه حقه محاذاتی قدر مستنیر
اولور و آنلر که بو محاذاتدن بالکلیه محجوب اولمشدر در انلرک حالی محاق

شهرده قرك حالى كيدر پس وای آنره كه تاريك وجود ايچنده قالمش لدر
(لحرره) كوكل آينه سنده كورمكدر و * سل كرزك كرد كدر دن
ياهو * بولسه شهر آخرنده ماه محاق * ظلمت محض او اور وجودى
قو * يوزى شمس محاذى اولمز ايسه * قالدی اول ظلمت ايچره آخراو *
وای او مرآته كيم طسوته زنكار * كورن آنى ديه دكل مينوى *
ومن الله النجیة والتصفیة *

* آينه دانی چرا غماز نيست *

* زانكه زنكار از رخس ممتاز نيست *

اصلى آينه ات در همزه تخفیف ووزنار سمدن و تلفظ دن ساقط
اولمشد و بعض نسخه ده آينه جانت ازان غماز نيست دو شمشدر
پس آينه ده اولان همزه علامت اضافتدر وزن ايچون اشباع اولماز و بلكه
سهوات ايله تلفظ ايچون يا جاننده اماله اولنور * دانی * استفه می متضمندر
* زنكار * پاس معناسنه در اصلنده ترك آردر ترك كتوريجي معناسنه بوراده
باسدن مراد تعلق ماسوا در * رخ * اصلنده يگادر بوراده مجازا صفحه
آينه مراد در عنوان كابه ديپساجه ديدكاري كبی (معنای بيت) بودر كه
ييلور مسن دلك آينه سی نيچون غماز دكل ويا مرآت جانك اول سيبدين
غماز دكلدر كه چهره سندن كرت تعلق ماسوا ممتاز اولماق و پاسی
سيلنوب آچلمشدر رز برا زنكار خورده آينه ده صورت حسيه ظاهر
ارلدیغی كبی ماسوايه متعلق اولان دلدی دخی صورت معنويه لایح
اولماز و كندن كوسه تروب اشارت قلز نكتم مولانا جامی كمال تنده
كلور * صوفي صفای دل بغم غیر تیره ساخت * آينه خدای غما
زانكه نداشت * والا صورت آينه دن جدادكلدر نكتم ديمشدر *
صورت از آينه نباشد جدا * معلوم اولكه سالكه ابتدا منكشف
اولان ملكوت و معارفدر سببی قلبدن شهوتی ازله در اندن صكره
عالم بالله من حيث المشاهده در وسيله سی ملك و ملكوتك جمله سندن
التفاتی قطعدر پس محلی تهيه اتمك لازم كلدیكه قلبدر وقلبی تهيه دن
مراد در تعلقندن تطهير وصور كونیسه وقوانین رسمیه دن تخلیه در
شوبله كه ملك و ملكوته متعلق لمح قالماق كر كدر بومعنايه دخی
تو حد عزیمت و دوام جمعیت كر كدر بروجهله كه فترت كلیه و تقسم

خاطر بولمیه و تشنت عزیمت اولمیه پس بوقدر علایق و عوایق زنكاری
چهره دلی بر كدرت ایلش خصوصاملا حظده وجود سالكي متكدر
قلش ايكن نه وجهله بوجمال اسرار كوريله ونه طریقيله بوذوق وصالی
سوريله (لحرره) عكس انوار آلهی یوزنی قلز شن * اولسه آينه قلب
جلادن روشن * بعد ذا مولانا حضر قلری دیپساجه كتابی تأله ختم
ایدوب عنوان كلا مك تمامنه و مقصوده شروعه اشارت ایلدی نكتم
صاحب محمدیه دخی كتابی تأله ختم ایدوب خیر البریات دیدی و بعض
اسراری دخی ختام كتابه شرحزده مسطور در ای دلی حقایق
آشنا و دیده سی كحل جلا ئله روشنا معلوم اولكه بو كشف معنوی
و شرح مشنوی بومحله رسیده اولد قده هجوم اشغال و ازدحام بعض
احوالدن ناشی بوقدر حق بوقدر له اكتفا صد دنده اولوب طی
طومار و ترك بقیه كفته ملا حظه سیله خواب ر بوده اولد قده بین
النوم والینظه كورورم كه بر شخص مكرم و بروح مجسم ظاهر اولوب
الومه برخاتم صونوب ال شوخانی مولانا كندی خاتمدر سزه كوندردی
دیو سوبلدی و بره وضع اولمز دیو جواب ایلدی بن دخی آلومه الوب
فصنده اولان نقشنه اطلاعدن صكره الومه بر التون ترا زو سنك
بر كفه سنه خانی و بر كفه سنه دخی رنسنه قیوب برابر وزن ایلدم بعده خوابدن
بیدار اولوب تعبير رؤیا بوجله لایح اولدیكه خاتمدن مراد مولانا ك
قلبی و فسی مشتمل اولدیغی نقوش عالم غیبدن اول قلبده منتقش اولان
صور معانی و حقایقدر كه آنك بر اثری كتاب مشنودر و اول قلب مصفی
آينه وار بو اثری غماز اولمشدر و بره وضع اولنمق ختمه دك
شرح ايچون بكر بستم عزیمت اولمدر خصوص صا خاتم ختمه دالدر
انكيچون فخر عالم صلی الله علیه وسلمه مهر نبوت ضرب اولمشدر ز را
ختم انبیاء علیهم السلامدر و نقشنه اطلاع كتاب مشنویك معانی
و حقایقنی ادراك و بقدر الاستعداد مرادنه و صوابدر و ترا زو میران
آلهی و كفتنی شریعت و حقیقت و تسویه كفتین كتاب مذکورك
مشتمل اولدیغی حقایق شرایعیه تطبیق و مدخول عقول جزیه اولان
مواضعی تلفیق و توفیقدر پس بو نفس نفیس مولانایه و ذكر اولسان
معنايه بناء بقیه شرحه نشاط تازه حاصل اولوب شروع اولندی

(لحرره) هر نه یاز دېسه خامه تقدیر * کلور البته ایله تدبیر *
سکا بسدر بواشارت حق * سوز اکا برده اولور دیرلیر *

* بشنوید ای دوستان این داستان *

* خود حقیقت نقد حال ماست آن *

معلوم اوله که بوقیر جمله ایات مشونیک شرحه علی التفصیل تعرض
ایلدیم و هر یکنه بقدر الامکان بعض نکات و معانی سوبلدیم بعض ایات
ایچون شرحدن غنیدر دیک ضیق عطفندن ناشیدر والا ایات
شونیک هریری جهسان معانی و اقلیم الهام ربا نیدر نیکم بیورلر
* بیت من بیت نیست اقلیمست * بعد ذامولانا حضرتلری تفصیلی
اجاله تطبیق ایچون بامو حده ایله بدء ایلدی زیرا عنوان کتاب
برنامه مقوله سیدر که تفصیل مستقبلی اجالا مشیدر و حقیقتده
تفصیل واجال متحددر ولیکن تعلیم مبتدی ایچون شرح و تفصیل
ضرورت واردر نیکم دیمش لردر (العلم نقطه) یعنی علم اصلنده امر
بیطدر حروف کبی ولیکن حروفده کلمات و آیات و سوری مطالعیه
قادر اولیلر ایچون بطریق التعلیم ترکیب و تکثیر اولمشدر * ای * حرف
ندادر ولیکن قاعده عجم اوزرینه مکسور اوقنور * نقد * وعدک مقابلی
ونسئمک خلافیدر و تمیز دراهم و امثالی معناسنه دخی کلور بوراده
ایکی معنی بله محتملدر (معنای بیت) بودر که ایشید یکنای دوستان
بوداستان و حکایه بی اول داستان و حکایه خود حقیقتده بزم نقد
حالمدر یعنی اگرچه صورتا مضمونی ماضی و زمانی مرور ایتشدر
ولیکن اشارتی بزم وجود بزمده موجود و حاضر در زیرا اشاره
نسخ طاری اولماز و قیامته دک حکمی بوزلماز قرآن ذی شاک منسو خانی
دخی بویله در و یا خود بو حکایه نک صورت و قشری زیوف
و بهرج کبیدر زیوف و بهرجه عند البحار رواج و اعتبار اولد بیخی
کبی حالا بونک دخی صورت و قشرنه عند الاخیار التفات و اداره
کفتار بوقدر ولیکن مقصود بالذات معنی ولی الا آن رواجه صالح
و تعامله قابل و قبوله مقارندر استماعله امر ایتد یکی ایکی معنایه دأردر
بری بودر که عبارتده مجولدر زیرا قصص و اخبار مقوله سی کبی واکا
حاصل اولان علوم جزیه علم حصولی قبیلنددر علم حصولیه ایسه

حضور اولماز البته تعلیم و تفهیمه موقوفدر والا هر کس احوال عالمدر
خبردار اولمق لازم کلوردی و بردخی بودر که اشارته مجبولدر
زیرا شول نسنه که حقیقت صرفه مقوله سیدر تعلیمدن خارجدر فاما
اوازم حقیقت اولان بعض امور تعلیم ایله حاصل اولور حضرت
حضرتک موسایه علمهما السلام تعلیم ایتدیکی علم بوقیادندر یعنی
اوازم حقیقتدندر والا نفس علم ادنی نه کابه صغرونه قولاغه کرر
ونه لسانه کلور الحاصل علم اشارتده تعلیم جاریدر انکیچون مولانا
حضرتلری استماع داستان ایله امر ایلدی کویا دیک اولدیکه
ای دوستان حقیقی بوقصده بی استماع ایدوب باطننده مندرج اولان
رموز و اشاراتی عبارات یوزندن اخذ اید بکز و منظوفندن معانی
ثوانی طریقنه کیدیکز و محالی حروفده صور حقایق کور بکز و هر
قصه دن حصه اخذ ایدوب مراده ایر بکوز و بزم کثرته ذوق وحدتی
سور بکز و من الله التوفیق

* بود شاهی در زمانی پیش ازین *

* ملک دنیا بودش و هم ملک دین *

* شاه * اصلنده اولودر هر نسنه نک ایریسنه و بیو کینه شاه دیرلر مثلاً
ارلو یوله شاه راه وایری دانیه شاه دانه دیرلر ولیکن بحسب العرف
اطلاق اوزینه استعمال اولینجق شاه دن مراد سلطان اولور * ملک *
میک ضمیمه سلطنتدر یعنی پادشاه اق که ذوی العقولده و غیریده
تصرفه شاملدر کسرله عقلا نک غیره مخصوصدر و اموال و اسباب
معناسنه کلور * دنیا * بودار محسوسه در که آخرته نسبتله دنو و قربی
واردر بعضیلر دیمش لردر که سموات سبع حد دنیاده داخلدر زیرا
جمله سی عالم کون و فساددندر * دین * شریعندر اطاعت اولند بیخی
جهتدن یعنی وضع الهی به آتی اقامت و آنکله عمل ایدنه کوره دین
و آتی حقندن نادیه ایدنه نسبتله ملت دینلور (معنای بیت) بودر که
بوندن اول برزمانده یعنی زمانه سابقده بر پادشاه وار ایدیکه آنک
هم سلطنت دنیاسی و هم سلطنت دینی وار ایددی یعنی ایکسنه بله مالک
و ایکسنه بله قوی و شدید ایدی سلیمان علیه السلام و امثالی سلاطین
دین و دنیا کبی ملک دنیایی تقدیم ایلدی قافییه ایچون و بردخی

ملك دين بحسب الظاهر ملك دنيايه تا به در مراد روح
سلطانيدر كه جسد در دت بيل مقدم خلق اولمشدر (وجهي
بودر كه عرش اعظمك فوقه جسم كلي و شكل كلي و هيكل كلي
وطيقت كلي و نفس كلي اعتبار اولنور كه عالم ارواح بونلك فوقنده در
پس جسم كلي ايله عالم ارواحك مياننده درت مرتبه واردر هر مرتبه
يك عدد اسماء آلهيه ايله مقابله اولينجق بيل اولور زيرا امر
وجودك ظهوري تدريجيدر ويوم آلهي يك يلدن تكم قرآنده كلور
(وان يوما عند ربك كالف سنة) بوسيدندر كه الله تعالى سموات وارض
وتوابعني التي كونه خلق ايلدي يعني التي يك يلدن تكم قرآنده كلور
(خلق السموات والارض في ستة ايام) وآدم عليه السلام قرق صباحي
دخي قرق بيل مجولدر و ارزاق دخي ارواحدن درت بيل
مقدم تقدير اولمشدر زيرا عالم ارواحك فوقنده مراتب علموا عيان
ثابته و اسماء آلهيه و صفات واحديه اعتبار اولنور كه ذات احديه
مرتبه سي بونلك فوقنده در (پس عالم ارواحك مرتبه احديتك
اراسته سندن مذكور اوزره درت مرتبه اعتبار اولنور و تقدير ارزاق
مرتبه احديته در كه مبداء از ليتدر ملك دنيا و ملك ديندن مراد
روح سلطانينك ظاهر و باطن اسمائيه مظهر يتيدر ظاهر تقديم اولندي
زيرا باطن ايله حاصل اولان شهود امر وجود اوزرينه منوطدر پس
دنيا دن مراد اسم ظاهر ك تحت خطيه سنده داخل اولان جميع
محسوسات و ديندن مراد اسم باطنك داخل دائره سنده اولان جمله معقولاتدر

✽ اتفاقا شاه روزي شد سوار ✽

✽ با خواص خویش از بهر شكار ✽

✽ اتفاقا * بوبله الفاظه قياس تنوين ايله تلفظدر فاما بجم تنويني افه
ابدال ايدوب صورت وقفده اجرا ايدر * سوار * آتلود يكد * شكار *
صيد معناسنه يعني ذكر اولنان پادشاه اتفاقا بركون صيد و شكار
ايچون كندي خواص وندماسيله آتلاندي و اطراف شكار گاهي
طولاندي مراد روح سلطانينك مركب تعيناته راكب اولوب سندن
اسماء آلهيه ايله و با خصوص قواي روحانيه اولان متخيله و مفكره
و حافظه و ذاكره و عاقليله مستصحب اولد بغي حاليه كندي مقامی

اولان عالم ارواحدن منفصل اولوب عالم انسانه طوغري حركت پر بركتي
بياندر زيرا بوجو حركت سبيله معارف و حقايق شكار ايله و صورت شهاديه ده
معاني غيبه صيد قیلور انكيچون حقنده وارد اولدي (اهبطوا منها جميعا
فاما يا ايها النبي فمنا هدى فمن تبع هداي فلا خوف عليهم ولا هم يحزنون)
هدى ظاهرده انبياء و مرسلون و علماء ساده و مشايخ قاده در
و حقيقتده بر نوردر كه الله تعالى آني قلوب انبياء و اوليايه قذف ايلر
كه انكله جناب قدسه مهدي اولورل ارواحك اعلاي عليين فريدن
اسفل سافلين بعده هبوطلري هداي مذكوري تحصيل ايچوندن
زيرا تقدر نبايات شهوديه و ارايسه نبليات وجوديه نك نتايجيدر
پس حقايق امكانه و حقيقت انسانيه نك اول حقايقك احكامنه
نزلي الله تعالى دن محض لطف و عین رحمتدر الحاصل انسان
جستدن هبوط ايلسيه و يا مجردات كي عالم ارواحدن عالم اجسامه تنزل
قيلمه شكاردن محروم و غدا دن بي بهره قاوردی زيرا شكار آفاقه
حر كته اولور پس اكتساب كمالات و اقتناص سعادات ايتك بوعالمه
نزوله منوط و روحك جسم ايله زود واجنه مربوطدر (انكيچون حضرت
علي كرم الله وجهه وقت صباونده موتي كراهت ايتشدر زيرا عيان
عالم ذاته قريب اولغله لباس صفاتدن عاريلر در و كمالات بشريه دن
مجرد دردر فاما اوليكه ليت امي لم تلدن ديوبهض ارباب احوال دن
صادر اولمشدر قبض حاله كوره در تكيم محمديه ده دخي كلور * نوادي
بن جهانگليدم * واول كه خواجه حافظ ديواننده كلور * من ملك
بودم و فردوس برين جايم بود * آدم آورددرين دير خراب آبادم * بوندن
مراد حقيقتده ارضه هبوطك نمرسني يساند زيرا انسانيت مرتبه سي
ملكيت مرتبه سنك فوقنده در اول سبید نكه انسان جمال و جلال
حقسه مرآت و ملك ايسه جماله مظهردر پس ملك اولوب فردوس
برين ده قالمقن ايسه آدم اولوب يريوزينه نزول ايتك يكد زيرا سائر
رعيت و آدم آنلره يكد (فاين صاحب الجناس الواحد من ذي
الجناسين (المحرره) ايتكيچون نذر عشق شكار * سني شاهين مثل
ايلدي حق * آدم اولد يغه دكر حقا * سكا در التفات حق مطلق *
✽ يك كنيزك ديد شه بر شاه راه ✽

* شد غلام آن کثیرك جان شاه *

* کثیرك * از ادولمصدق جاریه در آخر نده که کاف اصلنده تصغیر
ایچوندر صکره تصغیردن منسلخ اولوب مجرد جاریه مناسنده استعمال
اولمشدر نیکم کتب لغویه شاهددر * غلام * فارسیده قول مناسنده در
عربیده اولمشدر مطلقا (یعنی ذکر اولان پادشاه برای شکار
کیدر ک اولوب اولوزنده بر جاریه کوردی وجان ودی اول جاریه نیک
قولی و کوله سی اولدی و انده جاوه کو اولان حسن و بهار ملاحه
منتهی حسبیه عشقه گرفتار و محبتنده بی اختیار اولوب بوم مناده
اسیرك مرتبه سی بولدی نیکم خواجه حافظ کلامنده کلور * منعم
کنی ز عشق وی ای مفتی زمان * مذکور دارم که او را ندیده *
بودن فهم اولور که شق و محبت اختیاری دکلدر کاه اولور که انسان
مفاجاء نظره اضطراری گرفتار محبت اولور و بوم نایه اشارت
ایدوب حدیده (یا قلب القلوب والابصار ثبت قلبی علی دینک و طاعتک)
کلدی * اختیارم نیست در سوای او * کثیرك کدن مراد نفس حیوانیدر
زیر وجود انسانده روح و عقل و نفس سلطان و وزیر و مرأه مشابه سنه
در پس روح سلطانیدن نفس حیوانی آدم دن حوا کییدر حوا
آدم دن خلق اولندیغی کبی نفس حیوانی دخی روح سلطانینک جسده
تعقیله حاصل اولمشدر کثیرك تعبیری خدمته صلاحته و کالاته آلت
اولد یفته بشد در شاه را هندن مراد عالم دنیا در که اولا و اخر الامر
انسان وظاهر و باطن کاذر کاه سالکاندر شاهراه تعبیری عالم
دنیا ده اولان وسعت تجلیه کوره در زیر آینه و رونده سی چوق
وقفله لری حد دن ارتو قدر روح سلطانی بو عالمه مرورینه دک بوبله
کثرت مظاهر وسعت تجلی اسم ظاهر کوردیکی یو غیدی پس چون
دور مراتب و سیر عوالم ایده رک عالم دنیا یه مرور و خصوصا موالیده
عبور ایلوب جسد انسانی یه تعلق قیلدی نفس حیوانی یوزند تجلی
اسمادن حاصل اولان بهجت و بهار و طلعت منتهایی مشاهده قیلد قدده
خدمت و ازدواجه صلاحتی بیلدی و بی اختیار عاشق اولدی سائر
تعیناه مرورنده ایسه بومعنی مفقودایدی و بو حالت یول اوزرنده واقع
اولمق دلالت ایدر که عالم دنیا روحك قرار کاهی دکلدر زیر بو عالمه

مجرد صید و شکار ایچون کلددر مصلحت تمام اولد قدده ینه اصلنده رجوع
ایدر و کلد یکی یوله دوتر کیدر نیکم حضرت هدای قدس سره بیورر
* تنزل ایلوب کلدك جهان * کیدر سن برکون اسکی آشینه *
* مرغ جاننش در قفس چون می طبید *
* داد مال و آن کثیرك را خرید *

* قفس * محبس الطیر در ولیکن عربیده صاد و فارسیده سینه در
زیر ادیمش لردر که لسان فارسی ظرافت و لطافت اوزرنده وضع اولمشدر
و طبعده پالوده و قند و حاوی کبی قلمشدر پس حرف ص بولسانده
بو قدر ز بر صادده صفت استعمال و اطباق مجتمع اولدیغی سببیدن
غلظت و ملو حندن خالی دکلدر و اولیکه بولسانده صادله مستعملدر
یاغیری السنه دن منقول و یا تحریفات عوام قیلدنددر * طیبیدن * یورك
اوینامق و طلیبق نیکم قوش بوغزاندیغی زمان ایدر * مال * اکا دیرلر که
باندات طبع اکا میل ایده و وقت حاجت ایچون ادخار اولنه امام محمد
رحمه الله قولی اوزرنده ناسك تملك ایتدیکی امورك جمله سنه مال
دنیاور دراهم و دنانیر و ذهب و فضه و حنطه و خبز و حیوان و سلاح
و ثياب و امشالی کبی مال عین مضروب اولنه دیرلر (بونده جانی
مرغه و جسدی قفسه تشبیه واردر نیکم محمدیه ده کلور *
بن همای دو اتم طباق دکلدر جوهرم * کر چه بر قاج کون قفس
بولدوم بو طبراق من مشال (معنای بیت) بودر که چون اول پادشاهك
بدننده جانی قفسده محبوس اولان قوش کبی متحرک و مضطرب اولدی
و قلبنده داعیه قویه بولدی مال و یردی و اول جاریه بی صاتون آلدی
(بورا ده مال ایله مراد مال فراواندر زیرا مطلق ذکر اولمشدر
مقصود روح سلطانیك نفس حیوانی یه تعلق قوی و تعلق معنویه
سندن حاصل اولان انفعال و تأثری بیاندر (سؤال اولور سه که
تشبیه مذکور دن روحك دخی بدنی اولمق فهم اولدی) جواب
بودر که مقصود تمثیلدر و یا خود هیکل انسانیدر زیرا بو حالت
بعد التعلق واقع اولمشدر اعطاء مال و اشترا دن مراد میل و محبت
و رغبتی تمثیلدر زیرا رغبت اولمین نسنه اشترا اولنماز
* چون خرید اورا و بر خوردار شد *

آن کثیر از قضا بیمار شد

* بر خوردار * وصف ترکیدر ریش و خور خوردن یک * دار * داریدن
طو تمق معنا سینه در بر خور طو تپی دیکدر یعنی نصیب او و منتفع
* بیمار * وصف ترکیدر اصلنده آرنده بیم در قورقو کتور بیجی
معنا سینه خسته خوف هلاک اولغله بیمار دیدیلر (معنای بیت)
بودر که چو نکه پادشاه رقیقه عشقیه و لطیفه حبیه یعنی حب ذاتی
و میل صفاتی حسبیله اول جاریه بی صاتون آلدی و آلمک و صالیه
منتفع و بهره دار اولدی اول جاریه قضا دن یعنی ناکاه و یا نزل قضا
ازلی و نفوذ حکم لم یزایدن خسته لندی و رواق مزاجی غلبه اخلاط بدن
بولاندی مراد رو حک بدنه تعلقه بدن صکره نفس حیوانیک عاشق هوی
و محب ماسوی اولوب مرض باطنیه مبتلا و درد عشق مجازی ایله بیمار
آسا اولدیغن بیاندر قضا دن دیدیکی بودر که قضا ایله کاهیمجه عقله
مخالف و خارجده مستبعد نسنه ظهور ایدر انکیچون جنید بغدادیدن
سؤال ایتشلر عارف زنا ایدر می دیو (و کان امر الله قدرا مقدورا) آیت
اوقومش عارفک زناسی ماسوایه التفات در زرا دنیا و اکام مضاف اولان
موجودات زن حکمنده در زنه ابله بی نکاح شرعی تعلیق زنادر
حقیقته نکاح شرعی اودر که تعاق حقه و وصولدن صکره اوله

* آن یکی خرداشت و پالانش نبود *

* یافت پالان کرک خرا در ربور *

* یک ایله عدد و یکی ایله معدود مراد اولنور یعنی اول بری خرطوتدی
و خرک پالانی اولدی یعنی خره مالک اولدی و لیکن خره اورمغه پالان
بولدی و بالفرض پالان دخی بولدی فاما قورد خری قالدی و اکل ایلمدی
صورت اولیده پالان سر قالدیغی کی صورت ثانیسه ده خر سر قالدی
زیرا ایکی نعمت بریده مجتمع اولماز * محالست این که باهم نعمت
ودندان شو دپیدا * و بلکه بر نعمت زوالی غصه سی چکسون ایچون
سوق اولنور نتکیم مفتی بحی افندی نظمنده کلور * زوالی غصه سن
چکسون دیو نعمت و بر یو خسه * فلک اهل دلك صانمک که مسرور
اولدیغن استر * پادشاه دخی جاریه بی بولدی و لیکن جاریه ده صحت وجود
بولدی پس آخر سر وری غمه مبدل اولدی محکیدر که بعض ملوک

فیروز جدن جواهر ایله مرصع بر قدح لانتظیر اهدا اولاند قدیده زیاده
فرحناک اولوب هم مجاس اولان حکما به شوق قدح حقننده نه در سزدید کده
جوابنده فقر حاضر و مصیبت عاجله در دیدیلر زرا منکسر اولور سه
مصیبت و سرفه اولنور سه احتیاج ظهور ایدر اتفاق بر کون اول قدح
منکسر اولوب پادشاه مصیبت دوشدی و حکما کرچک دیشلر نولایدی
اهدا اولنمیدی دیدی (لحیره) ممکن اولسه جهانده هجرت غم * کتمک اولوردی
قندهار ایلنه * دست حکمت بو باغ عالمده * هر کلی صوندی و بردی
خارالنه * بعد از انشیل مذکورک ماقبلنه مناسبه تامه سی وارد زرا خیر
قوت شهویه به و بالان زنه اشارتدر زرا محل رکوب و استعلا و لوازم
قوت مزبوره دندر پالان خرک لوازم بدن اولدیغی کی و کرک ایله مراد
موت در زرا هادم اللذات و الشهواتدر انکیچون حضرة یوسف علیه
السلامک برادر لری موت بوسفدن (اکله الذئب) دیواکل ذئب ایله تعبیرا بلدیلر
و چونکه مرض موتک مقدمانندندر پس بو مقامده کرک تمثیل محلنده
واقع اولمشد * خسته کورسم سنی هلاک اولورم *

* کوزه بودش آب می نامد بدست *

* آب را چون یافت خود کوزه شکست *

اول برینک برداغی وار ایدی الله صوکلدی یعنی برداق ایچنه قریاجق
صوبولدی و بالفرض چون صوبی بولدی بردق خود قلدی پس بویکی
ایتلار اسنده متردد اولوب قالدی نتکم صائب کلماتنده کلور * دائم
میانته دوبلا سیر میکند * دانسته است هر که عین و بسار خویش *
کوزه دن مراد نفس حیوانی و آبدن مراد روح سلطانیک صفای
خاطر ایدر زرا زن خادمه دن کوزه ایله تعبیر اولنور و بویکلا مده محل
شهوت اولان زنه و رجوایت اهلنه و عیننه دخی اشارت و ادرا فافهم
جدا بعد از مولانا حضرت تری ذکر اولنان ایکی بیتده حلول جوارى ایله
تمثیل ایلمدی زیرا پالان خره و آبک کوزه به حلولی جوارى مقوله سنندندر
سری بودر که روح سلطانیک نفس حیوانی یه تدبیر و تصرف
طریقیه تعلقه فی الجمله مجاورت وارد و لاتعلق مذکور فی الحقیقه
نه جوارى و نه سریانی مقوله سیدر بلکه مطلقک مقیده سریانی و ملزومک
لازمی احاطه سی کی و نفس حیوانیک روح سلطانی ایله قیامی ظنک

ذو الظل ايله قیامی کبیر

* شه طبیبان جمع کرد از چپ و راست *

* گفت جان هر دو در دست شماس *

* چپ * اصلنده مخفف در بوراده وزن ایچون مشدد او قبور یعنی پادشاه
طیبری صوادن و صاغدن جمع ایلدی یعنی تختگاهی اولان شهرک جمع
اطرافنده و یا مملکتک جمله جهاتنده ممکن اولان حکمانی بو خصوص
ایچون برره کتوردی (و چپ و راست عبارت تارنده حکماء اسلامیه به
و غیر اسلامیه اشارت وارد در بعد ازین دیدیکه هر ایکیزک یعنی بنم
و کنیز کلک جانی سزک الیکز ده در یعنی تحت تسخیر یکزده و دست
تدبیر یکزده در بز سزده تسلیم اولدی سز دخی بزه معالجه ده تقصیر ایتد کوز
بوندن و ایات آتیه دن فهم اولنور که کنیزک مرض جسمانیه و پادشاه مرض
روحانی به مبتلا ایلدی زیرا کنیز کلک خسته ایکی سبیله جانی بی حضور اولمش
والم روحانی بولمش ایلدی بو خود مرض جسمانی بدن اشد و اقوی در
نتکم ابن فارض قدس سره نک تأییه سنده کلور * و کل بلاء ایوب
بعض بلیتی * یعنی بنم مرض رو حده و ایوبک مرض جسمده در مع هذا
قوت نبوتله مؤید در پس بنم بسلام آنک بلا سندن اشد در بونده
اشارت وارد در که امراض ظهورنده غالب اولان معالجه و اسبابه
تشبشدر تو کل نا در در بعد ذامقصور روح سلطانیست مرض
نفسه معالجه تدبیرنده ارباب قاله و اصحاب حال دن اهل نقصانه
مراجعتن بیاندر زیرا ارباب قال کنندی نفس لونی و غیر یلری اصلاح
و تزکیدن عاجز اولد قلری کبی اصحاب نقصان دخی بویله در زیر تزکیه
فخر عالم صلی الله علیه وسلمک صفتدر نتکم قرآنده کلور (ویز کیهیم) پس
براهل حال هر وجهله وارث پیغمبر اولسه و تکمیل سلوک فلسفه
ارشاده قادر اولن مدعیان کی

* جان من سهلت جان جانم اوست *

* درد مند و خسته ام در ماتم اوست *

یعنی بنم کنندی جانم آساندر و بنم حیوتمه چندان اعتبار بو قدر جانمک
جانی یعنی قوامی و محبوبی کنیز کدر بن در دلی و خسته یم درمانم اودر
والحاصل جاریه نک خسته لکی بنم هلاکه سبیدر اگر ابو مر ضدن
خلاص اولور سه بکا دخی صحت و درمان وارد و الا هلاکم مقرر در نتکم

مولانا جامی کلماتنده کلور * تن تو کا مد و جان هزار سو خته دل *
لکن ممکن که نباشد ترار و اروزه * یعنی صوم سبیله معشوق نقصان بدن
و ذوبان لحمی هزار سو خته دلک نقصان جوهر جان و بلکه مفارقت روح
روانده بآیدر بعد ذاپادشاه کنندی جانی سهل عد ایلدی زیرا جان جانم
عبارتندن فهم اولنندیکه کنندی جانی بدن و کنیزکی اول بدننه جان پیرنه وضع
ایلادی امر بدن ایسه امر جانیه کوره سهلدر زیرا مقصود بالذات اولان
جاندر بدن اکا آلتدر و بونده طریقته مبالغه به ساووک و بدن کنیزکی
اطافت تامه ايله تو صیف وار در (بونده اشارت وارد در که روح
سلطانیست کمال ذاتیسی نفس حیوانیست صحت و سلامتنه موقوفدر
انکیچون اکاز یاده تعشق و محبت ایتشدر و بو محبت بنه انسان وفات
ایتد کده چوق زمانه دک روحک بدنه انجذابی کسلسز و میلی زائل اولن
و بو سبیلندر که عظم مینی کسرو قبرنی و طء و سائر اهانن و تحقیری
موجب اولان امور دن نهی اولنمشدر زیرا احبات دنیا حالی کیدر (لحیره)
مز ارمه کلن اخوانه وصیت اولسون * بنی بوز یرده کورب اتمیه لر ناپامال
* کهر جانم ايله خاکک الفتی وارد در * عنصرم آغوش یانور جوهرم مخزن مال

* هر که درمان کرد مر جان مرا *

* برد کنج و در و مر جان مرا *

* مر جان * اول مر کیدر مر لام جاره معناسنه در مر فلان فلانه و فلانک
دیگدر جانن مراد کنیز کدر نتکم بالاده جان ايله تعبیری شاهددر
ولیکن اظهر اولان بودر که مر جان مقرر در کنیز کلک علیدر زیرا
جاریه لره مر جان تسمیه اولنمق شایددر قوللره کافور کبی (ایکنجی
مر جان مغرب دریاسندن چقان معهود قزل طاشدر و مر وارید خورد
معناسنه دخی کلور پس قافیه ده تکرار لازم کلن * مرا * اصلنده
من را در تخفیفانن حذف اولنمشدر رادن غیری یرده حذف اولنوب
متصل اولن مثلاً من کردم و منش پرده مکردم و منش دیمزل
در و مر جان آجی دریاده اولور درک تکنونی بالاده بیان اولندی
درک قمر دریاده طور مائیتی اولدیغی کی مر جانک دخی وارد در زیرا
شجر کبی شعله نور مر جانک انواعی وارد در بیاض و قرمزی و سیاه
اولور دیمشدر در که مر جان تکلیس اولنسه زیبقی عقد ایدر زیبقی

عقد ایتمه ده ایسه زیاده صعوبت وارد در زیر طیار در و بو عقد اوزرینه
منافع کثیره متفرع در اربابی بیلور (بعد ذرا در و مرجانی کنج اوزرینه
عطف ایلدی عطف خاص علی العام طریقله زیرا در و مرجان
انفس جواهر اولغله کنجده مخزون اولان سائر اموال نفیسه جنسندن
خارج کبیدر (معنای بیت) بودر که ای اطبا سزدن هر کیم بنم جانم
مرتبته سنده اولان جاریه مه ویا مر جائمه درمان ایلدی اول ایلدی
بنم خزاننده مخزونه اولان اموال نفیسه می خصوص صا انفس الجواهر
اولان در و مرجانی یعنی ماله متعلق نسبه اندن دریغ اولدی و بلکه
جمع ماملکم بولنه مبذول اولدی زیرا طالب جانان ماله دکل بلکه
جانه بله قیار و مال و جان نقدلرینک جمله سنی کنج مراده ابرمک ایچون
صیار اشارت بیت بودر که روح سلطانی نفس حیوانیدن مرجان
ایله تعبیر ایلدی زیرا نماده نبات و حیوان ایله مشترکدر نتکم مرور ایلدی
یعنی هر کیمکه بنم جاریه مه مثابه سنده اولان نفسک مرض درونته
معالجه و استقامت طبعیچون اسبابه مزاوله ایدرسه جمیع قوای روحانیه مه ایله
اکامداد ایدرم و بونده مقتضای عشق اولان بذل و انفاقه اشارت وارد

جمله گفتندش که جانبازی کنیم

فهم کرد آرم و انبازی کنیم

* جانباز * معروف کسیه در که ایپ اوزرنده اوینار ایپ اوزرنده
اوینقده خطر جان اولغله جانباز دیدیلر یعنی جان ایله اوینایچی نتکم
بخون خویش بازی میکند دیرلر کندی قانیله اوینار معنانه آخرنده
یامصدریه در بورا ده جانباز لقن مراد اسبابه تشبث و معالجه
خصوصه سنده جانه رنج و تعب و بر مکدر بولفظک بومقامده و رودی
زیاده لطافت اراث ایدر زیرا بالاده جاریه مذکوره دن جان ایله تعبیر
ایلدی کویا جانبازلق جان مرتبه سنده و جان پاره سی اولان
جاریه نک علاجی خصوصه سنده اوین و صنعت کوستر مکدر * کرد *
کاف عجمینک کسریله جمع اولق (معنای بیت) بودر که جمله اطبا
پادشاهه دیدیلر که معالجه خصوصه سنده وار مقدوری صرف ایده لم
ودفع رنج ایچون جائمه رنج و بره لم ابتاء جنسله فهم و رأیی بریره کتوره لم

اورتاقلق ایده لم یعنی مشاوره و مظهرتله طبابت ایلدی لم زیرا انفرادله
اولیان بعض کار اجتماعله حصوله کلور و معاونتله مباشرت اولتان
ایش تیز وجود بولور (بوندن مقصود ارباب قصور و کسورک
تزکیه نفس حقنه ایستدکاری لافی بیان و سوبلدکاری کذا فی عیاند
نتکم مولانا جامی دیواننده کلور * بلال ناخلفان زمانه غره مشو *
مر و چو سامری از ره به بانک کوساله *

هر یکی از ما مسیح عالمیست

هر الم را در کف ما میست

* مسیح * حضرت عیسی علیه السلام القاب مشرفه سندن
صديق معنانه و بهضیله دیشلدر که اصلنده مشیخادراغه عبرانیه دن مبارک
معنانه وقاهوسده سیاحتدن اخذ ایشدر زیرا حضرت عیسی عبادت
ایچون یروزنده چوق سیاحت ایشدر و محمدیه ده دخی کلور
* ای نیجه عیسی مسیح اولوب سیاحت ایلدی * صو کچی خبرته
مبهوت اولدی قودی قیل وقال * وابن ملک شرحنده کلور که
حضرت عیسی بر مرض صاحبی مسیح ایتدی الامر ضندن ری
اولدی انکچون مسیح تسمیه اولندی * کف * عربدر ال وال آیه سی
معنانه اصلنده مشدددر بوراده و زنیچون تخفیف اولمشدر (معنای
بیت) بودر که بزدن هر طیب احباء وجود و شفاء مرضیه ده مسیح
عالم و عیسای زمانه و علم حکمت و تشریحده فرید روزگار و یکانه
جهاند هر کونه الم ورنجه بزم الیمزده بر مرهم و یامطلقا مرهم و دارو
وار و صحت و تندرستی چرخ وار بزم یوزیمز دن دوار در مقصود
کندیلرن زیاده حذاقت و مهارت ایله توصیفدر کرک بوقضیه زمان
مسجددن مقدم و کرک مؤخر اولسون فافهم جدا * بعد ذرا حضرت
مسیح علیه السلامه ایکی صفت کمال وار ایدی بری علم حکمتده
حذاقت که تربیه ظاهره داروری صفت احیاده مهارت که فی الحقیقه
اصلاح باطنه متعلقدر (پس کویا علماء قال و مشایخ پراختلال اولنلر
نفس حیوانیه به معالجه ده محیی و شافی و کافی و معافی اسمارینه مظهریت
ادعا ایتدیلر و دعوائی عریض ایلوب لاف و کذاف یوانه کندیلر
(لحرره) ایلز ذره قدر فائده قال * اولسه نار غمده کردل قال *

حالی اولسه محبط انسانك * نفعينه ايله سه تصحيح مقال *

* كره خدا خواهد نكفتند از بطر *

* پس خدا بخود شان عجز بشمر *

* بطر * تحريكه عربدر بر قاج معنایه كلور بوراده مراد كبرو غرور در (معنای بیت) بودر كه اگر خدا ديلرسه يعنى ان شاء الله ديلر كبرو غرور و پندار و كنديلرسه زياده اعتنا و اعجابلرندن پس الله تعالى انلره عجز بشري كوستردى و اقدار حق اولد چقه عدم اقتدار لر بنى بلردى زيرا بشرفى نفس الامر نقدر صاحب كال اولسه ينه نقصانله موصوف و نكلو فننده غالب و معرفت و رأى ايله اقتدار بولسه ينه عجزله معروف و هر چند قوت قدسيه و بدنيه ايله آوازه اشتهاار صالسه ينه ضعف ايله زبون و حصول كارى عنايت ذى القوة المتينه موقوفدر بناء على هذا اول اطباء كردن افراز و حكماء دعوا درازه لازم ايديكه بواهر ك حصوانى مشيت حقه احاله و ارادت مطلقيه تفويض ايدلر و سلوك ايتدكلارى راه علاجه بدرقه هدايت ايله كيدلر و لكن (وما انسانيه الا الشيطان) و فقجه تسويل شيطانله حتى اوتديلر و نفس زبون اولوب كنديلرسه زبان ايتديلر و الى هذا الان سو يلتوب كنديلر نكتم كنجينه رازده كلور * كبرله شول كشى كم فالدوره باش * طوقنور باشنه ابلردن طاش * (بونده اشارت واردر كه نفس حيوانى به معالجه صد دنده اولدلر ارباب قشرو صورت ايديلر انكيچون بشر ايله تعبير ايلدى زيرا بشره ظاهر جلد معناسنه در انسانه بشر ديدكلرى جلدى شمر دن ظاهر و بادی اولق اعتباريله در انكيچون و صفنده بادی البشره دينلو سائر حيوانك جلدی ايسه شمر ايله مستور در پس اگر بونلر اهل اب و حقيقت اولسه لردى (وما نشاؤون الا ان يشاء الله) و فقجه (وما شاء الله كان وما لم يشاء لم يكن) حكمنجه (ولا حول ولا قوة الا بالله) مفتضاسنجد وجود و اكاتب اولان كال لادن برى و جميع اوصاف عاريه دن عرى اولوب حقه له ظهور ايلرل و حقه له سويلرل و حقه له دلرل دى انكيچون ديمشلدردر كه عارفده همت اولماز زيراهمت خصوص اوزر بنه قصد قليبدر پس بر قلب كه فناء تام بولمش و فقر حقيقى ايله متصف اولمشدر آنك بشقه همت و قصدى اولد ز بلنكه

مشيت حقه تابع اولور و جميع كال لاقى حقه مضاف قيلور انكيچون قرآنده كلور (وما رميت اذ رميت ولكن الله رمى) الحاصل حر كات نفسانیه عقيم و اهل نفس اولان كسنه سقيم در پس سقيم سقيم علاجدن عاجز و كندى مر ضنده زبون و مغلوبدر * يورى قيل نامه * وجوده نظر * حرف علت و ارايسه آنى كيدر

* ترك استثناء امر ادم قسو تيدست *

* نى همين كفتن كه عارض حالتيدست *

استثناء دن مراد ان شاء الله و بولميه استثناء اطلاق الا ان يشاء الله آينده واقع اولان الاحساسيله در بوخسه ان شاء الله كان والا لم يكن اعتباريله دكل زيرا بوالا حرف استثناء دكلدر * مرادم * ميكن ضميمه در قحله مرمى لام جاره معناسنه طو توب آدم ايچون ديمك خلط مقوله سيدر قسو ت * صلابت و غلظتدر رد يمشلدردر كه نزغه شيطانه خطرله حاصل او اور و خطرله دخى مكثله فكرت و فكرت دخى ايشله عزيمت صورتين بولور و بو عزيمت تركله تدارك اولمز سه اثرى ظاهره عكس ايدوب زله ظهور ايدر زله دخى حسن رجعت ايله تدارك اولمز سه قسو ته مؤدى اولور قسو ت دخى معالجه اولمز سه اعضا و قوائك جله سى محل آفت اولور پس ترك استثناء اول قسو تك آثار و آفاتندن و اول حالة قبيحه نك جله مضافاتنددر (معنای بیت) بودر كه ترك استثناء ايتديلردر بمكن مراد و مقصودم قليبدرده اولان قساوت و غلظت و نسيان حتى بياندر بوخسه انجق حالة عارضه اولان ان شاء الله لفظنى ترك ايتدكلرين افاده دكلدر يعنى مجرد لسان ظاهرى ايله ان شاء الله ديمك حالة عارضه در حضور قلب او لميحق معتبر دكلدر زيرا حضور قلبك محسناتنددر انكيچون قرآنده بطريق الذم كلور (يقولون يا فواهم ما لبس في قلوبهم) و لكن بو حالت اوليوب حضور قلب بولسه مقصود حاصل اولور نكتم نماز ايچون قصد قلب شمر طدر لسان ايله نويت ديمك افضلدر ديمسه و لكن حضور قلب بولسه شرط برن بولمش اولور شو قدر وار كه فضيلت قوت اولور و كبر بر نسنه نك حصولى فعل جوارحه موقوف اولسه فعل بولمدر قجه قول و نيته اعتبار بو قدر انكيچون قرآنده كلور

(کبر مقتا عند الله ان تقولوا ما لا تفعلون) و نیچه قول دخی وارد در که
لسانه کلمه مضر در ولکن قلبك حاله نظرا معفودرتکم قرآنده کلور
(الامن اکره و قلبه مطمئن بالایمان) بونده اشارت وارد در که نفس
جوانی به معالجه متصدی اولان کروه ذکر حقیقی ایله تلین قلب
انمشلر بلکه سنک خارا کی غلظت و صلابت او زرنه بتمش لردی
پس شول طائفه که حضور داند محروم و شهود حقن محبوب
اوله زنه وجهله اعمی ره دلالت ایله و قساوت دل اهلانه تلینه
متعلق سوز سویله ل (لحرره) ایله کور اولانه ارشادی وار *
کوزلویه کزلی دکدر اسرار * کندی کور اولسه قلد قومک
* خلق ایچنده نیچه ارشاده برار *

* ای بسا ناورده استثنای بگفت *
* جان اوباجان استثناست جفت *

* بسا اصلنده بس در الف مبالغه ایچوندرز یاده چوق و نیچه نیچه معناسنه
نتکم خوشا دخی بویه در معناسی زیاده خوش دیمکدر * ناورده *
اصلنده آورده درهای رسمی حذف او ثوب ثون نافیه آورده به
وصل اولمشدر جان استثناده اولان لفظ جان مشاکله طریقله ذکر
اولمشدر مقصود معنای استثناسر استثنای دیمکدر (معنای بیت) بودر که
ای مستمع سخن و مخاطب من لفظ استثنایی گفت واسانه کتور ممش
نیچه نیچه آدم آگاه وارد در که آنک جانی معنای استثناسر ان شاء الله ایله
جفت و اکامقارندر پس لازم اولان بو حضور دل و شهود متصلدر
و عمارت درون عمارت برون اولی در اگر چه که ابکسنک اجتماعی
انفرادن اعلادر زیر السان شریعت و جنان حقیقت مرتبه سبدر
پس ظاهر و باطن متواطی اولق انسبدر بعددا استثناده سائر الفاظ
واذ کار دخی داخلدر بسم الله والحمد لله وسبحان الله و امثالی کبی
یعنی جمله سنده حضور دل کر کدر و جفت لفظنده حضور دائمه
اشارت وارد در نتکم قرآنده کلور (والذینهم فی صلاتهم دائمون) یعنی
دوام مناجات اهلنه نسیان یوقدر انکیچون دیمشدر در که (کیف اذکره
ولست انساه) و سبب نسیان غواشی بشریه ایله تابس و لابس کونیه و خلقیه
ایله احتیاج بدر پس علم حصولی اهل نسیاندن خالی اولماز فاما علم حضوری

اهلی استغراق دائم اوزرنه در و بونده رمز وارد در که نفس حیوانی به معالجه
صددنده اولملر نسیان اهل ای دیلر * انکیچون مباشر تیری فائده ایتمدی
* و دعوالیه برایش بتمدی *

* هر چه کر دنداز علاج وازدوا *
* کشتربج افزون و حاجت ناروا *

* علاج * اعضا ایله مباشرت و مریضه مداوات ایتک * روا * یور یچی و مرور
ایدیچی و رائج معناسنه اشتقاقی رفتن دندر یعنی اول اطبا هر نکه معالجه
و مداوتدن ایلدیملر کار کر اولدی و جاریه درد مند شفا و صحت بولدی بلکه الم
وز حتی زیاده اولدی و حاجت بتمدی و دلک کجمدی مقصود پاشاه و جاریه
و اطباندن هر برینک مرادی حاصل اولدیغی بیاندنر (لحرره) زهر
اولوب شریقی اطبائک * بولدی خسته سلطان علاج * بر نفس
صحنه دونسون دیرکن * دم بدم بولدی انحراف مزاج * و بونده
اشارت وارد در که علاج هر نقدر قانون شفا اوزرنه اولسه بنه حقن
تأثیره موقوفدر فکیف که طبیب تشخیص مرض ایده میوب تریاق برینه
و یرد یکی عین زهر و اطف دارو دیو صوندیغی عود القهر اولسه
چوق کتیز صندلی بوی مرک قوقودر و کزد بیمارده کریمه کنان اولملره
مصلاده چار نکیرا و قودر پس نفس حیوانی به معالجات دخی مداوات
اطبا قیلندن ایدی امراض ظهرده تفاوت و معالجانده اختلاف
اولدیغی کبی امراض باطنیه و ازاله سی دخی بویه در زیر مراتب
سلوک ضبط اولندقدنصره هر سالکک حالی دخی معلوم اولوب قوت
و ضعفنه کوره و خصوص صائدر یجله و ترتیله ارشاد دلازمدر والا
اصلاحدن افساد چوق اولور * بوسیدندر که شراب انبیاء علیهم
السلام فرو عده مختلف اولمشدر * زیرا انک احوالی مختلف و طبائعی
تفاوت اوزرنه در و بعض احکامه نسخ طاری اولق دخی بویه در
یعنی اصلاح بدنه مباشر اولان طبیب امر جد و ازمنه نک اختلافی
حسیله اغذیه وادویه بی تغییر ایتدیکی کبی اصلاح نفوسه مباشر اولان
انبیاء دخی احکام فرعیه بی تغییر ایدر زیرا اصلاح نفوس ایچون
اولان اعمال و اخلاق اصلاح ابدان ایچون اولان عقا قیر و اغذیه
کبدر پس بعض نسته بدنه بر وقته دوا آخرده دا اولدیغی کبی

بعض احکام دخی نفسه بعض اوقاتده مصلحت و بعض اوقاتده
مفسدت اولور و بوسر عظیم بلند کجه اصلاحه مباشرت ایتک درد اورتور
زیرا طریق اوزره دکلدر پس آنلر که انبیا و اولیادر حکیم آلهیدر که
بصیرت اوزرینه درو بصیرت اوزرینه اولان کسه دن خطا کلمه زوادر پس
علیه السلام بیورر (من سکن موضعا لیس فیہ سلطان قاهر وقاض عادل
وطیب عالم وسوق قائم ونهر جار فقد ضیع نفسه واهله وماله وولاده)

* آن کنیزک از مرض جون موی شد *

* چشم شه از اشک خون چون جوی شد *

* مرض * انسانه مخصوص اولان اعتدال دن خروجیه دیرلر بونده
کثیرکی ضعف بونده بطریق المبالغه مویه تشبیه ایلدی زیر ضعیفی
مویه و فتر خیاله و خلاله و امثالنه تشبیه شایعدر نیکم خلاله تشبیهده
دیشلدر * انچه لوب دوندی خلاله بدنم دیرسم اگر * نه آنی اغزنه آلور
نه قولاغنه قوبر * چشم * کوزدر قیاق و کرپک داخلدر کوز کورسون
کورسون چشم دیرلر تمیز قصد ایدیک چشم بینا و چشم ناپینا
دیرلر کوزلکه چشمک و بکاره چشمه دیدکری کوزه تشبیه ایلدر * اشک *
کوز یا شیدر خونه مضاف او اوره کر به خون و موصوف او اوره همزوج
و یا صافی مراد اولور و علی کلا التقید برین مبالغیه محمولدر
نتکم ابواسحق الصابی شعرنده کلور * تشابه دمعی اذ جری
ومدامتی * فن مثل مافی الکأس عینی تسکب * مقصود کوز یا شیه حرند
خر کی اولدیفن بیاندیر چون ایلر خون اراشده نجیس خطی وارد
(معنای بیت) بودر که اول جاریه مبتلا اولدیفنی مرضک تمادی
و تأثیرندن قل کی اولدی یعنی ضعف و هزال غایبه ابردی شویله که کبرکری
بری برینه کردی بوسیدن پادشاهک کوزی قان اغلقدن و باقان ایلر
مخلوط اولان یا شدن و یا خاص قاندن ابرمق کی اولدی یعنی کثرتندن
ابر مق مثال جریان بولدی جاریه نک خسته لکی درد و غمی داده بترکن
کوزی کاسه موی دخی گیدرک قارا ایلر طوادی نتکم و بیسی نظمنده کلور
* قنیر خسته غم کم شفا امیدن ایتدیکه * فلاک بردن بتزیک در اودرده
مبتلی ایتن * بعد ز پادشاهک ذکر اولان وجه اوزره کر به سنده ابکی
اشارت خفیه وارد بر بودر که جاریه نک بدنی موی کی اولغه مناسب
اولان مولدن صب دموع و دم پر کرم ایتدیکدر که حرارت جکرک اثریدر

نتکم نجاتی شعرنده کلور * بربری ایچون اقرار ابکی کوزم چشمه لری *
صافک بلس اولک ایلیدر اول صوبکری * وبری دخی معشوقه نک
ذکر اولان مرضدن ترکیبته انحلال و عناصرنه اختلال کلوب خصوصاً
طبا یعدن سلطان دم زبون و مغلوب اولوب یرقان کی چهر سنده قان
قالبغین عاشقه دخی مناسب اولان چشمه چشمی اجراءدم و دمع مقابوبی
اولان معده نک مقلوبنه یول بولمقدر که عدمدر * بوندن فهم اولور که
پادشاه بوسیدن ترک خواب ایتشدی نتکم لطائف جامی ده کلور * خواب
نابدی توش به چشم ترا اغابی * کرچه باشد خواب غالب مردم
مرطوب را * بونده اشارت واردر که روح سلطانینک نفس حیوانی به
تعلقند نصکره نفس حیوانیده عروق و اعصاب و لحم و شحم و دم و امشالی
اخلاط ظهور یله فر به اولمش ایدی و مرض ظاهر ایلر بدنه ذبول
کلدیکی کی مرض باطن ایلر دخی بدنه هزال کلور * زیر اظاهرک قوتی
باطنک نقصاننه سیدر و بالعکس بوجه تندر که اهلر یا ضنده قوت
قدسیه واردر نتکم تن پرور اولنلرک باطنلری کمال ضعف اوزرینه در
چون نفس حیوانی امور طبیعیه به رغبت و ماسه وایه میل و محبت
کوسه تندی ظاهری فر به و باطنی زار اولدی شویله که ضعفدن قل کی
قالدی * و روح سلطانی بوحاله نظر ایدوب محزون و متکدر اولدی *
زیرا اغلق بحسب الغالب غم و قساوتنددر و کوز که عربیده عین در عین
ایسه ذات معناسنه دخی کلور پس عیندن ظهور دمع و دم ذاتک
کدرینه اشارت اولور * و بو کدره سبب بودر که روح بوعالمه تحصیل
معارف و اطلاع حقاً بق ایچون نزول ایلوب نفس حیوانی به تعلق
تحصیل و اطلاع آت و مدار اولمغیچون ایدی بومعنی ایسه صفات
بهمیه و سبعیه و شیطانیه بی اصلاح و ازاله و حقه انجذاب و انقطاعده
روحه مساعدده ایلر حاصل اولور چون نفس مخالفاته تصدی
و مشتهیه تضرع ایلر حقدن ایرادی روحک دخی یواندن قالمسته
سبب اولدی و دنیا به کلدیکنه دیکدی و لکن کر به سی باعث خنده
و تحصیل مطلوبه نهالکی وسیله تدارک اولدی نتکم اشقه ده کاسه
کر کدر و مشوید کلور * ع * آخر هر کر به آخر خنده ایست * پس کر به ده
اولان خروج دمع و دم زوال غم و غصه به رمز ایدر والله تعالی اعلم *

۹ بونده اشارت
واردر که دمع
معده دن بروکلدر
انکیچون بری
برینه مقلوب
دشمندر عرش
شرع کی شد

* از قضا سر کنکین صفر افروید *

* روغن بادام خشکی می نمود *

* سر کنکین * کاف ایله فارسیدر تعریب ایدوب جیهله سر کنکین
دیرل سر که ایله انکین یعنی بالدن مخلوط اولان شربتدر که قطع صفرا
ایچون ایچرل صفرا اخلاط اربعه نك بریدر * بادام * معروفدر حرارت
ورطوبتی اعتدال اوزرینه در آدمی سمردر دهنی وجع اذنه و صداع
رأسه و نیجه امر اضه نافعدر (معنای بیت) بودر که قضا و قدردن
سر کنکین دیدکاری ترکیب صفرا آرتوردی مع هذا حکمی تقلیل
صفرا ایدی و بادام یاغی بیوست کوستردی مع هذا شائی تطیب دماغ
ایدی الحاصل جاریه نك مرضه حیه کار ایندی و معالجه ایله مصلحت
بتمدی تنکم شیخ سعدی بیورر * چون محبط شد اعتدال مزاج *
نه عزیمت اثر کند نه علاج * و موافق دیوهرنه علاج مباشرت
ابتدیلر سه مخالف کادی بوجهتدن جاریه نك کل صبرک وجودی
صولدی * بونده اشارت واردر که سر کنکین علماء قالک نفس
حیوانیه امور ظاهره ایله معالجه سینه مثالدر زیرا اکشی و طبلودن
مر کبدر که نفی و اثبات صور تیدرونی و اثبات شریعت مرتبه شده اعتبار
اولئان اموردن عبارتدر که سلب و ایجابی مشتملدر بومعنی ایسه صفرا
آرتوردی یعنی حرارت زائده کتوردی زیرا صفرا حرارتدن تولد ایدر
انکیچون حرارتدن خالی دکادر وجه حرارت بودر که امور ظاهریه
اشغال ایله کندی مشربنه موافق اولان مرطب شدن جداد و شادی
پس آتشی قوت بولدی انکیچون دیمشدر * المرء حریص علی مامع
و روغن بادام مشایخک امور باطنه ایله تدارکنه مثالدر که لب شریعتدر
بومعنی ایسه بیوست کوستردی یعنی سودا زیرا سودا بیوستدن تولد
ایدر وجه بیوست بودر که روغن بادام شدت عمل ایله استخراج اولور
سلو که تشدید ایسه بحسب الغالب ریاضتله اولور ریاضت ایسه
افراط اوزرینه اولسه مزاجه بیوست غلبه ایدوب خیالات و هذیان
طویل مؤدی اولور پس بونده صمدار شادده اولاک نقصاننه اشارت
واردر زیرا کامل اولان اعتدال اوزرینه تریه ایدر خصوصاً رجالی
اولئله معارف سوبک شریعت و طریقتله خشک اولغه سیدر زیرا

اشفاق کتوردی انکیچون دیمشدر لیکل مقام مقل و لیکل مقال رجال

* از هایلله قبض شد اطلاق رفت *

* آب آتش رامدد شد همچو نفت *

* هایلله * معروف ادویه دندر اصلنده هندستان ارکی در * بش نوع
اوزرینه در که کابی و هندی و هیلله و بلبله و المجدر و بوانواع
خسسه نك بدن انسانده خواص شریفه و آثار طیفه سی واردر از جمله
صاری هیلله صفرا بی و کابی هیلله بلغم و سودایی وقاره هیلله محترق
اولمش صفرا بی اسهال ایدر و مشنویه بحسب المناسبه هایلله و بلبله
مواضع کثیره ذکر اولور * اطلاق * اسهال معنای در تنکم است اطلاق
بطن دیرل * نفت * مشهور یاغدر که موصل دیارنده بکاردن صوله بله
چهار و صواژندن آلوب جمع ایدرل بیاضی زیاده مقولدر نفتک خواص
کثیره سی واردر تنکم کتب طبده مسطوردر نفت مفاتیح اکسیر دندر
تنکم بوفقیه منامده بومصر اعلا اشارت اولمشدر * ع * یازاسه نقطه سز
بی شک * قلمدن صاحب اور نقطه * بوزدن نفت حاصل اولور فافهم
(معنای بیت) بودر که هایلله تلیننه نافع ایکن آتی تناولدن حلاقی اولان
قبض بطن حاصل اولوب اسهال کندی مع هذا مقصود اولان فی الجملة
اسهال ایدی صوا آتسه مددا ولدی نفت یاغی کبی یعنی نفت یاغی آتشی اشعاله
مددا ولدی کبی آب دخی معین اولدی مع هذا آتشی سونیدر مک کرک ایدی
زیرا آب و آتش برینک ضدیدر (محرره) آب دیدله یاندی
دودی جکر * آتشی آتی کورک نه کونه جکر (بعد ذل هایلله نهیلله
اشارتدر که هندستاندن مجلویدر یعنی قدیمدن علمانک امر اض کفر
و نفقه معالجه ایتدکاری ذکردر فاما نفس حیوانی ماسوای اثبات
ایتمک ایله مشرک اولمغین اندن منقبض اولدی تنکم قرآنه کلور (وادا
ذکر الله وحده اسمأزت قلوب الذین لایؤمنون بالآخرة) آخرت لفظنده
ها عارضدر آخر الله تعالی در که کثرت رجوعی اکادر * زیرا اولئنده
کثرت اولمغی کبی آخریننده دخی یوقدر * پس اشارت ایدر که بومعنایه
شهودی اولمغان کسینه ذکر و حدتدن منقبض اولور وینه قرآنه کلور
(کبر علی المشرکین ماعوهم الیه) مقصود اهل شر که کلام وحدتک
ثقیل کلدیکنه اشارتدر و مشایخ دخی حرارت ماسوادن تبریده متعلق

سویلد کلمی کلمات فائده ایتمدی * زیرا محله دکل ایلی الماصل معالجه ده
اول شراب مهمل اندن غداء مفرح کر کدر معکوس اواسه شفا
حاصل اولز طریق اوررینه اولیان ار شاد دخی بوله در (لحرره)
بلین کسه زهر دن بلی * نیچه اصلاح ایده یلور بان * کشتی کبری
طبيب جاهل * پست ایدر پشت رستم زالی *

❖ شه چو عجز آن حکیمان رابید ❖

❖ پابرهنه جانب مسجد د وید ❖

* بید * کوردی دیمکدر شهریان عجم بانک کسر یله ورو ستاییلر
ضمیله او قور ایکیسیده جائدر یعنی چونکه پادشاه اول حاکم
معالجه دن عجز لرینی کوردی وبلدی (قل الله ثم ذرهم) و فقیحه
انلر دن اعراض و معالجه لرینه اعتماد دن رجوع واسبا بدن انقطاع
و حقه انابت طریقله چپاق ایاق مسجد جانبده بلدی و سرعت قلدی
مسجد دن مراد جاعله اقامت صاوة اولسان محلدن زیر مساجد
محال ارواح اولغله مظان قبول دعادر چپاق ایاق اولق تواضعه بناء در
آحق باش اولق کبی * زیرا دعائک شرطی اظهار تواضع و رعایت
آد ایدر * انکیچون صاوة جنازه ده صف اخیر اختیار اولمشدر
(وبونده اشارت واردر که روح سلطانی ارباب کمان واصحاب نقصانک
نفس حیوانی به معالجه دن عجز لرینه مطلع اولد قده ایاق باغی اولان
نفس حیوانی دن علاقه بی قطع و سرای وجود دن بی کفش خروج
ایدوب عرش اعلا طرفنه طوغری عروج ایلدیکه مطاف قدسیان
و مسجد شهود جاندر و کذلک عالم اجسامک نزول مبدای و عروج امتهاسیدر
روح ساطنی ایلده بدنه تعلقتد نصکره جسم لطیف صورتنه کیروب
ملائکة ملکوتیه ایلده مشترک اولمش ایدی بناء علی هذا مجردات مرتبه سته
رقی ایتیموب سیری عر شده منتهی اولدی

❖ رفت در مسجد سوی محراب شد ❖

❖ سجده کاه از اشک شه پر آب شد ❖

* محراب * ایله مراد محراب مسجد در وجهه تسمیه بودر که شیطان
وهوی ایله محاربه موضعیدر و یا خود مصلی به لازم اولان مقامده اشتغال
دنبا و توزع خاطر دن حریب و مملوب اولقدنر و کاه اولور که صدر بیتنه

❖ محراب ❖

محراب مسجدده تشبیه محراب دیرلر اولکی شد رفت معناسنه رفتی تا کیددر
اولدی معناسنه اخذ ایتک دخی محلدنر نتم قافیه با اوزرینه کلک قرینه در
(معنای بیت) بودر که پادشاه مسجدده محراب جانبده کندی و یا خود
مسجدده محراب جانبده اولدی و اول مقامی اختیار ایلدی
زیرا خصوص اوزرینه محل نماز و نیاز و مظنه قبول دعادر سجده یری
شاهک کوزی یاشندن پر آب اولدی یعنی حقیقت اوزرینه نتم نیچه مذنب
منیب اوللردن منقول در بوندن مراد پاشاهک نمازه قیام و سجده
سندده کریان اولدیغن اعلاندر نتم خبرده کلور (کان علیه السلام
اذا حربه امر فزع الی الصلوه) یعنی پادشاه خصوص جاریه ده حقه
نمازله تقرب ایلدی زیرا نماز اعظم القربات و معراج مغنودر و حدیثده
کلور (اقرب ما یكون العبد من ربه وهو ساجد فاکثر الدعاء) و نمازی
تخصیص ایتک غیری و جهله دخی تقربی منافی دکلدر صدقه و صوم
و قربان و امثالی کبی (بونده اشارت واردر که روح سلطانی عالم علوی به
عروج و جانب عرشه مسعود ایتد کده مستوی طرفنه میل ایلدیکه
صدر عرشدر و فخر عالم صلی الله و سلک ایلده معراجده وضع قدم
ایتد کلمی یردر بونا و بل عالم آفاقه کوره در فاما عالم انفسه کوره
مسجددن مراد مرتبه سر و محراب بدن مراد مقام مراقبه در و روح
سلطانی مستوی و مقام مراقبه ده اغلادی * یعنی عین مجرده مرتبه
سندده حقیقه فاعله دن و یا اسم اعظم دن حقیقه قابله ایچون استفاضه
ایلدی اگر چه اول مسجدده یعنی عالم فنا ده در سوال مسدود
و حس و شعور مملوبدر

❖ چون بخویش آمدن غرقاب فنا ❖

❖ خوش زبان بکشاد در مدح و دعا ❖

فناک معناسی بودر که دریای مشاهدده حقه مستغرق اولوب
عالم ملکوتی احساس ایتدکدر بونده عالم فنا به و صولی بر آب عظیمده
مشلا حوض و ایرمق و دریا کبی فرق اولغله تشبیه واردر زیرا ایکیسندده
دخی احساس و شعور یوقدر بعض نسجده دعا برینه ثنا واقع اولمشدر
ولکن لفظا نسخ عتیقه به مخالف و معنی سوجه مغایر در زیرا مدح
الله تعالی به متعلقدر که مقدمه دعادر و دعا حاجت معهودیه دائر در که

مدح مذکور اوزر بنده مترتبه در زیر دیمش لرد در که هر کارک
 حصوله تقدیم وسیله لازم در پس مدح و ثناء کبریا و تصدیق
 فخر انبیا علیه السلام و سائل مقوله سند ندر * و بعد ذالک
 و آب دن صکره خرقاب فنا تمثیلی زیاده محذره دوشمندر (معنای بیت)
 بود که چون که پادشاه سجده کاهنده زیاده کوز باشی دو کدی شویله که کویا
 کوز باشی دریا اولوب اکا غرق اولدی و اول استغراق ایچیده وجود دن
 فنا کلی بولدی صکره اول حالت دن افاقت حاصل اولوب کندینه
 کلدی و دریادن طسره چقر کبی ساحل بقایه چقدی و اباس شعور
 و احساس ایله ماوس اولدی حق تعالی به مدح و ثناء و حاجت ایچون دعاده
 خوش زبان آچدی (بوندن معلوم اولدی که عالم فساد ده حرکت اسان
 و بلکه حرکت جنان بله یوقدر بومعنایه حالت جمع دیرلر (من عرف الله کل
 لسانه) یعنی حالت وصاتده عارفک کل لسان اولدی بغیر بیاندر
 و بنده خپرده کلور (من عرف الله طال لسانه) یعنی حال ارشاده عارفک
 طویل لسان اولدی بغیر اعلاندر ارشاد ایسه فرقه نزول دن صکره در
 زبرا اولکبسی ترقی ذاتی وایک نجیبسی تنزل صفاتی قییلندندر مدار تسلیک
 ایسه بو تنزل در و هدایای افتدی قدس سره کلماتده کلور * و صاتده
 قلمک اگر * بلبیل خبر ویر کل بزه * مراد بلبیل جانک کلشن وصلته
 عالم بقایه رجوع عن بیاندر * محکیدر که بروسه ده آسوده اولان
 شیخ افتاده قدس سره پرورده لرندن کمال دده نام کسینه تحصیل کمال
 و تکمیل مراتب جلال و جمال دن صکره امام اعظم حضرت تلمی حقه
 توجه ایتد کده بطریق المکاشفه کورر که امام مزبور نصف بحره واصل
 اولمشیکن ارشاد امت ایچون ساحله رجوعله مأمور اولور انکیچون
 امام اعظم عارفیندن و امام شافعی واصلیندندر تکمیل تحقیقی محذره کلور
 ان شاء الله تعالی * بوندن فهم اولور که اجتهاد مجتهدین ارشاد
 مشابه سنده در یعنی ارشاد عام ایله ارشاد ایلدیلر زبرا ارشاد خاص ایتک
 وقتک مقتضای دکل ایلدی و بومعنا نک زمانزده مظهرنه راست کلدک که
 بعض خواص رجال تدریس ایله اشتغال ابایوب حالی ستر ایلدی مع هذا
 مقتضای عصر احیاء علم ایلدی و ارباب ارادتک دخی قلاتی و ارایدی
 (لحرره) طوتالم پر کهر اوله اصداف * نه بیلور قدر جوهری جاهل

* بکدر کوز یوماسن عالمن * چون سجامن اوله حقدن باطل *
 بونده اشارت وارد که روح سلطانتک مدح و دعای اسان
 و روحله در و سؤالی دخی سئوال روحانیدر
 ❖ کای کینه بخششت ملک جهان ❖
 ❖ من چکوم چون تویی دانی نهان ❖
 * کینه * اصلنده کم در اکسک معناسنه یا نسبت ونون تأکید نسبت ایچوندر
 آورنده اولان هاء رسمی تخصیص ایچون الحاق اولمشدر یعنی
 بو وصفی ملک جهانیه تخصیص ایلدر کینه نک معنای ترکیبیه سی
 اکسکو در مجازا آز نمیده ده کم دیرلر نتکم واقعدر * رچی بحال مانکنی
 زان سبب که تو * مثال این شکسته دلان کم ندیده * بیت مشنوده دخی
 کینه آز وادنی معناسنه محمولد رعرییده اقل ایله اصغر دن تعبیر
 ابتدکاری کبی نتکم واقعدر * اقل جبال الارض طور وانه * لا عظم
 عند الله قدرا و منزلا * نهان * کریدر مقابلی آشکار در * (معنای
 مصرع اولی) بود که پادشاه بوبله دیو مدح و دعایه کشاده زبان
 اولدی که ای خدا ای متعال کثیر الفضل والنوال که سلطنت دنیاسنک
 آز وادنی بخشش و عطا کرد که اسم و هابک نجیبسی حسبیه
 صدور و ظهور بولمشدر بخشش ایله تعبیر ایلدی زبرا سبب سابق و بی
 استحقاقدر * یعنی اختصاص آلهیدر که فضل حقه و وجود مطلقه
 مستند در وزارت و سایر مراتب دخی بوبله در * بعض امورک حصولی
 اسباب به منوط اولوق اختصاص بایندن اولماسنه منافی دکلدر *
 اسباب دخی تجلی فیاضندندر * بعد ذالک سلطنت دنیایی تقبل ایلدی
 زبرا یادکن کند و متصرف اولدی یعنی اقالیم مخصوصه دکل بلکه
 دنیا شیء حقیر در انکیچون عند الله جناح بعوضه قدر دکلدر *
 والا کافره بر ایچم صو و بر مزیدی (بوسیدندندر که فخر عالم صلی الله
 علیه وسلم ملک دنیا به تنزل ابلیوب نبی عبید اولوق اختیار ایلدی
 نبی ملک دکل زبرا علوقدر و عظم جاهنه کوره دنیا برقریه و یابر چفتک
 قدر بله دکلدر * یعنی جمیع عوالمده اولان تصرفه کوره تصرف
 دنیا دنی پایه در واعلی بو مقوله ادنایه تنزل ایتک علو همتدن دکلدر
 و بو دنیا نک فوقنده عوالم وارد که دنیا انلره نسبتله بر بلده و یا برقریه
 و یابر محله و یا بر خانه کبیر * زبرا عوالم بری برینه اضافله تفاوت

اوزرینه در دنیای تنگی یوقدر مع هذا براوجندن براوجنه بشیوز
 یلاق مسافه در (لحرره) وسعت حقّه کوره ای دل زار * قدر کف در
 جهان هزار هزار * یوقدر وسعتله بودنیا * اولدی صان مینه نسبتله
 هزار * (معنای مصرع ثانی) بودر که بن نه دیهم چونکه سن کرلوی
 یلور سن یعنی مضمرات صدوری لسان قاله کتور مکه حاجت
 یوقدر زبراعالم السر والخفیات اولدی یغک جهتمدن اطلاع تامک
 واردر نتکم خواجه حافظ کلماتنده کلور * ارباب حاجتیم وزبان سؤال
 نیست * در حضرت کریم تمنّاچه حاجتست * و بومر تبیه سؤال حال
 دیرل فقیرک غنی حضورنده قیامی کبی * وفی النفس حاجات وفیک فطانه *
 سکوتی بیان عندهم وخطاب * پادشاهاه دیمک استرکه فی الحقیقه
 سؤال قالی ایتکه حاجت یوقدر زیر سؤال حالی کفیایت ایدر ولکن
 درگاه والاده تذلل وافتقار ایچون سؤال قالی طریقه دخی رجا اولور
 دیمشدر که بلانزولنده ترک دعائیمک مذمومدر * زیرالله تعالی ابله
 مقاومت وابتلاسنه صبر و تحمل ادعادر انکیچون ابن فارض قدس
 سره تأیه سنده کلور * و بحسن اظهار التجدد للعدی * و یقبح
 غیر العجز عند الاحیة * بیت مشویده اشارت واردر که روح سلطانی به
 کوره ملک جهانندن مراد عالم صورت وظاهر در که نفس حیوانی
 آنک اجالدر تقلیل سائر عوالم کلیه وجزئیّه ده تصرف عامنه نسبتله در
 زیرا جمیع خزاین علویه و سفلیه تک مفتاحی انسان کامل النده در
 ودنیازن حکمنده اولغله جهان ابله نفس حیوانی جاریه سنه اشارت ایلدی
 ونهاندن مراد فی الحقیقه روح سلطانی تک کندوسیدر زبرا نفس
 حیوانی به تعلقدن قطع نظر نهاندن ظهوری تشخص انسانی
 وتعین نفس حیوانی ابله در کویا دیمک استرکه بن نه دیم زبان روح
 وزبان حاله چونکه سن بنی وبنم احوال خفیه می وحاجات مضمره می
 یلور سن بوندن مراد اسم اعظم جاننده توجه وشفافی وکافی
 وامثال اسماء الهیه به انجذابدر

❖ ای همیشه حاجت مارا پناه ❖

❖ بار دیگر ما غلط کردیم راه ❖

* همیشه * دائماً معناسنه در پناه اصلنده اسم مصدر در صکره صغیر
 بر معناسنه استعمال اولمشدر پناه گاه کبی عریده ملجاء دیناور پادشاه

عالم پناه دیمک خلق عالمک بحسب الظاهر صغیردیغی یردیمکدر یعنی جور
 وظلم زمانه دن عدل وانصافنه التجا اولنور * بار * کره * و دیگر * یا ناله ویا سز
 دخی غیر معناسنه در تکرار اولان نسنه تک ایکنجیسندن دیگرله تعبیر
 اولنور بار دیگر بردخی وغیری کره دیمکدر و تکرار دخی بویله در ایکندی
 نماز نه نماز دیگر دیرل بردخی نماز معناسنه زبرا کوندر نماز لیتک ایکنجیسندر
 اسم طاعتله ایکنجی کره ادا اولنان نماز در زیر ابتداء صلوة ظهر اقامت
 اولمشدر نتکم محله مبنیدر (معنای بیت) بودر که ای دائماً بزم حاجتزه
 ملجاء و ملاذ اولان رب العالمین غیری کره دخی بزرا در گاهی باکلدق
 یعنی در گاه که التجا یوانده انحراف وعدولز همان بوماده مخصوص
 دکلدر که معالجه ده حکمایه مراجعت وشفاده تأثیر سندن اولدیغی
 نسیندر بلکه بزدن نیچه کره دخی بویله غلط واقع اولش وخطا ظهوره
 کلشدر * (ولیس هذا اول قاروره کسرت فی الاسلام) بوندن مراد
 وقت اعتذاره دک واقع اولان جرم وخطا وصادر اولان سهو و نسیانی
 اعترافله حصول مقصوده توسلدر زیرا دعاده تقدیم توبه واعتراف
 بالذنب لازمدر * قول بشر در نوله ایلر سه کنه * کندویه لایقن اینسون
 الله * بوندن اشارت واردر که روح سلطانی نفس حیوانی به معالجه
 خصوصنده ایکی برده غلط ایلدی بری بوکه علماء رسومه مراجعت
 وبری دخی اهل تلوین وتقلید میل والتفات قلندی ونعم ماقبل *
 لقد انزلت حاجاتی بواد غیری ذی زرع *

❖ لیک کفتی کرچه می دانم سرت ❖

❖ زود هم پیدا کنش بر ظاهر ت ❖

* سر * خلقدن کتم واخفا اولنان نسنه در که فارسیده پنهان دیرل انکیچون
 پیدا ابله مقابله اولندی که معناسی اظهار اولمش دیمکدر اصلنده رانک
 تشدیدله در بوراده وزن ایچون تحفیف اولمشدر بعض نسخنده * فاش
 کواندر دعاء ظاهر ت * دوشمشدر فاش اصلنده فاشیدر منتشر و شایع
 معناسنه صکر کثرت استعمالله یا خذف اولمشدر نتکم معافی دیه جک برده
 معافی و مسلم دیرل ابن کمال معافک اصلنی بلوب معاف دینی تخطئه
 ایشدر (معنای بیت) بودر که لکن دیمک که اگرچه بن سنک مخفی
 اولان امور یکی یلورم زیرا عالم الغیم تبرسن هم اول زار درونی ظاهرک

اوزرینه اظهاریله ولسان قاله کتوروب سویله بن دخی (ادعونی استجب
لکم) و فقیحه امر که امثالاً قلمیده اولان حاجتی لسانه کتوردم
و مرادم هر نه ایسه درگاه که بتوردم دعاور جا بنم اطف و کرم سئک
قال الحافظ * فقیر و خسته بدزکاهت آمد م رحمی * که جزدای
تو ام نیست هیچ دست آویز * بونده سردن مراد روح سلطان بنک
نفس حیوانی حقنده اولان حاجت خفیه سیدر و ظاهر عبارت ندیده نکته
بودر که ز روح سلطانی کرچه فی الحقیقه حس ظاهر له ادراک اولمین
امور باطنه دندر و لیکن نفس حیوانی به تعلقی حسبیه صورت
انسانیه ایله ظاهر اولمندر انکی چون موله بدنن مفارقت ایتد کدن
صکره صورت جسم ایله تشکل ایدر مگر صفت عالییه سی اعتباریله
غیری صورته تمثیل ایده زیرار روح صاحبک حالی حسبیه تمثیل ایدر
حتی ذباب و بیوض صورتنه بله کرر (سئوال اولمور سه که
دعاده سر و اخفا لازمدر نتکم قرانده کلور (ادعوار بکم تضرع
و خفیه انه لایحب المعتدین) پس جهر و اظهاره نه وجهله جواز
واردر (جواب بودر که مقصود دعای مرتبه لسانه تنزیلدر * و بوندن
ایسه جهر لازم کلز مع هذا آیه مندرج اولان اعتداد دن مراد رفع
صوت و صیا حدر فی الجمله جهرده ایسه بو اعتداد نجاوز یوقدر *
ولئن سلم جهر و اخفا مراتب حسبیه درنتکم محملنده میندر (محرره)
دعادل اوله دیرسک قبول در که رب * حضور حقده همیشه رعایت
ایله ادب * پراد بله دعا مرغی ایتمدن پرواز * ایاغنه کلور آنک شکارار نب
چون بر آورد از میان جان خرس *
اندر آمد بحر بخشایش بجوش *

* آورد * فعل ماضی در آوردنیدن ایکسی دخی فتح واوله در ضمنه له
دکل * خروش * فریاد و بانگ در که کریه ایله ناگاه کلور * بخشایش * اسم
مصدر در بخشایدنیدن اسر کیش معناسنه یعنی ترجم * جوش * حرکت
و اسم مصدر در قایمق معناسنه کذا فی مفتاح اللغة (معنای بیت) بودر که
چونکه پادشاه جان اور تامندن و درون دامن اضطرار له فریاد و کریه
یوقاری کنوردی واحداث و اظهار ایلمدی الله تعالی نک بحر
رحمتی حرکت کلوب (افن یجیب المضطر اذا دعاه) و فقیحه دعاسنک

اثر استجاباتی ظاهر و رایتی بونده بخشایش الهی بی توسعه بخره تسبیه
و سبب استجابت تسبیه و اردن تکم خواجه حافظ کلماته کاور * مرا
ازین ظلمات آنکه ره نمایی کرد * دعاء نیم شبی بود و کریه سحری *
دعائش در که الله تعالی بر قولانی دعا به توفیق اراده استجابت
و مشیت قضاء حاجت دندر زیرا دعا به داعیه خلاق ایتک حکمت دندر *
حکیم دن ایسه عبث نه صادر اولماز چون قول جانبنده شرط
دعا بوائه حق طرفنده دخی حصوله میل صفاتی بوانور * جوشدن
مراد بود در مقصود ظاهر ده پادشاهه و باطنده روح سلطانی به رحمن و رحیم
اسم بندن تأثیر فیض حصول اعلاندر و من الله التوفیق *

در میان کربه خوابش در ریود

دید در خواب او که پیری و نمود *

* خواب * اویقونوم کی ودوش معنائنه خواب- لندن ولیکن ارباب
طریقت ارا سنده دوش دیمک کر کدر انلر واقعہ دیرل واقعہ دن
صکره رؤیا ندن سیراندن وارداتدر * (معنای بدت) بو در که کریه
وسوزا شناسنده اول پادشاهی خواب قایدی یعنی ناکاه ابواب حواسی
مسدوده اولوب اویودی وقوت خیالیه سی عالم مثالیه متصل اولدی
وروحی اول عالم دن جولان قیلدی اویخوده کوردیکه برپیر بوز کوستردی
یعنی ظاهر اولدی (مقصود ارواح کملدن بر روحک تمثیلیدر * زیرا
انلر (قائدبرات امرای) آیتنده داخل لدر عالم مثال عالم ارواحله اجسام
اراسنده برز خدر هر معنی اوراده تمثیل وتجسد ایدر مثلاً علم این
صورتنده وذوق دل انجیر شکلنده کورینور بو عالمه دخوله سبب نوم در
انکیچون پادشاه مظلوم خواب اولدی تاکه صورت مقصودی آیتنه
مثالده ادراک ایلده و بومرتبه عوام ایچوندر والا خواص یقظه ده
منسلخ اولورلر انکیچون اکثر فتوحات غیبیه انسلاخده واقع اولورودخی
بحسب الغالب انسلاخه در * بعد ذایعک ظهوری تأنیس ایچون
وردخی قوت علم وعقل و کثرت تجربه ایلده جواندن امتیازنه بناء در
انکیچون مشکلاتی پیراندن استفسار ایدرلر و امور معضله ده انلرک
راه تدبیر و مشاوره لینه کیدرلر (لحرره) سخن انداز اولسه رأیله پیر
* کوزه در منزل مرادی چوتبر * یو قدر رفکر جوان ایچره توان *

* یوق بره ایلسون هیچ تدبیر * حقیقتده پیردن مراد عقل کلدر که عقل فاعل مال و ملک ملوک الارواح دخی دیرل روح القدس یعنی جبرائیل علیه السلام آنک صورتیدر (بو سبدندر که عالم انفسده عقلک مفری مقدم دماغ و جبرائیلک مستقری ذروه سدره المنتهی در بدایت نبوتده وحی و نفخ روح القدسک و ساططیه اولدیغی کبی نهایت ولایت یعنی فناء تامده دخی احباء معنوی ذکر اولنان عقل کلک تو ساططیه در جبرائیل علیه السلام کندی تعینی مقامندن انبیادن غیریه به ظاهر اولماز مکر تمثیل طریقیه اوله بوصورتده جبرائیل رائینک صورت عقلیه سی اولور زیرا جبرائیل معلوم خیردر قوت عاقله ابدیه معلوم صور تنده کور بنور * نتکم قوت روحانیه مرشد و قوت عرفانیه فخر عالم صلی الله علیه و سلم صور تنده تمثیل ایدر الله تعالی ابدیه انسانک صورت سریدر نتکم بالاده بیان اولندی عقل کل و روح القدسدن پیرایله تعبیر اولمق ایکی وجهه محمولدر (بری بو در که پیرل امور دیده و کار آزموده اولدقلری جهتدن امور مهمده مر جوع البه در کبیر السن اولان آدمه کثرت تجاری حسبیه پیر اطلاق اولندیغی کبی حدیث السن اولان عالمه دخی اطلاق اولنور * نتکم عربیده شیخ دینلور زیرا کثرت معارفی وارد و پیرلک نفس الامرده اجسام کشفه نک صفتیدر * والا ارواح و کذلک اجسام لطیفه ملکوتیه بو مقوله اوصافدن معرادر (سؤال اولنور سه که شیطان دخی ارواحدندر زیرا جسم لطیف اولمق روحانیتی منافی دکلدر ملائکه کبی مع هذا ابن عباس رضی الله عنهما دن مر ویدر که ابلیس اوزرینه دهور مر وایتدکده هرم حاصل اولور صکره وجودی تازه لنوب او تو زیاشنده کبی اولور (جواب بودر که بو کلام ابلیسک تجدد نشاطنی تمثیلدر * نتکم سنه نک تجددی عالمک تجدد نشاطنه و خلوقتی فتور عزیمته محمولدر (وبری دخی بودر که خلقتده مقدملدر زیرا ابتداء ارواح آندن ملک آندن جان آندن انسان خلق اولمشدر پس عقل کل مقدم الارواح والاجسام و جبرائیل مقدم الملائکه الکرام در کویا دیمک اولور که روح سلطانی مقام عرشده مستوایه قدم بصدقده غریق بحر حیرت ایکن

ناگاه انسلاخ عظیم و انجذاب قوی واقع اولوب واسطه فیض اولان عقل کلک و باصورت جبریه ملاقی اولدی و بونلردن برینک صحنه دخول بولدی * بوندن ظاهر اولور که مستوای عرش روح انسانی یه مخصوص صدر انکیچون جبرائیل لایله معراجده سدره المنتهی نک فوقنه ترقی ابدیه میوب (لودنوت ائمه لا حترقت) دبدی (لحرره) ایرمدی رتبه انسانه ملک * کورمدی بویله جاهی چشم فک * ❖

❖ گفت ای شه مرده حاجات رواست ❖

❖ کر غریبی آیدت فردا زماست ❖

حاجاتی جمع اراد ایتمه ده حاجات مستقبله حصولنه دخی اشارت واردز و جائز در که کندی نفسنه و اتباعتنه و معشوقه سنه نظر جهتیه اوله و بری دخی بر حاجت عظیمه در که حاجات کثیره حکمنده در واحدندن جمیع ایله تعبیر اولمق خود شایعدر نتکم قرآنده کلور (فتاده الملائکه) مراد بالکبر جبرائیلدر و بر محله دخی کلور (واطراف النهار) مقصود طرف نصف ثانیدر که انده صلوة ظهر اقامت اولنور (معنای بیت) بودر که اول نورانی و مدبر روحانی دیدی ای پادشاه مرده و بشارت سکا که حاجتله روا و مقبولدر * بوندن صکره نه وجهله روا ولدیفن بیان ایدوب دیر که اگر یارنکی کون سکا بر غریب آدم کلور سه اول بزندنر یعنی سن آتی غریب صورتنده کوروب بیکانه معامله سنی ایتمه بلکه آشنالقی ایله زیرا چونکه بزسنکله آشنا اولدق و سکا بو خصوصده مرده قلدق پس آشنادن وارد اولان قاصد دخی آشنادر خصوصاکه حصول مراده وسیله اوله (لحرره) بر غریبی کور یجک بربرده * اولسون غریبی سکا پرده * آشنابل آتی کم اولمشدر * آشنالریانده پرورده * بوندن مراد حق تعالینک معلوم اولین وجهله حسن تدبیر نه (ومن حیث لا یحتسب) اموری تبسیرنه اشارت وارددر * و حقیقتده غریبیدن مراد مرشد کامل و مربی و اصلدر که بو عالمده ارباب صورت و مجاور یاننده غریب کیدر * زیرا حقیقت ایلندن کلور ولسانی دخی غریبدر که فهم اولنماز انکیچون بونس امره قدس سره پیورر * سو یلرم دلم بلنمز * بر عجب ایله کلدیم * دلدن مرادی علم الدنی دایددر * و ایلدن مرادی اهل حجاب و غفلت ایلیدر و حدیثیه کلور (کنت یتیم فی الصغر و غریب فی الکبر) و بو غریبتک اثریدر اول

معنی که (لی مع الله وقت) مقاله سیله اشارت اولمشدر * اشته انبیاء
 واولیانک غریبتری بودر انکیچون صدف وار بسته دهان اولوب آشنا
 و محرم بولد فچه جواهر نثار ایلزلر و بار آشنادن خبر سو یلزلر * فردا
 د بدوی روحک بدنه تعلقی اعتباریله در والاروح محض اوزرینه زمان
 جاری دکلد * زیر عالم امر دندربی ماده ومدت خلق اولمشدر *
 نتمک عرش اعظم ماده دن مخلوق واکن بی مدت در * زیر زمان انک
 حرکتیله متقدر اولمشدر سائر اجسام ایسه هم ماده دن مخلوق وهم
 مدت ایله وجود بولمشدر * وروحک نفس حیوانی به تعلقی فی نفس الامر
 آنکله تقیدنی اقتضا ایتمز بلکه تجرد اصلیمی اوزرینه در پس قید نفسک
 صفتیدر روحک دکل بوندن فهم اوانور که الله تعالی انک اشیا به تجلیسی
 دخی بویله در یعنی اسما و صفاتک مجالی ومظاهر ده ظهوری حقیقتده
 اطلاقی منافی دکلد و اشیا انک ذاتیه لزومی ظلالک ذوالظله لزومی
 بیدر ظلالک زوالندن ذوالظلالک زوالی کلز فافهم وعقل کل ویا روح
 القدسک اول مرشد ایچون بزدن در دیو کندیلرینه اضافت قلقلرینک
 اصلی بودر که عقل وروح فیض والهام اهلیدر * و مرشد انلرک نفث
 و تفخیمه حاصل اولغین پدره نسبتله فرزند کی اولدی یعنی انلرک نفس
 معنوی بسندن ولادت معنویه ایله توالد ایلدی پس بزدن دیدیلر بزم
 نفسرک احیاسندن معناسنه بومعنادندر که فخر عالم صلی الله علیه وسلم
 جده عیسی دیدیلر زبراعیمی نفخ روح القدسدن وروح القدس دخی
 نور فخر عالمندن علیهم السلام * ویتیده برنکته دخی بودر که اول
 غریب پادشاهک حضورنه قدوم ایتمک دلالت ایدر که نیچه قابل ارشاد
 ومستعد سلوک طریق رشاد واردر که مرشد کامل آنک ایاغنه کلور
 نتمک شیخ اکبر قدس سره الاطهر مغربدن قوتیده ده شیخ صدر الدینک
 وشمس الدین تبریزدن مولانا انک ایاغنه کلدی وارشاد ایلدی و نیچه ل
 دخی جهانکرد و صحرانورد اولوب مرشدک ایاغنه وارمشدر * نتمک
 ابراهیم ادهم پیر خراسانی ایاغنه واردی و شریف جرجانی خواجسه
 علاء الدین عطار صحبتیه ایردی وعلی هذا حرکاتده خود برکات عظیمه
 واردر انکیچون فخر عالم لیله معراجده قدس شریفه تشریف ایلدی
 (لحرره) خوشدرر کرچه ثباته کهسار * که اولوبدر آنک وقارنه

دال * لیک سن واریاغنه آنک * طاغ بوریمزسه بوریمسون ابدال *
 * چونکه آید او حکیمی حادث قست *
 * صاد قش دان کوامین وصاد قست *
 * حکیم * حکمت اهلیدر آخر نده یانک کبر ایچوندر که تعظیم مراد
 اولنور ویا وحدت ایچوندر و بومقوله فاصل ماقبلانی مابعدیه وصفه
 مانع دکلد لسان عربی به قیاس اولنماز حکمت صوفیه قائنده اشیا بی
 حقیقتی اوزره معرفته دیرلر نتمک حدیثده کلور (رب انی الاشیا کما هی)
 بوکا حکمت ذوقیه دیرلر که سائر علوم کسبیه کی کسبه حاصل اولز بلکه
 موهبه الهیه در که سالک اکا حقه وصولندن صکره نازل اولور فاما
 اولکه حکمتی تحقیق العلم واتقان العمل دیو تفسیر ایدرلر تحقیق علمه
 عند المتکلمین حکمت نظریه دیرلر که آنک بیانه علم کلام مشکفل اولمشدر
 واتقان علمه حکمت عملیه دیر که آنک تفصیلی علم فقه در عهده قلمشدر
 بو حکمت ذکر اولنان حکمت ذوقیه مک مقدمه سیدر زبراعلم وعمل حقیقه
 یابد وقرآنده کلور (وأتوا البیوت من ابوابها) و بر محله دخی کلور
 (واتقوا الله وعلکم الله) و حدیثده کلور (من عمل بما علم ورثه الله علم ما لم یعلم)
 علامه شیرازی رحمه الله حکمة الاشراف شرحنده دیر که مقدمین
 و متأخریندن حکمت بحشیه ایله حکمت ذوقیه بی جمع ایلش بلرز مکر
 بو کتاب صاحبی اوله یعنی شیخ شهاب الدین عمر سه روردینک خواهر
 زاده سی اولان شهاب الدین المقتول که حکمت اشراقیه بی احیا ایلمشدر
 زیاده مرئاض وقلندر و مسافر ایدی ملک طاهر کوننده خلیفه مرور
 ایتدکده فقهاسی حسد ایدوب افساد دین ایدر دیو سعادت ایلوب
 بشیوز سکسان الی تار یخنده قتل ایتدیلر (لحرره) ره حکمت سکا
 اولورسه مسند * ایتمه پس کیمسک علمیه حسد * بیت مشویده حکمت
 ایله مراد بطریق العبارة حکمت طویه و بطریق الاشارة حکمت ذوقیه
 در که لقمان حکیم علیه السلام مجموعنی جامعدر (معنای بیت) بودر که
 چونکه اول غریب سکا کله او حکیم حاذق و طیب ماهر در یو خسه
 فننده مقلد دکلدر آنی صادق ومخلص بیل که او دعوائی حکمت کوره
 صادق و معالجیه نسبتله امیندر * بوندن مراد پادشاه عالم مثالده اول
 پیره ملاقی اولدقدده آنک صدقته قلبنده علم ضروری حاصل اولغین

خبر صادق ايله دخی غریبک حقنده حاصل اولان علم بدیهی بی بیاندر
زیرا مخبر صادق خبری ضروری و بدایه بقین ایراث ایدر نتکم محلنده
میندر * بونده اشارت واردر که نفس حیوانی بی ارشاد ایچون ارسال
اولتان مرشد غریب مدار تسلیک اولان اوصاف شریفه ايله متحلی
ایدی که اولاً حکیم الهی ایدی یعنی حکمت ذوقیه اهلی و کرامت علمیه
صاحبی ایدی نتکم قرآنده کلور (وعلمناه من لدنا علماً) زیر ابو علم شریف
مرشدک حقه وصوله نشان و صدق حاله برهاندر انکیچون
بر وجهله تقلید قبول ایتمز قطب ارشاد اولق بومر تبه به بلوغدن
صکره در کرامت کونیه بومر تبه نیک لوازمندن دکلدر زیرا نیچه سلوکنده
منتهی واردر که اندن خارق عاده نسنه صادر اولمشدر ابو بکر
الصدیق رضی الله عنه کبی ثابیا اسرار اکهیه به امانتدار ایدی زیر
عهد مأخوذ واردر که امانات اکهیه محلنده تأدیه اولنه فخر عالم
صلی الله علیه وسلم و سایر انبیاء کرام علیهم السلام عامه ناسه مبعوث اولق
حسیله لسان باطندن رموز و تلویحات ايله اکتفا ایلدیلر نتکم اثره ده
کلور (کلمو الناس علی قدر عقولهم) پس فهم خاصه ایچون اولان
اموری عاییه تصریح ایتمده خیانت و افشا قلمده اختلال عظیم واردر
حلاج قدس سره نیک ابتلاسنه باعث بومعنادر و خواجه حافظ کلماتنده
کلور * چوشمع هر که بر افشای راز شد مشغول * سرش زمانه
جو مقراض در زبان کبرد * بونده اشارت واردر که نفس حیوانی نیک
حامل اسرار اکهیه اولغه استعدادی وار ایدی زیر امانت کبرایی
حل ایچون خلق اولنش ایدی نتکم قرآنده کلور (وجعلها الانسان)
ملکده و سایر موجوداتده بوجل امانته استعداد مفقودر نتکم بالاده
بیان اولندی جبرائیل علیه السلامه امین اطلاق اولنق حامل اولدیغی
وحی الهی بی محلنه ایصال ایتمک حسیله در ولله در القائل * امین
مجوی و مکوبا کسی امانت عشق * درین زمانه مکر جبرئیل امین
باشد * ثالثاً صادق ایدی صدق اصطلاح صوفیه ده شوائب صفات
نفسانیه دن پاک اولغه دیرلر که تصوف حقیقنده بومعنادن عبارتدر نتکم
حضرة هدایی قدس سره کلماتنده کلور * تصوف نفسنی پاک ایلکدر
فنا یله آتی خاک ایلکدر * پس شول سالکده حظوظ نفسدن شائبه اوله

صدق باطل اولور وار شاده قادر اولماز * بعد ذابوا و صاف مرشدک کندی
ذاتنه کوره در تربیه سی حسیله اولان اوصافه دخی اشارت ایدوب بیورر
❖ در علاجش سحر مطلق را بین ❖
❖ در مزاجش قدرت حق را بین ❖
* سحر * اصلنده مأخذی لطیف و رقیق و سبی خفی اولان نسنه
اطلاق اولور نتکم سحر حلال دیرلر صکره اصطلاحده تعریف ایدوب
دیمشدر که اظهار امر خارق للعاده من نفس شریرة خبیثه بمباشرة
اعمال مخصوصه یجری فیها التعلم والتعليم پس ساحر جادو و سحر فتحله
جادولق ایتمک والدائمغه و سحر کسرله عمل ساحره دیرلر که امر خارق
مذکور دن عبارتدر سحرده بر نسنه نیک وجودی و عدمی تخیل اولنما غله
وقت سحره دخی سحر دیدیلر زیر نور و ظلمتی مشتمل وایکی میاننده
دائر در سحر حقدر دیدکلری مسحورده اثری گاندر دیمکدر والا علی
حرآمدی دیمشدر که سحرک قلب اعیان و تغییر اشکال و الوان و تعویج
اعضا و ازاله عقل ایتمده تأثیری واردر مثلاً ساحر افسون مخصوصه
مباشرت ايله انسانی حماره و جاری انسانه قلب ایدر و گاه اولور ساحرک
جسمی بر مر تبه ده دقیق کورینور که بر نیچره دلکندن کچر و یا خفیف
اولور که برقاش باشی اوزرینه چیقر و یا خیط دقیق اوزرنده جریان
وهواده طیران ایلر و یا صوا اوزرنده یورر و یا بر کلبه رکوب ایدر
مشهوردر که بر کافر قریسی بر کوبه بنوب طی مکانله هند سستانه
گیتشدر و بوجهله ده خلق و تأثیر الله تعالی نیک در افلاک و نجومک
و سایر امور علوینک دکل و بو مقوله خوارق کرامات دینلر *
زیرا نفوس خبیثه دن اعمال مخصوصیه مباشرت ايله صادر اولمشدر نتکم
تعریف سحر دن معلومدر (تاویلات نجمیه ده کلور که فرعون حضرت
موسی علیه السلامه معارضه صددنده اولد قده اظهار سحر ایچون
وعده گاه طلب ایلدی * زیرا صاحب سحر تدبیر سحر ایتمده ده طول زمانه
محتاجدر صاحب معجزه ایسه اظهار معجزه ده موعده محتاج دکلدر
* سحر مطلق * سحر کامل معناسنه در که زیاده تأثیردن عبارتدر نتکم
حدیثده کلور (ان من البیان لسحر) یعنی بعض بیان واردر که سحر
علی کبی عمل ایدر و کارکر اولور یعنی سامعک قلبی سرعت ايله آتی قبول

ایدر * مزاج * اخلاط اربعه میاننده متوسط اولان کیفیته دیرل *
 (معنای بیت) بودر که اول حکیم الکهنک معالجه منده زیاده تأثیری
 وطبع وتر کینده عالم بسطدن ابداع اولنان قدرت حق کور مقصود
 معالجه دن عدم عجزنی و مباشرت منده اولان تأثیری بیساندر مزاج
 عبارتی زیاده بخانده دوشمشدر زرا قدرت اصلاح مزاجه تعلق ایدر
 * وری دخی مزاجی معالجه ایستد یکی ترکیبه اشارت وارد زرا مزاج
 اجزایی بری برینه قار شددر مقدر (و یونده رمز وار در که جمیع اشیا
 مفردات اولسون مرکبات اولسون اسماء حقه قائمدر داروی حکیم ده
 ابداع اولنان شفا دخی بو معنایه دایر در فافهم جدا (یونده ایما وارد در که
 ذکر اولنان حکیم الکهی قدیر اسمنه مظهر در انکی چون معالجه قلبیه به
 قادر و تربید سی زیاده مؤثر در * زرا معالجه سی عموم اشیا ده داخلدر *
 نتکم قرآنده کلور (والله علی کل شیء قدیر) بعد ذاقطب ارشاد
 اولان لک جملہ سی صفت قدرته مظهر در ولکن خارق عاده تعلق
 ایدن قدرت ظاهره ایکی کسسه ده بری شیخ عبد القادر الکیلانی
 در که مشرقی در * وری دخی شیخ ابو مدین در که مغربی در قدس سرهما
 یعنی بوا یکسندن صادر اولان کرامات کونیه غیریدن صادر اولمشدر
 و بو معنی اسم قدرک ظاهرا و باطنا تجلی منده منوط در ولکن
 نفس ولایت منده کرامت خارج منده شرط اولدیغی بالاده معلوم اولدی
 زرا معتبر اولان کرامت علیه در که ذات وصفات و افعال حقه
 و اسرار منده قدر که تزکیه نفس منوط در و تزکیه نفس اعظم
 الکراماتدر نتکم یونس امره کلمات منده کلور * کرامتم وارد در دیو خلقه
 کرامت کوستر منده * نفسکی مسلمان ایله گروار ایسه کرامتک *

* چون رسید آن وعده کاه و روز شد *

* آفتاب از مشرق اختر سوز شد *

مصراع ثانی روز شدی بیاندر * وعد * وقو عندن اول ایصال
 منفعت ایله اخبار در آخر منده اولان هاء رسمی تصرفات اعجام دندر
 عرضه کبی * کاه * کافی عجمیله ظرف زمان و ظرف مکان میاننده مشترک در
 بورا ده مراد ظرف زماندر صبحگاه کبی صباح وقتی معنای منده
 * آفتاب * کنشدر اصل منده آفی تاف در فائله بارار منده تبادل وارد در

زرا ایکسیده شفو یدر نتکم زبان و زفان دیرل پس آف آب معنا سنه در
 و کذلک تاف و تاب دخی بویله در یعنی تافتن و تابیدن قزمق و قزدر مق
 دیمکدر آفتابک معنای ترکیبی صوقز در بجیدر زرا صوبارد بالطبع در
 قز مسی عارضدر هوا ایسه بویله دکلدر زرا طبیعتی حاردر برودنی
 عارضدر اول سبیدن صوتک قز مسی کنش نسبت اولندی هوانک
 اولمشدی و احتمال وار در که آفتابک ترکیبی آفت ایله آیدن اوله
 زرا تلبله آبی تحمیل وافتا ایدر اما آفت عریسدر اسم فارسییدن
 جزء اولقمده بعد وارد در هوانک کبی دکلدر زرا آفتاب اسلام
 منقوله دندر کذا فی دقایق ابن الکمال * اختر سوز * وصف ترکیبدر
 یلدن یاقچی معنای منده (معنای بیت) بودر که چون اول وعده زمانی
 ایر شدی و کوندن اولدی یعنی کنش مشرق قندن طالع ایدوب
 یلدن یاقچی اولدی یعنی نور نک غلبه سیله یلدن نک شعله سنی
 ستر ایلدی و ظهورندن اثر قومدی نتکم خواجه نصر الدین اطاعت منده
 کلور * فی السماء یلدنات کنش کور سه بتارها * بعد ذابو کلامده
 ایکی اشارت وارد در (اولیکسی ظلمت غمک نور سروره تبدا ایدر
 نتکم دیمشدر در * بویله قلمز شب فرقت کچران شاء الله * خسته
 دل روز وصاله ابرارن شاء الله * (ایکنجیسی بودر که ذکر اولنان
 حکیم الکهی آفتاب مثال ایدیکه مشرق روحیدن طلوع و ظهور
 ایلش ایدی و مقدم معالجه قصدی ایدن مقلد ایلسه یلدن
 منقوله سی ایدیکه انلره اهتداء فی الجمله ایدی پس شمسک ظهور منده
 سائر کوا کبه ظهور قالدیغی کبی حکیم الکهنک قدوم منده دخی
 ارباب قشر و اصحاب تقلید یقاولدی و اثری مضحک اولدی
 حقیقتی بودر که نور شمس اصل و متبوع و نور قمر و سائر نیرات
 فرع و تابعدر زرا جملہ سی نور شمسدن مستفاد در و نور شمسله
 سائر انوار مضحک اولدیغی کبی نتکم قرآنده کلور (وجعلنا اللیل
 والنهار آیتین فحونا آیه اللیل وجعلنا آیه النهار مبصرة) نور شمس حقیقی
 ایله دخی سائر انوار مجازی منعمی اولور والا خدمت مفید و حد مستفید ممتاز
 اولمق لازم کلور دی مع هذا خدمت قوت و کماله ارفع و حد مستفید
 ضعف و نقصانله انلدر بوسیدندر که شاگرد حد استادی تجاوز ایتمز

و مرید شیخ مرتبه سنه ابرمز مکر شیخ وفاتند نصکره اوله تنکم
ارباب بصائره روشنند

* بودا ندر منظره شه منتظر *

* تابه یبند آنچه بنمودند سر *

* منظره * عربی در نظرگاه معناسنه مراد پنجره در که اندن طشره
نظر ایدر منظره ایله منتظری جمع اینده ده لطافت وار در زیر
نظر دخی بعض مواضع ده انتظار معناسنه کلور * به یبند * ده علامت
استقبال اولان بامضمومه اوقنور زیر حق مضارعت اول حرفی مضموم
اولسه کند کبی و یا خود حروف شفویه دن اولسه یبند و میرد کبی
اتباعا مضموم و ماعداسنده مکسور اوقورل برسد کبی (معنای بیت)
بودر که پادشاه سراینک پنجره سندن منتظر اولدی تا که خوابده
کزلی کو ستر دکاری کسنه بی آشکاره کوره و عالم صورته صحنه ایره
و خیال حقیقت اولنه تنکم قرآنده کلور (هَذَا تَأْوِيلُ رُؤْيَايَ مِنْ قَبْلِ
قَدْ جَعَلَهَا رَبِّي حَقًّا) بونده اشارت وار در که طالب مطلوبه
منهی و منتظر کر کدر و لکن سبق وعد نصکره والا جهاد اهل
هیولانی و هر دوری خاطره دن فارغ و امانیدن آزاد کر کدر (بعض
کبار پیور مشر در که الله تعالی بعض عبادی طلب ایله مبتلی ایلر و لکن
مطلوب حاصل اولماز بوکا طلب و لاشی دیرل و بعض طالب حصول
مطلوب ایله مستعد اولور یا طلبه مقارنا و یا متأخرا بوکا طلب و شی
دیرل و بعضی بلا طلب نائل فیض اولور بوکا شی و لا طلب دیرل
(بعد از منظره دن مراد جسد انسانی و نفس حیوانی در که روح
سلطانی به پنجره کیدر زیر روح سلطانی اشیا بی شهود عیانی ایله
بو منظره دن سیراید بونده اشارت وار در که پادشاه خوابدن صکره
مسجد دن سراینه کلوب مقتضای واقعه به مقرب اولدی بخی کبی
روح سلطانی دخی عرش اعلادن جسده تنزل و نفس حیوانی به تعلق
ایدوب موجب اشارته منتظر اولدی (بومقامک تحقیقی بودر که
فخر عالم صلی الله علیه وسلم قبل الوحی الی آی قدر که ادنای مدت جلدلر
رؤیاء صادق ایله عمل ایتدیلر اندن واسطه وحی اولان ملک خارجده کلوب
عالم مثال مقیددن عالم مثال مطلقه انتقال ترقی بولدیلر پس بومرتبه به

و وصولده حاجت قائمندی اگر چه که رؤیا فی الجملة معمول بهادر * و سالک
نفس اماره و لوازمه دن نفس ملهمه مرتبه سنه ترقی ایتک دخی بویله در
یعنی مرتبه ملهمه به واصل اولق مفاجأة وحی کیدر زیر مرتبه
الهامدر تنکم قرآنده کلور (فالههها فجورها وتقویها) انکیچون بومرتبه
و وصولده تعبیر رؤیاه حاجت قائم مجی ملک ایله نفس رؤیاه حاجت
قائم بخی کبی زیر الهام آلهی کفایت ایدر وحی کفایت ایتدی کبی
و ذکر اولنن الی آی لیل جلاله اشارتدر که محل رؤیادر تنکم بقیه سنه
اولان الی آی دخی نهار جلاله رمن در که وقت شهوددر و بو معنایه
بر کیجه الی آیک اجالی اولمش اولور تنکم بر کون دخی بویله در فاما کون
حقیقتده کیجه ایله مهبر اولغین که مجموعی بکرمی درت ساعتدر بر کون
فی الحقیقه بر سنه نک اجالیدر بر سنه دخی بیک سنه نک اجالی اولدی بخی
کبی انکیچون بوم آلهی بیک یلدر تنکم قرآنده کلور (وان یوما عند ربک
کالف سنه مما تعدون) بناء علی هذا بواصتک عمری بر کون اولدی یعنی
بیک یل زیر بیک یل دور نامدر که مراتب اعدادک غایتدر * زیرا
ترتیبده آحاد عشرات مات الوف دینلور پس اگر پادشاه مذکور در که
منامله و اگر روح سلطانیدر که انسلاخله عالم مثال مقیده دخول
ایدوب عالم غیبیدن اخذ ایتدیلردی بر کیجه تمام که الی آیک اجالیدر
استثارله مبتلی اولوب انقضا سنده نهار تجلی ایله شرفیاب اولدیلر
و آخر کار مقصودلینه ظفر بولدیلر پس بر کیجه توقف سری بولاید بکه
ذکر اولندی (لحرره) بیک یل عمر اولور سه بر کوندر * بکیارن بو کون
همان دوند * نیچه بر راه خیاله کیده سن * جانب کشفه سمندی دوند
دید شخصی فاضلی پر مایه *

* آفتابی در میان سایه *

* شخص * انسانک و غیرینک قرآلتسینه دیرلر که ابراقدن کورینور
بوراده شخص تعبیری مرئی نک ابراقدن ظهورینه کوره در تنکم
بومعنادن بیت آئیده هلال ایله تعبیر ایلدی زیر اهلال افق سماده
ظاهر اولغاله خلق بری برلینه ابراقدن اشارت ایدرل شخص ایله
ذاتک میاننده فرق بودر که ذات اعمددر زیر جسمه و جسمک غیریه
اطلاق اولور تنکم ذات حق دینلور شخص ایله جسمه مخصوصدر

* فضل * بعض احوال و اموردی آخر اوزرینه زیاده لکدر بوراده مراد فضائل ذاتیه در * مایه * هر سنه نك اصلیدر مایه دارمالداره دیرلر (معنای مصرع اول) بودر که پادشاه انتظار حائنه ایکن الله تعالی تصدیق رؤیا ایلوب بر شخص کوردیکه هر فضل ذاتی و هنر صفاتی ایلله محلی اولمش و هر مایه کالبدن حظ اونی و نصیب اوفر بولمش ایدی زیر ابر لفظی بوعومه علامتدر و پر مایه حقیقته ماقبلانی بیاندرد (سؤال اولنورسه که ابراقدن کور بن شخصك فاضل و پر مایه اولدیغی ندن معلوم اولدی (جواب بودر که فراست ایلله بلدی فراست ایسه حقدر نتکم حدیثه کلور (اتقوا فراسة المؤمن فانه ينظر بنور الله) و بردخی فاضل و پر مایه اولق ذاتیه اول شخصك حالی اولدیغی بیاندرد (معنای مصرع ثانی) بودر که کواکه اورناسنده کنش کی بر شخص کوردیکه سائر خلقه نسبتله کواکه دن کنش کی ایدی بوغشلاک ماقبلنه مناسبتی بودر که بومعنی اشراق شمسده واقع اولمش ایدی پس اشارت ایدر که طلوع آفتاب ایلله ظلمات عالم زائل اولدیغی کی اول شخصك ظهوریله دخی کدورات دل مضحک اولدی بعد ذابو کلامده اشارت واردر که نفس حیوانی بی ارشاد ایچون تعیین اولنمان مرشد فضلاله موصوف ایدی و فضلاله انبیا و اولیا تفاوت اوزره در * نتکم قرآنده کلور (تلك الرسل فضلنا بعضهم على بعض) و بونلرک تفاضلی علایق جسمانیه دن تبری معنایه در دیمک خطا در ز راجه سی علایق جسمانیه دن دکل بلکه علایق روحانیه دن بله بری ایدی بعضیلر نك اسباب ظاهره یه ملاسه سی انقطاع باطنلرنی و مجرد معنویلرنی منافی دکلدر والا وصول الی الله حاصل اولق لازم کلوردی پس بونلر ولایت ذاتیه جهتندن نفس واحده در انکیچون حدیثه کلور (لانفضلوا بین الانبیاء) ولکن بعض ظهوراتله بری برلندن بمناسزلردر مثلا حضرت سایمان علیه السلام مجموع ملک ایلله ظهور بولغله و حضرت عیسی مهدهده کلام و روح القدس ایلله تأیید و احیاء موتی و امثالیه و حضرت موسی علیه السلام تکلم و معجزات تسع ایلله و حضرت صالح علیه السلام ناقه ایلله و حضرت هود علیه السلام ریح عقیق ایلله و حضرت ابراهیم علیه السلام خلت و ناردن نجاتله و حضرت یوسف علیه السلام جال بارع و تعبیر رؤیائله

و غیریلر دخی نیچه خواص شریف ایلله و بزم پیغمبر بمنز فخر عالم صلی الله علیه وسلم سید ولد آدم و خاتم النبیین اولغله و اواء الحمد و مقام محمود و قرآن و معراج و رؤیت و امثالیه مستثنی اولمشلردر و قرآنده کلور (وكان فضل الله عليك عظيما) سری بودر که جله انبیایه احسان اولنمان تشریفاتك جله سنی احرازدن صکره نیچه خواص ایلله سائرلر اوزرینه تفضیل اولندیلر خصوصاً تجلی ذاتی ایلله پس عظیم لفظنده اشارت وادر که بزم پیغمبر نك حقیقته فضل الله العظيم هر وجهله اکافضل و رحمت اولدیغی جمع اسماء حسنی یوزندن تجلی بولدیغی درنتکم کندیلری دخی جمیع عوالمه فضل آلهی و رحمت نامتناهی اولمشلردر فافهم جدا * ع * زمین و آسمان در سایه او * چون انبیاء علیهم السلام ذکر اولنمان درجات ایلله تفاضل بولدیلر اولیاء کرام دخی (العلماء ورثة الانبیاء) موجبجه بری برلری اوزرینه بعض خصایص ایلله راجح اولدیلر و اولکه جله اسماء آلهیه یه مظهریت ایلله جمعیت کبری بولدی جمیع مرآتیه ارشاده قادر اولدی و مصرع ثانیده مرشد کمالک بدنی سایه یه و حقیقتنی آفتابه تشبیه واردر نور آفتاب سایه ایلله ظاهر اولدیغی کی نور حقیقت دخی سایه وجود ایلله معلوم و مرئی اولور زیرا وجود ظلی اول نورك آینه سیدر ولکن سایه اثبات ایتك مظهرده ظاهرک ظهوری اعتباریله در والا فی نفس الامر سایه دن دخی مجردر نتکم ترقی ایدوب بیوررلر

* می رسد از دور مانند هلال *

* نیست بود و هست بر شکل خیال *

* هلال * غره قره دیرلر و یا ایکی کجه و یا اوجه و یا ایدی به اطلاق اولنور و آی آخرنده یکرمی النجی و یا یکرمی یدنجی کیجه لکنه دخی هلال دینلور نتکم قاموسده مصرح در باقی لیالی ده قر دینلور * نیست * بالاده بیان اولمشلدر * هست * اصلنده ها است در ها و ار معنایه در ترکیده ها شویله دیدکلری بوندن اخذ اولمشلدر صکره ادات خبرله ترکیب اولند قدده الفین حذف اولندی و بعض مواضعده معنای اداتدن منسلخ اولوب نیست بوق و هست وار معنایه استعمال اولنور * شکل * بر نسنه نك صورت محسوسه و یا صورت متوهمه سنه دیرلر اصطلاحده نهایت واحده

و یانهایتین و یانهایتان جسمی احاطه سی هیئت دیرل دایره و نصف
دایره و سایر مضامین مثلث مربع پنجس کی * خیال * برقاج معنایه کلور
امام راغب در که خیال اصلنده صورت مجرده در منامده و می آمده
و می یتیک غیب و بی صو کننده قلبنده اولان صورت کبی
صکره هر امر منصور لک صورتنده و خیال مجرا سینه جاری
اولان شخص دقیقه استعمال اولندی و اختریده مسطور در
که خیال او یوق دیدکاری اغاچدر که اوزرینه قره کچه بغاوب
طیور و بهائم آتی انسان ظن ایدوب قیچرل و عند البعضی قرالتی انتهى
بعد ذامانند هلال مابعدنه می هوند (معنای بیت) بودر که اول
شخص ابراقدن ابرشده و کورندی هلال کبی فی الحقیقه وجودی
یوغیدی و یتیک صفیه متصف ایدی ولیکن شکل موهوم و صورت متخیله
اوزرینه و ارایدی یعنی هلال عکس پرتو شمسله صورت خیالده کورینوب
فی الحقیقه آنک ایچون بشقه وجود اولدیغی کبی اول شخصک دخی وجودی
نور شمس حقیقتدن مستفاد اولوب ظاهرده مجرد بر خیال کورینور دی
اول خیال حقیقتده معدوم ایدی زیرا وجود ظلیک حقیقه وجودی
یوقدر * بلکه آنک وجودی منامده و آیینده محسوس اولان صورت
و ابراقدن کورین قرالتی کبدر نیکم شیخ مغربی قدس سره کلماتده کلور
* سایدهستی می نماید لیک اندر اصل نیست (لحرره) موج اوروب بحر
شهود وحدت * دل او در یاده اولوب در غرقاب * ایتین کثره وجود اثبات
* بلدی عالمده ندر آب سراب (و جائزدر که مانند هلال رسیده قید اوله
بو صورتده دیمک اولور که اول شخص ابراقدن هلال کبی ابرشده یعنی هلال
کبی کورینوب تدر بجه مجلس شاهه یتشده * انکیچون هلال ایله آفتابی
جمع ایلدی زیرا نفسنده آفتاب مثال و ابراقدن ظهورنه نسبتله هلال
ایلی و یومعنی خیالک قرالتی معنایه حلقه قرینه در زیر اکثریا ابراقدن
کورین بر نسنه ک قرالتی سیدر (و بونده اشارت واردر که اول شخص
ارشاد آیتیک ریاضتدن هلال کبی وجودی ضعیف اولمش و اوصاف
وجوددن بالکلیه فنا بولمش و ماسوا دن انده اثر قالماش ایدی نیکم هدای
قدس سره کلماتده کلور * فنا در فنا بولدی وجودم ملکی سرتا سر
کورینور بر بدن قالدی همان انجیق حصار مدن * یعنی اول مرشدک

وجودندن مجرد بر قرالتی و خیال منام کبی بر خیال کورینور دی و بلکه
اول خیال دخی حقیقت وجود ایله مصور ایدی روح مجسم کبی زیرا
اروا حدن نیکم لک جسم ایدوب مواضع مختلفه ده و خصوصاً مطاف
کعبه ده کورینور ولیکن بحسب الظ قرالتی لک کورنمک روح محض
اولد قلوبنی منافی دکلدر * زیرا روح جسم صورتنده کورنمشدر * نیکم
نعت نبی ده مولانا جامی بیورر * تنش را بود جان پاک مایه * ندید از جان
کسی برخاک سایه * یعنی تن لطیف لری جان پاکله آمیخته اولوب جان
صورتن بولمش ایدی جانک ایسه کمال لطافتدن خالک اوزرینه سایه سی
دو شمن پس وجو دخانی من وجه سایه جان و من وجه عین جاندر
نیکم بالاده تحقیق اولندی و ذاتی نعتده کلور * قامتیک ای بوستان
لامکان پیرایه سی * نوردن بر سر و در دو شمن زمینه سایه سی *

* نیست وش باشد خیال اندر روان *

* تو جهانی بر خیالی بین روان *

اولکی روان اصلنده روح انسانی معناسنه در که حکما اکا نفس ناطقه
دیرل فاما بوراده قلب معناسنه اخذ ایتیک دخی جائزدر زیرا غایده روان
جان ایله تفسیر اولنمشدر سادات صوفیه قاننده ایسه نفس و روح
حیوانی معناسنه اولان جان و قلب بر معنایه در نیکم دیباچه کابده
اشارت اولنمشدر * ایکنجی روان یورنجی و می ورایدیجی و جاری معنایه
کلور * مصراع اولک اوج معنایه تحمل واردر * اولکیسی بودر که
خیال یوق کبی اولور قلبک اعتبار و ملا حظه سنده یعنی وجودی
وار ایسه ده عدم حکمنده در زیر کندی ضعیف و آثاری قلیلدر *
مع هذا عارضک وجودی معدوم و شرف زوال اوزرینه اولان موجود
امر مو هو مدر * ایکنجیسی بودر که روح سلطانی یاتنده خیال تن
عدم کبدر زیرا ظل مشابه سنده در ظلیک ذوالظله نسبتله وجودی
عدم حکمنده اولدیغی کبی جسد دخی روح سلطانی به کوره بوبله در
یعنی حقیقتده وجود ذوالظلاک و روح سلطانی نکدر * او کنجیسی بودر که
بر نسنه ک قلبده مر تسم اولان صورت خیالیه سی یوق کبدر زیرا امر
اعتباریدر که خارجده حقیقی یوقدر فاما اولکه یوسف علیه السلام
رؤیاسی حقننده (قد جعلها ربی حقاً) دیو حقله تعبیر ایلدی مع هذا

روبادخی خیال قبیلندن ایدی ظاهر اوزرینه جریان ایلدی والا دنیا
دخی خواب مقوله سیدر * انکیچون امام علی رضی الله عنه بیورر
(الناس نيام فاذا ماتوا انتبهوا) تنکم حضرت مولانا مصراع ثانیك
مضموننده بیورر * سن دنیای خیال اوزرینه جاری بیل یعنی دنیا
وامور دنیائک جمله سی خیالاتدر خواب کبی انکیچون حدیثده کلور
(الدنيا حکم النائم) مرویدر که برکسه امام علی رضی الله عنه
کلوب بر شخص حقنه بنم والدم ایله احتلام دعواسن ایدر اقامت حد
اولسون دیر امام علی دخی بیورر که کوثر خصمی کنشده اقامت ایلده
کولکه سنه ضرب ایله زیرایکسیده خیالدر * وشیخ مغرب رحمة الله
علیه بیورر * خیال جمله جهان رابنور چشم یقین * بجنب
بحر حقیقت سراب می بینم *

﴿ برخیالی صلحشان و جنگشان ﴾

﴿ وزخیالی فخرشان و تنکشان ﴾

* شان * ضمیر جمع غائبدر جهانک دلالت ایدر یکی جهانبانه
یعنی اهل جهان را جمدن ایشان ایله شانک فرقی بودر که ایشان ضمیر غائب
منفصلک جمدن او کبی که عربیده هودینلور شان ایسه ضمیر متصلک
جمیدر لفظش کبی کله نیک آخرنه لاحق اولور صلحش کبی * فخر * مال
وجه و امثال ایله مبا هاته دیرل * تنک عاردر (معنای بیت) بودر که
اهل دنیائک بری برلینه صلح و جنگی خیال اوزرینه مبنی و بری برلری
اوزرینه مفاخرت و عار و ناسلری خیالدر ناشیدر که هیچ برنده اثر صحت
ورایحه حقیقت یوقدر * زیرا وجود و عدم ارا سنده انقلابدن خالی
دکلدر * عالم بر فکره صالح کاری یوقدر عصمتی * وضع ناساز جهان
باشوبله دریابوبله در * مشهور در که هند قومی اون بش بکرمی ارشون
دلبدی جوز قابنه قو مغله فخر ایدرلر غبار خطله مصحف یا زان
خطاط لک احوالی اکایاس ایله پس بونلرک جمله سی نظر دن اسقاط
اولوب حقله صلح و نفس و شیطانله جنگ لازمدر و مفاخرت افضا ایدر سه
فضل و رحمت حقله کر کدر تنکم قرآنده کلور (قل بفضل الله و برحمته
فبذلک فلیفرحوا) و عار اولور سه ماسوا به تعلقدن انسیدر خصوصاً
دنیا جیفه مقوله سیدر پس شاهبازلایشه قونمقی عار عظیمدر تنکم خواجه

حافظ کلماتنده کلور * همای چون تو عالی قدر و حرص استخوان حیفست
در یغاسایه همت که برنا اهل افکندی

﴿ آن خیالاتی که دام او یاست ﴾

﴿ عکس مهر و یان بستان خداست ﴾

معلوم اوله که لسان صوفیه ده خیال صورت معنایه مستعملدر تنکم
شیخ اکبر قدس سره الاظهر نظمنده کلور * انما الکلون خیال و هو حق
فی الحقیقة * یعنی عالم کون کر چه صورتدر و لکن حقیقتده حقدر * زیرا
مظاهر اسماء و صفاتدر پس حق باطلک مقابلیدر باطل ایکیدر بری باطل
حقیقتدر که عدم محضدر و بری باطل اضافیدر شیطان کبی مثلاً باطل
اضافی اولق فی الجملة حق اولمغنی منافی دکلدر زیرا حق کبی تجلی
وجودده داخلدر * و خیال مطلق و مثال مطلق امر واحددر که عرشدن
تحت الترایه دک موجودات خارجیه در و کذلک خیال مقید و مثال مقید
دخی امر واحددر عالم رؤیا و عالم برزخ کبی (پس خیالاتدن
مرا دجیع اکوان و صور خارجیه در که دام او یاساز
او یاساده انبیا دخی داخلدر * زیرا ولایت جهت جامعه در که
دام اولدینگی بودر که دام ایله شکار صوری قید اولدینگی کبی اشیا ایله
دخی شکار معنوی صید اولور که علوم و معارف و حقایقدر انکیچون
دیشلدر که تجلیات وجودیه تجلیات شهودیه نیک آینه سیدر تحقیقی
بودر که وجود دائره سنده اولان لاجرم متغدی و مرزوق قسمنددر
ورزق ایکی نوعدر حسیدر جسم و ایچون اصناف مأكولات
و مشروبات کبی و عقایددر ارواح ایچون انواع علوم و معارف کبی الله
تعالی ایسه بعض مرزوقینی بعض اوزرینه تفضیل ایتشدر پس رزق
صوری ایله تغذیه تفاضل بولندینگی کبی رزق معنوی ایله تغذیه دخی
تفاضل بولور بوسیدنددر که ظاهرده عوام و باطنده خواص مراتب
و درجاتده تفاوت اوزرینه در و انسان بو عالمه جلب غذا و تحصیل علوم
ایچون کلشدر تنکم قرآنده کلور (وما خلقت الجن والانس الا ليعبدون)
زیرا ابن عباس رضی الله عنهما عبادتی معرفت ایله تفسیر ایتشدر و لکن
معرفت مقبوله نیک طریق عبادت اولدینغن اشعار ایچون مقتضای
ظاهر دن عدول اولندی پس بواسیا اولانظر واستدلال و ثابا و قوف
حقیقت حال ایچوندر انکیچون حدیثده کلور (رب ارنی الاشياء)

کاهی) یعنی هر سنه نك مشتمل اولدیغی حقیقه و قوف و محتوی اولدیغی
سری معرفت و جمال کمالی رؤیت ایله مستعد ایله دیمکدر انبیاء و اولیاء الله
الکلهی بوعالمدن بلدیله عالم سزالله بیلنور دیمک ایوسوز دکلدر * انکیچون
عالم اصلنده علمدرا الف اشباع ایچوندر علم ایسه بعینه ذاته دلالت ایدنه دیرلر
بواسمک ابتدا مظهری حقیقت محمدیه در که بونک فکری جله دن اوسع
واعظمدر که فلك حیاتدر انکیچون اشیاء داله اراسنده آنک فوقنده عالم بوقدر
ساراندن ظهور ایدن مظاهرک دخی مراتب اوزرینه احوالی اکا قیاس
اولنه پس بوعالم آینه اتوار حقدرد (بستان خدادن مراد ذات حقدرد که
جبع اشیانک منبتی یعنی منشأ و منبعدر * زیرا ذات حق چکردک و اشیاء
شجر مثابه سنده در وارلق تخم در و افاج خیالدر بستانده کونا کون
نباتات و ازهار و اشجار اولدیغی کبی ذات حقدرد دخی انواع اسماء الهیه
وصفات ربانیه وارددر که اشیاء خارجیه انلرک مظاهریدر اشجار چکردک
مظاهری اولدیغی کبی پس جله نك اصل چکردک کبی امر واحددر نتکم
نوعی فطننده کلور * کاشنده کونه کونه ندر بوشکوفلر * آب و هوایی
برقونک باغبانی بر * و فضولی کلماتنده کلور * زهی ذاتک نهان و اول
نهاندن ماسوی پیدا * بحار صناعه که امواج پیدا قعر ناپیدا * افاج چکردک
باطن ایکن ظاهر اولدی و چکردک ظاهر ایکن باطن اولدی بوندن عالم
حق یوزینه ردا کبی اولمق لازم کلدی حدیث قد سیده (الکبریا
ردائی) دبدیکی عالمدر عر بک عادی در که باشند ایاغده دك بورینور
کورینر دادر مرتدی کورنر کذلک باش کوزیله کورینن عالم در حق
کورنر بلکه حق کوکل کوزیله کورینور نتکم حدیثده کلور (رأی ربی
قلبی) و کذلک کورینن افاجدر چکردک کورینر بلکه چکردک کوکل
کوزی ایله کورینور زیرا هر سنه نك ملکوتی مکاشفه ایتمک بصیرت
ایله اولور بصیر ایله اولمز * زیرا بصرو سائر حواس ملکی مشاهده ایچوندر
ملکوتی دکل (مهر و یاندن مراد اسماء و صفات در حسن ذاتیلرینه
بناء مهر و ایله تعبیر ایلدی انکیچون محمدیه ده کلور * صفات حسنه باقاغل
ولی حسن صفاته باقی * صفات حسندن مراد مظاهر در حسن صفاتدن
مراد اول صفاتده ظاهر اولان حسن ازایدر * انکیچون شیخ سعدی
کاستانده بیورر * محقق همی بینداندرا بل * که در خواب رؤیان چین

و چکل * زیرا مقصود مظهر دکلدر که آینه در بلکه ظاهر در که
اسما و صفاتدر و بوتجلی ده ایسه جبع اشیاء برادر بوسیدندر که
قرآنده کلور (فانظر و الی آثار رحمة الله) و کلام فی الحقیقه تعجبی متضمندر
یعنی آثار رحمة نظر ایدوب تعجب ایدیکوز نیچه جبع اشیاء اظهارد حسن
ایلدی و رحمتله اسمایی تنفیس ایدوب حقیقی اظهار ایلدی (فتبارک
الله احسن الخالقین) اسماء آلهیه و اعیان ثابته نك علم اللهده صور معقوله سی
وارددر که اکا صور علمیه دیرلر بونخا اوقات آنک عکس و آثاریدر
عینی دکلدر نتکم آینه ده کورینن عین مرتی دکلدر بلکه اثریدر
بس بوعکسک حقیقته و وجودی اولما غله خیال ایله تعبیر اولنور نتکم
ظل ذوالظلمت خیالیدر که حقیقته و وجود ذوالظلمتدر که وجود ظل امر
موجوددر حقیقی بوددر که وجود ذاته و صفات وجودیه به یعنی مظاهرده
ظاهر بولان صفاته مخصوص صدر اگرچه که صفات وجودیه مرتبه
عبدیتده تعینه نظر امله ضعف و نقصان لزومندن خالی دکلدر زیرا آنک
قوت و کمالی الهیتده در و بوسیدن دیمشدر که شؤن و اعیان امور
متعقله در که رایحه وجودشم اتمشدر نتکم ظل حقیقته رایحه وجودشم
اتمشدر (الحاصل انفس و آفاقه ظاهر اولان آیات حقدرد نتکم
قرآنده کلور (سزیههم ایتان فی الافاق و فی انفسهم) انکیچون اهل تحقیق
عالمه مصحف کبیر دیمشدر تلاوت حال ایله حتی تلاوت ایدرلر تلاوت
قول ایله قرآن تلاوت اواندیغی کبی پس آیات ایکی اولدی که بری
آیات تکوینیه و بری آیات قرآنییه و قولیه در ایکی سیده حقدرد انکیچون قرآنده
کلور (حتی بدین لهم انه الحق) و اول که بعض کبار بیور مشلدر * انا القرآن
والسبع المثانی * قرآن فعلی به محمولدر و آنک که بواسطه اطلاق بوقدر
آنک قاتنده انا القرآن یا خطایه و بارجل عدل قیلندن اولغه محمولدر
اناقاری القرآن معنا سنه بس عاقله کر کدر که بصیرت اهلی اولوب
هر سنه ده حتی مطالعهیه قادر اوله (معنای بیت) بوددر که اول صور
موجودات و اشکال کاشفات که اولیاء الله علوم حقیقیه و معارف آلهیه
تحصیلنه وسائل و اسباب اولشدر (دام که طوز اقدر صید و شکاره
آلت اولدیغی کبی بستان مثال اولان ذات خداده چکردک وار اولان
اسما و صفاتک عکس و آثاریدر یعنی بستانده بتن اشجار چکردک

صوتی اولدیغی کبی ذکر اوانان صور اشیا دخی اسما وصفاتک تبلیا تیدر
 * پس اول اشجار یوزدن میوه های کونا کون حاصل اولدیغی
 کبی صور موجودات تبلیسندن دخی انواع علوم و ارزاق حاصل اولور
 شویله که اگر اول تخم و آنک فرعی و تفصیل صورتی اولان شجر اولسه
 میوه مفقود و آنک یوزدن تلذذ عینم اولدیغی کبی صور موجوده سز
 دخی تحصیل معارف و اخذ علوم و جلب اذواق ایتمک ممکن دکلر
 آینه سز صور کورنمدیکی کبی انکیچون مولانا جامی کلماتده کلور * جهان
 مرآت حسن شاهد ماست * فشاهد وجهه فی کل ذرات * یعنی مشاهده
 البته آینه کر کدر انکیچون حدیث قد سیده کلور (کنت کنز
 مخفیة فاحییت ان اعرفی فحق الحق لا عرف) یعنی معروفیت حق
 خلق یوزندندر ادنی مرتبه عارف کندی وجود نک خلقیدر ولکن
 الله تعالی انفس و آفاق خلق ایلدی تاکه اسرار اجمال و تفصیل
 ظاهر اوله (بعد ذلحضرت مولانا ذکر اوانان معنای اولیایه تخصیص
 ایلدی زیرا اولیا که خواص عباددر کثرته مطالعه و حذقه قادرلدر
 و ذراته مشاهده آفتابه مالکلدر و قطرانده معایته دریایه مستعدلدر
 زیرا اول صفات حق که مظاهرا هرده ظهور ایتشد ر انک
 مشاهده سی فناء افعال و صفات و ذات اوزرینه موقر فدر
 بوفناء مطلق حاصل اولد بجه کسه ولایت داره سنه قدم بصیر
 و الاحرم سرای یاره اغیار دخول ایتک لازم کلور * نتکم کمال جندی
 نظمنده کلور * مدعی نیست محرم در یار * خادم کعبه بولهب نبود *
 و خواجه حافظ دیوانده کلور * مدعی خواست که آید بتماشا که راز *
 دست غیب آمد و بر سینه نامحرم زد * پس تطهیر اوساخ وجود
 و تحصیل اعیان شهود ایتیلر ذکر اوانان حالتدن محروملر و مشاهده دن
 اعماللدر * ع * چو کورمن یوسفک یوزن چه حاصل چشم اعمادن *
 و یونس امره قدس سره کلماتده کلور * بتوردم یوسفی کنعان ایلنده *
 بولندی یوسف کنعان بوانماز * یوسفدن مرادی وحدت و کنعاندن
 کترتدر یعنی ابتداء حائنده که اهل حجاب و غفلت ایدی یوسف
 وحدتی کنعان کترنده بتوردی و وجودات متغایره اثبات ایتکه نه وجهه
 وجود واحدی مطالعه ایده چکن ایدی و اول وحدتک کمال ظهوری

آنک مشاهده سنه پرده اولدی قرب مفراط کبی نتکم حضرت یعقوب
 علیه السلام کنعان ایلنده مدت طویله بیت الحزن نشین اولدی و فراق
 یوسف ایچون اغلدی مع هذایوسف آنک قرینده ایدی * زیرا
 کنعان ایلله مصر اراسی یدی سکر مر حله ایدی و قوافل واروب
 کلوردی صکره که بصیرتی آچلوب مشاهده قادر اولدی یوسف
 وحدتی بولدی و کنعان کثرتی کورنم اولدی نتکم برکته حدت ایلله
 کونشه نظر ایلسه کوزی قاشوب اشیا کورمن اولور پس اول
 وقتده کثرت وحدت و اغیار یار و بیکنه آشنا و بعید قریب و موحش
 مونس اولدی انسانه نظر ایلدی اسم جامع مظهر کوردی زیرا
 صور اشیا و حقایق موجوداتی بالکلیه جامعدر نتکم مخلدده معیندر
 * و حیوانه نظر ایلدی مذل اسمنه مظهر کوردی زیرا انسان النده
 مسخردر خصوصاً انتصاب قائمی یوق واکل و شرب دخی نفایسندن
 دکل و من اوله امور شاقیه آتدر * و نباته نظر ایلدی رزاق اسمنه
 مظهر کوردی زیرا انسانه و حیوانه اندن رزق حاصلدر * و معدنه
 نظر ایلدی عزیز اسمنه مظهر کوردی زیرا فی نفس الامر عزت
 وجودی و ارونقی عزت ایلله الدن اله دواردر * و ترابه نظر ایلدی
 میت اسمنه مظهر کوردی زیرا بارد و یابسدر اجساد ایدر و چوریدر
 * و آبه نظر ایلدی محیی اسمنه مظهر کوردی زیرا جله شجر و نبات
 و حیوان و انسانک حیاته سبیدر انکیچون قرآنده کلور (وجهلنا
 من الماء کل شیء حی) و هوایه نظر ایلدی حی اسمنه مظهر کوردی
 زیرا دائماً حرکت اوزرینه در * و بری اولان حیواناتک حیاته باعشددر
 و آتسه نظر ایلدی قابض اسمنه مظهر کوردی خصوصاً که معیندر
 بک پشورر و صوقدن اسیدر * و داروی حکیمه نظر ایلدی شافی
 اسمنه مظهر کوردی زیرا آنک یوزدن شفا حاصل اولور * و اکسیره
 نظر ایلدی محول اسمنه مظهر کوردی زیرا نحاسی فضه و ذهبه تحویل
 و تبدیل ایدر و حقیق اشیا باده صفت ایجا دنی کوردی قدیر دیدی
 و هر ایشده حکمت باهره سن فهم ایلدی حکیم دیدی * و امر و نهیک
 آثارن مشاهده ایلدی حاکم دیدی و اشیا آنک وجودا و عدما مقهور
 اولد یغنه نظر ایلدی قاهر دیدی * و اسباب معیشتک تیسیر و تسهیلنه

باقیدی مبسر و سهل دیدی و مأمور اولدی یغنی کارک خاصه و انه مدار
اولان قوته التفات ایلدی معین دیدی و کنشک اضاعت عالم ایتدیکن
کور دی نور دیدی و وقت ضحاه اولان انبساط نوره نظر قلدی
باسط دیدی و وقت غرویده اولان انقباضه نظر صالیدی قابض دیدی
* و کجه ده قر حاله بقدی مبین دیدی * و دریایی کور دی واسع
* و سخابی کور دی مفیض دیدی و علی هذا جمیع موجوداتده صفات
حقدن غیر کورمدی و جمیع افعال و احوالده اسماسنک تأثیرندن
خارج بلدی و بوسره بناء حضرت هدا بی پیور * و اقدر حیرتده
اولسون جان و دل * فنده باقرسم افندم صنه بن * بوندن اشیا حق
اولق لازم کلز و الاتزبه باطل اولق اقتضا ایدر الحاصل الله تعالی
ذات اقدسی جهتندن صفت تجردله منصفدر و لکن مراتب اعیانده
صفاتیله ظاهر اولمشدر پس هر نسنه که صفت کمالدر حقه راجعدر
و هر نسنه که صفت نقصاندر اعیانده راجعدر زرا اول نقصان
آنک قصور استعداد ایدر * تنکم صور اصانده عذب و طیدر و لکن
برک مزاجندن طعوم مختلفه حادث اولور و کذلک معاندده اولان
تأثیرات بر در و لکن حرارت و رطوبت و برودت و یبوسنک تفاوتیله
بحسب الاستعداد کیمی سیم و کیمی زر و کیمی غیری اجساد اوزرینه
تکون ایدر و قر آنده کلور (و فی الارض قطع منجاورات) هـ
لیس و راه نبایدان قریه * اگر چه که ذوقه نهایت یوقدر و لکن بلغز
ع * نه بلسون بحر حالن اولکه منزله کاه ساحلدر

* آن خیالی را که شه در خواب دید *

* در رخ مهمان همی آمد دید *

* مهمان * قوتقدر ضیف کبی الفاظ مرکبه دندر بر جزئی مه در
اولو معناسنه عظیم کبی و بر جزئی مان در مایندن دن اسم فاعلدر
بکزه یچی معناسنه قونق مستحق تعظیم اولوب قوند یغنی برده رعایت
اولدیفندن اوتوری مهمان دیرلنتکم * خبرده کلور (لا طار للرجال ان یکرم
اباه و معلمه و ضیفه و اوکان سلطانا) پس شول کسه که بالذات سلطان
اکا خدمت الیه اکرامه مستحق اولور معظم اولور و یا خودمان آو بارق
معناسنه در بوصورته مهمان عظیم منزلدر یعنی اهل منزلک
اولوسی حذف مضاف الیه در تنکم (واسئل القریه) لتذرام القری

و امثالنده تقدیر او انور و بو معنایه بنه شاعر دیشدر * ماسمت العجم
المهمان مهمانا * الا لاجل الضیف الیدی کان من کانا * فالله اکبرهم
و المان منزلهم * و الضیف سیدهم مالازم المان * شاعر بورا ده
ماتک معنای ثانیسنه ذاهب اولمشدر پس معنای مانی بدین ده خطا
یوقدر ابن کمال خطا ایدوب خطا ایتدی دیشدر * همی * لسان
فارسیده تقریر ایچون کلور مقرر میدر ده جک برده همی دیرل ترکیده
مستعملدر هم اوله در دیرل همی دیمک استقر اصلنده هه زانده
ومی ادات حالدر یعنی مضارعک اولنه داخل اولورسه حاله تخصیص
ایدر فعل ما ضینک اولنه داخل اولورسه حکایت حال ماضی افاده ایلر
و بعض مواضعده زائد کلور بو محله که کبی * پدید * بآء مجمله آشکاره
دیمکدر بآء هر بیله استعمالی شایعدر تا بدید بلسوز و کورنم دیمکدر
(معنای بیت) بودر که اول واقعه بی که پادشاه عالم منامده کور دی
آنک اثری چهره مهمانده آشکاره بلاو کلدی یعنی ذکر اولنان پیرک
اشارتی اوزره قدوم ایدن غریبه ظاهر اولدی و انکار ورده بحال
قالدی خصوصاً که فراست متصل و دلم ضروری معین اوله * بونده
روح انسانینک مطلوبی اولان حکم آلهی و مر شد کمالک حصول
و قدومه اشارت وارد در تنکم مولانا نصوحی دیر * ملک دل سمنسز
شها یقلدی و بران اولدی کل * انتهای فرقت و پایان هجران اولدی
کل * و ویسی نظمده کلور * فرقت شبده قومه بزی کل ثوابه کر *
کوستر جهان کون یوزک ای ماه پاره چق * ساحل نشین بحر فراقدر
جهان * ای در پاک فنده ايسک کل کناره چق * معلوم اوله که
پادشاهک رؤیای رؤیای صادقه مقوله سی ایدی تنکم حدیثده کلور
(الرؤیا ثلث رؤیا من الله و رؤیا نحزین من الشیطان و رؤیا من حدث
المرئیه) زرا تمثیل ایدن پیر نورانی صور کلدن ایدی شیطان ايسه صورت
نبویه الیه تمثله قادر اولدی یغنی کبی تنکم حدیثده کلور (من رأی فی المنام
فقد رآی فان الشیطان لا یتمثل بی) صور کماله دخی تمثله قادر دکلدر
هر عصرده قطب وجود کبی سری بودر که فخر عالم صلی الله علیه وسلم
اسم هادی مظهري و هدایت ایچون مبعوث در شیطان ايسه اسم مضل
مظهري و اضلال ایچون مخلوقدر اگر شیطان فخر عالم و یا صور کلدن
که ورثه نبیدر برینک صورتیله تمثله قادر اولسه امر هدایت مختل اولور

واعتماد قانزدی * بوسیدن دیشلردر که برکسه فخر عالم صلی الله علیه وسلم حلیه اصلیه لری اوزرینه کور مسه شریعتده قصورنه اشارتدر نکم وارث پیغمبری دخی متغیر الشکل کور سه طریقته نقصانه دالدر وحید شده کلور (اَرْوَايا الصادقة من الرجل الصالح جزء من ستة واربعین جزأ من النبوة) بوحد یشده سر عدد بودر که فخر عالمه یقظه ده حاصل اولان وحیک مدتی یکر می اوج سنه و منامده اولان الهامک مدتی الی آی ایدی الی آی ایسه یکر می اوج سنه دن فرق الی جزء دن بر جزء در زیر یکر می اوج سنه تنصیف اعتبار یله فرق الی جزئه منقسم اولور که هر جزئی الی آی در وابته دای وحی رؤیا ایلله اولق تائیس ایچون ایدی زیرامفا جاء وحیه تحمل ایتک صعبدر انکیچون جبریلی صورت اصلیه سی اوزرینه مشاهده ایتد کده طوره حضرت موسایه واقع اولان حالت کبی غشی حاصل اولدی * وبری دخی قوه خیالیته ک عالم مثاله عروجندن تدریججه عالم ارواحده صعود حاصل اولور پس عالم ارواحدن اولان ملک نزولنده انقباض زائل اولور بعد ذاعالم ارواح ایلله عالم اجسام اراسنده ارتباط ممکن دکلدر زیرا اجسام مرکبات وارواح بسا نط مقوله سیدری برلریله ارتباط اولدقچه تأثیر و تأثر و اعداد و استمداد بولمانز بناء علی هذا الله تعالی عالم مثالی ذکر اولنان ارواح و اجسام اراسنده برزخ جامع خلق ایلدی تاکه ارتباط حاصل اوله وفائده حصوله کله زیرا ارواح عالم مثالی خاصتیه مظاهر مثالیه تجسد ایدر نکم قرآنده کلور (فتمثل اهابشرا سويا) وحید شده کلور (و احیانا یتمثل لی الملك رجلا) و بولتمثل حسبیه افا ضه واستفا ضه حاصل اولور * بونک نظیری نفس حیوانی در که روح ایلله بدن اراسنده برزخ جامع در زیر نفس حیوانینک قوه مقوله اولد یخی جهتندن روحله مناسبتی و اقطار بدننه مثبت اولان قوای مختلفه سی حسبیه مزاج مر کبه ملائمتی وارد در لحم و عظم اراسنده واسطه اولان غضروف دخی بو کاقیاس اولنه قوه خیالییه عالم مثاله کوره نهر دن جدول کیدر که بر طرفی اکا متصلدر پس بوسیدن عالم مثاله دخول حاصل اولوب اوراده تمثل ایدن معانی غیبیه اطلاق کلورخی بو عالمه تمثال اولک د

نزولنده کیمی تعبیره محتاج اولور و کیمی اولماز و بو مقامک شرحنه نه بایت یوقدر ذوقه و کشفه احاله اولمشدر (لحرره) چوقدر الم دردی تقریر ایدمه مین * بزوا قعه می ذوقله تعبیر ایدمه مین * مصنفدر اگر چه بو وجودم بکا حقندن کشف اولور بسم دخی تفسیر ایدمه مین *

* شه ایچای حاجبان فاییش رفت *

* پیش آن مهمان غیب خویش رفت *

مصراع ثانی مصراع اولی بیاندر * حاجب * عریدر بواب کبی قیوچی معناسنه در بان کبی زیرا خاقی مجاس شاهه دخواند حجب و منع ایدر نکم کافیه و شافیه صاحبیه ابن حاجب دیرلر زیر ایدری امیر عزالدین شوسک الصلاحی نک بوابی ایدی اطاعتندنر که ترجع بندرو حی بغدادی ده کلور مطبخلرینه آج وارن آدم دکنکیر * دربانلری وار کوز قیوده ال دکنکده * * فاقار شوم معناسنه در منلا فاداشتن قارشواق و قارشو طو تق بعضیلر دیدیلر که فواکبی تحسین لفظ ایچوندر نکم اولک معناسنه واپیش وارد معناسنه واپس دیرلر * مهمان غیب * پادشاهه عالم غیب و مثالده اشارت اولنان شخص غریبدر (معنای بیت) بودر که پادشاه قیو جیلریرینه یعنی عادت ملوک اوزره بو مقوله واجب الاحترام اولان قادملری قبوجیلر و خواص در کا، اولنلر استقبال ایده کلمشدر کن پادشاه بالذات قیام ایدوب انلردن بدل کندوبه مضاف اولان مهمان غیبه قارشو واردی وایلو ویا حضورنه کندی و مقتضای ارادت و محبت اوزره حرکت ایتدی نکم ملوک عثمانیاندن سلطان احمد اول هدای قدس سره مدعوا قدوم ایتد کده بانذات کندو قارشو واردی ورکا بنده یورو دی وولانا زاده سلطان ولد حضرتلری دخی شام شریفدن قونیه یه کلنجه شمس تبریزینک رکابنده یور و یوب شایسته خدمت ایتدیکی معروف و مشهوردر بعد ذل حاجبان ایلله مراد حواس ظاهره در که سرای وجودک بوابلریدر مقصود روح سلطانی ک حواس یوزندن اولان مشاهده به التفات ایتوب قدوم ایدن مر شد کا ملی استعجالا واشتیاقا بطریق الانسلاخ استقبال ایدوکن بیاندر (زیرا روح سلطانی نفس حیوانییه تعلق ایتشدر * نفس حیوانینک ایسه قوا سی اطراف بدنه متصل

خصوصاً بخار لطیف که نفس حیوانی و آنک قوی و حواسی روح سلطانیست
پس بو تقریباً نفس حیوانی و آنک قوی و حواسی روح سلطانیست
اشیاء خارجیّه مطاعه سینه واسطه و آلت اولمشدر شویله که اگر
بدن علاقه بی قطع ایدسه و مفارقت قلبه بوشهود حضور غیبه و تجلی
استاره مبدل اولور (بنیاء علی هذا حالاً عالم برزخیده اولان
ارواحیه شهادت دنیا و غیب آخرت شهادت اولمشدر و حاجیان
لفظنده اشارت وارد در که وجود اکا مضاف اولان امور خارجیّه نک
جمله سی حجاب روحدر که حجاب کشفدر کان روح سلطانی اول
امر دن حجب ظلماتیه بی خرق ایلدی و روزنه بصری سدایدوب چشم
بصری اچدی و صورت ایلّه تقیدی قودی و رسوم ماسوا بی لوح
دلن بودی شویله که ظهوری بطونه و دعواسی معنایه و زهد و تقلیدی
عشق و محبت و حاتم منحول و مملو صوره و قالیه سی مسامحه معویه
و حالیه به مبدل اولدی * نیکم دیمشدر در که جاء الحال و ذهب القال
و ویسی نظمده کلور * سکا ابلر کی اظهار محبت ایدم * بن سنی ایکی
کوزم جان و کواکب دن سورن *

هر دو بحری آشنا آمو خنه *

هر دو جان بی دوختن بردوخنه *

دو لفظیه مراد پادشاه و مهمان غیبر بحری ده اولان با تکبر ایچوندر
تعظیم مراد اولور * آشنا بوراده بیاش مناسبه در لیکن بحر ذکر اولمغله
صوده بوزمک معناسنی دخی ایهام ایدر ایکیسی بحره تشبیه ایلدی زیرا
آشناقی قلب و روح صفتیدر قلب و روح ایدسه عالم ملکوتند در عالم
ملکوت ایدسه عالم ملکوت اوسع در شویله که بری برلینه نسبتی نسبت دریا و نهر
کیدر و در دخی بری صورت و بری معنی وسعت و احاطه صاحبی ابدی
و در دخی بری بحر طلب و بری بحر مطلوب ابدی و در دخی بحر استفاضه
و استفاده و بری بحر فراق و بری بحر وصال ابدی و در دخی بری بحر درد
و بری بحر درمان ابدی و بویبت مابعدنده اولان بیتین ایلّه نظر دقیقه روح
له مرشدک و صفیری یساننده در (معنای بیت) بودر که هر ایکیسی آشناسن
اوکر نمش و بیاش دریای عظیم ابدی کو یا پادشاه بر دریای بی پایان
ایدیکه آنک شنناوری مهمان غیبی و مهمان غیب دخی بر بحر کران

ایدیکه آنک شناکری پادشاه ایدی دریا ایدسه شناورن بلهک اولماز *
و بو معنی دخی میسر در که هر ایکی بحری دریا معارفه ده آشناقی
و بوزمک اوکر نمشدر دی بوضورتده بحری ده اولان یا نسبت ایچون
اولور و مصراع ثابده دوختن که دیکدر یعنی ایکی متفرق نسینه بی
بری برینه و صلدر مراد اتصال جسدر یعنی هر ایکی جان بی اتصال
جسدر و صحبت جسم بری برلینه متصل و ملاقی ایدی مقصود عالم
ارواحیه اولان تعلق و تعارفی بیاندر نیکم حدیده (الارواح جنود
مجندة فالتعارف منها اتلف وماتنا کر منها مختلف) و بعض رباعیانه
دخی کلور * بینی و بینک فی المحبة نسبة * مستوره عن سر هذا العالم *
نحن اللذان نحسبیت ارواحنا * من قبل خلق الله طینه آدم * معلوم
اوله که ایکی نسینه اراسنده انتظام و اتصال اولمق و الفت و اجتماع
بولمق یا مناسبه ظاهره و یا مناسبت باطنه حسبیه در یعنی یا ائده
و یا صفا تده و یا افعاله و یا احواله و یا امر ائده اشتراکله در *
محمکدر که امام غزالی قدس سره قدس شریفده برکتوتوله برزاعی
کور دیکه بر برلینه متصل اولمشدر و انس بولمشدر بو اجتماع جنسین
البت بر مناسبتیه منیدر دیو ایلّه اشارت ایدوب اول ایکیسی یزلندن
حرکت ایتدیلر کوردیکه ایکیسده لک در پس بلدیکه اول اجتماع بو عرج
مناسبتیه در (و شیخ ابو مدین مغربی قدس سره بر کون طشره
چقوب بر شخص اکا مقارن اولوب بر قاج ادم بله کندی شیخ بوندن
مستو حش اولوب سؤال ایلدی مکر مشرک ایمش پس مفارقت
ایلدی * و بو سر مناسبتی معرفت خواص اهل طریقتک مقاما تشندر
زیرا زیاده غموضی وارد دیمشدر در که اسمله مسمی اراسنده
بله مناسبت واردر مثلاً فخر عالم صلی الله علیه وسلم محمد و احمد اسملرینک
معناسبتیه اخلاق و افعالی اراسنده مناسبتیه عظیمه واردز * بوسبیدن
دیمشدر در که (الاسماء والکنی تنزل من صوب السماء) و بوجه تشبیه در که
عالم مثاله بعض ارواح و عالم دنیا بعض اشخاص ایلّه اجتماع و الفت
حاصل اولور حتی واقعه ده بعض صور حسنه و قبیحه کورمک دخی
سر مناسبت اوزرینه منیدر * مثلاً قیون کورمک صفة تسلیمدر *
و بقروجا موس اکل و شربک غلبه سی صفتیدر و خنزیر حرامه حرص

غالب و علی هذا پس پادشاهك روحی طیب صورینك روحی و روح
سلطانینك حکیم آلهینك روحی ایلله عالم ارواحده بعض مناسبات ایلله
تعارفی و خصوصاً مزاج عنصری به متعلق اولان تراب بری برلینه
قریب موضعدن اخذ اولوب صوریه لری اولمغله صحبت صوریه به
منجر اولدی * صحبت غنیمت است بهم چون رسیده ایم * تا کی بهم
رسد این تخته پارها * قال الله تعالی (وكنوا مع الصادقین)

مقصود ارباب تزکیه ایلله الفت و صحبت تخریضدر

* گفت معشوق تو بودستی نه آن *

* ایک کار از کار خیر در جهان *

* بود * وجود و بوده موجود در صبغه اسم مفعولدر بودن بودن مصدر در
اولی معنای بودستی اصلنده بوده استی در یا خطاب ایچون واست
رابطه در زیر حرف خطایك کلمه لحنی کاه رابطه واسطه
سبیل اولور مثلاً کردستی دادستی دیرل کردینك دادینك معنای
اندك ویردك در کردستی نك دادستی نك معنای ایتمش سن و یرمش سن در *
است رابطه در نکه مذکور به لحنی اولمغله معنای سن تغییر ایتمشدر
پس بودینك معنای اولدك * و بودستی نك اولمش سن دیمکدر *
* خیرد * مضارعدر مصدری خیریدن در قالمقی یعنی اوری طور مق
معنای قیام کی (معنای بیت) بودر که پادشاه اول مهمان غیبه دیدیکه
بنم معشوق سن اولمش سن و سن ایتمش سن اول جاریه دکل لیکن
دنیا ایش ایش شدن حصوله کلور و ظهور ایدر نتمک ترکیبه ایش ایش
کوستر دیرلر عریده (الکلام بحر الکلام) دید کلری کی حاصلی
پادشاه مهمان غیبه خطاب ایدوب دیمک استر که بنم معشوق سنك
ذاتك و مقصودم سنك صحبتکدر * زیرا معشوقه مه درمانه وسیله
اولان دخی معشوقدر و بلکه جاریه ایلله بو عشق باز آمدن مراد فی الحقیقه
سکات عشقدر و لیکن مقدم اکا عشقه ابتلا سکا عشقه وسیله اولمشدر
نتکم دیمشدر (المجاز قطرة الحقیقه) پس حالا امر برعکس اولوب
جوهر عشق و محبتك فلا ده کردن جانم و داروی الفت و صحبتك
هر دوری درده درماندر (بونده رمز واردر که روح سلطانینك
فی الحقیقه معشوقی می شد کامل و حکیم آلهیدر * نفس حیوانی

دکل زیرانفس حیوانینك صحبتی جسمانی و می شدك روحانیدر روح
ایسه بو عالمه بو صحبت ایچون کیشدر * یعنی نفس حیوانی به تعلقی
بو صحبتی بولق ایچون ایدی چونکه حاصل اولسی دردنه درمان
ظهور ایلدی (بوندن فهم اولور که انسانه استاد ی جانندن بله
عزیز کر کدر دکل که ماسوی زیر وصول مراده وسیله در * انکیچون
اسکندر پدرندن استاد نه زیاده تعظیم ایدردی پدرم بنی سماندن
ارضه تنزیل ایلدی استادم ایسه ارضدن سمایه رفع ایدردی
و کذلک بروجه دخی پدرم بنم حیات فانیه مه سبب واستادم حیات
باقیه مه باعشدر دیواستادنه زیاده تعظیم ایدردی (لحرره) بودر
تا قدیم دن معتاد * که پدردن عزیز در استاد * (بعد ذاکلام
مذکورن فهم اولاندیکه روح و مرشددن هر بری من وجه عاشق
ومن وجه معشوق و پدرز را کر چه روح می شده عاشق اولدی
ولیکن می شد دخی روح عاشق اولدی انکیچون عشاق وار ایا غنه
کلمدی انکیچون شیخ عطار قدس سر منطق الطیر ده بیورر *
هر که اودر عشق صادق آمدست * پرسرش معشوق عاشق آمدست *
مع هذا نها یتده البته عاشق و محب اولان معشوق و محبوب اولور
انکیچون حبیب الله دندلی *

* ای مرا تو مصطفی من چون عمر *

* از برای خد متت بندم کر *

* برای * حرف درلام چاره معنای مثلاً انکیچون دیه چک یرده برای آن
و سنکیچون دیه چک یرده برای تو دیرلر آی عریده من اجل معنای سن
افاده ایدر ولیکن نظر دقیقده اعتبار بودر که برای می کبدر برجی
بردر که عالی و یوقارو معنای درو برجی آی در که آیتندن و یا آمدندن
صیغه امر در کل بری معنای بیا کی پس برای یوقارو کل و برای تو
سنك عرضکی تحصیل ایچون و از برای خدمت سنك خدمتکی
یوقارو کتور مک یعنی تحصیل ایدوب وجوده کتور مکدن او توری
دیمک اولور والله اعلم * کر * قوشا قدر کر بسته خدمتکاردر زیر خدمت
ایچون قوشا بقلمش و دامن در میان ایلمشدر قوشا بقلمش
اجتهاددن کنایه در نتمک حدیث اعتکافده کلور کان علیه السلام

(اذ ادخل العشر شد میز) زیرا شد میز بر وجه داه عزال نسادن
و بر وجه ده اجتهاد دن کنایه در (بعد ذابینه قصه عمر رضی الله عنه
تلمیح وارد در اجالی بود که فخر عالم صلی الله علیه وسلم اوائل اسلامده
مکه مکر مده اسفل صفاده دار ارقم دید کلری منزله اوج درت سینه
قدر استخفا ایدوب رجال ونسادن کندویه تابع اولان او توز طقوز نفر
اصحابه اوراده سرا عبادت ایدر لدی زیر اجلاء قریشک بطشندن
حذر قیلور لدی اول منزل حالاز یار تکاه در داخل بابده وجانب بسارده
بر بویک خلق طاش وارد که فخر عالم جناب لری اول طاشه استناد ایدوب
حاضر اولان اصحابه تعلیم قرآن ایدر لدی و حکم خداوندی
بلدر لدی * ودعا ایدوب بیور لر دیکه (اللهم اعز الاسلام باحد
الرجلین امامابی جهل بن هشام واما بعمر بن الخطاب) و بعض روایانده
ابو جهل ذکر اولنیموب بالکرم عمر حقه ده دعا اولندی دیمشله تنکم
عصمتی نظمده کلور * جام عشقک مستحقن کوزله لطف ایت ساقیا *
قابل فیض اولین یارانی ارشاد ایلده * پس عمر حقه ده دعاسی مستجاب
اولوب انکله اربعین تمام اولدی اول وقتده حضرت عمر بیور دیکه
بارسول الله اظهار دین ایدلم (والله لا عبد الله سرا بعد الیوم) اندن
اصحابی ایکی صف ایدوب برنده حضرت حزه و برنده کندوسی قیام
کوسه ستروب سل سیف ایتد کلری حالده کله تو حیدله رفع صوت
ایده رک حضرت کعبه یه کلوب قریشه قرشوجهر طواف وتلاوة قرآن
وصلوة ظهیری اقامت ایلوب بده دار ارقه طوغری عودت ایتدیلر
* پس حضرت عمر رضی الله عنه مصطفی صلی الله علیه وسلم بو خدمتی
ایلدی و کتور دیکه دینی اظهاره سبب و باعث قوی اولدی والی آخر
العمر آنک صلابت وجلادتیله اساس دین استحکام بولدی (معنای بیت)
بودر که ای مهمان غیبی سن بکا مصطفی صلی الله علیه وسلم و بن سکا
عمر رضی الله عنه کی بم بوندن صکره وجهه تشبیه ایراد ایدوب
دیر که سنک خدمتکنن او توری کر بغلدم مقصودم من بعد سنک
خدمتکنده اجتهاد در (بونده اشارت وار در که مرشد کامل فیض
وتربیده فخر عالم حضرت تلی مظهری و مرید دخی خدمت واجتهادده
حضرت عمر مظهر بدر * و طریقت دید کلری ایکی نسنه دن عبارتدر

* بری خدمتدر که سالک جانبده عاقددر * و بری نفس در قبح فائده که
مرشد طرفنه راجعدر * و نفس مرشد حقیقته فیض حقددر *
و قرآنده کلور (واتقوا الله و یعلمکم الله) یعنی سزده مستند و تعلیم بکا
منسوبدر دیکدر * و روحک خدمت ایچون کر بنده اولدم دید یکی
هیکل انسانی و نفس حیوانی تعلقن بیاندر زیر خدمت بو تعلقه
موقوفدر * اگرچه روح بدن خارجده دکلدر * داخلده دکلدر *
بلکه ملزومک لازمی احاطه سی کی بدنی محیطدر (لحرره) بلسک
استرسک اگر بورو حی * ترک ایت اشوبدن مجروحی *

* از خدا جویم توفیق ادب *

* بی ادم محروم کشت از اطفارب *

معلوم اولاکه مولانا قدس سره حضرت تلی خدمت مناسبتیه ادب
ذکرینه انتقال ایلدی زیر اهرکارده و خصوصاً خدمتده رغایت ادب
رکن قویدر انکیچون ترکی سبب حرمان و خذلان اولدی و قوم موسی
وعیسی و امثالی ترک ادبله تنزل عظیم بوادی مصراع ثانی اولی تعلیدر
ذکر خدا بله ایتدا ایتده تبرک و تین وارددر * توفیق * ادبه مضافدر
توفیقک معناسی اسبابی موافق قلمغه دیرلر * یعنی اسبابی مسببات
جانبده توجیه ایتک و هر بر سببی حصول مطلوبده آخره ظهیر
و موافق قلمقدرب عبادک حق تعالیدن طلب توفیق ایتد کلری مطلوب بارینه
موصل اولان اسبابک بری برینه موافقتی دیکدر * زیرا اسبابده تفرق مسبیک
حصوانه مانع و وصوانه منافیدر * پس توفیق ادب دلمک ادبک
اسبابنه ارتباط و اول اسبابک تحصیل ایدده بری برینه توافقی
استمکدر * ادب * امور مستحسنه بی رعایت و امور مستقبحه دن احتراز ایتمکدر
ادیب امور مستحسنه بی رعایت ایدده ته دیرلر و علوم ادبیه بلنه دخی
ادیب دیرلر علوم ادبیه دن مراد علوم عربیه در که اون ایکی عدد
علمدر تنکم محاسبه میندر و محمدیه ده کلور * بیکده بری قولانغه کیرمز *
اون ایکی علمی دکلدم کرات * مفتاح سکاکی اوزریتیه اولان حواشی
شریفیه ده کلور ادیب کسرله عجیب معناسنه در یعنی علوم
عربیه که علم ادب تسمیه اولنور عجیب و غریبدر * زیرا نکات و لطائف

وارد و مضایر وجه تسمیه ده دید بلکه که ادب درس و محاوره علم ادب
اوزرینه موقوفه در * و حواشی هادیده کلور که ادب اصلیده دعا
معنا سنه در انکیچون ادیب دیرلر زیر خالق محامده دا عیدر صکره
غلبه استعماله علم لغت و اعراب اوزرینه اطلاق اولندی زیر سار
عالمی کننده دعوت ایدرتا که اندن استفاده اولنه * و حواشی حسینه ده
کلور ادب نفسی قولا و فعلا مستقیم اولین سنه دن صیانت در *
و بوندن دخی وجوه کثیره ایله تعریف اولمشدر اکثری متقار بدر *
* لطف * نعیم دقیقه بی ابصال و نفع عظیمی اولان سنه بی افضاله
دیرلر گاه اولور که اطفاله تحف و هدایا مراد اولور که انکله محبت و مودته
موصول اولور تنکم حدیثه کلور (نهاده و نجا بوا) (معنای بیت)
بودر که الله تعالی دن هر خصوصده رعایت ادبه توفیق طلب ایده رز
زیرا بی ادب اولان کس نه رب العالمینک لطف و انعامدن محروم اولدی
پس شول ترک ادب که بومقوله حرمانه سیدر آنی ترک و خلافی اولان
ایله اتصاف لازمدر و چونکه انسان کارنده مستقل دکل و هر کال
الله تعالی دن مفاضدر * پس فیض و توفیق ادب ایچون درگاه والای
کبریا به دست دعا مرفوع کر کدر انکیچون حدیثه کلور (ان الله
ادینی فاحسن تأدیبی) فاه تفسیریه در معناسی احسن تأدیه تأدیب
ایسدی دیمکدر تنکم قرآنده کلور (و صورکم فاحسن صورکم) معناسی
احسن تصویر ایله تصویر ایتدی دیمکدر * بعدذا لطفی اسم به مضاف
قلیدی زیر جله الطاف آهیه مقام ربوبیتدن توارد ایدر *
انکیچون اون سکزییک عالم حقک مر بویدر یعنی حالرنه کوره
اسم مذکور دن اخذ فیض ایدرلر و بور بویت سببیه در که حقه خلقک
ارا سنه ارتباط وارد حاصل بودر که الله تعالی نک اسماء ذاتیه
سنگ عالمه اصلا تعلقی بو قدر بواعبارله در که وارد اولمشدر
(وان الله لغنی عن العالمین) ولیکن اسماء صفاتییه و فعلیه سنگ تعلقی
وارد بوجهتدن رب العالمین دینمشدر * پس الله تعالی دن توفیق
ادب دیک اسم رب و ساطیه در زیر توفیق و سار نعم آهیه بواسطه
توجهیه حاصلدر انکیچون بواسطه اسم اعظم در دیمشدر اگرچه که
جمع اسماء حسنی فی الحقیقه اسم اعظمدر

* بی ادب تنهانه خود را داشت بد *

* بلکه آتش در همه آفاق زد *

* آفاق * افقک جمیدر ناحیه معنا سنه آفاق ارض و آفاق سماء
و سماءک طرف و نوا حبسی دیمکدر و صوفیه قتیده آفاق مخرج عنک
ایله تفسیر اولمشدر مراد عالم صغیره مقابل اولان عالم کبیردر (معنای بیت)
بودر که بی ادب اولان کس نه ترک ادب ایتمکله یا لکز کندنی بد و برامن
طوعدی بلکه جمیع اطرافه آتش اوردی و غیری دخی آنک ضرر یله
متضرر اولدی زیر گاه اولور که بر شراره بر محله بی و بلکه بر شهری
احراق ایلر بوسیدندر که اطبا انشاء الله کله سن ترک ایتملر یله جمله به
حرمان حاصل اولدی قرآنده کلور که (واتقوا فتنه لاتصیبین الذین
ظلموا منکم خاصة) مقصود ظالم و غیر ظالمک ماینسارنده جهت رضا
و یا بوجه ما اشتراک بولمغله اثر ظلمک جلیه ساری اولدیغن پیاندر
پس (ولاتزر وازره وزر اخری) ذکر اولانان آیه مخالف دکلر * زیر
نفسنده صالح و طالح بری برندن ممتازدر * ولیکن ابتلا ذکر اولند بغی
اوزر یا جهت رضا و یا بوجه ما اشتراک در * و شر صورتنده ضرر
ساری اولدیغی کبی خیر صورتنده دخی نفع ساریدر تنکم حدیث
ذکرده کلور که ذکر ایچون اجتماع ایدنلری الله تعالی مغفرت ایلد کده
ملائککه یارب فلان کس انلردن دکلر بلکه مجلس اهل ذکره
بر حاجت ایچون کلشدر دیر الله تعالی بیوره که (لا یشتی بهم جلیسههم)
یعنی اول دخی مغفوردر زیر اهل ذکرله مجالسهده فی الجمله مشترکدر
بونده صلحا ایله مجاورت و حضورک حسنه دلالت و طحا ایله مجالسه
و معاصله نک فحینه اشارت وارد * و بوندن فهم اولور که نفس
ظالمه نک اثر ظلمات ظلمی ارواح نورانییه دخی ساریدر شویله که اول
ظلمات انلری حظائر قدس و ریاض انسدن خصایص صفات انسه
جذب ایدر و حدیثه وارد اولدیغی اوزره قاب انسان بر مضغه در که
آنک صلاح حالی جمیع اجزاء جسمک صلاح حاله مدار و فساد ی
دخی فسادنه سیدر سلطان و رعایا کبی زیر قاب رئیس الاعضاء
و القوی در * اصلی بودر که روحله بدن اراسنده برزخیتی وارد * یعنی
ایکی مرتبه بی جا مدبر پس قلبک فساد ی علوی اولان روحه و سفلی

اولان جسده ساریدر * نتکم حکمک فسادی روح مرتبه سنده اولان
پادشاهه وتن پایه سنده اولان جاریه ساری اولدی و معالجه لریله
مرض استحکام بولوب پادشاهک روحی و جاریه ک بدنی متضرر
اولدی ز براقاب کبی پادشاه ایله جاریه میانده و ساطنری واریدی *
وبوندن فهم اولور که ضرر خاص آفاقه و انفسه عامدر

* مانده از آسمان درمی رسید *

* بی صداع و بی فروخت و بی خرید *

* مانده * طعامه و اوزرنده طعام اولان سفره و طبقه دیرل بوراده
مراد طعامدر یعنی من سلوی در که بنی اسرائیل صحرای تیهده
آسماندن ایرشور و نزول ایدردی نزول حقیقه سنده منک یعنی بالک
صفیدر که هوادن آنچلر اوزرینه اینزدی ولیکن تغلیبا سلوی به یعنی
پلدر جن دیدکری قوشه دخی استناد اولندی و یاخود اول قوش
حقیقته سحابدن اینزدی و هر نسته که عالی اوله عرب اکاسمادر مع هذا
حکم الکهی مطلقا سمدن نزول ایدر * آسمان * آس ایله ماندن
مر کبدر آس دکر مندر مان مانیدن بکره بچیدر صود کر مننه
آسیاب دیرل آسمانک معنای ترکیبسی دکر مننه بکره بچیدر نتکم واقعده
دکر من کبدر * صواوزره کردون دونه دونه ایدر ایچنده کن اون *
بوندن فهم اولور که بوتشیده معتبر اولان وجه بالک دوران دکلدر
بلکه صواوزرنده اولق دخی ملحوظدر نتکم قرآنده کلور (وکان عرشه
علی الماء) * می رسید * ده می حکایه حال ماضی افاده ایدر * صداع * اصلنده
صدعدندر اجسام صلبه ده یعنی زجاج و حید و امثالنده اولان
شفه دیرل صکره استعاره طریقیله باشده اولان اغریدن حاصل اولان
انشقاقه صداع دیدیلر بوراده مراد کسبدر سبب صداع سردر
زیرا رنج و تعبیدن خالی دکلدر * فروخت و خرید * ماضیدر صائدی
و آلدی معنای بوراده مصدر در فروختن و خریدن معنایند زیر
بی اصلنده اسماء جوامده داخل اولور فروختن و اوای وزن ایچون اشباع
اولمز (معنای بیت) بودر که بنی اسرائیل صحرای تیهده کوکدن طعام
ایرشوردی یعنی بال و پلدر جین یغار و اینزدی باش اغریسر یعنی بی کسب
و عمل و بی بیع و شری و صباح و اخشام بورزق متواصل اولوردی

وهر کس کفایت مقداری نعمت حاضره بواوردی بونده
اشارت واردر که الله تعالینک رحمانیتی هر ایشده توسیع و تبشیر در مکر
قول جانبدن تضییق و تقییری مقتضی معنی و سبب ظهور ایدر

* در میان قوم موسی چند کس *

* بی ادب گفتند کوسیر و عدس *

* چند * عدددن سؤالدر که کم کبی مقدار و نقدر و نیچه معنایند * سیر *
صر مساق * عدس * هر جکدر نتکم حدیثده کلور (علیکم بالعدس
فانه مبارک مقدس) بعد ذاکلام مشوی اکتفا قیلندندر والا
مقصود قرآنده ذکر اولندیغی اوزره بقله و خیار و مرجک و صوغان
و صر مساق در بقله ارضک منبت اولدیغی حضرا و اتدر که حرمین
شریفین مجاورلری اکایشل لک دیرل و بوراده مراد لطائف مأکولاتدر
نوعان و کرفس و امثالی کبی و بوندن معلوم اولور که مولانا حضرتلری
قرآنده واقع اولان قوم ایله صر مساق مراد ایتدیلر و بعضیلر قوم
بغدادی و بعضیلر دخی نخوددر دیدیلر (معنای بیت) بودر که
حضرت موسی علیه السلام قومی اراسنده نیچه بی ادب کسه و یاخود
نیچه کیمسه ترک ادب ایتدکری حالده بزطعام واحد اولان من و سلوی
اوزرینه صبر ایدر مرز * قنی یزه بر بتور دیکی صر مساق و مرجک
و امثالی دیدیلر حق تعالینک بلا سبب ایصال ایتدیکی نعم لذینه یه
قناعت ایتده دیلر بلکه گاه اندن و گاه دلخواه لری اولان امور مذکورده دن
مناوبه ایله تناول صددنده اولدیلر بونده تصریح واردر که ترک ادب
ایندلر مجموع قوم موسی دکل ایدی بلکه ارازنده بر قاج تارک الادب
کیمسه ایدی ولیکن بعضک سوء ادبی حسبیله جلیله حرمان اولدی
نتکم شیخ سعدی بیورر * چواز قومی یکی بی دانشی کرد * نه که را
منزلات مانده مهرا * وغزوه حنیئده بعضیلر کثرت عسکره اعتمادا
(والله ان تغلب الیوم من قله) دیمکله اوائل مصادمه ده بعض انکسار
واقع اولدی * بو معنای مذکور حسبیله قرآنده اصحاب کرام رضی الله
عنهم تأدیب اولوب رسول اکرم علیه السلام اولمیحی نسیه سؤالندن
نهی اولدیلر بعدذ اموسادن مراد قلب و ترک ادب ایدن نفس
وقوا سیدر زیرا نفس خست طینت و دناءت همشدن واردات غیب

والهامات حقه قناعت ایتیموب ارض بشریتدن شهوات حیوانیه ولذات جسمانیه طلب ایلوب باقیات اخرویه بی فانیات دنیویه به تبدیل صدنده در
﴿ منقطع شد خوان و نان آسمان ﴾

﴿ ماند رنج زرع و بیل و داس مان ﴾

* خوان * ضمه حاضر پشمش یمک و فحله هر نسنه که آراسته ایدوب
ایچنده یمک برل و * نان * ایتکدر خبر معناسنه خوان اوزرینه عطفی
خوانک لواز مندن اولغله در پس بوراده خوان و نانک مجموعی نعمت
معناسنده مستعملدر * زیرا قوم موسایه آسماندن خصوص اوزرینه
نان نزول ایتدی * زرع * بره تخم القایتمکه دیرل گاه اولور که مزروع
یعنی بردن حاصل اولان محصول معناسنه کلور کذا فی القاموس
و بعضیله زرع له حرثک مابیننی فرق ایدوب دیدیلر که حرث ارضی
تهیه ایدوب القاء تخم ایتکه زرع ایسه آنی مراعات و انباته دیرل نتکم
قرآنده کلور (افرایتم ما تحرثون ء انتم تزرعونه ام نحن الزارعون)
پس حرث خلقک و زرع حقک صفتی اولمش اولور انکیچون
الله تعالی انلر ایچون حرثی ابلات و زرعی نفی ایلدی بوصورته بیت
مشویده اولان زرع حرث معناسنه مأخوذ اولور * بیل * بلاء عربیله
اولدر که انکه باغ و بستان قززلر و چپاکه دمردن و اغاجدن اولور *
ترکیده دخی مشهور در بیل دیرل * داس * اورا قدر * مان * نفس متکلم
مع الغیر ضمیر بدر بزدیمکدر (معنای بیت) بودر که قوم موسادن بر طائفه
ترك ادب ایتکه آسماندن نزول ایدن من وسلوی نعمتی منقطع اولدی
و بزمرات و بیل و اورا غمزحتی قالدی کند نه اضافت قیلدی
زیرا تحصیل معاش صدنده اولان افراد انسانک رنج مذکورده اشتراکی
واردر یعنی مطلوب اولان حبوب و امثالنی تحصیل ایچون انکه و دیککه
و اورا غله بجمکه و بیل ایله قازمغه محتاج اولدیلر و بی غائله و بلا تعب
وارد اولان نعمت رب متغیر اولغله تارک ادب اولنلرک ضرری
بنی اسرائیلدن سائرله دخی ساری اولدی و قرآنده کلور (ان الله لا یغیر
ما بقوم حتی یغیر و اما بانفسهم) پس اگر تغیر حال ایتسیر نعمت آسمان
باقی قالور و زحمتدن خلاص اولورلردی * بعدذا مان لفظی بلا و زحمت
و اوراق معناسنه دخی کلور یعنی بلا و زحمت اولان اوراق و امثالی

قالدی و یا خود اوبارقی بسلمکه آلت اولان اوراق و غیره ادوات و اسباب
زحمتی قالدی و بوندن اشارت واردر که قلب و روحه وارد اولان فیض
الهیته قدری بلنوب شکر اولمقی و دوامته مدار اولان اسباب ایچنده
بولمقی کر کدر والاخره اله ابتلا دن ماعدا امور بشریه به تعلق
و مباشرت یوزندن بدن دخی چوق متضرر اولور و مشقت چکر (محرره)
ذوق باقی دلرسک ای درویش * جام فیض خدایه ال صونه کور
فیض بر خوان آسمانیدر * بر یوزندن کسمله دن قونه کور *
﴿ باز عیسی چون شفاعت کرد حق ﴾
﴿ خوان فرستاد و غنیمت رطب حق ﴾

* شفاعت * شفعدن مشتقدر شفع چفت معناسنه در و ترک ضدیدر
زیرا شفیع اولان کسمه کندنی مشفوع له اولانه طلب حاجتده چفت
ایدر انکیچون کشی کندنی نفسیچون ایتدیکی دعایه شفاعت دیرل
و کذاک امتک فخر عالم صلی الله علیه وسلم مقام وسیله و غیره ایچون ایتدیگری
دعا شفاعت قیلندن دکلدرز بر اشفیعه علو و یا مشفوع ایهک
عجزی شرطدر و لیکن صوفیه محققین قدس الله اسرارهم قاننده
امتک فخر عالمه دعایه فخر عالمک مقام فرق و تفصیلندن مقام جمع
واجبانه کره در * تنکم تشهدده السلام علیک ایها النبی خطابی
مر تبه ملکیده دن مر تبه بشریه به نسبتله در * یعنی رسول الله دن
شهد صدوری تقدیری اوزرینه زیرا وقوعی متواتر دکلدر * حق
مابعدنه مر هوندلر * خوان * بوراده فحله در سفره معناسنه یعنی هر نسنه که
آراسته ایدوب ایچنده یمک برل و لیکن سفره عربیه کوره در که جلدندن
یعنی دریدن ایدرل مندیله عجمه کوره در بسط ایدوب اوزرنده طعام برل
اسکمله دید کلری آلت و غیره یو کسک نسنه جبار اولنلره در که
تناولده انکنار حشدن فرار انکنار ایدرل (عجب حالدر که بوا عصارده
مجالس کبارده اوچی بله جمع اولمشدر زیرا اول مندیله بسط ایدوب
اندن اوزرینه سفره اندن اسکمله اندن غیره آلت وضع ایدوب جباریتی
تکمیل ایتمشدر * غنیمت * اصلنده اهل حردن قهرا آلتان اموالدر * طبق *
معروف نسنه در صحن کی اغاجدن و طبراقدن ایدرل (معنای بیت) بودر که
حضرت عیسی علیه السلام یعنی حضرت موسی علیه السلام من وسلوی

خصوصه بنی اسرائیل ایچون شفاعت ابلدیکی کبی چون حواریونک
مرا دلی اولان مائده حقنه شفاعت ابلدی اوج کون روزه دار اولوب
بعده اقتصال ابدوب تواضعا پلاس پوش اولدی وایکی رکعت نماز
قیلوب بو وسائلی تقدیدن صکره اداب وشرائطی اوزره دعاقلدی *
حق تعالی آسمانن ایلکی ابر میسانده سرخ رنگ سفره مشتمل اولدیغی
طبق اوزرنده غنیمت کوندردیکه مرادنان و نمک و ماهی بریان و زیتون
و عسل و انواع مشتهیات و مستلذا تدرکه بقدره الله تعالی خلق اولمش
ایدی دنیا و آخرت طعامندن دکل ایدی نتکم نچه اهل اللهه دخی
سفر لده و مواضع ضرورنده چوق واقع اولمشدر (والله علی کل
شیء قدیر فتبارک الله احسن الخالقین) و ذکر اولتان مائده یوم احد ده
واقع اولغله نصاری اول کونی عبدانخا ابدوب الی هذا الان آنکله تدین
ایتمش لدر در وجه تخصیص بودر که یوم احد مبداء خلق کائنات در
یعنی خلقتدن مراد غداء روحانی ایله انسانی تربیه در * پس اول
غداک صورتی اولان مائده نک خلقت و نزولی بحسب الحکمة یوم احد ده
تخصیص اولندی و یوم احدک مبداء بنیه بناء بعضیلر اول اسبوعی یعنی
هفته نک ابتداسنی اول کوندن اعتبار ایتمشدر در که عجم اکا یکشنبه و ترک
بازار کونی دیر و بعضیلر دیر که ابتداء هفته افعه یوم
احد و عرفا یوم سبتدر نتکم حالا شایع اولان دخی بودر * بعدا
ارسال مائده حق اسمنه اسناد اولندی مع هذا مناسب اولان رزاق
و یا امثالنه نسبت ایدی زیرا حق کلمه سی باطل مقابله سنده استعمال اولنور
پس بونده مائده نک حقیقته و حضرت عیسی علیه السلام دن معجزه
اوله سنه اشارت واردر شویله که اعتراف اولنما مق و شکری قلنمق
وقد ری بلنمک بطلان و خسار و هلاکه مؤیددر (لحرره) التفات
ایتمه صاقن اسبابه * نظرت قبل مسیه مقصور * استریسک اوله نعمت
افزون * ایله روز و شب شکرده قصور *

* باز کستاخان ادب بکذا شتند *

* چون کدایان زلها برداشتند *

* کستاخ * بی تکلف یعنی هر ایشده جرئت ایدن و اوتانمین و ادب سز کسه
* کذا شتن * کچمک و ترک ایتک * کدا * فقیر و دلجی * زله * فتحله یردن نواله

قالدرمق و آرتن طعامدن کسنه یه قونیلن نسنه بوراده مراد بقیه طعامدر
* بعدا مصراع ثانی اولی بی بیا ندر (معنای بیت) بودر که کرو
بی ادبیلر یعنی قوم موسی نک بی ادبیلر کبی قوم عیسی نک بی ادبیلر دخی
ترک ادب ایتدیلر شویله که اول خوان آسمانی مشتمل اولدیغی طبق لده
موضوع اولان نعم آلهیه دن مراد لری قدر تناول ایتدکلرندن صکره
حرص غالبلرندن ناشی کدالرو دنی و خسیس آدم لری کبی بقیه سن قالدر دیلر
وادخا ر ایلدیلر اشته بو نعمت خصوص سنده ایتد کلری ترک ادبدر *
مع هذا بوندن مقدم برقاج وجهله دخی ترک ایدوب اظهار خساست
ایتدیلر (بری بو که ابتدای طلبده یا عیسی ابن مریم دیو خطاب ایتدیلر
یا روح الله و یا یونک امشالی القاب مشرفه دن بریله ندا ایتدیلر *
زیرا کشتی پدرنی اسم صریحله دعاده ترک ادب اولیچق نبی عظیم الشانی
علم خاص ایله تصریح بطریق الاولی در زیرا معلم الخیر اولان کسنه
پدر مر تبیه سندن عایددر و قرآنده کلور (لایجعلوا دعاء الرسول بینکم
کدعاء بعضکم بعضا) یعنی رسول الله صلی الله علیه وسلم خطاب ایتد کده
اسم صریحله یا محمد دیمکز بلکه یا رسول الله و یا نبی الله و یا ابا القاسم
دیمکله توقیر ایدیمکز * بوندن فهم اولنور که معلم الخیر اولانلره توقیر لازمدر
واهل علم و فضلاء و استاذلرک حق بلنمک کر کدر (و بری دخی بودر که
الله تعالی نک کمال قدر تنده متشکک کبی اوله ب (هل یستطیع ربک) دیدیلر
حضرت ابراهیم علیه السلام (رب ارنی کیف تحیی الموت) دیدیمکی کبی
اعترافه دار اولان عبارتی استعمال ایتدیلر و (بری دخی بودر که حضرت
عیسی کبی واسطه علیه یوزنندن امر سافل دیلدیلر که غداء
جسمانیدر * زیرا ظاهر نظر لری غاب و امور طبیعیه ده مغلوب
ایدیلر * بونده اشارت واردر که برکاره دخول و خروج
اذن حقه ملابس کر کدر و براشده حرکه نفسانیه بوانمق ترک ادب
مقوله سیدر زیرا الله تعالی متولی امور و متصرف هر کار و مؤثر جملة
کردکاردر عیده لازم اولان سکوت و مقتضای حکمت اوزره جریان
و مأذون اولدیغی ایشه عدم تعرضدر * بو معنایه اشارت ایدوب قرآنده
کلور (و قل رب ادخلنی مدخل صدق و اخرجنی مخرج صدق) (لحرره)
اهل راز اولدک ایشه ایله سکوت * دله کلز چو حکمت مسکوت * ادبانه

حرکت ایلله شها * سوز کتور من بو مجلس ملکوت *

﴿ کرده عیسی لایله ایشارا که این ﴾

﴿ دائمست و کم نکرد د از زمین ﴾

* لایله * یلوار مق و نضرع بوراده مر اد اطفانه سو یلک و کم * قحله اکسک
و ضله نابید معناسنه و بوراده اولکی معنی اظهار در * زمین * یر در اصلی
زمی در زمه منسوب دیکدر آخرنده اولان نون نسبتی تا کید ایچون
زم صوقلغه دیرل طبر اغک طبیعتی بارد اولدیغند ن او توری زمین
دیشلردر (معنای بیت) بودر که حضرت عیسی علیه السلام حواریونه
و سائر مائده خور اولنلره نضرع ایلدی و یلواردی و اطف و استمالته
سو یلدی بویله دیو که بو خوان آسمانی دائم و باقیه دیر بر یوزدن
اکسک اولماز یعنی ضرورت اولدیقه تازه نزول ایدر زرا قدر
اسمک تجلیاته نهایت یوقدر و فیض آلهی زم قیاسمزدن ارتوقدر *
پس بو نعمت حاضره و دائمه ک بقیه سنی حل ایدوب ادخار ایتکسه
ضرورت تعاق ایتمز و بوسری بلن بویله حرص غالب و طبع خام یوانه
کمز بو خصوصده بویله ترک ادب ایتکز دیدی * بونده اشارت واردر که
زمین بشر بدن رزق صوری و غذاء جسمانی اکسک اولماز یعنی کبی
زمین دلدن دخی رزق معنوی و غذاء روحانی اکسک اولماز و لیکن
حرصه دوشوب آنی اوراقه قید و شهوت کلام ایلله مبتلی اولوب دلی
ماسوايه بند انمک کر کدر زرا علوم ظاهره دنیا و عاوم باطنه
عقبی کیدر که اهل الله اولنلر ایلکسه بله تعلقدن مجردلردن دل انسان
سحابه و فیض آلهی بارانه بکزر مثلا بر شهر اوزرینه مسوق اولان
سحاب بر برکات افاضه باران ایلد کده مأمور اولدیغی طرفه کیدر *
وافاضه ایلدوکی بارانه دونوب باقر کذلک دل انسانده دخی بر فیض حاصل
اولسه و بر معنی ظهور نواسه کر لسانه و یا قلمه کلسون و کرک کلسون کوکل
اول حالت ایلله مقید اولما یوب فیاض ازلی به توجه دائم اوزرینه اولمق
و مأمور اولدیغی شهودله قائم بولمق کر کدر نیکم قرآنده کلور (قل الله
ثم ذرهم) (سؤال اولور سه که) (قل بفضل الله و برحه فبذلک فایفر حوا)
نظمندن مفهومدر که فضل و رحمت ایلله افتخار کر کدر (جواب بودر که
افتخار و سرور تحدیث نعمته محمولدر مع هذا فضل و رحمت ایلله افتخار

ایتک اوساط و ارباب و سائط حالته اشارتدر نهایت اهلنه کوره افتخار
ایتک حق محض ایلله در زرا بفضل الله ده اولان اضافت تعریف ذات
ایچوندر * پس حقیقته واسطیه اعتبار یوقدر زرا حق محبوب
لذاته در محبوب لهطانه دکلدر عطاسی محبوب اولمق کندی لذاته
محبوب اولمقدنر فافهم جدا و بوسر مذکوره دائر در اول معنی که فخر
عالم صلی الله علیه وسلم حضرت صدیقه خطاب ایدوب (ما بقیت
لا هاک) بیوردقه (الله و رسوله) دیدی و کذلک اول مضمون منیفه که
فخر عالم صلی الله علیه وسلم بیوردی (الله خلیفتی فی اهلی) پس اگر
بنی اسرائیلده بو ادراک پاک و بو شهود حقیقی اولیدی عطاسی ادخار
ایتمز بلکه معطی بی ادخار ایدر لردی زرا معطینک بقاسبله عطا دخی
باقی و لا ینقطع در بوراده ظاهر اولور اول حدیثک سری که فخر عالم
صلی الله علیه وسلم بیورر (علماء امتی کانیا بنی اسرائیل) زرا ذکر
اولئان خصوصده حضرت صدیق رضی الله عنه حضرت عیسی
علیه السلامه مشابه اولدی یعنی حضرت عیسانک بنی اسرائیلی ادخاردن
نهی بقضاء فیضه دلالت و شهود حقه اشارت اولدیغی کبی حضرت
صدیقک دخی کندی قواسنی ادخاردن منعی سر خلافتنه ایما و حضور
فیاضه رمز در و لیکن صدیق با فضل بوسره جمیع قواسیلله متحقق
اولدی حضرت عیسانک قوای آفاقیه سی متحقق اولدی * فافهم جدا

﴿ بدکانی کردن و حرص آوری ﴾

﴿ کفر باشد پیش خوان مهری ﴾

مقولات عیسی علیه السلامند کانی و آوری ده اولان یار مصدر به
و مهری ده اولان یانسیبده در (معنی بیت) بودر که سوء ظن
ایلمک و حرص کتور مکملک کفر اولور زیاده او او کسه به منسوب
اولان سفره و یا نعمت او کنده و یا نسنده یعنی الله تعالی که اعظم کل
عظیمدر مائده که آنک نعمت بی غائله سیدر اول مائده اکسلور هر بار
مطر نزول ایتمز دیو بدکن صکره فضله سن قالد ر مق و حرصه
دوشوب ادخار ایتک الله تعالی به سوء ظن و قدرت تامه سی حقه
تشکیک و تردندنر بو مقوله سوء ظن و تردد ایسه کفر بالله در انکیچون
خبرده کلور (ویل لالشاکین فی الله) دنیا خلقتدن کریم الطبع

اولنره حسن ظن و وعده لرینه سکون و اطمینان واریکن جمله کرم لک
معدنی اولان فیاض مطلقه حسن ظن ایتیمک شان عالیه سی جهلنددر
قنخی زمانده ضامن اولدیغی رزقی ایصال ایتدی ونه وقتده قولک
حاجتی اولوبده بتمدی پس عظیم حقنده اولان جنابت دخی عظیم در
والله تعالی بی عجزه نسبت ایتیمک کفر صریحدر رزق اگر صوری واکر
معنویدر ظاهر و باطنه واصل و متواصلدر والی ابد الابد فیضه
نهایت یوقدر * انسان آتی تضییق ایتیمک کردز * بوجهتنددر که
هاجر علیها السلام زمزمی حوض ایلد کده تضییق ایتیمکه جریانه
مانع اولدی والا الی هذا الآن نهر جاری اولوزقاوردی * و بونده
اسم رحمتک کمال وسعتنه اشارت وارددر و قول دخی الله تعالیدن خلق
حسن اخذ ایدوب اون وسعتک سریله متحقق اولق کر کردز زیر رحمت
حقده مضایقه کوسترمک دریای بی پایان اکسلور دیمک کبیر بوابسه
جهل عظیم در و قرآنده کلور (و اعرض عن الجاهلین * (المحرره)
اسباب فلک برشن دوار اوله لی * دانه اکسک دکل انسانه طوغوب
وار اوله لی * بروش و برمه ده در طفل دله مادر فیض * پاره چوب
تن زار چو هوار اوله لی *

* زان کداریان نادیده زآز *

* آن در رحمت برایشان شد فراز *

* زآز * حرص معنانه در اوئنده اولان زاء مکسوره ازافظندن تخفیف
اولمشدر من وعن معنارند استعمال اولنور حرف در بوراده من اجلیه
معنانه در مما خطیثاتهم نظمنده اولدیغی کبی * فراز * کسرله بغلق
معنانه در افراز کن دیرل کذا فی مفتاح اللغة ظاهر اولان بودر که فراز
یوقاروو یوجه معنانه در نیکم سائر لغاتده تصریح اولمشدر قیونک یوجه
اولماسی قیونوب بغلنه سندن و ایچرو دخول اولماسندن کنایه در *
رحته در استادی مجازد رو بونده اشارت وارد که نزول ایدن مانده
بواب رختدن باب مخصوص ایدی (معنای بیت) بودر که اول
کورمدک کدا یوزلی و دلجی صورتیلرک اوزرینه حرص غایبلرندن
و طمع خاطرلرندن اوتوری ذکر اولنان رحمت قیوسی قیاندی و ترک ادبلی
اول مانده مک انقطاعنه و آسمانندن عدم نزوانه سبب اولدی انلر رحمت

حق تضییق ایتیلرله حق تعالی دخی انلره تضییق ایلدی و بلکه
بد کانه باطنلرینک ممسوخیتنه بناء ظاهر لرینی دخی مسخ قلدیکه صاحب
معالم قولی اوزرینه اوچبوز اوتوزتن صورت خو که مسخ اولندیلر *
واوج کوند نصکره هلاک اولدیلر نه دنیا ونه آخرت حاصل اولدی *
پس ظاهر رزق خصوصنده ترک ادب ایتیمک مسخ صورته سبب اولیجق
باطن رزق خصوصنده اولان ترک ادب دخی مسخ باطنه باعثدر
یعنی انسان مستعد اولمادیغی حقایق و معارفی طلب ایتیمک کر کردر
زیرا کر چه فیض حقده بخل یوقدر فاما محل تهیه اولد فیه حصولده
ضرر عظیم وارددر * زیر تحمل ایده مدیکندن ضلالت دوشور و مسخ
حقیقی ایلله ممسوخ اولسنه سبب او اور که مراتب روحانیدن مهالک
حیوانیه رد اولتمقددر تحقیقی بودر که اول قومک حس حیوانیه و شهوات
نفسانیه لر غالب ایدی انکیچون صفات حیوانیه اوزرنده عاریه اولان
صورت انسانیه ممسوخ اولوب صفة حقیقیه لر صورتیه ظاهر اولدیلر که
صوت خنزیردر * بوندن ظاهر اولور که جمله خلق کندی صفة حقیقیه لر
صورتی اوزرینه حشر اولنور نیکم حدیده کلور (تموتون کاتعیشون
و تحشرون کاتموتون) یعنی صور صفاتندن نه اوزرینه وفات اتدیلسه
اول صورت اوزرینه حشر اولنور لر و قیبلرند باطل اولان هیکل مخصوص
اوزرینه بولنورلر انکیچون آخرته عالم صفت دیمشدر (المحرره) اوله
مغرور جمال ظاهر * کیم بیاور حسن و قبحی آخر * آتش دوزخه اوور
مطروح * عاقبت بونجه کوب زاهر

* ابر برنایدی منع زکات *

* وز زنا افتدوبا اندر جهات *

ا بردن مراد مجازا مطردر نیکم شعرده کلور * اذا نزل السماء بارض قوم
* رعیناه وان کاتوا غصبا * سمدادن مراد غیث و مرعی اولان ایلله نبشدر
* بر * زاندر زیر افعال و مصادر اوائلنده تحسین لفظ ایچون کلور * ناید *
اصلنده نه آیددر تخفیف ایچون هاء رسمی حذف اولمشدر * پی * تعلیل
ایچوندر * زکات * و امثالی و اوله رسم اولنق مصحفه کوره در بوراده الف
ایله در * وبا * مرض عامه دیر لطاعون اولسون غیری اولسون پس
وبا طاعوندن اعمدر یعنی هر طاعون وبا اوور ولکن هر وبا طاعون

اول ز بوراده و بادن مراد طاعون درنتکم حدیثه کلور* (لم یظهر الفاحشة فی قوم قط حتی یعلموا بها الا فشافیهم الطاعون والاجاع التي لم تکن فشت فی اسلام فہم ولم یمنعوا زکات اموالہم الامموا المطر ولولا البہائم لم یطر) وجہات* جہتک جمع در حرکات مثله ایله آخرندہ اولان ہاواودن عووضدر زبرا اصلی وجهدر مستقبل کل شیء معناسنہ (معنای بیت) بودر کہ صاحب نصاب اولانلر زکاتی فقرادن منع وحقی مستحقنہ ایصال ایتد کلرندن اوتوری باران حاصل اولم زبغنی یغور یغمر زبرا فقرانک حتی اولان فیض منقطع اولد قده اغنیانک غناسنہ باعث اولان باران دخی منقطع اولور* وكذلك زنا سبیلہ جہات مختلفہ بہ طاعون دوشسر و ہر خانہ فاش اولور زبرا زناہ لاک معنویدر پس (الجزء من جنس العمل) فواسنجہ ہلاک صوری ظہور ایدر غالباً صبیانہ واقع اولدیغی ضعف وجود لرینہ بناءدر یعنی ذات وصفت ترارونک ایکی کفہ سی کییدر* صفت بعض عوارض ایله مغلوب اولد قده ذات طرفی را جم کلور فنایہ مؤدی اولور بقاء انسان ایسہ غلبہ صفاتلہ در انکیچون پیرلده استمساک بو قدر زبرا اعضا و قوی مغلوب وز بوند* بعد ذابیتدہ اشارت وارد کہ نفسی صفت ذمیہ دن ترکیبہ ایتمین فیض حقندن محروم و ماسوایہ نظر انداز مرض روحلہ موسومدر و امکان روحندن جمیع قوایہ ساریدر انکیچون جہات ایله تعبیر اولندی (لحررہ) صالمن خا کہ عنصر ذات* ایدہ کور نفسکی ہوا دن پاک* ماسوایہ نظر زنا دندر* اولور انکلہ روح علوی ہلاک

* ہر چہ بر تو آید از ظلمات و غم

* آن زبانی باکی و گستاخیت ہم

ظلمات ایله مراد شدائد ہائلہ درنتکم قرآنندہ کلور (قل من ینجیکم من ظلمات البر والبحر) زبرا ظلمات حائہ بصری ابطال ایتدیکی کبی شدائد ہائلہ دخی حواسی ابطال و عقوبی ادہاش ایدر انکیچون یوم شدیدہ یوم مظالم دیرلر و ترکیبہ اق اچہ قرہ کون ایچوندردید کلری بومعناہ در غم* غصہ و شدت دراصلندہ سترالشیء معناسنہ درز را قلبی ستر و نفسی اخذ ایدرنتکم سخابہ غمام دیرلر زبرا ضوء شمسی ستر ایدر غم و ہمک میانندہ فرق بودر کہ غم حزن کی ماضی بہ متعاق و ہم خوف کی مستقبلہ دائر در غمدن سہر یعنی افسوس زلق و ہمدن نوم عارض اولور غمی ظلمات اوزرہ

عطف اتمک خاصی عام اوزرینہ عطف قیلندر* زبرا کاه اولور کہ غمک سببی معلوم اولماز و مصراع ثانی آخرندہ ہم ایراد اولنقی لطافتدن خالی دکادر کلا یخنی* پاک* بآء عربیلہ اسان عربیدہ مبالغت ایله تعبیر اولور قاریق معناسنہ ترکیبہ ایتیمک دیرلر خو فدن اولسون حیادن اولسون هیچ برنسنہ دن ایتمین کسنہ یہ بی پاک دیرلر* ہم* بورادہ ہی معناسنہ در کہ تقریر ایچوندرد کلامک اولندہ و آخرندہ واقع اولورنتکم بالادہ بیان اولندی* (معنای بیت) بودر کہ مطلقاً شدائد ہائلہ و خصوص اوزرینہ غم و غصہ دن ہرنہ سنک اوزر کہ کلور سہ و توجہ قبایوب وارد اولور سہ اول نسنہ سنک ادبہ معتلق اولان اموری قایر مدیہ کدن و بی حیما اولدیغ کندرنتکم قرآنندہ کلور (وما اصابکم من مصیبة فبما کسبت ایدیکم) والا موجب اولدیقہ نوازل مصروف و مصائب مدفوعدر* بر تو آید کلا منندن مفہومدر کہ قضایا آسمانندن و عرش اعلا دن بری نزول ایدر خیر اولسون شر اولسون انکیچون شرع دندلیکہ عرشک مقلوبیدر یعنی احکام شریعت عرشدن بری نازل اولمشدر و اعمال شرعہ دخی اورایہ صعود ایدرنتکم محمندہ میندرد* و بویئندہ ستر و نجلی حالتہ اشارت وارد یعنی ہرنہ زمان سالکدن بروقفہ یا بر خطرہ و یا غیری بر ترک ادب صادر اولدہ ستر و انقباض و قہر و جلال ایله مؤاخذہ اولور زبرا شریعتدہ ترک احکام هجوم آلامہ سبب اولدیغی کبی طریقندہ دخی ترک ادب نزول حجابہ باعثدر و بونجلی واستار ابرارہ کورہ منعاً بقدر مکر کمل مقر بین کہ انلر شہود دائم و حضور متصل اوزرینہ درنتکم حدیثدہ کلور (صنف من اهل الجنة لا یستتر الب عنہم ولا یخجی) ع* کسیر فیض دریا جو دکل بو

* ہر کہ بی باکی کنند در راہ دوست

* رهن مردان شدونا مرد دوست

* دوست* دشمن مقابلیدر بورادہ مراد اللہ تعالی در کہ یار حقیقیدرنتکم قرآنندہ کلور (اللہ ولی الذین آمنوا) و سائر موصل حق اولان و سائنطہ دخی بالتبع دوست اطلاق اولورنتکم حدیثدہ کلور (لا یؤمن احدکم حتی اکون احب الیہ من والدہ و والدہ والناس اجمعین) راہ دوستدن مراد طریق حقدر و خصوص اوزرینہ خدمت و امثالی مراد اولنقی دخی جائزدر* رهن* بول اور یبیدر کہ حرامی دیرلر مقصود

بولدن میوراید فی اوز مقدر عرب قاطع طریق دیر زیر ایلده
ترصد و آینه و رونده تعرضی اینی سبیلک یولدن انقطاعه سیدر
* نامرد * ار دکل دیکدر زیر ایلده راسان عربیده رجل معنایه
حد بلوغه وار میجده مرد دیزل و مرد حقیقی اودر که حقیقت
رجولیه بالغ و واصل و کمال انسانیه منظر و نائل اوله نتکم مردان
آلهی دیر که بلوغ و ووصول اهیدر * مقصود سلوک ایلده گذر ایدن
سنن ار بعینه دیکدر زیر ایلده رجال دنیا به کمال عقل معنایه
حاصل اولدیغی کبی رجال الله دخی تمام عقلی معاد حاصل اولور که
کشف تام و نبلی عام در و بومر تبه واصل اولمیان پیر نابالغ دیر *
(معنای بیت) بودر که هر کیمکه طریق حقه و خدمت جناب
مطلقه و اکامو صل اولان طرق اعمال و احوالک برنده بی باکک
ایلسه و هتک پرده ادب قلسه مردان خدا نکل یولن اورمش او اور
زیرا ضرری جلبه ساریدر و جائزدر که مردان معنای اغوسینه محمول
اوله بوصورته رذائل متابعت اولمغله خلقی اضلاله و طریق حقندن
اخراج و منعه مصروف اولور و اول مرد و کس دکلدر زیر ایلده
اولسه مردانه سزا اولین کارده بولمز و ضرر عامه سبب اولمزدی
و یا خود اضلال خلقه باعث اولمغله مجوز دهر کبی زن حکمنده در *
زیرا دنیا رهنلک ایتک مراد ایلسه زن پرزب و زینت صورتند
تمثل ایدر * لیله معراجده فخر عالم صلی الله علیه و سلمه کندنی اول
صورت اوزرینه عرض ایلدی و لکن فخر عالم النفیات قلمدی زیر عالم
طبیعتدن گذر ایدنلری دنیا اضلاله قادر اولمز سببی بودر که طبیعت
دنیا نکل اجمالی و انفس آفاقک نسخه سیدر * بو کلامده متصوفیه
تنبیه اکید و تهدید شدید واردتا که احکام شریعت و آداب
طریقت ایلده مفید اووب طریق حق اوزه کیده لر و سائر ارباب ارادت
دخی بو معنایه تحریض ایدر و الزمانه مشیخلری کبی سر مهجوران
اولور و ورطه لعنه قالور و ضلال و اضلالری حسیه ایلده مضاعف
جزا بولور * و میویدر که برکسنددن بر ناسزا ایش صادر اولسه
روز فردا خلق اکا خصم اولور و قرآنده کلور (وقال الذین کفروا
ارنا الذین اضلانا من الجن والانس نجعلهم تحت اقدامنا لیکونوا من الاسفلین)

پس سالکه لا زمدر که نامرد لر صحبتیه رغبت ایتیه و انلر کتدیکی
طریق ضلاله کتیه قال الحافظ * قطع این مرحله بی هر هی حاضر
مکن * ظلمت تست بترس از خطر کراهی

* از ادب پر نور کشتست این فلك *

* وز ادب معصوم و پاک آمد ملک *

عصمت ایلده حفظک میاننده فرق بودر که عصمت انبیا و ملائکه به و حفظ
اولیایه کوره در معصومک جمیع جوارحی معصوم اولدیغی کبی
سری دخی معصوم در فاما محفوظک سری محفوظ اولیق شرط
دکلدر بلکه اولیایه بعضی خواطر خطور ایدر که طریق حفظک مقتضای
دکلدر (سؤال اولور سه که هم یوسف علیه السلام نه معنایه محمولدر مع هذا
من کل الوجوه نبی معصومدر) جواب بودر که تحت تکلیفده داخل اولین
قصددر که غیر اختیار ایدر پس عصمتی منافی دکلدر زیر ایلده جمیع مراتبه
برهانله مؤیددر (بعد ذاعصمت لفظنده اشارت وارد که ملتدن بالفعل
عصیان صادر اولماز زیر عبادتی طبعیدر و لکن بالقوه شاننددر
والاندن معصوم اولور و قرآنده کلور (لا یصون الله ما امرهم
و یفعلون ما یؤمرن) پس عصیان شانندن اولمیان کسه عدم عصیانله
مدح اولماز مثلاً زنا شانندن اولمین کسسه عفته مدح اولماز سائر نظاری
دخی بو کافیا س اولنه (سؤال اولور که هاروت و ماروتدن بالفعل
عصیان صادر اولدیغی مشهوردر) جواب بودر که ملک اولسد قلری
جهتدن بالفعل صدور عصیان مسلم دکلدر * اگرچه که بعض ترک
اولی به متعلق نسنه نکل صدوری نقل اولور زلف انبیا کبی و علی تقدیر
التسلیم وجود لرنده قوای بشریه ترکیب اولسد قد نصکره صدورنه
محمولدر زیرا بو صورتده بشر مزاجنده اولمش اولور و بو ابتلاده
حکمت بنی آدم حقنده اولان شمتلری ایدی نتکم حدیثده کلور (دع
السماتة عن اخیک فیما فیہ الله و یتبلیک) و بو تقریردن عصمت
و حفظده انبیا و اولیانک احوالی دخی معلوم اولدی (معنای مصراع
اول) بودر که بو فلك ادب سبیلله پر نور اولدی یعنی امر حقه منقاد
و حکم آلهی به مسخر اولمغله شمس و قمر و سائر کواکب نیره و نجوم
زاهره ایلده منور اولدی * و جائزدر که فلك نورانی اهل ملکوتک انوار

وآبادنن تأثیر اوله * زیرا افلاک و اهل ملکوت در (سؤال اول و نرسه که
اجرام نیره یا قنادیل عرشیه و یا انوار آلهیه دن عروق نورانیه در پس
نیچه انوار اهل ملکوت اولور (جواب بودر که بو کلام تمثیل مجولدر
و یا خود اجرام نیره دن غیری وجهله تنویره مصر و قدر مع هذا جائزدر که
انوار اهل ملکوت اجرام نیره سبب خفی اوله زیرا بر نسنه نك اسباب
کثیره سی اولق بعید دکلدر و جائزدر که وجه ارضه اولان اهل ذرک
انوارندن اولغء محمول اوله و بواجبی معنای اخیر بیت آنی ده مصرع
اول قرینه جلوه در زیرا کسوف آفتاب دخی کستاختی ناسدندر نفس
آفتابدن دکل نیکم کلمه کر کر اصلی بودر که سموات ارواح و ارض
اجسام مرتبه سیدر پس انفسده انوار ذکرله ارواح منور اولدیغی کبی
آفاقده دخی منوردر و ملائکه آفاقك بعض قواسیدر پس انوار ملائکه
دخی حقیقتده انوار بنی آدمه تابع واندن مستغاضدر (معنای مصرع
ثانی) بودر که دخی ملک ادب جهتیه کنه اهدن معصوم و آلاشدن پاک
کلدی نیکم امر سبج، ده حاللری معلوم اولدی فاما اولکه (التحمل
فیها) دیو عصمه مخلف سوز سو یلدیلر بوسوز فی الحقیقه اعتراض طریقه
دکل ایدی بلکه حکمت خفیه بی استکشاف و معصیه خاتی تعظیم و انکار
جهتیه ایدی نیکم محله مبنیدر * و بونده اشارت واردر که دل
عارف فلك مثال نور شه و دله منور اولق رعایت احکام شریعت و محافظه
آداب طریقت حسبیه در زیرا اعمال ظاهره نك انواری قلبه صعود
ایدر نیکم آثار احوال قلب دخی جوارحه نزول ایدر و انسانه صفت
ملکیه غلبه ایدوب ملاء اعلا کی معصوم اولق بومعنا دندر الحاصل
آداب انوار و ثری ظلمات مقوله سیدر عامه ناسه کوره فعل و ترک معاقب
اولغله لیل و نههار خلق اولوب تجلی و استتاره اشارت اولندی *
فاما کل بشره کوزه نور آیت داندن زیرا انلرک باطنلری لایل و لانههار
عالمده در و ملائکه دخی بو مشر بدن فی الجملة مشربله فیض انوار
صوریه دن مستغیلدر (لحرره) شش جهت نور او لیجق
آدمه * نیلسون نور شمسی عالمه *

* بدز کستاختی کسوف آفتاب *

* شد عزازیلی زجرات رد باب *

* کسوف * عارض مخصوص صله شمسك استتارنه دیرلر قرده دخی
مستعملدر * عزازیل * شیطانك قبل اللعن اولان اسمیدر که بوراده
حکایه طریقه وارد در بعد اللعن ابلیس و امثالی اسماء ذمیه و القاب
قبیحه الیه تسمیه اولندی آخرنده یا زائد در که ضرورت شعر
ایچون زیاده قلمشدر نیکم واقعدر * من این ابیاترا بر دم تمامی
* به پیش حضرت مخدوم جامی * بو بیتده لفظ تمامی آخرنده واقع
اولان یا زائد در * جرأت * ضمله و قصرله جرعت و زننده و فتحله و مدله
کراحت و زننده بر معنایه در که شجاعت و بها دراق دیکدر * یا بدن
مراد باب قبول و قرب در (معنای مصرع اول) بودر که کنشك طوتلوب
نورنك مستر اوله سی خلقك ترك ادب ایتمسندن اولدی یعنی
بر یوزنده نیچه جاهلر شمسه عبادت ایتمکله الله تعالی شمسده زغیر
وظلمات خلق ایلدی تا که معبود اولدیغی ظاهر اوله زیرا اگر معبود
حقیقی اولسیدی کندی اوزرنده اول حالت عارضه نك دفعنه قادر
اولوردی چونکه عاجز اولدی معبود یا خلق اولدی و بو وجهله انی معبود
انسان ایدنلر دخی رسوای اولدی یلر و قرآنده کلور (لا تسجدوا للشمس
واللقمر واسجدوا لله الذی خلقهن) ایسته اهل شرع قائنده کسوف
عبده شمسی تعبیر و تو بیج و سائر لری دخی نخوف و تنبییه مجولدر
فاما اهل هیئت و نجوم قائنده سر کسوف بودر که شمس سیرنده قره مصادفه
ایتنه قر شمسله ضوئك اراسنده حائل اولوب استتار واقع اولور توفیق
بودر که جائزدر که بر نسنه نك هم سبب فلیکیسی و هم سبب ارضیسی
اوله (معنای مصرع ثانی) بودر که عزازیل شرف قبول الیه مشرف
و مقام قریبه مکرم ایکن ما مور اولدیغی سجده نك تر کنه جراتی حسبیه
باب الیهدن مردود و اسفل سافینه مطروح اولدی و رحمت بر بنه
غضب ایدی و لغت سرمدی بولدی نیکم قرآنده کلور (قال اخرج
منها مذؤما مدحورا) و بر موضعه دخی کلور (وان عليك لعنتی الی
یوم الدین) مقصود لغت ابدیه بی یساندر یوم دین الیه تحید ایدیتك
انقطاعنه دلالت ایتم بلکه تنوع و تلونه دلالت ایدر نیکم تفاسیرده
مبندر بعد ذابو بیتده برقاج وجهله اشارات واردر (اولکیسی
بودر که قلب انسان آفتاب مثالدر زیرا آفتابك نوری جمیع جهات

شامل اولدیغی کی قلب نوری دخی جیع اعضا و قوایه ساریدر
ولیکن ماسوایه التفات ایله نوره نقصان طاری اولور و ظلمات
حجب ایله مستر اولوب قالور پس سالی که لازمدر که ذکر و فکر له
تجلیه ده قصور ایتمه نیکم حسن بصری قدس سره بیورر (حادشوا
هذه القلوب بذكر الله فابها سر بعة الدثور) یعنی شوق و بلو بک ذکر
الله ایله پاسنی اچیکوز و جلا ویر یکوز زیراتیر پاملور الحاصل قلب
شمس کی مخلوق قدر پس اهل عالم عبادت حتی ترک ایدوب شمس
عبادت اتمکه شمس کسوف واقع اولدیغی کی اهل قلب دخی
ماسوایه التفات اتمکه قلبه ظلمت طاری اولور ایکی صورتده دخی صلاحی
عبادته تخصیص و درگاه تضرع و ذکر الله ایله اشتغالدر تا که منجلی
اوله و طارت اصلیه اوزرینه اولان نورایتن بوله (محرره) صفحه قلبی
دوترسه زنگار * منکشف شمس دوزن آخرگاه (ایکنجسی بودر که شمس
نوری نور حقندن مستفاد در قرک نوری شمسندن مستفاد اولدیغی کی
نتکم (الله نور السموات والارض) مقوله سی بو معنایه دالدر پس
شمسک عظم نورو شدت ضیاعنه باقوب معبود ایدمک جائز اولدیغی
کی قلبده اولان معقولات و انواع علوم دقیقه یه نظر ایدرب مقصد
انخذ اتمک کر کدر نتکم فلاسفه بوانخ ذله ضلاله دوشدیلر و بونک
فوقنده اولان مکاشفات و مشاهدات دخی بویله در زیر الله تعالیدن
غیری مطلب اعلی یو قدر جیع محسوسات و معقولات مراتب
و مدارجدر فافهم جدا و محمدیه ده کلور * بیکده بری قولانغم کرمن
اون ایکی علمنی دکلم کرات (او جنجسی بودر که هر یرده دایر لک اولر
و نیاز اهلنه نازیتمک دوشمن پس دائما رعایت ادب لازمدر مکر مجاذیب و سکر
غالب اهنندن اوله بو صورتده حرکات و سکنات و اقوال و افعاله
التفات یو قدر زیر اوزرینه قلم جاری دکدر (در دنجسی بودر که سالک
عالم ذاته قدم بصمد فیه و نفس مطمئنه سنک نهایتنه ایرمد کجه رد و قبول
ایله ابتلا دن خلاص اولماز و عالم صفاتک براز خندن قور تلماز بوسیدندر که
ابلیس مردود اولدی زیر اکر عالم ذاته دخول اولایدی و ایمان
حقیقندن رایحه آلایدی کفره مؤدی اولان ایشه جرأت ایده من دی
وراه موافقتی قویوب سمع مخالفته کیده من دی بلکه حقه مطیع

و منقاد اولوردی و قهر و اطفاده جهت وحدت کوزه دوب طریق اسلم
بولوردی نتکم خبرده وارد که (اذا تجلی الله لشی خضع له) یعنی بر قلبه
اعلی النجیات اولان تجلی ذات واقع اولسه اول قلب ظاهرا و باطنا حقه
سرفر و ایدر و انکار و اعتراض قالماز زیرا حقله باطل بر یرده اولماز
(محرره) دل عارف که اوله مظهر ذات * قالماز آینه سنده رتک صفات
کور بنور انده ابد سری ازل * بر اولور وقت و لایله وفات *
دست بکشاد و کنارانش گرفت *
همچو عشق اندر دل و جاننش گرفت *
دست * ایکی معنایه کلور بری کف و بری اطراف اصابعدن اوموز
باشنه ورنجه بوراده مراد نا نیدر زیرا معانته انکه حاصل اولور *
کناران * کنارک جمیدر معلوم اوله که اعضاء انسانده ادات جمع هادر
دستها و پابهسا و سرها دیرلر آن ایسه جسم نامیده استعمال اولنور
نبات و حیوان و انسان کی بوراده کنارله مراد جسم نامی اولان
انسانک اطراف اولغله آخرنه آن الحاق اولندی بازوان دیدگری کی
(معنای بیت) بودر که پادشاه مبشر اولدیغی مهمان غیبی نک
قدومه بازولرن اچدی و انک اطرافن طوتدی یعنی انکه معانته قلدی
و آتش محبتی کوهر عشق کی جان و کولده طوتدی مقصود جان
و کولدن اکا محبت ایدوب عاشق اولد یغن بیاندن نتکم ویسی اشعارنده
کلور * سکا ایلر کی اظهار محبت ایدم * بن سنی ایکی کوزم جان
و کولدن سورن * و باقی نظمنده کلور * قضای آسمانیدن
صافتی سودمند اولماز * رضادر چاره سی عشق کور نمر بر بلا
انجق * بعد ذابو کلامده بر قاج و جهله اشارت واردر (اولکسی
بودر که قدوم حبیده استقبال و معانته سنت قدیمه در دیمش لردر که
ابتدا اعتناق حضرت ابراهیم علیه السلام دن صادر اولمشدر *
زیرا مریودر که اسکندر یونانی بطحاء مکیه واصل اولد قدو حضرت
ابراهیم مکده اقامتیه اخبار اولند قدو تواضعا مر کبندن نزول ایدوب
ماشیا حضرت ابراهیمه ملاقی اولد قدو حضرت ابراهیم اکا سلام
و ربوب اعتناق ایلدی و فخر عالم صلی الله علیه وسلم دخی عمسی جعفر
رضی الله عنه حبشندن قدوم ایتد کده انکه معانته ایلدی و اول کون

فتح خیره مصداق اتمکله افرح بفتح خیبرام بقدم جعفر پیور دی
 فاما اولکه اعتنا قیدن و کذاک تقبیلدن منع ونهی اولشد در عریان
 و علی وجه الشهوة اولغه محوادر متقص او ابوعلی وجه المبرة والکرامه
 اولیحق لایا سدر * نتکم صلحا ارا سنده شایع در مصاحفه مسنونه
 کبی وانسان العیون نام تاریخته کلور که فخر عالم صلی الله علیه وسلم
 جفته نام موضعده بر غدرده شایع و راک ایدوب (ایسج کل رجل مکمل الی
 صاحبه) پیورد قدده اول غدرده موجود اولنلرک هر بری کندی
 صاحبته سباحه ایدوب فخر عالم صلی الله علیه وسلم ایله حضرت صدیق
 رضی الله عنه قالد قدده فخر عالم دخی صدیقه طوغری عزیم و سباحه
 ایلدوب حین وصولده انکله معافه ایلدی پس بوند فخر عالمک فی الجمله
 سباحه حتی ثابت و عریان اعتناقی دخی معلوم اولدی زیرا محل امندر
 امن اولیحق بالاده اشارت او اند یغی اوزره ممنوعه رانکیچون
 مکامعه و مکامعه دن نهی او اندی مکامعه دن مراد تقبیل
 و مکامعه دن مراد ایکی کشی ثوب واحد ده بلا ستریندهما
 مضاجعه در (ایکجسی بودر که عشق که افراط محبتدر محلی دل
 وجاندر و دل وجان بوراده بره نایه در که کوکل و قلب دید کلریدر
 نتکم شرحی مرور ایلدی سببی بودر که دل و روح سلطانی ایله
 جسد میانده واسطه در عشق عاشق ایله معشوق ارا سنده واسطه
 اولدیغی کبی (لحرره) عشق بر سر رشته در در دست اولماز سه اگر *
 * وصل یاره غیری یوزدن کسه اولماز چاره کر * (او پنجسی بودر که
 شا کردک استاده و مریدک شیخه محبتی جان و کولدن کر کدر که
 محبت حقیقه در زیر سبب کالی و باعث حسن حالدر و محبتک اثری
 خدمتدر پس خدمت و محبت ایکی رابطه در که طالب مطاوبه انکله
 اتصال بولور و واصل مرام اولور (در پنجسی بودر که انسان گاه
 اولور که بر نسنه نک حقیقه فراسه ایله واصل اولوب تجربه محتاج
 اولماز زیرا تجربه ایله و قوف مدت طویله ده تفتیشه موقوف قدر نتکم شیخ
 سعدی پیورر * بایام تابرنیاید بسی * نشاید رسیدن بغور کسی *
 فراسه ایسه بویه دکلدر زیرا نوردر نورک ظهورنده ایسه ظلمات مرتفع
 اولور نتکم حدیثده کلور (اتقوا فراسه المؤمن فانه ينظر بنور الله)

پس کر چه پادشاهه واقعه سنده مبشر اولدیغی اوزره مهمان
 غیبیک حقانیتی حقنده علم ضروری حاصل اولش ایدی و لیکن
 بوندن قطع نظر آنی کردد یکی کبی عاشق اولدی و فراسه
 کنهنه اطلاع تام بوادی و صدقته برهان طلب ایتکه حاجت قالدی *
 بوسیدندر که فخر عالم صلی الله علیه وسلم مدینه تشریف ایتد کلرنده
 احبار یهوددن عبدالله بن سلام زیارتلرینه کلوب اول جمال بی مثله
 ملاقی اولدیغی کبی (ماهو بوجه کذاب) دیوب بی توقف
 سلسله بند اسلام اولدی و دارینده سعادت و سلامت بولدی
 بوندندر که بعض طالع حق اولنلردخی صحبت اهل ارشاده ابتدا
 دخولرنده طرفیندن شهادت دل حاصل او اولور فافهم (لحرره)
 یوزک ضحاسنی کور من شو جانکه اعمار * نیچه کورر که اسم پرده
 مسمار (بشجسی بودر که قدوم حبیده و مواضع مسرتده اظهار
 سرور و شکر مو فور ایتک مسنون و مأثور در انکیچون غائب قدومنده
 شکرانه قربان و ولادته و عرسده و امثالنده ضیافات واحسان اولنور
 و اعیاد و نظائرند تزیین و نیچه رخصتله عمل قلنور (لحرره)
 قد و لم یار سرور یله و یرمک اولور جان * فکیف درج در پاک
 و سبجه مر جان * (التنجیسی بودر که روح سلطانی زیاده مستعد
 اولغله دست اجتهادله مر شدکا ملک سر نه معافه ایلدی و مر شدک
 دست و دامن طوتوب حالته مشغول اولدی و اغیاره التفات ایتدی
 نتکم دیمش لدر * ع * قونه دیر لسه دیسونلر طوته کور یار انکن *
 وردخی مر شدک وجودی حقیقه اشارتدر و اول حقیقه معافه
 آک دست و دامن اخذ و خدمته اجتهادله در * ع * روی محمود و خالک پای ایاز

* دمت و پیشانیس بوسیدن گرفت *

* وز مقام و راه پرسیدن گرفت *

* پیشانی * آندر جبهه کبی زیرا پیش او کدر آخرنده که یانسیب
 والف و نون تا کیدنسبت ایچوندر اننه پیشانی دید کلری باشک او کنده
 اولدیغی اوتوریدر معلوم اوله که فخر عالم صلی الله علیه وسلم
 بیت سابقده ذکر اولدیغی اوزره حضرت جعفر رضی الله عنه ملاقی
 اولد قدده ایکی چشمی ارا سن تقبیل ایلدی و ابو بکر رضی الله عنه دخی

فخر عالم مقبوض اولد قده بوزلندن تقابلی رفع ایدوب بویله ایتدی و (طبت حیا و میتا) دیدی و اصحاب حضرتانی رضی الله عنهم اطراف رسول اللهی تقبیل ایدرلیدی بوسیدندر که عالمک و بامتور عک علی سبیل التبرکیدی تقبیل اولنور زیرا حجر اسود باین الله صورتی اولمق حسبیه تقبیل و استلام اولنجیق اولیمیک حقیقتی اولان ید انسان کامل بطریق الاولی تقبیل اولنور (معنای بیت) بودر که پادشاه مهمان غیبیک تبرکالن و کرامه الن او پیک طوتدی یعنی او پدی و آنک راه و مقامندن سؤاله آغاز ایلدی * یعنی بول احوالندن و کیفیت سلوکدن و ساکن اولدیغی شهردن صورتی زیرا مقام ایل مراد مکان حسبدر * (بوندن ظاهر اولور که انسان مهسانتک علی وجه الانبساط و الملاطفه احوالن سؤال ایلک سنت قدیمه در که تا که مهمان دخی منشرح و صاحب خانه ایله مستأنس اوله مع هذا سؤال ایله استخصال مجهول اولنور و بامسؤل عنه اولان نسنه معلوم ایسه (علمان خیر من علم واحد) و فقیحه انضمام علمین ایله نقوی و تا کید حاصل اولور بعد ذامر شدک الن او پیک مبايعه صورتیدر زیرا یمین محل مبايعه در انکیچون فخر عالم صلی الله علیه وسلم بیعه الرضوان ده حضرت عثمان رضی الله عنه یعنیچون ابیک اللرن بری بری اوزرینه وضع ایتدی لر * و سائر لدخی حین مبايعه ده و معا قده ده ال طوندیلر و مرشد ایله مبايعه فخر عالم ایله مبايعه حکمده در زیرا وارثدر و کیمک الی ایسه اصل الی کییدر و فخر عالم مبايعت دخی الله تعالی به مبايعت در نتکم قرآنده کلور (ان الذین یبايعونک انما یبايعون الله) و حجر اسودی استلام ایتک بومبايعه نک صورتیدر نتکم حدیثده کلور (الحجر الاسود یمین الله فی ارضه فن لم یدرک بیعه رسول الله فسخ الحجر فقد بايع الله ورسوله) و بر و ایتده کلور که (الکن یمین الله فی الارض بصافح بها عباده کما بصافح احدکم اخاه) اصل بودر که بر پادشاه تخته جلوس اندکده بطریق المبايعه یعنی تقبیل اولدیغی کبی حجر اسود دخی یمین الله منزله سنه تنزیل اوانتوب حاج و معمر اولنور تقبیلی مسنون اولدی پس کعبه و حجر اسود و کرسی کریم و امثالی تمثیل باینددر حقایق انسان کاملدن مطلوبدر * و مرشدک الن پوس اولند یغثک سری

بودر که الن مظهر حقیقت و مجمع آثار ولایتدر انکیچون فخر عالم صلی الله علیه وسلم نور پاک آدم علیه اسلامک التند ظهور ایتدی و بعد الدعاء یوز مسح اولند قده اتندن ابتدا اولندی و مرشدک مقام معنویسی مقام فنا و بقا و جای بیخادر انکیچون من وجه معلوم و من وجه مجهولدر نتکم بالاده اشارت اولندی و آنک راهی طریق فقردر و سلوکی حالنده مر و رایتدی یکی مر ایتدر که عالم اکوانه کوره یکر می سکن عدد منازل کلیددر و عالم آلهه کوره دخی زیاده در نتکم شرح اولندی بونلری سؤالدر مر ادا سترشاد و استعلامدر زیرا مقصد تعیین اولند قجه و غایت بلغد کجه و احوال طریقه و قوف بولند قجه سلوک ممکن اولماز و قرآنده کلور (فاسئلوا اهل الذکر ان کنتم لاتعلمون) اهل ذکر حقیقی ارباب حقیقت اولنور در که انلرده اصلا نسیان بوقدر بلکه حضور دائم اهلیدر پس معارف دنیویه و علوم رسمیه علماء ظاهر دن سؤال اولندیغی کبی حقایق اخرویه و علوم لدنیه دخی علماء حقیقتدن سؤال اولنور (لحرره) اینسون نفس سکا عار له آل * جهلکی علمه دکش ایله سؤال *

* پرس پرسان می کشیدش تا بصدر *

* گفت کنجی باقم آخر بصبر *

* پرس * امر در صور معناسنه پرسان صور ارق دیمکدر مقصود اتصال سؤالی تصویردر نتکم اسان عامه ده بومعنای افاده ده صور صور مزین دیرلر * تا * انتهاء غایت ایچو ندر تر کیده دک ایله تعبیر اولنور نتکم اغت شاهیدی ده کلور * ع * دپه تارک دی نادک داخی نیز * نتکم و اقدردر * چین سحر دن بر کون اولور دی صواش اخشامه دک * بر صدا اولمشدی عالم رومدن ناشامه دک * بو بیتک مصراع اولنده ادات انتها دک لفظیدر و ثانیسنده تادر زرادک آئی نا کید ایچون کلشدر بوندن معلوم اولور که تا لفظی ترکیبده دخی مستعملدر * صدر * اصلده کوکسدر صکره هر سنه نک مقدمده استعمال اولندی قاضی عسکر له سائر قضات اوزرینه تقدملرنه بناء صدرین دیدیلر (معنای بیت) بودر که پادشاه سؤال ایدره رک آئی تا صدره چکدی و مقدم مجلسه اجلاس ایلدی و جله نک اوزرینه تقدیم ایتدی * زیرا خالق اراسنده جاری

اولدین اوزره تقدیمده تعظیم زیاده در خصوص تقدیم استناد توقیر
باینددر شویله که تأخیری ترك ادب و باعث حرماند دیدیکه آخر
صبرله کج عظیم بولدم * بونده مهمان غیبی خزینه به تشبیه وارد
زیرا خزینه اموال نفیسه دن عبارت اولدین کجی مهمان غیبی
انواع علوم دن عبارتدر وجواهر معارف کان و نفایس حقایقه
مخزنذر (بوندن فهم اولنور که عزز المنان اولان نسنه به وصول
صبرله و مقاسات شدائده اولور نیکم خواجه حافظ کلماتده کلور
* کویند سنک لعل شود در مقام صبر * آری شود ولیک بخون جگر
شود (و بونده صدرله مراد عالم کونه کوره قلم اعلا در که مقدم
مخلوقاتدر و عالم آلهه کوره مبدأ اصلی و مرتبه احدیتدر و کجمله مراد
حدیث قدسیه ده وارد اولان کنز مخفی در نیکم کلور (کنت کنز
مخفیا فاحییت ان اعرف فخلق الخلق لاعرف) و بو کنزک مبدأ ظهوری
اگرچه که حقیقده مرتبه احدیتدر ولیکن بومرتبه ذاتک ظهوری نه
کنندی ذاتنه اولغله مقدم مخلوق اولان قلم اعلا دن اعتبار اولند بیکه
حقک مظهر تامده ظهوریدر و صدرله آخر جمع ایلدی زیرا نشاء
انسائیه آخر النشاء تدر والآخر منکشف اولان صدر اولدر یعنی
تفصیل اوزره زیرا بدایتده نهایتدن منکشف اولان اجمالدر تفصیلی
و صولده حاصل اولور والامبتدی و منتهی برابر اولق لازم کلور
یعنی روح سلطانی می شد کامله نزول اعتباریله اولان منزل اوله دک
احوال طریق و واصل اولدین مقامات قرنی سوء ال ایلدی
و بو سببدن آخر کنز مخفی به دک علمی ایردی و عمله قناعت ایتیوب
استعدادی اولدین جهمندن مدت طویله سلوک ایلله عین الیقین
مرتبه سنده اول دغینه بی بولدی و تنکنای جسده بو قدر زمان
کوشه نشین یعنی تعلق حسبیه اکا قرین اولغله آخر ظلمده آب حیاته
واصل اولدی و نفس حیوانی مرض و بلا سندن قورتلدی (لحرره)
صدره ایرمک استریسک صبر قیل * جانکه چل سال کامل جبر قیل
* مرده اول وار جله اوصافدن * کند که بو جسم خاکی قبر قیل

* گفت ای هدیه حق و دفع خرج *

* معنی الصبر مفتاح الفرج *

* هدیه * تشدیدله لطفه متعلق نسنه در که خلق بری برلینه اهدا
ایدرل ضرورت و زنجیرون تخفیف اولمشدر همزه اضافت ایچوند
اضافتی اسم حقه تخصیصک وجهی بودر که هدیه ایلله اضطرار
دل مرتفع اولوب ثبات و سکون حاصل اولور انکیچون حدیثده کلور
(تهادوا تحابوا) دفع * بورا ده رفع معنایه در زیر فرق ایدوب
دیمش لردر که دفع دالله قبل الوقوع و رفع رائه بعد الوقوع استعمال
اولنور * خرج * اصلنده ایکی نسنه نک مجتمعه دیرلر ایلینک ضیق
تصور اولغله طارعه خرج دیدیلر بورا ده مراد کوکل طارغیدر زرا
قلب غم و قساوتله مملو اواسه سرور و فرجه یر قالمز نیکم قرآنده کلور
(وضاقت علیهم انفسهم) لسان فارسیده نیک دل بو معنایه در
غفلت اولمیه * فرج * فحشین ایلله انکشاف غم و زوال غصه به دیرلر
(معنای بیت) بودر که پادشاه مهمان غیبی به خطاب ایدوب
دیدیکه ای حق تعالی نیک بزه لطیف اسمک تجلی سندن حاصل اولان
هدیه بهیه و عطیه شهیه سی و سبب ارتفاع ضیق دل یعنی الصبر
مفتاح الفرج مقاله سنک معنسی و حقیقتی و ماصدی بو خطابدن مراد
تنبیه و لازم فائده خبری اعلامدر یعنی سن بو معنی جلیله و اوصاف
جلیله ایلله متصف سنی دبدی و کنبدنک بو معنایه و قوفر بلدردی
و جائزدر که اشغله ده مراد و مابعدی مقول قول اوله ولیکن بعددن
خالی دکلد * بعد ذاقدم مذکور ایکی وجهله وصف آتدیکه
ری هدیه حق اولدینغی در زیر جاریه نک مرضی قهر و جلال
بایندن و طیب آلهینک ورودی اطف و جمال قیلنددر و بری دخی
سبب دفع جرح اولدینغی در که مصراع ثانی آتی بیان واقع اولمشدر
* زیرا اطباتک معالجه دن عجز لردن و مرضک تمامد سندن کوکل
طار لغی حاصل اولاش ایدی پس صبرله قورق حلوا اولوب حصول
مرا مه و ارتفاع غم سبب اولان مهمان غیبی قدوم ایلدی و ایام غم
و ابتلاء منقضی اولدی و صبر شکره تبدیل بولدی نیکم علوی نظمده
کلور * چقجه لجه غمدن نگاره وجود * شدائد و المروز کاره قتللم
و خواججه حافظ دیواننده کلور * سروش عالم غیم بشارتی
خوش داد * که کس همیشه بیکیتی دژم نخواهد ماند * و قصیده

منفرجه اولنده کاور * اشندی از مة تنفرجی * بهضیلر دیشلردر که
ازمه نام برخاتون اوغلان بور و سبله مبتلا اولدقده فخر عالم صلی الله
علیه وسلم خطاب ایلدی یا ازمه درد زهه صبرایله تا که عن قریب
وضعله انفرج بوله سن و یا خود شدتده نهایتیه ایرش تا که خلاص
اوله سن زیرا شدت غایتیه ایرمدیکه انکشاف بولمز انکیچون قرآند
کلور (امن یحب المضطر) مقصود وقت اضطرار ده قطعاً استجابتی
بیاندر و بوسیدندر که هر عصرده واقع اولان شدائی دفعه بر مظهر
کامل ظهور ایلشدر واختلال عالم غایتیه ایروب اضطرار نهایت
بولدقده مهدی رضی الله عنه ظهوره کلسه کر کدر زیر طیبیک قوتی
مرضک شدتیه کوره در آخر زمانده ایسه عجوز نهرک نه مرتبه
مرضیه مبتلی اوله جغن اول وقتده حاضر اولنر بیلور لر (اللهم
اقضنی الیک غیر مفتون) بعد ذاروح سلطانی ایله مرشد کمالک
احوالی دخی پادشاه ایله مهمان غیبی نک ذکر اولنسان معاملاتی
اوزینه قیاس اولنه (لحرره) روح ساطعانی اولو بدر بیمار *
ای طیبیم شفای لطفک او مار * زهر قاتل ایچورمه دن جانہ *
قتل اولسون بونفس بد چون مار *

﴿ ای افسای تو جواب هر سوال ﴾

﴿ مشکل از تو حل شود بی قبل و قال ﴾

* مشکل پوشیده و ملتبس اولان نسنه در همزه سی صیورت ایچوندر
اشکل الامر دیرل صارذا ایس معناسنه شکل اصلنده اتی شکل ایله
یعنی کوسنک دیدکلری نسنه ایله تقیید ایتمکه دیرل صکره مبهم و مغلق
نسنیه بطریق الاستعاره مشکل دیدیلر کویا شکل وقید صاحبی اولدی
انکیچون حله مفارن قلدی زیرا حل بر نسنه بی چوز مکدر چوزمک
ایسه باغ کوره اولورنتکم واقع در * ع * کره غنچه مقصودنی چرخ
اندی حل * قبل و قال * حقند قبل قال چوقدر بهضیلر مصدر در
دیشلردر قول کبی پس بوصورنده اسماء معربه دن اولورلر و بهضیلر
دیشلردر که اصلنده فعللردر ولیکن اسماء اجناسه نقل اولنشلردر پس
بوصورنده افعال مبنیه دن اولورلر ضرورت تعلق اتمین کلام معناسنه
بوراده محلنده دوشمشدر زیرا برمشکل که بلا سوال انحلال بوله

اوراده کلام ایتمک سوز و ساز مقوله سی اولور انکیچون ضرورت سوز
سوز سوبلک حکمتدن خارجدر * بعد ذامصرع ثانی ماقبلانی ایضاح
ویاندر (معنای بیت) بودر که ای مهمان غیبی که سنک لقا ورؤیت
جبالک هر سواله جواب در یعنی هر مشکل بی گفت و کوسندن منحل
اولور و منعقد اولان امور ک عقده لری سمنکله چوز بیلور زیرا جبالک
بر آینه در که جمیع صور مرادات آنده منطبعدر و تأثیرک اولقدر در که
جمیع حصول حاجات و لافانکله تواءمدر * بوسیدندر که نیچه سالکلر
منعقد اولان معانی و مشتبیه اولان مراتب ارباب ارشاد قیوسنه
و صوللرنده بی مکالمه و سوال منحل اولمش و الهام آلهی ایله
مقصود حصوله کلمشدر زیرا قوت استعداد کوره
مرشدک لقای دخی مرشددر زیرا کتب لاریب و صحیفه عالم غیبر
کتاب ایسه ناطق اولسون صامت اولسون ارشاد ایچون منزلدر
نتکم محکیدر که جنید بغدادی قدس سره یه مراتب توحیددن برمرتبه
مشکل اولوب بونجه ریاضت و مجاهده ایتدی فتح اولدی بالاخره
اوج آیلق یرده بر عزیزه اشارت اولندی قلوب اوریاه وصولده اول
عزیز جنیده ایتدی بن رموز و نجه دورایده یم بنم بوزم سنک بوز که مقابل
اولدقده مشکل فتح اولسون دیدی فی الواقع اوله دور ایتدی بوزی
بوزینه مقابل اولدقده اولقام فتح اولدی حقیقتی بودر که بوزدن
مراد وجه قلب و مرآت حقیقیدر مرشد کمالک ذاتی نور ایتده شمس
و مستر شدک ذاتی ایسه ظلمتده قره مشابهدر پس قر شمسه محازی
اولدیغی مرتبه اندن نور استفاده ایتدی کبی قلب طالب دخی مطلوبه
توجه و اول جانبه منجذب اولدیغی مقدار مستقبض اولور و تجلیه سی
قدر انعکاس نور بولور و ظلمت شبیه سی آچیلور اشراقیه نک قلبدن
قلبه مکالمه لری مشهور در * مریدر که شیخ اکبر قدس سره الاطهر
که ده شیخ سهر وردی قدس سره ملا فی واور و مکالمه سز بری برندن
مفارقت ایدرلر صکره حضرت شیخدن سهر وردی سوال اولنور
(رجل ملو بالسنة من القرن الى القدم) دیوجواب ایدر و سهر وردیدن
حضرت شیخ سوال اولنور (بحر من الحقایق) دیوجواب ایدر * بونده
اشارت وارددر که روح سلطانی نک دخی مرشد کماله ملاقاتی وقتنده

بحال الوقت بعض مشكلات في محل اولش ومرض نفس حيواني
حقنه بعض انحراف اعتدال بولشدر زيرا اول زمانه ذلك تهيئه محل وانتظار
فرج ذكر اولئسان معنائك حصوله معيندر * نوري از پيشاني صاحب
دلان در يوزه كني * شمع خود را مي بري دل مرده زين محفل چرا *
(لحرره) اولسه عاشق بر نفس معشوقه كرر و برو * نور
مر آني فراز و ظلمتي اولور فرو *

* ترجماني هر چه مارا درداست *

* دستكيري هر كه پايش در كشت *

* ترجمان * اوج وزن اوزر ينه لغتدر زعفران عنفوان ريهقان كبي زعفرانده
زا وفا مفتوحدر وعنفوانده عين وفامضمومدر ور يهقانده رامفتوح وها
مضمومدر نيكم قاموسده مصر حدر پس ابن كالك ريهقان وزنده
ترجماني انكاري منكر در ترجمان اول كسه در كه بدلي آخر دل ايله
تفسير و ترجمه ايله لسان عربيدن و يافارسيدن تركي ايله تفسير و بيان
ايدن كسه كبي بوراده ترجمه دن مراد كشف و اظهار در * دل * كوكلدر كه
حبه صنوبر يه شكنده اولان يورك آنك ظر فيدر نيكم مولانا جامي بيورر *
نيست اين پيكر مخروطي دل * بلكه هست اين قفس طوطي دل *
ويور كه دخی بالا شتر ك دل ديرل * دستكير * لغتده ال طوتجيدر و لكن
عرفده معين معنائستعمال اولنور * كل * كاف عجمينك كسريله بالچقدر
لسان تركيده غلط ايدوب كاف عربييله كل ديدكاري بالچقدر دن نوع
مخصوص صدر معلوم اوله كه اياغي و يانه لي قايمق و بالچغه دوشمك شر و محتك
نزولدن كنياه در نيكم مختصرده فن بدیده اشارت اولمشدر (معنای
بيت) بودر كه هر نه كه بزم كوكلزده مضمردر سن آني كشف و اظهار
ايديجي سن و هر كهك كه اياغي بالچغه باتمشدر يعني باشنه بر قضا نزول ايتمش
وبر محتنه دوشمش و بر لايه او غرا مشدر سن انك ان طوتيجي و قالدر بريجي
سن يعني معين و ظهير سن * مكر بمنزل مقصوده تواني يافت * زدستكيري
افتاده كان عصامي ساز * و بو كلامده برقاج وجهله اشارت واردر
(اولكسي بودر كه ذكر اولئسان حكيم آلهي كشف ضميره قادر ايدى كشف
ضمير بودر كه مكاشفك كلامي بر كنسنةك قابنده مضمرا اولان معنياه موافق
اولقدر بو خسه آنك قابنده اولاني يلوب سويلك معنائسنة دكلدر

حقيقي بودر كه وارث حق اولان وارث كامل اسم اعظمه مظهر اولغله
كليات و جزئيات اشيا بي جامعدر خلق قلوب و صدورى مشتمل اولد يغي
خواطر و مضمرات ايسه اسم عليك تعلق ايتديكي جزئياتندر * و لكن
كشف ضمير و كشف قبور و كشف جن و كشف ملك كشف آلهي يه
كوره معتبر دكلدر كشف آلهي اودر كه الله تعالىك افضال و صفات
و ذانك حقايقنه تعلق ايدو بوايسه كيابد زيرا عالم آله دندر كه علويدر
ماعداسي ايسه عالم كوندركه سفليدر (ايكنجيسى بودر كه كلدن مراد
نفس حيواني و جسم انسانيدر كه طيندن خلق اولمشدر نيكم قرآنده
كلور (هو الذاي خلقكم من طين) و روح سلطانينك اياغي تعلق حسيله
اكا باتمش وانك احكام و آثار يله مقيد و مبتلي اولوب ظلمت وجود قبول
ايتمشدر * پس هر شده كامل ارشاد و تسليك حسيله آني جسد
و جسده تعلق اولان براز خسدن تخايص و تنجيه ايدوب اصلي اولان
ارواحده اخراج و اندن عالم آلهه ايصال ايدر (اوچنجيسى بودر كه
انسان كا ملك هر حالده صفتي اعانت و اعانه در انكچون قطب
وجود اولانه غوث اعظم و سائر اقطابه دخی مر تبه لر ينه كوره غوث
ديرل * زيرا ظاهر و باطنا عون و نصرتلري شاملدر خصوص اغنيادن
اولنلر فقر ياه منفعت اجساد اولان اموال اتفاق ايتدكلري كبي اوليادن
اولنلر دخی درويشانه قوت ارواح اولان معارف بدل ايدرلر و تربيه
و ارشاد ايچون معين اولدقلى جهتدن طالب حق اولنلري بروجيهله
استشغال ايتنلر و صحبتلرينه روا كورلر تنزل ايله تواضعلر كوسترلر قال
الحافظ * اى صاحب كرامت شكرانه سلامت * روزي تفقدي كن
درويش بي نوارا * (لحرره) كلستان جهسان ايچنده بوكون * كيمي
خاراچيره كيمي كلدو ياتور * كيمي سرمنزله مراده ايروب * كيمي
دوشمش ميان كلدو ياتور *

(مر حبا يا مجتبي يا مريض)

(ان تغب جاء القضاء ضاق الفضا)

* مر حبا * نك معنای لغوي يسي واسع يره كلك سكا طارلق بو قدر ديمكدر
فاما عرفده قاده و مهمانه اكرام قصد اولنور و بوكله فخر عالم صلى الله
عليه وسلم دن دخی صادر اولش زيرا فتح مكه كوني عيسى ابوطالب قزى

امهانی زیارتلرینه کلد کده مر جبا یام هانی پیوردیلر پس بو کله ایله تکلم
ایتمک سنت اولدی و ام هانی اول کون شربت آشام اسلام اولدی *
و بو امهانی در که آنک خانه سنده معراج واقع اولمشدر اول خانه نک
بری صکره حرم مکه یه ادخال اولمشدر بحراب جنبلیدن آشغه عرصه
ده در * مجتبی و مر ترضی * و مصطفی و مختار بر معنایه در که لسان فارسیده
برگزیده و ترکیده اورند انمش الله تعیر اولمشور زیرا انبیاء و اولیاء خلق
عالم اراستدن اورند انوب فیض خاص آلهی یه مظهر و انواع کرامات
ایله مبشر اولمشدر در نبوت و ولایتک مجموعی انبیاء صفتی و یالکز
ولایت اولیاء حالیدر و ذکر اولمان معنایه اشارت ایدوب قرآنده کلور
(الله یحببتی الیه من یشاء) و بر محله دخی کلور (الامن ارتضی
من رسول) و بر موضعه دخی (و سلام علی عباده الذین اصطفی)
و بر برده دخی کلور (و ربک یخلق ما یشاء و یختار) و لکن معانی لغویله لری
حسیله فرق وارد یعنی اجتناء علی طریق الاصطفا جمع و بر نسنه نک
جمع اولمشنی تناویدر زیرا جی فتح و سکون ایله جمع معناسنه در *
انکیچون جامع الماء اولان حوضه جایه و خراج جلب و جمع ایتمکه
جباب و جا معنه جابی درلر و ارتضارضا دند رس خطک ضدیدر
حفلک بر قولی اختیاری کمال رضاسنی مستلزم اولمغله مر ترضی دینلمدی و حدیث
قدسیده کلور (هذادین ارتضیته لنفسی) مراد دین اسلامدر که مختار جقدر
(ورضیت بالله) دیمک آلهی اختیار ایلدم و انکله اکتفا ایدوب غیر
معبود طلب ایتمدم معناسنه و * اصطفا بر نسنه نک صفو و خلاصه سنی و اختیار
جزئی تناول و اخذدر * دیمشدر که اهل الله انواع اوزرینه در (اولکیسی
عوام اهل الله دره و مؤمنون موحدوندر) (ایکنجسی خواصدر که سالکون
سائر و ندر) (اوکنجسی خاصه الخاصه در که قرب توافل ایله متحققلدر
(درکنجسی خلاصه خاصه الخاصه در که قرب فرائض ایله متحققلدر
(بشجسی صفاء الخلاصه در یعنی صفوة الخلاصه در که مقام قاب قوسین
صاحبلریدر که ذکر اولمان ایکی قربک مابیننی جمع ایتمشدر در) (التنجسی
عین الصفادر یعنی ذکر اولمان صفوتدن مختار اولمدر که مقام اودنی
صاحبلریدر که جمع مذکور ایله مقیدد کلردر بکله اوج مقامده بله دور
اهلیدر بو معنایم پیغمبرمیزک و کل ورثه سنک خاصه سیدر پس

مولانا قدس سرینک بطریق الحکایه مجتبی و مر ترضی پیور دینی معنای
مذکوره اشارتدر خصوص امر ترضی عبارتند حضرت علی
کرم الله وجهه یه ائمه خاص وارد که اکا علم کبی اولمشدر علی ایسه سر
دفتر اولیاء و سر چشمه اصفیا در انکیچون جمیع اولیائک سلسله ولایتی
اکامتهی اولور پس اکل ورثه اولمشدر مظهر سر علی اولمغله مر ترضی
اولور لفافهم جدا * تغب * غاب یغیب دن مخاطبدر غیبت فتحله حضورک
ضدیدر قضادن مراد مقضی سؤدر زیرا کرچه قضا و قدر و حکم خالق
القوی و القدر بر در و لکن مقضی خیر و شر اولور تنکم و بالقدر خیر و شر
درلر فلان کسیه قضاء بد ایرشیدی دید کلری مقضی بده محمولدر
انکیچون دعاده یارب قضاء بد ازما بکردان دیمک جائزدر تنکم خواهه
حافظ کلما تنده کلور * دوران چومی نویسد بر عارضت خط خوش
* یارب نوشته بد از یارما بکردان * پس مستخرج الفصول نام کلبده
فلانه قضاء بد ایرشیدی دیمک خطا عظیمدر دید یکی خطا عظیمدر
زیرا دعاء مذکور ده قضا مقضی معناسنه اولد یغی کبی قضاء بد ده
دخی بویله در کفره رضا کفر اولد یغی مقضی اولد یغی جهتدنددر
والا کفر دخی قضادندر که متعلق ایماندر * ضیق * وسعتک ضدیدر و فقر و بخل
و غم و امثالنده دخی مستعملدر * افضاء * فائله حریم دار و کشاده و اسع
بر صحرا کبی بوراده مراد فضاء قلب در که انک طاراغندن مقصود
غم و غصه و حزندر تنکم دفع حرجده اشارت اولندی و قرآنده کلور
(وضائق به صدرک) الآیه ضائق الفضا جواب بعد الجوابدرو یا خود
ضرورت و زنجیون حرف عطف حذف اولمشدر در تنکم مقدمه
جززیده کلور (ثم لاقصی الخلق همزه ای همزه وهاء) (معنای بیت)
بودر که خوش کلدک و قدم کتورد ک ای برگزیده عالم و سرآمدنی آدم
اگر سن بزم ارامن دن من بعد غائب اولور سک و مقصود حاصل
اولمندن بزی ترک ایدوب کیدر سک بزم باشمزه قضای آلهی کلور
و بلای عظیم بزی بواور و حامل اولمکیدن بتر اولور و صحراء ده غم
و مساوت طواوب فرح و سروره بر قالمار و بلکه بتون دینا باشمزه طار
اولوب * هب سنکیچون در بنم دنیا بلاسن چکدیکم * یو خسه عمرم
واری سنسنز نیلرم دنیای بن * پس سنک حضورک خیر محض

وغيوتيك شر صرف در * کوسه ترميه بر مرده خدا عالمی * نسز *
 زیرا که وجودك سبب امن واماندر * نتکم قرآنده کاور (وماکان الله
 ليعذبهم وانت فيهم) ونبی علیه السلامك وجودی عذابدن امان
 اولدیغی کبی ولیك دخی وجودی خسراندن اماندر زیرا وارثدر *
 فاما بعد تمام المصلحه غیوبت لایأسدر نتکم شمس تبریزی ایلہ مولانا یه
 واقع اولدی قدس سرهما * حقیقی بودر که مادامکه نفس انسانده
 بقیه وجود اوله و امر تزکیه کمال اوزرینه یرین بولیه اثر غضب باقیدر *
 چون مرشدك اصلاح وارشاد ایلہ اول اثر زائل اوله سبب سخت کیدوب
 رحمت آلهی ظهور ایدر انکیچون سوره فاتحه ده انعمت علیهم مقاله
 سنده صکره غیر المغضوب وارد اولدی زیرا فی الجمله نعمت غضبی منافی
 دکلدن پس سالکالردن مبتدی و متوسط اولنلرک حالی بونک اوزرینه قیاس
 اولنه * بونده اشارت واردر که آثار روح دوام اوزرینه اختفاده اولسه
 احکام نفس ظهور ایدوب قلبده حضور قالمار و قوای روحانییه دن
 بریسی مستترج اولماز پس ایمانله کفر طرح و طاعتله فسق جرح و تقوایله
 میل ماسوای قطع و اسرار حق باقی و انوار معارف ایلہ ظلمات
 وجودی ازاله لازمدر (لحرره) مهر و ماه منیر نوبتله * اولسه کرماله
 مشعل افروز * ظلمك بردخی یوزن کورمن * طالب نور اولان کشی شب
 روز * بعدذا بومقامك اطاعتدر که قضایه متعلق اولان مضمون
 لسان عربی اوزرینه ایراد اولمشدر * زیرا بعض اخبار ده کلور الله
 تعالی رحمته متعلق امر مراد ایلسه فارسیه ایلہ تکلم ایدردی یعنی لسان
 عربک غیر لسانه وحی ایلردی سریانی و عبرانی و غیر کبی وعذابه
 دارنسنه قصد اینسه عربیه ایلہ تکلم ایدردی انکیچون حضرت قرآن
 لوح محفوظدن بیت العزته نزول ایتدیکی وقتده ملائکه کرام صعقه
 ایلدیلر زیر قرآن عربیه واسم محمدیه بی استماع ایتد کده عقابه متعلق حکم ظن
 ایتدیلر و بوجلاته اشارت ایدوب حدیثده کلور (بعثت بالسیف) مع هذا
 رحمة للعالمین ایلہ معلم و رافت عظیمه ایلہ توأم بروجود شریف و مکرمد
 (لحرره) ناکهان کلسه قضاء مبرم * حاصل اولور انکله نیچه ورم *
 دفعه چاره یوقدر آه مکر * مصطفی ایدہ شفاعتله کرم

* انت مولی القوم من لایشتهی *
 * قدردی کلا لئن لم ینته *

* مولی * صاحب امر اولانه دیرلر پادشاه و سایر سادات ورؤسا کبی
 * قوم * رجالده مستعملدر خاصه نتکم واقعدر * ع * اقوم آل حصن
 ام نساء * ولیکن قاموسده رجال ونسایه شمولنه دخی اشارت اولمشدر
 بوراده تعمیم انسبدر زیرا نسادن دخی کلمات کلمشدر * اشتها * آرزو
 ایتکدر فعلک مفعولی محذوفدر لایشتهیک دیمکدر * ردی * رمی وزنی
 اوزره سقط فی البئر ورنی وزن اوزرینه هلاک ایلہ تفسیر اولمشدر
 رمی وزننده اولان دی هلاک معناسنه اخذ ایتد کلمی بحسب الغالب
 سقوطه هلاک لازم اولمغله در (کلا لئن لم ینته) قرآندن اقتباسدر کلا کلمه
 زجر و منع در حقا معناسنه دخی کلوب مضمون جمله بی تحقیق ایچون
 مابعدنه مصروف اولور قد کلمه سی کبی لئن ده لام توطئه قسم ایچوندر
 لفظا و یا تقدیرا قسم تقدم ایتد کدن صکره شرط اوزرینه داخل اولور
 تا که جواب قسم ایچون از لوب شرطك اولمدیغن ایدان ایلہ بوراده
 قسم مقدردر والله لئن لم ینته دیمکدر و جواب محذوفدر که ردی کلمه سنک
 مدلولیدر بو محمله ینته اشباع اولنور تا که یشتهی به موافق اوله انتها
 نهی اولندیغی نسنه دن منزجر اولیق (معنای بیت) بودر که ای مهمان
 غیبی سن امراض وجود معالجه صددنده اولنلرک مطلقا سیدی
 و صاحب الامر و منعمی سن شویله که سنک نعم علاج و مداواتکی
 اشتها ایتیه و بلکه بانذات سنی سومیه و صحبت که طالب اولیه تحقیق بئر
 هلاک دوشدی بو عدم اشتها و طلبدن منزجر و مرتد ع اولسون
 و اعراضدن رجوع ایلسون والله اگر منزجر اولز سه و سنک حقه که
 قلبنده داعیه بولز سه هلاکی مقرر و مغضوب علیه اولسی محققدر
 بونده اشارت واردر که اهل کمال اولنلره محبت و صاحب ارشاد اولنلره
 ارادت و ترک بغض و عداوت لازمدر زیرا بونلرک وجودلری سبب
 نجات و صحبتلری باعث حیات و ارشادلری مدار ترقیات ورؤیتلری
 تجلی ذاتدر * و بومقوله کرچه سادات جمع انام و اشراف خواص
 و عوامدر ولیکن اکثرک عدم اتفا علری جهتیه ذکر و تخصیص اولندی

و قرآنده (افرم یعلمون) و نظائری کبی بعد از انجات صور و معنوی
اولدینگی کبی هلاک دخی بوبله در مرض صوری ده اطباء بدنه عدم
مراجعت بحسب الغالب موت صوری یه مؤدی اولدینگی کبی
مرض معنوی ده دخی حکمای قلبه عدم التجاء موت معنوی یه مجر اولور
اول بر موت هائلدر که موت اضطرار یله انتقا ایدن صکره بردخی
انکیچون حیات متصور دکادر انکیچون قرآنده کلور (من کان فی هذه
اعمی فهو فی الآخرة اعمی) مقصود عمای بصیرت در انسان اشرف
اعضا اولان بصیرله منتفع اولسه هالک حکمنده در بصیرت دخی
بو کافیا اولنه * زیرا وجود اعضا و قوادر عبارتدر (لحرره) ایتدن
ضرب دست موت اخراج * ایله چشم دله براوز که علاج *

* چون گذشت آن مجلس و خوان کرم *

* دست او بگرفت و برداندر حرم *

* مجلس * جاسدن در جلس قح و زننده اصلده ارض غلیظه معناسنه در
انسان جلوس ایتدیکی زمان صلابتلی بر قصد ایتکله اوتور دینگی
موضع مجلس دیدیلر صکره هر قعوده جلوس و انسانک هر
اوتور دینگی بر مجلس دینلدی واعظانک کلمتیه مجاس دیدکری
عند الاداء جلوسلرینه بناء در خطباء العرب ایسه بحسب الغالب قیام ادا
ایدرلر اما حریری قعودله جلوسک مانی فرق ایندوب دیمشدر که قائم اولانه
امر ایدوب افعد و نام و یاسا جدا اولانه اجلس دیرلر زرافه وود علودن
سفله انتقالدر انکیچون ایاغنده عارضه سی اولوب حر کتدن عاجز اولانه
مقعد دیرلر جلوس ایسه سفدن علوه انتقالدر انکیچون ارض
نجده جلس دیدیلر ارتقا عندن اوتوری * بوسیدندر که ملو کدن
بری تخت کچسه جلوس ایدی دیرلر * خوان * بوراده ضمه نعمت
حاضر در کرمه اضافتی ضافتک کرم بایندن اولسبله در *
* حرم * اولک دائره سنده اولان حوالیه درلر عجم خاندان دیرلر
خاتونلردن حرم ایله کنایت ایتدکری کبی عجم خاندن ایله کنایت
ایدرلر * و بوقول کنایه نک نظائری چوقدر * نیکم شریف کسه دن
جنابله و حضرتله و مجلسله کنایه ایلیوب السلام علی حضرت المبارکه و جنابه
الشریف و مجلسه اللطیف دیرلر مقصود کندی اوزرنه سلامدر

* و منقاد *

ولکن حضرت وجستاب و مجلسک اکا نوع تعالی اولمغله اجلالا
واعظا ما طریقه کنایه یه سلوک ایدرلر (معنای بیت) بودر که
چونکه خارجه اول مجلس وانک اوزرنه مترتب اولان قدوم ضیف
ضیا فتی کچی واکرام مهمان یرن بولدی پادشاه انک الن طوتوب
حر منه ایتدی نیکم کبار ناس اراسنده عادت جاریه در که اکرام
مراد ایتدکری کسه نک بالذات او کنه دوشرلر ویا الن طوتوب
بر موضعن بر موضعه ایدرلر و ملاطفه و مباسطه کوسرلر خصوصاً
که حر کنلری مصلحت مهمه بی متضمن و منفعت مخصوصیه بی
مستقل اوله بونده اشارت واردر که روح سلطانی مرشد کمالک
صحنه داخل اولدقده طریقت نامه لوده توبه اولدینگی اوزره
ماملکنندن نسنه بدل ایتکله و خصوصاً اطعما له اکرام ایلدی و انابت
کرده اولوب آتی حرم دله ایتدی تا که نفس حیوانیت احوالی
عرض ایلدوب سرندن آگاه قله (لحرره) قنده اغزی آچق
واریه چوکل * اتمه بلبل کبی آتی همر از * کوه ایت قد رازی
افشادن * اولیه تارسن آه دراز *

* قصه رنجور و رنجوری بخواند *

* بهدازانش پیش رنجورش نشاند *

* قصه * کسرله امر و خبر و حدیث و سلفک حکایه لری زیر اقص
تبع الاثر یعنی بر نسنه نک ایزن ارامق وایزنه کتمکدر پس قصه
و قصص اخبار متبعه معناسنه در * رنجور * خسته در تر کیده
تحریف ایدوب رنجل دیرلر اصلنده الله اعلم و اولک قحیله در رنجلو
معناسنه زیرا ورذو معناسن افاده ایدر که ترکیده اندن لوالیه
تعبیر اولور * رنجوری * ده یا مصدربه در * خواندن * قحله و و او
رسمیه او قومق و دعوت ایتک بوراده مراد بیان و تقریردر *
* رنجورش * ضمیری نشاند مقید در نشاندش دیمکدر ضمیر اولی ناکیددر
نشاندن نشستن لفظنک متعدد یسبدر نصب و اجلاس ایتک معناسنه
(معنای بیت) بودر که خسته نک و خسته لکنک خبری بیان و تقریر
ایلدی و حال و شاننی بالدر و ب سولدی اندن صکره آتی خسته یانه
اجلاس ایلدی عادت ناس اوزرنه که حکمای خسته یانه اجلاس

ایدرلر تا که یث آتی ده کله جک امور مطاع اوله لر (بوندن فهم اولور که
پادشاه طبیه استدلال یوزندن حاصل اولاجق علی تقریت ایچون
مقدم مریضک بعض احوال ان اعلام ایلدی * زیرا اعلام علم طبیه
کوره یینه کییدر انکیچون فقها دیشلدر که رفاضینک بر ماده یه علمی
لاحق اولسه خار جدن یینه اولمقجه حکم ایتمک کر کدر * مقصود
روح سلطانی ک حکیم آلهی یه نفس حیوانی نک مرض نفسانی یه
مبتلی و میل ماسو ابله رنجور آس اولدیفن اعلامدن صکره حکیم
آلهی دخی بالذات استعمال احوال ایچون نفس حیوانی ایله اولان
معامله سن بیاندر (بونده اشارت واردر که مریض اولان کسسه
طبیه و طالب حق اولان مرید مر شده مقارن کر کدر
ترجان ابله ایش تمز و ایراقدن تمار ابله مرض کتمز انکیچون مثل
مشهور در که اصمرله حج قبولی اولمز دیرلر

* رنگ رو و نبض و قاروره بدید *

* هم علامات هم اسبابش شاید *

* رنگ روی * بوزک لونیدر دیشلدر که اخلاط اربعه دن قان غالب
اولسه چهره نک لونی قزل و صفرا غالب اولسه صاری و بلغم غالب اولسه
بوزارق و سودا غالب اولسه سیاهه مائل اولور * نبض * لغتده طبرک
حرکتده دیرلر اما عرف خاصده مهورک اولان معهود طمرده مستعملدر
اطبا دیشلدر که نبضک احوال مختلفه سی واردر * اگر نبض سریع
یعنی تیز نیز حرکت ایدر سه حرارته دلالت ایدر * و اگر بطی یعنی
کج کج حرکت ایدر سه برودته دلالت ایدر * و اگر وسط حرکت
ایدر سه اعتداله دلالت ایدر * و اگر عریض یعنی طمرطواو و ابلو
اولور سه رطوبته و ماده چوقلغنه دلالت ایدر * و اگر دقیق یعنی اینجه
اولور سه یوسسته و ماده ازلفنه دلالت ایدر * و اگر مشرف اولور سه
یعنی قتی یوکسک حرکت ایدر سه حرارته دلالت ایدر * و اگر منخض
اولور سه یعنی الحق حرکت ایدر سه قلت حرارته دلالت ایدر *
و اگر قوت ابله حرکت ایدر سه که پرمغه قتی طوقنه مزاجک
قوته دلالت ایدر و اگر ضعیف اولور سه ضعفنه دلالت ایدر * و اگر لین
یعنی یومشق اولور سه رطوبته دلالت ایدر * و اگر صلب یعنی قتی و بک

اولور سه یوسسته دلالت ایدر * و اگر حار یعنی طبراسی اولور سه حرارته
دلالت ایدر * و اگر بارد اولور سه برودته دلالت ایدر * و اگر مستوی
اولور سه یعنی بر دوزه یه حرکت ایدر سه ایودر بدنک خوشاغنه
دلالت ایدر و اگر مختلف اولور سه بدنک حالی یاوزاغنه دلالت ایدر *
و اگر هم سریع و هم لین اولور سه دم غلبه سنه دلالت ایدر * و اگر
سریع و صلب اولور سه صفرا غلبه سنه دلالت ایدر * و اگر بطی
و لین اولور سه بلغم غلبه سنه دلالت ایدر * و اگر صلب
اولور سه سودا غلبه سنه دلالت ایدر معلوم اولاکه دمک طبیعتی
کرم و تر و بلفمک سرد و تر و صفراک کرم و خشک و سودا نک سرد
و خشکدر نکم بوستانده کلور * مزاجت تر و خشک و کرم است و سرد
* مرکب ازین چار طبیعتست مرد * یکی زین چو بر دیگر
یافت دست * ترازوی عدل طبیعت شکست * قاروره * شراب و امثالی
نسنه قرار ایدن زجاجه یه دیرلر بوراده ذکر محل و اراده حال طریقیله در
* زیرا مقصود قاروره ایچنده اولان بوا در اطبا دیشلدر که
قاروره نک رنگی تور مج قانی رنگی کی اولور سه و رایحه سی قتی
تیز و قوامی قتی غلیظ و قتی رقیق اولماز سه اعتداله دلالت ایدر
و صافی و دبنده و یا چوره سنده و یا اوستنده غلیظ ثفل اولور سه
کم اکا رسوب دیرلر اعتداله و نضجه یعنی اخلاطک بسکن ایدوکنه
دلالت ایدر و اگر قزل و بولانی اولور سه قان غلبه سنه دلالت
ایدر * و اگر قتی قزل و یاقره اولوب صافی و رقیق اولور سه سودا غلبه سنه
دلالت ایدر و اگر قتی صاری و صافی رقیق اولور سه صفرا غلبه سنه
دلالت ایدر و اگر کفی چوق و غلیظ اولور سه بلغم و یل چوقلغنه دلالت
ایدر نقدر کم قاروره صاری و یا قزل اوله اول قدر حرارته دلالت ایدر
و هر قاروره کم آق و یا صاری و یا قزل اولیه هلا که دلالت ایدر
(والله اعلم) اشته بو عوام حالیدر خواص اولنلر ابله الله اعتماد
ایدوب اسبابه التفات ایتمز نکم احمد بن ابی الحواری ایدر محمد
بن سماء مریض اولدی قاروره سن بر نصرائی طبیه ایلمک استندم
یولده کیدر کن براسی پاک کوچک رایحه لی کسینه ملاقی اولدم
قنده کیدر سن دیوسوال ایلدی قضیه یی خبر و بر دم اول او کیم سبحان الله

حق و لیسنه عدوسندن استعانی ایدرسن الکنه کن بره اوروابن
سماکه دیکم اغرن برینه البنی قوسون دخی (و بالحق انزلناه و بالحق
نزل) دیسون دیوغائب اولدی دوتوب کلوب ابن سماکه واقع اولانی
خبر و یردم اول دخی دیدیکی کی ایلوب فی الحال اول مرضدن خلاص
اولدی و اول کوردوکلک کشی حضرت پی علیه السلام ایدی دیویوردی
(لحرره) التجا ایلله اطبایه * بس دکلمی علاج روحانی * نیلسون
جسم ضعیفه بیمار * چون قبول ایلله روح آنی * بدید * کوردی
دیگر شهریان عجم بانک کسر یله و روستایلی ضعیله او قورلر ایکسیده
وجهدر * بعد ذا * بو کلام اکتفا قیلندندر زیرا نبضه خفی اولدیغی
جهتدن رؤیت تعلق ایتمز بلکه مسله وقوف حاصل اولور و کذلک
مصراع نایده اشتمک اسبابه کوزه در علاماته کوره کور مکدر * هم
لفظنده ابن کمال دیمشدر که هم موافقت ایچوندرا یکی کشنک بور مکده
ایاقلری بری برینه او بوشسه همپادیر و علی هذا برهم دخی وارد که
اندن ده ایلله تعبیر اولور مثلاً او ده کلمدی دیه جک رده عجم او هم
نیامد در و هم بر معناده دخی مستعملدر که ترکی دلدده ده هم ایلله تعبیر
اولور نیکم واقعدر * بدان کس نام غواص بود زرق * که هم
در جوبده هم ترسد از غرق * همچنان * ده که هم ده اول همدر ترک
هم اویله در دیر عجم همچنان نیست دیر انتهی باختصار ظاهر اولان
بودر که هم ابکی معنایه کلور که بری موافقت و بری جمعیت و معیتدر
ابن کمالک اشارت ایدیکی معنای ثانی و ثالث جمعیت و معیت بایندندر که
نیز لفظی کی و او طافه معناسن افاده ایدر که ترکیده اندن دخی
ایلله تعبیر اولور بیت مشویده و نظائرند اولان هم دخی بو معنایه
محمولدر و الله اعلم (معنای بیت) بودر که طیب قادم رنجور
مقادمک یانه اوتوروب یوزنک رنگنه و قاروره سنده اولان بولانق
لونه نظر ایلدی و طمرنه یا پشوب حر کنک کیفیتنه و کیفیتندن
حقیقت مرضه مطلع اولدی مرضک هم علاماتی کوردی و هم لسان
پادشاهدن اسبابی اشتدی و استدلال ایلدی زیرا دیمشدر که (علمان
خبر من علم واحد) اسبابی جمع ابراد ایلدی زیرا که اولور که برنسنه ک
اسباب کثیره سی اولور مثلاً حسانک سبی تعفن اخلاطدر ولیکن

خارجدن دخی اسباب کثیره سی وارد * بعد ذا مرض بدنک
رنک روی ذکر اولنان تفصیل اوزرینه در ولیکن مرض عشق رنکی
صاری اولور نیکم یونس امره کلساتندر کلور * صوردم صاری
چیچکه بکرنک ندن صرردی * جواب و یردیکه عاشق بکزی صاری
اولور و نائلی نعتنده کلور * صرردر ذکر و فکرک چهره سن
ارباب نوحیدک * سیه خاکی زرایلر کی یادر یار سول الله * و مبتدی
اولان سالکک لونی دخی بویله در زیرا ریاضتندن و غم طلبندن
چهره سی صرارر ولیکن منتهی اولنلرک لونی ستر حالنده بیاض و صافی
و بجلی حالنده قرمزی اولور زیرا اول وقتده حرارت غریزه مشتمل
اولوب چهره یه تغیر کلور و اسنیلاء حرارتندن ناشی رطوبات دخی
سطح بدنه انتقال ایدوب عرق یعنی در حاصل اولور انکیچون
بو حرارت زائل اولدقدده دتره مک و او شتمک عارض اولور * زیرا
حسمه خارجدن هوایا اثر ایدوب برودت مزاجه سبب اولور نزول و حیدن
صکره فخر عالم صلی الله علیه وسلمک تدیری بو معنایه بناء تسخین
مزاج ایچون ایدی نیکم قرآنده کلور (یا ایها المدثر) و غافل و محجوب
اولنلرک لونلری دخی قز لدر ولیکن بو حجت کثرت اکل و شرب بندر *
زیرا بو کثرت ایلله حرارت غریزه قوت بولوب ظاهر بدنه نضارت
و طررات حاصل اولور انکیچون حار المزاج اولنلر چوق لباس
کیمز لر و چهره لری دائم سرخ رنگدر و بویله اولق مذمومدر و نفس
حیوانی نک ریاضتندن مقدم اولان لونی بو نوعدندر و هدایی قدس
سره کلسنده کلور * عادت ایدینه طوقلغی * و حدتده اول قوچوقلغی *
یولداش ایدر سک یوقلغی * دوست ایلته یتسک کرک * مصراع
اول طبعیه و مصراع ثانی اصلاح نفسیه اشارتدر زیرا کثرت میل
ایتمک هوای نفسدندر و مصراع ثالث قضاء کلییه و رابع
مطلب اعلایه و صوله اشارتدر * و نبضدن مراد نفس حیوانی نک
ماسویه میلی نک عرق متحرک اولمقددر و جائزدر که نبضه یا شمع
تجربه دن کنایه اوله نیکم بر ماده ده فلانک نبضنی طوتم دیرل مراد
تحصیل و قوف ایچون فی الجملة تعرض ایلدم دیمکدر * اگر چه که
میشد کامل اولان تجربه محتساج دکلددر * زیرا بادی امر دن نور کشف

وقوت فراستله حقیقت حاله مطلعدر قلمایم مرتبه سنه خارجه شهود
منضم ارنجق امتحان اولنق شایعدر * حقیقتی بودر که وجود انسان اندن
مترک اولدیغی جسم و روح و وجود نه تابع اولان شریعت و حقیقت
مرتبه لن رعایتیه منبیدر فافهم جدا * و قاروره دن مراد زجاجة
دادر که ایچنده اولان بولیه مراد نیا و هوادر که بوسیدن طلب حقه
مزاجی منحرف اولمشدر الحاصل مرشد کمال نفس حیوانینک رنگنه
باقیدی و نبضنه یابشدی و قاروره سنه مطلع اولدی بلدیکه حیوانیتی
غالب و ماسوايه میلی زیاده و حب دنیا و شهوات ایله آلوده در (لحرره)
ای کمال اهلنه اولان بنده * دیمه زینه هار شو یله یم بنده * کوزی
آچقره نمایاندر * اول کسک حالی کم دوشه بنده *

* کفت هر دارو که ایشان کرده اند *

* آن عمارت نیست ویران کرده اند *

* دارو * حکیم اونی و در مان معناسنه در * ایشان * ضمیر جمع غائبدر
مفر دی اودر طبیبانه راجعدر * اند * است لفظنک جمعدر که ادات
خبر در آر بعید ایچون اشارتدر عربیده ذلک کی آن لفظنک اولفظندن
فرقی بودر که آنک مدلولی مجرد اشارتدر اسم معین و اسم مبهم ایله
جمعی جائزدر مثلاً آن زید و آن کس دینلور اما اولک مدلولی شی
مبهمدر پس شی مبهمه و یاشی معینه دلالت ایدن اسمله جمعی جائز
دکدر مثلاً اوزید و او کس دینلر * عمارت * خرابک نقیضدر عرب معمر
و خراب و عجم آباد و ویران دیر (معنای بیت) بودر که هر درمانکه طیبیلر
جاریه خصوصاً ایلدیلا اول درمان قیلندن دکدر بلکه درد
قیلندن درد ایسه و حودک ویرانلغنه سبیدر عمارتنه دکل پس
بو کلامده مسببی سبب مقابله اقامت واردر * بعدذا بر کلامده طریق
مبالغه به سألوک واردر نتکم ادات شمول اولان لفظ هر دن مستفاد در
و یا خود اکثر کل حکمنده قلمشدر و جائزدر که حقیقتیه محمول اولوب
اطبائک اصلاً و قوفلری اولیه و هر معالجه لری عقیم کله و الا فی الجملة
ارمشاهده اولو دی و بعض مرتبه خفت مرض بولور دی نتکم اوائل
داستانه اراد اولنان بعض ایات بومعنائی مؤید و بومضمونه شاهددر
ولکن احتمال واردر که معالجه لری کار کر اولماق ترک استنادن ناشی

اوله پس اصلاً و قوفلری اولماق لازم کلز بوندن فهم اولور که جاهلک
جهلنی اظهار ایتک کر کدر تا که خلق اکا اعتمادله متضرر اولیلر نتکم
فاسقک فسقنی افشایتمک لازمدر تا که ناس اندن احسنراز اوزره اوله
وبونده اشارت واردر که ارباب رسوم و اصحاب تقلیدک نفس حیوانییه
ایتدکری معالجه لری وارشادلر یرنده دکل ایدی انکیچون زیاده انحراف
مزاج و اختلال حاله سبب اولدیلا زبرا مرض اولان مرضیه نیجه
مداوات ایدر پس اطباء جهلا جاریه نک هلاک صور یسنه سبب
اولدق لری کی ذکر اولنان بی وقوفلر دخی نفس حیوانینک هلاک
معنویسنه باعث اولمشلردی و لیکن عنایت باری یاری اولوب طیب
آلهی ظهور یله خستلر هلاکدن نجات و امان بولدیلا صحت وجود
و استقامت دل ایله منتفع و مغتنم اولدیلا (لحرره) حمد لله کیم قیوم
مرشد کمال ایله * نفس کافردن چوزادی عقده لری زنا روار * نار عشق
ایچره یانوب شرک وریاسی بولک * سکه توحید اولدی اوستنه دیناروار
* بی خبر بودند از حال درون *

* استعید الله مما یفترون *

* درون * کله سنه اولان درایج معناسنه در درون ایچرودر آخرنده کی
واو نسبت ونون تأکید نسبت ایچون زیاده قلمشدر لسان فارسیده
حرف یادن معنای نسبت اخذ اولندیغی کی واودن دخی اخذ اولور
نتکم هندو دیرلر و ترکیده عزتلو دخی بوقیلندن حال درون صفت
دادر * استعاده * عود دند زغیره التجا و تعلق معناسنه استعاده پناه دیلیوب
التجا کوستر مکدر * افترا * یلان دوز مکدر کذبیدن اخصددر * زیرا کذب
گاه اولور که غبره تقلیده اولور اصله لی فری در قطع و زننده جلدی علی
وجه الاصلاح قطع معناسنه در و افرا علی وجه الافساد قطعدر
(معنای بیت) بودر که اطباء حال دلدن و صفت باطنندن بی خبر ایدیلر *
دعوی حذافت و تعیین مرض و تخصیص معالجه ایتدکری کذب
و افترا مقوله سندن ایدیکه واقع مطابق دکل ایدی بن الله صغورین
و اکا پناه طورین انلرک افترا ایتدکری نسندن و یا افترا زدن زیرا
برنسنه که افترا و بهتان و شر و طغیان قیلندن در اندن اللهسه التجا
اولور تا که دفع ایله و انسانه انکله انصافی کوستر میه بوراده مدعیلری

شیطان و افترا بی شر شیطان تشبیه واردر انکیچون آلهه استعاده
ایلدی زیرا شیطان مضل و ضار اسمنه مظهر در پس هر نه قدر
ضلال و ضرر واریسه انک شری تحتند مندر جدر و انکن خیر صورتند
کورینن اهل شره شیطان ایض دیرل اسوددن بواسطه در زیر امکری
خنی و اندن احتراز مشکدر * بونده اشارت واردر که نفس حیوانی به
معالجه صد دنده اولان مدعیلر فی الحقیقه اهل دل مقوله سندن دکلردی
والا * ع * اهل دل بری برین بلمک انصاف دکل * و فقیحه اهل
دل اولان کیمسه اهل دلک احوالندن با خبر اولور بی خبر اولماز پس انک
که دردی درونه متعلقدر برون اهلی آتی نه ییلور * بیت * نه بلسوز حالی
بی درد عشق یار اولان ویسی * محبت بر بلاد کم گرفته ار اولیان بلز
بعدا بولامده اولان جرح ممدو حدر * زیرا واقعی بیان طریقه در *
دید رنج و کشف شد بروی نهفت *
لیک پنهان کرد وبا سلطان نکفت *

* کشف * لغتده رفع حجابدر اصطلاحده وراء حجابده اولان معانی
غیبیه و امور حقیقه بی ادراک و شهوده دیرل انواعی واردر بالاده بالاجمال
اشارت اولمشدر * پنهان * بآء عجمینک فقیحه مخفیدر مقابلی پیدادر که
مظهردر * سلطان * سلاطنه ندر قهرایتمکه قادر و متمکن اولق معناسنه
انکیچون پادشاهه سلطان دیرل (معنای بیت) بودر که مهمان غیبی
جاریه نک مرضی کوردی و حقیقتی آنک اوزرینه کزلی منکشف اولدی
یعنی سرا بلدی و کشف طریقه تشخیص مرض قلدی ولیکن اخفا
ایلیوب مرضی ندن اولدیغن پادشاهه سویلادی و حقیقت حالی علی
افور بلدرمدی (سؤال اولنورسه که یوقار وده حال دروندن بی خبر
اول قلوبن اخبار ایتمک اظهار سروتعیین مرض قیلندن دکلدر
(جواب بودر که او کلام بطریق الایهام وارد اولمشدر زیرا آنک
مقصودی حقیقت مرضک انلردن مستور اولدیغن اعلامدر *
وبرخی بودر که مولانادن علی طریق البیان واقع اولمشدر فافهم
جدا (سؤال اولنورسه که پادشاهدن اخفایه سببندر) (جواب بودر که
مقتضای حکمت اوزرینه جریاندر زیر افشاده مقاسد چوقدر بری
بودر که اول امر دن جاریه نک حالی کشفده هتک برده واردر که صاحبی

یافته انی خجالت و فضاحتد دوشور مکدر مع هذا پادشاهک برودت
قلبنه دخی سبب اولوب حسن زندگانی و کمال ازدواجده مانع اولور
* و بری دخی بودر که معشوق اولان زرکری تحصیلده صعبتدر پس آنی
سهولتله اله کتور مدن اوتوری عاشق و معشوق حکایه سن طی ایدوب
ستر حال ایله مقید اولدی * و بری دخی بودر که تدریج و تأنی اقتضا
ایدن امورده عجله ایتمک مذمومدر احتمال واردر که علی الفور افاده
وافشاده مکاشفک حالی لاف و کذافه محمول اوله * و بری دخی بودر که
جاریه نک مرضی پادشاهک ملحوظی اولان امراض جنسندن دکل
ایدی پس افشاسی حکیمدن خارج اولغله حالی اوزرینه ترک ایلدی مع
هذا دیمشدر که بعد الطاب منساق اولان نسنه بلا تعب حاصل
اولاندن الذدر * بونده اشارت واردر که مرشد کامل نفس حیوانی بی
کوردیکی کبی مرضنه مطالع اولدی زیرا کندی دخی مقدمات اول
مرضه مبتلی اولمش و ازاله ایدنجه نیجه طیب آلهی به مقارنت قلمشدی
ولیکن براو غردن روح سلطانی به افشاسی ایتدی زیرا ازاله سی
مقدمات کثیره ترتیبه موقوف ایدی تدریجله زائل اولان بلایه خفت
اولغله بادی امر دن روحی غمه دوشورمدی و تأنی طریقه سلوک
ایلدی یوخسه نفس حیوانی نک حب ماسوی ایله حالی خراب اولغین
روحی نا امید ایتمه دن اوتوری دکل ایدی * زیرا فی الجمله نا امید لک
مرشده عدم مقارنتده اولور برنسنه نک چاره کری یوانده حصول
هر نقدر متعسر کورنسنه نه میسر درنتکم مولانا حضرتلری پیورر *
کرتوسنک صخره و مرمر شوی * چون بصاحب دل رسی کوه رشوی *
نتکم محسنده شرح اولنور ان شاء الله تعالی * و بری دخی کتم ایتدیکی
کندی کالنه دارنسنه اولغله دکل ایدی تاکه (لاتقص رؤیاک) ایله
عمل ایلیه و حالنی اغیاردن کزایه الحاصل مرشد کاملاک روحه مقارنتی
اصلاح نفس و طبیعت ایچوندن زیر بو معنی حاصل اولد فقیه روخک
کالی ظاهر اولماز و بر زخدن قورتلماز پس امر سلوکده تدریج بولن
طوتدی زیرا کمال انسان تدریجدر که قرق سنه ده حاصل اولور و ریاضات
و مجاهداتده تشدید ایتدی بلکه سهوات و تأنی کوستردی زیرا
خبرده کلور (نفسک مطینک فارفق بها) و برنسنه نک وقتی کلمد کجه

حقیقتند آن گاه ابلدی * زیرا فائده سی یوقدر کرک مجاهدات و کرک
اسرار انکیچون بومقوله حکیم آلهی دی شلردر * زیرا هراشی
مقتضای حکمتدر و خبرده کلور (الامور مروهونه باوقاتها) (لحرره)
اولمدین وقتی مبه جانک * کیم بیلور لذت و دادن آنک *
❖ رنجش از صفرا و از سودا نبود ❖
❖ بوی هر هیزم بدید آیدز دود ❖
* هیزم * کسریله شول اودن اغاجیدر که هنوز کسماهش اوله یرنده
بتوب طوره کسلد کدن صکره هیمه دیرل * هیمه زفت طولم قدر هیمه کش
اودن جکندر * بعدذا صفرا و سودا اکتفا قیلنددر مقصود اخلاط
اربعه در مصراع ثانی تمثیل و تعلیل طریقه در (معنای بیت) بودر که
جاریه نك زحتی صفرا و سودا و یا غیر اخلاطك غلبه سندن دکل ایدی
زیرا یوقروده ذکر اولدیغی ارزره علامتی یوغیدی اولسه لابد مرض
بلنوردی زیرا هر هیزمك قو خوسی دخا نندن آشکاره کلور یعنی هراغاجك
قو خوسی اگر طبیب و اگر خبیث دخا نندن بلا و در نیکم عود دید کلری
اغاجك راجحه طبعه سی دخا نندن شم و انور پس جاریه ده امر اض بدینه
نشانی مفقود و دخان آه موجود اولمغله اول دخاله عشقه استدلال
اولندی و مرض عشقه مبتلا اولدیغی بلندی بونده اشارت واردر که
نفس حیوانی نك چهره سی ارباب ریاضاتك وجوهی و اصحاب
مجاهداتك سیماسی کی ریاضت و مجاهده دن سر رمش و یا سودای حقه
یانوب قررمش و یا (الفقر سواد الوجه فی الدارین) و فقیحه اثر سیادتله
نشا نلمش دکل ایدی بلکه هیمه زفت کی شهوات طبعیه و لذات
نفسانیه دن وجودی فربه اولمش و یوزی حرمت دم صورتی بولمش
ایدی انکیچون اندن سفلیت قو خوسی کلور دی بس دود آثار طبیعت
و بوی سفلیت اشارت او اور و بومقوله مرضك علاجی ریاضت و مجاهده
ایله در تا که هیزم آتشد یانوب کل اولدیغی کی وجود بشر دخی ار یوب
فنا بوله انکیچون وجودی هیزمه تشبیه ایلدی زیرا هیزم ایله وجود
بشری ثمره خاك اولم ده مشترک لردر اودون اغاجی نامی اولم لرك
غلیظی اولدیغی کی وجود انسان دخی بویه در زیر اسفل سافلینه
رد اولمش و انواع حجب ایله بورینوب غلظت قبول ایلمشدر غلیظ

وکیف فسنه بی تربیه ثانی ایله اولدیغی کی وجود انسانی بی اصلاح
دخی تدربجمله در انکیچون اول ذکر جهری اندن ذکر خفی ایله امر ایدر
زیرا ذکر جهری آت قویه کیدر (لحرره) تیشه ضرب ذکر مولایی
* یونمغه نفس پلیدی اله آل * یا خود آتی مشال هیمه زفت *
نار پر هیزه آتوب کلخنه صال *

❖ دید از زاریش کوزار دست ❖

❖ تن خوشست و او گرفتار دست ❖

* زاری * ایکلادی ناله کی زیر زاریدن اکلک معناسنه در نالیدن کی زار اسم
فاعله در زار بلیق ایدیجی و ایکلیجی معناسنه نالان کی * گرفتار * طو تساق معناسنه
وصف ترکیبدر گرفت آردیم کیدر یعنی جرم و کنه کنور یجی زیر طو تساقله
سبب یا حقیقه و یا ادعا جرم در صکره هر طو تقون و مبتلی ده استمهال اولندی
و جائزدر که گرفتن آردن مر کب اوله طو تنق کنور یجی معناسنه دیدار کی
کورمک کنور یجی معناسنه (معنای بیت) بودر که طبیب الهی اول جار یه نك
ایکلد یسندن مطلع اولدیکه اول جاربه در در و نندن و کوکل بلا سندن
زار و نالاندر تن خوش و صحت ده در و اول غم عشقه مبتلادر (سؤال
اولنور سه که تن خوش اولنج، نیجه، مر بوض دیناور) (جواب بودر که
مقصود فی الحقیقه اخلاط اربعه غلبه سندن ناشی تنه متعلق مرض
اولدیغی بیاندر بوندن ایسه تن فی الجمه ناخوش اولمق لازم کلزیرا
دلک عشقه تغیرندن تن دخی انحرافدن خای دکلدر نیکم خاوری نظمیده
کلور * قدوزاف و دهانك حسرتی لام ایلدی قدم * خدا یلور بنم
صاغ ارلجامم بوالمرله (بونده اشارت واردر که هر فسنه نك حقیقتنه
وصوله اثرندن استدلال اولنور نیکم نسیمی کلانده کلور * درویشك
پیرینی صور مق دیدیلر عادت دکل * عارفانه يك نظر قیل کسوتندن بلا و در
زار یلقدن و کذلک آه و امثالندن عشقه استدلاله وجه بودر که بومعانی
امر باطن اولان قلبدن ظاهر او اور و علوی دن سفلی یه منحدر اولان
معنی علوی نك حایله تکلیف ایدر و عکس دخی بویه در نیکم بر فسنه نك
دخانی جوهرینك حقیقتی ایله تکلیف ایدوب صاعد اولور پس امدی
آه و زاری دخی بویه در ولکن کیفیتنی ادراک ایتک خفی اولمغله هر کس
واصل اولماز بلکه اومقوله حاله مبتلی اولان بلور (لحرره) جکرمدن

ایریشور بوی کباب * استشموه یا اولی الالباب * بعد از نفس حیوانی کرچه تن
جهتله خوش ایدی زیر اکل و شرب و سایر معاملات یرنده ایدی و لیکن
عشق مجازی به مبتلی اولغله خسته حکمیده ایدی حکیم آلهی آنک حب
ماسوایله نالان اولغله بغن کورد کده حقیقت حالنه مطلع اولدی و دردی
نه دن ایدیکن بلدی بوندن ظاهر اولور که مرض دل مرض بدندن
اشددر انکیچون ادراکی خفی در شوبله که تشخیصی حکیم آلهی کبی دل بیلور
کسیه موقوفدر و بوندن حکیم روحانینک دخی طیب جسمانیدن اقوی
اولدیغی فهم اولندی (لحرره) مرشد کامل ای دل بیمار * مظهر
اسم پاک شافیدر * نیلسون عاشقه داروی حکیم * شربت مرشد
اکا کافیدر * و بومقامده بر معنای خفی دخی واردر که دادن مراد
روحدر نفس حیوانی تن مثابه سنده اولغله روح آنک صور تنده
نالان اولمشدر پس حکیم آلهی نفس حیوانینک زار یلغن کورد کده
بلدیکه بوزاری بق روحدر که نفس حیوانینک میل ماسوایله بیمار اولمی
سیله در زیر عارف اولان مظهره نظر اینک بلیکه ظاهره نظر ایدر (لحرره)
نفس اندندر دلك المی * چکر انکیچون آهیدن علمی
* عاشقی پیداست از زاری دل *
* نیست بیمار چو بیماری دل *

(معنای بیت) عاشقی بلادر کوکل زار یلغندن یعنی کوکل زار یلغی سائر
زار یلغلر کبی دکدر پس نه محله کی اوزار یلغی ظهور ایده عشقه نشاندر که
آنی ارباب و قوف بیلور بر خسته لک بوقدر کوکل خسته لکی کبی یعنی کوکل
خسته لکی سائر خسته لکله قیاس اولماز زار سائر خسته لکله جسمانی
و بو خسته لک روحانیدر روحانی اولان مرض ضرر و عذاب ابرایسه جسمانی اولاندن
اشد و اقوادن برا معالجه سی مشکدر و هم روح خفت و اعتدال اوزر بنه
اولغله بدندن زیاده متأثر و منفعل اولور نتکم حین انتقالده کربت پیغمبر
علیه الصلاة والسلامه بوجه بودر زار روح شریفی اعدل الارواح
و مزاج لطیفی اعدل الامزجه در و عمر بن الفارض قدس سره
دیواننده کلور * ع * وکل بلا ایوب بعض بایق * یعنی ایوب علیه
السلامک بلاسی ظاهر بنده ایدی بنم ایسه جانمده در مع هذا ایوب قوت
نبوتله مؤید بن ایسه دکلم پس بنم بلام اندن اشدر و نجاتی شهرنده

* کلور *

کلور * ع * دردم اول دکلو دکلو در که اوله شربتله علاج * و مولانا
جامی کلماتنده کلور * نتوان علاج عشق تو کر خود طیب را * صدبار حقه
ههء مداواتهی شود (لحرره) صائمه آسان اوله بلای کوکل * بوکانک
چکن بیلور زورن * طاعنره دوشدی در دله فرهاد * دیدی بمنون
بوايشده معذورن * ولیکن درد عشقک حالی بوبله ایکن بنه درد عشق
یار سزاو لستق نه مشکل بلا در نتکم نفی دیر * بلا اندر بلا در
دله درد عشق باراما * یاز قرآ کاکم بر بوبله سودادن مبرادر (لحرره)
سر مجنونی کورک لانه مرغان اولدی * کلسون کیمسه لک باشنه
هر کز بوبله * محنت عشقه تحمل ایده هر هر بر دل * مکر اول دلکه
از اید دیدی بلایه بلا

* علت عاشق زلتهها جداست *

* عشق اصطرلاب اسرار خداست *

* جدا * آبرو دیمکدر بوراده نوعیت معناسن افاده ایدر * اصطرلاب *
کله بویانه در اصطر تراز و ولاب آفتاب معناسنه در اصطرلاب ترازوی
آفتاب دیمکدر نتکم نظم ایدوب علماء نجوم دیمشدر در * اصطرلاب لفظی دم
یونان * بمعانی ترازوست بدان * لاب از واسم آفتاب آمد * تا اصطرلاب
از صواب آمد * که بالفاظ وفق یونانی * تو ترازوی شمس می خوانی *
معلوم اوله که علم اصطرلاب ایله چرخه منسوب اولان امور بلور مثلا
ارتفاع آفتاب و کریت افلاک و بروج و ثوابت و سیارات و نجوم جنوب
و شمال و لیل و نهار و ساعات و باقی احوال و احکام و اوضاع کبی نتکم
دیمشدر در * هر چه در سخن چرخ منسوبست * در صطرلاب جمله
مکتوبست * (معنای بیت) بودر که عاشقک علت و مرضی سائر علتلردن
و مرضلردن آبرودر و باشقه بر نوع علتدر یعنی هیچ بر علت بکزن من ز را
تعفن اخلاط و اختلال عناصردن دکدر بوبله اولسه هر طیب جسمانی
اکا علاجه قادر اولور دی عشق اسرار خداک اصطرلاب ایدر یعنی
علم اصطرلابله اجرام علویهک احوالی مضبوط اولدیغی کبی عشقه
دخی حقک اسرار علویه سی معلوم اولور ز را اسرار آلهیه عالم
غیبندر عالم غیب ایسه عالم شهادتک فوقنده در افلاک کره ارضک
فوقنده اولدیغی کبی نتکم انفسده دخی روح جسمک فوقنده و سر

اصطرلاب بفتح
الهمزة الالة
المعروفة ومعناه
میران الشمس
فکانه قال اسطر
الشمس اشاره الى
الخطوط التي فيه
قبل اول من وضعه
بطليموس صاحب
المجسطی وکان
سبب وضعه له انه
کان معه كرة فلکیة
وهو راكب
فستقط مناه
فداسها دایته
فخسفتها فبقیت
الاصطرلاب وکان
ارباب علم الرياضة
يعتقدون ان هذه
الصورة لا ترسم
الا فی جسم کری
على هيئة الافلاک
فلما رآه بطليموس
على تلك الصورة
علم انها ترسم
فی السطح ویکون
نصف دائرة
و یحصل منها
ما یحصل من الكرة
وضع الاصطرلاب
ولم یسبق الیه و ما

اهتدی احد من المتقدمین الى ان هذا القدر يتأتی فی الخط (من مختصر ابن خلدون)

دیدگاری مرتبه دخی روحك فوقنده در وصفه دل لوحه اصطراب
 کیدر (سؤال اولنورسه که اسرار دیدگاری حقایق اشیاء پس علوی
 وسفلی اولان اشیاء حقایق دکل (جواب بودر که حقایق ایکی نوعدر
 ری آلهی وری کونیدر حقایق آلهیه علویدر ز برامتعلق الله تعالیك
 ذات وصفات وافعالیدر انکیچون علم آلهی اجل العلومدر حقایق
 کونیه ایسه سفلیدر ز برامتعلق اشیاء خارجیه در پس غیب وشهادتک
 میانده فرق جلی اولدیغی کی ذکر اولنان ایکی حقیقتک مابینده دخی
 فرق ظاهر واردر ولیکن مجلای اسرار مطلقا آینه دل وواح ضمیردر
 ز را الواح برقاج دورایدر براوح واردر که لوح حقیقیدر که علم اللهدر
 و بواوحددر که تغیر وتبدل قبول ایتمز بطن ام بواوحد ناظردر و براوح
 دخی واردر که عقل اولدر واکالوح فوقانی دیرلر ز برام عالم خلقه کوره
 انك فوقنده لوح بوقدر و براوح دخی واردر که نفس کلیه در واکالوح
 تحتانی دیرلر که اسم مفصله مظهردر ز برام جمیع نفوس جزیه اندن
 تفصیل ایتمشدر پس بوایکی اوح رجل و مرأه مشابه سنده در و براوح دخی
 واردر که لوح محفوظ دیرلر الله تعالی آنی دره بیضادن خلق ایتمشدر
 بواوحددر که تغیر وتبدل قبول ایدر اشیاء خارجیه انك احوالی بواوحد
 ناظردر و براوح دخی واردر که اون سکن بیک عالم دیوتیمیر اولنور الواح
 صوریه وجزیه دندر و براوح دخی واردر که عالم انفسده دل انساندر
 و بواوحد جمیع الواحك اسرارنه مجلی وانوارنه مرآتدر اهل اللهك بعض
 مغیبتدن خبر وبردگاری اوح داده اول معنائك صورتی منتقش
 و سیری منعکس اولق حسبیه در پس اول براوحددر که جمیع اکوانك
 ملکوتی انده مندرج وجمله ملکوتك حقایق آنده مند مجددر ولیکن
 ظهوری جلا وصفاته مبیندر که عشقه حاصلدر انکیچون قلب اوح
 اصطراب وعشق علم اصطراب کی اولدی و بوندن فهم اولنور که
 علونك معرفته وسبیل اولان دخی علویدر پس عشق مطلقا
 ممدوحدر ز برام احوال معشوقه اطلاع سبیدر واسرار علویه عشقندن
 غیری وجهله حاصل اولماز فاما اسرار سفلیه بالکن ریاضت ویاغیری
 اسبابله حاصل اولق ممکندر ولیکن مقبول دکلدر ز برام اهل الله قانده
 معتبر اولان کشف علویه در سلفیه دکل محکیدر که حضرت مولانا

اولادندن دیوانه چلی دیرلر برکیمسه وارایدیکه کشف سفلیه اربابندن
 ایلی حالت احتضارده آیدوب مکر بزطریق مستقیمدن غافل ایتمشدر
 ز برام کشف سفلیه وحقایق کونیه اعتبار بوقدر بلکه حجاب وحیض
 الرجال عدا ولنور (لحیره) علم اسرار ایسه مقصودك اگر * عشقندن
 طوت النکده اصطراب * بیله سن تاحقیقتی اوزره * نه نك اوسننه دوز
 بودولاب * وله * ایله رغبت حقایق کونه * ایده کور عالم آلهه دخول *
 محرم حق اوله کور چون مردان * زن * بی اوله حیضله مدخول *
 * عاشقی کرزین سرو کرزان سرست *
 * عاقبت مار ابدان سور رهبر ست *

* سر * باش و اوج و طرف وجهت معنارنده مستعملدر و مجازا سودا
 وهوی معنارنده دخی استعمال اولنور * این * لفظی قریبه اشارتدر که
 مجازدر ز برام نشأه انسانیه نك اوانلنه کوزه قریبدر و حقیقتنه اشارت
 اولق دخی بعید دکلدر نتکم قریبی اولان بیت سابق اکاقرینه در و * آن *
 لفظی بعیده اشارتدر که حقیقتدر ز برام عشق حقیقی بحسب الغالب زمان
 طویلدن صکره حاصل اولغله بعیددر بعدذا * زین * سروزان سر * لفظ لموندن
 معنای جار منسلخ اولوب عرفده بو کونه و بونوعه معناسنده استعمال
 اولنمشلردر نظاری چوقدر ازین دست وازین کونه وازین نوعه
 وازین سر بر معنایه درگاه اولور که جزء ثانیهی حذف اولنور نتکم
 کاستانده کلور * ع * ازین مه پاره عابد قریبی * ازین کونه مه پاره
 تقدیرنده در بو کونه معناسنده ولیکن الفاظ مذکوره بعض مواردنده
 معانی لغویه سه محمول اولسه دخی معنایه خلل کلز بیت مشوبده واقع
 اولان زین سروزان سر کی شکم تصویر معناده کلور * عاقبت *
 آخر انجام کار معناسنده در اصلنده عقب در که مؤخرالجلدر * بدان سو *
 جانب حقه اشارتدر که مبداء الکل در اصلنده بان در الفداله قلب اولنمشدر
 * رهبر * قولوز در اصلنده راه برنده در یول ایلچی معناسنده (معنای بیت)
 بودر که عاشق اکر بو کونه در که مجاز در واکر اول کونه در که حقیقتدر
 و یا خود اکر مجاز جهندن واکر حقیقت یوز نندر آخر کار جانب
 حقه بزه قولوز در عشق محازی نك وصول حقه وسبیل اولدیغی بودر که
 عشق حقیقی معشوق حقیقی به واسطه اولدیغی کی عشق مجازی دخی

عشق حقیقی به طریق قدر * زیرا عشق عقیق برسانسانی تلطیف
و همومی هم واحد و تفرق خاطری قطع و خدمت محبوبی اندید و معشوقن
امر نه امتالده اولان تعب و مشقتی تسهیل ایلر بویکی میانده بحباب
رقیقدن غیر یوقدر که متعلق بیک تغایر یدر شویله که معشوق مجازی
یرینه معشوق حقیقی وضع اولسه درست اولان عشق اکا و صولده
کار کر اولور و کفایت ایلر غیر بر عشقه دخی احتیاج قالدز فافهم جدا
و دیمش لردر که (المجاز قنطرة الحقیقة) و صائب دیوانده کلور *
رشته عشق مجاز سر حقیقت کشد * حلقه توحید شد رشته زار من *
معلوم اولاکه جمله مظاهر مجز مقوله سیدر و مجاز حقیقتک آیدنه سیدر
نتکم شیخ مغربی بیورر * بجا شود بحقیقت عیان جمال حقیقت * اگر
مظاهر و آیدنه مجاز نباشد * یعنی هر مظهر مجازی ده ظاهر اولان
اسم حقیقیدر پس انتقالده لفظ ایله معنی ارا سنده واسطه اولد یخی کبی
مجاز و حقیقت ارا سنده دخی یوقدر حقیقتیه بحباب اولان مظهرک
تشخیصیدر نتکم معنایه بحباب اولان لفظک تعیینیدر پس مجازدن حقیقتیه
انتقالده پرده لطیف وارد که مجازک حقیقتیه آیدنه اولد یغیر آیدنه
ایسه صورت پرده اولماز پس مجاز حقیقتیه بومعنادن ذهلدر فافهم جدا
(لحرره) ظهوری کوزله کر مش * نه یوق آتی بر کور مش * بوسره
واری هیچ ایر مش * بوزوق واری هیچ سور مش * الحاصل حقله
خلقک ارا سنده ارتباط و تعلق عشق و محبت ایله در و معنی غلبه ایلسه
لوح دالده صورت معشوقدن غیر قالملاز و دیده حقندن غیر نظر انداز
اولاجق نسنه بولماز پس عشقندن غیر حقه و شهودنه هر شد و هادی
اولماز (لحرره) اولسه کربال و پرانسانه عشق و شوقندن *
قوت بازویله ممکن میدر پرواز دوست * تکیه گاه عالم ایچره بسدر در ویشه
عشق * عشق اکاهم دو سندر معینده هم بر اوز که پوست *

* هر چه گویم عشق را شرح و بیان *

* چون بعشق آم خجل باشم از ان *

* خجل * خاء معجمه نك فحی و جیمك كسرینه كسف و زننده حیادن
متخیر و مدهوش اولان كسینه دیرل عوام ناس غلط ایدوب خجل دیرل
خشین و سلیس دید کبری کبی و لکن * ع غلط اولادر اولیحق مشهور *
و فقیحه شعر بعض اخلاطی شعرارنده استعمال ایتشلردر نتکم شاهدی

لغتده کلور * سلیس و شوخ ورنکا میر و موزون * و نفیعی نك بعض
قصا ننده دخی کلور * عقده رشك و حسد بوق دل بی باکده *
اولسه نظم سلیسمده عجمی تعقید * و شرح اکلده کلور (الخطاء
المستعمل خیر من الصواب النادر) معنای بیت) بودر که عشق ایچون
هرنه شرح و بیان سوبلیم عشق شودر و احوالی بودر دیو تعلیم ایلیم
چونکه عشقه کلم وانکله بالفعل محقق اولام و عشق نید یکن
وجودمده ظهورندن بیل اول شرح و بیانندن خجالتده دوشرم
و سوزندن اوتانورم زیرا ایتدیکم شرح و بیانی واقعه مطابق بولم
و حقیقت عشقی جمله کنت و کردن برتر بولورم زیرا انك حقیقتی عاشق
ایله قائم بر معنا در پس عشق بیانه صغیر و دفتره کیرمن و تقریر و تحریر
کو ترمن انکیچون قدر در حقایقه متعلق کتب مؤلفه وار ایسه رموز
و اشارات قبیلنددر که حقایقک بعض آثار و احوالیدر کنههی دکل
زیرا کنههی اهل حقیقت ایله قائمدر مقطعات فرآینده و متشا بهات
فرقانییه به متعلق اولان شرح و بیان دخی بویا بدندر * و اهل الله قاتنده
جمع اسما و الفاظ مجاز در زیر بر نسنه که اسانله ملفوظ و سمسله مسموع
و قلم ایله مکتوب و قلب ایله محفوظ اوله مجازه محمول در کرک حقیقت عرفیه
و مجاز عرفی اولسون کرک اولسون حقیقت بونک ماوراسنده در نتکم خواجه
حافظ کلاننده کلور * ای آنکه بتقریر و بیان دم زنی از عشق * مابا تونداریم
سخن خیر و سلامت * الحاصل عشق خالدر حال ایسه قاله صغیر ز را قال
تنکدر که عالم ملک و شهادتنددر و حال واسعدر که عالم ملکوت و غیبنددر
عالم ملک عالم ملکوته نسبتیه ایسه بر صحراء بی پایانده بر خیمه کبیدر پس
حال یوقدر و ستمله قاله نیچه صغر و اولکه بعضیلر دیمش لردر * عشقم
که در دو کون مکانم بدیدن نیست * عنقای مغربم که نشانم بدیدن نیست *
بونده مکان عشقک عدم ظهوری عشقک بی مکان اولد یغندن کتابه در
* زیرا عشقک قلبه تعلقندن انده تمکنی لازم کلز نتکم روح سلطانی
دخی بدنه کوره بویله در و عنقای مغرب دخی کوه قافه کوره بوکا قیاس
اولسه زیرا قافده ائی کور مش یوقدر مکر بعض اخبار ضعیفه ده
وارد اولد یخی اوزره اسکندر کور مش اوله * پس عشق تحیر و اتصال
و انفصال و بونلرک اشالی اوصافدن بریدر و لکن هر کالی عشق بلدورر *
و هر جالی عشق کو ستر نتکم یونس امره قدس سره رموزنده کلور *

یوسف یوزنده نه کوردی زلیخا * ایسی افغان اولویدر عشق اندن * یعنی
 زلیخا به نجلی * عشق واقع اولوب یوسف علیه السلام یوزندن جمال حق
 مشاهده قیلدی انکی چون انک ایتمدیکی عشق بازلی غیر یلر ایتمدی و محمدیه ده
 کلور * بولدی مریم بکرایکن بر شمه حسکدن اثر * اول سپیدن طپدی لر
 عیسی به چندین ماه و سال * یعنی عیسی علیه السلامه طپد قلری عشق
 اوچندن ایدی زبرا عشقه اول حسن آلهی شمه سنه مطلع اولدی لر
 ونا چاره سرفرو قلد یلر پس شهود حقه سبب اولان عشق حقیقده
 عبارت صغیر مشهود کبی زبرا صفت حقدر تکم حضرت همدانی
 قدس سره کلماتده کلور * بو کائنات ابتدی ظهور * موج اوردی چون
 دریای عشق * الحاصل روحی بان عشق دخی نیدیکن بلور بوا یسه نجلی
 آلهی ابله حاصل اولور پس بوادرا کدن محبوب و غافله حصه بو قدر
 (و بونده اشارت وارد که عشق حقیقی به وصولده کفت و کو کسلور
 زبرا مقتضای فناء کلیدر تکم شیخ سعدی قدس سره بیورر * عاشقان
 کشتگان معشوقند * بنیایدن کشتگان آواز * تکم پراونه سوزان اولمزدن
 مقدم عشقندن خبر ووردی زبرا هنوز خبر مرتبه سنده ایدی صکره که
 سوزان اولدی خبر منقطع اولدی زیرا رجوعی ممکن دکلدن تکم یونس
 امره کلماتده کلور * دردم بلنمز درمان بولنمز * کتدم کلنمز عشق اندن *
 و بعضیلر دیشلر در الفانی لایرد الی اوصافه سؤال (اولنور سه که
 عشق مقتضای نناء کلی اولیج بقاء نفسدن ناشی اولان خجالت که بیت
 مشوبده درج اولندی نیچه صحیح اولور (جواب بودر که بوندن مراد فی نفس
 الامر ایکی مرتبه نک مبانی فرقدن که مرتبه خبر و مرتبه عیاندر کرک اوراده
 خجالت اولسون و کرک اولسون (و بری دخی بطریق التمثیل وارددر
 مقصود اگر ظهور عشقه وجود نفس اواسه و یردیکم خبردن خجالت
 دوشردم دیمکدر و بری دخی خجالت عشق بعض مراتبه کوره در
 یو خسه سکر کلی حانه کوره دکلدن زبرا اول وقتده نفسده شعور
 قالمز پس خجالت ندن کلور * سرای ایچنده اسر کلر اوتورمش *
 کوزدم مالک و نعمان کورنم * دیه نک کلامی دخی بوکا محوادر فافهم
 جدا (محرره) غرق دریای فنا اولسه کوکل * قالمز ازنده وجود نفسانی *
 اهل دل عشق دگشمن کونه * بر پوله آلز اهل نفس آنی *

کرچه تفسیر زبان روشن کرسست

لیک عشق بی زبان روشن کرسست

* کرچه * کرادات شرطدر کاه اولور که اولسه برهمزه کشوروب
 اکر دیرلر بوراده عرییده ان وصلیه مقامنده مستعملدر * تفسیر *
 فسرک مبالغه سیدر فسر کشف حجابدر مطلقا و تفسیر بی شبهه
 کشفدر * کر * کاف عجمیه ادات فاعلدر روشن کر روشن ایدیجی وزر کر
 قیومجی و آهنکر دمور جیدر پس اسم فاعل معنای کاه اولور که
 مشتق دن اخذ اولنور کنده کبی و کاه اولور که غیر مشتقندن اخذ
 اولنور کروا مثالی کبی عشق بی زبان تفسیر عشق بی زبان تقدیرنده در
 تفسیر زبان قرینه سیله و بوندن فهم اولنور که متعلق تفسیر عشق
 تکم بیت سابق و لاحق دخی اکاقرینه در (معنای بیت) بودر که اگرچه
 تفسیر زبان عشق و احوالی و متعلقاتی روشن قلبی و ابضاح ایدیجیدر
 زبرا زبان تقریر و بیان ایچون خلق اولمشدر تکم قرآنده کلور علمه البیان
 ولیکن تفسیر عشق بی زبان تفسیر باندن روشن تر دیر یعنی اگرچه تفسیر عشق
 زبانه مقارن دکلدن ولیکن زبانه مقارن اولان تفسیردن وضوح و جلاده
 زیاده در برقاج وجهله (اوله کبی بودر که عشق فعل و تفسیر زبان
 قول مقوله سیدر که فعل ایسه تأثیرده ارجح و ابضا حده اقوی و افاده ده
 اشملدر انکی چون بی کوش و با کوش اوانه شاملدر * قول ایسه
 با کوش اولانه مخصوص در و بو مقامندر که دیشلدر (و اذالمقال مع
 الفعال وزنته * رجح الفعال و خف کل مقال) * ایکنجیسی بودر که لسان فرع
 و قلب اصلدر عشق ایسه قلبک صفتیدر تفسیر زبانک صفتی اولدیغی
 کبی پس نور شمس نور قرک اصلی اولدیغی کبی تفسیر قلب دخی تفسیر
 لسانک اصلیدر و اصلک فرع اوزرینه مزنی وارددر انکی چون نور شمس
 نور قره غالبدر (اوکنجیسی بودر که زبان آلتدر و آلت ابله حاصل
 اولان معنی ترتیب حر و فیه و سرد کلماته و مرور زمانه موقوفدر زبرا
 لسان قادر و قال ایسه قیددر عشق ایسه بویله دکلدن * یعنی آله
 محتاج دکلدن بی آلت اولان نسته ایسه دفعیدر زبرا حالدر و حال ایسه
 اطلاقدر معلوم اوله که لسان حال لسان روحک غیر دیر تکم دیشلدر لسان
 الحال انطق من لسان المقال (سؤال اولنور سه که نطق الحال دلت الحال
 کائنطق معنایسته مشبهه به ایسه وجهه مشبهه مشبهندن اقوادر بوراده وجهه

شبه معنای ایضاح و ذهنه آنی ایصال در پس لسان حال نیجه انطق
اولور (جواب بودر که ذکر اولنان معنی خصوص مادیه کوره در بوراده
انطق مجرد ادل معناسنه در پس لسان حال لسان قالدن ادل اولش اولور
فافهم جدا و خواجه حافظ کلماتنده کلور * ارباب حاجتیم وزبان سؤال
نیست * در حضرت کریم بتناچه حاجتست * الحاصل فقیرک غنی
حضورنده قیامی سؤال مقالدن ادلدر تنکم بالاده بیان اولمشدر
(در دیجسی بودر که هر کسک لسانی تقریر حننده مطاوعت قلز
و ایضاح می آمده مساعده ایتمز و بلکه گاه اولور که کلامده خلاف مقصود
دخی درج اولوب صعوبت حاله و یا حرمان و خذلانه سبب اولور لسان
حال ایسه بونلردن اسلمدر خلاصه کلام بودر که لسان ایله عشقی تفسیر
ایتمکدن ایسه عشقی کنیدی حاله قومی یکدر زیر بریده عشق وجودی
اولسه تفسیر لسان فائده ایتمز و اولسه تفسیر لسان حاجت قالماز زیر عشق
عالم حقیقتدن و تفسیر زبان عالم مجاز دندر پس فی الحقیقه مجاز حقیقی
شرح و بیانه قادر دکلدر عشقک ظهوری تقریر و بیان استمز زیر
شمس کبی کوزاویه کزلی دکلدر و ستره دخی امکان یوقدر تنکم صائب
کلماتده کلور * عشق از پرده فانوس برون می آید * این نه شمع نیست
که فانوس کند تسخیرش * مراد فانوس دل و یا فانوس بدندر یعنی فانوس
نور شمع ضبط و ستره قادر اولمایوب شعله سی پرده بیرون اولدیغی کبی
فانوس دل و فانوس بدن ایله عشقک حالی دخی بوبله در و کمال خجندی
دیواننده کلور * راز عشقت چون بیوشاند دلم * کی شود
مصباح پنهمان در زجاج *

* چون قلم اندر نوشتن می شتافت *

* چون بعشق آمد قلم بر خود شکافت *

* قلم * براعه در یعنی بونلردن آلت کتابة در و یا خود بونلشنه
دیرل قلم سکونله اصلنده طرئق و امثالی صلاب مقوله سی نسنه لری قص
ایتمکه دیرل اقلیم دیرل ارضک بدی حصه سندن حصه مقطوعه اولمق
اعتباریله * بر خود شکافت * منکسر اولدی دیمکدر مراد عجز در ز برانکسر
اولان قلم عملدن قالور و کتابة برامز تنکم بر خود پیچید دیرل مضطرب
اولدی معناسنه در اضطراب حالنده بولمق و دور ملک وارد در (معنای بیت)

بودر که چون قلم تحریرده ابودی یعنی عشقندن غیر معانی بی باز مقده
دایرلک ایلدی و مسارعت و بی پروا لقی کوستردی زیر اعهد سندن کلمه که قادر
ایدی چونکه عشقک تحریرینه کلدی یعنی حقیقت عشقی باز مغه کلجک کنیدی
اوزرینه یارلدی و منکسر اولدی یعنی عجز کوستردی زیر احق بیاندن قاصر
ایدی الحاصل قلم هر یرده جوهر دلک ایدر و لکن عشقده دکل زیر اقلیمدر
و عالم صورتندر و مجازدر عشق ایسه معنادر و عالم ملکوتندر و حقیقتدر
پس نیجه قلمه کلور و کذلک قلم متناهی در عشق ایسه غیر متناهی در متناهی
و محصور ایسه غیر متناهی و نامحصوره و فایتمز تنکم قرآنده کلور (ولوان
ما فی الارض من شجرة اقلام و البحر یمد من بعد سبعة ابحر ما نفدت
کلمات الله) عشق خود کلمات حقک بر کزیده سیدر * بعدذا بو کلامده
بطریق الفرض حال قلمه اشارت وارد در یعنی فرض قلم عشقه کلسه و انکله
انسان عاشق کبی بالفعل متحقق اولسه یا زمقندن قالور و عشقک تأثیرندن
پاره پاره اولور تنکم جبل طور وقت تجلیده پاره پاره اولوب ثبات و قراره مجالی
قالمدی * بوندن فهم اولور که قرائت و کتابت ایله مشغول اولمق عشقندن
مقد مدر سلطان عشق ظهور ایتد کده رسوم متلاشی اولور واد وات
مطل قالور (لحرره) حیرت عشقه دوشن انسانک * اوقیوب یا زغمه
عقلی ایرمز * کارا قلدن اوقیوب یا زمق * عاشقک فکر نه سوی کرمز
و بو کلامده قلم اعلایه دخی اشارت وارد در زیرا الله تعالی نقوش کائناتی
قلم اعلا واسطه سیله ثبت و تحریر ایتشد و قلم اعلی ابتدای خلقنده
بالفعل عشق مرتبه سنده دکل ایدی بلکه محبت مطلقه مقامنده
ایدی * زیرا عشقک غایتی روحک بدنه تعلقندن صکره ظاهر اولدی
چونکه بونلر ایه تنزل ایدوب حقیقت عشقه قلمه بالفعل متحقق
اولدی و کار عشق نهایتن بولدی مقصود حاصل اولدی و انکسار نک
وقتی کلدی پس عجز کوستردی زیر اعجز کالات انسانیه دندر بلکه
نهایت النهایات در انکی چون قطب الاقطابدن زیاد قادر و زیاده عاجز
یوقدر فافهم جدا و صائب نظمنده کلور * در کف عشقم عاجز ورنه در
میدان رزم * شیر مرد انرا به جنک خویش می آریم ما * و بو کلامده بر اشارت
وارد در که قلم اعلی مرتبه عشقه تنزل ایتد کده منکسر اولدی یعنی نشاء
انسانیه ایله تحریر موجودات تمام اولدی زیرا انسان آخر الموجوداتدر

پس انکسار قلم تمام رفتند (لحظه) امر حقیقه قلم اعلی * یازدی
هر صورتی روجه اتم * چونکه نوبت ایرشدی انسانه * ختم ایدوب
خطی انکله دیدی تم *

* عقل در شرحش چو خرد کل بخت *

* شرح عشق و عاشقی هم عشق گفت *

* شرحش * ضمیری عشقه عا ددر * خفتن * یامق و او یونق معالزنده
مشتراک در بوراده اولیکسی می ادد (معنای بیت) بودر که عقل معاش
جزئی عشق شرح و بیانده خر کبی با لطفه باندی یعنی عاجز و زبون
اولدی زیر عقل عقالدندر که قیددر و عقل ابله مقید اولان دل عالم
کلدن تجاوز ایتمز عشق ایه عالم اطلاق ددر انکی چون دل عاشق عرش
و کرسیدن گذرایلر وری دخی عقل دادعام و عشق فیض صادر *
پس عوام خواصک حالنی نه بیلور و عالم ملک کاتبی عالم ملکوتک احوالنه
مطلع اولوب نیچه تحریر قبله ور مرغ خانکی جلوه طاووسه قادر
اولدینی کبی عقل دخی عشق جلوه سن ایده من و عقل ملح اجاج
و عشق عذاب فرات کیدر پس تلخ چاشنی اولان شیرین مذاق ابله رابر
اولماز بناء علی هذا عشق و عاشقک شرحنی نه عشق سولر و تحقیق و تدقیقنی
نه اول ایلر تکم دیمشلددر * زبان لالان هم مادر لالان داند * بو مقامک
حقیقتی بودر که عشق ددر اطلاق و عقلدن تقید حاصل اولور زیرا اهل
عشق اولان صاحب کشف اولور و مکاشف اولان اولاحق تقدیس
و اطلاق اوزر نه ادراک ایدر و اندن مظاهر مقیده نک معرفته نزول ایدر
پس صاحب کشف اشیا بی حقله بیلور یو خسه حتی اشیا بله باز عقل
ایسه حتی اشیا مقیده ابله بیلور پس انک شانی تقید در مثالی بودر که
بر کیمسه اولازیدی بله زیدک معرفتدن کالاتنی معرفته انتقال ایدر
و کالاتدن بر نسنه ابله آتی تقید ایتمز اما اولازیدی بله و لیکن کاتب
اولدینی جهندن بله زیدی کاتبه تقید ایتمش اولور پس قیده
نهایت اولدینی کبی قید اهلنه و قید اهلنک شرحنه دخی نهایت وارد
و اطلاق نهایت اولدینی کبی اطلاق اهلنه و اطلاق اهلنک شرحنه
دخی نهایت یوقدر چونکه عقل چاشنی عشق ددر بی مذاق قدر بوفنه
دخول ایده من و عشقک کتدوکی بوله کیده من عشق براسب صبا رفتار

و عقل بر خر گرفتار کیدر و بونده عقل معاش اهلنک حالنی تقبیح
وارد در خصوصاً عشقه متعلق اولان مباحثه لینی زیر انسان بلدیکی فنی
شرح ایتمک کمال جهالتدن و تجربه ایتمدیکی کاره متصدی اولق زیاده
غرورننددر پس هر فنی اهلی بیلور تکم کاستانده کلور * بوریا باف اگر چه
بافتده است * نبرندش بکارگاه حریر *

* آفتاب آمد دایل آفتاب *

* کرد ایلت باید ازوی رومتاب *

(معنای بیت) کنش کلدی کنشه دایل سکا کنشک وجود نه دایل کر کسه
کیشدن یوز بوکه و چورمه یعنی کنشه دایل اولان ینه کنشک نور مستطیل
و منتشر ایدر که ذاته متصلدر یو خسه اول نورک عکسندن حادث اولان
سایه دکلدر زیر حادث قدیمه دایل اولماز بلکه فی الحقیقه حادثه دایل
قدیمدر پس کنش سایه سنه دایل در انکی چون قرآند کلور (ثم جعلنا
الشمس علیه دایلا) و دیمشلددر که لولا الشمس لما عرف الظل و لولا
النور لما عرف الظلمة و الاشياء تبين باضدادها و خبر صحیحده کلور
(عرف ربی بربی و اولار بی ماعرفت ربی) اگر چه بو خبرک ظاهری ربی
ربک تعریفی ابله بلدم دیمکدر تعریف ایسه انفسی و آفاق اولان دلالتله
شاملدر ولیکن اشیا مظاهر اسماء و لغله حقک ذاتنی تعریف ایدن ینه
اسما سیدر پس حق کندی ذاته دایل اولمش اولور فاما اولکه (من عرف
نفسه فقد عرف ربه) دینمشدر بو مرتبه یه صعود دیرلر که حالت فسیاه
اشارتدر و بونک عکسی که (من عرف ربه فقد عرف نفسه) در نزولدر که
حالت بقایه اشارتدر پس مکاشف اول اسماء دن مسمایه و مسما دن
اسمایه انتقال ایلش اولدی تحقیق مقام بودر که ظلمت دخی مظهر
اسما در که باطنی نور در پس ظلمتک دایل اولمی باطنک مشتمل اولدینی
نور حسبیه در اگر چه محجوبه روشن دکلدر انکی چون قرآند کلور (ومن
آياته الليل والنهار والشمس والقمر) بوندن فهم اولندیکه سایه نک کنشه
دلالتی بر درلو و نورنک کندنه دلالتی دخی بر دورلی در حقیقتده ایکسنک
مائی بر در سایه ابله نورک کنشه دلالتی برابر اولماق سایه مک حدو شده
وظاهر نه کوره در بونک نظیری بودر که جمیع اشیا ده حیات حقایقه
وارد اگر چه که میتده اثر حیات خفیدر پس میتک حیاتنی ابله حیک حیاتنی

ظاهره برابر دکلدر فافهم جدا بعدذا مولانا حضرت تری عشقی کنشه
وعقلی سایه تشبیه ایلدی زیرانورک یاننده سایه بی مقدار اولدیغی
کبی عشقک یاننده عقل دخی بی اعتباردر پس عشقه نشان طلب
اولسه ینه کندی نشاندروالا عقل اکا نشان اولمقدن وانی حقیقت
اوزرینه تعریف قلمقدن عاجز وقاصر در سایه کبی که کنشک نورنی
تعریفه اقتداری یوقدر زیرا ظلمت مقوله سیدر ونورله ظلمتک اراسینده
مناسبت وجهت جامعه یوقدر مکر ضدیت اوله و بدن کبی که روحی
تعریفدن عاجزدر زیرا روحی تعریف ایدن ینه کندی آثاریدر که اعضا
وقواده منتشر در و شجره کبی که رطوبت باطنه سنی تعریف ایدن
ظاهرند مشا هده اولنان نضارت و طراوتیدر یوخسه نفس شجره
واغصان وفروع دکلدر والا شجره یابسه دخی دال اولمق لازم
کلوردی (لحرره) شاهدات حق اولوب اشیا بلنور بوشهادتیه اوغیب*
نورخورشید ایلنجه ظهور* کورینور جرم منیری بی ریب* به مذا بعض
نسخته بویت دخی واقع اولمشدر که ذکر اولنور* ظلمتی را که آفتابش
برنداشت* ازدم ما کرد آن ظلمت چو چاشت* ظلمت* عدم النوردر جهل
و شرک و فسقندن دخی ظلمت ایله تعبیر اولنور بونلرک اضدادی اولان
علم و توحید و طاعتدن نور ایله تعبیر اولندیغی کبی تکم قرآنده کلور
(الله ولی الذین آمنوا یخرجهم من الظلمات الی النور) دم* نفسدر فتح قائله
(معنای بیت) بودر که برنوع ظلمت که ظلمت جهل وهوی ومیل
ماسوادر آئی آفتاب قالدردمدی یعنی ازاله قلمدی زیرا آفتابک ازاله قلدیغی
ظلمات محسوسه در ظلمات معقوله دکل اول ظلمت بزم نفسمک تأثیرندن
قوشلق وقتی کبی اولور یعنی شمس ضحی ایله ظلمات ارض بالکلیه
مرتفع اولدیغی کبی نور نفس ایله دخی ظلمات وجود باسر هازائل
اولور بوندن فهم اولندیکه نور نفس نور آفتابه غالبدر زیرا نور نفس
نور ذاندن ونور شمس نور صفاتنددر ونور ذات ایسه نور صفاته
غالبدر نور شمس نور قره غالب اولدیغی کبی پس نور شمسک
بتور دیکی مصلحتی نور وجود دخی بتور رنتکم حضرت عایشه
رضی الله عنهما حضرت رهرا رضی الله عنهما ک اضاعت نور
جالیله کیجه لده ابلک اکر دکلری روایت اولمشدر فاما نور

وجودک بتور دیکی مصلحتی نور شمس بتور من پس بوندن
مرشد کامل اولنلرک قدرلری بلمک ومظهر تام اولنلرک مرتبه لری
فهم اولمق کرکدر (لحرره) نفس مرشدده مقارن اولان* اهل
نفس ایسه ده اهل دل اولور* بله کور آدم کامل قدرن* اهل
نقصاندن نه حاصل اولور*

* ازوی ارسایه نشانی می دهد *

* شمس هر دم نور جانی می دهد *

* وی* ضمیر غائبدر اول وانک دیمکدر بوراده آفتابه راجعدر* ار* مهربانه
ایله حرف شرطدر اگر لفظندن تخفیف اولمشدر* سایه* برحاله
مخصوصه در که شمسله ظلام مابیننه جسم کثیف حائل اولان موضعه
مشاهده اولنور و بر عبارتله دخی بودر که بالذات و بابا لایغیر مضی اولان
هوادن حاصل اولان نسبه در شمس و قدر دن حاصل اولدیغی کبی
شمس* شمس قلاده دن مأخوذ در شمس قلاده جواهر قلاده نک
جرما اعظمی و فیه انفسیدر فار سیده مبانکین دیرلر وجهه تسمیه
بین الکو اکب توسط طیدر وجائزدر که افلاک اعتباریه اوله زیر افلاک
شمسک تحتندیدی عدد فلك وارددر که فلك زهره وفلك کاتب یعنی
عطارد وفلك قمر و کره اثیر یعنی نار و کره هوی و کره ماء و کره ترابدر
زیرا کرات عناصر دخی تغلب افلاکدن معدود در وفوقنده دخی
یدی عدد فلك وارددر که بونلر در فلك اجر یعنی مریخ وفلك مشتری
وفلك کیوان یعنی زحل وفلك منازل یعنی ثوابت وفلك اطلاس
وفلك بروج وفلك کرسی وفلك عرش پس فلك شمس صوفیه
محققین قاتنده اون بشنجی فلك اولمش اولور که بین الافلاک توسط
ایتمشدر بوسیدن قطب الافلاک و قلب الافلاکدر انکیچون حضرت
ادریس حقه (ورفعناه مکانا علیا) وارد اولدی افلاک اولان فلك
شمسدر زیرا فخر عالم صلی الله علیه وسلم اله معراجده روحانیت
ادریس علیه السلامی اوراده مشاهده ایتدیلرنتکم اخبار صحیحده معلوم
اولمشدر* نور* ضوء منتشر در که ابصار رؤیت اوزرینه اعانت ایدر
ایکی قسمدر بری معقولدر که بصیرته اعانت ایدر انوار الهیه دن
منتشر اولان نور عقل ونور قرآن ونور تجلی و کشف وامثالی کبی

و بری محسوس در که بصره اعانت ایدر اجسام نیره دن منتشر اولان
نور شمس و نور قر و انوار نجوم نیره کبی امام راغب مفردات نام
کتابنده ایراد ایدر که ضوء نور دن اخصد در انکیچون قرآند کلاور
(هو الذی جعل الشمس ضیاء والقمر نورا) یعنی ضوء شمس و نور قره
تخصیص اولمشدر * پس ضوء بحکم الوضع والاستعمال نور دن
اقوی در و حکما دیمشدر که ضیاء بالذات اولان نوره دیرل نور شمس
کبی و نور بالعرض اولانه دیرل نور قر کبی زیرا نور قر نور شمس دن
مستفاد در یعنی قر کر چه نفستده جرم مظلمدر و لکن مصیقل اولدیغی
جهت دن قابل نور در پس شمسه مقابله ایتد که بطریق الانعکاس
نور شمس له ممثلی اولوب شعاعی وجه ارض اوزره واقع اولور پس
وجه ارضده اولان نور دخی عارض اولمش اولور زیرا عارضدن عارض
اولان دخی عارضدر و بعضیلر دیمشدر که اغتده ضیائله نورک ماییننده
فرق یوقدر انکیچون نور شمس و نور قر دیرل و یوقولی تأیید ایدر
اول آیت که قرآند کلاور (وجعل فیها سراجا وقرا منیرا) یعنی
بو آیتده شمس دن سراجله تعبیر اولند یکه چراغدر مقصود شمس
اضاءت و انارنده چراغه تشبیهدر چراغ خود نور قردن اقوی دکدر
(معنای بیت) بودر که اگر سایه آفتاب دن نشان ویررسه واکا دایل
وعلامت اولورسه نیکم ظل الشمس دینلور مضاف ایسه مضاف
الیهک وجودنه علامتدر زیرا اکا اختصاصی وارددر پس بومعنی بعید
دکدر و لکن سایه ایله شمسک میاننده فرق چوقدر زیرا سایه نک
ذکر اولدیغی اوزره نشان اولمقدن غیری خاصه سی یوقدر زیرا
نورانی دکدر که نور بخش ایله شمس ایسه هر دم نور جان بخش ایلر
یعنی جان آنک نور بله منو اولور زیرا بدنک روشنائی جانک روشنائیغه
واسطه و سببدر بعد ذا بو ییتده اشارات وارددر (اولنکسی بودر که
سایه ایله مراد نفس انسانی و شمسله مراد روح انسانی در زیرا
الله تعالی روحی شمس کبی نورانی و نفسی سایه و محل سایه اولان ارض
کبی ظلمانی خلق ایلشدر پس روح ارض بدنی تنویر ایدر نیکم قرآند
کلاور (و اشرف الارض بنور ربها) شمس وجه ارضی تنویر ایتد یکی
کبی و بدنده انار تصرفات کوستر پس روحه دایل اولان فی الحقیقه

ینه کندی آثار و انوار بدر یوخسه جهاد مرتبه سنده اولان نفس و بدن
دکدر شو قدر وارددر که نفس و بدن روح دن منعکس و متعلق روح
اولان قوايه متصل اولغله روحه نشانددر دینلور الحاصل فی الجمله
ادله دندر نیکم قرآند بطریق الاشاره کلاور (و آیه لهم اللیل) ایکجسی
بودر که سایه مربوطیت و شمس مربوطیت مرتبه سیدر سایه نک قیامی
شمسله اولدیغی کبی مربوط قیامی دخی ربله در و سایه یه ظل دیدکاری
کبی مربوطه دخی وجود ظلی دیرل و بو وجودک مراتبی چوقدر زیرا
اجسام ارواحک ظلمی و ارواح دخی تعینات اعیانیه و صور علیه نک
و تعینات و صور دخی تعینات شئونیه نک و بو جمله سی لا تعین
مرتبه سنده اولان هویت ذاتیه نک طلبدر پس وجود اصلی و علمی
و حقیقی ازلا و ابد بو هویتکدر و وجود فرعی و وهمی او اعتباری
ظلالا تکدر انکیچون دیمشدر که ظلالات رايحه وجود شم ایتمشدر
و حالاهوم و معتبردر وجود حق ایسه معلوم و محققدر بو وجود ظلالانده
ظاهر اولغله ظلالات ایچون وجود توهم اولندی مع هذا وجود
حق دن غیری وجود حقیقی یوقدر الحاصل ماهیات ممکنه اوزرینه
واقع اولان وجود ظل وجود حقدر یوخسه عین وجود دکدر بر نسنه نک
ظلی ایسه کنینک عینی دکدر آینه ده و وجه ارضده اولان صورت
و ظل کبی (سوئل اولور سه که اعیان ثابته دیرل پس علم حقده
ثابت اولان اشیا نیچه رايحه وجودی شم ایتمش اولور) جواب بودر که
حضرت علمده رايحه ثبوتی شم ایتمکن رايحه وجودی شم ایتک لازم
کلز زیرا وجودله ثبوتک میاننده فرق وارددر وجودده اولان ظهور تام
ثبوته یوقدر و بو وجود ظلی وجود حقه قائمدر و لکن عرضک جوهر
له وصفک موصوفله قیامی کبی دکل بلکه ظلمک ذو الظل ایله قیامی کبی
و بو وجود ظلیده اولان کثرت وجود حقده اولان وحدتی متافی دکدر
زیرا وجو حق مرأی مختلفه ده متجلی اولان صورت واحده کیدر
و بو وجود حسیله در که اشیا وجود و عدم دن خلق اولمشدر انکیچون
هر نسنده ایکی وجه وارددر که بری عدمه و بری وجوده ناظردر
انکیچون محمديه کلاور * عارفک بر یوزی وارددر حق جناندن یکا *
کیم کوز کسه اوله دی معبود خلق ای شهریار * عارفی تخصیص ایتدوکی وجود

معلومك بالفعل انده ظهورنه بناء در پس بو تفصيل معلومك اولديسه
بيت مشوي به دخی احاطه حاصل اولدی زیرا حضرت مولانا وجود ظلی به
اعتبار ایتدی بلکه وجود ظلی نك انکله قائم اولدی یعنی وجود اصلی به
نظرا یلدی که اول وجود دن شمس له تعبیر ایلدی و بو جودك بالا صلاه
امدادی جانه اولغله جانی تخصیص ایلدی یعنی روح وجود حقیقه بدن
استجلاب فیض وجود ایدوب اولدخی بدنك حیات و بقا سنده امداد ایلر
یوندن فهم اولنور که هر نسنه نك قیامی حقه له در اگر حقك فیضی
منقطع اولسه وجود عده منقلب اولوردی و بونده اشارت وارد که انسان
علو همت اهلی کر کدر زرا اعلی دن ادنی ایلله قناعت ایتك دناءت در پس شمسك
ادناه سایه سندن اتلاده کندنه نظر صالمق کر کدروو جود ظلی و اوازی
ایله اکتفا ایتوب وجدانله حقایق بولمق لازمدر (لمحرر) حقه آینه اولمق
استرسك* ایده کور قلبی ما سوا دن صاف * همتك حقیقا بلند ایله * ربنا
الحق یبغض السفاسف * او چنجسی بودر که شمس ایلله شمس تبریزی
وسار نور جان بخش اولن ارباب کماله قدس الله اسرارهم و سایه ایلله
اجساد محصنه مرتبه سنده اولان علماء رسوم و ارباب نقصانه اشارت
وارد که نتکم قرآنده کلور (فاصبحوا لایری الامساکنهم) زرباویآیتده
اشارت بودر که اهل رسوم و اصحاب دعوی اولنلری اهل اولان
مساکنه و بی روح اولان قوالیه بکزر و مسا کن و قوال کر چه فی الجمله
آناردندر قلمابی اهل و بی روح اولدقجه ظلماتدن واسباب و حشندندر
انکیچون میتك جماد اولدی یعنی متیقن ایکن وهم اندن توحش و تنفر ایدر
پس ارباب قال و اصحاب دعوی و ضلال مجلسلرنده اولان پرو دت
و وحشت ذکر اولنان معنادندر زیرا اهل حال اهل حیلله ایلله مستأنس
اوله کلسلردر اگر چه که هر جمادده دخی حیات حقیقه وارد نرنتکم بالاده
اشارت اولندی ولیکن جمادك اول حیاته شعوری اولمیچق چه سود
و بوسبب ندر که اهل مکاشفه اولنلر جماد حکمنده اولنلری دخی مقام لرینه
کوره خوش کوررلر زرا متجلی اولان مسمایه و حاکم اولدیغی اسمایه نظر
ایدر لر فافهم جدا پس مولانا حضرتلری دیمک استرلر که اگر چه که اهل
رسوم و اصحاب نقصان و ارباب دعوی دخی فی الجمله حقندن خبرور لر
واندن نشان کوسرلر ولیکن شمس مرتبه سنده اولان ارواح عالیه کبی
تنور قلب و اضیاءت روحه اقتدارلری بو قدر زرا نفسلری صبح کاذب
کبی ظلمتی متعبد اطوار و منازل بلزلر و مراتب اوزرینه تربیه یه قادر اولمازلر

پس او مقوله اشخاص ظلماتیه دن اعراض و ارواح نورانیه یه اقبال لازمدر
تا که صحتلرندن غذای روحانی و تربیه لرندن انجذاب رحمانی و نفسلرندن
فیض حقانی و توجهلرندن الهام ربانی حاصل اولور (لمحرر) اسبرهوار
وار ایکن بویوله * خرایفه سی نیلرما قیل * سالک راه حق ایسک
سند * وارا کاکره برتدارك قیل *

* سایه خواب آرد ترا هم چون سمر *

* چون برآید شمس انشقی القمر *

* سمر * حرکت ایلله عربدر حدیث ایل معناسنه یعنی کیچد کلجسی و حورنه سی
و افسانه لری نتکم اطول لیا لیده عوام ناس مبتلا لر در و بعضیلر
دیدیلر که سامر لیل مظلم و سمر سواد لیلدر انکیچون حدیث ایلله سمر
دیدیلر و قرآنده کلور (فکنتم علی اصقابکم تنکصون مستکین به سامرا
نهجرون) امام قرطبی رحمه الله علیه ذاهب اولدیغی اوزره صلوة
عشادن صکره کراهیت حدیث متفق علیه در یعنی حدیث ایل مذاکره
علم طریقله و یابر مصلحتی متضمن اولسه بلکه قول باطل و مالا یعنی
مقوله سندن اولسه اجتناب ایتك کر کدر زیر اطاعت حقندن خارجدر
تفصیلی روح البیان نام تفسیر یمزده در * جز یاد دوست هر چه کنم جله
ضایعست * جز سرشوق هر چه بگویم بطالتست * انشفاق * شکافتن
منعاسنه در یعنی یار لمق * قر * ماه در وجه تسمیه اون بیاض اولوب
صارویه مائل اولدیغی نرنتکم حار افر در لر چن ذکر اولنان وصف اوزرینه
اولسه کذا فی شرح النجوم و قافیه و سده دیر که قرت ضمه حضرتیه مائل اولان
اوندر و یا خود اول بیاضدر که انده کدورت اوله شهرك او چنجسی
کیچه سنده و یا خود اوچندن صکره قر اطلاق اولنور بوراده انشفاق قرله
مراد قرک زوال و اضمحلا ایدر و بعضیلر دیمسلردر که انشقی القمر
وضح الامر معناسنه دخی کلور نتکم مفرداتده مسطوردر و بو معنائك دخی
بو مقامه ملائمتی وارد در حقیقتی اوزرینه انشفاق قرز مان پیغمبر
علیه السلامده اولمشدر که جمله معجزاتدن معدوددر و بعضیلر قاتنده
قرب قیامتده قره عارض اوله جق انشفاق در (معنای بیت) بودر که سایه
و یا سایه کبی ظلمتی مشتمل اولان کیچه سکا خواب کتورر کیچه حکما به
سی و افسانه سی کبی یعنی کیچه لرده افسانه دکله ینه خواب غالب

اولد بخی کبی سکا دخی سایه دن غلبه ایدر انکیچون ایام صیفه ابنه
سبیل سایه به نزول ایلسته لویا حرارت شمسده کار دنیا به مشغول اولور
ظله منحول اولسه ل فی الحال خواب غلبه ایدر ونفس شب دخی بویه
درزیرا سکون ایچون خلق اولمغله مورث خواب در یعنی شبک مزاجی
باردر طب اولمغله قوای انسانیه به ضعف طاری اولور ومظلم اولمغله
حواس دخی سکون بولور بوسیدن حر کتدن قاور و خواب غلبه
قاور چونکه شمس یوقاری کله یعنی طلوع ایدر وقرنی افق سمدن ظاهر
اوله قمر منشق ومضمحل اولور یعنی کجه نک حکمی کیدر وکوندزک حکمی
ظهور ایدر که خوابدن بیداریدر * بعدذا بویته اشارات واردر
(اولکسی بودر که عقل قمره وعشق شمس بکزر نور شمسله نورق مضمحل
اولد بخی کبی نور عشقه دخی نور عقل متلاشی اولور پس عقل معاش
بدنه تابع وبدن دخی ظلمده شب ویاسایه کبی اولمغله اول ظلمت انکشافی
نور عشقه حاصل اولدی و بوانکشافدن صکره ظاهر و باطن وجود
آینه صورتی بولدی اجرام نیره برینه حائل اولد بخی کبی اعضا
وقوی دخی برینه روشن کورندی اگرچه که شمع دل فانوس بدنه بوردی
(ایکجسی بودر که سایه بدن وبدنک احوال خارجیه سیدر خوابدن
مراد امور بدنی به اشتغال ایلر حاصل اولان غفلتدر و سمردن مراد
مسامرات نفسانیه در که غفلتدن ناشیدر ومسامرات خارجیه دخی
انک آثارنددر وبونلر خواب قلبه سیدر زرا بصیرته پرده در و شمس نور
روحدر که طلوع ایتد کده بدنک ظلمت و کثافتی ونفسک حجاب غفلتی
وقلبک کسورتی ازاله ایلر معلوم اوله که طلوع وغروبده واوقات ایل
ونهارده اشارات واردر * وقت مغرب نفس مطمئننه دن مرتبه
ملهمیه تنزله اشارتدر وما بین العشائین مرتبه لواحه به و آنک مابعدی
مرتبه اماریه به تنزله دلالتدر چون وقت شافعی اوله نفس اماره دن
لواحه ترقی ایدر و وقت حنی لواحه دن ملهمیه به و وقت طلوع
ملهمیه دن مطمئننه ترقی ایدر و بوتنزل و ترقی دائمی دور ایلر ونفس
بوانشاده کاه استنار اوزرینه اولور کجه کبی وکام تجلی اوزرینه اولور
کوندزکبی پس مادامکه طلوع شمس اولمیه کجه نک حکمی خوابدر که
اهل حجابک حالیدر زرا اهل کشفک وقت استنارده دخی قلبی بیداردر

فافهم (لحرره) ایدر کور چشم دله ای غافل * نور حقندن براوز که برتوجلب *
دیه سن تاینام عینای فی * الیالی ولا ینام القلب (او پنجسی بودر که
سایه دن مراد نفس وشمسدن مراد روح وقردن مراد قلبدر *
مقصود شمس روحک تجلیسی ایلر حبه دل وقر قلبک انشاق قنی پیاندر
ظاهرده شمسله فواکجه نضج وقرله اون وسائر کواکبله طعم حاصل
اولد بخی کبی باطنده روحله تربیه وقلبله تصفیه وسائر قوایله مذاق دل
حاصل اولور و بحر منشق اولمغله انهار فجر ایتدی کبی قلب دخی
تجلی ایلر منشق اولمغله اندن انار فیض ظاهر اولان تکم قرآنده کلور
(وان من الحجاره لسانیت فجر منه الانهار وان منها لسانیت شفق فیخرج
منه الماء) و معاصریندن تجلی اطاعتنددر که دیمشدر (قمر طبع
اولدی صان ایکی شق * بکامخلص تجلی ایلدی حق * (دردنجسی
بودر که شمس ایلر مراد سطوات تجلی وانشقاق ایلر اذقیامت صغرا در
تکم قرآنده کلور (اذا السماء انشقت) یعنی قیامت کبراده
سمان منشق وشمس وقر ونجوم مضمحل اولد بخی کبی سلاو کله دخی
حقه رجوع واوصاف وجود دن فاده نفس اوزرینه قیامت قور
وقبله قبر بدندن بعث واقع اولور ویا خود قبر کبی قلب منشق اولور
انوار ازل وابد واسرار فنا وبقا ظاهر اولور ونقشدر خفایای ملک
وملکوت وارینه ظهوره کلور (لحرره) اولسه پرده در دیده رب *
* سکا ایتز تجلی بر توغیب * (بشجسی بودر که کتاب وجودک
آیاتی ایکی نوعدر بری محکماتدر که تعینات آنهیه واسماء ربانیه
واحکام وجوبیه در و بو آیات ووجهله نسخ طاری اولان زرا وجود
حقیقی حقه مخصوصدر و بری دخی منشأ بها تدر که تعینات کونیه
واسماء کیانیه واحکام امکانیه در و بو آیات و نسخ عارض اولور زرا
وجود اضافی خلقه متعلقدر و بو وجود اضافی به متشابه دینلدی
زرا وجود ایلر عدم ارا سنده دائر در یعنی کندی نفسنده عدم
ووجود حقه اضافتله وجوددر که اندن مستفاضدر پس تأویندن
محجوب وسرندن غافل اولورک بعضیسی نفسنده مطلقا عدم اولسند
ذاهب اولد بیلر و بعضی دخی نفسنده مطلقا وجود اولسند قائل
اولور ایکی فرقه اولد بیلر بفرقه سی حدوثنه ووجود واجبیه مغایرتنه

و بر فرقه سی دخی قد منسه و وجود واجب عینی او لسنه ذاهب
اولدی و لیکن بوجه سی خطا ایتدیلر زرار اسخ فی العلم مقوله سندن
دکل ایدیلر فارا اسخ فی العلم اولوب حقایق اشیا به واقف اولر
و مراتب اوز رینه تمش ایلر بلدیله که آیات متشابهات که تعینات
کونه دن عبارتدر ظواهر و بواطنی اعتبارله احکام و اسماء امکنیه ایل
احکام و اسماء و جویه بی جامعدر و بوجهیت اعتبارله بروجهی عدمه
و بروجهی وجوده ناظردر عدمه ناظر اولان وجهی مظهریتندن قطع
نظر کنیدی نفسنده اولان اعتباریدر وجوده ناظر اولان وجه مظهریتی
حیثیندن اولان اعتباریدر پس اعتبار اول ایله کنیدی نفسنده
معد و مدر نه و جود ظلی ونه وجود اصلی ایله موجود اولما مشدر
واعیان و حقائق ایچون رایحه وجودشم ایتک بوقدر مکر حضرت
علمه رایحه ثبوت شم ایتش اوله و اعتبار ثانی ایله کنیدی نفسنده
موجوددر واعیان و حقائق ایچون رایحه ثبوتی شم ایتک اولدیغی کبی
رایحه وجودی شم ایتک دخی متحققدر ولیکن وجود ظلی و صورتی
و فرعی ایله موجوددر یوخسه وجود عینی و حقیقی و اصلی ایله دکل زرا
بووجود واجب الوجوده مخصوصدر پس ماهیات ممکنه اوز رینه واقع
اولان وجود ظل وجود حقدر شیئت ظلی ایسه کنیدینک عینی دکلدر
نتکم بالاده مرور ایلدی ولیکن تأویلات زیاده خفا سندن محجوبلری
غفلتد و دوشرمش و تشامنه نظر اعقللرن شامشدر و چون
شمس تجلی طالع ایدوب حجاب حس و خیال و وهمی رفع ایله معلوم
و موهومک میاننده امر واضح اولور و شب غفلتک حکمی تمام اولوب
دیدل روشنائق بواور اشته بو وجود ظلی بر سایه کیدر که ظاهر
بین اولانه نور شمس وجود حقیقیدن پرده در بو پرده مرتفع اولد قجه
جمال مقصودی مشاهده حاصل اولماز (لحرره) جکه کور
چشم دله کحل جلا * تا که دیدار بار ظاهر اولا * سحر و صله ایروب
عاشق زار * شب هجران دو کنوب آخر اولا * (التنجسی بودر که
سایه دن مراد ارباب نقصاندر که تریه لری سالکله خواب کتوردر
نتکم طیب قاصدک معالجه سی خسته بر دوری درد دخی ارتوردر
پس بو خواب غفلتدن او یا نغمه بر مرشد بیدار و بو ظلمتدن خلاصه

شمس می تبه سنده بر مظهر انوار کر کدر تا که قر قلب منشقی اوله
و حقندن تجلی بوله و عقده وجود چوزیله و طلسم بدن بوزیله (لحرره)
کنج اسرار خدادر بودل * نفس بددر اکا چون اژدرها * اولینجه
بواژدرها بر حال * در کنجور آچلور کم درها * (یدنجسی بودر که
قر تجلی صفات مظهری و شمس تجلی ذات مظهرینه اشارتدر زیر
قر مرتبه قلب و شمس مرتبه سردر پس شمس اولدیغی پرده قر
مضمحل اولدیغی کبی مظهر تجلی ذات اولان انسان کامل یا ننده
دخی مظهر تجلی صفات اولان انسان ناقص و متلاشی اولور نتکم
قرآنده کلور (یدالله فوق ایدیم) زیرا فرع اصله نظرله ضعیفدر
نتکم اولاد و آباده مشاهده اوانور یعنی پدر یدالله مظهری و اولاده مظاهر
ایدی در وایدی اگر چه تظاهر حسبیه غایت قوتده در * ولیکن
قوتی یددن استفاضه ایدر اغصان شجره اصلدن اخذ ایتد بکی کبی
(لحرره) قنده کم ایدم پادشاه ظهور * سوزد و شرمی بکم رعایایه *

ایتسه خرسید تیروش بر تاب * دوزانده هلال چون یایه *
* خود غریبی در جهان چون شمس نیست *
* شمس جان باقیست او را امس نیست *

* غریب * و طنندن متباعد اولانه دیرل و هر نسنه که جنسی ارا سنده
عدم النظیر اوله غریب دینلور علمایه غرباء دیرل زیرا جهال
اراسنده قتلری وارد و کل اولیایه غرباء دیرل نتکم کلور (فطوبی للغرباء)
زیرا قل من القلیل اولد قتلرندن ماعدا سیر سلو کده بعد لری واردر
شویله که انلرک و اصل اولدیغی نهایت النهایاته سائر افراد قدم
بصم شلدر و بو کله نک جوهر خروقی مشتمل اولان اسمانک جمله
سنده معنای بعد ملحوظدر حروف جنی متضمن اولان الفاظده معنای
استتار معتبرا ولدیغی کبی مثلاً غراب دیدیلر زرا اذها بده بعدی
وارددر منقولدر که حضرت نوح علیه السلام وقت طوفانده غرابی
روی ارضدن خبر کتور مکچون ارسال ایتد کده دریا اوزرنده بر جیفه
مشغول اولوب خبرله حضرت نوحه رجوع ایتدی آنکچون غراب ایل
تشأم ایدوب غریبتی انک اسمندن استخراج ایدیلر * باغراب البین یالیت
بینی و بینک بعد المشرقین * قال فی المقاصد الحسنه (قالوا غراب البین

لانه بان عن نوح عليه السلام لما وجهه لينظر الى السماء فذهب ولم يرجع
واذا تشأ موا به * على الصباح بروى تهر که رخیزد * صباح روز
سلامت برو مسا باشد * وعنقای مغرب دیر محسن وزنی اوزره بر جاریه
اختطاف اید وب اغراب وابعاد ابتدا کیچون ویاخود جهت غربه
کتدی کیچون وحلی هذا * شمس * کوکب نهاری در که نوری سائر کواکب
اوزره غایبدر شمس جاندن مرا در روح روان ویا نور جاندن که رب
رحماندر نتکم ایات آیه اکافینه رد * امس * دونکی کوندربنی الیوم
الذی قبل یومک بلیله کما فی القاموس بوراده مراد غروب و مضی
وفنا و زوال در زیر بر نسنه امسله مسبوق اوسه اوزرینه زمان جاری اولوب
حادث اولور حادثک ایسه بقاسی یوقدر * (معنای بیت) بودر که
دنیاده خود شمس کی غریب یوقدر زیرا عدم انظیر در وهیا کل
علویه و تدویر فلکیه دن انک سیر وحر کتنه بکزر یوقدر وایکن
قائیدر زیرا امسله مسبوقدر انکیچون قیامتده زوال بولسه کر کدر
نتکم قرآنده کلور (اذ الشمس کورت) و بوسیدن شمس عبادت
ایندل ضلالت اهلی اولد قلن یلوب خجل اوسه لکر کدر شمس جان
ایسه باقیدرا کافنا یوقدر زیرا اگرچه ظهوری حادثدر لکن وجودی
قدیم وبقاسی ابدی در شمسی دینلدیکی اعضا وقوی وجهان وجودی
تنویر ندن اوتو ریدر پس شمس جهان غریب صوری وشمس جان
غریب معنوبدر * زیر انفخ حقه مخصوص و ابو القلب اولغله ممتاز و سیرالی
الله الیه فردویکتادرو یاخود نور آهی که جان انکله منور دراکاز وال کلز
و قرآنده کلور (الله نور السموات والارض) یعنی الله تعالی ارواح
اجسامی تنویر اید یچیدر زیرا جله موجودات نور اسمیله ظهور بولشد
و بونورک روح انسانیه زیاده اختصاصی وارد در زیرا انسان روح
جهتندن ابو الارواح وجسم جهتندن ابو الاجسام در پس جمیع تعینات
ارواحیه واجسامیه نک ظلی وعکسی وتفصیلیدر الحاصل بونور باقی الیه
منور اولان جان نور حادثه التفات ایلز زیرا قدیم یاننده حادثک موقعی
یوقدر انکیچون اهل دل اولانلر لیله قدرده بجلی نوری خانه نک
داخلنده و ظاهر بین اولنلر خار جنده طلب ایلشلدرد و بونوره واصل
اولنلر غریبدر زیرا ظلمات وجود دن خلاص اولشلد و وطن ملکدن
مفارقت قلشلد و عالم ملکوتی کدر ایلشلد و جمیع منازلی دور ایلشلد

و عنوان کلبده اشارت اولنان نیستان آلهی به قدم بصمشلر واول مقامده
تنها قالمشلدرد زیرا اوراده انباء جنسندن انیس و جلیس و خبر مو اطن
ماسوا کسلور شویله که اول مقامک صاحبی محیطه دوشن سفینه کی
اولور وفلاک شمس قطب الافلاک اولد یغی کی اولدخی مدار عالم اولمق
مر تبه سن بولور وظواهر جمیع اشیا نور شمسله مستنیر اولد یغی کی
بواطن جله موجودات دخی انک نور یله مستنیز اولوب فیض نفسی الیه
بقارینه امداد کلی کلور (لحرره) عرق ذاتی کسلوردی خلقک *
ایتمه قطب وجود امدادی * شیر فیض نفسیدر آنک * جله نک اغزینه
و یرن دادی * و یونده اشارت وار در که بر نسنه نک بقاء آثاری کندی
بقاسی حکمنده در انکیچون اهل آلهه موت یوقدر زیرا انلر آثار
حقیقیه سی اولان ارشاد وعلوم و معارفه زوال کلز وشمس جان تصریح
اولندی زیرا اجساد اعتبار یوقدر اگرچه که کمل اولیانک اجساد
لطیفه سی انحلال و انفساخ قبول ایتز (لحرره) برکات روانلر بوجسد *

* روان اولوب قالور چور یمزابد *

* شمس در خارج اگرچه هست فرد *

* می توان هم مثل اوتصویر کرد *

* خروج * باطندن ظاهره انتقالدر خارج مظهر آثار اولان وجودک ظرفیدر
نفس حیوانی به بدن کبیدر ذهن بویله دکلدر نتکم بیت آئیده کلور
* فرد * صفت مشبهه در منفرد معناسنه یعنی غیرانکله مختلط اولینه دیرلر
انکیچون (اشهد انک احد فرد) دینلدی زیرا ذات حقه ترکیب وازدواج
یوقدر جواهر فرد بوندند یعنی جواهر منفرده دیکدر جواهر جمع
ایکن نعتی افراد اوزینه کلدی وجهنی داینلر کتب مبسوطیه نظر ایدهلر
* توان * کوچ یتک و قدرت معناسنه و توانیدندن صیغه امر در و تواند
معناسنه ده کلور * مثل * مشابیهت ایچون وضع اولنان الفاظک اعمیدر
یعنی معابیدن بر معناده غیره مشابیدن عبارتدر نه مقوله معنی اولورسه
اولسون مثلاً ند بالکز جوهرده مشار که دیرلر و شبه بالکز کیفیتده
ومساوی بالکز کیتده و شکل بالکز قدر و مساحتده مشار که دیرلر مثل
ایسه بونلرک جله سنه شاملدر انکیچون قرآنده من کل وجه نفی تشبیه
تخصیص اولنوب (لیس کثله) دینلشدرد تصویر صورت کتورمک و صورت

ویرمکدر صورت تمثالیدن اعمدر زیر ذی روحدن اولان خلق اللهه
تشبیهاتصویر اولسانه تمثال و ذی روح و غیر ذی روحه تشبیهات مصنوع
اولانه صورت دیرل * کرد * بوراده کردن معناسنه درنتکم ایکی فعلک
اجتماعنده بریسی مصدر معناسنه حل اولنق مطرد در (معنای
بیت) بودر که شمس اگر چه خارجده فرد و یکتا و عدیم النظیر در و لیکن
ذهنده انک مثالی تصویر ایتمکه قادر سن و یا خود تصویر ایتمک ممکن
اولور زیرا کلیاتندر کلی نک وجودی ایسه کرک خارجده فرد واحده
محصرا اولسون شمس کی و کرک خارجده وجودی اولسون شریک
باری و لاشی * و لامکن و سائر کلیات فرضیه کی بوجه نک کنیرین اوزینه
صدقی امکان ذاتی ایله ممکندر امکان فرضدن فی الواقع اشترک
و بالفعل فرض لازم کلمز پس ذهنده نیجه شمس تصور و تصویر
فرض اولور بونده اشارت واردر که الله تعالی هر نسنه یی زوج خلق
ایتمدر نتکم قرأده کلور (ومن کل شیء خلقنا زوجین) پس بر نسنه نک
خارجده زوجی اولماق ذهنده عدمی مستلزم دکلدر و خصوصاً
نور و ظلمت دیرل پس نور و ظلمت بری بر نسنه زوج و تناسب تضاد ایله
متناسب اولورل و دیمشدر که ماسوی آلهک جله سی زوجدر نتکم
دیرل حل و حامض و ابض و اسود و ذکر و انثی و فوق و تحت و عین
و شمال و قدام و خلف و ماضی و مستقبل و ذات و صفات و ارض و سماء
و بر و بحر و شمس و قمر و لیل و نهار و صیف و شتا و جنت و نار الی غیر ذلک
مما لا یحصی و بونلرک ازواج اولسی ممکنه الوجود اولوب محدثک مقابل
و معارضدن فرد منزله اولد یغنه دلالت ایدر (سؤال اولور سه که حق
و خلق و رب و عبد دیرل پس حقلک دخی زوجی اولق لازم کلور
(جواب بودر که بوزوج لفظی مقوله سندندر تعریف و نسبت ایچون
تزویج اولور و الا خلق حققه مقابل کلمز زیر اخلق مخاوق و حق خاقدر
و بردخی ازدواج عالم صفاته کوره در زیر اشیاء مظاهر اسما و صفاتدر
و بو وجهله ربله مر بوبک میاننده مناسبت و ارتباط واردر و الا ذات
باری قیود و حدود و کنهی اوزره تصور و شهوددن مبرادر و بونده
قطب اقطابه دخی اشارت واردر زیرا قطب وجود هر عصر ده
فرد واحد در و جسم واحده ایکی روح اولدیغی کی بر ذیاده دخی ایکی

قطب اولماز نتکم بر اولکده ایکی پادشاه اولماز لیکن اگر قطبک و اگر
پادشاهک نظائر و واردر سائر اقطاب و خلافتیه مستعد اولان اشخاص
کی انکیچون بری ظهور دن بطونه انتقال ایدیکی کی نظیری انک
مقامنه استخلاف اولور شمسک غروبنده قر استخلاف اولدیغی کی
بوندن فهم اولور که بر کسنه کالاته نقدر فرد و لا نظیر اولسه ینه مثلی
متصوردر پس کلیت اسماسنه نظریالیوب حائنه مغرور اولیه (لحرره)
داد حقدر کمال انسانی * نه ایچون ایده کمال اهل غرور * دوشمیه یر
یلد زک چوفلک * اولمه هر کز علو که مغرور *

* لیک آن شمس که بنده ستش اثر *

* نبودش در ذهن در خارج نظیر *

بر نسنه ده لیک شمسی که از و هست اثر * و بر ننده دخی * شمس جان کو
خارج آمد از اثر * دوشمدر بری بر ننه متعارفدر * اثر * امیر و نسنه فلک
قردن اشعه کره ناره دیرل اول برهواء حاردر که ضیایی یوقدر و اندن
اشاعه هواء بارد واردر که زمهر بر دینلور کذا فی اخوان الصفا
و بعض اهل حقیقت که شهابی شعله کره آتشددر که هواء غالب ایله
آتشدن منفصل اولور دیمشدر بو صورتده اثر مضی اولق لازم کلور
مکرکیم تأویل و لمفیق اولنه فافهم والله اعلم * ذهن * مظهر آثار اولیان
وجودک ظرفیدر که قوت نفسانیه درا که در * نظیر * مثل معناسنه کویا ایکی مثل
بری بر ننه ناظر در مناظر کی (معنای بیت) بودر که لیکن اول شمس حقیقی
که کره آتش اکا بنده و مسخر اولشدر آنک ذهنده و خارجده مثلی یوقدر
یعنی الله تعالی من کل الوجوه فرد و یکتا در شوبله که انک ذاته مماثل ذات
بو قدر زیر اشیاء اجسام و یا اعراضدر الله تعالی ایسه بونلردن مترهدر زیر
ذات حادثه ذات قدیمیه مثل اولماز و صفة حادثه دخی ذات قدیمیه صفت
اولماز ذات حادثیه صفت قدیمیه اولدیغی کی و نفس الامر ده حقلک
ذاتنه مماثل منعدم اولدیغی کی تصورده دخی منعدمدر زیر کنهنه
عقل ایرمز و تصور کرمن تا که مثلی تصور و تصویر اولنه نتکم کلسه
کر کدر اشباه و نظائر اثبات ایدن مشرکین و مشبیه کمال جهالت
وزیاده حقاقتلرندن اثبات ایدر که امر موهومه وجود ویرمدن
ناشیدر دیمشدر که نه صورت که مرآت قلبده ظاهر اوله و یا بر مثال که

خاطر خطور ایلہ ویا نفس بر کیفیتہر کون ایلہ اللہ تعالیٰ انک خلافتہ در
زیرا جملہ سی سمات حدوثند در انکیچون سید الطائفہ جنید بغدادی
قدس سرہ قسم ایدوب بیورر واللہ ما عرف اللہ الا اللہ (لحرره) نقدر
اولسہ سخنور آدم * وصف حقہ کلجہ اولور لال * ذاتہ خود خردہ رہ
نایاب * بو اور ادراک تکاپودہ کلال * معلوم اولہ کہ اثر تخصیص
بالذکر اولندی زیرا آتش ایلہ شمس اضاعت و احراقده مشترک در نتکم
عقل ایلہ شمسک اراستندہ دخی اشتراک وارد در زیر نور شمسہ محسوسات
و نور عقل ایلہ معقولات ادراک او نور و بردخی بودر کہ سائر کرادن
شمسہ قربی وارد و بردخی بودر کہ نار نورک باطنیدر نتکم حوا آدمک
علیہما السلام باطنیدر انکیچون حوا مؤنث اولدیغی کبی ناردخی
مؤنث اولدی و آدم مذکر اولدیغی کبی نور دخی مذکر اولدی و بر
دخی حد دنیا فیک قرق مادونندن اعتبار ایدنلرہ کورہ اول موجوداثر
اولغلہ ذکر جزہ وارادہ کل طریقہ مقصود مجموع دنیا در و بوندہ شمسہ
روح سلطانی بہ و اثر ایلہ طبیعت و نفس حیوانی بہ اشارت وارد در زیر
حاکم استضاء تی نور شمسہ اولدیغی کبی جسدک دخی ظاہر او باطنا
استتار تی نور روحہ در و اثر دہ حرارت غالبہ اولدیغی کبی طبیعت
و نفسدہ دخی وارد در انکیچون صوملہ مشد اولور زیرا صومدہ
استعمال مرطبات او لماغلہ حرارت زائده حاصل اولور و کذلک اشارت
وارد کہ ذہن و خارج مخلوقدر وقیدیک ذاتی حادثہ کنجایش مرتبہ
سندن میرا اولدیغی کبی تصویری دخی بویلہ درو ذہن ایلہ مراد
حقیقتدہ عالم ملکوت و خارج ایلہ عالم ملک در کہ بری عالم نور و بری
عالم ظلمندر پس حق تعالیٰ نہ عالم نور و نہ عالم ظلمندہ نظیری یوقدر
مخلوقات ایسہ بویکی عالمدن عبارتدر و ذاتیک جبع عوالمدہ نظیری
اولدیغی کبی تجلی اولنک دخی نظیری یوقدر زیراجمع تجلیات
انک تحتندہ مندر جدر کہ کواکب نیرہ شمسک تحت حیطہ سندہ داخل
اولدیغی کبی پس آنک کہ احاطہ سی کامل و حکمی شاملدر لانظیردر
بومعنادندر کہ سائر موجودات انسانہ تابع وانک تسخیرندہ داخلدر
و کذلک اشارت وارد کہ موجوداتدہ رب واحدہ عباددن غیری
یوقدر نتکم قرآندہ کلور (ان کل من فی السموات والارض الا اتی الرحمن عبدا)

و عبادک دخی وجودی فی الحقیقہ موہوم اولغلہ مافی الدار غیرہ دیار
دینور بوندن فہم وانور کہ کلمہ شہادتدہ واقع اولان نفی وجودہ توہمی
نفیدر یوخسہ فی نفس الامر نفی واثبات یوقدر و اشارت وارد کہ نور
آلہیدن شمسہ تعبیر اولنق شمسک احاطہ جہتندن اوسع و اعمیتہ
کوزہ در و بردخی شمس حقک وحدت وجودندہ دلیل اقوی در زیر
اگر شریکی اولسہ شریکینک شمس قندہ در دینور نتکم رقیم اولدہ
کلوران کان للقیوم ند فاین شمسہ یعنی اگر واجب تعالیٰ نک شریک ممثلی
اولسہ تحت وجوددہ شمس آخری اولق لازم کلور دی زیر شمس اکل
النیراندر پس آنی خالق اولان خلق ایتسندن اکل اولور و برنسہ کہ
غیرانندن اکل اولسہ نیجہ واجب لذاتہ اولور زیر اوجوب ذاتی خصایص
کمال تامدندر و چون شمس آخری بولندی وجوددہ آلہ آخر دخی اولق
لازم کلمدی (لحرره) اولہ بومعنی بی هرگز جاہد * انما اللہ آلہ واحد *

در تصور ذات اورا کنج کو

تادر آید در تصور مثل او

* ذات * بر نسہ نک نفسہ و حقیقتہ دیر لاصلندہ ذولفظنک مؤنثیدر
یعنی تاء تأنیت ایچوند ر و لکن صکرہ نائشدن منسلخ او اوب تا اصلہ
مجراسنہ اجرا اولندی انکیچون نسبتدہ تائی اثبات ایدوب ذاتی دیدیلر
واللہ تعالیٰ اوزرینہ اطلاق تجویز ایتدیلر مع هذا علامہ دینلر اگرچہ کہ
حق تعالیٰ علام اولنلرک اعلمیدر زیر تادہ تأنیت ایہامی وارد در ذات
لفظی کبی اسماء مستقلہ دن دکلدر ذات ایلہ وجودک میانندہ فرق وارد
ذات باطن و وجود ظاہر اعتبار ایلہ اطلاق اولور و بومقوله اطلاقات
تفہیم و تعریف ایچوند ر و الا ذات حق فی الحقیقہ ذات اطلاق اولمقدن
دخی نیز ہدر * او * ضمیری شمسہ عائددر کہ مراد اللہ تعالیٰ در * کنج * کاف
عجمیلہ تصحیح اولمشدر صغیق معناسنہ نتکم دیباچہ کتابدہ مرور ایتدی
بعد ذابو بیت سؤال مقدرہ جوابدر سؤال بودر کہ بالادہ مرور
ایتدی کہ شمس حقیقینک ذہندہ و خارجدہ نظیری یوقدر مع هذا یوقدر
ارباب عقول خلافتہ ذاہب اولوب ثنیہ و تثلیث ایتشلر و وحدتہ غایر بولہ
کتشلر پس جواب و برر کہ اللہ تعالیٰ ذاتہ تصور صغیق قنی تا کہ
تصوردہ انک مثلی کلمہ و نظیری حاصل اولہ یعنی مثل تصور اولنق ذاتہ

ادراك تعلق ايتك اوزرينه موقوفدر بوا درك محال اوليحق تصور مثلي
دخي محالدر پس اكامل تصور ايدن حقيقت حال دن غافل و تصور
نيدو كن بلز برجاهلدر الحاصل الله تعالىنك وجودي واجب و ماسوي نك
وجودي ممكندر ممكن ايسه واجبه مماثل اولمازو كذلك واجب ممكنك تصور نه
صغمر تصور كلن او هام و خيالادر كه الله تعالى انلك جله سندن منزهدر
و حق ادراك محال اولغله ذات اللهه تفكر ايتدن نهی اواندي زيرا كنه ذات
مرتبه سي انديسا و اوليا به منكشف اولما مشدر فكيف غير به انكيچون
(ما عرفناك حق معرفتك) دينلدي يعني في الجملة معرفت وارد در كه طاقت
بشريه وفا ايتديكي مرتبه در ولكن كنه ذات مرتبه سي كه طاقت بشريه
وفا ايتديكي مرتبه در اكا معرفت تعلق ايتن حقيقي بودر كه الله تعالى
و حدتي و مظاهر و اوصافدن تجردي اعتباريله ادراك اولماز بوجهتدن
(نور آني راه) دينلدي فاما حيات و علم و ارادت و غيري اوصافله انصافي
اعتباريله ادراك اولنور بو معنى دن (رأى قلبى ربى) دينلدي
زيرا بو وجهله مدرك و مدرك ميانده مناسبت وارد در كه ما الوهيت
والوهيت در انكيچون قرآنده (فاعلم انه لا اله الا الله) دينلدي يعني
متعلق علمي مرتبه الوهيت قبلدي زيرا بو مرتبه نك فوقنده اثر و وصف
و حكم يوقدر كه ذات بحت مرتبه سيدر بوندن فهم اولنور كه تجلي
ذاتي نك تعين حضرت آلهيه دندر بو خسه ذات احديه دن دكلدر زيرا
ذات احديه ده تجلي و اثر اولماز و تجلي الوهيت تجلي صفاتندر زيرا
الوهيت صفت و نسبتدر (سؤال اولنور سه كه بوندن ظاهر اولور كه تجلي
ذات يوقدر) جواب بودر كه افعاله و صفاتده تجلي اولديغي كبي ذاته
دخي وارد در ولكن كنه ذات مرتبه سندن دكلدر بلکه بر برق آني و ذاتك
شمة لمعانيدر كبار اوليادن واسط قدس سره يورر (ما عبر عن الحقيقة
بشيء الا والعلّة مصحوبة والعبارة منقوضة لان الحق لا ينعت على اقداره
لان كل ناعت مشرف على المنعوت و جل ان يشرف عليه مخلوق)
* نه راج ذاتش پرد مرغ و هم * نه در ذيل و صفش رسد دست فهم *
و بونده اشارت وارد در كه طاقت بشريه وفا ايتديكي مرتبه نك غايته
واصل اولان طارفك ذاتي دخي تصور صغمر زيرا تصوري جزئياته
تعلق ايدر واصل مذكورك حالي خود مقامنده كليت عظمي و جمعيت

كبرى بولمشر پس آني عقل كادن غيري سي تصور ايده من و بلکه
انسان كاملي ادراك ايتك حق ادراكدن اصعبدر زيرا بشر در كه
تشبيه مقامنده در انكيچون اكثر ناسدن محجوب اولمش و تحت قسب
عزنده مستور قالمشر نكتم تحقيق بالاده مرور ايلدي (لحرره) اولسه
آدمده حس ششم سليم * بلنور بويي ايله عنبر عود * نفس پا كله در
اهل دلك اولديغي عالم قاب در مهور * وله * كوردك دمده آدمك
و جهن * دي تعجب ايدوب الله الله * كوستروب شكل كداده كندن *
سرنه كيمش اوسلطان كلاه *

چون حديث زوى شمس الدين رسيد *

شمس چارم آسمان سر در كشيد *

شمس الدين محمد بن على التبريزي قدس سره مشايخ مولانا دندر كه
تبريز نكلوب قونية ده مولانا بي ارشاد ايتمشر بعضيلر ديمشدر در كه
مولانا نك معرفت مرتبه سنده مر شدي شمس الدين و حقيقت مرتبه
سنده صلاح الدين زر كويدر صلاح الدين و كذلك حسام الدين
جلبي نك شينجي سيد برهان الدين المحقق الحسيني الترمذي در كه
مر قدي قيصر به ده در سيد مزبور يور مشدر كه حالي صلاح
الدينه و قلمي مولانا جلال الدينه و مردم پس بوقدر آنا رانك بركات
آفاسنددر * چارم * و چهارم در دنجي ديمكدر زرامم ساكن ادات فاعل در
جى معناسنه ماقبلي دائما مضوم استعمال اولنور تا كه نفس متكلمه
ملتبس اوليد تقديرى آسمان چارم ديمكدر در دنجي فلاك معناسنه
شمسك آسمان چارمه اختصاصك سري بالاده بلندي (معنای
بيت) بودر كه چونكه شمس الدين يوزنك خبري ابر شدي و نور جالى
عالمه تابان اولدي كوش حياسندن در دنجي كو كه باش چكدي زيرا
شمس الدينك نور جالى اكا غالب كلدي معنى ياننده ايسه صورت
مضمحل اوله كشمدر انكيچون جهنم مؤمنه خطاب ايدوب (جزيا مؤمن
فان نورك اطفأ ناري) ديمسه كر كر پس حديث روى شمس الدين
ايرشمسك شمس الدينك بو عالم شهوده تشریف و بو موطن دنيا به
قدومندن عبارتدر زيرا بر نسنهك السنه ده ذكرى دار اولق بحسب
الغالب وجودي ظهوري اوزرينه موقوفدر وشمسك فلاك چارمه

سرکشیده اولدیغی تمثیل و مبالغه محمولدر نظر آری چو قدر نتکم
اشعار عربیه ده کلور * لم تاق هذا الوجه شمس نهارنا * الایوجه
لیس فیه حیاء * یعنی اگر شمس نهارده حیاء اولایدی وجه مدوحه ملاقی
و مقابل اولمازدی بلکه مختفی اووردی زیرا وجه مدوحک نوری یانده
انک نورنه اعتبار یوقدر و معراج جامی ده کلور * بقصد شمس تن بآزین
کلابه * چهارم چرخش آورد آفتابه * آفتابه دن مراد ابر یقدر
شمسه اشارتدر مقصود افلاک و تداویرک انسان کامله خدمتکار اولدیغی
بیاندر واحد باشانک سلطان محمدک سرای جدیدنه دیدیکی تاریخده
کلور * حرم من جلال صاحبه * سجده شمس من جوانبه (لحرره)
* بوی زلفک آنجه آهومسک * چین و ماچینه دفرار ایتدی * کور بچک
نور جلالک خورشید * آسمانه واروب قرار ایتدی * و جائزدر که حدیث روی
شمس الدین ایرشمنک روی شمس الدینک محاوره و نور جلالک مذاکره سی
اوله کویا نور شمس الدینک مذاکره سنه آغاز اولجق نور شمس الدینیه
محل و اعتبار قالیوب عار و حیاسندن فلک چارمه سرچکدی یعنی ابراعده
کندی تا که نور شمس الدینک مذاکره سن اشتمیه زیرا کندی فوقنده
اولانک اخبار جلیله و اوصاف جمیله سن اشد کده کدردن خالی اولماز
و حسدندن قورتلز و اوراده طوراجق بر قالماز بعد از شمس الدین امر تبه
قلبه و شمس الدین مرتبه روحه اشارتدر قلب عشرات و روح مات
مرتبه سنده در پس فرقلری بوندن ظاهر اولدی (لحرره) شمس
دینا صورت قلب فلکدر بی کان * فی الحقیقه رتبه سی آنک ملکدن بلاودر *
شمس دین اما جهانک جانیدر معنیده کیم * روح وش سر بقا فیض
ایلمکدن بلاودر * اللهم یسر لنا مرادنا *

* واجب آید چونکه آمدنام او *

* شرح کردن رمزی از انعام او *

* واجب * اغنده ثابت معناسنده در عرفده اوج وجه اوزینه مقولدر
بری واجب عادی در که واجب جمعی دخی دیرلر و بری واجب
شرعی و بری واجب عقلیدر بوراده مراد واجب اولدر و جائزدر که
واجب حصول و وجود حق و شانندن اولان نسنه ده استعمال اولنه
نتکم بعضی از اذهب اولمشلدر * آید * آمدک مضارعیدر زیر مستقبلا تنده

میم یایه تبدیل اولنور * رمز * شفه و حاجب الیه اشاره دیرلر صکره اشارت
کبی اولان کلامدن رمز الیه تعبیر اولندی و علماء بلاغت دیرلر که الرمز
ان تشير الی قریب منك علی سبیل الخفیة یعنی رمز کا دیرلر که سکا قریب
اولان نسینه علی سبیل الخفیة اشارت اینده سن * انعام * ایصال الاحسان
الی الخیر معناسنده در ولکن موصل الیه ناطق اولقی شرطدر انعم فلان
علی فرسه دینلر (معنای بیت) بودر که چونکه الکلام یجر الکلام
حسبجه شمس الدینک نامی اورتایه کلدی و ذکر اولندی انک انعام
واحسان و افضال و صحبت قدیمه سبیله حاصل اولان احوالدر
رمز و اشارت ایلک و بر مقدار نکته خفیة سو یلک واجب و لازم
کلور و یاخود حقندن و شانندن اولورز را اساتید و مشایخک نامی
ذکر اولند فجه تعظیم اولنه کلمش و مناقب و محاسنلرندن شمه مقداری
اواسون افاده اولمقی اداء واجب حکمن بولشدر خصوصاً کندی
نفسنه تعلق ایدن انعامی بیان و اکرامی عیان ایتک آثار شکر دندر
(لحرره) ربشیل یبرق اولسه تحفه دوست * واجب اولان قبول
ایتمکدر * دمیدم موی سیاه بدنک * شکرله چون درخت یتکدر * *

* این نفس جان دامنم بر تافته است *

* بوی پیراهان یوسف یافته است *

* نفس * فتح فائله بدنده بدن و مخردن خارج و داخل اولان ریحه
دیرلر نفس انسانه غذا کبیدر نفس منقطع اولسه نفس انسان دخی
باطل و هالک اولور دیمشدر در که داخل انسانده خارج اولان هوا اگر
طبعله خارج اولور سه نفس دینلور و اگر بالا راده خارج اولوب تصادم
جسمین سبیلله تموج عارض اولور سه صورت دینلور و صوته کیفیت
مخصوصه عارض اولور سه حرف دینلور بوراده نفس ذکر ی زیاده
مخلنده واقع اولمشدر ز براتنفیس و تفریح معناسنی اشعار ایدر که مصراع
ثانیکن مضمونی اندن ناشیدر نتکم حدیثده کلور (انی لا جد نفس الرحمن
من قبل الین) و بر حدیثده دخی کلور (لا تسبوا الریح فانها من نفس
الرحمن) حدیث اولده اولان نفس ایکی معنایه محمولدر بری تنفیس
صوری در که فخر عالم صلی الله علیه و سلمه اهل مدینه بوزندن حاصل
اولان نصرت و ایوادر زیر انصار رضی الله عنهم یمانیلدر و بری دخی

تنفیس معنوی در که زمان رسالته نموده قطب الابدال اولان عصام الدین
القرنی نیک نفس رحمانی اولدیغنه اشارتدر و مذکور عصام الدین اویس
القرنی نیک عی ایدی و بوقطیبت مقیده فخر عالم قطیبت مطلقه سنی منافق
دکدر زیر امر اتب ولایتدن مرتبه مخصوصه در پس انک و سائر مراتبک
مظاهری فی الحقیقه خدام پیغمبر علیه السلام دروزرا و امر اخدام سلطان
اولد قلری کبی وحیث ثانیده اولان نفس تقریج کر به و نشر غیثه
واذهب جد به محمودر خصوصاً که حضرت یعقوبه ریح یوسفی
علیهما السلام حامل اولان باد صبا بی تنسم ایدن مکر و ب و تنشق ایدن
محزونلرک طیب نسیمی ایله متفلس و متسلی اولورلر و جانب احبا به شوق
غالب و سمع اوطانه حنین عظیم بولورلر (لحزله) کلمدن حضرت
یعقوبه بشیر* ایلدی یوسفی صبا تبشیر* بولسه بوی صبا بی بر محزون*
آچیلور کولکی انکله آلبشیر* جان ایله مراد روح سلطانی در نفس حیوانی
دکل دامن ایله مراد دامن دلدر* تافتن* بوراده بو ککدر* پیراهن کوملک در
قیص معنائه الف ثانی اشباع در و اشباع دخی وزن ایچوندر نیکم اصفهان
و صفاهان دیرلر* یوسف* اسم عربی در اصل لغت ابراهیم علیه السلام در
سربانی اصلده لغت آدم علیه السلام اولدیغی کبی اطائف اتفاقیه دندر که
اسف لغته حزن و اسیف عبدر که ایکسی دخی یوسف علیه السلامه
مجمع اولمشدر پیراهن یوسف اول قیصدر که حضرت ابراهیم علیه السلام
نارغروده القا اولندقدده بدنده ستره دن غیری یوغیدی جبرائیل علیه
السلام حریر جتدن کمتور و ب حضرت ابراهیمه الباس ایتشیدی صکره
اوغلو اسحاقه و اسحاقدن دخی اوغلو یعقوبه انتقال ایلدی حضرت
یوسف دنیا به کلد کده یعقوب علیه السلام اول قیصی کشدن معمول
بر طرف ایچنه قیوب بطریق التعویذ کردن بند یوسف قلدی بوا عصارده
صبیان بیونلرینه تعلیق ایتد کیری هیاکل و طلاس و تعای و یذ کبی حضرت
یوسف چاهه القا اولندیغی زمان اول قیص بو یونده ایدی و حریر جنت
اولغله انده رایحه خوش طبع جنت واریدی مبتلی و سقیم اوزرینه
واقع اولسه صحت و عافیت بولوردی و نهاد انحراف اثری کمال اعتداله
اولکیدن به ستر اولوردی مر و بدر که حضرت یعقوب علیه السلام
رایحه پیراهنی سسکسان فرسخ بردن استنشاق ایلدی و مسافه دوردن

استنشاق روایح عطره ایتک ارباب تصفیه به مخصوص در ریرا جوهر
ذاتلری ریاضله لطافت زائده پیدا ایتکله حاسه شملزده قوت غالبه
واردر انکیچون رسول الله صلی الله علیه وسلم دائماً جنتک روایح طیبه
سن استشمام ایدرلر دی نیکم محمدیه ده کلور* قودی بورننده بر خصلت
که ایرردی مشامنه* خصوصاً جنت حدنک کلور دی ریح اکوانی* بوراده
بوی پیراهنی تشبیه طریقله واقع اولمشدر مقصود مشام جان و اصل
اولان بوی معنوی و نفس رحمانی در که بوی پیراهن کبی جان حزینه
تسلی و بر و مرده وصال ابر کورر و دیده جان انکله روشنائی بولوب
جمال یوسف حقیقی بی کورر فتم الوارد و حبذا البشیر (معنای بیت)
بودر که بو نفس یعنی بوم و بوساعت و بولظه روح سلطانی
بوی پیراهن یوسف کبی بوی معنوی المغه و نفس رحمانی بواغه دامن
دام بو کدی مطلوب آتی ایچون اکا محکم یا پشیدی یعنی بنم انعام
شمس تبریزدن بر رمز سوسو یلک واجب کلور دید و کدن اول حالده
روح سلطانی نیک کچن دملریادنه کلوب و و خصوصاً صده بدن کلام صریح
طلب ایتدی و لکن اعتذار آتی ایچون رمزله اکتفا اولندی مقصود
حقیقت فاعلیه نیک حقیقت قابلیه دن استفاضه ایتدیکن بیاندز زیر
انسانک حقیقتی حقیقت برزخیه در یعنی حضرت آلهیه و حضرت کونیه
بی جامع در و حضرت آلهیه فاعله و مؤثره و حضرت کونیه قابله و متأثره در
روح سلطانی فاعلیه نیک مظهری اولغله حضرت قابلیه نیک مظهری
اولان قلبدن استمداد ایدر اصل بودر که قلبک بدنه اتصالی وار در شویله
که حقیقت بدن انسانی قلبله محقق اولمشدر و انسانک ظاهر بدنی عالم
شهادتدن و باطنی عالم ملکوتدندر معارف روحانیه دن جوارحه آثار
منحدر اولدیغی کبی طاعات بدنیه دن دخی روحه و قواسمه آثار مرتفع
اولور طاعات شرعیه و عبادات مرعیه نیک جمله سی تقویه روح و ترقی
قلب ایچوندر انکیچون فخر عالم صلی الله علیه وسلم (ارحنا یا بلال)
بیورلر دی و بونده یوسف ایله شمس تبریزیه و پیراهن ایله صحبت خاصه
و بوی ایله اول صحبتدن حاصل اولان آثار لطیفه رحمانیه و اذواق شریفه
رحمانیه به اشارت واردر که کویا یعقوب جان بیت الحزن هجرانده
کریان و سوزان اولمقدن ناینا اولمش ایلدی یوسف شال اولان شمس تبریزی

مطلب

فی استقامه
الحقیقتین

جا نیندن بوی نازه آلدی واول بویك نأیرندن استغراق عظیم بولدی
بوسیدن کندی حالته متعلق سوز سوبلدی وچکن احوال شریفه نك
تذکار و تکرارن رجا ایلدی زیر اول مجلسك هر برحالی برغدای روح
وهر بردی برابر عمر نوح ایلدی انسان ایسه سود بکی نسنه نك ذکرن
اکثار ایده کلمش و ذوق و صفای طبعنه ملایم اولان معناده بولمشدر
پس کندی حالن و ذوقن قیوب غیرك احوالن التزام ما لایلزم ایلکدر
بویسه تنزادر و مولانادن منقولدر که بیور مشلدر در ماراچه ازین قصه که
کاو آمد خر رفت این وقت عزیزست ازین عریده باز آی یعنی هر کس
کندی کارنه مشغول اولق اهم مهمما تندر دیکدر معلوم اولکه تمکین
اهلنه رمز و تصریح برابر در زیر انلر بقا حالنده در خلقده حتی مشاهده یه
قادر در فاما تاوین اهلنه غالب اولان تصریحدر زیر انلر کسری فناده در
پس کنیدلرینک بی پرده اولدقلرینه کوره کلام معشوقی دخی بی پرده
دیرل (لحرره) پیرهن وار کچمه سردن * کسه آغوشه کتور من خوبی *
خوف ایدر راز عشقی افشادن * نقدر سوسه کشی محبوبی *

* از برای حق صحبت سالها *

* باز کو حالی ازان خوش حالها *

* از برای * من اجل معناسنه تعلیل ایچوندر حقیقی بالاده شرح اولمشدر
بومقوله برلده قسمی متضمندر اندیا و اولیا و سایر مخاوفات و حقوق غیر
نسنه حیچون دینلر زیر مخلوقك خالق اوزرنده حق یوقدر بلکه
حرمتیچون دینلور فاما عریفده حق دخی حرمت معناسنه شایعدر پس
بومقوله استعطافه محمولدر نتکم صحاح عجمی ده کلور که باء مفتوحه
قسم ایچون کلور بخدا کی واستعطاف ایچون کلور بسرتو کی بوندن
ظاهر اولور که عربك و حیات رأسك دیدیکی و امشالی استعطاف
قیلندندر پس فقها ذاهب اولدیغی اوزره کفر و شرک لازم کلمز زیر
عرف و عادتیه بنیدر لزوم کفر حقیقت قسمه حل اولاند یغی زماندر
* صحبت * لغتده مطلق ملازمتدر بر ساعت اولور سه ده انکیچون اکثر
علماء اصحاب رسول الله صلی الله علیه وسلم حقننده بومعنی بی اخذ ایدوب
کثرت صحبتی اولمینه دخی اطلاق ایتلدر و عرفده کثرت ملازمت و طول
لبثه دیرل انکیچون مصاحبت و اصطحاب اجتماعدن ابلعدر زیر اجتماعده

طول لبث معتبرد کلدن پس هر اصطحاب اجتماع اولور من غیر عکس بعدذا
صحبت ایکی وجهله در بری قبل انکمال اولان صحبتدر که امور لازمه دندر
بری دخی بعد الکمال صحبتدر که امور واجبه دن دکلدر انکیچون
اکثر علماء بالله تکمیل سلوکدن صکره عزالت اختیار ایتلدر در دیمشدر که سبب
صحبت جنسیتدر پس شول کسنه که اخص اوصافده مثلاً طاعت
و معرفت کی آخره مجانس اولوب انک حسن حالیه متخالی اوله شکر
بلیغ لازمدر بوراده صحبت ایله مراد یار و حک جسمده و یا مولانا نك
شمس تبریزی ایله اولان صحبتیدر زیر صحبت ملازمت انسان
و حیوان و مکان و زمان و امثالندن اعدر اصل اولان
روحك بدنه ملازمتیدر ولیکن لسان قومده صحبت اطلاق اولنسه
ارباب سلوک صحبتنده شایعدر * حال * اول معنادر که من غیر تصنع ولا
اجتلاب ولا کنسب قلب اوزرینه وارد اولور و حزن و قبض و بسط
و هیبت و انس کی حال متغیر و متحول اولمغله حال دینلدی نتکم مقام
ثابت و مستقر اولمغله مقام دینلدی یعنی حال دوام اوزرینه اولوب
صفات نفس ظهور ایتد کده زائل اولسه حال دینلور دوام اوزرینه
اولان ملکه به مقام دینلور اصحاب حال انلدر که اعمال صالحه نك
انواری انلره نأیر ایلوب الله تعالی دخی انلره بطریق المجازاة ای علی
اعمالهم حالده ذوق و وجد و مألده کشف و مشاهده و معاینه و معرفت
هیه ایتلشدن ولیکن استقامت شرطدر زیر طریق اوزرینه مستقیم
اولمیان سالک مأل ضلال و اختلال و احتجابدر نعوذ بالله تعالی بوندن
ظاهر اولدیکه اعمال شرعیه اساس الکل در زیر اعمالدن حال و حالدن
مقام حاصل اولوب حجاب کشفه و تلوین تمکینه مبدل اولور (لحرره)
هر کم استرسه صفاء حالی * قومسون دائم الدن اعمالی * ایده کور قالکی
حاله تبدیل * نیلر انسان میوه سبز دالی (معنای بیت) بودر که بنم سنکله
اولان نیچه یلار صحبت و ملازمت حقندن اوتوری و یا شمش تبریزی ایله
سنک بوقدر زمان ایتد و کک صحبت مخصوصه حق و حرمتیچون
اول خوش حالدرن بر حال سوبله و یا مکشوف و بی پرده سوبله
یعنی رمز ایله زیر سوبله ده غذا وارد و رمزده غنا یوقدر بونده روحك
زیاده تعطش و احتراقنه اشارت و مولانا نك شمسله بر قاح سنه صحبتنه

دلالت واردر مکرر سالها لفظی کثیره محمول اوله وعلی التقدیرین طول خدمت لازم اولدیغی صورته دخی ابتدای انکشافدن انتهای تلویته دك برازخ چوقدر وجیع براز خده تأییده محتاجدر تأیید ایسه بحسب الغالب می شد کمال جانندن او اور الحاصل نبلی علمینک تلویتهاتی براز خندن نبلی عینی تمکینی مقامنه ایرنجه ارشاد لازمدر مقام عینه قدم بصمدقه ایش بتدی دینلر اثنای طریقده وقوف ایتمش و بلکه سمت خلافه کتمش در ویت مزبورده بر اشارت دخی بودر که سالیکاره لازمدر که وقت صحبتده سلوکلرندن ترقیه مدار اولان احوالی مذاکره ایدلر صدوددن حقیقه ل والا اسراف وقت واضاعت زمان ایتمش اولور اللههم یسر لنا ولا خواننا هذا المقام (لحرره) کر ترقی جوابیست کندک تنزادن صاقن * می کز حق اوزره ثابت اول تنزادن صاقن *
* تازمین و آسمان خندان شود *

* عقل و روح و دیده صدچندان شود *

* تا غایت عرض معناسنه در زمین و آسمانندن مراد جسد و روح در زیر جسد ارض کبی سفلی و روح سما کبی علویدر و فیض بارانله زمین قوام و نما بولدیغی کبی فیض قوت روحله دخی جسد بقا بولور * دیده * کوزدر ابن کال فرق ایدوب دیمشدر که دیده کورک التنده اولان بر در سواد و بیاض دیدهده داخلدر قیاق و کر پک داخل دکدر چشم ایسه کوزدر قیاق و کر پک چشمده داخلدر دیده می کبدر برجزنی دیددر که دیدندن مشتق اسمدر کورمک معناسنه و برجزیده هاء نقلدر معنای عامدن معنای خاصه بوراده دیدهدن مراد بصیرتدر قوای باطنه دن اولان عقل و روحه انضمام قرینه سیله معلوم اولکه جواهر انسان فطرت اولیده حقیقت واحده در رو حک بدنه تعلق اعتباریله قوایی تکثر ایتشدر پس غواشی نشاء بشریه ایله احتجاب و امور طبیعیه ایله استحالنه کوره نفس دیرل و مجرد و ظهور نوره کورد عقل و عالم قدسه اقبالنه کوره روح واطلاع و معرفتنه کوره قلب دیرل باقی تفصیل بالاده می و ر ایتشدر * صد * تکثیر ایچوندر (معنای بیت) بودر که ذکر اولان وجه اوزرینه ذوقه متعلق سوز سویله و غداء معنوی اولمغه صالح کلامه آغاز ایله تا که عالم وجودک فوقانی و تحتانیسی خندان اوله

و نشاط تازه بوله و فیض جدیدله نما و برکت ظهوره کله و عقل و روح و بصیرت یوزا و اقدر اوله یعنی اولکی مرتبه دن حالاری ترقیده مضاعف اوله زیرا انسان طعامله بقا و خصوصاً صبیان غدایله نما بولدیغی کبی وجود و آنک توابعی اولان قوی دخی علوم و معارف و حقایق ایله ترقی بولور و مذاکره روحانیه ایله آینه لرنه صفوت و جلا حاصل او اور معلوم اولکه فیضله انتفاعده جسدی ادخال ایلدی زیرا دلتشدر که
* ع * و الارض من کأس الکرام نصیب * بوسیدندر که حالت وجدده ساقط اولان خرق مشایخ و مطلقاً البسه کن ایله تبرک اولور زیرا برکات روح اعضابه ساری اولدیغی کبی اعضابه متصل اولان لباسه دخی ساریدر زیرا قرب جوارک حکم مخصوصی واردر انکیچون حریم شریفین و سایر مواطی اقدام انبیاء و اولیاء و مزارات و مر اقد اقطاب و اصفیا غیری مواضعه قیاس اولماز و عقل و روح و بصیرتی تخصیص ایلدی زیرا معظم قوای باطنه در و ذوق و شهودله دخی متفعلدر و جسد و روحک خندان و صد چندان اولماسنی غایت غرض اخذ ایلدی زیرا صحبتدن مراد علوم نافعه و علومدن دخی مقصود مکاشفه و شهوددر انکیچون اکثر علماء و ثقی معرفت اوزرینه ترجیح ایتشدر لر در زیر معرفت غیبتدن خالی اولماز مقصود ایسه حضوره ایرمکدر (لحرره) نیچه بر نور جلالک بدن * صقلیوب دیده می تاریک ایده سن * و بر میوب وصلت ذاتکله سکون * جائی عشقه تحریک ایده سن *

* لا تکلفنی فانی فی الفناء *

* کلت افهامی فلا احصى ثناء *

بوراده قول محذوف واردر مقام قرینه سیله قرآنده و کلام بلغاده نظائری چو قدر قائل مولانا در که حقیقت قابلیه جانندن حقیقت فاعلییه طرفته جواب و برر * تکلیف * برسنه طالب ایتکدر که انده کلفت ورنج اوله * فنا * شهود باریده ملائکه مهمیه کبی مستغرق اولوب عالم ملک و ملکوتی احساس ایتمکه دیرل قوی و ضعیف اولور اربانه معلومدر بومقامه متعلق بالاده کلام کذر ایتشدر * کلال * کنک و لال یعنی در مانده و عاجز اولمکدر * فهم * عقل کبی قوی نفسانیه دندر جمع ایراد اولندیغی متعلقاتی و باقوای مدر که و یاغیری اعتباریله در نتمک

لا نظر آری هرور ایلدی دیمشدر در که علمک صورت طاهره سی و سر
باطنی وارد که فهمدر انکیچون الله تعالی شرف فهم اوزرینه تنبیه
ایدوب بیورر (فهمهاها سلیمان و کلا آتینا حکما و علما) پس فهم
حکمله علمدن متمیز اولدی حکما دیمشدر که فهمله حفظ ایکسی علی
سبیل الکمال مجتمع اولماز زیرافهم دماغک مزید رطوبت و حفظ مزید
بیوستن استعدا ایدر بس رطوبت و بیوستن مجتمع اولدیغی کبی فهم
و حفظ دخی مجتمع اولماز و امام محمدک مناقب مخصوصه سندندر که امام
شافعی حقنده بیورر (مارایت سمینا اخف روحا من محمد بن الحسن وما
رأيت افصح منه وما رأيت اذکی منه) (لحرره) سریان غدای روحانی
ایلمشدی او جسم پاکي سمین * نقدر وار یسه خزاین علم * حفظنه
حق آتی قلمشدی امین * احصا * قادر اولق و علی سبیل الاستقصا
عدایتمک اصل بودر که حساب عقود اعداددن عقد معینه
بالغ اولسه عادت عرب اوزره انکیچون حصاة وضع اولوردی
تاکه حفظ اولسه اندنصرکه استیناف عدایدر لردی سائرلی
اصابع و امثاله اعتماد ایتدیکی کبی عرب حصاته اعتماد ایدردی پس
احصا حصاة وضع ایتکدر که غایت ایشتمک اوزرینه مبتدیر و عدم احصا
بونک خلا فیدر * ثناء مدحله و صفدر حالا لا ذکر ی تنبیه اولمغله
ثناء دینلدی (معنای بیت) بودر که سن بکا معنای مزبور و شرح
مذکور ی تکلیف ایلله زیرابن غرقاب فنام وقتا حالنده بالکراسان دکل
بل فهم بله کلایل اولور و ظاهرا و باطنا شعور قالز (پس بوسیدن بنم
افهام وارد اکا کلال کلش و مشاعر حس و تصور دن قالمشدر *
مدح و ثناء و ذکر اوصاف و شرح احواله اقتدارم یوقدر (بونده اشارت
وارد که افهام حادث و امور ذوقیه و اسرار کشفیه قدیمدر زیر اسماء
وصفاتک نتایج و آثار ایدر پس حادث قدیمک حقنی نیجه ادا ایده
انکیچون لیلہ معراجده فخر عالم صلی الله علیه و سلمه (ابن علی) دیو خطاب
کبریا وارد اولدقده (لا احصى ثناء عليك انت کما اثبت علی نفسك)
دیو اظهار عجز ایلدی زیرا حق تعالی نک کند ی ذاتی اوزرینه
(الحمد لله رب العالمین) دیو حمد ایتدیکی ذاتی قدیمدر پس عید
حادث لسان حادث ایلله حمد موصوفه مستأهل دکلدر (لحرره) خدادن

اولسه انسانه احسان * لسان لال اولور اولمز حمد آسان *

* کل شیء قاله غیر المفیق *

* ان تکلف او تصلف لایبق *

* معلوم اولاکه بو کلامده اضممار وارد تقدیر کلام بودر کل شیء
ارادان یقوله غیر المفیق ان تکلف فیه او تصلف لایبق له * قول * نطقدن
اعمدر زیرا قال الله دینا ور نطق الله دینلز * افاقت * انسانه سکر
و جنوندن صکره فهم و مر ضدن صکره قوت رجوع ایتکه دیرل بوراده
مفیق ایلله مراد صحو و بقا و غیر مفیق ایلله مراد سکر یعنی غلبه حال و فنا
اهلیدر * تکلف * اصلنده اظهار کلف ایتکدر کلف فیه ایلله عشق و محبت
و چهره ده ظاهر اولان اثر عبوست و ظلمندر نیکم صفحه قرده مشاهددر
(لحرره) حسنک یوزینه بکلرک اولمشدر آینه * رخسارمه کورنمز
ایلدی اولسه کلف * یا قوت کعبه خالکه تشبیه ایدوب یوزین * عشاق اول
سیددن اورر چهره سنه کف * پس برایشده تکلف ایلک انی اشلکده
اظهار کلف ایتک و تعاطی سندن مشقت چکمدکدر صکره انسان آتی مشقت
ویا تصنع و یا تشبع ایلله ایشلد یکی نسنیه اسم اولمشدر الحاصل تکلف
برنسنه ک کلفت وزجرتن چکمک و کند ندن برنسنه اظهار ایتکدر که
اصلنده و ذاتنده اولیه انکیچون ایکی نوعدر بری بمدو حدر نیکم تکالیف
شرعیه اکا اشارت ایلر و بری مذمو مدر نیکم قرآنده کلور (وما انا من
المکلفین) و حدیثده کلور (انا و اتقیاء انی براه من التکلف) تصلف *
لاف اور مقدر قال فی القاموس تصلف الصلف و صلف تحریک ایلله
طعامک نما برکتی آز اولق و کشتی مصاحبک کراحت ایتدیکی سوزی
سویلمک و متحقق اولدیغی نسنه ایلله تمدح و مقدارنی تجاوز ایتک
و فوق الحد ادعای ایلکدر و کتف و زنتنده طعامک لذت و سحابک قلیل
الماء اولاننسه دیرلر فی الحقیقه متصلفک دخی کلامی بی چاشنی و لفظی
قلیل المعنی و الفائددر (معنای بیت) بودر که مرسوز که مغلوب الحال
و مسلوب الاختیار اولان آتی سویلمک مراد ایایه و کذلک بطریق التحریر
قلمه کتورمک دلبه مأذون من عند الله اولد قچه تکلف قیلندر
عاشقه ایسه کند ی یا نسنه کوسترمک و بالاف اورمق لایق
و انصاف دکلدرز برافناء اهلی افاقت حالنده بله تکلف و لاف ایتمز فکیف که

غلبه حال فائزنده آید به بومقوله تکلفات و تصلفات ارباب
 قیودن صادر او را صاحب شهوددن دکل زیرا اصحاب شهودك
 جمیع حرکاتی و سکناتی حقه در نفسله دکلدر انکیچون لفظلرنده
 کثرت معنی و اثرلرنده و فرت جدوی وارد کویا مولانا حاضر تری
 روح سلطانی به جواب و بررل که شمدیکی حالده مطلوب اولان معنائك
 شرح و بیانته اذن الاهی اولدیغندن ماعدا افاقت دخی یوقدر بناء علی
 هذا حصوله کلمی ممکن دکلدر (سؤال اولنورسه که یا بومقالاتی
 سرد و حقایقه رمز ایتدیکی حالده خود بی خود ایدی نتکم بالاده تلویح
 اولندی پس شراب فیضك مستانه لکی تقریر و تحریر به مانع اولدی (جواب
 بودر که بی خود اقی مرائب اوزرینه در بطریق الرمز یازمغه مأذون
 اولیحق فی الجمله سکر مانع دکلدر نتکم اشغه ده دخی شرح و بیان کلمه
 کر کدر ان شاء الله تعالی (لحرره) عشقه اولمش ایکن چون سکران *
 عاشقه کلمو نمی عقل سکران * کیمکه مستغرق تبخیر * اولماس
 عالمده کناره مکران *

* من چه گویم يك ر کم هشیار نیست *

* شرح آن یاری که او را یار نیست *

* هشیار * هوش یاردن تخفیف اولمشدر هوشیار آیتدر مقابل مستدر
 هوش او کدر که لسان عربیده اندن تمیز ایله تمیز ایدرلر تمیز دیدکلی
 بر حالتدر که عقل صحیحك اثریدر وانك اوزرینه متفرعدر انسان خیری
 و شری انکله فرق ایدر نفس عقل دکلدر زیرا عقل خلقیدر و هوش کسبله
 متراید او اور هوشیارك معنای ترکیبسی هرشی کندوبه یار و معین دیمکدر
 یار اولدن مراد شمس تبریزی در یارك معنای اصلبسی معین و مصاحبدر
 اصحاب صفا به یاران دیرلر ایکنجی یار نظیر معناسنه در زیرا اش
 و یولداش بری برینه نظیردر بورا دندر که ابکی قزنداش عورتلرینه
 یاری دیرلر کویابی یار اولقی بی نظیر اولمقدر انکیچون شمدیکی زمانه ده
 یار یوقدر دیرلر یعنی انسانك حالته کوره نظیری نادر در * بوسیدندر که
 انبیا و کل اولیا بونده غریب اولمشدر (لحرره) بودهرك شش جهتدن
 همیشی کرچه يك چو قدر * اررسك زبع مسکونی ولی یار وفا یوقدر
 (معنای بیت) بودر که اول یار بی نظیرك شرح اوصاف و بیان احوالی

نیجه ایلیم و بوبالده نه وجهله سوز سولیم که طهرم به آیتی دکلدر یعنی
 می فیض و شراب تجلی نك نشووه سی قلمیدن اعضا وجود مه فیضان
 و اعصاب و عروق سریان ایلوب طولمش وجهله اجزاء وجودم مستانه
 شکان بولمشدر مست اولان کسنه ارض و سما بی تشخیصدن عاجز
 و حرکتدن دور اولدیغی کی بن دخی استیلاء و فنادن اجسام وار واهی
 تمیزدن بی بهره و تقریر کلام و تحریر مرمر آمدن مهجورم (پس بتدن
 ذکر اولسان معنای درخواست ایتك مستانه دن اوضاع عاقلانه طلب
 ایتك کیدر بوايه حیر امکانده دکلدر (بعد ذاعروق تخصیص
 ایلدی زیرا برنسنهك کیفیت قوت بوايه عروقه ری و امتلا کلور مثلا
 خرك نشووه سی غالب اولسه شارب مغلوب العقل اول نشووه عروقه ساری
 اولوب جمیع اعضا ده اثری ظهور ایدر كذلك فیض الاهیك کیفیت
 کلیت بولسه مظهری مغلوب الحال اولوب اول کیفیتك حکمی
 ظاهر و باطنی استیعاب ایدر زیرا اعضا بدن عروقه قائم اولمغه
 جمیع اعضا وجود اول کیفیت ایله متکیف اولقی لازم کلور انکیچون
 اگر شرب و اگر فیضنده قلت و کثرت ایله تفاوت وارد (لحرره) صونسه
 حق عشقه دله برجام * نشووه سندن طولار عروق آنك * اولیحق جان زبون
 صهبا * طوتمز اولورالی ایاغی تنك * و بونده شمس تبریزینك قدس الله سره
 کالنه اشارت وارد در زبانی نظیر اولمغه وصف ایلدی و برنسنه بروصف شریف
 ایله جنسنی تفوق ایتد کجه بی نظیر اولمازا انکیچون مسك رابحه و خاصه سی
 سبیلله سائر دما اوزرینه تفوق ایلوب کویا جنس آخر اولدی و انسانك کالی
 عرفان و عیان و علما و عینا و حقا تجلیات رحمانله در پس شمس تبریزی تجلی
 عینی به مظاهر اولمغه قطب طرفندن قونیه ده ارشاد مولانا به سوق
 اولمشدی انکیچون مولاناك حقنده بیورر شیخ من خدای من بوراده خدای
 من وصف ترکیبدر خود آی معناسنه زیرا طلب بوغیکن کندی
 اختیار ایله کلدی و بونده باقی کلام ذوقه احاله اولمشدر (لحرره) اولسه
 شاگرد زیاده قابل * ایاغینه کلور آنك استاد * نتکم شمس عزم قونیه
 ایدوب * ایلدی مثلا جلالی ارشاد *

* شرح این هجران و این خون جگر *

* این زمان بگذار تا وقت دگر *

* هجران * کسرله و هجر قحله و صلاک ضدیدر ترکیده آبر یلق دیرل
 * ابن زمان * ایله مراد زمان استغراق و تجلی و فنا و وقت * ذکر * له مقصود
 زمان افافت و استنار و بقادر (معنای بیت) بودر که یار بی نظیر حقنده
 مطلوب اولان بیان و تقریر کرچه فی نفس الامر مشتهی و مستفید اولنله
 زیاده لذیذ و مفیدر ذکر اوصاف احبا غدای روح و نشر محاسن
 اخلاص سبب انواع فتوحدر و لکن حالا محذوردن خالی دکلدر ز براشمدی
 وقت استغراق و تجلیدر وقت افافت و استنار دکلدر مطلوب اولان
 معنی ایسه هجران و خون جگره دایر برایشدر کل ابدی وقتی ایکی ایله
 اگر وقتی کلوب اذن آلهی وارد اولورسه سنک دخواهک دخی حصوله
 کلور تنکم دینمشدر الامور مرهونه باوقاتها بوندن ایکی وجهله اشارت
 واردری بودر که معنای مطلوبی شرح و بیان عهود سالفه نک تذکر نه
 باعث اولوب تجدید الم فراق و نقطه خیز خون جگر مر المذاقندن خالی
 دکلدر (لحرره) کرچه محض کرم و لطفندن * سبکیار ایلدی بی
 باری * لیک آخر فراق که دوشدم * کور میدم بو کونلری باری * وبری
 دخی بودر که استغراق حال بالکلیه شغلی منافی دکلدر زیر اقاوت وضعه
 تفاوتی واردری و بویله مغلوبیتده تحریرک فائده سی بودر که انکله انجلائی
 دل و تسلی خاطر حاصل اولور تنکم فخر عالم صلی الله علیه وسلم (کلینی
 یا حیراء) یوردیغی اکا اشارتدر شیخ اکبر قدس سره الاطهر حضرتلری
 بیورمشلدر که تحریر اتم ایله سائر مؤلفین کی تألیف ایتک مقصودم دکل ابدی
 بلکه الله تعالی طرفندن واردات ظهور ایدردی که انک شدندن محترق
 اولق مرتبه سنه وارددم اول سبیدن تقید و کتابت ایله تشاغل ایدردم
 و محمديه اواخرنده اولان برقصیده دخی غلبه حال و حالت سکرده تحریر
 اولمشدر و بونک نظاری چوقدر روشن دل اولنله خفی دکلدر و بعض
 کل دخی اواخر عمرده وقت افافت و بقاده اذن آلهی ایله تحریر مشغول
 اولورلر تا که نتایج ساولان آناردن برمداری الواح و صحائفده
 محفوظ و باقی اولوب طلبان حضرتنه مدار انتفاع اوله (لحرره)
 اسعدن باغ عمره باد اجل * شیشه چرخه قویه کور برکل * یاد کارک
 اولوب جهان ایچره * کلکه اکسک اولسون بلبل *

* قال اطعمنی فانی جایع *

* واعتجل فالوقت سيف قاطع *

* قال * نک ضمیری بالا ده ذکر اولسان جانہ راجعدر * اطعام * طعام
 و برمددر طعام تناول اولنان غدا در شرابه دخی اطلاق اولنور تنکم
 قرآنده کلور (ومن لم يطعمه فانه مني) ای من لم بشر به و حدیثده زمزم
 حقنده کلور (انه طعام طعم و شفاء سقیم) و بر حدیثده دخی کلور (اذا
 استطعمکم الامام فاطمه) یعنی امام مختصر اولدقده استفتاح ایتسه
 تلقین ایدیکر * جوع * آجلقدر که معده طعامدن خالی اولمقدن حاصل
 اولان کیفیتدر شعبک ضدیدر * اعتجال * عجله دندر برنسنه بی وقتندن
 مقدم طلب ایتکه دیرل (الوقت سيف قاطع) کلمات صوفیه دندر تنکم امام
 شافعی رحمه الله بیورمشلدر که چوق زمان صوفیه ایله صحبت ایلدم
 و انلردن ایکی سخن پسندیده اشتدم بریسی الوقت سيف قاطع و بریسی
 دخی ان من العصمه ان لا تقدر معنای بودر که وقت کسکین قلیج کییدر
 بی توقف کذر ایلر و هر زمان که تیغ کی تیر کذر ایلله حیف و دریغ فائده
 ایلز و وقت بر نفس ایسه ده اضاعتدن احتراز لازمدر ز رانائیری قویدر
 تنکم نفعی اشعارنده کلور * فیض بردمده ایرر آده زنه ار اودمی * بول نه
 بو عالم نه عالم فردایه دکش * و بوستانده دخی کلور * مکن عمر ضایع
 بافسوس و حیف * که فرصت عزیزست و الوقت سيف * نکه دار فرصت
 که عالم دمیست * دمی پیش دانابه از عالمیست * یعنی بر دم عاقل یا ننده
 بر عالمدن یکدر زیر اجازدر که انسان بردمده بدولته نائل اوله که ابدی اول
 دولک سایه سنده مستریح اوله و اول دولتی غیری دملرده بولیه تنکم
 لیالی اراسنده ایله قدر و اوقات اراسنده ساعت اجابت برمددر که سائر
 اوقاتده حاصل اولمین سعادت اول دمدده حاصل اولور (معنای بیت)
 بودر که جان بکا خطاب ایدوب دیدیکه بکا اطعام ایله و غذا و یرز برا
 بن کرسنه بن و مطلوب اولان معنی بکا غذا کییدر ز راهر کس حاله کوره
 مرز و قدر کیمی جسمانی و کیمی روحانی و روحانی اولان رزق علوم
 و معارف و حقایق و اذواقدر و بو خصوصیه عجله ایله تأخیر ایله که
 تأخیرده آفات واردری بر وقت سيف قاطع کی تیر کچر و علی الفور
 تأخیری ظاهر اولور صکره بو فرصت اله کرمن وقتنده کشی غدا سن

تهیه ایتمک کر کدر انکیچون دنلشدر (لاتکن التله اکیس منک تجمیع من صیفهالشائها) و دینلشدر (الصوفی بعد الاربعین بارد) یعنی اربعینی تجاوز ایده نك من اجنه برودت غلبه ایدر بوکار صعبك حصولی ایسه حرارته موقوفدر پس وقتنده سلوک بولمنسه سالک بحسب الغالب بولدن قالور (لحرره) اولسه نرکس واریله خواب غفلتدن حذر * کوز بوموب آچنجه سن بردهده وقت ایلر کذر * بونده اشارت واردر که (ایست عند ربی بطعمی و یسقینی) سرندن آگاه اولانه و ذوقنه راه بولانه لایق اولان بودر که اول صحبتده حاصل اولان اذواق و غذای روحانی و اول حالتده ورود بولان الهام ربانی دن مستحق اولنلری دخی تفقد ایلله و مسائهل اولنله دخی رازا چوب سویله زیرا بومقوله موأده نیچه مستهیلر طفیل اوله کلشلر و بوکونه فوآده نیچه مستفیدل محرمیت بولشلردر بنامی و مساکینی کوزتمک دأب قدیم کرام و فقرا و محابجی رعایت ایتمک دیدن دیرینه اسخباء انا مدر (لحرره) علمونا ایها القوم الکرام * نبذه العرفان من الوا حکم * نحن محتاجون جئنا بابکم * نستعجیل الفضل من اربا حکم * قد بقینا فی کدورات الوجود * اطعموا مما صفا من راحکم * انظرونا نقبیس من نور کم * انتفاعا من ضحی اصبا حکم * لیس الا شباح امکان الجوار * قریوا الا رواح من اروا حکم * مات اسمعیل حتی فی ظمأ * یرتجی الصهباء من اقدا حکم * اللهم شرف لنا بهذه الامور *

* صوفی ابن الوقت باشدای رفیق *

* نیست فردا گفتن از شرط طریق *

* صوف * قیون یوکیدر صوفی صورتده قیون یو کندن عبا کیچی و معناده مقرب دیکدر زیرا اصلنده قرآنده اسم صوفی یوقدر ولکن مقرب واردن و بلاد مغرب و ترکستانده و ماوراءالنهر و رومده و غیره اقطارده رجال الله واردر که صوفیه دنلزلزیرازی صوفیه الیه تزیی ایتنزلر پس برکسنه نك احوال مقربینه اطلاعی اواسه و لکن انلرک احوالیه متحقق اولسه اول کسه ابرار دندر که اکا متصوف دینلور و متحقق اولسه صوفی اطلاق اولنلور و بولنلورن ماعداد که انتسابی و لباسلری ایله تلبسی اوله متشبه دینلور بوندن فهم اولنلور که

بالکن زاهد و فقیر صوفی دکلدر زیرا تصوف فقر و زهد و سائر او صاف شریفه و اخلاق جمیله بی جامع بر معنادر و مقربیدنک بواطن احوال و حقایق اذواق معلوم اولمنهین بر حال مخصوص ایله تقیید ممکن اولایوب ظاهر لباسه نسبت اولنوب صوفی دینلدی * یقال تصوف اذا لبس الصوف کما یقال تقمص اذا لبس القميص تلبس صوف ترجیح اولنلدیغنی اصلی بودر که رسول الله صلی الله علیه وسلم و انلردن مقدم انبیاء کرام علیهم السلام صوف یعنی عبا کیمشلردر و حسن بصری بیور مشلردر که یتش قدردی به یعنی بدر غزاسنه حاضر اولان اصحابه یتشدم لباسلری صوف ایدی و انلرگاه اولوب آچلقدن یوزلری اوزرینه دوشلردی شوبله اعراب انلری مجانین ظن ایدرلردی و بوجه نك لبس عبا اختیار ایتدکاری انبیایه متابعت و زینت دنیایی ترک و سد جوعت و ستر عورتله قناعت و امر آخرته استغراقلندن اوتوری ایدی (لحرره) آدی صوفی کچنور انسانک * دویا مرزینتنه دنیائک * بر قوری صورت اولدی اکثرناس * قلتی واردر اهل معنائک * و بردخی دیمشلردر که بولنلر ذبول و خجول و تواضع و انکسار ایثار ایتکلله رغبت و التفاتدن ساقط اولان خرقه ملقا و صوفیه مطروحه کی اولدیله بوسورتده صوفی صوفیه منسوب اولور کوفی کوفیه منسوب اولدیغنی کی (لحرره) اوله کوراعتباردن ساقط * بوله سن حق قائنده تادر جات * باش اولنلر هلاک او اولرل چوق * بولور ایاق لر عالم ایچره نجات * و بعضیلر دیدیلر که صوفیه تسمیه سنه وجه بودر که بولنلر حضور حقه صفا اولده در زیرا حقه اقبال کلیلری واردر * و یاخود بواسم اصلنده صفوی ایدی استنقال اولمنغه صوفی دینلدی و یاخود صوفی اصحاب صفیه نسبتدر که انلردن یوز قدر فقراء مهاجرین ایدیکه مدینه منوره ده مسجد نبوی علیه السلام صفه سنده یعنی او کندن سایبان واروضع اولنان سقیفه ده ساکن اولور لردی و بومعنی اگرچه که اشتقاق لغوی جهتندن مستقیم دکادر فاما معنی جهتندن صحیحدر * زیرا صوفیه نك حالی فی الحقیقه اصحاب صفه حالنه مشاکلدر (لحرره) ال چکوب ماسوای مولادن * حقه مشغول ایدی اهل صفه * چار طاقی نیدر فنا اهللی * بتر اول زمره به فضل صفه * و یاخود صوفیه مضر قبیله سندن بر قوم

ایدی که حضرت کعبه شرفها الله تعالی به خدمت ایدرلردی پس عبادته
اشتغالاری حسبله انلره نسبت ایدوب صوفی دینلدی ویاخود صوفی
صوفان دیرلر بر اوتیه منسوبدر کویاغدادن اول اوت مجراسته جاری اولان
نسته ایله اکتفا ایتشلردر * دیمشلدردر که صوفی اسم زمان رسوله یوغیدی
تابعین عصرنده اطلاق اولندی زیرا حسن بصری طوافنده بر صوفی
کور دم دیو صوفی لفظنی تصریح ایلدی وسفیان دخی اگر ابو هاشم
صوفی اولمیدی دقیق ریا معلوم اولمادی دیو ابو هاشم صوفی دیدی *
پس بوندن فهم اوانور که اسم صوفی قدیمه عروف ایدی و کتب معتبره ده
کلور که زمان رسوله صحبتدن افضل نسته اولمغله اول وقتده موجود
اولنلره صحابه دینلدی صکره عصر ثانی اهلی ایریشوب صحابه ایله
صحبت ایدنه تابعین دینلدی انلردن صکره کلنلره تبع تابعین اطلاق
اولندی صکره خلق مختلف و مراتب متباین اولوب خواص ناسه زهاد
و عباد دیدیلر که صکره بدعتلر ظهور ایلوب تداعی حاصل اولوب
هر فرقه زهد کندی طرفنده اولدیغن ادعا ایتدکده اهل سنتک خواصی
صوفیه دیمکه تسمی ایدوب انکله اشتهار بولدیلر * و بوتسمیه هجرتک
ایکوز سنه سندن مقدم ویا اول حدودده واقع اولدی اندن صکره زوایا
و خانقاهات اتخاذ ایلوب اصحاب صفه کبی اسبابی ترک ورب الاربابه
تبتل ایلدیلر اتخاذ زوایادن مراد گاه بری بر لایله صحبت حقیچون اجتماع
و گاه انفراد مع الله ایچون ایدی صکره اهل تقلید و ریامتکثر و ارباب تصلف
و دعوی متوفر اولوب اغراض فاسده حسبله اساس طریقت منهدم
و ارباب حال منعدم اولدی حالا اگر چه جمیع اقطاب و رجال الله اقطار
ارضده موجود لردر و لیکن من وجهه مفقود لردر زیرا بو سر عظیمی
بلنلرک اکثری ناپیدا و بو حکمت بولنلرک غالی نایابدر زوایا اربابی
بحسب الغالب رسوم ایله موسوم و خانقاهات اصحابی قیودله معلومدر
بوشان عظیم و شانی جسم لعیبه صبیان و ضحکه شیطان اولدی نه
میریدلده صدق ارادت و نه شبوخته ارشاده قدرت قالدی نتکم مولانا
جامی کلانده کلور * در مسجد و خانقه بسی کردیم * بس شیخ و مرید را
پا بسیدم * نه یکساعت از هستی خود رستم * نه آنکه ز خویش رسته
باشدیم * ان الوقت * ملازم الوقت دیمکدر مسافره ابن سبیل و معمر

آدمه ابن الایالی و مرغ آبه ابن المراء دیدکلری کبی وقت لغنده زماندن
بر مقداره دیرلر واصطلاح صوفیه ده استعداد غیر معمولک مقتضاسی
اولان حاله دیرلر طاعت و شهود و غیره کبی پس بوحال شئون ازایه نک
فروغنددر انک ایچون وقتله مقیددر (بوندن فهم اوانور که ابو الوقت
ابن الوقتدن اکلدر زیرا ابو الوقت دخی کر چه بحسب انشاء ملازم وقتدر
فاما آن غیر منقسم ایله دائر و مبداء جمیع شئون اولمغله جمیع آنانده تصرفی
واردر آب کبی فافهم جدا * رفق * لطف و ملائمت در رفیق مرافق
معنا منته در یعنی یولداش جمعی رفقاء کلور مقصود رفیق طریق در
مرافق اولنلرک شانی بری بر لایله رفق ایتک اولمغله رفیق دینلدی * شرط *
بر نسته بی الزام و التزامدر بیعده اولسون غیریده اولسون اصلنده فتحه ایله
علامت مناسنه در زیرا بر حکم که بر امره متعلق و آنک وقوعیله واقع اوله
اول امر اول حکمه علامت اولمش اولور * طریق * اصلنده طارقت طرق
ایتدیکی یولدر کرک معتادا اولسون و کرک اولسون بوراده طریق
مخصوص صدر که طریق صوفیه در طریقت کبی یعنی سالک الی الله اولنلره
مخصوص اولان سیرتدر که قطع منازل و ترقی مقامانه دائر در شریعت
اهلی بولنلره کوره اهل وقفه اولمغله اهل طریقت دینلدی مع هذا
انلر دخی طریقت محمدیه اوزرینه در فاعرف (معنای یت) بودر که
ای رفیق صوفی اولان کشی ابن الوقت اولور فردا سوبلک و برایشی
وقت آخره ترک ایتک شرط طریقت دکلدر یعنی مقتضای طریقت وقت
حاضرک حکمنی رعایتدر که تعجیل در تسویف دکلدر پس بی
بو خصوصده فردایه صالمه و مرادم نه ایسه بوساعت و لحظه ده حصوله
کتور زیرا سنکه صوفی و اهل طریق سک خیرلی ایشی تأخیر ایتک سنک
مذهبک دکلدر انکیچون دیمشلدردر که (فی التأخیر آفات) و بعض کبار
بیور مشلدردر که سالکک وقتی نفسیدر و آنک که وقتی ساعاتدر انفساسی
ضایع اولور و کذلک آنک که وقتی ایامدر ساعاتی و آنک که وقتی جمعه
در ایامی و آنک که وقتی شهرور در اسابیعی * و آنک که وقتی سنوندر
شهوری * و آنک که وقتی عمردر سنونی ضایع اولور و شول کسنه که
بتون عمری ضایع اوله آنک ایچون وقت قالماس و فرصتی فوت اولور
و حسرت ابدیه بولور (لحرره) اکلدر کسه بور موزی یا هو * یوری

حفظ اید کل اوقاتی قو * بحمدن وقت مناجات خدا * میلی اعیار دن
الی یوزی یو * وله * طویه کور سر خدا دن شبه * المذن بوی مرک مری
مشام * کون کچر حالکی تدارک قیل * اج کوزک وار یاقندر اخشام

* تو مکر که مرد صوفی نیستی *

* هست را از نسیه خبر نیستی *

بعض نسخه ده تو مکر خود واقع اولشدر * مکر * شاید معناسنه در بکر
مقامنده استعمال اولشور * نسیه * کسرله و نسا * ضله و نسیه فعلیه و زننده
وقته تأخیر و بر نسیه بی وعدله صائمق که تر کیده و بره سی به دبر
معلوم اوله که اولکی نیستی ده با خطاب و ایکنجیده مصد ریت ایچوندر
و اولکی نیستی سلب صفت و ایکنجی سلب وجود ایچوندر پس بویکی
وجهله قافیه ده تکرار لازم کلز (معنای بیت) بودر که بکر که سن مرد
صوفی دکلسن انکیچون خبرلی ابشی تأخیر ایدرسن و نقدوقتی و بره سی به
و بررسن موجوده ایسه و یره سیدن بوقلق قالقاروزوال حاصل اولور پس
کر کدر که این وقت اولوب حاضری مستقبله دکشیه سن و معلومی موهومه
و یرمه سن و امانی به مغرور اولمایوب تسو یفدن صاقنه سن انکیچون
دیشلدر ارنلر حاضر قلمش دعایی الحاصل انسان و ارنی بوغه صائمق
و وقتی اضاعت ایدوب اوق کبی بیانه اتمق غفلت عظیمه در برکسه
وقت حراشه در کار اولمایوب فرصتی فوت ایسه بی وقت زمینه تخیم
افشان اولق فائده ایتمز و محصول یرینه ندامت الور فاما انبارده اولان
موجودنی وقتنده ارضه القا ایسه بومقوله نقدی اضاعت دیمزل
بلکه محافظه دبرل زیرا اول مفقود موجود حکمنده در انکیچون صاحبی
وقت خرمن محصول مضاعف بولور بومعنادن دیشلدر که ندامت
دور تدر * بری ندامت بومیه در که برکسه خانه سندن تغدی ایتمه دن
طشره چقه پس اخشامه دک آچلق چکوب طسام تناول ایتمدن
چقدوغنه ندامت ایدر * و بری دخی ندامت سنویه در که وقتنده زراعتی
ترکدر * و بری دخی ندامت عمریه در که مشربنه موافق اواین خاتون
المقدر * و بری دخی ندامت ابدیه در که الله تعالی نک امرنی ترکدر نهوذ
بالله تعالی پس اگر دنیا و اگر دین حالنده اضاعت اوقات ابدنلر تنور
ندامته دوشلر و آتش تحسردن بشلر بنا علی هذا انسانه و اجبدر که
توبه بی تعجیل و وجودنی تکمیل ایلیه زیرا بعد الاربعین غلبه برودتله

و جودی بحمد اولور و بلکه عمر وفا ایتموب حرمان ابدی بولور
(لحرره) سایه وش برله سورون بوکون * جوکی طشله
اورون بوکون * بوله سن دولت ابدیاری * خرقة فقرله بورون
بوکون * اللهم یسر لنا القناعة

* گفتش پوشیده خوشتر سربار *

* خود تو در ضمن حکایت کوش دار *

* گفتش * شمیری جان را جعفر * ضمن حکایت * ده یعنی حکایت ایچنده
شویله که حکایه آنی مشتمل اوله (معنای بیت) بودر که بن جان جواب
و یروب دیدم که سربار کزلو اولق زیاده خوشدر سن خود حکایه
ضمننده و داخلنده اول سره کزلو جه قولاق طوت زیرا حکایه نک
عبارتی اغیاره ایسه اشارتی یاره در * یارک اسراری عبارته کلکده
کرچه خوشدر زیرا الذاشیا و غدای ار و احدر و لکن مفسده دن خالی
دکلدر زیرا غمازدر اغیارا راستنده فضا حته سبب اولور پس مناسب
اولان بودر که اشارت ایله اکثفا اولنه و آشکاره سو یلمیه انکیچون
دیشلدر تاق بازارنده دوه صائمز و سانس احوال سلطانی کاینغی بلز
بوندن فهم اولور که بر مجاز یوقدر که انده حقیقت مندرج اولیه
و بر عبارت یوقدر که انده اسراره اشارت بولمیه انکیچون حکما
هر نسنه دن بر اشارت اخذ ایشلدر و حتی صریباب و طنین ذیابی بله
تهی بلمشدر و لکن اهل فنا ایله اهل بقا نک میانده فرق واردر اهل
فنا اولان اسرارک مذاکره سنی آشکاره دل زیر اسری صعودده و حجب
اکوانی کشف ایتمه ده در پس نجلی اهانه ستر خوش کلز اهل بقا ایسه
استمارده در زیر اسری نزوده و حجاب اسما و صفاتله احتجابده در پس ستر
اهلنه کشف راز ایتک ناخوشدر زیرا بر نسنه نک که بی غائله وراء
برده دن اخذی قابل اوله بی پرده اخذ ایتمکه احتیاج قومز بوسیدن در که
تمکین اهلی رمز ایله اکثفا ایدرلر تکم بالاده دخی بومعنایی مؤید نیجه
تقریرات کدر ایتمشدر (لحرره) غیرت یار قومز اغیاری * که کوره
آشکاره اول یاری * بولد کیسه عروسی بیت ایچره * در فراز ایله قومه دیاری

* خوشتر آن باشد که سر دلبران *

* گفته آید در حدیث دیگران *

* دلب * محبوب در که حسن و شیوه حسنیه کوکل آلیجیه در اصلنده
 رنده دل در اولیاء کرامه قدس الله اسرارهم دلبران و محایب دینلور
 نتکم قرآنده کلور (بحبهم و بحبونه) و حدیث قد سیده کلور (لایزال
 عبدی بتقرب الی بالانوافل حتی احبه) (معنای بیت) بودر کذباده خوش
 اول اولور که محبلك سری و یار ناز نینلرك رازی اغیارك خبر و حکایه
 سنده سویلنش کله و حدیث دیگران اکاظرف و پرده اوله تا که نااهل و نامحرم
 اوللر واقف اولیلر و عشاقه طعن و تشنیعه یول بولیلر نتکم کدازاده نك
 پادشاه زاده یه تعشقی حکایه سنده کدازاده لسانندن بوستانده کلور * کرم
 جرم یلنی مکن عیب من * تویی سر بر آورده از جیب من * زیر ابو بیتده
 عاشق و معشوق مجازی یوزندن سر و حدنه اشارت و عین حقیقه رهن
 وارد رنتکم شاعر هدایی اشعارنده کلور * کل ایکییز بر اولوب کشته روان
 اوللم * نمونه کل رعنای کشته ان اوللم * ایکی کوکل بر اولوب چقسون
 ارادن ایکیلاک * خوش اتحاد ایده لم یعنی جسم و جان اوللم * پس تصریح
 مدار انکار و عبارتده مفسده بسیار اولمغه له صوفیه عجمک اکثری غزل
 و اشعار صور تنسده اطائف اشارات کوستر مشاعر در خواجه حافظ
 و شیخ سعدی و امثالی کبی زیرا بر حقیقت که لباس مجازله ملبوس اوله
 عوام و خواص قاتنده مقبولدر عوام قاتنده مقبولیتی بو در که
 ظاهر نه محمولدر پس بوجهندن قاتنده سلامت وارد و خواص قاتنده
 مقبولیتی بودر که حقیقه محمولدر زیر عوام یاتنده حقیقت معتبر
 اولدیغی کبی خواص یاتنده دخی مجاز معتبر دکدر شوقدر وارد که
 مجاز حقیقه لباس و آینه واقع اولمغه اولدخی فی الجملة معتبردر و انلر که
 اهل اشاراتک کلامنی ظاهر نه حل ایدوب شرحه تصدی ایدرلر قائلنک
 بری اولدیغی معنایه حل ایلر سوطن ایتدکلرندن ماعداد ارباب هوی
 اوللری دخی تقویت ایلر و تأویل صد دنده اوللرك دخی اکثری ضلال
 بعید اهلب در فاین الثربا من بد المتناول * بعدذا * بو کلامده اشارت
 وارد که شمس تبریز نك قدس سره احوالی بو حکایه ده مندر جدر زیرا
 سالك و مرشد و نفس احوالی که ذکر اولور مرادك عینیدر خصوصاً
 بو مقوله لطیفه عین مدح و ثناء در فاعرف * بر برده جمع اولدن هر کوشده ده
 ارباب عشق * بحث اوصافی جمالک گفت و کویکدر غرض * غنچه بی

وصف ایلر یحیی دهانکدر مراد * سنبل خوشبویی مدح ایلر سه
 کویکدر غرض (لحرره) اولسه حسن ازل رخسار کلاه آشکار * ایلزدی
 بلبل شوریده آه وزاری کار * هرور قده یازدی بر سر خامه صنع ازل *
 ایک ادراک ایتدن عاجزدر عقل روز کار

* گفت مکشوف و برهنه و بی غلور *

* باز کو دفعه مده ای بو الفضول *

* برهنه * کسرله عریان معنا سنه * غلور * خیانت و مال غنیمت دن
 بطریق السرقة اخذ ایتکه دیرلر زیرا غلیل اصلنده بر نسته نك
 توسطنه دیرلر مثلاً غلاله دیرلر کسرله اول ثوبه که بین الثوبین ملبوس اوله
 و غل دیرلر ضمه له اسیرلر و مجرملر بوییلرینه ایتدکاری باغ و دمره که
 اعضا انک و سطنده قلنور پس غلور ده دخی توسط خیانت بولمغه
 غلور دینلدی * فضول * اصلنده فضل معنا سنه در که اقتصاد اوزرینه
 زیاد لکدر ولیکن محمود اولسه فضل علم و حکمت و امثالی کبی بحسب
 الغالب فضل دیرلر نتکم بر عالمی مدحده اهل فضل در دیرلر و مذموم
 اولور سه مقدارندن زیاده غضب و امثالی کبی بحسب الاکثر فضول
 دیرلر نتکم هر ایشده حدنی تجاوز ایدن وفائده سی اولیان مالا یعنی به
 مشغول اولان کسینه بی ذمده فضول کسینه در دیرلر و فضولی
 اصطلاح فقها ده بر کسینه نك و کبلی اولدن ایشه دخول ایدنه دیرلر
 * بو * ابودن تخفیف اولنشددر پدر معنا سنه عرب بر معناده مبالغه ایلر
 یالیه و یا امله تعبیر ایدر مثلاً ابو الفساد و ام الخبائث و ابو العجب و ابو الهوس
 و ابو الفضول دیر کویا فساد و خبائث و عجب و هوس و فضول اندن
 نواد ایتددر زیرا بو معانی به کثرت ملائسه و شدت اتصالی وارد
 نتکم الفات اربعه تاریخنده شام امیر جمعی اولان محمد پاشا اصلنده
 کتاب زمره سندن اولوب باشنده قاووغی معتاددن بیوجک اولمغه عرب
 اکا اول سنه ابو قاووق دیو تسمیه ایتدیلر * و بزم زمانزده حادث اولان
 طغرای التونه دخی ابو الطغرا دیرلر بوراده بو الفضول محله ده دوشمشدر
 زیرا تعال معاننده در بی محل تعالی ایله فضول نقدن معدود در
 (معنای بیت) بودر که جان بکا دیدیکه خبر یاری بکا رهن ایلر و سری
 لباس ستر ایلر سویله بی حجاب و بی لباس و بی خیانت سویله و بزی دفع

ایله و باشدن صاومه ای بو الفضل یعنی بو قدر تعال که ایدرسن
فضو لقا دندر که مالا یعنی به اشتغال در سکا لا زم اولان بودر که
مطلوب اولان معنایی صورت به کتوره سن و بطریق العبارة تفصیله
عزیمت کو ستره سن والا خیانت ایتش اولدر سن زیرا اهل الله امناء الله در
اسرار و معارف و حقایق که حق روح در آتی مستحق دن کتم اتسار
و محله ابصال ایتسه لر خیانت ایتش اولور مال غنیمت دن غیرک
حقنی منع ایتک کی (بونده اشارت وار در که معارف و حقایق
غنائم حق در دائره وجودده اولان قوائک انده حقوقی وارد در عسکر
اسلامک مال غنیمت دن حقوقی اولدیغی کی پس روح که سلطان
مثالدر ابتدا حق انکدر قرآنده کلور (واعلموا انما غنمتم من شیء
فان لله خسه) الاية یعنی انوار مشاهدات و اسرار مکاشفاتک درت
خسی اغبار دن کتم اولنوب خمس واحدی اخلا صله و رسول الله
متابع ایله اخوان فی الله اولنله بطریق المواصلة و مراده بلوغ دن
مقدم می شدن جدا دوشن اهل طلبه و اهل صدق و ارادت دن صادر
و وارده بقدر الاستعداد بذل و اتفاق اولنق کر کدر زیرا بو مقوله
کشف کتم رازی منافی دکلدر * و بر اشارت دخی بودر که می شد
کامل اولان کمینه اهل طلبی آستانه سندن رد و صدق ارا دت اربابی
استثقال ایتصت کر کدر شویله که اگر بر کونده بیک کره اول قویه
مر اجعت ایدرسه مفتوح الباب کر کدر والا رتبه ارشاد دن ساقط
اولور * ع * ایله مهمان حق دن نعمت فیض دریغ

* پرده بردار و برهنه کو که من *

* می نسیم باصنم با پیرهن *

* خسبیدن * ضمه یا توب او یومق * صنم * امام راغب مفردانده ایراد ایتدیکی
اوزره فضه دن و یا نحاس دن اتخاذ اولنان جسته در که کفار الله تعالی به
تقرب طریقله اکا عبادت ایدر لر ولکن ترغیب و ترهیب شرحی فتح
قریبده دیر که صنم بی جسته اولان صورت و وثن جسته لو اولان بوتدر که
جواهر ارض دن و یا خشب و جاره دن معمولدر و بعضیلر فرق ایتوب
وثن و صنم بر در دیشلدر نیکم صاحب قاموس دخی صنمی وثن ایله
تفسیر ایدوب دیشلدر که الصنم الوثن یعبد معرب شمس انتهی

ولکن حق اولان بودر که وثن و صنم ایکسی دخی جسته او اولانه
اطلاق اولور زیرا قرآنده اوثنان و اصنام ذکر اولدیغی مواضعده
قربشک جسته دار اولان پتلی مراد در اختلاف مواده کوره در ز بر
اول وقتده حضرت کعبه نک داخل و خارجنده عقیق و سایر اجزاء
واجب ساندن او چیوز ایتش قدر پت وار ایدی صکره صنم محبوبه
اطلاق اولندی انکی چون پت پرست دید کلری کی محبوب پرست دیرلر
زیرا محبوبی صنم مثال مبود ایدمشلدر و بحسب الفالب پت مزین
و منقش اولوب صورت بدیهه و شکل دلفریبی ایله حیرت افزا اولدیغی کی
محبوبلر دخی بویله در و مفتی سمدی چلبی نظمنده کلور * یک جفا
کورسم ای صنم سندن * ممتددر که اوصنم سندن * و فضولی
اطافندندر که دیواننده کلور * پت نورسم نمازه شب و روز راغب
اولمش * بونه دیندر الله الله پوته سجده واجب اولمش (معنای بیت)
بودر که پرده بی یوقار و طوت و قالدر و عربان و آچق سو بوله که بن
پیراهنه مصحوب اولان محبوب ایله یانم زیرا پیراهن مجاہددر که وصال
تامه مانعدر مقصود ایتسه یارله خلوتدر بو خسه پیراهن ایله دکل
اگر چه که فہیم دیشلدر * بینه فرقتده در عاشق اولورسه یارله یک تن *
فلاک بیهو ده قیسی وادی هجرانه صالمشدر * یک تن دیدیکی اتصال
قوبدر و اتصال نقدر قوی اواسه اثینیت باقی اولغله عاشق فرقتدن
خلاص اولماز بونده اشارت وارددر که پیرهنیدن مراد لباس وجود
و شمار ایتدر زیرا پیراهن جسمدی مشتمل اولدیغی کی انیت دخی
حقیقت انسانیه بی مشتمل اولمشدر و انیت باقی اولدجه اثینیت دخی
باقیدر پس یار حقیقی ایله عالم وحدتده خلوت بولغله اثینیتدن خلاص
اولق کر کدر یعنی وجود مجزی نک افعال و صفات و ذاتی حجابی
ازاله ایدوب فناء تام و محو کلی بولق کر کدر که محبوب حقیقی به بی
برده ملاقات حاصل اوله والا هر کسک حالته کوره حقه و صلتی وارددر
ولکن مجاہدن خالی دکلدر که حقه مرآت اولمشدر نیکم بالاده
تحقیق اولندی بلکه مرآتک کدورتیدر که جلای تام بولدجه کایذغی
صورت منعکس اولماز پس رفیق اولان پیراهن وصال تامه مانع اولیجق
کیف و غلیظ اولان لباسلر دخی بوکا قیاس اولنه و بویتنده دخی

اشارات واردر اهل ذوق و فهمه خفی دکلدر و بومقامك اشارتنددر
 که شاعر همدانی دیواننده کلور * نوله روشن دل او اوب رقص
 اورسه فانوس خیال * شاهد شمع قویار هر کجبه تنها قویته *
 و بوبیتده را اشارت بودر که فانوس خیال کبی لطافت وجود حاصل
 اولدقجه رقص ایتك تکلفدر انقیاء امتده ایسه تکلف بوقدر و بردخی
 بودر که فانوس خیال پرده سنك رقت و لطافتی حبیله روشن دل
 اولدبغی کبی روشن دلان حقیقت دخی بوبله در کرچه فانوسده شمع
 واردر فاما غلطی سببیه شمعندن روشن تالق عکس ایتوب کدورت
 اوزرینه قالمشدر و بردخی کجبه خلوت یار ایچون مهیدر انکیچون
 معراج نبوی علیه السلام کجبه ده واقع اولدی بوسیدندر که وقاع
 کجبه ده غالبدر (لحرره) اولام دیر ایسك ~~کسر~~ شمع و صلاه
 مأنوس * قومه خیال سوایی کو کاده چو فانوس

* کفتم ارعربان شون اودر عیان *

* فی تومانی فی نکارت فی میان *

* ار * اگر دن تخفیف اولمشدر که حرف شرطدر * عیان * کسر عینله
 مفاعله باندن مصدر در که کوزله کور مکدر معاینه کبی انکیچون دیده بانلغه
 عیان دیرلرتاج المصادرده کلور المعاینه والعیان باروی چیرنی رادیدن
 و اصلها من العین انتهى بوسیدن ابن کمال تنبیه نام رساله سنده فتح عین
 خطادردیمشدر و لکن اختیده فتحیه دخی اشارت اولنوب ظاهراق دیوتفسیر
 اولمشدر * فی * بعض نسخ قدیمه صححه ده یا ایله ثبت اولمشدر و لکن انسب
 اولان نه در زیر دیمشدر که فی کسرله حرف نفیر یوق معنایسته عربیده
 لا کبی و نادکل معنایسته در کاه او اور که الفنی حذف ایدوب برینه هاه غیر
 ملفوظه کنوروب نه دیرلر نه اوقالورنه و دیچک برده عجم نه آن عمانده این
 دیر تکیم و افعدر * ع * نه عمر حاضر بماندنه ملک اسکندر * یعنی عمر حاضر
 و ملک اسکندر قالور دکلدر مکر کم فی نامو ضمه مستعمل اوله (معنی
 بیت) بودر که بن جانه جواب و ربوب دیم که اگر مطلوب اولان معنی
 عیان مرتبه سنده عربان و مکشوف اولورسه نه من قالورسن و نه میانک
 قالور یعنی جمله اعضاء وجود و اجزاء بدنک هلاکته سبب اولور زیر اکناردن
 مراد بندر که عالم شهادته ناطردر و میاندن مراد قلبدر که روحله

جسد اراسنده توسط ایتشدر قوام وجود ایسه روح و قلب و جسد ایله
 در بوندن مراد حلاج منصور انا الحق دیوب سر ربوبیتی ایتکله قطع
 اعضا و احراق بالئار اواندبغی کبی بزدخی بورازی افشایتمکله باشمک تدار
 کندن عاجز او اورز و منصورک بولد بغی بلایی بولورز تکیم والهی
 کلماتده کلور * اگر عارف ایسك ایتده حقیقت سرنی افشا * کلام
 حق چقدری باشند حلاج منصور * (لحرره) فدا که کلدی قول حق ایچی
 * عاقبت داره چکدی حلاجی * شوبله بازی قورر کهی بوچرخ * که
 اوینادر شاه ماتی لجاجی * و فضولی دیواننده کلور * رازدرونی
 طشریه صالمنی روادکل * بودر که کناهی کیم اصلوکل و انما جرس *
 بونده اشارت واردر که قنغی عاشق که کشف جمال مرتبه سنه واصل
 اوله و سر حقیقتک قلبنه انکشافنه یول بوله ایتک انیسات و تعیناتندن
 اثر قالماز و محوکل و فناء نامه مظهر اولوب بردخی ماسوایه نظر صالمن
 و بومرتبه به اشارت ایدوب حدیثده کلور (ان الله سبعین الف
 حجاب من نور و ظلمة لو کشفها لاحرق سبحات وجهه ما انتهى الیه بصره)
 مقصود بحجب ظلمایه و نورانیته ک ارتفاعی و انوار جمالک انکشافیدر
 تکیم تحقیقی مر و رایتشدر (لحرره) وجه دلداریه بحباب اواسه وجود
 * حاصل اولماز کوکل کوزینه شهود *

* آرزوی خواه لیک اندازه خواه *

* بر نشابد کوه رایک برک کاه *

* آرزو * دلک و اوزنک * اندازه * رسم و تصمص و اولچمک و مشهور آتدر که
 در زیر و یازر کانلر آنکله قوماش و امثالی نسنه اوچلرلر * نشابد * فعل
 مستقبلدر تا بیدندن طاققت کنورمک و کوچیتک معنایسته طاققتی قالمدی
 دیه حک یرده عجم بی تاب ماند دیر طاققت بر حالندر که بولرد بغی حالده
 کشیدن زائل اولور * برک * بیرق و برق معنایسته استعمال اولور یول
 یراغنه برک راه دیرلر ابن کمال دیمشدر که یراق معنایسته برک حقیقت و یراق
 معنایسته مجازد یراق انجک و چچیکک لوازم و مهماتندن اولغله برک
 دیتلدی * کاه * کاف عربیله صمان که عربیده تبین درلر کاه اولور که
 الفن حذف ایدوب که دیرلر کهریا و کهمکشاندن حذف ایتدکری کبی
 بعددنا مصراع ثانی اوله تمثیل طریقله ایراد اولمشدر (معنای بیت)

بود که دلك دله بر نسنه به اورن وليكن اولجوسى واورا نيله دله انداره يى
 نجاور ايمه زيرا طاعى بر صمان پيراغى قالدرمن وانى يوكلنمكه كوچى
 وطاقى يتر زيرا صمالك حدى دكلدر كه اومقوله بار تقبلى حامل اوله پس
 صمان ايله طاغث مناسبتى اولديغى كى انسانله دخی اوليا يچق آرزونك
 مناسبتى يوقدر والا صمان طاغثه طيا نديغى كى انسان دخی فوق
 الحد ايتديكى آرزونك عهده سندن كله ميوب حل ثقیل التند هلاك
 اولان حيون كى اولدخی تلف اولور تنكیم حوصله سی تحمل ايتديكى
 نسنه يى ثنا ول ايتك دخی بويله در انكيچون شبر خورده او شاق
 تدر بجله تربيه اولور و كاستنده دخی كلور * توان بحاق فرو بردن استخوان
 درشت * ولى شكم بدرد چون بكير داند ر ناف * و بونده ايكي وجهله
 اشارت وارد اوليكسى بودر كه سالك حق اولان كسنه مراتب
 معنويه يى تدر يچ ايله آرزو ايتك كر كدر مثلاً توحيد افه سالك حقايق
 ايله محقق اولد قبحه توحيد صفات مرتبه سن طلب ايتيمه و كذلك
 توحيد صفاته وصول بولمق قبحه توحيد ذات ايچون نياز دهان آچيمه
 انكيچون حضرت موسى عليه السلام اوائل حالته بيورر (رب انى لما
 ازلت الى من خير فقير) و او اخرنده بيورر (ارنى انظر اليك) و بوندن فهم
 اولور كه اسرار حق كوه و سالك مبتدى كاه مشايه سنده در پس وقتى
 كمدن امانته تحمل دعوا سن ايمه و سؤالده حدنى نجاور ايدوب سمت
 اعتدايه كتمه بلكه ضعف حالته باقوب انصاف ايليه و ادب كوزليه
 قن كاه بر ضمه ايله قوت بولوب كوه اولسه اول وقتنده باب مرادى
 قح و ذيل مرامى جرايدر (لمحرره) در دله آه ايدر سلك اى عاشق
 عين آه ايچره كور نور سكا هو * كاه بر كاهى كوه ايدر مولى * هو يى بر حرفله
 ايدر آهو * ايكنجيسى بودر كه انسانك وجودى بر صمان پيراغنه بكر
 پس طاغ تجلى حقه طاقت كنور مدبكي صورتده صمان پايه سنده
 اولان وجود بشرى نچيه تحمل ايدر انكيچون طور موسى پاره پاره
 اولوب حضرت موسى بشرى حسييله مغشى عليه اولدى (زير اسوالى
 انداره دن خارج ايدى اوسيدن كه بحسب الظاهر وجود بشرى تك
 اول تجلى به تحملى بوغيدى انكيچون حاصل اولدى فرضا حاصل اولسه
 مغشى عليه اولق مرتبه سن ترقى ايدوب بالكلية اجزاء وجود متلاشى

اولق لازم كلوردى وليكن بصيرتى ايله جمال حق مشاهده ايدوب
 تجلى معنوى سنده طاقت كلوردى * زيرادل انسان امانت كبرايى
 حامل اولق ايچون خلق اولدى انكيچون سموات وارض و جبال
 حمل امانتدن ابا ايلدى * زيرا سموات روح وارض جسد و جبال
 عظام صورتن ايدى بونلرده ايسه دلمه اولان ثبات يوقدر الحاصل
 موسى عليه السلام آچقندن تجلى ديداره طالب اولمغه متلاشى اولق
 مرتبه سنده واردى پس روح دخی بورازك كچه عيان اولد يغن استر
 فاما موطنك حكيمى كنم و اخفادر اظهار و افشا دكلدر والا حضرت
 موسى قصه سى كى ايش ظهور ايدر و ديمش لدر كه تجلى ذات ايله
 سار تجلياتك تفاوت عظيمى وارد انكيچون بو مرتبه دن تجلى واقع
 اولسه برق خاطف كى ظهور ايدوب فى الحال مستقرا اولور والا انسان
 محترق اولق لازم كلور پس بشرى مرتبه سنده تجلى اولديغى
 كى كشف اسرار تجلى ايتك دخی يوقدر الحاصل هر نسنه كه منسلخ
 اولسى حكيمه مخلف اوله آنى اول لباسدن تجريد و احتراز لازمدر

* آفتابى كزوى اين عالم فروخت *

* اندكى كر پيش آيد جله سوخت *

* آفتابى * ده اولان ياز آمده در واند كى ده وحدت ايچوندر براز مناسنه
 ورياده و نسنه دخی احتمال وارد * افروختن * لازم كلور و متعدى كلور
 بالكلتى و بالكلتدر حق مناسنه بوراده مراد لازمدر سوختن دخی
 لازم و متعدى كلور يانق و يانق مناسنه بوراده ايكي به بله جواز
 وارد * پيش * باء عجميله او كدر مقابلى پسدر كه معناسى آر ددر پيش
 جهات ستك بر يسيدر بعد ذابو بيت ماقبلنى نور ايچون تمثيل آخردر
 (معناى بيت) بودر كه كنش كه بودنيما اندن شعله لشمس و منور
 اولمشد را كدر جزئى او كه كله يعنى اهل جهانه قريب اوله
 جله مخلوقات انك حرارت غالبه سندن باندى يعنى بنار
 و ياخود جله يى ياقرو بر نسنه آنك تابنه طاقت ككتور ميوب
 فتا بو اور بوسيدندر كه كچه اولما يوب دائما كوندز اولان
 مواضعده حيوانات تعيش ايتن و نباتات يتر بعض مواضعده فلك شمس
 رحوى دوران ايتكله اوراده غروب اولما يوب نهارى سرمدى اولور *

و بعض مواضعه عکس مذ کورله تحت الارض دوران ایتکله اوراده
طاوع اولما یوب لیلی سرمدی اولور و صورت اولی ده قوت حرارتدن
حیوان تعیش ایتوب نبات بتدی یکی کبی صورت ثانیه ده دخی افراط
برودتن معنای مذ کور حاصل اولمز پس رب حکیم شمس فلك چارمه
اندازه ايله وضع ایتشد در اگر بمقدار اندازه دن خارج اولسه ذکر اولنان
احراق و افساد حاصل اولور * بونده اشارت وار در که شمس تجلی
اندازه ايله در زرا طور موسی علیه السلامه تجلی صفت ربوبیت سطوتی
تعالی ایتد کده پاره پاره و موسی دخی بوقدر قوت نبوتله مغشی علیه
اولدی مع هذا واقع اولان تجلی طرفه العین مقدارندن اقلده ایدی
پس برلحمیه انسان ضعیف طاقت کتور مسه دوام اوزره اولسه نیچه
تعیش ایدر انکیچون تجلیات برقیه دیرلر زرا برق مثال آن واحد ده
آچیلوب بنه قیابور نیکم حضرت هدایی قدس سره کلماتنده کلور *
بشر حدی افندی بوقدر در * اوتنه سن صائمه مقدر بشر در *
مکرکم برق خاطف کبی بر آن * قولک سرینه ایره نور رحمان *
ولکن زائل اولورینه اولدم * ارشمن اکا پیک عقل آدم * و مولانا
حضرتلری آفتاب ايله شمس تبریزی به اشارت ایدرلر یعنی شمس دنیانک
قرب صوریسی موجب فساد آدم اولد بغی کبی شمس دینک
قرب معنویسی سبب فناء بنی آدم اولور زرا خواص ناس سطوات
تجلی حصوله احتراق پایه سن بولور و عوام دخی صدمه قهر و وقوعیه
مثلاشی اولور زرا بلکه انکاره دوشوب اختلال دین و دنیا حاصل
اوله پس شمس دینک ذکرنی تقریب و صراحتا حوالنی بیانک وجهی بوقدر
(لحرره) بلور رسه شرر نار تجلی خدا * جان و دل پنبه کبی عشقه
یائقی کورینور * اچسون بلبله کلغچه نقابن بوخسه * ترک جان
بوینه اولد مده بو یائقی کورینور *

* فتنه و آشوب و خونریزی مجو *

* بیش ازین از شمس تبریزی مگو *

* فتنه * محنت و بلا و مصیبت و قتل و عذاب و بونلرک امثالی انسانه شاق
اولان افعال کریمه ده استعمال اولور * آشوب * قریب شلق * بیش * بیا
عربله ارتوق معنا سنه ابن کمالک دقایقنده کلور که بیش که زائد

معناسنه در فزوندن فرقی واردر مثلا ارتغله زائد اولان نسیمیه افزون
دیرلر ابتدا زائد خلق اولنانه افزون دیرلر بیش دیرلر * نیز * مختصر این
خدا کند، و سیاهی زاده نک او صبح المسالك نام کتابنده ضبط اولدیغی
اوزره تانک کسر یله دراکر چه که بین العوام فتح ايله غلط مشهور
اولمشدر تبریز و راء عراقده آذر بیجان دیکله معروف اولان اقلیمک
اکبر مدائن و اشهر بلادندندر مقدما ملوک تاتاردن هلاکونک کورسی
ملکی اوراده ایدی صکره غیری محله انتال ایلدی شمسک ترجمه سی
مرور ایتشد در (معنای بیت) بودر که بلا و مصیبت و قاریه شاق
وقان دو کجیلک دله بوندن ارتوق شمس تبریز دن سو یله یعنی سنک
مرادک اولان مرتبه دن سه وزه آغاز اولور سه عوام ناسک عدم
تحمیلدن ناشی قر غشلق ظهور ایدر مقدما شمس بو میدانه قدم
باصوب صحبت اولند بغی وقتنده ظهور ایتدی یکی کبی زیر ابرو ایتده
شمس استشهاد اولوب و لیکن جسد مبارکی نایاب اولوب بر ابکی قطره
قاندن غیری اثری مرئی اولدی حالا قوینه ده مقام و مشهد اولان
محل بطریق الرؤیا تعیین اولمشدر استانبولده ایوب انصاری رضی الله
عنه مرقد منیری و سائر مرقد متبرکه تعیین اولدیغی کبی زرا حضرت
ایوبک مرقدنی خلفاء پیرامیه دن اق شمس الدین حضرتلری تعیین
و تحدید ایتشد در الحاصل (المؤمن لا یلدغ من حجر مرتین) ايله عمل
لازمدر اگر چه که قرآنده کلور (ولایخ فون اومه لاثم) ولیکن ملامت
خونریز لک کبی دکلدر پس انسان سبب ملامت اولان کار در ست
وراستی امله مک لا بأسدر ولیکن سبب تلف اعضا و یا هلاک وجود اولان
اموره تصدیق احتراز لازم رزرا مثلددر که جان بوستانده بتز پس
هر ایشده اندازه دن خروج کار عاقل دکلدر انکیچون شمس تبریز بدن
بوقدر سوله مک کفایت ایدر زرا بوندن زیاده سی یعنی رمزی تجاوز ایدوب
تصریح ایتک افراطدر و مشهور در که دیرلر نه شش یا نسون نه کباب
یعنی آتش افراط اوزرینه اولد قده کباب کبابلقدن جقوب شش دخی
کباب اولدیغی کبی وجود ضعیف ششی دخی ذکر اولنان اظهار
وافشادن کباب اوله جخی مقرر در حق تعالی قولنی هر نه وجهله
دیرلر سه امتحان ایدر ولیکن قول باب امتحانی قلمحه سبب اولماق

کر کدر زیرا بلکه عهده شدن کلام کن اویا نه تکم حلاج منصوره
ممکن اولدی و بو محاکم لطائفند ندر که بیت مذکورک شرحی تحریر
و معنای تسطیر اولنور کن قضای آلهی ایلانفدن بر قاج قطره قان
تقاطر ایلوب سرد کلامه پریشانلق کنوردی یا انفسن چکیده اولان
قطرات دم بو مرتبه باعث پریشانی اولیجق سبب خونریزی اولان
کاره تصدیده نقدر اضطراب اولق کر کدر (لحرره) بونه سردر
یازیلور کن اشبو * بیت انواع اطائف مشحون * طبلدی انف حقیدن
ناکا * بر نیچه آل رنگ قطره خون *

* این ندارد آخراز آغاز کو *

* رومنام این حکایت بار کو *

* این حکایه دن خارج ایراد ایتدیکی مضمونه اشارتدر * آخر * ضداول
و آغاز * اول دیکدر پس بو کلام لطافتدن خالی دکلدر و بونده حسن اختتام
واردر فاعرف حکایتدن مراد شروع اولنان داستانددر (معنای بیت)
بودر که بو معنی آخر طوطمز واکا غایت اولماز ایتدایکی قصه دن سوبله
یوری بوداستنی اتمام ایلان تاکه قطار کارباندن قالیه اتمامی قصد اولنان
معنی نقصان بولیه بعد ذابوینده اشارات واردر اشارت اولی
بودر که انسان مباشرت ایتدیکی امر مشروعی تکمیل ایتدک کر کدر
نتکم قرآنده کلور (ولا تبطلوا صدقاتکم) مکر که قطعنه ضرورت
قویه اوله انکیچون فقها دیرلر که بر مصلی به نماز حالنده بر ذمی کلوب
بکاسلام عرض ایلان دیرسه نمازی قطع ایتدک کر کدر فرض اولسون نافله
اولسون و کذلک بر کسینه نک دیواردن سقوطندن و یا صویه غرق و یا آتیشه
وقوعندن خوف ایلان قطع صلوة ایدرادنی بر درهم اولان مناعک سرقه
اولنق خوفی دخی قطعده دندر و لیکن صکره استیناف ایدراکر
منافی صلوة تخلل ایدر سه فاما بعض ارباب فیض اشارات و حقایقه
متعلق تحریر ایتدکری بعض آناری که ناقص البقوبوب تکمیل انمشلردر
وجهی بودر که بو مقوله لک تقریر و تحریری داعیه دل و انصباب
فیض ایلان در پس فیض آلهی نه محله منقطع اولور و داعیه نه ده
کسلور سد عدم اذنه دال اولغله تحریر دن ال جکرلو کفت و کوبی
کسرلر پس صاحب مشوی تکمیل حکایه و اتمام داستانه مأذون

وداعیه سی تجدید و نشاط مقرون اولغله جانله اولان مقاوله کچن کچدی
و تکرار صدد قیو سن آجدی (لحرره) نفس فیضله در جنبشی
برکجانک * مدد ابله درهم نغاسی بوستانک * اشارت ثانیه بودر که
کرچه سیر الی الله نهایت بو قدر فاما سالک سائر و طائر بر مقامه
متهی و بر غایت رسیده اولور که اوراده ازل وابد سری بر اولور و انجام
آغازله اتمدد بو اور زیر اهر نهایتک رجوعی بدایتدر نتکم قرآنده کلور
(الا الی الله تصیر الامور) * و کمال خجندی دیواننده کلور * ندید دیده
بیتا بدایت این را * بهر یکاشفه تادر نهایتی رسید * اشارت ثالثه
بودر که کاهیکه طریقه تجریده سلوک اولنوب مخاطبه نفس واقع
اولسه ارباب حقیقت یاننده مراد حقیقت فاعله دن حقیقت قابله به
و یا مرتبه ملکیتدن مرتبه بشریته و یا مقام ولایت و جمدن مقام استنار
و فرقه خطابدر زیر انسانک حقیقت بر زخیه سی جمیع مراتبی مشتملدر
نتکم بالاده اشارت اولنمشدر (لحرره) نوله ایلر سه کوکل عشقه بو عقله
خطاب * دوزامی نه عشقک دل قطب الاقطاب *

* کفت ای شه خلوتی کن خانه را *

* دور کن هم خویش و هم بیکانه را *

دقایقه کلور که خان مطلقا منزلدر انسانک اولسون سائر حیوانک
اولسون خانه خصوص اوزرینه منزل آدمی در که ترکیده اودیرلر
آخرنده هام معنای عامدن معنای خصه نقل ایلچونددر * خویش * خصم و قوم
بیکانه * یاد معنای در (معنای بیت) بودر که مهمان غیبی پادشاهه دیدیکه
ای پادشاه خانه بی خلوت ایلان و سرایدن آشنا و یاری و قریب و بعیدی
اخراج ایلان بونده اشارت واردر که صحبت خاصده نامحرم اولماز و روح
سلطانی منزل وجوددن اگر کندی قواسی و اگر غیر بندر دور ایتدکجه
نفس حیوانی نک سری بلنمز و می شد کامل اکامعالبه و زبیه به مباشرت
ایلز (سؤال اولنور سه که دایره وجودده اولان اعضا و قوای نک بر بسی
روحک بیکانه می دکلدر زیرا جمله سی انک تنزلاتیه در اولاد و اولاد
اولاد کی پس بونلری دور ایتدندن مراده در (جواب بودر که جمیع
موجودات حق تعالیکنک تجلیات صفاتی ایکن ینه ماسوی اطلاق اولنور
زیرا حقائق مختلف و تعیناتی متفاوتدر پس وجودک احوالی دخی بوکا
قیاس اولنه زیر اعضا و قوادن هر بری بر کاره منوط و براسمه می بو طدر

بناء علی هذا روحه محرم اولاً از نفس حیوانی ایسه روحك سر مستوریدر
انکیچون خواتین مستورات و متحد رات مقوله سیدرشو یله که انلرک احوالی
بلنک و یا اعضاسی کور نمک سبب فتنه در وفی الجملة قرابت اجنبیتی
منافی دکلدر انکیچون بعض اقارب اراسته نکاح جاریدر زیر بحر میت
یوقدر مع هذا خارجدن حرم در ونه شیطان و افکار فاسده دخی دخول
ایتمشددر پس دائرة وجودده اولنره اعتماد یوق وانلرک سره اطلاعارنده
مفاسد چوقدر زیر اجانبدر محارم دکلدر بعدذا بوخطابدن مراد
خلوت اجسالیه در والا خلوت تفصیلیه تزکیه نفس بدکاری رذائل وزمائدن
خلو تخانه وجودی ماسوادن تخلیه و نفس بدکاری رذائل وزمائدن
تربیه مر شده موقوفدر بو ایسه علی مهمل درنتکم بالاده شرح و انمشدر
(لحرره) مهلت استرکه شیراوله تا خون * اولدی هر امر وقتد مرهون

* کس ندرد کوش دردهلیزها *

* تا پرسم زین کنیرک چیزها *

* دهلیز * قحله قیوایله اوارا اغنده اولان ممتدیره دیرلر که اوستی اورتولی
اوله کذا فی الدقائق ولیکن بعض اغنده کسر دالله ضبط اولنمشدر
(معنای بیت) کسه قولاق طونیه قیو اراغنده تابو جاریه دن نسندر
سؤال ایدهیم یعنی سره متعلق اکاؤالم وارددر منزلی تخلیه ایله بروجهله
کهنه اوایچنده ونه قیو اراغنده کسنه قالمیه زیراحتملدر که پس پردهده
کسه قالب بورازه مطلع اوله راز مقوله سی ایسه ستر اوانه کلمشددر
شوبله که انسان تنهاده بله اولسه بنه انی مخاطبته افاده ایتدیکی وقتده
اخفا ایدر شاید یرک قولاغی اوله واکا اطلاع بواه (لحرره) چونکه
ایدن گذرایده اسرار * ایله اخفا ایله آنی اظهار * که دیمشدر در مثل ایچره *
یاب سوبله یرک قولاغی وار * بونده اشارت وارددر که خانه وجودده
ممتداولان یرعروقدر که شیاطینک مجراسیدر انکیچون فخر عالم صلی الله
علیه وسلم مجاری دمی تضییق ایله امر ایلشددر و بورازی شیطاندن
اخفا ایلمدی تا که واقف اولوب تسویل و اغواده افراط ایتیه زیر انک
مداخل و مخارجی چوقدر و شیطان کرچه قرین آدمیدر و لکن بیگانه
در که خارجدن صدره و قلبه القاء و سو سه ایدر و سیدندر که
فخر عالم صلی الله علیه وسلم فتح مکیه عن یمتلزنده مرادلرین کسیه افاده

ایتدیلمر بلکه صنادیدقریش مطلع اولوب مقاتلیه تصدی ایدر الحاصل
هر حالده خصوصاً امر سلوکده شیا طین انس و جندن حذر کرکدر
* خانه خالی ماندویک دیارنه *

* جز طیب و جز همان بیمارنه *

* دیار * نفی عامده استعمال اولنور نتکم دیرلر مافی الدار دیارای احد
* طیب * طب علمنده ماهر و علمنده حاذق اولانه دیرلر طب جسمه
و نفسه علاجدر انکیچون الله تعالی به شافی دینلور طیب دینلور زیر
طیب علاجی مشعردر و طب ایکی نوعدر بری طب جسمانی و بری طب
روحانیدر طب جسمانی ابدانک امر اضنه علاج و صحت و اعتدالی حفظدر
و بونک اهلنه طیب جسمانی دیرلر زیر طبابیتی جسمه متعلقدر و طب
روحانی قلوبک آفاته و قوف و کیفیت معالجه سته علمدر و بونک اهلنه
طیب روحانی دیرلر زیر طبابیتی روحه متعلقدر الحاصل ارشاد و تکمیل
قادر اولد قبحه حکیم الهی و طیب روحانی دینلور بیمارک شرعی مرور
ایتمشددر (معنای بیت) بودر که خانه خالی قالدی و طیب و بیماردن
غیری دیار قالدی بوندا اشارت مر شد کامله لازم اولان کرچه ارشاددر
ولکن روح دخی جهدا ایوب مر شدک مرادی اوزرینه اولق کرکدر
زیر حقیقت ده همت روحکدر مر شدک تربیه ده اهمی اول همت
اوزرینه موقوفدر انکیچون سالکده فتور و فترت ظهور ایلسه یولدن
قالور و مر شدک کامل و مکمل اولدیغک فائده سی اولان زیر برافرسک
حرکه مجالی اولسه تازیانه نک نفی ندر پس روح اوزرینه واجبدر که
سعی و اجتهاد ایدوب دائرة وجودی اغیاردن تخلیه ایلیه و مر شدک
ارشادی اوزرینه جاری اوله و بر اشارت دخی بودر که چونکه تخلیه دن
مراد مافی الضمیری استعلام و حقیقت الحالی استخبار در پس سالکده دخی
لازمدر که امراض باطنه سنی مر شدن کتم ایتیه بلکه جمیع عیوبنی سوبلیه
زیر اخسته حالی طیبیدن ستر ایلسه شفا بولماز بوسیدندر که کمل متأخرین
قدس الله اسرارهم مر یدلرک واقعات و سائر احوال تنهاده استماع
ایدلر تا که بری برلرک رازن بیلدر و تنهاده اولق حسیه حیا ایتیبوب
مرادلر سوبیلدر متقدمین ایسه حلقه صحبت عقد ایدوب مجتمع
اولان سالکک احوال بری برلری یاننده سوبیلدر مش بونده ایسه

مفسده وارد رزرا انسان ابل ياننده حيان خلی اول از وردخی کیمی
ترقی کیمی تنزل اوزرینه اولیجی بلکه تنزل اربانی ترقی اصحابه حسد
اوزرینه اولوب مرض وجود مشد اوله پس صحت خاص اهلته اولی
اولان خلوتدر (لحرره) نفس اماره فسادنی قومز * تقدیر کوسترسه روی
صلاح * مفسدك عادتی اولسه افساد * ایدمه من کسه لآنی اصلاح *

* نرم نرمک گفت شهر تو کجاست *

* که علاج اهل هر شهری جداست *

* نرمک * ده کاف تصغیر ایچوندر یومشاق دیمکدر نرمدن صکره
ایرادی ترقی و کلام نرمک بری برینه اتصالی بیان ایچوندر * علاج
حرکت جسمانیله فاعلدن صادر اولان نسته در فتح و ضرب و امثالی کبی
یعنی اعضا و جوارح ایله احداث فعل ایتمکه و بر کماره
مباشرت ایلمکه علاج دیرلر * شهر * معروف در ترکیده شار دیرلر
شهرده نشو و نمائک اثری ظرافت اولغله ظریف و نکته دان و بسیار فن
آدمه شهری و شهر اوغلانی دیرلر و مفتی یحیی افندی اطرافنددر که کلور
* بر آفت دورانینه آرا لیدی شهری * هر جایلمی مهر کبی مه کبی شهری
بیت مشویده شهردن مراد اختلاف مطالع اوزرینه مبنی اولان
موضعدر زیرا بو اختلاف حسبیه اقلیم دخی مختلف اولور و اقلیمک
آب و هوایی مطرد اولغله هر اقلیمک علاجی بر کونه در و جائزدر که
قرب مسافده دخی اختلاف اعتبار اولنه نتم قرآن کور (وفی الارض
قطع متجاورات) و بعضی فقها اتحاد و اختلاف مطالعه اعتبار ایتمز
وحد اختلاف بر آیلق یوادر زیرا حضرت سلیمان علیه السلامک تختی
هر صباح و هر اخشام بر آیلق یول کیدر دیکه هر بری بر اقلیم ایدی یعنی
یعنی طلوع شمعدن زواله دک و زوالدن دخی اخشامه دک بر آیلق یول
کیدردی * جدا * ابری و باشقه دیمکدر (معنای بیت) بودر که نرم
واطفله سوبیلهرک دیدیکه ای جاریه ایمار و خسته ناچار شهرک قنده در
و وطن اصلک نه در سوبله که هر شهر اهلنک بحسب الغالب معالجه سی
باشقه در خصوصاً که اقلیم آخرده اوله زیرا آب و هوایک اختلافله
حاصل اولان امراضک معالجاتی دخی مختلفدر انکیچون بعضی ملوک
سفرده منحرف المزاج اولدقده بوجهله اعتدال قبول ایتموب شکرته

قالدی تا که وطنی اولان شهردن بر ظرف ایچنه بر مقدار صو و بر طول ایله
دخی یل کتوروب صودن ایچور دیر و طولک اغزین آچوب تدر یچیه
ایچنده منجس اولان یلدن بورنه اطلاق و ارسال ایتمدیر بو آب و نسیم
سببیه تنفس ایتمکه باشایوب بالاخره خوش اولدی و سیر و تنفس سیرده
مستوردر که اصحاب کرام رضی الله عنهم مدینه منوره مهاجر تلرند
محموم اولوب مکهنک آب و هوای و نباتن آرزوایدلر و ناچار مذاکره سی ایله
خوش خاطر اولورلیدی فاما الان مدینه نک آب و هوایی خوش
ور یاض و حدائق دلکشدر (لحرره) شرف حضرت پیغمبر ایله * اولدی
آخر مدینه باغ ارم * نخلنک قد و قنات کور یچک * دبدی طوبی بن اکا
نیچه ایرم * بونده اشارت واردر که هر کارده ملائمت لازمدر تا که مقصود
حاصل اوله و هر سالک حقه وجه خاصی اولدیغی جهندن باشقه معالجه
و تریه سی واردر انکیچون طرق حقه متعدددر تا که هر سالک بر یوادن
مهندی اوله و امراض دخی بو کایاس اولنه

* و اندر آن شهر از قرابت کیست *

* خوشی و پیوستگی با چیست *

* قرابتدن * مراد قرابت نسبه در بوراده مضایف محذوفدر ذی
قرابت دیمکدر * پیوستگی * اتصال دیمکدر زیرا کاف هاء سمیدن بدل
و یامصدریه در (معنای بیت) بودر که سابقاً متوطن اولدیغک شهرده
اهل قرابتدن کیمک واردر خصمک و اتصالک اوراده نیه در بونده
اشارت واردر که نفس انساننک شهر وجودده علاقات و اتصالاتی
واردر اگر خواص روحانیت اولان شوق و محبت و طلب و امثالی
اموره ایسه صحیحدر و اهل درجاندیر و اگر خواص جسمانیت اولان حرص
و شهوت و هوای و نظائر نه ایسه سقیمدر و اهل درکاتدر زیرا خواص
مقبوله اغذیه صالحه و خواص مر دوده اغذیه فاسده کبیدر پس
مضر نسته تناول ایدن کسنه نک مزاجی مختل و طبعی منحرف اولدیغی کبی
مائل ماسوی اولان نفسک حالی دخی بویه در زیرا ماسوانک جمله سی
مضردر خصوصاً امور طبیعیه و احوال بشریه بعدذا شهردن صکره
ابتدا قرابتدن سؤال ایلدی زیرا دیمکدر که الاقرب فالاقرب فافهم جدا

* دست بر نبض نهاد و نک بیک *

بازمی پرسید از جور فلک

* نبض * بالاده مفصلا هرور ایلدی * یعنی طیب آلهی الی جاریه نك
نبضه قودی و برر جور فلک و ستم روز کردن سؤال ایلدی یعنی
ستم و جور و رنج بدن که مرض معهود در انک اسباب بدن صورتی
و باشنه کلن احوالی نقل ایتدردی بونده اشارت وارد در که کرچه
هر نسنه ده مؤثر اولان الله تعالی در وجع خیر و شرک نزولی انک
امری نه مضافدر ولیکن افلاک و غیر یسی اسباب خارجییه اولی حسیله
بر نسنه بی سینه اضافت ایتک دخی جائزدر زیرا موحددن صادر اولغله
شرک لازم کلز والی نبضه قومق یا حقیقه محمولدر تا که هر سؤال
ایتدیکی نسنه بی ذکرده نبضنک حرکت و عدم حرکتی استلام ایده
و یا خود امتحاندر کنایه در نیکم فلانک نبضه یا بشدم دیر امتحان
ایتدم معناسنه بوضورده جاریه نك سبب مرضه و قوف تغیراوندن
حاصل اولور فافهم بوندن فهم اولنور که طیب نقدر حاذق و ما هر
و فراستده کالی ظاهر اواسه بنه امورنده تأنی و احتیاط لازمدر مرشد
کاملک حالی دخی بوکا قیاس اولنه زیرا کرچه حکیم آلهی مرض
نفسی کوردیکی کی فراست حقیقه ایلده تشخیص ایلر و امتحان
حاجت قالمز ولیکن عجله ایتک منافی حکمتدر نیکم قرآنده کلور *
(ولبلونکم حتی تعلم المجاهدین منکم والصابرین) مقصود علم شهودی
در که مجاهد و صابرک وجود عینی سنه تابعدر بومعنا دندر که طیب
مذکور تخلیه منزل ایدوب تنهاجه سؤال ایلدی زیرا بلدیکه مرض
جاریه امراض معهوده دن و خلق اراستده سبی استفسار اولناجق
اموردر دکلدر * و بوطریقله علم شهودی تحصیل ایلدی و کلام
اطرافه کزدرمهده و اطناب محاوره دخی مخاطب ایلده استیناس وارد *
تا که بویهانه ایلده حقیقت نبضه و قوف حاصل اوله و سالکک مربی
حقیقی ایلده ماجراسی دخی بویه در بوندن فهم اولنور که اکامل ناسده
مکر خفی وارد که ناقصه لراکا مطلع دکلدر نیکم قرآنده کلور
(والله خیر الماکرین) الحاصل هر ناقصک حالی کامله معلومدر من غیر
عکس زیرا اعلی اسفله حاکمدر انکیچون ارضه تأثیر جانب سمواتدن
حاصل اولور و نسا طائفه سی رجال ایلده قوام بولور فاعرف جدا

(لحیره) چون نسیم نوبهار انفاس حق هر دم کلور * غنچه دال
آچاور کویا ابدن نم کلور *

* چون کسی را خار در پایش جهد *

* پای خود را بر سر زانو نههد *

* خار * دکندر آغا جده اولسون یرده اولسون نیکم واقعدر * جهان کرچه
سراسر لاله زارست * برهنه پا می و انجاسا که خارست * جهی بدن *
جیم عریله صیحه مق و قالقیق معناسنه بوراده مراد بامقدر * سرزانو *
دیزاوجی (معنای بیت) بودر که چونکه برکسه نك ایاغنه دکن صیحه
وبانه اول مکسه کندی ایاغنی که دکن باتدیغنی ایاقدر دیزی اوجنه
واوزر بنه قور عادت ناس اوزره یعنی اول دکنی ایاغنه دن چقرق
ندارکن ایلر و سینه مباشرت ایدر و ایاغنی اوبله مجروح قومز بوسوز
ایاغنده غلظت و خشونت اولمیوب دکن باتدیغنه حس و شعوری اولانه
کوره دروالا پارهنه رنجبرلک ایدنلرک اکثری ادمه دکنی طوبی
بونده اشارت وارد در که قلب ایاغنه میل ماسوی دکنی باتسه انک اخراجی
اسبابنه رکوب لازمدر زیرا زانو عربیده رکبه در ورکه رکبه اشارتدر
یعنی بحسابی غلیظ و کثیف و تعاق و میلی قوی و شدید اولمین مکسه
پای دله دخول ایدن خاری اخراجه سعی ایدر زیرا حالسنه فی الجمله
وقوفی وارد در فاما آنک که باطنی زیاده غلظت و کثافت قبول ایتش
وقوی و اعضادن هر برنه بر درولی دکنی کرمش کمتشدر اول مکسه در دودر
ماندن بی خبردر بوسیله ندر که قرآنده مواضع متعدده ده (ذوقوا)
امری وارد اولشدر یعنی اهل غفلت دنیا ده عذاب روحانی بی حس
ایتزدی اگرچه که معذب ایدی زیرا بشریتی غالب و غفلتی مانع و مغلوبیتی
حائل ایدی پس آخرتده ذوق ایتدی زیرا بهظه به کلدی نیکم امام علی
کرم الله وجهه بیورر (الناس نیام فاذا ماتوا انبهاوا) بعد ذلخار و پای
تمشیلنده نیکه بودر که ایاق سلوک ایچون خلق اولمشدر پس دکن
باتمق سلوک ظاهره مانع اولدیغنی کی محبت ماسوا دخی سلوک باطندن
عائقدر و بومعنا به وقوفی اولان مکسه موانع و عوائق دفع و رفعه همت
وسعی لازمدر و جهان خارندن خالی اولدیغنی کی کلزاردن دخی خالی
دکلدر (لحیره) خار ذکر اولسه کاشنی کوزله * غربت اکسه موطنی اوزله

وز سر سوزن همی جوید سرش
ور نیابد می کند باب ترش

* تر * باشد در مقابل خشکدر معنای قورودر (معنای بیت) بود که واکنه
اوجندن اولد کنک باشی طلب و تقصص ایدر واکر بولرسه طوداغبله
اولد کن کنان موضعی باش ایدر واصله درتا که بولق وچقرمق آسان
اوله بونده اسباب معینه به تشبیه اشارت وارد واکنه دن مراد
کله ذکر در کله تأثیری وارد و اوجندن مراد نفیدر که لادر زیرا
لاتخلیه باینددر اول الوهیت طغوته کفراندن صکره الوهیت حقه
ایماندر نتم قرآنده کلور (من یکر بالظغوت ویؤمن بالله فقد استمسک
بالعروة الوثقی لا انفصام لها) و سزدن خفیه دخی مراد اوانور
و ذکر خفی ذکر جهرینک مقاباید پس اگر ذکر خفی ایله خار تعلقات
اوجی که عالم مواید در بولنرسه ذکر جهری ایله رطب اللسان اولق
کر کدر زیرا جهرده شدت وارد شوبله که نفسی ایقاظ وخواطری
پربشان وعیوب مستوره بی کشف ایلر و عالم مواید مبداء تعلقات
اولدی زیرا آخرتیز لاندن وانک فوقنده عناصر و عناصرک فوقنده
طبیعیات و طبیعیاتک فوقنده ارواح و ارواحک فوقنده برقاچ پرده دخی
وارد پس تعلق دل ابتدا مواید در انکیچون مرتب ساوک ایدنلر
ابتدا بو مرتبه دن تریه اولنورل اندن صکره کله ذکرده واقع اولان
نفیک اشارت ابتدکی عالم لاتعینه وارنجه تعلقات کثیره واردر کیمی
جسمانی و کیمی روحانی و کیمی علمیدر پس ذکره قوت اشتغال
بو تعلقاتک جله سندن خلاصه سیدر نتم قرآنده کلور (واذکروا لله
کثیرا لعلکم تفلحون) یعنی فلاح مطلق مرتبه سنه واصل اولنجه
ذکر ایدیکز اندن صکره ذکر وذاکر و مذکور بر معنادن عبارت اولور
بعد ذا بیت مشوبده طریق اویسیه به اشارت واردر والا کثراهل
سلوک اطفال مقوله سیدر و اطفال کنیدلرینه معالجه دن عاجز اولدقلری
کی اطفال طریقت دخی بویله در بناء علی هذا اطفالک تربیه سی
ابویه منوط اولدیغی کی اطفال طریقتک دخی مرشد کامله مفوضدر
خار در باشد چنین دشوار یاب

خار در دل چون بود واده جواب

دشوار

* دشوار یاب * کوچ بولنجی * چون * اماله ایله کیف معناسنه * واکه تحسین
لفظ و تعدیل وزن ایچون کلمشدر زاندر * جواب * جویدندر قطع معناسنه
زیرا کلام خصم جوابله منقطع اولور (معنای بیت) بودر که ایاقدنه
اولان دکن بویله کوچ بولنجی اولیجق دلدنه اولان خار تعلقات نیجه
اولق کر کدر جواب ویر یعنی زیاده کوچدر مثلا آغز دن دبش چغغله
بندن جان کیهدر که ثانی اوله نسبتله زیاده صعبتلو در الحاصل
عذاب روحانی عذاب جسمانیدن اشد اولدیغی کی مرض روحانی
دخی مرض جسمانیدن بتدر زیرا مرض جسمانی محسوس و سببی
ظاهر و معالجه سی آساندر مرض روحانی ایسه کورنمز بلا و سببی
خفی وازاله سی مشکدر بعد ذا مولانا حضرتلری بو تشبیه ایله
صعوبت حالی بیان ایدوب جواب ویر دیملکه اسکات خصم ایلدی زیرا
بو طریقتک صعبتنی بلینلر و بونک براز خن فهم ایلینلر منزله وصولی
آسان ظن ایدرلر و اهل سلوک فقراسنه چکد کلری مشاق ایچون
استهزا یوانه کیدرلر نتم کفار قریش و نظا ری فقراء مؤمنینه
بو معامله دن خالی دکالردی نتم قرآنده کلور (ان الذین اجر موکانوا
من الذین آمنوا یضحکون) ولیکن فقراتک احوالی غایتیه و صولده
بلا اولور نتم حق تعالی بیورر (فالیوم الذی آمنوا من الکفار
یضحکون) پس عجبدر که بر کسنه کنیدی قدمنده اولان خاری
اخراجی قویوب ایل کنیدی قدمندن خاری اخراج ابتدکی اکا عجب
کله و بو معنایه خنده زنان اوله (لحرره) وار ایسه پای جاتک ایچره
دکن * آنی اخراج ایلکل ایرکن * جانکه کارایده بلکه
بویلا * سن کلوب های وهوی ایلرکن *

خار دل را کر بدیدی هر خسی

دستی بودی غمان را بر کسی

* خس * اسنان فارسیده بی منفعت اولان اوته دیرلر خس و خاشاک
چور جوپ دیملکدر استعاره طریقیله بی منفعت اولان کشی به
وبد کوهره و ناکسه دخی اطلاق اولور (معنای بیت) بودر که اگر
هر خس مرتبه سنده اولان دنی و ناکس کسه خار دلی کوریدی
و موانع ساو که طلوع اولایدی بر کسه نک اوزرنه غم لک نیجه

ل

۳۳

الی و قدرتی و تسلطی او آوردی یعنی کسی که معناده زبون غم اولماز و بحر قساوته طالماز دی و لیکن آنی کوره مک هر بی بصیرتک شانی دکلدر انکیچون اخراجنده مشقت عظیمه وارددر بونده غمندان مراد غم دلدرد جمیع ایراد اولندیغی افراد اهل غم و یاقوت غم و یا کثرت اسباب غم اعتباریه در وهدایی دیوانده کلور * کجوب صحرای عالمدن * کذر قیل عرش اعظمیدن * خلاص اول درده غمیدن * دیگل یاهو و یامن هو * صحرای عالمدن عبوردن مراد عالم ملکدن تجاوز در که عالم ظلمانی و حجاب کثیفدر و عرش اعظمیدن کذر دن مقصود عالم ملکوتدن تجاوزدر که عالم نورانی و حجاب لطیفدر و بوجلیه عالم کون دیرلر زرا عالم روح دخی مخلوقدر نیکم تفصیلی مهوور ایتشددر و بویکی عالم ماسوی الله اولغله انلره تعلق ایتک کر کدر و غمیدن خالی دکلدر پس حضور حضرت مؤنیه وصول و عالم لاهوته دخوله در انکیچون خلاص اول دیدی و بو مرتبه وصوله مدار اولان یاهو و یامن هو و دیرلر زرا هویت باقیه بی اثباتدر الحاصل سالک بو ذکرله ذکر اولنان غم تعلقی رفع ایدر و برارخسدن خلاص اولوب هویت مطلقه منزله دک قرار ایتوب کیدر

* کس بزیر دم خر خاری نهید *

* خرنده دفع آن برمی جهد *

تمثیل طریقله وارددر ولیکن تخصیص خرده وجه بودر که خر طبیعت انسانیه به اشارتدر که شهواتدن عبارتدر و بردخی زیاده جهل ایلله متصفدر انکیچو اکفر من الحمیر دیرلر اجهل معناسنه زرا کفر کمال جهالتنددر * دم * ضمه قویرق در (معنای بیت) بودر که کسیه خرک قویروغی آتیه دکن قوسه خر اول دکنک دفعنه چاره بلیوب صحرار و قافر زرا النیدن کلن انجق اودر قویروغی التنی تخصیص ایلدی عادت ناس اوزره زرا محل نفوذ و سبب رنجش عظیمدر بونده اشارت وارددر که قوای نفسانیه نک تنزل حسبیه دبری مرتبه سنده اولان طبیعته خار تعلق یاتسه اهل طبیعت اولان کسیه خر کی انک دفعنه چاره بلیوب اضطراره دوشر زرا طریقنی یلزانکه مبتلی اولوب خلاص اولنه مراجعت لازمدر

* بر جهد و آن خار محکم ترزند *

* عاقلی باید که خاری بر کند *

* کند * قحله کنندنددر کندن کاف عربله قازمق و قوپرمق و برنسنه بی چقرمه قدر (معنای بیت) بودر که خر مذکور اول خارک تأثیرندن صحرار و اول خاراک از یاده محکم اورر و تشار بر عاقل ککر کدر که خاری قوپاره و محاسن دن لطفله چقاره یعنی خرک خاری اخراجه قدرتی یوقدر زرا اجددر و دفع طریقله حرکتنده بدنه خارک زیاده دخولنه باعثیت وارددر (پس اول خاری اخراجه عاقل کسیه کر کدر یعنی آنی اخراجه قادر اولان انساندر یوخسه حیوان دکلدر * بونده اشارت وارددر که سالک کندی سعی ایلله مرض طبیعت و نفسه علاجه قادر دکلدر والا حکما اشراقه دخی صلاح وجود ایدر لر و حقه وصوله یول بولورلر دی عقل معاش مرتبه سنده اولانلر مر کب مثالدر * پس معالجه به عقل معاد اهلی کر کدر که عشاق و عرفاد زرا مرض ظاهرک اندفاعی حکیم عاقل و طبیب کاملک مباشرتیه موقوف اولدیغی کبی مرض باطنک روایی دخی مر شد صادق و مؤدب حاذقک تربیه سنده منو طدر نیچدر غرورلندن ناشی کسیه مراجعت ایتوب خسته دل قالمشرو نیچدر دخی نا اهلله مقارنت ایدوب کتد کجه مشتدالمرض اولمشلردر * پس ابکیسی دخی مذمو مدر بعض قلاب اهل اکسیر واردر که زعمجه تطهیر اجساد و تنقیه اوصاف صد دنده ابکن اجساد دی اولکی حالندن دخی چقاروب افساد و اوصاف تکشیف ایدر انکیچون عمل عقیم کلور و فلسفه دکر و کسبه یامن اگر چه که جهلا باننده رایجدر (لحرره) بلبلرندر علم اکسیر * بونجه برانی به اولور اکسیر * کامل استاد کرکناکه ایده * زرحالی مس قاله تأثیر *

* خرز بهر دفع خار از سوز و درد *

* جفته می انداخت صد جازخم کرد *

* جفته * ضمه معروفدر * صدجا * کثرتدن کنایه در (معنای بیت) بودر که خر خاری دفع ایتدن اوتوری حرات و صانجو و در دن جفته اتدی بویه ایتسمیله نیچه بری یاره ایلدی ماضی مضارع معناسنه در یعنی انار و ایلر ولیکن تحقیقنه بناء ماضی ایلله تعبیر اولندی (بونده اشارت

وارد که کندی عقل قاصر به معالجه صد دنده اولان کسسه قلبند
غیری اعضا و قوا سنک زخمه دخی سبب اولور زیرا پر هیزك اعتدالتی
بلز و قواک قوت وضعفی فهم ایلز و وجودك مصالح و مفاسد سنده
متعلق اولان مداخل و مخارجی اکلامز اول سیددن مرض اجزاء وجوده
ساری اولور و اصلاح ایدیم دبرکن افساد ایلر * پس درد رابکن
برقاج و آسان ایکن کوچ اولور جفته اتق اضطرار بدن کنایه در وجفته
فی الحقیقه نفس و طبیعت اشارتدر زیرا وجودك ایکی ایاضی کیسدر
و گاه اولور که نعل ایله دخی تعبیر اولور نیکم قرآنده بطریق الاشاره
کلور (فاخلع نعلک) یعنی مقام قر به قدم بصمق ایچون نفس
و طبیعتی ترک ایله نیکم دیشدر (دع نفسک ثم تعال) نفس تخصیص
اولندیغی برزخ عظیم و مانع قوی اولمغه در ویتده بر اشارت دخی
بودر که معالجه ایتک خارك وجوده دخوانه اطلاق بدن صکره در
انکیچون خوف و خشیت علما و عرفانک صفتیدر زیرا عوام ناسک مطلع
اولدقلری احوال و افزاعه مطلع اولمشلر و هیبت و عظمت حق کاینبیغی
بلشدر پس ناسور لنش زخک صاحبی آجی و اغری طویعز و دردی
نه ایدوکن بلز کال غفلت اهلی دخی بویه در (لحرره) جفته
نفس و طبیعت زن اولور * بلین دفع درد ایچون درمان * خار
سوا خلیده اواسه ده * بر دل اهلنه کوستر آنی همان *

* آن حکیم خار چین استاذ بود *

* دست می زد جابجای آز مود *

* خار چین * وصف ترکیبدر خار دیو شور یچی معناسنه یعنی خاربتن
برلردن خار چقاریچی * استاذ * ابن کالک بعض تحریراتده ثبت اولندیغی
اوزره لفظ مرکب اعجمیدر اصلنده است آذدر است کلب و آذ ذال
معجه ایله صاحبدر پس استاذ صاحب الکتاب دیمک اولور دال
مهمله ایله استعمال غلطدر زیرا معلمه علم اولمشدر تغییر ی جائز دکلدر
انتهی باختصار ولکن کتب لغویه ذکر اولان معانی مفردیه مساعدده
ایتمز تنبع اولنه وجوالتی نک معربانده کلور که استاذ کله اعجمیه در
اگر کله عربیه اولایدی اشتقاقی ستزدن اولق کورینور کله عربیه ده
ایسه سین و ذال جمع اولدیغی یوقدر نیکم قاموسده مصر حدر صنعتده

ماهر اولانه استاذ دیرلرولکن شهر جاهلی ده استاذ لفظک استعمالی
کلمه شددر نیکم بعض کلمات اعجمیه استعمال اولمشدر شهرنشاه
و خسروانی و غیر ایلر کی و خصیان مقوله سنه تعظیم اتسه لر بطریق
التفویل استاذ دیرلر زیرا صانع ماهرک تحت تربیه سنده بحسب الغالب
خصیان بولمغه کویا انلر دخی حسن ادبده استاذ اولمشلردر صکره
تعمیم اولنوب مطلقا خصیانه استاذ دندلی ولکن استعمالی بعض دیاره
مخصوصه در بزم دیارمنده شا کرده تعظیم اتسه لر خلفه دیرلر * جابجا *
بریر دیمکدر یک یک برردیمک اولدیغی کی پس ظاهر اولان بودر که
بارانده در و جائزدر که سر به پا قیلندن اوله یعنی بونده ادات غایت
مخدوف اولدیغی کی انده دخی مخدوف اولوب تقدیرلری سرتابه
پاوجا تابجا دیمک اوله پس با الصاق ایچون اولور و جائزدر که اصلنده
سراپا قیلندن اوله یعنی سراپا نک اصلی سروپا اولوب الف واو
عاطفه دن بدل اولدیغی کی جابجای نک دخی اصلی جاوجا اولوب
با واو عاطفه دن بدل اوله زیرا الف ایله واوک میاننده مقاربت یو غیکن
تبادل جائز اولیجق شفویتده متوافق اولان با ایله واوک تبادل ی بطریق
الاولی اولور والله اعلم (معنی بیت) بودر که اول خارپا دیو شور یچی
و چقاریچی به مشابه اولان حکیم که مهمان غیبدر حکمتده ماهر
و طبابتده حاذق ایدی انکیچون ال اوروب بریر تجربه ایلدی یعنی
خارجین اولان کسسه خار چقاردیغی زمان محلی بولمغیچون بریر ایله
واکنه اوجیهله تجربه و امتحان ایتدیکی کی اول حکیم دخی مرض
جاریه به معالجه صد دنده اولد قده بربر آنی امتحان ایلدی و هر دره دن
بر صو کتور دی و هر یوزدن کورندی و نبض طوتدی تا که مرضی
تشخیص و دردن تعیین ایلوب اکا کوره درمان ساز اوله و بوحر کته
عین حکمت دیرلر پس حکیم آلهی نک دخی ارشاد و تربیه وقتنده
حالی بولک قیاس اولنه (لحرره) دیمه کم اشبوایش اولدی
دشوار * بولینور امتحانیه سر خار *

* زان کنیزک بر طریق داستان *

* باز می پرسید حال دوستان *

یعنی اول جاریه دن داستان طریق و حکایه جهتی اوززینه دوستان

واحبابنی سوال ایلدی مقصود بودر که اول امر دن سنک درد که باعث شو و مرض که سبب بودر و باعث که علت فلان معنی اولی کر کدر دیمدی بلکه اسلوب حکیمه سالک اولوب تغافل ایلدی و جاریه نک احوالی کننده تقریر ایتدی تا که تدریج و تأنی ایلد مراد حاصل اوله و بومقوله فکر خفی مرشد ایلد مرید اراسته دخی جاریدر زیر مرشد تقریر فراست اهلی اولسه و حال مریدی قبل السؤال قرائن ایلد بلکه نجاهل ایدر و طریق تفصیلدن استطلاع ایچون جانب سوءاله کیدر و حدیثه کلور (اللهم استر عورتنا) پس ستر حال صفت اهل کالدر (لحرره) وارد هر مقاله بر حال * فهم ایدر عارف اول حالی فی الحال * قنخی دل واقف اسرار اولسه * سویلک آنی غیره اولدی محال * اللهم اغنم بحال المرشدین *

* با حکیم اوقصه هامی گفت فاش *

* از مقام و خواجکان و شهر تاش *

* فاش * اصلنده فاشدر شایع و منتشر معنایه تخفیف یا حذف اولمشدر نتکم معاف و مسلم در دیرل اصلنده معافی در اسم مفعول صیغه سی اوزره نتکم بالاده بیان اولمشدر * خواجه * کتب لغویه ده فقه ده و ضمه ده باز لمشدرو لکن فتحله اولیحق و اووالفک ایکسی بله رسمی اولور زوایر کله ده و اور رسمی اولسه مابعد نه الف یازرلر خواهر و خواهر و امثالی کبی خواجه اصلنده قوش ایکنه دیرلر صکره تعظیم قصد ایدوب عزیز لره و غنیلره و پیرلره اطلاق ایدیلر بوراده مالک معنایه ده در زرامالکیت غنائک لوازمندندر * خواجکان * ده اولان کاف عجمی هاء رسمیدن بدلدز زیرار کله نک آخرنده هاء رسمی اولوب اکایاء مصدر ویا الف و نون جمع لاحق اولسه هاء رسمی کاف عجمی به تبدیل ایدرلر خواجکی و خواجکان و بندکی و بندکان دیرلر بصورتده ادات جمع آن اولور و اما مفتاح اللغة کلور که کان کاف عجمی به ذوی العقوله دلالت ایدن اسماء متحرک الاخرده علامت جمع او اور بندکان و فرشتگان کبی و ابن کمال دخی دقایقه دیمشدرد که کان ادات جمع در اصلی آن در پس بصورتده هاء رسمی بلا بدل حذف اولمش اولور والله اعلم * تاش * اداتدر شرکنه و مقارنته دلالت ایدر پس خواجه تاش و سبق

تاش خواجه ده و سبقه شریکر دیمکدر دقایقه کلور که تاش شریک دیمکدر ترکی دلدل اکا اورتاق دیرلر ایکی قولک افند بسی بر اولسه اکا خواجه تاش دیرلر نتکم واقعدر * من و تو هر دو خواجه تاشانیم * بنده بارگاه سلطانییم * ایکی کسه بر بولکدن اولسه اکاخیل تاش دیرلر نتکم واقعدر چه خوش گفت بکتاش با خیل تاش * چود شمن خراشیدی ایمن مباحش * گاه اولور که تابی داله قلب ایدوب سبقداش و پاداش دیرلر اصلی سبق تاش و پای تاشدر و سروری شرحنده کلور که لفظ تاش بر بکت که باصطلاح جغطایی بیرون راتاش میگویند مراد قریه است که مقابل شهرست انتهی * بوفقیق فهم ایتدیکی بودر که تاش بوراده یا شریک معنایه سنه در که بزم دیار یزده قیو یولداشی دیمکله تعبیر اولنور و یا خود مملکت معنایه سنه در نتکم نعمه الله ده مملکت معنایه سنه کلد یکی دخی مصر حدر قریه معنایه سنه اخذ اتمک و همدر (معنای بیت) بودر که اول جاریه حکیم مذکور سوالی حسیله قصه لر سویلدی شایع و ظاهر و یا خود خبرلر افشا ایلدی مقاومتدن و مال کلرندن و شهرندن و قیو یولداشدن و یا مملکتدن ولیکن خواجکان و تاش دیمدی ز برابو صورتده معنای واحد منحصرا اولوردی شمدی شهر اوزرینه معطوف اولمغله مملکت معنایه سنه اخذ ایتک دخی قابل اولدی و بوندن فهم او اندیکه مقام شهردن اعددر زیراشهر بحسب الغالب وطن اصلی ده و مقام وطنده و موضع اقامتده دخی مستعملدر بونده مقامدن مراد دماغدر که نفس حیوانی نک مقریدر و خواجکانندن مراد شهوات و هوادر که نفس حیوانی اوزرینه تسلط ایتشلردر و جائزدر که موطن حسیله اسماء حاکمه اوله و شهردن مراد وجود و یا وطن ازلی و تاشدن مراد نفس حیوانیه شریک اولان قوای نفسانیه در و یا بشریتدر که اسفل سافلین عوالمدر نتکم تحقیقی بالاده کدر ایلشدرد فاعرف

* سوی قصه گفتنش می داشت کوش *

* سوی نبض و جستنش می داشت هوش *

* جستن * فتحله سکرتمک و صیچرامق معنایه سنه گفتنش ضمیری کنیز که وجستنشک نبضنه راجعدر (معنای بیت) بودر که حکیم من نور جاریه نک

فصه سویمکلی طرفته قولاق و نبض و حر کتی جانبته هوش و ادراک
طوتدی یعنی جاریه مذکوریه احوالی نقل ایندیررکن قولاقی اول
احوالی استماعده والی انک نبضنده ایدی کلجک معنایان اوتوری
(بوندن فهم اولنور که گوشله استماع و یادیده ایله رؤیت غیری
عضوله دخی اشتغال له مانع دکلدر انکیچون قرانده (ایک نعبد) دندلدی
یعنی نعبد کله سی جمع ابراد اولنلری زیرا عیادت جزئ معینه مخصوص
دکلدر بلکه جمیع اجزاء داخلیه و خارجیه نک اندن حصه سی وارد
مثلاً نمازده هر برعضوی وضع مخصوص اوزرینه استعمال ایدوب
قلبه دخی توجه کلی ایتمک کر کدر بومعنادن اوتوری دیشله در که
برکسه حالت مشیده و یا برعمله اشتغالده ایکن تلاوت قرآن ایتمک جائزدر
اگر اول عمل مانع تدیر اولمز سه (و بونده اشارت وارد که بالکز
کلامه اعتماد یوقدر بلکه کلام حقیقی فعل ایلله ظاهر اولور انکیچون
حکیم مزبور جاریه نک قول مجردنه التفات ایتیموب نبضنی الدن قومدی
بناء علی هذا می شد کامل دخی سالک مبتدی نک تقریر مجردنه نظر
ایتیموب بلکه حقیقت حالی افعال خارجیه سندن و خصوصاً واقعاتندن
بلور زیرا اقوالک آینه سی افعال و افعالک دخی رؤیادر پس برنسنه بی
قول ستر ایلسه فعل اظهار ایدر و فعل کتم ایلسه رؤیا افشا ایدر نتکیم
قرانده کاور (یحذر المنافقون ان تنزل علیهم سورة تنبئهم بما فی قلوبهم
قل استهزؤا ان الله مخرج ما نحدرون) و حدیثده کاور (الحذر لا یعنی من
القدر) و بر حدیثده دخی کاور (ولا ینفع ذالجمک الجذ) یعنی غنا و سایر
احوال عمله بدل اولمز عمل دخی لازمدر (محرره) غنجه کراز درون
ایتیدی بلبلدن نهان * عاقبت فاش ایلدی اول رازی بوی دلکشی
* غنجه دی کیسه زری نیچون صقلر عجب * چونکه دست بآدن
آخر پریشاندر ایشی *

* تا که نبض از نام که کرد جهان *

* او بود مقصود جانش در جهان *

ایکجی که استفهامدر آخرنده یا بطریق الاشباع یاز بلور اولکی جهان
فعله صفت مشبهه در صچرایجی معنایان و ایکجیسی کسرله دنیادر
پس بونده تجنیس محرف وارد در زیر ایکی کله نک هیئتلی تحریف اولمشدر

* او ضمیردر کهیه راجعدر (معنای بیت) بودر که تا که جار به نک نبضی
کیک نامندن صچرایجی و حرکت ایدیجی او اور اول جار به نک مقصود
جانی و محبوب جنسانی اول کسه او اور یعنی حرکت نبضله مقصوده
انتقال و مشوقه استدلال اولنور زیرا کشی محبت ایتدیکی نسته نک ذکر یله
منفصل اولور و قلک انفعالندن طر دخی حرکت کسه کادر زیرا جکره
متصلدر بونده اشارت وارد که مریدک انفعالات نفسانیه و حرکات
خارجیه سی تعلق نیه اولد یغن بلدی و واقعاتی دخی آینه کبی
حقیقت حالی کوسرتر و خواطر دخی بوکافیا س اولنه و خواطر
رؤیادن صکره اعتبار اولنور زیرا بقظه حالنده اولور (و بوندن فهم
اولنور که مریدک نبض باطنی نه وجهله حرکت ایدر سه اکاکوره
معالجه اولنق کر کدر اگر احوال و اسماء و اگر ریاضات و مجاهدات
یوزندن مثلاً اخلاطدن صفرا غاب اولسه اسبابی یوزندن تعدیل
ایتمک کر کدر زیرا اخلاط و عناصرک اعتدالی مدار سلوکدر انکیچون
دیشدر الصوفی بعد الاربعین یازد یعنی اربعینه بلوغده بحسب الغالب
مزاجه برو دت غلبه ایدوب سلوک مانع اولور زیرا سلوک حرارت تامه
ایلله اولور جوان اولنلرایسه بومعنادن ذاهل او اباضاعت اوقات ایدر
(محرره) اوله کور راه حقه تیروان * بدکل پیر ایلله سلوک جوان *

* دوستان شهر اورا برشمرد *

* بعد از آن شهرد کر را نامرد *

یعنی حکیمک سؤال ایتدی یکی شهرک دوستلرینی و آشکارینی اکا صابدی
و بر رسو بلدی فاما برندن افعال و حرکت نبض طاهر اولدی حکیم
دخی اندن صکره بر غیر شهرک نامنی ایلندی یعنی ذکر ایلدی و لسانه
کنوردی تا که انده اولان دوستانک ذکر یله دخی حالی تجربه ایلیه
پس انک ذکر یله دخی نبض متحرک اولدی و مقصود حصوله کلمدی
نتکیم بیت آتی اکافرینه در بونده اشارت وارد که می شد کامل
نفس حیوانینک علویات و سفلیات و موالبید و عنا صر و طبیعتده
تعاقب نیه اولد یغن تفتیش ایلدی و موطنی بر بر رسو بلدی آخر
علاقه سی هوایله اولد یغن بلدی نتکیم کلمه کر کدر

* گفت چون بیرون شدی از شهر خویش *

در کدامین شهر بودستی تو پیش *

کدام قنچی و کدامین قنچی دیگر پس آورنده اولان یا نسبت و نون
ناکید ایچوندر بودستی بالاده شرح او نمشد (معنای بیت) بود که
طیب جاریه نك بر نوع دخی نبضن طوتوب دید یکسه ای جاریه بیمار
و طالب بیمار شهر کدن طشره اولد قده وطن اصلیدن جدالق بولد قده
شهر لک قنچیسند زباده اولمش واقامت قلمش ایدک بوندن مرادعلاقات
بحسب الغلب طول مکثله حاصل اولغله جاریه نك احوالنه استطلاع
ایچون طول اقامت در دخی سؤال ایلدی بونده اشارت وارد که
نفس حیوانینک وطن اصلیمی من وجهه عالم هویت و من وجهه عالم
ارواحدر نیکم اوائل نگیده تفصیل اولندی ارواح ایسه اجسامدن
دورت بیک یل مقدم خلقی اولمشدر نیکم بومعنائک سری دخی مرور ایشدر
پس اگر چه که نفس حیوانینک عالم ارواحه کوره وجود ظاهر بیسی
بوغدی ولیکن روحده مندرج و باطننده مندرج اولغله الک و ساططیه
عالم ارواحده طول اقامتی وار ایدی فاما بوعالمده واندن من آخر اولان
عولمده علاقه روحانی اولغله مدار مرض دکل ایدی زبامرض عالم
ارواحدن حرکت ایدوب طورا بعد طور سیر و دورله عالم انسانه دخول
واندن بدنه تعلق ایدک نصره حاصل اولدی بعد ذاکل انسانک نفس
پای بوعالمه نزول ایدر کن تعویق و توقفتدن بری وغواشی علاقاندن
عری اولدیغی کی بونشأ دن علم اصله عروج ایدر کن دخی بویله در
زیرا اوزرینه حاکم اولان اسمی کلی و ذائنده احکام و حوب احکام امکان
اوزرینه غالبدر بوسیدن سیرنده زیاده سرعت وارد که زمان قلیلده
مرادی حاصل اولور فاما ناقص لک نزول و عروجنده بعض آفات عارض
اولغله فساد حال حسیله بعض اطوارده طول مکث اقتضا ایدر بناء
علی هذا نیجه ل حقه وصولدن محروم اولور پس روح سلطانی بدنه
تعلق ایدکده نفس حیوانینک ابتدا تعلق ایتدیکی شهوات واندن هوادر
ولیکن هوی یه تعلق زیاده در وهوی جمیع رزائلی جامعدر واندن
مبغرض نسنه بوقدر نیکم اثرده کلور (ماعبداله ابغض من الهوی)
بوسیدندر که اکثر ناسک اقوال و افعال و احوالی شریعتیه و طریقه
وزن اولسه کفه خلاف کفه وفاق اوزرینه راجح کلور پس خلاصه اولان

مکث وفاقده اولانه کوره طویلدر خراص ناسک حالی ایسه بونک
خلافته در و بلکه بهض اکامل انسانده وفاقدن غیری بوقدر (لمحرره)
* باز در صبح و مسامیحانه * غایب بسته در در مسجد * طاعت حقه
قالیوب رغبت * فسقه در شمدی اجتهاد دانه جسد

* نام شهری گفت وزان هم در گذشت *

* رنگ رو و نبض او دیگر نکشت *

یعنی بر شهرک نامی دخی سوبلیدی واندن دخی کچوب برنی دخی ذکر ایلدی
اما هیچ برنده جاریه نك رنگ روی و نبضی دورلی دخی اولدی یعنی
نه بوزنک لونی منغیره نبضی حرکت شدید ایلد فمحرک اولدی زیرا
علاقه ایتدیکی کسه تهاداد ایتدیکی شهر لرده دکل ایدی رنگ روی
نبضله ذکر ایلدی زیرا انفعالات نفسانیه نبضله معلوم اولدیغی کی
رنگ رویک تغیر یله دخی متبین اولور حرکت خجل و صفره و جل کی
و نعت نائلی ده کلور * سر در ذکر و فکرک چهره سن ارباب توحیدک *
* سیاه خاکی زرایله کیم یار سول الله * و گاه اولور که مطلقا
بشمرده افسه رار شعر دخی دلیل اولور عرق دخی بوکا قیاس اولنه
نیکم دیرل (کل انا یتشرح بمافیه) یعنی هر باطنک علامت ظاهری
وارد که وجود نه انکله استدلال اولور مثلا حرکات وجود و حسن
و شعور ایلد روحه و قوای باطنیه انتقال اولور انکیچون دیمش لر در که
بوعالمسز تگری بی نر دیمک ایوسوز دکلدر زبراحق باطندر اسماء
وصفاتک آثاری ظهور ایتکله بلمشدر و علماء دیرل که مجهول مطلقه علم تعلق
ایتمز البت بوجه مالمو میت لازمدر

* خواجکان و شهرهارا یک بیک *

* باز گفت از جای وزنان و نك *

* یک بیک * بالاده جابجاده اشارت اولندی * باز * لغت مشتر که در بر نیجه
معنایه کلور بوراده یا حق و روشن معناسنه محمول و یا ضرورت ایچون
زانددر * جای * بر در محل معناسند و مجازا منزل معناسنه دخی استعمال اولور
کافی الدقایق (معنای بیت) بودر جاریه مذکور مقدم کنده مالک
اوانسری و مرور ایتدیکی شهرلری بر آشکاره سوبلیدی کتم ایتدی
و کذلک وطنندن و مقام اقامتندن و نمکدن یعنی کیملرایله اراستنده حقوق

نعمت واقع اولدی و بونلرک جملہ سنی تقریر ایلادی باز گفت ماقبلنه
وما بعدنه مصروف اولق جائزدر بعد ذانان اعتقدہ و نمک اصلاحہ
اشارتدر نان و نمک صوری ایلہ حقوق ظاہرہ ثابت اولدیغی کبی معنوی
بلہ رخی حقوق باطنہ ثابتدر زیرا برکسہ آخردن صناعت اوکر نسہ
و باعلم ظاہر تلذایلسہ و یار شاد حق بولسہ معلوم و مرشدک حقوقہ رعایت
لازمدر تعظیم و خد متہ قیام و خیر لہ یاد و امثالی کبی خصوص صاکہ اعتقاد
پاک جملہ دن راسدر پس اعتقادیات تعلیم ایدن عملیات تلقین ایلیندن
افضلدر (لحررہ) * اولہ کور مظهر عقیدہ پاک * دیلریسک حلاوت
ایمان * اعتقاد بلہ عمل اولمشدر * سرالہ تن مثابہ سندہ همان * و بوندہ
نفس حیوانینک تربیہ مرشدہ مقارنہ تندن اول اولان احوالہ اشارت
وارددر زیرا نفس حیوانی کرچہ چوق نسہ بہ تعلق ایلمش و خصوصاً
شہوات النہ اسیر اولمشدر ولکن حقندن غیر بہ تعلق فاسد و حقوق
ضایع و باطلدر پس کر کدر کہ مرشد کامل اشارتی وفقی اوزرینہ تعلق
و تحقق حاصل اولہ نیکم قرآنہ کلور (یا ایہا الذین امنوا و فوبا عقود)
یعنی عقود معتبرہ ایمان و تصدیقہ تابع اولانددر پس بو عقد حاصل
اولدقدن صکرہ موجنبجہ حرکت و حکمتہ وفا کر کدر انبیاء و اولیا
علیہم السلام وفا بند کلامی کبی و اطائف صائب بنددر دیوانندہ کلور
* درین قحط وفا داری عجب دارم ز خاکستر * کہ در ہنکام
مردن چشم می پوشاند آتش را *

* شهر شهر و خانہ خانہ قصہ کرد *

* نورکش جنبیدونی رخ کشت زرد *

* شهر شهر * تعداد طریقہ در انکیچون و او عاطفہ ترک اولمشدر
خانہ خانہ دخی بویلہ در خانہ دن مراد شہرک مشتمل اولدیغی منزلدر
* جنبیدن * ضملہ در نمک تحریک کبی تعدیہ سندہ جنبانیدن دیرل * زرد *
صرودر کہ سوادہ بیاض ارا سندہ برلونددر کہ بیاضہ اقربدر بو توسطہ
بناء گاہ اولور کہ صفرت ایلہ سواددن تعبیر اولنور نیکم بعض مفسرین
(صفراء فاقع لونہا) نظمینی سوادہ شد یدہ السواد دیو تفسیر
ایتمشدر ولکن بعضیلر دیمشدر کہ سوادہ فاقع دنلن حالک
دینور نیکم نور لہ ظلمتہ لمع و حلاک دیرل پس نظم مذکور دہ

صفرائی سودایہ حبلہ فاقع مانعدر و * زرد * عارضہ و معروضہ اطلاق
اولنور زردالو دیرل معروف میوہ بہ زیرا زر دصرو در کہ ذکر اولندی
و آمو دلہار کدر و آوی دستی کوکم دید کایدر بس زردا اوصاری آرک
دیمک اولور زردا لونک آرک جنسندن اولدیغنه دلیل بودر کہ آرک
اغاجند زرد الووقیسی تلقیح اولنور و بو کلامدہ عاشقک لون صرو اولمغہ
دلالت وارددر نیکم بونس امرہ کلماتدہ کلور * صورددم صاری چیچکہ بکرکندن
صرددی * جواب و یروب دیدیکہ عاشق بکری صاری اولور (معنای بیت)
بودر کہ شہر اشہر و خانہ بخشانہ بیان و تقریر ایلدی ولکن نہ طبری
حرکت ایلدی ونہ بکائی ونہ بوزی صرددی یعنی تعداد ایتدیکی شہرلرک
و خانہلرک برینک ذکرندن اتر سودا ظاہر اولدی زیرا متعلق سودا اولان
معشوق اول شہرلر دہ و خانہلر دہ دکل ایدی بوندن فہم اولندیکہ حرکت
نبض و ظهور صفرت ایکبسی دخی سوادایہ علامتدر زیرا دیمشدر کہ
سواد صفرائک عرشی و مقام استوائی و محل ظهور یدر بس سواد
اولسہ صفرا ظهور ایتدیکی کبی عشق دخی اولسہ صفرت لون ظهور
ایتمز و بوندن نفس حیوانینک حالی دخی معلوم اولدی زیرا مرشد
کامل رنگ تعلق قبول ایدن اشیاء اشارتندہ تلونی ظاہر اولدی زیرا
آنک معشوقی ہوا ایدی نیکم کلسہ کر کدر انشا اللہ تعالی (لحررہ)
زبون ہوادر بکم نفس بد * انک عشقیدر ازل تا ابد *

* نبض او بر حال خود بدبی کزند *

* تا پیرسید از سمر قند چوقند *

* بد * ایدی و اولدی معنا سندہ دراعلمندہ بوددر تخفیفاً و ضرورہ
واوخذ ف اولمشدر * کزند * ضرر و زیان ورنجدر * سمر قند * معربدر
اصلندہ سمر کنددر کند شہردر نیکم کوی و کند دیرل سمر بر جارینک
اسمیدر کہ معمورہ مذکورہ اول اول جاریہ ایچون بنیاد اولمشدر نیکم
ابن خلکان تار یخنندہ کلور کہ سمر اسکننددرک جاریہ سنک اسمیدر جاریہ
مذکورہ مریض او اب اطباء انکیچون ہواسی خوش بر موضع وصف
ایلدیلر کہ سمر قند شہرنک بری ایدی بناء علی هذا اسکننددر جاریہ سنی
اول محلہ نقل ایدوب صحت بولدقدہ اورادہ بر شہر بناء ایلدی و کند
لسان اتراکدہ شہر دیمکدر پس سمر قند بلد سمر دیمک اولدی انتہی

بالتوجه و هو معنای مؤید در که ترکستان شهر زننده برینه بنی کنت
 دیرل قریه جدیده معنای سنه و لکن دال و تا متقارب اولغله کند
 برنه کنت دیدیلر بوندن ظاهر او اور که تعریب الفاظ فارسیه به مخصوص
 دکلدر و تگله نام نگایده کلور که سمرقند صغد دبد کلری میرک شهر یدر
 ملوک یمندن سمر بن مالک آنی هدم ایتکه اکانسبت اولوب سمر کند
 دیلندی یعنی سمر نام پادشاه آنی تخریب ایتدی زیرا کند انلرک اساننده
 تخریب ایتدی دیمکدر صکره تعریب اولوب سمر قند دینلدی
 و سیاهی زاده نک اوضح المسالک نام کتابنده کلور که سمرقند ترکیده
 سمر کند در بلد شمس معنای سنه ظاهر اولان بودر که سمرقند و اطراف
 مقراترک و تاتار اولغله هر صنف کندی اسانی اوزرینه تسمیه ایلدی
 نتکم رومده هر ناحیه نک بر لغتی و بر اصطلاحی وارد * چوقند * چوتشیه
 ایچوندر اصلی چوندرون حذف اولمشد ر قند معربدر شکر
 قاشکنک بانه دیرل جامد اولسه کاف القاموس سمر قندی قنده تشبیه
 ایلدی زیرا حلاوته قنده مشابه اولان معشوق مقیدر و خواجه
 حافظک اطاقتنددر که دیوانده کلور * اگر آن ترک شیرازی بدست
 آرد دل مارا * بخال هندویش بخشیم سمرقند بخارارا * محکدر که پادشاه
 شیراز خواجه بیت مذکور ایچون تعرض ایلوب مملو ککر اولیان سنه بی نیجه
 بخش ایدر سکر دید کده اول دخی بن اولیه دیمم بلکه سه من قند و دودو خارارا
 دیدم دیو اطیفه ایشلر (معنای بیت) بودر که جاریه نک نبضی کندی حالی
 اوزرینه ایدی فیض و رنج یعنی رنجک علامتی ظاهر دکل ایدی تا که
 مفر محبوب اولغله شکر کی لذت اولان سمرقند شهرندن سؤال ایلدی
 الحاصل وافر شهرلریاد و خانهلر تعداد ایدوب تدریجله سمرقنده انتقال
 قلدی و بواسطه مرادی استیناس و اسلوب حکیم اوزرینه جریان
 ایدی * بعدذا بو کلام محتوی اولدیغی تشبیهدن فهم اولنور که محبوبه
 متعلق اولان سنه دخی محبوبدر زیر قانون عشق و قاعده محبت
 بودر که عاشق معشوقک ذاته محبت ایتدی کی اکا مضای اولان
 عبید و غلمان و بیت و بنیان و محله و مکان و مرکب و کلب و سایر متعلقاته
 دخی حرمت لازمدر و بومعنا به اشارت ایدوب مجنون عامری اشعارنده
 کلور * امر علی جدار دیار لیلی * اقبل ذا الجدار و ذا الجدار * فاحب

الديار شغفن قلبی * و لکن حب من سكن الديار * و بونده سمرقنددن
 مراد شهر وجود انسانیدر و وجود انسانی جسد انسانی دن ایدر *
 زیرا وجود شهر و جسد مخصوص اول شهرک محله سی کبیر یعنی
 مرشد کامل نفس حیوانی محمول روح سلطانی ایکن مرور ایلدی کی
 وجود شهرلری عموم اوزرینه و اول وجوداتک مشتمل اولدیغی تعیناتی
 خصوص اوزرینه تعداد ایلدی تا که شهر وجود انسانی به کلدی
 و یا خود هر نوعدن متعلق دل اولغله صالح اولان اشیای و اول انواعک
 منطوی اولدیغی اصنافی یاد ایلدی و لکن برینه تعلق طاهر اولدی تا که
 تدریجله شهر وجودی ذکر ایلدی

* نبض جست روی سرخ وزرد شد *

* کز سمرقندی زر کفر شد *

* کز * اصلنده که ازدر که تعلیل ایچوندر زر کرده اولان زر التوندر
 کومشه سیم درل * ع * از زر و سیم راحتی برسان * زر طلایاندز
 التوندر که خالصدر نتکم کلور * وجود مردم دنا مثال زر طلاست * وزر
 جعفری مشهور خالص دیناردر * کر * کاف عجمیله ادات فاعلدر اسم
 آخر نه لاحق اولوب فاعلنه دلالت ایدر زر کر قیو مجی دیمکدر زیرا
 التون ایشن ایشلر یعنی بحسب الغالب و بعضی اعتراض ایدوب
 دیمکدر که زر کر و کفسکر و امثالنده صفت معنای واردی که ثبوتدر
 اسم فاعل ایسه حدوده دلالت ایدر جواب بودر که اسم فاعل ثبوت ایچون
 دخی کلور مؤمن و عالم کی * فرد * صفة مشبهه در مفرد معنای فر دشد
 جدا اولدی دیمکدر (معنای بیت) بودر که طیب مذکور جاریه
 بیمار سمرقند شهرندن سؤال ایتد کده جار به نک نبضی حرکت ایلوب
 صحرادی و یوزنک رنکی کاه قزل و کاه صر و اولدی نتکم خجل و منفعل
 اولان کسه حقه کاه قزاردی و کاه بوزردی دیرل انکیچونکه سمرقند
 شهرنده ساکن اولان قیو مجیدن جدا و دور اولدی الحاصل
 سمرقند ذکر اولند قنده نبضک حرکت عت ورنک رویک تاون و غیره
 باعث و بادی جار به نک معشوقی اولان قیو مجنک اوراده متوطن اولدیغی
 ایدی زیرا امکان ذکر اولنجق مکین دخی خاطر کلور و مکینه اولان تعلق
 دل و عشق جان سببیه نبض دخی متحرک و اون دخی متغیر اولوب بوجله

وجه مرض متبیین و معلوم او اور نتکم بیت آتی ده کلسه کر کدر (سؤال
اول نور سه که قاب عاشق حب معشوقه متوغل وانك جاننده توجه
نفسی متصلدر پس نه وجهله نبضك حرکتی سمرقندك ذکرى حاله
مختص اولدی (جواب بودر که طیب مذکور ادارء کلام ایتمکله
نوعا ذهول حاصل اولمش ایدی پس سمرقند ذکر اولمغله نسیان زائل
اولدی وغایت حضور مرتبه سن بولدی و بر دخی بودر که نام معشوق
لسان غبریدن استماع اولسه شوق جدید و حرکت تازه حاصل اولور
نتکم ایلی ذکر اولدر قبحه مجنونه و یو سف سو یلند کجه زلیخایه عارض
اولوردی * و بوندن فهم اولور که عاشق غرقاب فنا اولمغله وجود
واوضاع وجودی با سکیله معشوقه مشغولدر پس اول وقتده حرکت
اضافت ملحوظ دکلدرد چونکه ساحل نشین فرق و بقا اوله عهد
سابقه تذکیر و ایام مواصله تقریر اولند قبحه نبض دل اول طرفه تحرك
وانجـذا بدن خالی دکلدرد (لحرره) نقدر فرقت یارال و یرسه *
دم وصلت چقرمی هیچ دادن * شوقدر وار که محتم آرتر * نام معشوق
اشتم ایلدن * بعد ذا زر کر ایله مراد هوای نفسانیـدر که نفس
حیوانینك کوزنه ماسوای تزیین ایدر و صور مستحسنه ده کوستر نفس
حیوانیه بونك یوزندن (کل اناء بترشح بمافیه) موجنبجه گاه او اور
زراجره محبت سبیلله سرخ روی و گاه او اور دنیا را صفره تعلق جهتیه
زرد روی او اور زیر اجزیات سرخ و زرددن رنگ تعلق قبول ایدن
اشیا کرچه بسیار در فاما ذکر اولسان دورنگ زره نفسك تعلق غالبی
واردر انکیچون نقیرین اصنامدن عدد ایتمشلدرد والتونك برنوعی دخی
واردر که یشل رنگ او اور نادر و زیاده مقبول اولمغین خزان ملوکده
بوانور و نفس حیوانی هوایه عاشق اولمغله مراد نه واصل و مشتبهاتی
حاصل اولد قبحه اضطر ایدن دوشرو کسب ایچون نبضی حرکت کلدرد
زراکسب بحسب الغالب یدله اولور نبض ایسه یدله متصلدر و بوهوی
سمرقند وجود ده متمکندر جمع صفات رذیله بی جامع و نقدر اشقیاء
وجود واریسه اکانامدر نتکم تفصیلی سبق ایتمشدر (لحرره) کورینوب
شهر وجود ایچره هوی * دیدی ای نفس بنم دلداریک * زرکی خالص
اولوب عشقه * بکا صرف ایله جمیع وارک *

* چون زرنجور آن حکیم این رازیافت *

* اصل آن درد و بلا راباز یافت *

* راز * دن مراد جاریه نك سمرقنده شهرنده اولان زر کره عاشق
اولد یغیدر که انك فراقی سبیلله مریض اولمش و ذکرى حسیه نبضی
حرکت کلدرد (پس این رازك مشار الیهی بیت سابقدن مفهوم اولان
معنی اولمغله قریبه اشارت ایچون وضع اولنان این کلمه سن اراد ایلدی
آن حکیم ایسه بویله دکلدرد مع هذا انده اولان معنای بعد حکیم مزبورك
علوشان و حذاقت و مهارت و فراستدن غایت قاصیه ده اولدیغن
اینان ایچـوند زبرا سر مکثوم و مکنونه وصول و راز درونه و قوف
و دخول ایتمک احلامی سقام جهله شفا و عقولی مرض جقه دوا
اولنلرک شانندرد یوخسه وقیه ادراکدن درم بولینلر و نقد فراستدن
قبراطی اولینلرک حالی دکل (معنای بیت) بودر که چونکه اول طبقه
رفیعه ادراکده کنکره نشین اطلاع و وقوف اولان حکیم آگاه جاریه
بیماردن رازدر و نه یول بولدی و سر مستوری فهم ایلدی اول درد و بلا
و مرض و ابتلائك اصلنی بلدی و یقین مرتبه سنده واقف اولدیکه
زر کره تعشقدر (لحرره) بلدی کیم اول کنیزك بیمار * عشق او جندن
فراشه دوشمشدر * شمع وش زر کر اولوب شعله فروز * آتشی اول فراشه
دوشمشدر * بونده اشارت واردر که نفس حیوانی هوایی معبود و معشوق
اتخاذ ایتمکله انك هوا سندن مرض باطن بولمش و انحراف
معنوی ایله مبتلی اولمش زیرا (حبك الشیء یعنی و یصم) موجنبجه
انسان برنسنده افراط اوزره محبت ایسه حواس ظاهره و قوای باطنیه سنه
اختلال کلور و راه اعتدالدن بیرون اولوب انحراف عظیم بولور
وصفات رذیله روحك حقه رجوعنه مانع و قلبك جانب قدسه
انجذابنه حائلدر انکیچون ابراهیم علیه السلام ذبح طیور اربیه ایله
مأمور اولدی تا که رشته علایق منقطع و موانع توجه مندفع اوله نتکم
قصه سی تفاسیرده منیدر و بوهوادر که حقنده وارد اولمشدر (ماعبدشی
ابقض الی الله من الهوی (لحرره) بت دیره طبریه کبری *

کتور ایمانه بو نفسی جبری *

* گفت کوی او کدامست در گذر *

* او سر پل گفت و کوی غافر *

* کوی * کاف عربیله محله در وسوقاق معناسنه دخی کلور طار سوقاغه
کویچه دیرلر وشهرک مقابلنه دخی کوی دیرلر حالا لسان عامه ده قریه
دیمکه دخی شایع در زیر شهرک محله سی کیدر و بولفظک گفت لفظنه
مقارنده اطرافت وارد در تکم طبع لطیفه خفی دکدر * گذر * کچمک
معناسنه در بوراده مراد گذر کا هدر پل مناسبته ذکر اولمشدر * پل * ضمه
کوپری و سر پل کوپری باشد و دیوان و بیسی ده کلور * صفای عار ضینی
بولدم برنده دخی * اگر چه پل کبی کوزدن پچوردم انهارى * غافر *
سمرقنده بر محله نک اسمیدر (معنی بیت) بودر که حکیم جاریه بیمار
سؤال ایدوب دیدیکه زر کر مذکورک گذرگاه سمرقنده محله سی
قنغیدر جاریه جواب و بروب دیدیکه کوپری باشی گذرگاهنده
غافر محله سیدر بوندن محله غافر کوپری باشی سمنده اولدیغی فهم
اولندی ولکن حقیقته ایکی سؤالی متضمن اولغله جاریه جوابی تشیه
ایراد اولندی زیرا تقدیر کلام او گفت سر پل و کوی غافر دیمکدر
سر پلدن مراد دنیادر زیر شهر وجودک مشتمل اولدیغی کبی کوپری
باشیدر تکم خبرده کلور (الدنیاقنطرة فاعبروها ولا تعمروها) و ابوالسعود
افندی نظمده کلور * بر کهنه کوپریدربو جهان چون کلن کوچر *
بالامن والسلامه اجعل عبورنا * غافر محله سندن مراد جسددر زیر
غافر اصلنده غفر دندر فحله و غفر ستر معناسنه در جسد ایسه نفس حیوانی
ونفس حیوانی دخی روحی ستر باشد یعنی هوانک محله سی کوپری باشی کبی
اولان دنیاده جسد انسانیدر زیر راهوی نفسک صفتی در نفسک تعینی ایسه
جسد ایله حاصل اولمشدر و بویه دیمک دخی ممکندر که مطلقا وجود بر شهر
عظیمه و خصوص اوزرینه جسد اول شهرده گذرگاه و نفس اماره اول
گذرگاه محله به و هوای اول محله ده ذکره بکزر زیر شهر وجودک گذرگاهی
اولان جسد محلات کثیره بی مشتملدر که قوای باطنه و اوصاف در وندر
مطلقا نفسانی اولسون روحانی اولسون و هر محله ده نیچه اشخاص ساکن
اولدیغی کبی هر قوتده دخی نیچه اخلاق و صفات موجود در مثلاً نفس
امارده عجب و کبر و ریا و حسد و غضب و حب مال و جاه وارددر ولکن

جمله سخی هوا جامه در آنکیچون اول محله ده ساکن و متمکن اولان
صفاتدن خصوص اوزرینه هوای اشقی الاشقیادر زیر جمله فسادات
و شرورک مقابلیدر و جسد گذرگاه اولدی زیر کوپری کبی مر در یعنی
بودنیسایه تنزل ایدن ارواح و قری جسد کوپری و سندن عبور ایتمکجه
اولان زیر عبور ایچون تنزل اولمشدر و بوجسددر که مناطظهور
سعادت و شقاوت و مدار بروز کرامت و اهانته در زیر التدر و آت ابله
خدمته مأمور اولان کسه اول آتی اهل ایلده تنزل و استعمال ایلده
ترقی بولور آنکیچون زمان ولادتدن حد بلوغه کلنجه قلوبه اوصاف
بشریت مستولی اولغله موتی کیدر زیر سبب حیوة اولان برکات
اوامردن محروم و غدا انجرا سنده جاری اولان آثار شریعتدن بی بهره در
پس نه وجهله عالم اصله ترقی بولور که انده حرکات شریعت مفقود
و برکات طریقت ناموجود در (لحرره) یوریمز سرو فوری باش اگر
* آیاغی باغلو در زمینه مکر *

* گفت دانستم که رنجت چیست زود *

* در علاجت سحرها خواهم نمود *

بر نسخه ده علاجت یرینه خلاصت دوشمشدر * زود * تیز سر بیع کبی
مابعدنه مریه وندر مراد زمان قلیل و قریبدر سحرک تفصیلی مرور
ایتمشدر بوراده سحر دن مراد سحر کبی مؤثر علاج و تدبیر و مباشرتدر
* نمود * نمودن معناسنه در زیر ایکی فعل مجتمع اولسه بری مصدر
معناسنه محمول اولور (معنای بیت) بودر که حکیم دیدیکه ای جاریه
بلدم که رنج و زحمتک ندرونه سبیدن اولمشدر هن قریب و آرزمانده
سنتک مرضکه علا جده و سنی بومر ضدن تخیلصده سحرلر و مؤثر
معالجهلر و تدبیرلر کو سترسم کر کدر باذن الله تعالی سنتک صحت و عافیتکه
اسباب قویه در و بولامده اذن و مشیت تضمین اولندی زیرا اصلنده
ملحو ظدر ترکی ضرورت حسبیه واقع اولمشدر آنکیچون که اطباء
متقدمینک معالجاتی ترک استئنا ایلده عقیم و حکیم مزبورک مداوانی
ذکرله منتج ولدی و بولامده اولان علمه علم شیه و دی و معرفت
یقینیه دیرلر زیر حکیم ذی الادراکک فراست و علامته دخی و قوفی
و سبب مرضه فی الجمله یقینی وار ایدی ولکن جاریه نک تقریری بوزندن

زیاده روشن و حرکت نبض و تلون و جهی جهتیدن مبرهن اولدی
(لحرره) دیدی بیلدم مر ضك اصلنی بن * نه لرایدم هله باق صاغ
اول سن * عشقه له کر اولدك ایسه بیمار * شربت له اوله سن
صاغ واسن * و بونده اشارت واردر که مر شد کامل مر یدك تقریرندن
نفس حیوانینك مرضی هوادن اولدیغن بلدی و تریه وارشا دنده
مؤثر سنهل کوسترمک اوزره وعد ایلمدی زیرا ابتداء شریعت ایله طبیعتی
اصلاح و ثانیاً طریقت ایله نفسی تزکیه لازمدر و مر شد کامل شرط
اولدی زیرا ناقص لری نقصانندن باذن الله تعالی تخلصه قادرا اولان کمال
اهلیدر و بوزمرنك اولی فخر کائنات علیه اکمل الحیات در انکی چون قرآنده
کلور (ویزکیهم و یعلمهم الکتاب و الحکمة) والا کندی ایانندن دکنی
اخراج قدرتی اولیان کشتی غیرك ایانندن نیچه اخراج ایده خصوصاً که
اصلده بی درد اوله نیکیم صائب دیوانده کلور * زبی دردان علاج درد
خود جستن بآن ماند * که خارا ز پا برون آرد کسی بانیش عقر بها
* بس بی دردان خامان طریقت و مدعیان اهل ساو کدر

✽ شاد باش و فارغ و ایمن که من ✽

✽ آن کنم باتو که باران با چن ✽

* ایمن * همزه نك کسر یله قیغوسنر معناسنه بعد ذابو کلامده معالجه بی
بارانه و جاریه بی صولش و قوریمغه یوز طومش چنه تشبیه واردر
زیرا بارانده اولان رطوبت روح حیوانی کیدر که سبب تولید و تنبیه در
پس اول رطوبت زائل اولسه و بولمسه روح زائل اولوب جسمیت کی
اولق اولور (معنای بیت) بودر که شاد و فارغ و بی قید و بی غم
اول که بن سکا معالجه ایله آنی ایلیم که یغور چنه ایلر یعنی یغور ایله
چن تروانه اولدیغی کی سنك وجودك دخی بنم معالجات مؤثرم ایله تازه نور
و بواخرا ف و ذبول زوال بواوب اعتدال و نضارت حصوله کلور و بلکه
صحت و عافیتک اولمکیدن افزون و حسن و جمالک ترقی به مقرون اولور
* زیرا باران ایله چمن نشو و نما بواور و اولکی مرتبه سن کذر ایلر
(لحرره) اولسه کر ابر کرمندن نازل * برایکی قطره باران چمنه * هر چن
سر کشیده اوله چوسرو * سرور ایره سهیل یمنه * بونده اشارت واردر که
بی فیض اولان وجود چن فرسوده یه و بلکه زمین خشکه بکرز ز براتاب
تموز ایله چنلر صولوب ویرلر بیوست پذیرا اولدیغی کی حرارت نفس

و نار شهوات ایله دخی چن وجود صول و زمین کی خشك اولور
و اعضا و قوی میت کی حرکات طاعات و برکات توجهاتدن قاور
چچنکم مر شد کا ملک ارشادی یوزندن ذکر الله ایله تطیب دل
و تاین درون حاصل اوله تدر یجله تازه نمکه باشلر نیکیم قرآنده کلور
(فانظر الی آثار رحمة الله کیف یحیی الارض بعد موتها)
و بو خطاب حقیقتده روحه در زیر نفس معالجه دن حظ ایتمز
وارشاده مساعده بوائه کتمز شو قدر واردر که مال اعتبار یله شاد
اولور زیرا ظاهری دوزخ صبور بدن و باطنی دخی دوزخ
معنوی بدن که فرقت و هجران و خذلاندر خلاص اولور

✽ من غم تومی خورم تو غم مخور ✽

✽ بر تو من مشفقترم از صد پدر ✽

غم یمک ایکی وجهله در اول کیسی غمناک اولمقدرد که بومقامده جاریه بیمارک
صفتیدر یمک ایله تعبیر اولندی زیرا غم حس باطنی اله ذوق و ادراک
اولور مرض و امثالی حس ظاهری ایله احساس اولندیغی کی نیکیم
قرآنده کلور (فذوقوا العذاب) یعنی ذائق اولان کسمنه مطعومی
احساس ایتدیکی کی سزدخی عذابی احساس اید یکو زایکنجسی
مغمومک غم قیورمق و زوائنه سبب اولمقدرد که بومحمله حکیمک صفتیدر
* صد پدر * تکثیر و مبالغه ایچوندر (معنای بیت) بودر که بن سنك غمکی بیرم
و قیدوی قیورم سن غم یه و الم واضطرابه دوشمه بن سنك اوزر بکه
چوق پدر دن مشفقترم یعنی پدرک که صفتی اولانده عطف و شفقتدر
بنم سکا اولان شفقتم پدرک اولانده اولان شفقتم ز یاده در فرضا
یوز و بلکه بیک باباک اولسه وجهله نك شفقتی بریره کلمه بنم ایتدکم
شفقت و مرحمتی سکا ایتمز و آنک مرتبه سن بولمز زیرا کاه اولور که پدرک
مرحتی اهلا که مؤدی اولور نیکیم فرزند داندند بر مرض هائل
ظهور ایسه و داروی تلخ و اسباب قویه ایله معالجه ایتدکه تحمل ایده من
و حالی اوزر نه ترک ایدر شویله که هلاک اولور مثلاً یدنده آکله
زحتی ظهور اتسه قطع اتمیوب بازویه و اندن جمیع بدنه ساری اولوب
پس مرحمت اودر که دفعنه مباشرت اولنه که قطعله حاصل اولور *
و بردخی طیب حا ذقک مرحتی دخی استاذک مرحتی کیدر که

استاذ شاگرد دقایقه تعلیم ده دقیقه فوت ایندی کی طیب کامل
دخی بیمارناز که معالجه ده تقصیر ایتمز زرا فدان قوری اغاج کی دکلدر*
پدرخو داستا ددن مکتدر نیکم بالاده بیسان او انسی به دذا بوینده
اشارات وادر اولکیسی بودر که مؤمن اولنلر اخوان فی الله کر کدر که
نشانی بری برلینک غمی و صحنه الحنده و انقدر انکیچون دیمشدر که
بنی آدم بری برینک اعضاسی کیدر عضوک برنده ایسه بردر دظاهر
اولسه سائر اعضایه دخی قرار قالمیوب جمله می وجهه دوشرلر و حدیثه
کلور (المؤمن المؤمن کالبینا یشرب بعضه بعضا) یعنی مؤمن اولنلر
دین و دنیا اوردن بری برلینک معاونتیه متقوی اوورلر نیکم بعض بنا
بعضله قوت بوور پس بونده ملک غیر بد تعاضد اوزرینه حث
و تحریض وارد و بو معنی میرد و می شد - اراسته کمال اوزرینه در
زبر امریدلر صحابه برنده و می شد دل پیغمبر مقامنده در و حدیثه
حضرت علی کرم الله وجهه خطابا کلور (انا وانت ابو هذه الامة)
و بو ابوتن مراد اصلاح و تزکیه و تعلیم در و حق تعظیبه دخی
اشارتدر و بو ابوت (وازواجه اهله انهم) آیتندن مفهومی و اول
ابوت که (ماکان محمد ابا احد من رجالکم) نظمنده نفی اولنمشدر
مذکورک غیر بدر تحقیق روح البیان نام تفسیر یمزده در* و بو مقامک
حقایقند در که سجاده نشین ارشاد اولان کینه سالک حقیقینک
کثرت ترددن منفعل اولمز* و قلبنده انک ایچون ملال بولمز زرا
سالک مرض معنوی به مبتلا در می شدک آستانه سی ایسه دارالشفادر
پس هر بار که مرض الم و بره دارالشفاده متعین اولان حکیمه مراجعت
اونور حکیم آتی استشفال ایسه نصیحتی خیانتیه تجاوز ایدر و می شد
دخی مرتبه ارشاددن ساقط اولور مصالح ناس ایله مقید اولین والی
کندی نفسنده معزولدر* ای صاحب کرامت شکرانه سلامت* روزی
تفقدی کن درو بش بی ثوارا* و شیخ احمد غزالی برادر امام محمد
غزالی به قدس سرهما دیمشدر که سنک جمله علومکی ایکی کلمه ده درج
ایلم که (النعظیم لامر الله والشفقة علی خلق الله) ایکنجیسی بودر که
وجود انسانی به تعلق ایدن روح علوی پدر و جسد سفلی مادر در
و قلب و قوای باطنه اولاد کیدر* زبرار و حک جسدده تعلیقیه تولد

ایتمشدر و روح کر چه نفس حیوانی خصوصنده انینی و اکامحبت یوزندن
حیثی و ارایدی و لکن هر شدک زیاده ایدی زبر اتریه سبله مأه و ارایدی
* و بردخی می شدک نفسی می شدک نفسنک همشیره سیدر پس قرابت قریبه
حسیله زیاده مرحمت شنندندر* زرا والدینک و قرلرینک بری برلینه
ارتباطلری پدرک ارتباطندن افزوندر و بردخی روحک شفقتی جسمانیه در
زیرانفس حیوانی روحک صورتی و شکلیدر و می شدک شفقتی روحانیته در
الحاصل روحک مرادی بحسب الظاهر اصلاح نفسدر و می شدک مقصودی
اصلاح روحدر و اصلاح روح اصلاح جسددن اعلا در زرا روح
مرضدن خلاص اولسه جسدک مرضی ضرر و یرمز اما جسد صاغ
و صحیح اولسه روح مریض اولد قبحه فائده ایتمز (و بوندن فهم اولندیکه
طیب صوری حیات صوری و فانیه به سبب و می شدک کامل حیات معنویه
و باقیه به باعشدر بناء علی هذا حکیم الهی طیب صوریدن افضل اولدی
و بوندن پدردن دخی افضل اولمق لازم کلدی زرا حکیم آلهینک مرادی
روحی مرض جهلندن تخلیصدر نیچه پدر وارد که ولدی حقیقه جاهل
اولسون صاغ اولسون دیر نعوذ بالله المغیث من مثل مقالة ذلك الخیث
(المحرره) اولسون کسه بی بصر یوخسه* و رطه دن و رطیه دوشر آخر*
خوش دیمشدر زمانه آخر شر* جهلله طوادی جهان شر آخر (اوکنجیسی
بودر که حقیقت انسانیته نک جمیع حوالده مظاهری وارد عالم جبروتدن
مظهر اولی روح کلیدر که عقل اول دیو تسمیه اولنمشدر* پس بوروح
کلی به آدم اول دیرلر و انک حواسی نفس کایه در که انک ضلع ایسرندن یعنی
خلق یمینی ولی ایدن جانبندن خلق اولنمشدر زرا یمینی حقی ولی ایدن
جانبیدر* و عالم ملکوتیه نفس کایه در که جمیع نفوس جزیه اندن تولد
ایلمشدر و انک حواسی طبیعت کایه در که اجسامی محیطدر و عالم ملکوتیه
ابو البشر اولان آدم درو بو مراتب کایه نک مشتمل اولدیغی مراتب جزیه ده
چوق آباء علویه و امهات سفلیه سی وارد در (بیت مشنویه صد پدر
اکا اشارتدر* و حضرت همدانی قدس سره نظمنده کلور* کامل
اولور مش اهل حق طو غمزدن اول آه سی* یعنی بو والدایله مراد
بالکن والدیه قریبه دکلدر بلکه جمیع امهات سفلیه در شکم بو علویات
و سفلیاته بالاده اشارت اولندی پس بو آباء علویه نک هر بری کر چه مقامه

و حاله کوره وقت عبورده حقیقت انسانیه بی تربیه ایشدر و لیکن کندی
مظهر بی جهته اختصاصی وارد و بو عوالمده حقیقت تنزل و ترقی
بو قدر پس مرشد کامل نفس حیوانیه و بلکه روح سلطانی به زیاده
رحم ایدوب مقاماتدن عبورینه و جمیع حقایق ایله متصف و متحقق
اولد یغی حاله اصلنه رجوعنه و عروجه سبب اولدی الحاصل
بومعادن مرشدك روحه ایتدیکی ایلوکی کسه ایتدی زرا غیر یلر
تعلقات حسیه مر ضنه مر شد ایسه تجرید یوزندن خلاصنه باعث
اولدی (لحرره) بو قدر باز کران التنده * اولمشیکن بو روح علوی
دوتا * قطع ایدوب ماسوی تعلقی * وحدت حقله قالدی یکتا *

* هان وهان این راز را با کس مگو *

* کرچه از توشه کند بس جست و جو *

* هان * مقام تحذیرده استعمال اولور صاقن معناسنه بومقامده کی کبی
ایکنجی هان نأکید ایچو ندر و کله تسکین دخی اولور طور دینه جـك
یرده عجم هان دیر * بس * باه عربیله لغت مشترکه در بتر و نیجه معنا لرنه
کلور بوراده مر ادثایدر و بعض مواضعده مبالغه ایچون الف الحاق
ایدوب بسا دیر لر زیاده چوق معناسنه * جست و جو * مصدر در استمك
وارامق معناسنه اصلی جست و جو ییدندر (معنای بیت) بودر که حکیم
مزبور جاریه بیماری افشاء راز ایتندن تحذیر ایدوب دیر که صاقن
صاقن ای خسته دل بوراز که راز عشق و سر محبتدر کسبه دیمه اغزلک
آچوب سوبله اگرچه که پادشاه سندن چوق جست و جو ایدر و نیجه
کره سبب مرض نه ایمش دیو و قوف ایچون سؤال ایلر بونده تخصیص
بعد التعمیم وارد زرا اجابندن کسبه افشاء راز ایتمك اقارب و اولیادن
دخی ستری موجب دکلدر پس بر نسنه که کشینك کندی مالک
ویا مصاحبتدن مستور اوله اغیاردن دخی مستور اولق لازم کلور
(و بونده نفس حیوانیه تنبیه وارد در که تعشق هواء رازندن روح
سلطانی بی آگاه ایتیه نتکم اعتداری بالاده مرور ایتشدر حاصلی بودر که
آگاه ایتده روحی غمه دوشرمك وار در تدریج وایهام ایله حاصل اولان
کار ده ایسه سهولت وار در بونده اشارت وار در که مرید احوالی
اجابندن و خصوصاً ببناء دنیادن ستر ایتمك کر کدر زرا محل نهیتدر

اصل بودر که گاه اولور که سالک قلبنده مظا هره تعشق تولد ایدر
زرا حد یشده کلور (قلب ابن آدم بین اصبعین من اصابع الرحمن
یقلبه کیف بشاء) و جنید بغدادی قدس سره دن هل یزنی العارف
دیو سؤال اولند قده (و کان امر الله قدرا مقدورا) آیتن اوقومش
و حکایاتده کلور که صاحب العرائس شیخ روزبهان بقلی مکه * مکر مده
بر صبح الو جهه تعشق ایدوب نیجه زمان دفتر ارادتی طی و خرقه
طریقتی خلع و مسلوب الاختیار سیر ایلدی صکره قضا یرن بولد قده
رجوع ایتدی (لحرره) دل انسان نه طرفه قوشدر کیم
* هیچ بر یرده آشیان طو تمز * فی المثل اغزی ایله قوش طو تسه
* اهل دل قوش طبیعتی طو تمز *

* کور خانه راز تو چون دل شود *

* آن مرادت زود تر حاصل شود *

مصرع اولک تقدیری چون دل تو کور خانه راز شود دیمکدر
* کور خانه * نک اصلی خانه کور در کور کاف بحمله لغت مشترکه در
مقبره و خردشتی معنایینه کلور بهرام کور دید کلری پادشاه مذکور
وحشی نک صیدنه زیاده حریص و مشغول اولمغله اکا نسبت اولور نتکم
واقعدر * کور لر اولار کن بهرام کور * کور که نیجه صید قلدی
انی کور * خانه کورک اضافتی لامیه در عامک خاصه اضافتی
قیلندن دکلدر کور خانه اول خانه در که برقاج مبنی ایچنه وضع ایچون
بنا اولمشدر بوا عصارده اکثر بلادده مهجورددر (معنای بیت) بودر که
چون سنك قلبك قبر راز و صندوقه اسرار اوله یعنی میت قبر ایچنده
دفن اولندیغی کبی سرك دخی قلبك ایچره محزون و مستور اولسه شوبله که
کسبه انی اظهار و افشا ایتمك (و کل سر جاوز الاثنین شاع) مفهوم نیجه
مفسده سن فکر ایدوب لبر کدن طشره چیقرمك سنك اول مرادك
زیاده سرعتله حصوله کلور یعنی رازك مشتمل اولدیغی مرادك نه ایسه
وجود و باور زرا تحفظ و احتیاطله مباشرت اولنان امورك حصولنده
استجماع شرائط حسیه سهولت وار در (بونده اشارت وارد در که
مرید و مرشد میاننده اولان اسرار و عهود مأخوذه کتم و محافظه
اولمق کر کدر * زرا افشاسی خیانتی مشتمل اولمغله تنزل عظیمه سبب

و پریشانی حاله باعث در و مرادت ده اولان خطاب بطریق اشاره نفس حیوانی به در (سؤال اول نور سه که بوصورتنده نفس حیوانی مرض معنوی بدن خلاص اوراق دلم لازم کاور بوايه خلاف مرادیدر انکیچون دایم پیروهوی و هو سدر) جواب بود که بو کلام مال و یا حقیقت اعتباریله در و بردخی نفس مرادن مراد روحك مرادیدر ز برانفس مرضدن خلاص اولیحق روح غمدن آزاد اولور خلاص مذکور نفسك كرك مرادی اولسون كرك اولسون نكتم جار به نك صحتی سبب سرور شاهدر ونیچه کره اولور که خسته اولان موت طلب ایدر و قرباسی انك حیاتی دلر (لحرره) کور سه معشوقنی عاشق یار * غصه صندن هلاك اولور جانی جان نیچه چقمسون بدن هی * اولسه آز رده بدن جانی

* گفت پیغمبر که هر که سر نهفت *

* زود گردد بامراد خویش جفت *

* پیغمبر * برنده پیغام در یعنی حقندن خلقه خبر ایدیی و تبلیغ ایدیی نكتم عربیده نبی دینلور حقندن خبر ویریجی معناسنه و بوصفت اگر چه که علماء امت و اولیاء ملتده دخی موجو در ولیکن معنای لغویسی معجز اولغله انلره پیغمبر ویانی دنلز واطلاق کفر اولدیغی نصاب الاحتسابده مصر حدر اولکی که رابط وایکنجی استغفهامدر * نهفت * فعل ماضیدر کزادی معناسنه * جفت * ضمه زوج وشفع و مقارن و متصل دیمکدر (معنای بیت) بودر که پیغمبر علیه السلام بیوردیکه هر کیمکه سری کیرادی و رازی نامحرمه دیمدی اول کیمسه کندی مراد یله جفت اوور و سرعته مقصودنه مقارنت و اتصال بو اور بوسه بیدندر که اسه کندر شرق طرفنه عزیمت اینسه خیمه سنك قیوسنی غرب جانبده توجیه ایدردی تا که اعدا انك سرندن آگاه اولیه و مرادی اوزرینه دشمنه ظفر بوله و فخر عالم صلی الله علیه وسلم جنابلری دخی عام الفتح ده کتم راز ایدوب مکه مکرمیه بطریق المفاجاه وصوله بی محاربه عروس مأمول جلوهر کر حیرت حصول اولدی نكتم سیرده مبنی در و بونده اشارت بودر که برسالك که حقه وصول مراد ایلیه سرطریقی کتم ایتك کر کدر زرا افشاء راز ایتکده خیانت وارد در خانی اسرار حقه امین اولماز و بردخی بودر که سالك کندینك افعال و صفات و ذاتی حق افعال و صفات

و ذاتنده افتنا و علوم و معارف نفسانیه سنی علوم حقیقیه ایلله ستر ایتدکجه مرتبه فتناده اولان نور جلاله و مرتبه بقاده اولان سر جلاله و بویکی مرتبه بی جامع اولان علوم کمالیه واصل اولماز و بردخی بودر که طبیعتی شریعت و نفسی طریقت و روحی معرفت و سری حقیقت ایلله ستر ایتك لازمدر که مقصد حقیقی حاصل اوله زیر امر ایتب مذکورده ظلمات و تلویحات وارددر مثلاً طبیعتده ظلمات شهوت و نفسده ظلمات هوی و روحده تلویح خیال و سرده تلویح وهم مضمر در پس بو ظلمات و تلویحاتی شریعت و طریقت و معرفت و حقیقت ایلله ازاله واقفا ایتدکجه تمکینه قدم بصق اولماز و بونلرك ماوراسنده اولان رتبه علیا و جعیت عظمایه کیمه وصول بولماز بلکه ظلمات شبده اولان رهرو کی متخیر قالور (سؤال اول نور سه که سالك نیچه مراد اولور که المرید من لا اراده له) جواب بودر که ارادت امر لفظیدر حقیقتده ارادت معدومدر و بردخی ارادتدن مراد ترك اعتراضدر و بردخی مجرد طریق مقصوده سلو کدر و بردخی عدم ارادتی ارادتدر نكتم برخسته به سؤال ایدوب خاطر ك نه آرزو ایدر دیمش اولدخی جوابده خاطر مرنسنه آرزو ایتك آرزو ایدر دیمش و قرآنده کلور (وما کان لمؤمن ولا مؤمنه اذا قضی الله ورسوله امر ان یکنون لهم الخیره من امرهم) یعنی مؤمن کامل ترك اختیار نفس ایدوب مراد حق اختیار ایتك کر کدر نكتم دنلشدر * با اختیار حق نبود اختیار ما * بانوار آفتاب چه باشد شرار ما * الحاصل اختیار عید اختیار حقه فناء کلی بولمده عبد محض اولماز و بومقامك اسرار نندندر که قرآنده کلور (و یحذرکم الله نفسه) مقصود نسبت طلبدن فایه حث و تحریضدر (لحرره) تابع اولسه هوای نفسیه مرید * دینلور نامه شیطان مرید

* دانه چون اندر زمین پنهان شود *

* سر او سر سبزی بستان شود *

* سر سبزی * ده اولار یا صدریه در سر باشد سر و صف عامدر هریشه اطلاق اولنور سبزه نباتدن نوع مخصوصك اسیدر که چمن دید کلریدر نكتم چار و چنه سبزه زار دیرلر و کستانده کلور * وه که هرگاه سبزه در بستان * بد میدی چه خوش شدی دل من * بگذارای دوست تابوقت بهار * سبزه بینی دینده بر کل من * سر سبزی یشل باش و برک سبزی یشل

بیرا قدر باشک بشل اولاسی شرف سیادت و رونق شـ بابتدن مجازدر
بوراده مراد مطلقاً شرف و رونق و نصارتدر * بستان * اصلنده بوی
ستاندر بوی قوی رایحه کبی وستان ظرف زمان ایله ظرف مکان اراستنده
مشتکر در بوراده مراد ظرف مکاندر معنای ترکیبسی قوی یری دیمکدر
اما استان لغت فارسیده مطلقاً یره دیمزل بلکه اول یره دیرلر که منشأ اوله
مثلاً کاستان کل بتن یره دیرلر بر یره خارجدن وافر کل کتوروب دو کسهلر
اول یره کاستان دیمزل بوستان دخی بویله در یعنی قوقولی چیچکله منشأ
اولان یره بوستان دیرلر کاه اولور که یا کبی و اود دخی حذف اولوب
بوستان دینلور ولیکن حذفله معرب دخی استعمال اولنور جمع بساتین
کلور بو صورتده بنجه مراد اولنور که نخیل و اعنای بی مشتمل اوله
دیمشدر که لسان عربده یاوسین و تادن بنا اولنش کله یوقدر سین و ذال
مجهـ دن مبنی اولدیغی کبی تکیم استاذده مرور ایلدی بو مقامده
بستان اگر فارسی اعتبار اولنور سه دانه دن مراد شکو فیه مقولهلرینک
تخمی اولور و اگر عربی اعتبار اولنور سه اشجار مقولهلرینک چکر دی
اولنور (معنای بیت) بودر که تخم و چکر دیک چون رایچیده والتده پنهان
اوله انک سری بستانک شرف و رونق اولور که بستان اندن حاصل اولان
برک سبزله بشلنور و رونق افزا اولوب سبب قریب دیده و مدار قرار دل
اولور سردن مراد دانه ده بالقوه مندرج اولان اغصان و اورا قدر تکیم
سرقدر دیرلر قدردن مراد قضاء الهی و شان غیبی و سرندن مراد
عین ثابتک مقتضیاتیدر که امور خارجییه و احوال ظاهرییه در پس
دانه ذات و اوراق و اغصان صفات منزله سنده در ذات (کنت کنزاً
مخفياً) مرتبه سنده مخفی اولوب صفات و افعال ایله ظهوری سر سبز
بستان عالم اولدیغی کبی هر دانه نک ظهوری دخی بویله در پس خفا
اصلدر کیجه کبی و ظهور فرعدر کوندز کبی تکیم قرآنده کلور (و آیه
لهم اللیل نسلخ منه النهار فاذا هم مظلمون) و بونده اشارت واردر که
سرا کهی بردانه به بکرز زمین دلد پنهان اولسه بستان درونک رونق
و نصارتنه سبب اولور زیرا برنسنه نک عروقی استحکام بولمقله فروعی
ظهور ایلدر پس وجه ارضده اولان دانه بو معنادن محروم اولدیغی کبی
اظهار اولنان سرا کهی دخی نمادن ممنوعدر و انک تمامی ترقیات معنویه

و مکاشفات قلبیه و مشاهدات روحیه و معاینات سرییه و مسامرات
خفیه در و بویته تواضعه دخی اشارت واردر حضرت عیسی
علیه السلام قومنه سؤال ایلیوب این تنبت الحبة بیورد قدده فی الارض
دیوجواب و یردیلر پس عیسی علیه السلام بیوردیکه كذلك الحکمة لا تنبت
الا فی قلب مثل الارض و بوسره اشارت ایدوب حدیثده کلور (من اخلص
لله اربعین صباحاً ظهرت بنایع الحکمة من قلبه علی لسانه) زیرا بنایع
ارضه مخصوصدر که موضع نبع ماء دیمکدر و بوقرق صباحدن مراد
فی الحقیقه قرق ییلدر که کمال آدمی و سرانسانی ظهوری اکامنوطدر
و ابوالبشر آدم علیه السلام مدت تجمین و تخمیرنک اجمالیدر زیر ابومدت
حقیقه قرق بیک ییلدر پس قرق بیک ییله بدل اولان قرق ییل
فنادن صکره قلب انسانه سر بقا ظهور ایلدر و ارض و انک حقائق قلم
اعلی مقابله سنده در یعنی قلم علوییه مقابل کلمشدر انکیچون اسفل سافلین
دینلور ولیکن بوعین سفلده مرتبه علوله متحقق اولش و رضا و تسامیم
مقامنده قیام بولشدر پس ارض مرشد کامل صورتیدر که پنهان اولان
دانه لک ظهورینه سبیدر تکیم انسان کامل یوزندن دخی ظهور و اظهار
حاصل اولمشدر (لمحرره) کوزه دوب وقت بهار کرم مولایی * دل
یا تور ارض وجود ایچره مثال دانه * تکیم ایلسه نه ماهی چنین استکمال
رحم مادر دن اورر باش چیقرر میدانه *

* زرونقره کرنبودندی نهان *

* پرورش کی یافتندی زیرکان *

* زر * تخفیف ایله التوندر تشدید ضرورت وزن ایچوندر شکر و امثالنده
اولدیغی کبی سودی کاستان شرحنده الجیه دخی زردیرلر التون مراد
اولسه زرطلا دیرلر دیمشدر غلط ایلشدر زیرا زر مطلق التونک خالصنه
و غیر خالصنه شاملدر زر خالص مراد اولسه که یالذ التونیدر زرطلا دیرلر
وزر لغتده اقچه معناسنه کلمشدر * ونقره * ضله کشدر ولیکن قاموسده
ذهب و فضه دن قطعه مذابه در دیمشدر یعنی سکه انمش التون و کش پاره سی
* پرورش * اسم مصدر در بسلیش معناسنه * کی * قحله چقن معناسنه در
زیرا کسرله آتدر تحت کبی آشفه دوداغله لب زیرین دیرلر انشکالتده
اولدیغندن اونوری * کان * کاف عربیله معدندر که مثبت جواهر در زروسیم

و غیر کبی پس معادن مخلوق اولانه مخصوصه در کنز موضوع اولانه
مخصوص اولدینی کبی رکاز ایسه اعدر یعنی رکاز ارضه می کوز
اولان مالدر مخلوق اولسون موضوع اولسون (معنای بیت) بودر که
اثون و کش اگر کان التند و معدن ایچنده مستور اولسه لردی فن
اوراده پرورش بولورل و حاصل اولورل و وجوده کلورل دی الحاصل
تحت الارضه حرارت او برودت ایله تربیه اولمغله زروسم صورتیه
کردیلر و رتبه اعتباره ایردیله پس بو کلامده جزانک قیدیه شرطک
قیدنده اکتفا وارددر زیرا تقدیر کلام کرنبودندی نهاردنر کان دیمکدر
و بونده اشارت وارددر که قلب انسان برکانه و اسرار صفات سیمه
و حقایق ذات زره بکزر پس نقدر ستر اوانوب یادانه ویرلسه واوزینه
باد مخالف نفس وهوی اسمسه او قدر قوت بولور و نما حاصل اولور
و بونده خوله دخی اشارت وارددر یعنی سالک کوشه نشین عزات
اولدچقه و بی نشانی بولمچقه کالات حقله ظهوره مجال بولماز *

وعددها واطفه ای آن حکیم *

کرد آن رنجور را بمن زبیم *

* وعد * ایصال منفعتله قبل الوقوع اخبار ایتکدر کاهیجه تهکم طریقیله
شده دخی استعمال اولور تبشیر کبی نیکم قرآنده کلور (الذین کفروا فبشرهم بعذاب الیم) ایمن * کسرله قیغوسزدر نیکم میور
ایتمشدر (معنای بیت) بودر که اول حکیمک وعدزی واطفه لری اول
رنجلی و خسته بی خوف امتداد مرض و خوف موتدن بی غم و بی غصه
ایلدی زیرا کلام جمل سبب تفریح دل و وعد کریم باعث انحلال عقده
عذر انکیچون قرآنده کلور (قول معروف خیر من صدقه یبعها اذی)
یعنی اذینه تقارن اولان صدقه دن قول جمل و کلام لطیف خیر اودر
زیرا قول جمل ایله انسانک روحی مستأنس و قلبی منبسط و صدوری
منشرح اولور اذیت و کلام غلیظدن ایسه مستوحش و منقبض
و متضیق اولور واطائف کلامده کلور * گذشت عمر زکردی کلام خودرا
نرم * تراچه حاصل ازین آسیای دندانت * بونده اشارت وارددر که
نفس حیوانی کرچه مرض معنوی ایله مرض و علت هوی ایله علیل
اولش ورنج وزحمتی استحکام حسیه بیله کالان بولش ایدی (ولکن توقع

زولا ذاقیل تم) وفتیجه می شد کاملدن وارد اولان قول هدی و صادر اولان
وعد تربیه وارشادله الم هجراندن امن واضطراب فرقتدن سکون حاصل
اولدی و فرح کلوب طرح کندی شویله که کویا بالفعل مرصندن
استخلاص مرتبه سن بولدی زیرا صادقک وعدی دخی صادق و کلامی
نافذ و هر وضعی مؤثر در زیراحقله دائر در نیکم اشغه ده کلور (لحرره)
چون مهبیادر اسباب نشاط * اولسونعی بوسیدن دل شن * ایلسه موسم
بهار قدوم * چشم نرکس اولور اودم روشن *

وعددها باشد حقیقی دل پذیر *

وعددها باشد مجازی تاسه کبر *

* تاسه * معروفدر که طار لغنیق در صلی تاسدر که طائله طاس دخی دیرل
زیرا ناوطا اراستنده مقابله وارددر طاسده طاراق ملحوظ اولمغله آخرینه
هائ تخصیص الحاق اوانوب تاسه دلدی زیرا نمده طاراق واضطراب
وارددر و قلب غمدن ممتلی اولسه سروره برقالن نیکم تفصیلی میور
ایتمشدر بعدذا بو کلامک تقدیری وعددها حقیقی داپذیر و وعددها مجازی
تاسه کبر باشد دیمکدر و جائزدر که وعددها اولان ادات جمعدن تکثیر
مفهوم اوله چند و بسیار وعد باشد معنایه ولیکن وعد حقیقی ده معتبر
اولان تکثیر کندی نفسی حسیه در والا وعد مجازی یه کوره قلیلدر
و حقیقی و مجازی ایله توصیف علت قبول وردی مشردر (معنای بیت)
بودر که حقیقی اولان وعددر دلپذیر یعنی کوکل آنی قبول ایدیجی وانک
ورودیه فرح و سرور بولیجی او اور زبر اهر حق اولان نسنه نک خارجه
بر حقیقی و اثری وارددر غداء حلاادن وجودده نشاط عبادت ظاهر
اولدینی کبی مجازی اولان وعددر ایسه تاسه کبر یعنی کوکل آنی قبول
ایتیوب طار لغنه دوشیجی اولور زیرا کذبک فروغی اولماز و یا خود نیچه
وعددر وارددر که حقیقی اولمغله دلپذیر و نیچه وعددر دخی وارددر که
مجازی اولمغله تاسه کبردر بونده اشارت وارددر که دنیا وعدری مجازی
و آخرت وعدری حقیقیدر زیرا دنیاک ماکی فنا و آخرتک حالی بقادر
پس دنیاک موجودنه بله اعتبار بوقدر فکیف که وعدنه و مفقودنه
اعتماد اوله و آخرتک وعدنه بله اعتبار و اورد فکیف که موجودنه پس اهل
مجازک وعدی دخی مجازی و اهل حقیقک وعدی دخی حقیقیدر زیرا

اهل حقیقت قائنده مؤجل مجلد و بردخی صدق و وفالینه کوره
و عدلی مجزوم و انجـ ازلی مقطوع در انکیچون انلک وعدی یوزندن
موعودله شفاء صدر حاصل اولور اهل مجاز یوزندن اولان وعدایسه
لاف و کذافه حل اولنور زیر اهل مجاز اهل وفا و صدق دل اولماق حسبیه
موعودلینه اطمینان و قبول کلم بوسیدندر که ارباب نقصان و دعوانک
سالکله و میریدله ابتدکاری و عدل مجاز یدر که حقیقی یوقدر زیر
عهده سندن کلمه که قادر دکلدر انکیچون سالکله انلک یوزندن مخلص
بولامیوب غم نفس و ظلمت طبعته قالورل اصحاب کمالک حالی ایسه بویه
دکلدر و یونلردن بری دخی حکیم من یورددر یعنی حکیم من یورک وعدی وعد
حقیقی و مقدم اطبائک ابتدکاری و عدل مجاز یدر انکیچون حکیمک معالجه سی
کار کر اولدی و اطبائک فائده ایتدی زیرا کذب حکمنده ایدی (لحرره)
دلری حقله دور ایتک ابله * وعده اهل حقیقت حقدر * فی المثل
صدق ایسه ده مضمونی * سخن نفس کذب مطلقدر *

* وعده اهل کرم نقد روان *

* وعده نا اهل شد رنج روان *

* وعده * آخرنده اولان ها علامت نقلدر طریقه و معشوقه و امثالنده کی
کبی * وعده اهل کرم دن مراد وعده حقیقی و وعده نا اهل دن
مقصود وعده مجاز یدر که بیت سابقه اشارت اولمشدر و نا اهل دن
مراد اهل کرمک مقلوبی اولان اهل مکدر و لکن اهل مکرمک وعده
عدم اهلینی تصریح ایچون نا اهل ایله تعبیر ایدوب بو وجهله اهل کرمک
اهلینه اشارت ایلدی اولکی روان صفت مشبهه در جاری و رایج
معناسته و ایکنجیسی روح انسانی معناسته در و گاه او اور که مطلقا جان
اوزرینه دخی اطلاق اولنور و بعض نسخده نقد روان برینه کنج
روان دوشمشدر که مقابله زیاده موافقدر و نقد عبارتنده اشارت
وارددر که اهل کرمک وعدی نقد حکمنده در یوخسه نسئه دکل نتکم
بعض محقق الوقوع اولان نسئه ایچون سن آتی حاضر ییل دیرلر
(معنای بیت) بودر که اهل کرم اولان کسنه نک وعدی کنج جاری
و نقد رایج کیدر که معتبر و مقبولدر و دائماً هر حالده ایش بتورر و بلکه
نقدله بنین کار وعد حسنله بتر نا اهلک وعده سی و اهل مکرمک لافی ایسه

زحمت جاندر زیر اقلب اقبجه و مغشوش سکه ایله مقصود اولمـ دخی
کبی اول وعدله دخی حاصل اولمز و بلکه ثقلت روح و حسرت دل
ظهور ایدر انکیچون رایج اولین نقدله بازاره چیقان کسدنک حسرتی
تهی دستدن زیاده در پس اهل کرم صا دقلرو اهل مکر او انلر
کاذبلدر صبح صادق حسبیه دمدم نوری افزون و ضیاسی
متضاعف و منتشر اولمـ دخی کبی صبح کاذبک دخی حالی عکس مذکور
اوزرینه اولوب بیاضی سیاهه مبدل و فروغی دروغه منحول او اور
(لحرره) دروغ وعده به باق عین صبح کاذبلدر * بلی سباهی رو کذب
ضرب لازبلدر * و بونده اشارت وارددر که سالک راه حقیقت اولان
کسنه دروغ اهل مکره الدائمیه زیرا بواعصار ده اهل لافک زیاده کثرتی
وارددر بلکه نفس حبوانی نک ظلمتی ازاله ایچون نفسندن نور الهی
طوغر راهل کرمه یار اوله و انک سلاک صحبنده انتظام بوله (لحرره)
ای تهی دست و مفلس بازار * استریسک جهاندن نقد روان * جست
و جوايله یونندن آتی * اوله کور معدنه دغری روان * بونده کر
بولمز یسک مقصودک * اشته بغداد یولی اشته روان * نیه کلدی بو عالم
جسمه * ایرمزه مراده روح روان *

* بعد از ان برخاست و عزم شاه کرد *

* شاه رازان شمه آگاه کرد *

* خاستن * اوری طررمق قیام کبی * عزم * قوت قصد و جزم در * شم *
حس انفاد در مشام بورونده فوقی آلاں یدر آخرنده اولان ها
اصلنده تادر که لسان عربیده وحدت افاده ایدر و لکن فارسیده او آخر
کلمه ده بومه قوله تا اولمعین هایه قلب اولنوب مذکور معنای وحدتی افاده
ایچون همزه ایراد اولمشدر کرمک وحدته دلالت ایلین همزه اولسون و کرمک
ملفوظ اولان یا اولسون ایکنسک مآلی بر در شمه جزئی و قلیل نسئه
معناسته استعمال اولنور نتکم دینلور (شمه من العلم خیر من کثیر من العمل
(معنای بیت) بودر که حکیم مذکور جاریه ابله اولان صحبت نهائی
و مذاکره خفیه دن صکره قالدی و عزم مجلس شاه ایلوب شاهاهی
اول قصه نک اصلندن جزئی خبردار ایلدی (سؤال اولنور سه که
مقدما کتیره که وصیت ایلوب صاقن کسنه و خصوصاً شاهاهی بوقصه دن

آگاه اتمه دیو گمان امر له امر ایش ایدی شمعی خود کنیدی افشاء راز
ایلدی (جواب بودر که جار یه نك اعلامی مأمون الغائله دكل ایدی
زیرا مقتضای حال اوزرینه افشاء در بیج لازم ایدی انکی چون اخباری
جزئیات اوزرینه حصر ایلدی و تدریجده دخی بحسب المصلحه تقدیم
وناخیر ملحو ظر و هر کس مرادی کما یذخی افاده دن قاصر در و گاه
اولور که خلاف مرادی دخی تضمن ایله مفسده ظهور ایدر و خبرده
کلور (رب حامل فقه غیر فقیه و رب حامل فقه الی من هو افقه منه)
و بر دخی معالجه جار به زر کرک قدومه موقوف اولوب قدوم دخی
تدبیر شاهه منوط و امر واستدعاسنه مر بوط اولغله بالآخره فی الجملة
اعلام و معقول کوردو کن سوبلیدی بونده اشارت واردر که مرشد کامل نفس
حیوانی نك مرض درونه مطاع اولدوقده معالجه قیام کوسه تردی
زیرا خبرایشی تأخیرده آفات واردر و لکن ترتیب مقدمات طریقله
روحله بوخصوصده جزئی مذاکره ایلدی ز بر روحك استمدادی جانب
مرشددن واستفاده سی دخی انك لساننددر انکی چون دلمشدر که (خذوا
العلم من افواه الرجال) خیر خواه اولان آدمك تقریرنده حکمت
وتدبیرنده یمین و نصیحتده تأثیر و حالت واردر و بر دخی روحك اقلیم
بدنه تساطی و ممالك وجوده استیلاسی و اعضاء ظاهره و قوای باطنه ده
حکمی جاری اولغله ایشی صاحبنه سپارش و آنك رأینه تعلیق ایلدی
بوخود معلومدر که هر ایشده حرکت باطنه شرط و همت و عزم لازمدر
پس خارجدن اولان تعلیمك فائده سی انك اوزرینه موقوفدر انکی چون
دبرلر که دم و قدیم کر کدر یعنی علم و عمل برابر بوریمك لازمدر شول
راوت که بادلک تحریکله جنبشه کلور و لکن اصلی یرده اولسد فجه
خبرایتمز الحاصل سلو که حرکت باطنه و حرکت ظاهره کر کدر (لحرره)
اولسه همت اهل آدی زاد* کسه برافجه دیمز اولسه مراد*

* گفت تدبیر آن بود کان مرد را *

* حاضر آیم از پی این درد را *

* تدبیر* برنسته نك عاقبتنه نظر ایتکدر کما قال الراغب التدبیر التفكير
فی دبر الامور* آن* مر د حکیم ایله شاه اراسنده معهود اولوب ذکر
سبق ایلین زر کره اشارتدر* زبی* لاجل معناسنه در (معنای بیت)

بودر که حکیم پادشاهی قصه دن جزئی آگاه ایلد کدر پادشاه سؤال
ایدوب بوخصوصده تدبیر و بوکاره چاره نه در دید کده تدبیر اودر که
اول زر کرکی بودرد ایچون حاضر کنوره لم یعنی خستیه معالجه دن
اوتوری سمرقند دن بو محله احضار ایده لم زیرا جار یه نك اورابه
وارماسنه امکان یوق و بر دخی قضیه بیاضه چقر و شهرت حال بنه
عرضی یقر و های هوی سرد جهانیان آتش وار بغری کباب ایدوب
یقر حاضر آری دیمدی بلکه کیندی دخی تشریک ایلدی زیرا
احضار ایلک حکیمك رأینه و باد شاهك امرینه منوطدر الحاصل
مشاوره مشارکت افتضا ایدر بوندن نفس حیوانی نك تعشق ایتدیکی
هوایی احضاره اشارت واردر زیرا غائبانه ایش بتمز انکی چون حضرت
ابراهیم علیه السلام طیور از بعه بی اخذ و بالفعل ذبح ایدوب صفات
باطنه نك تلویینساندن بالکلیه خلاص اولدی و کمال یقین و اطمینان
بولدی و بوندن فهم اولتور که قوری افسون ایله ایش بتدبیرکی کبی مجرد
اسمیه توغل ایله دخی مسمایه وصول حاصل اولمز بلکه ریاضات صعبه
و مجاهدات شاقه کر کدر که هوانك حقندن کانه و هوی هوانك ضد
کاملیدر بر اقلیمده هدی اهلی اولمق سبب مصلحت اولدیغی کبی هوی
اهلی اولمق دخی باعث مفسده در چونکه اقلیم وجودده هوی کبی شقی
یوقدر پس اکاخصم اولوب احضار و تأدیب بلکه قتل و تعذیبنده اجر
عظیم واردر که الله تعالی به وصلتدر ز بر هوی دشمن حق اولغله
اکا وصوله مانع قویدر و آنك که ولایت حقله اشنالغی واردر
لاجرم معادات هوای ایچون نصب نفس ایدر و اصلاح نفس دیدکری
ازاله هوی و ذبح بقره شهوتدر که نفسك حیاتی هوی و شهوتك مماثله در
نتکیم مماتی دخی بونلرک حیاتنده در انکی چون جاریه بیمار اولوب اهلا که
مشرفه اولدی ز بر هوایی اولان زر کر حیاتنده ایدی (لحرره) تیغ
عشق اولمز یسه کر الیه* کیم صلا ر نفس کافره کندن* مر دایسك اولمه زن
نفسه زبون* طونه کور پیر طریقت پندن*

* مر د زر کر را بخوان زن شهر دور *

* بازار و خلعت بده اورا عرو *

شهر دور دن مراد سمرقنددر بونده تصریح واردر که تحتکاه شاه

سمرقند دن بعید برده ایدی و جاریه منافلات ایدی و مداولات اهل
حضر و بوادی ایله تصرف شاهه کرمش و مبادله شرعیه نك غایتی
اکا ایرمش ایدی بخوان لفظند ن فهم اولنور که سمرقند ممالک شاهدن
دکل ایدی والا اجباره قادر اولوردی و بومضایه اشغه ده دخی قرینه
وارد * زر * التوندر وجه تخصیص عزتیدر انکیچون قلوب ناس اکا
میالدر و انک بتوردیکی ایشی غیري نسته بتور من نیکم شعرده کلور * پری پیکر لری
اهل غنایه رام ایدن اولدر * ایله کرسه بریده یوزن بوزردم التونک *
وسلاطینک اکثر صله لری التوندر و خفیف المحمل اولغله یانلرند دخی
کتور لر * خلعت * بخشش قفتاننده مستعملدر که فاخر و نفیس اوله اصلی
خلع در زیر عادت ملوک و اکابر بودر که برکویه اکرام مراد اتسه لر
ثوبلر ارقالندن خلع یعنی نزع ایدوب اوکسندک اوزرینه طرح ایدر لر
وارقاسنه کیدر لر نیکم نجاتی سلطان محمد خطب بادیر * او مرز انده
عطافارس میدان کرم * جامه کیم اولمش ایدی ارقالندن مهور *
او مرز ایلیه شاه نجاتی قولنه * انی کیم ایلدی فردوسی به سلطان محمود *
* غرور * الدنق و غفلتدر که یقظه ده اولور (معنای بیت) بودر که
اول مرد زکری شهر دور اولان سمرقند دن دعوت ایله واکا التون
و خلعت تشریفله غرور و بر یعنی مغرور و فریفته ایله زرا انسان ماله
میال و النفات پادشاهی به حریصدر انکیچونکه مال محبوب بالذاتدر
و النفات سلطان دخی سبب جاه و قبولدر و هر کس حالجه طالب ظهوردر
انکیچون شیخ ابو مدین مغربی قدس سره پیور (آخر مایحرج من رؤس
الصدیقین حب الجاه) یعنی یخرج بظهور ایله تفسیر اولنور سه اسم ظاهر ایله
ظهور استک عوامه مخصوص دکلدر ولیکن عوامک ظهوری نفسانی
و خواصک رحمانیدر فاعرف جدا بوندن فهم اولنور که جاریه نك اول زکری ایله
کرچه مقدم عاشقا زانگی وار ایدی و لکن زر کر جاریه نك پادشاه یاننده
اولدیغن بلزدی زیرا بلسه بلکه و همه دوشوب یا امتناع و بافر ایدردی
پس بونده اشارت وارد که نفس حیوانی روح سلطانی جوارنده بر جاریه
و بلکه حرم حکمنده در و پادشاهلر قاتنده اوچ نسته بوجهله معذور
دکلدر بری برکسه انلرک رازلر نی افشا ایتک و بری دخی اجابندن کسه
حرملر نه تعرض ایتک و بری دخی مملکتلرینه مداخله قلمق هوی ایسه

مملکت وجوده مداخله ایتدیکند مان عدانفسی دخی اضلال ایلش ایدی
پس روح دخی انک غیرتن چکوب تسلط وید مبطله سنی دفع طریقله
قتل نه مباشرت ایتک لازم کلدی لکن هوی شهر دور و بعیدده ساکن
ایدیکه وجوددر زرا وجود انسانی اسفل سافلیندر که اخر المراتب و نهاییه
التنزل اندر انکیچون روح سلطانی اکا زیاده دور اولان عالم ارواحدن
طورا بعد طور تنزل ایدوب لاجل المصلحه تعلق ایتشددر زردن مراد
زینت دنیادر که معبود هوادر و خلعتدن مراد صحبت ماسوادر مقصود
هوایه مساعدده و اکرام صورتی کوستروب صکره اهانتدر که قتل و اثری
ازاله در زیر اعدو قاهر در پس تزکیه نفس اتمک حیل لطیفه و تدبیرات
لایقیه موقوفه در که مرشد کامل اولنور معلومدر (لحیره)
* شوکم پیاره تیمار ایتده ده استاذ کاملدر * اگر زهر ایتده ده داروسی آنک هضمی
قابلدر * نه بلسون خاری اخراج ایتده نك کیفیتن بی دست * اوزجک
چاره سازی واریده چنک بلا بلدر *

* چونکه سلطان از حکیم انرا شنید *

* پند اورا از دل و جان برکزد *

* سلطان * غایبدر ملوک خلق اوزرنه تسلط و غلبه سی اولغله سلاطین
دیدیلر * کزید * کاف عجمینک ضمیمه کزیدندن ماضیدر کزیدن اختیار اتمکدر
یعنی اورندمک (معنای بیت) بودر که چونکه سلطان حکیم دن تدبیر
مذکور متعلق کلام اشتدی پند و نصیحتی جان و دلدن اختیار ایلدی یعنی اول
پند و اشارتی قول ایتسی بحسب الظاهر و برای خاطر دکل ایدی
بلکه خلوص دل و صمیم جاندن ایدی زیرا مصلحت مهمه بی مشتمل ایدی
الحاصل کرچه زر کری احضار اتمک عاشق و معشوقی صورتا بر بر نه ابصال
اولغله طبعاً امر مکروه ایدی زیرا غیرت سلطان اکامانع ایدی و لکن
حقیقته محبوب ایدیکه صلاح جاریه و ساطتیه قلب سلطانی و رطبه غدن
تخلیصی متضمن ایدی پس ضرر نفعه مؤدی اولسه ار تکابی لا بائسد
نیکم نفع ضرره منجر اولسه سددریه لازمدر و بو معنادن اونوری
تدبیر مذکور دن پند ایله تعبیر ایلدی یعنی پند زجری مشتملدر و هوای نفسه
مخالف اولان اموره زجر نفس ایتک لازمدر نا که قبولدن امتناع ایتده
بونده اشارت وارد که روح سلطانی حکیم الهیدن معالجه نفسه متعلق

اولان تدبیری کوش اند کده قول ایلدی اگر چه که مشقندن خالی دکل
ایدی زیرا مقصودی شرفیدن خلاص ایدی بومعنی ایسه مجاهدات
وریاضات می شده لیل ونهار آمده شده موقوف ایدی وحکیم لفظنده
رمز واردر که حکماء الهیهک ارشادنی مطلقا قبول کر کدر زیرا الهام
اوزرینه مبنیدر الهام ایسه حقدر بعض امور ک صورت مکرو هده
اولدیغنه بناء امتناع ایدن کسنه خیر کثیدن محروم اولور وقرآند کاور
(وعسی ان تکوهوا شیئا وهو خیر لکم) (لحرره) نقدر اولسه واقع
هائل * شردیو خوفه دو شمه خیر اوله خیر * یاری اغیار اراسندن
استه * کر چکم فی الحقیقه بو قدر غیر *

* پس فرستاد آن طرفیک دورسول *

* حاذقان وکافیان وپس عدول *

* رسول * میسلک مبالغه سیدر اگر چه که دیمشردر بومقوله فعول نادر
کلور وبحرالعلوم نام تفسیرده مصرحدر که رسول و مرسل بر معنایه
در بوراده رسول ایله مراد ایلچی وقاصددر که پادشاهلر طرفندن مراد
اولان محله ارسال اولور و حدیثه کلور (الرسول لا یقتل) یعنی ایلچی
قتل اولماز مؤمندر * حاذق * ماهر معنایه * بس * باعربیه نیجه معنایه
بوراده مراد زیاده در * عدول * عادلک جمعیدر سجود وساجد کی
فقهده عدالت کباردن اجتناب وصغائر اوزرینه عدم اصراردر که
عدل شهادتدر مذکرده ومؤثمه اولور واصول حدیثه عدالت برملکه
در که تقوی ومرتبه ملازمت اوزرینه حاملدر که عدل روایتدر وگاه
اولور که عدل ظلم وفضل مقابله سنده ذکر اولور نتکیم حدیثه کلور
(الظالم عدل الله فی الارض ینقم به ثم ینقم منه) بو حدیثه عدل ایله
مراد فضل مقابلیدر انکیچون ظالمه صفت واقع اولشدر مقصود
هر کسک فعلنه کوره ظالم یوزندن معامله و مجازاتدر (معنای بیت)
بودر که پس پادشاه حکیم مزبورک موجب اشارتی اوزره برایکی ایلچی
ارسال ایلدی که خذاقت و کفایت وزیاده عدالت ایله متصف ایلدی
زیرا دیمشردر (ارسل الحکیم ولا توص) یعنی انسان برایش ایچون آدم
کوندر ملو اولسه حکیم کسه کوندر مک کر کدر که مقتضای حکمتله ایش
بتوره پس بوضورنده اکاوصیت ایدوب شویله و بویله ایله دیمکه حاجت

بو قدر زیرا مقتضای حکمت اوزره جریان ایدن کسه ایش یلور تلقینه
محتاج اولور و دیمشردر که اوچ نسته واردر که اربابنک عقلنه دلالت ایلر
بری کتاب یعنی مکتوب ونامه وبری رسول یعنی ایلچی وبری هدیه در
وایکی رسول ارسال اولمق تقویت ایچوندر و بویکی رسولدن مراد
قوت عقلیه در که مدبر اسمنه مظهر وقوت نطقیه در که مفضل اسمنه
مظهر در وجب جمع قوائک ریاستی بویکیله در و ذق عقلدن مستددر
قرشمسندن مستفید اولدیغی کی الحاصل عالم شهودی شمس وقرتریه
ایلدیکی کی عالم وجوده دخی ذکر اولان ایکی قوت پرورش ویرر
پس قوت عقلیه وزیر وقوت نطقیه انک ترجان وسفیردر و بونده اشارت
واردر که انسان هوایه قوت عقلیه ایله غلبه ایلر انکیچون وجودده
عقلدن اشرف قوت بو قدر نتکیم وکلاء سلطانده وزیردن اعظم بو قدر
و بو تشبیه ظاهر وباطن وشهادت وغیبی رعایت واردر که شریعت
وحقیقت مرتبه لیدر مرتبه شریعت مرتبه قر ومرتبه حقیقت مرتبه
شمسدر وقر شمسک بدلی اولدیغی کی شریعت دخی حقیقتک بدایددر
پس نهار روحک نوری که نور حقیقتدر مستر اولسه لیل بشریتک
نوری که نور شریعتدر کافیدر فاما نور حقیقت اولدیغی کی نور شریعت
دخی اولسه والعیاذ بالله انسان ظلمت محضه ایچنده قالور کفار کی
و بویکی نورک انطفاسی دجال وقتبه ظاهر اولسه کر کدر اگر چه که
اول وقتبه فی الجمله شریعت موجود در واکن ظهوری کوکب
ضایفه نک ظهوری کبیدر الحاصل روح سلطانی احضار دوی
ایچون سمره قند وجوده ایکی قوت ارسال ایلدی
تا که ری تدبیری تفصیل ایلوب مقصود حاصل اوله و بوندن فهم
اولور که شریعت ایله عمل بولمده فقه هوای نفسی ازالیه ظفر بو قدر
والا فلاسفه ورهائنه دخی ظفر بولورادی و بونده قوت نطقیه نک فضل
وشرفنه دلالت واردر انکیچون کنک ولال اولانله اعتبار بو قدر
وبومقامدن اخذ اولوب سلاطین وملوک کندیلر ایچون وزرا اتخاذ
ایتمشردر ووزرادخی وکلاء تعیین ایشلدر و بوندن خلافتک شرفی
دخی فهم اولندی (لحرره) قوت عاقله انسانه * برخلیفه کبیدر حالت
نطق * بنور میدی بود کلومعنی * صالمه لفظی طشره آت نطق *

تاسمرفند آمدند آن دو امیر *

پیش آرزو کر شاهنشاه بشیر *

* امیر * بك معنای سنده در امرك مبالغه سیدر زیرا ملوك و اكابر او الامر در بوندن فهم اولنور که پادشاهك ارسال ایتدیکی رسو لار اكابر دولت و عظماء سلطنت ایدی * شاهنشاه * اصانده شاه شاهاندر صکره مضاف الیه تقدیم و الفین حذف اولنوب شاهنشاه دینلیدی ممر بات جوالقیده کلور که شاهنشاه کله فارسیدر ملك الملوك معنای سنده در وقدماء عرب آتی تکلم ایتشدر در تکلم اعشی نظمده کلور * و کسر ای شاهنشاه الذی سارذکره * له ما اشتهی راج و زینق * انتهى بالترجیه و لکن شعراء عربك اکاسره عجمده شاهنشاه و تخفیفله شاهنشاه و شاهنشاه اطلاق ایتدکری عجمك کندی ارالنده لسانلری اوزرینه شهرت یاب اولان عبارتله تعبیردر پس بو تعبیر زیاده تعریف و یامدح ایچون حکایه در تعریف ایچون دکلر وزیرا مطابقا تکلمی تعریفده دلات ایتنر انکیچون منها چندن تغییرله تصرف اولنمشدر و بونک لسان عربده نظاری چوقدر تکلم یکنی دیجک یرده بس دیرلر بناء علی هذا مخدرات بمثله دن بعضیلر بونک وقفیه سنه قاضی قسططنطینه اولان رضوان افندیك ایتدیکی عربیده درج اولنسان شاهنشاه لفظی خطاء محض و غلط صریحدر عربی و یا فارسی اثنا سنده لفظ ترکی اراد ایتنر کی (لحرره) نامی رضوان افندی اولغله * جنت معنی به خازنی اولور * طونالم حرفلری اوچر اولمش * هنوعیب موازنی اولور * بشیر * مرده جیدر زیرا خبر سارندن بشره یعنی ظاهر جلد منبسط و اثری انده متبیین اولور و بومعنی عرفیدر تکلم قرآنده کلور (فلما ان جاء البشر) فاما لغتده مطلقا مخبر معنای سنده اخذ اولنور که بشرده اول خبرك اثری ظاهر اولور خیر اولسون شر اولسون انکیچون بعض مفسرن (فبشرهم بعذاب الیم) آیتده تبشیری اخبار معنای سنده اخذ ایدوب معنی تصویرده دیشدر که انلره برخبرله خبر ویر که ترحدن اولان اثری بشره لری اوزرنده ظاهر اوله اگرچه که استعاره طریقیله تمکما انداره حل ایتك شایعدر (معنای بیت) بودر که امراء دولت و کبراء سلطنتدن اولان اول ایکی رسول پادشاهدن مرده طریقیله

سمرقنده دك اول زکر حضورینه کلد یلر بونده بعد طریق اشعار و اطاعت اولی الامرک وجوبنه ایما واردر زیرا پادشاهك ذکرى سابق اولان رسو لاره امری حقیقتده شرعه مخالف دکل ایدی بلکه زکرى احضار و قتل ایتك حضر علیه السلامك غلامی قتل ایتسی قبیلندن ایدی تکم تفصیلی محالده کلور انشالله تعالی و بونده اشارت واردر که قوت عقلیه و قوت نطقیه امراء روحدندر که رسول خیر و امام هدادر و امراء حقیقتده اون عدددر که حق تعالیك امری بونلرک و ساطتیه نفاذ بولور بشی ملکى و جسمانییدر که حواس ظاهره در حاسه بصر و حاسه سمع و حاسه شم و حاسه ذوق و حاسه لمس کبی و بشی دخی ملکوتی و روحانییدر که حکماء آلهیه اثبات ایتدیکی اوزره حواس باطنه در روح حیوانی و روح خیالی و روح فکری و روح عقلی و روح قدس سیدر پس امر سولو کده فرمان حق نفاذ بولمچون عالم شهادتدن نطق و عالم غیبدن عقل ارسال اولندی زیرا تزکیه نفس ایتکده ایکسنگ دخی منار بقی واردر زیرا عقل فکر ملکوتی و نطق ذکر جبروتی یه مشغولدر بناء علی هذا بو ایکسنگ حرکات پررکاتیه نفس اماره الهی کربوب قتل اولنور و بشیر لفظندن مفهوم اولان مرده حقیقتده روحه در زیرا هوی ازاله اولند قبحه روحه راحت یوقدر تکم طائفه بغاتک مما لکدن بد مبطله سی ابطال اولند فقه سلطانه حکومت و حضور یوقدر و لکن بو مرده روح سلطانییدن نفس حیوانیه دخی ساریدر حالا و یا مالا مرده حالی بودر که زرک هوانك قتلی ایله نفس دخی (الیاس احدى الراحتین) و فقیحه معشوقندن مأیوس و ملاحظه سندن خلاص اولور و مرده مالی بودر که سخط حقندن و نجات بولور پس نه سعادتدر که نفسک غمخوراغن ایدر زیرا کندنه قالسه آتش فرقت و قطیعتده کباب و دست بردقهر و جلال ایله خراب اولور لردی (سؤال اولنور سه که نفسک غوایتی قضا در پس آنی ارشاد ایتك قضایه عدم رضا در (جواب بودر که ارشاد دخی قضا در پس بونده قضایه قضا ایله مقابله واردر که حقایق انبیا در الحاصل انبیا علیهم السلامک بعضی قومک نها دنده هر کوز اولان غیر ملائمی ملائمه استحاله ایچون ایدی انکیچون قومک هوالرینه مخالف اولان شرایی اظهار

استدیلر پس هر تجلی قاتنده و قوف لازم کلز و قوف ایتک نقصانندندر
انکیچون حدیث شده کلور (ان الله يحب المحسنين في الدعاء) یعنی موا دنه
کوره اسبابنه مراجعت حقیقه عین اطلا عددر یوخسه اندن غفلت
دکل و بوندن اطایه مراجعتک سری دخی فهم اواندی * ع * درد اودر
درمان اودر دیرل حقیقت سوز بودر * والله یعلم الامور *

* کای لطیف استاذ کامل معرفت *

* فاش اندر شهرها از تو صفت *

* استاذ * بالاده مفصلا شرح اولمشدر * صفتدن مراد قیو مجلیق
صنعتیدر زیر اصناعات ملکات نفسانیه در که عمله تعلقی وارد در (معنای
بیت) بودر که ذکر اولنان ایکی رسول زر کره وصولرنده دیدیلر که
ای استاذ لطیف و کامل معرفت که دقت و کمال حسبیه سندن قیو مجلیق
صنعتی شهر لره فاشی و منتشر اولمشدر یعنی اطراف عالمده حسن
صنعتک و کمال معرفتک سوزیلنور بعد ذاو صفتدن مراد ترتیب حیل و تمهید
غرور در زیر انسان بالذات کماله مائل اولدیغی کبی کمال اوزرینه
مترتب اولان مدح و ثنادن دخی منبسط و منتشر اولور حذر و عنفله حاصل
اولیان نسنه لطف و رفقه حاصل اولور خصوصاً که زر کر مذکور
پادشاهک کندی تحت حکومتده اولسه جبره قادر اولزلر و بالقرض
حطه سنده اولسه دخی دانه سز و حشی دانه گرفتار اولماز و دیار رومده
مثل مشهور در که عثمانلی طوشانی عربله اولدیورل بوندن مقصود
کمال حله بی بیاندر (لحرره) نقدر قاجسه قوش کبی اوچسه * طوئلور
الره کلوب خرکوش * شیر خرکوش اولور قضا کلسه *
دالوش بلبلان اولور خاموش * بونده اشارت واردر که حسد
و کبر و عجب و حب مال و حب جاه و ریا و غضب و امثالی صفات
قبیحه هوادن فاش اولمش و اقا لیم وجوده اندن منتشر اولمشدر
وهوایی لطافت و استاذیت و کمال معرفت ابله وصف ایتک مجاز در ظلمه
عادل و حبشی به کافور و مهلبکه مفازه و طاعونه مبارک ولایینه
خیر دیمک کبی وجا زدر که تهکمه محمول اوله زیرا فی الحقیقه هواده
موجود اولان لطف کندی مقتضای سنده دقت و استاذیتی قنده مهارت
و کمال معرفتی اسباب ضلال و اضلالده حذاقتی در الحاصل مضل اسمنه

دال قرنا در که بی زبان
خلق اولمشدر

مظهر اولغله سالک ضلاله اعرفدر وصف لفظنده اشارت واردر که
شهرت بولان انسانک اوصافیدر ذاتی دکل پس اوصافده غالب اولان
حسنات ایسه روز حشرده صوره حسنه اوزرینه محشور و اگر سیئات ایسه
صورت فبیحه اوزرینه منشور و اوب اتم مختلفه ارا سنده انکله شهرت و ظهور
بولور انکیچون آخرته عالم صفت دیرلر یرا هر کسک بعثتی صفتنه کوره در
بوسیدندر که قرآنده کلور (و بادلهم سیئات ما عموا) یعنی کفارک
بد عملاری صور منکره اوزرینه ظاهر اوله (لحرره) ایتد کبسه کهر
ذاتک پاک * اوله سن زنک المدن بی پاک

* نیت فلان شه از برای زرگری *

* اختیارت کرد زیرا مهتری *

* نیت * قنچله اشته و شمدی دیمکدر اینک کبی کسرله نیت آتی ده کلور
* فلان * و فلانیه ضمله اسماء انساندن کنایه در معرف باللام اولور سه
انسانک غیبدن کنایه اولور و فلان اسم انساندن کنایه اولغله علمین
میاننده واقع اولان این لفظندن تخفیفاً همزه حذف اولندیغی کبی
فلانین مابیننده واقع اولاندن دخی حذف اولنور زیرا علمدن کنایه
دخی علمدر نیتکم فلان بن فلان دیرلر فاما العالم ابن العالم بویه دکلدر
زیرا صفتدر انکیچون همزه حذف اولنماز تفصیلی مفردات نام کلامزده در
* مهتر * مر کبدر برجزی تر در که ادات تفضیلدر و برجزی مه در که
معناسی اولور در مقابلی که در که معناسی کچیدر معنای ترکیبسی
اولور قدر که ترک کچیر کدر بوراده مراد صنعت زر کر ک اولور سیدر
و صنعت اولوسنه پیشه کر دخی دیرلر (معنای بیت) بودر که اشته
فلان پادشاه قیو مجلیقدن اوتوری سنی اختیار ایلدی زیرا صنعتکده
زیاده اولور و مقدمه سک الحاصل بوصنا عتده حذاقت و مهارتکدن
اوتوری سنی قبوجی باشلغه اختیار ایلدی بونده اشارت واردر که
قوت عقلیه و قوت نطقیه بطریق الحیله روحک هوایه تبعیتنه متعلق
سوز سوزیلدیلر و روحک هواسی سنکله بله در دیدیلر و سن جمیع
قوی و حواس ارا سنده مختار و معتمد سن دیو سوزیلدیلر بومقامک
حقیقتی بودر که ارشادک مناسی هر کسک تواضعله مرتبه
حالتنه تنزل و حقیقتنه دخولدر زیرا نفس اماره متکبر و متکبر ایسه
سکراندر و سکران ابله معامله ده مجامله لازمدر انکیچون خبرده کلور
(ما کان الرفق فی شیء الا زانه) و بو تواضعدن مراد تنکس راس

دکله در بلکه علم بالله در که مقاماتی رعایت در و چون بو معنی حاصل
اوله متکبر دخی متواضعه سرفرو ایدوب مقصود حاصل اولور متکبره
متکبرلک کرک دیدکار ینک حقیقی بودر زیر امتکبر اولان من حیث لا یحتسب
متواضعک محکومی اولور چونکه هوای نفس بالطبع روح قدوسی به
حجاب اولغله ازاله سی لازم ابدی فاما نفسده زیاده علو واستکبار اولغله
سرفروا تمز و هوایک انقهاری بولنه بر طریقله کتمزدی پس ذکر اولنان
قوت عقلیه ونطقیه حکیم الهی طرفندن واقع الحاله واقف واسرار
مقامه مطلع اولملر یله تعلیم اولند قلمی اوزره طریق رفیق ومدا راته
سلوک ایدوب هوایک مرتبه سنه تنزل ایتدیلمر تا که اول متکبرک اوزرینه
غالب اولوب مقصود ترکیه جلو کر حیز حصول اوله (لحرره)
راست بودر که سر سروروان * اکیلورر فقله ای سروروان *

* اینک ابن خلعت بکیر وزروسیم *

* چون بیایی خاص باشی ونسیم *

* اینک * ده این اصلده اسم اشارتدر هذا کی وکاف تصغیر ایچوندر
معنای لغویسی بونجغزدر بورا ده اشته وشمیدی معنای یچون منسلخ
اولمشدر واطائف نظم خسرو دندر که کلور * خسرو که زیست
باهمد خوبان توسنی * اینک بتازیانه عشق تورام شد * بونظمده
ایتکدن مر ادا کر چه اشته وشمیدی دیمکدر اما لسان ترکیده اولان
معنای اعتبار یله توسن یا ننده ذکر ی لطیف دوشمشدر خلعت
بالاده لباس شرح لباس اولمشدر * ندیم * وندمان و منادم بر معنایه
در شراب مصاحبی و محالسی در بوراده مطلق مصاحب معناسنه در
(معنای بیت) بو در که اشته بو خلعت فاخره بی وشمیدی لک
بوشریف لطیفی و دینار و در همی طوت و قبول ایله عادت ملوک و دیدن
دیرینه سلاطین اوزره که دعوت ایتدکلی کسیه اکراما و اکرام
مر ادا تکلرینه عجماله مال کونددرلر چونکه حضور شهریاری به کله سن
خاص و مصاحب اولورسن یعنی بو مرتبه ایله قالمز سن بلکه قدوم
ایتد کده زیاده رغبت و اعتبار بو اورسن خصوصاً امراتب اختصاصیه دن
سر زکران اولغله شرفیاب اولورسن شمدیکه سکا قولقدن
عاشق اولمشدر کلوب اظهار مهارت ایتد کده محبت و علاقه افزون اولور

(لحرره) نظر شاه بکیرا کسیره * سیم اولور طر حله اجساد سیاه *
صالمسون سایه هما استرسه * شاه ایلر کدایی سایه شاه * بونده خلعت
صحب و زروسیم مقتضیات هوی اولان زیب و زینته و خصوصیت نفسک
روحه خاتون مثابه سنده اولسته و ندامت عشرته اشارتدر ولیکن
بل التزکیه اولان عشرته عشرت مجازیه و بعد التزکیه اولان عشرت
حقیقه دیرلر زیر اول وقتده هوی هدایه منقلب و باطل حقه متحرک
اولور پس بو انقلا ب و تحور بولند قبحه خاتون نفس که خاصه کی
مثابه سنده سلطان روحه مطیع اولماز * و چون بیایی لفظندن حسن
اختیارله اطاعت فهم اولور که مروت قبیله دندر اگر چه که بو اختیارده
معنی جبر دخی واردر نتکم مال فراوان یوزندن زر کر مجبور اولدی
* بو سیدندر که حکماء آلهیه دیرلر الله تعالی بر نسنه بی عندالاسباب
اشلر یوخسه بالاسباب دکل یعنی اسباب یوزندن کسب واردر قیاس
اولور فاما الله تعالی فعال لما یرید و قرآنده کلور (وهو القاهر فوق
عباده) و بو مقامک تفصیلی واردر محلنده کلور ان شاء الله (لحرره)
* اورمق استرسک اگر حقندن دم * ایلله سلب اختیار آدم

* مرد مال و خلعت بسیار دید *

* غره شد از شهر و فرزند ان برید *

* بسیار * مال و خلعتک مجموعی اعتبار یله صفتدر و جائزدر که بالکرماله
صفت اوله عطفله فصل مانع دکلدر مال مطلقاً قلبک میل ایلدیکی
اشیاد ناطق اولسون صامت اولسون بوراده مراد ما قبلی قرینه سیله
زروسیم در که فی الحقیقه کثرت ایلله موصوفدر * غره * کسرله غفلت
معناسنه مصدردر و بوراده مراد مغروردر (معنای بیت) بودر که
مرد زر کر مال بسیار و خلعت قیمته داری کورد کده مغرور و فریب
اولوب شهری اولان سمرقند دن و اولاد و عیالندن کسلدی یعنی
مفارقت قلدی و دور دوشدی الحاصل اول ایکی امر (بالبر تستعبد
الحر) مفهوم منجه (والانسان عبید الاحسان) فخواستجه زر کری
تسخیر ایدوب وطنندن چقاردیلر و بوله روانه اولدیلمر * مقررست
قضا کر هزار سعی کنی * بی هیچ وجه مغیر نمی شود تقدیر * مرددن مراد
هوادر زیرا تصرف و تسلطی حسیله مرد حکمنده در و شهر دن مراد

شهر وجود و فرزندان مراد حرص و بخل و غضب و شهوت و سایر صفات رزیه در مع هذا حرصدن حسد و بخلدن حقد و غضبدن کبر و شهوتدن انواع معاصی تولد ایدر پس فرزندان لفظنده اولاد و اولاد اولاده دخی اشارت وارد (سؤال اول و رسه که هوی جسد انسان مشتمل اولد یغی نفسده می کوز در پس نیچه مفارقت ایدر) (جواب بود که وجود انسانی ایکی عالمدن عبارتدر بری عالم روح و بری دخی عالم جسددر پس هوانک عالم جسددن عالم روحه طوغری حرکتی جسددن تعلقنک انقطاعنه و اندن تولد ایدن اخلاق ذمیه و صفات قبیحه نك زوالنه دلالت ایدر زیرا اخلاق و صفاتک قیامی هوانله در اولادک قیامی پدر ایله اولد یغی کی چونکه هوی ارادن چقه اکا نابع اولنله پریشانلق کلور و هر بری بر وجهله زوال بو اور و بو پریشانلق ده روحه جمعیت وارد در نیکم عسکر کفار مهزم اولسه عسکر اعلامه جمعیت حاصل اولور پس هوانله نفسک علاقه سی اولد چقه روح مرادندن جدادر و بوندن فهم اولور که کاهیچه (نفسک مطینک فارق بهما) و فقیحه بعضی مساعدات حاصل اولور فاما نفس اکا مغرور اولیه زیرا هر رضاعک غایتی فطام و هر اتصالک نهایی انصرام در خصوصاً که روحه تنزل واقع اولسه قاعده حکماء اکیه بودر که قانون شریعت و میزان طریقت اوزره تشدید ریاضت و مجاهده ایدر تا که علوم تازه و حقایق بی اندازه ایله مشرف اولورلر نیکم قرآنده کلور (واتقوا الله و یعلمکم الله) و حدیثده کلور (من عمل بما علم و رثه الله علم ما لم یعلم) * (لحرره) شمیر غنا چکمچک نفس عدویه * شری طوقفور شهر وجود ایچره قویه * اندر آمد شادمان در راه مرد * بی خبر کان شاه قصد جاننش کرد *

اندر بوزاده زاندر که تحسین لفظ ایچون کلشدر و تحسین ضرورتله تعلیلی دخی منافی دکلدر * شادمان * ده مان بکزیجی معناسته در بور و کلرک قاره آونه خاتمان دیرلر اوه بکزدیکچون زیرا خان منزلدر و ترکانه دخی ترک بکزدیکچون ترکان دیرلر و غلظت و جسامتده قاعیه بکره دیکندن اوتوری ابری آدمه دزمان دیرلر ولیکن معنای ترکیبسی ملاحظه سندن منسلخ اولمشدر پس شادمان شن و فرحناک اولان کسیه دیرلر

(معنای بیت) بودر که سر دزر کر یولده شن و شاد کلدی پادشاهه قیوچجی باشی اولق و صدارت و ریاست بولق ملا حظله سیله خبری یوق که اول پادشاه انک جاننه قصد ایتشدر یعنی پاشاهک اکا کرام صورتنده دعوتدن مرادی اهانت و قتل ایدی زر کر ایسه و راه پرده ده اولان قضای مبرمه مطلع اولیوب باشنه نه کلچکین بلدی اول یولده کلور کن قضایانک او کچه من باصوب کلور دی و علوی نظمده کلور * صر مشوب چقدی درخت عمرمه مارا جل * آشیان تنده یا نور بلبل جان بی خبر * بونده اشارت وارد که دنیا انسانک یوزنه کولد و کینه مغرور اولق کر کدر زیر اولی خنده و شکر و آخری کریه و زهر در نیکم محمدیه ده کلور باقیه دنیا یوزو که کلد و کینه * دونه یوزی و زهر اوله لذات * و نفس حیوانی هواسنه مساعده ملا حظله سیله شاد اولدی بلدی یکله آخر هواسی ذبح اولنوب غمه دوشسه کر کدر ولیکن بو غم حقیقتده اکا سرور و بو موت عین حیات در حکایه ده کلور که بردویش قیسی زمانی قیسی اغاجی الننه واروب نفسی اشتها اتد کده برسته صائم اولوب موسم آتی ده مساعده اوزرینه معافده اواندی سنه جدیدده تحت الشجره به وارد قده یره دوشلرندن اخذ ایلدی نفسی بوکا معارضه ایلد کده بنم سنکله قولم مطلقاً قیسی به ایدی اغاج اوزرنده ایولرنه دکل ایدی دیدی و دفع ایلدی نفس دخی شهوتندن مأیوس اولوب روحه غداء معنوی حاصل اولدی زیرا ظاهرک نقصانندن باطنه کمال وارد (لحرره) اویمه هرگز هوای نفس بده * دوشمه زنههار عذاب ابده *

* اسب تازی برنشست و شاد تاخت *

* خونبهای خویش را خلعت شناخت *

* اسب * خصوصاً آنک اسمیدر اگر چه باده عربیله تلفظ اولور اما اصلده باده جمیلده در وجهی دقایقه مسطور * تاز * اسم مصدر در تازیدن تازیدن چمقددر شول آنه که آنده اول حالت اوله اکا تازی دیرلر یاسی باده نسبت لازمه در تازی عربی معناسته ده کلور ضحاک تازی عبارتنده اولان تازی او معنایه در بوراده اسب تازیدن مراد عربی آندر کرک حقیقت و کرک ادعا وجه تخصیص خواص کیره سی و خصوصاً سرعت سیر یدر بوسیدندر عندالقرسان می غویدر * قوش بیتیتمز دیر ایدم

اولسه طیارا کر * ایرمن کردنه زیرا که نه صر صر نه صبا * و صید و شکار
 ایچون مئخذ اولان کلب سلو فی به دخی تازی دید کلری سرعت سیرندن
 اوتوریدر * بر * لفظی تقدیرده اسب اوزرینه داخلدر * تاخت * ماضیدر
 تاختندن تاختن سکرتمک و قوشتمک معناسنه در * خونبها * ده اولان بهها
 فارسیدر که قیمت معناسنه در عریده حسن و رونق معناسنه کلور
 خلعتک بیانی مرور ایلدی (معنای بیت) بودر که زر کر مذکور عبودین
 مبر او امور منقصه دن معرا اولان عربی آت اوزرنه اوتوردی و بندی و شاد
 اولدی بخی حالده سمرقند دن پادشاه جانبیه سکر تدی و قوشدی
 کندی قانی بهاسنی خلعت ظن ایلدی و تشریف صاندی یعنی معجلا
 اکا اعطا اولان مال کرک خلعت و کرک زرو سیم و کرک اسب تازی کندی نک
 قانی بهاسی و نفسک دینی ایلدی اوایسه مغرور اولوب عطاء محض و انعام
 مجرد قیاس ایلدی * بلکه دنیا یوزیکه که کولدو آتیه * دونه یوزی و زهر اولا
 لذات * بوندن فهم اولور که جانب شهر یاریدن قدوم ایدن دوامیر
 زر کره عربی آت دخی کتور مشلر و یاتارک قلمشردی و بونلر معظم
 لوازم اولغله تخصیص اولدی سائر اسباب دخی بوکا قیاس اوایسه
 اسب تازیدن مراد مرکب مراددر (لحیره) ایرنلر دهرده مراد آتیه
 * بنزلر حقیقت مراد آتیه * و بعض اطرافنده کلور * صوفیلر نفس
 آتیه بنوب سپاهیلر کی * صارقیدر صور غیج یرینه اکسه سندن طیارسان *
 بوسیدن شاد اولدی زیرا نفسک مرادی حاصل اولد قد غم و غصه دن
 خالی اولمز و بعض اهل تأویل (و منهم من یشی علی اربع) آبتنی
 طلب جاه ایچون را کب مرا کب اولنلره حل ایلشردر و لیکن بومراده
 وصول ایله مغرور اولدی بلدی که بومقوله حیات کندی نک سبب هلاکیدر
 انکیچون قرآنده کلور (ان الله یأمرکم ان تدبجو بقرة) یعنی برکسه نک
 بقرة طبیعتی شهوات فانیه به میل ایلسه سکین محبت و کذلک ریاضت ایله
 آتی ذبح ایتک کر کدر تا که بوفنا ایچنده حیات باقیه بوله زیرا که اولدی
 حیاتی ممت حکمنده درو بو حیات جسمانی مجازیدر حقیقتی حیات روحانیه
 در که محبت حقله حاصل اولور و کذلک قرآنده کلور (اذهبتهم طیباتکم
 فی حیوتکم الدنیا) یعنی نفس حیوانی استیفاء لذات فانیه ایتک ایله
 روحک لذات باقیه به استعدادن ابطال ایتدی زیرا برنسنه نک ظاهری

کال بواسه باطنی نقصان قبول ایدر و باه کس پس لذات فانیه بی ترک
 ایله استعداد روحی تکمیل ایتک لازمدر و الا خسارت ظهور ایدر انکیچون
 استیفاء لذات فانیه ایدنلره (فالیوم تجزون عذاب الهون) دیناور
 و استیفاء لذات باقیه ایدنلره (کلوا و اشربوا هنثا بما اسلفتم فی الايام
 الخالیة) دینلور یعنی روح غداء معنویدن حظ اوفی بولغله نفس حیوانی
 دخی اکانه عینله غداء صوری ایله استمتاع ایدر نیکم برآیتده دخی کلور
 (وفیهما ما تشتهیه الانفس و تلذات العین) پس مشتهیات انفس نعیم
 جنتک صور بسی دره ا کولات و مشروبات و سائر اسباب نعمدر و مستلذات
 اعین نعیم بهشتک معنویسی در که مشاهدات و معاینات و علوم و حقایق
 و اذواقدر بوندن * وللارض من کأس الکرام نصیب * سری ظاهر و کل
 انسانک موتله و خود لرک عدم انحلالی باهر اولدی (لحیره) چونکه
 جانک مدار کاریدر * عزت جان بدنه ساریدر * خوار باقیه جهانده
 درویشه * بلکه بردوات اهل یاربدر (سؤال اولور سه که دنیا ده
 حضرت یوسف و داود و سلیمان واسکندر و امثالی علیهم السلام اربکه
 نشین دولت اولغله لذات باقیه دن بهره لری قلیل اولمق لازم کلور
 (جواب بودر که مغل اولان مجرد داره دولتمده بولمق دکلدر بلکه استیفاء
 حظوظ نفسانیه ایتکدر انبیاء و اولیایسه بومعنادن مبرادر انکیچون دولت
 ایچنده فقرله افتخار ایدر لر دی نیکم حضرت سلیمان علیه السلام
 مسکین جالس مسکینا مقاله سی شاهد عدلدر

* ای شده اندر سفر باعذر ضا *

* خود دپای خویش ناسوء القضا *

منادی محذوفدر که زر کردر * سفر * لغتده قطع مسافه در کشف
 اخلاق مسافر ایتدی کیچون سفر دلدی صوفیه قاتنده سیر قلبدن
 عبارتدر که ذکرله حقه توجهدر * سؤال قضا * مقضی بددی مکرر زیرا
 نفس قضاده بدک اولمز و باقدر خیره و شیره عبارتنده اولان خیر و شر
 حلو و مر و محبوب و مکروهه مجولدر بومعنای بییدک الخیر مقاله سی
 مؤیدر الحاصل قضا و قدر امر واحددر که صفت حقددر خیر و شر
 عباده نسبتله در بومقامک تحقیقی کدر ایتشدر (معنای بیت) بودر که
 ای سفرنده صدر ضا و هزار صفای خاطرله کشدی ایاغله مقضی

بد جاننده کتش زر کر مقضی بدن مراد هلاکیدر که پادشاه انده قضا
اولمش ایدی پس اول قضای مبرمی دفع ایده میوب کنیدی ایاغیله
واروب جلاد قضا الله کیدی نیکم قرآنده کلور (واذا اراد الله بقوم
سوء فلا مردله) و خبرده کلور که هر کسک ترانی نه موضع بدن اخذ
اولندیسسه آخر بر بهانه ایله اورایه سوق اولنور کرک قریب و کرک بعید
نیکم کتب معتبرده شواهدی بیان اولمش و اعصار متجدده ماصدق
بلنشدن بوندن فهم اولنور که قضائی قضائه دفع اینک معلقه کوره در
والا مجز و مانه چاره یوقه روانیا علیهم السلام امی دعوت ایتدکاری
ومدعوا و لنلک کمی قبول و کمی رد ایدوب نجات بواد قلمی و هلاک
اواد قلمی بوسره داردر فافهم جدا و بونده سفر قلبه دخی اشارت
وارد زراطریق حقه نیکه قوافل مقطوع و نیچه روا - ل عاجز
ور بون اولوب سر منزل مراده ایرمشلدر و بعضیلردخی اوائل مطمئنه دک
حرکت ایتمش و حریم قریه دک کتش ایکن رجع قهقری حسبنجه
کلبکی یوله دونمش و چراغ اقبالی نفس قهرله سوینشدن بونلر اگرچه
کنیدی زعلر نیچه مراده ابدک و جمال حق کوردک دیوشاد اولوب کز لر
فاما قطیعت و هجران اربابی اولدقلمن بلزلر و یول یا کادقلمن اکملر
و حجاب ظلماتی و یانورانی ایله محجوب ایکن سو حالن فهم ایلزلر پس
انلر شول نهال نازه به کز لر که هنوز کسک ایله زطورر فاما بر ساعتدن
صکره پز مرده لک ظاهر اولوب اصلدن منقطع اولدیغی باهر اولور
واقف نمی شوند که کم کرده اند راه * نار هر وان بر اشمایی نمی رسند *

* در خیالش ملک و عز و مهتری *

* گفت عزرا ییل رو آری بری *

* عزرا ییل * عبد الله دیمکدر مراد ملک الموت در که مظهر قدرتدر
انکی چون جباره موتله اذلال و قهاره قتلله ارغام ایدر * رو * قحله امر در
یوری و کت معنانه اعتبار منقدمین اوزره رفتن دن مشتقد * بر * بوراده
میوه معنانه در که سود و منفعت مراد اولنور (معنای بیت) بودر که
زر کرک قوت تخلیله و دماغنده دوات و سلطنت و عزت و ریاست و ایدی
یعنی بوسه سودا به دوشمش ایدی عزرا ییل ایسه دیش ایدی که یوری
ای زر کر پادشاه یانه تحصیل مراد ایچون سود و منفعت کشور رسین

یعنی کتوره من و مراده ایره من سن و بلکه ضرر روزیان کدروب هلاک
اولور سن ز بر ا قضا الله سن سنک ایسه بومعتادن خبرک یوقدر نیکم
علوی نظمنده کلور * صرمشوب چقدی درخت عمره مار اجل *
آشیان تنده یانور بلبل جان بی خبر * و بونده سار مغروران دهره تنیه
واردن نیکم تفاسیرده مسطوردر که ایله برانده جمیع اقصیه ثبت اولنوب
دفتری ملائکه الله و یریلور و نیچه لره که اول سندده موت یازلشدن و غرور
اولوب کز لر و بلکه ناهل ایدوب دنیاه فرزندلری دخی کلور (لحرره)
نوش جام غرور ایدوب بوبله * نجب مست بی شعور اوله سن * ایغی
قالدروب بومجلسدن * عن قریب عازم قبور اوله سن * وله * چکمدن
خط بطلان سطور آماله * بولوحی شسته آب ندامت ایله لم * عجز دهره
ز بون اولمک نه حسنی وار * زمانیدر هله مردانه غیرت ایله لم * بونده
اشارت واردر که قهرا آلهی فی الحقیقه مقهوره متصلدر اگرچه که
ظهوری و فتنه مرهوندن پس بدایته نظر ایتک غایته نظر دن دقیقدر
زیرا غایت بدایتک مرآتیدر هر نه صورتنکه عالم ازاده ثبوت بولمشدر عالم
ایده دخی مرئی اولان اودر و نفس حیوانی فریفته صورت اولوب
سلطنت جسد کوزه دردی فاما عزرا ییل قدرت الله زبون و مقهور اولوب
خلافت روح سلطانی به احسان اولندی یعنی هوایی ازاله ایله تصرف
وجود ظاهر او باطناروحه مفوض اولدی زیراهوی مفسد فی الارض
ایدی که مراد ارض وجوددر پس لکل فرعون موسی حسبنجه هر نفس
کافره رمرشد قهار مسلط اولوب ارض وجودی اصلاح و خزانه لرنی
ضعفایه تسلیم ایلدی *

* چون رسید از راه آن مرد غریب *

* اندر آوردش به پیش شه طیب *

* مرد غریب * دن مراد زر کردر که وطن مألوفی اولان سمرقنددن
مفارقت ایدوب پادشاه ساکن اولدیغی دارالملکه قدوم ایتمشدر
و جائزدر که غریب لفظی شفقت اسلوبی اوزرینه جاری اوله نیکم عرفده
جاری در که مسکین و غریب بنی آدم باشنه نه کلجکین بلز دیرلر (معنای
بیت) بودر که چونکه زر کر مذکور قطع بوادی و مغاوزه و طی مراحل
و منزل ایده رک دار السلطنه داخل اولدی و خصوص اوزرینه صحبت

طیب ایلہ شرف بوالدی طیب آنی حضور شہریاری یہ ایلندی (سؤال
اولنورسہ کہ طیبہ توسلہ وجہ ندر مع هذا مقربان درکامدہ و فرت
وارد (جواب بود کہ بومعنی یعنی زر کرک ابتدا صحبت طیبہ دخولی
باطیبک سپارشدن ناشی و یا بعض اکابر دواتک فی الجملہ سرکاردن
وقوفہ دأردر زیرا جاریہ خصوصندہ حل و عقد و تدبیر و تدارک طیب
الندہ اولدیغن بیلورلدی طیب دخی میانده اولان معاقبہ پادشاهی
اوزرہ زر کرک الن الب حضورینہ ایلندی تکیم عرف ناس اوزرہ منظور
و ملتفت اولنلرہ بووضع اوزرہ تعلیم ایدرلر بونده اشارت وارد کہ روحک
مقامنہ کورہ نفس غریبدر کہ کندی مملکتی دکادر زیرا نفسک مملکتی
جسد و عالم ملکدر و روحک مملکتی عالم ملکوتدر کہ باطن ملکدر و هوای
نفسدن دور دوشوب ابعاد ایلشدی بوسیدن نفس فقد ان مرادات
و اعوز مشتهیات ایلہ زبون و دلفکار ایدی چونکہ هوای نفس حصولہ
کلدی و غربت قربتہ و فرقت و صلہ مبدل اولدی نفسک تربیہ سنہ
موکل اولان مرشد کامل دخی لاجل المصلحہ بوپریشانلری جمع ایدوب
ابتدا حضور روحہ واردی ز برا بوتربہ روحک بدنہ تعلقنہ منوط ایدی
و بردخی مقصود بانذات روحک صلاح حالی ایدی زیرا فی الحقیقہ
غریب اولان روح ایدی کہ نفسک هوا یہ میل تامی حسیلہ وطن
مألوقنہ عودندن مہجور و تصرفات روحانیہ دن بالکلبہ مہجور ایدی
و بونده رمز وارد کہ ذہینک مسجدہ دخولی لا بأسدر انکیچون زرکری
حضور پادشاه ایلندیلر ولکن مسلمک کتبہ یہ دخولی مکروہدر
انکیچون پادشاه کندی مقامندہ پارجا اولدی و بوندن فہم اولنور کہ
نیک اولنلر صحبت بداندن حذر ایتک کرکدر زیرا صحبت مؤثرہ در مکر
لاجل الضرورۃ اولہ تکم سفرده رفاقت ایچون تجوز اولمشدر فاعرف جدا
(لحررہ) اولہ ناجنسبلہ ہر کر مشترک * ہمنشینک کندی جنسکدن کرک

* سوی شاہنشاه بردندش بناز *

* تابسوزدر سرشمع طراز *

* شاہنشادہ * بالادہ بلندی * بردند * جمع ایراد اولندی زیراطیبہ ارکان دولت
و خدام حرم دخی مقارن ایدی و جائزدر کہ جمیت تعظیہ محمول اولہ
* ناز * معروفدر نیاز مقابلندہ مستعملدر * طراز * فارسیدن مریدر و باغاء عرب

بوکله ایلہ تکلم ایلشدر در تکم حسان رضی اللہ عنہ نظمندہ کلور * بیض
الوجوہ کریمۃ احسابہم * شم الانوف من الطراز الاول * طراز قفتان
اوموزنہ و یک اغزنہ التولہ ایتد کاری نقش وزینتہ دیرلر دیار رومدہ
مہجوردر و کاه اولور کہ ہر ذہنک ابوسندہ و یراشقلو وزیا معناسندہ
استعمال اولنور بو محامدہ مراد بودر زیرا شمع جاریہ دن عبا رتدر
عاشق اکا پروانہ اولدیغی جہتدن تکم فہم شعرندہ کلور * صبا حہ
قالہ شمع یوسف آسا اولمہ دامن زن * بزم انکشتز دن دستمز ای ماہ
کو تہدر * بویت پر صنعتندہ فہم سنجک شمع یوسف ایلہ مرادی
زایجادر (معنای بیت) بودر کہ طیب وانکلبہ بعض خدام حرم
واغایان محترم زرکری ناز و نعیم والتفات عظیم ایلہ جانب پادشاهہ
ایلندیلر و اربکۃ جلال قربنہ ایرشدر دیرلر تا کہ زر کر مذکور جاریہ زیبائک
باشی اوزرینہ یانہ و پروانہ کبی اکا یاقلہ حاصلی صحبتیلہ مشرف اولہ
زیرا صحبت شاهہ دخولک مالی بودر برسر یرنہ از سر اولسہ انک
او جندن عاقبتندہ ہلاک اولہ دیمک اولور دی (لحررہ) بازی عشقی
اوبنادی کرچک * شعلہ شمع ایلہ پروانہ * عاشق یارایسک حقیقتندہ * سکا
یانمقدن اکا پروانہ (سؤال اولنورسہ کہ ظاہر کلا مدن فہم اولنور کہ
زر کر جاریہ یہ عاشق اولہ مع هذا امر بالکس در (جواب بودر کہ عاشق
و معشوق میانندہ اولان عشقباز لقی ایکی طرفندر شوقدر واردر کہ
جاریہ دہ متقدم وزر کردہ متأخردر پس ایکسیدہ آتش عشقہ یاغش
و بوی محبتہ بوینشدر و مفتی بحی افندی شعرندہ کلور * بزم عشقہ
نیتکم پروانہ کلدک ای کوکل * یان یاقل اول شمع حسنہ یانہ کلدک ای کوکل *
بوندہ اشارت وارد کہ مشتهیات نفسک حصولی کد ری متعقددر تکم
شمعک ظہوری پروانہ نک ہلاکنہ سبیدر پس تلافی مافات و تلافی
مراداتہ اغتراردن اجتناب لازمدر خصوصاً روح سلطانی نک هوا یہ
مساعداہ سی تزکیۃ نفس ایچون ایدی زیراقابل ازدواج ایدی تزکیہ
ایسہ بومعنی اوزرینہ مہیدر انکیچون ذہین ترک زنی و اعمی ترک نظر
اوزرینہ مأجور اولنلر زیرا مراد لری ازدواجہ صلاحیتلری یوقدر
(لحررہ) کافر زندہ یہ چک شمشیری * دنیلہ نامکہ تاکم غازی * نیچہ
غازی اولور او نامرد کیم * ایتیمہ مہر کہ دہ جانبازی *

شاه دید اورا بسی تعظیم کرد *

مخزن زر را بد و تسلیم کرد *

* تعظیم * بورا ده تهكمه محمولدر و حدیث شده کلور (اگر موا
سفهاء کم فانهم بقوونکم العارفی الدنیا والنار فی الاخرة) بوحدیث شده
اشارت واردر که تعذیب اهل نارتعیم اهل جسته شرطدرنتکم احیاده
مسطوردر * مخزن * خزینه یعنی اموال نفیسه طوردیخی یردر خزانه ده دیرل
کسرله (معنای بیت) بودر که زر کر پادشاهک مواجهه سنه کلدکه
پادشاه زر کری کوروب تهکما تعظیم ویا لاجل المصلحه توقیر و تکریم
ایلدی و تعظیمک اثری بو اولدیکه اکالتون خزانه سنی تسلیم ایلدی یعنی
سالم وخالص قیلدی مراد چوق مال ویردی وآن دوات عظما به
ابر کوردی دیمکدر یعنی مقدا یاغنه ارسال ایتدیکی عطا اوزرینه
مضاعف قلدی زیر ابدل مالی تحصیل مراده وسیله بلدی نتکم دیمشردر
(الدرهم لجروح الدرهم) و بونده اشارت واردر که زر کره
زربخش ایتک مناسب اولدیخی کی تا که انکله انواع زیب واولان زینت
سازاوله کذلک هوا به دخی اول وجهله مساعدده ایتک هوا به محبوبدر
تا که انکله کونا کون مشتهیات اجتهلاب ورنکارنک ملتمات اکتساب
ایلیه نتکم قرآنده کلور (زین للناس حب الشهوات من النساء والبنین
والقنا طیر المقنطرة من الذهب والفضة) الآیه نساء تقدیم اولندی
زیرا مصب شهوت اولد یغندن ماعداسبب مفاخرت اولان اولاد
و ذکورک مصدریدر و ذهاب فضه اوزرینه تقدیم اولندی زیرا
مسکوی قلیل الداره وکثیر الفاسده در * و بوندن فهم اولنور که نفس
حیوانی حب زینت اوزرینه محبوبدر بناء علی هذا صورة نفس اولان
خواتین دخی زیب وزینته مائلار و نعمته حریصلردر و حدیث شده کلور که
(اطلعت فی الجنة فاذا اقل اهلها النساء فقلت این النساء فقیل شغلن
الاجران الذهب والزعفران) یعنی الخلی و مصبوغات الثیاب بونده
رمز واردر که نسادن تزکیه ایتش و جنت قلبه دخول ایتش نادر و بلکه
مطلقا صلاح پذیر اولش نفس قیلدر (سؤال اولنور سه که ذهب و حریر
ایله زین ایتک اثاث امته حلال و ذکوره حرام اولد یغنسک سری ندر
(جواب بودر که نساء عالم ملکدن اولان نفس حیوانی و جسد انسانی به

* اشارت *

اشارت اولمغله مرتبه شر بعتمده فی الجملة تزینت رخصت ویرادی زیرا
عالم ملک عالم صفاتک صور تیدر و صفات ذاته لباسدر پس ظ هر حال
زینتدن عبارتدر فاما رجال عالم ملکوتدن اولان روح سلطانی به اشارت
اولمغله مرتبه حقیقتده تعلقات اکوانه اذن ویرلدی اگرچه روح دخی
لباس تقوالیه ملبوس و زینت اخلاقله متریندر نتکم بین المشیخ لباس خرقة
دخی بومعنی اوزرینه دائردر الحاصل روحک صفتی مجرد و نفسک صفتی
تلبسدر و لیکن تلبسک حدی اولمغله اسرافدن نهی اولندی و بومقامده
اسراف اودر که تلبس ایتک مجرد نفس ایچون اوله انکیچون قطع
علاقات ایتده تشدید ایدرل مجرد تلبسدن منع ایتزل زیرا مرتبه
جسدک و بلکه مرتبه صفاتک حکمنی رعایت ایدرل پس روح روانی
زر تعلقاتدن تجرید و معظم مشتهیات اولان اکواندن تخلص لار مدر
تا که سیم صفات حقانیه و اخلاق ربانیه ایله مترین اولوب تحلیل و تعفیدک
سری ظهوره کله و بوندن مخزن زری زر کره تسلیمن جاری بی زر کره
تسلیم دخی اشارت واردر نتکم کله کر کر زیرا زر زینته اشارت
در که زن انک مخزنیدر * ع * زن دیمک عالمده زینتدن عبارتدر همان *

* پس حکیمش گفت کای سلطان مه *

* آن کنیزک را بدین خواجه بده *

* خواجه * در مراد زر کردر بوراده حسن موقعی واردر زیرا بای
مناسنه کلور که مالکیت انک اواز مندر لغات مشترکه دن اولان افندی
لفظنه قریبدر زیرا افندی اصلنده مالک العبد دیمکدر بوراده دخی زر کره
خواجه دیمک مالده مالک کنیزک اولمق حسبیه در مع هذا بحسب الطهر
عزتی دخی واردر (معنای بیت) بودر که پس حکم پادشاهه خطاب
ایدوب دیدیکه ای اولو سلطان اول جاریه بی بو عزیز و شریفه تملک ایله
ولیکن بو کلام زر کر حضورنده دکل ایدی نتکم بیت آتی اکافرینه در
مکر سرا اوله و لیکن بعد در و جازدر که بیت آتی نک مضمونی واقعی بیان
طریقیه له مولانا طرفندن اوله نتکم نظاری مرور ایتشدر بو صورتده
حضور زر کرده اولمغله مانع بو قدر حکیم ایله پادشاهه قضیه معهود
اولمغله او قدر دیمک کفایت ایلر پس بو کلام پادشاهک برنوع عطاسنی
دخی استیلا به اشارت ایلر زیرا تملک جاریه مقدا ایتدیکی انواع انعامی

تکمیل یابند ندر بونده اشارت وارد در که روح سلطانی اولو سلطانی ندر
زیرا اقلیم وجودك شهر یاری و مملکت حسدك تا جدا ریدر
زیرا زمام تصرفات بدنده و جمیع تدبیرات آنك رأینده در نقدر
خدام وجود واریسه اکا مسخر و طوعا و کرها فرمان بردر انکیچون
باغی هوای دردست و آخر الامر شکست ایلدی و نفس حیوانی تلویندن
خلاص اولوب پادشاه ایچون مستخلص اولدی شوقدر واردر که
هرکار صعب و دشوارك حصولی (وابتغوا الیه الوسيلة) مضمونی اوزره
برعاقلاک تدبیرنه منوط و برکاملک ارشادنه مربوطدر ولیکن بوتدبیروارشد
امر خارج اعتباریه استقلال روحی منافی دکلدر و بونده بر اشارت دخی
بودر که نفس اماره اوصاف رذیله دن تزکیه بولمقد قبحه هوی الزنده اسیردر
و هالک حکمنده در انکیچون حدیثده کلور (نفس عبدالبشر و عبد
الدرهم و عبدالخبیصة) ولیکن تعلقدن صکره نجر دایمک تجرد اصالدن
من وجه افضلدر زیر اسماء متقابله اوزرینه جاریدر انکیچون انبیاء
علیهم السلام و بعض اولیاء کرام قدس الله اسرارهم اگرچه که فطرت
اصلیه اوزرینه مفطور و امور مانعدن محفوظ ایدیلر ولیکن انتها
عمرهك ترقیات جلیله ایلله شرفیاب ایدیلر و قرآنده بونلره نسبتله ذکر
اولنان عفو و مغفرت بوسره دأردر اگرچه که عوام و خواصك ذنوبی
میاننده فرق عظیم واردر عفو دخی بوکافیاس اولانه مواقع زالدندر
فحفظ (لحرره) * نظرندن بواهل ناسوتك * بوجه دررتبه اهل ملکوت *

سرنی بلبیکک معنائک * لغنائی آله دله ایلله سکوت *

* ناکنیزك درو صالاش خوش شود *

* آب و صلش دفع آن آتش شود *

* دفع * بوراده دافع معنائنه در عدل عادل معنائنه اولدیغی کبی
(معنای بیت) بودر که تا که جاریه زر کرک و صائنده خوش اوله یعنی
زر کرک آب و صلی جاریه نک آتش عشقی حرارتی دفع ایدیچی
وسیوندریچی اوله الحاصل بوسیله جاریه خسته لکدن شفا بوله زیرا
دبملدر که (لفاء المحبوب شفاء القلوب) بونده وصلت معشوقی آبه
و حرارت عشق عاشقی آنشده تشبیه واردر زیرا تسکینده مشرکدر
ولیکن وصالله منطقی اولان آتش هجران آنشیدر و الاحاطت وصالده

غلیان محبت افزون اولمقد درنتکم خواجه حافظ دیواننده کلور
* بایلی برککلی خوش رنگ درمنقار داشت * و اندران برک و نواخوش
ناهار زار داشت * کفتمش درعین وصل این ناله و فریاد چیست * کفت
مارا جلوه معشوق در این کار داشت * وینه خواجه کلماتنده کلور * عشق
توفهال حیرت آمد * وصل تو کمال حیرت آمد * و فهم اشعارنده کلور *
ینه فرقتده در عاشق اولور سه بارله یک تن * فلک بیهوده قیسی وادی
هجرانه صالمشدر * نتکم بالاده شرح اولمشدر و بومقامک سرنه اشارت
ایدوب حدیثده کلور (رب زدنی بحیرافیک) زیرا وجه معشوقده اولان
تجلیاته نهایت یوق و نظر عاشقده اسباب حیرت یک چوقدر انکیچون
سیرالی آلهه غایت یوقدر پس انجذاب روحانی نه وجهله انجام رسیده
اولور (لحرره) سیررو بکدن اولسه هرکم سیر * کافر عشقدر هوایه
اسیر * بلین کسه اغرنک دادن * نیچه فرق ایده ندر سیرله سیر * و بونده اشارت
واردر که نفس حیوانی مراد اتندن دوروشه و اتندن مهجور دوشده کجه
خسته دل او اور و جسد جهتمدن دخی ذبول بو اورز بر انضارت و امتلاسی
کثرت دم و دمک دخی قوتی و فرت مشرب و مطعم ایلدر و هر چند که
آرزو منقطع اوله و ریاضتله بدن اعتدال بوله دم برینه نور آلهی بدل کلور
بوجهتمدن قوت قدسیه زیاده او اور و کمال بولور

* شه بدو بخشید آن مه روی را *

* جفت کرد آن هر دو صحبت جوی را *

* مه روی * دن مراد جاریه در یوزنی بهجت و بهما و اشراق و ضیا
و تدویر و استواده ماهه تشبیه ایلدی و الا فی نفس الامر وجه محبوب
ماهه ندن بکر که ماهده اسباب حسندن ذکر اولنان جهت جامعندن
غیری یوقدر نتکم محمدیه ده کلور * کنش یا خود ملاحتده ندن بکر
حلاوتده * چوزلفی کوزی قاشی یوق مدور نسته در بی داد * و بوتشبه
اعتبار ماکان ایلدر که بو بوزدن پادشاه اکا عاشق اولمشدر و الاجاریه
دخی عشق زر کردن صراروب صولش و کمال تغیر بولش ایدی هر دو
صحبت جوی دن مراد جاریه و زر کردر ولیکن جاریه نک صحبت جوی
اولدیغی بالفعل و زر کر بالقوه در که هنوز جاریه دخی خبر ایدی زیرا
جاریه سمرقنده ایکن ایکی طرفدن عشقبازی اولدیغی مسکوت عنه در

ولو سلم زر کر جاریه نک صحبت شاهده اولدیغی بلزدی پس بالفعل نیچه
طالب صحبت اولور شو قدر وارد که بالاده اشارت اولندیغی اوزره
حکیمک پادشاهه جاریه مذکور بی تعلیمه متعلق اولان مقاله سی زر کر
حضورنده محقق اولور سه مدعی دخی ثابت اولور (معنای بیت) بودر که
پادشاه حکیمک رأی و تدبیر به عمل ایدوب اول ماه روی اولان جاریه بی
زر کره بخش و عطا ایلوب اول ایکی صحبت جو بی بری برینه جفت
و مقارن قلدی پس بونده جفتدن مراد مطلق مقارن و منضم دیکدر
یو خسه نکاح طریقله اولان ازدواج معناسنه دکلدر زیر بخشیدلفظندن
مفهوم اولان هبه و تعلیمکدر و ایکی قریندن هر برینه جفت و زوج اطلاق
اولور کرک نکاح له اولسون و کرک غیر وجهله ایکی نعله و ایکی خفه
زوجان دینلور فارسیده جفت دخی ضمه بویه در بونده اشارت واردر که
نفس حیوانی روح سلطانی معاونتی و حکیم الهی اشارتیه مرادی
اولان هوایه واصل اولدی و نفس حیوانی هوایه عاشق اولدیغی کبی
هوی دخی نفسه طالب ایدی زیرا ایکیسی بری برینه غدا کبی ایدی
و دیشلر در که (الرزق یطلبنی والرزق اطلبه) و نفس حیوانی
خدمت روحده جاریه مقوله سی کبی اولغله هوایه بحسب الظاهر تملیک
طریقله و برادی نکاح طریقله دکل زیرا نکاحده شرف واردر هوانک
نفس تصرفی ایه طریق شرعدن مرخص دکلدر اگر چه که فی الحقیقه تملیک
دخی صحیح دکلدر زیرا نفسی هوایه تملیک ایتمک افساد قیلنددر که مساله
جاریه بی کافره هبه کبیدر و مساله اولان خاتونلرک کفار الینه و قوی
بطریق الاسرار و القسر در یو خسه اختیار له دکل الحاصل نفس انسانی
ترکیه قبول ایتمک کجه هوایه مائل و آنک تصرفنده در زیر هوانک اوزرینه
استیلاء نامی واردر قیچن که مطمنه اوله روحله بطریق النکاح ازدواجده
صالح اولور پس بوندن فهم اولور که نفسله هوانک ازدواجی مجازی
و روحله حقیقیدر زیرا نفسله جسد و روحه کوره قلبه کوره سمعه بصیر کبیدر
یعنی نفس و جسد حقیقنده روح ایچون خلق اولمشدر سمع و بصیر قلب
ایچون خلق اولندیغی کبی پس نفس روحک انشائی کبیدر یعنی بو عالم
ناسوته کوره نیکم بو عالمک فوقنده اولان عوالمک هر برینه کوره دخی
ذکر و اثباتی مرتبه لری واردر زیرا مجموع عوالم حقیقنده فاعله و حقیقت

قابله دن عبارتدر (لحرره) اولمسیدی جهسانده مردله زن *
نیچه فرزندله بو اور دی دوزن *

* مدت شش ماه می رانند کام *

* تا بصحت آمد آن دختر تمام *

* مدت * و زمان و وقتک فرقی بودر که مدت مطلقه حرکت فلیکک
امتدادیدر ابتدادن انتهایه دک زمان ایه ماضی و حال و مستقبله
مقسوم اولان مدتدر وقت بر خصوصیم چون فرض و تقدیر اولتان زماندر
* کام * کاف عربیله مراد معناسنه در و طباق معناسنه اولان کام دخی
بویه در فاما اولکه ادم یعنی خطوه معناسنه در کاف عجمیه در * دختر *
قردر یعنی ار کور مدک عورت بوراده جائزدر که حقیقته محمول اوله
بو صورتده مناقله ابادی ایلله پادشاهه کلنجه مس بشردن بری اولمش اولور
نتیجه آسیده و زایجا حقیقده دخی بکار تلمنه متعلق کلام واردر و زید بن حارثه نک
خاتونی زینب حقیقده دخی بعض اهل معرفت ذاهب اولمشلر در کر چه
رسول الله صلی الله علیه وسلم زینبی ثیب اولیق اوزره تزوج ایلشیدی
ولیکن بکر اولیق احتمالی دخی و ارایدی زبازید مذکور رضی الله عنه
بعض اماراتله زینب رضی الله عنهانک رسول الله انتقال ایده جکن
بیایدوردی و جائزدر که دختر تعبیری جاریه نک حداث سنی حسبیه
اوله (لحرره) نو عروس جهسان حسن ایدی * دکمشدی تلمنه
کس انک * یادال دکسون دیو دوران * حریمه قومشدی سلطانک *
زر خالص دیو دوشدی زر کر * اوستنه آخر اونقد جاک (معنای بیت)
بودر که الی آی قدر زمان زر کر ابله جاریه مراد سور دیلر و دوستکام مقصوده
ایر دیلر تا که اول قرشر بت وصلت و معالجه صحبت ابله تمام صحت کلدی یعنی
صحتده اولی حالته عودت ایلدی و مرضدن اصلا ارقالمدی (لحرره)
ینه ایردی بهساری اول کوزنک * سبزه جسته ایرشدی فر * پرورش
بولدی آب و صلاه چون * آبد بتدی صانکه نیلوفر * الی آی توقینک
بر قاج و جهله حکمتی واردر (اولکیسی بودر که مدت مذکوره ایام سته نک
تفسیلدر نیکم قرآده کلر (خلق السموات والارض فی ستة ایام)
یعنی ارضی و منافعنی و سمواتی ایام آخرتدن الی کونده خلق ایلدی که
اللی بیک یلدر نیکم قرآنده کلور (وان بو ما عند ربک کالف سنه

مما تدون) پس الی آی ایام دنیا کوره الی کونک تفصیل سیدر که
بوالی کونده عالم اجسام تمام اولمش و خلقت جهتند ن کال بولمشدر
الحاصل عالم آفاقک تمام خلقتی الی کون اوزرینه موقوف اولمغه عالم
انفسک کال صحتی دخی بومدت اوزرینه موقوف اولدی ولیکن الی
کون بحسب الحقیقه مدت مدیده به مفصل و دهر طویله منقسم اولمغه
بحسب الظاهر الی آیه تنزیل اولندی بو صورته الی کون ظاهر ده
اجمال و باطنده تفصیل و الی آی ایسه بونک عکسی اولدی قافهم جدا
(ایکنجیسی بودر که الی آی مدت حلاک اقلیدر که بومدتده جنین اولانه
استکمال جسد و صحت نسب حاصل اولور نتکم قرآنده کلور
(وحله و فصاله ثلثون شهرا) ذرا اوتوز آیک یکر می دردی مدت
رضاع ایچون اخراج اولنجیق حل ایچون الی آی باقی قالور نتکم کتب
فقهیه ده تفصیل و تفاسیرده دخی تبیین اولمشدر و بومدت دخی ایام سته
سری اوزرینه دأردر (اوچنجیسی بودر که نفس ملهه نك رؤیایله
عملک غایتیدر و فخر عالم صلی الله علیه وسلم الی آی رؤیایله عمل
ابتد کلر نك سری بالاده اشارت اولمشدر (در دنجیسی بودر که حقیقت
ذکورت و حقیقت انوثتک مدت ظهوریدر نتکم امیر خسرو دهلوی نك
دریای ابرار نام نظمده کلور * بهر این مر دار چندت کاه زاری کا زور
* چون غلیواجی که شش مه ماده و شش مه ترست * غلیواج زغندر
یعنی چایاق که دولنج دخی دبر لر زغنده بو حقیقت الی آیده بروخر
کوس ده سته برواقع اولور یعنی چایاق الی آی ارکک و الی آی دیشی
اولدیغی کبی طوشان بریل ارکک و بریل دیشی اولور الحاصل
زغنگ الی آیدن صکره انوثتی ظاهر اولدیغی کبی جاریه نك دخی الی
آیده حقیقت انوثتی ظاهر اولدیکه بومدتدن صکره کال استماعه محل
اولدی * و بوندن فهم اولور که صحت وجود و استکمال بدن حاصل
اولد قبحه تسلیک و تربیه ممکن دکدر انکیچون الله تعالی بلاوغدن مقدم
تکلیف ایتمدی تا که استکمال جسد حاصل اولوب بار امانتی تکمله
مجال اوله ناباغ اولان ذوق جماعتدن بر بهره اولدیغی کبی مختل المزاج
اولان دخی ذوق و صلتدن بی نصیدر انکیچون مرشد کامل ابتهدا
اصلاح طبیعت ایله معالجه ایدر فاما آنک که بعض عوارض حسیه ایله

طبیعت اولاسی متغیر اولاش و اعتدل مزاجی اختلال بولمشدر آنک
سلوکنه امکان یوقدر مزاج اوله تحویل ایتک ممکن اوله زیرا مزاج
آلت و مطیه در بی مطیه اولان کسسه بو قهرله دور و دراز منزله واصل
اولق کوچدر و نفس حیوانیدن دخترله تعبیر ایلدی زیرا روحه
کوره حدوتی قریب العهد در یعنی ارواحک عهدی متقدم و مدت
طویلدر مکر ارواح جزیه اوله که ایلر نفس حیوانی مرتبه سنده در
بعد ازان از بهر او شربت بساخت

نابخورد و بیش دخترمی کداخت

* شربت * مشروب ههنا سته در شراب کبی کداختن اربمکدر
فلزات ارضک اریسه سی کبی بورا ده تشبیه طریقیله واقعدر
(معنای بیت) بودر که الی آی کچوب جاریه صحت کامله بواقدن صکره
حکیم مزبور زر کر مسطور ایچون شربت دوزدی تاآنی ایچدی
و جاریه حضورنده اریدی یعنی شربتک تأثیرندن جاریه نك کوزینه
قرشوتدر بجه جالی صولدی و لحم و شحمی قالمدی زیرا بو حالته
جاریه مطلع اولور و جهله اولسه زر کر دن علاقه سن کسلن
و مصلحت حاصل اولمزدی بوسیدن حکیم زر کری دعوت ایتدروب
جاریه نك ایاغنه کتوردی اول امر دن جاریه به غیره معالجه صدنده
اولدی و یازر کری کندی مقامنده بر طریقیله اهلاک ایلدی زیرا مفید
دکل ایدی * و بونده اشارت واردر که نفس اماره هوایه مائل و عاقبت
کاردن غافل اولمغه مستقیجات دنیا اکامستحسن کورینور و بوسیدن
عاشق کبی اول زشت رویه سورینوردی صکره حکیم آلهی اکا شربت
ارشاد و ریاضت ایچروب ندر بجهله اول ورطه دن تخیص ایلدی
و چشمنده پرده مجازی ازاله ایدوب حقیقت بیناقلدی * پس بو شربت
فی نفس الامر نفس ایلدی ولیکن هوایه اسند اولندی زیرا هوا نك رنگی
متغیر اولوب حسنی قبحه مبدل اولق تأثیر شربت کبی رمقنادر و بصورت
نفسک مزاجه سنده واقع اولدی را خبر معاینه کبی دکدر نتکم
قرآنده کلور (سنز بهم آیاتنا فی الآفاق) و بر موضعه کلور (کمثل
غیث اعجب الکفار نباته فتراه مصفرا ثم یکون حطاما) و بومعالله دن
شربت ایله تعبیر ایلدی زیرا شربت اصلاح درون ایچوندر مرض

نفس ایسه امر باطنی در و بمقام ندر که جای نوس باشد اولان
مرضه غرقه و معده اولانه قی ابله و بدنده اولانه اسهال بطنه
وما بین الجاده اولانه عرق ابله و داخل عروقده اولانه ارسال دم ابله
معالجه ایدر دی (لحرره) مرض نفسه علاج اتمکیچون * نوش
ایدن شربت ارشاد * غم دردیه کز کن معوم * اوله در مان
دل ابله شن وشاد * و بونده بر اشارت دخی بودر که حکیم آکھی نک
نفسه ایچوردیکی شربت تلخ ایدی زیرا داروی شیرینک نفی بوق و بلکه
از دیاد مرضه سیدر نتمک بوستافده کلور * و بالست دادن برنجور قند *
داروی تلخش بود سود مند * و اولکه مرضی مشتبه با سندن منع
ایتمکدن نهی اولمشدر بالکلیه منع نمج و لدر زیر بدنی نهادن بالکلیه
قطع ایتمک حکمتدن دکادر بوسیدندر که مشایخ طریقت قلیل خدا ابله
تربیه ده تدریجه رعایت ایدر لر زیر بدن و نفس مطیه کبیر فافهم جدا *
* چون زر نجوری جمال او نماند *

* جان د ختر در وبال او نماند *

* وبال * ضرر و زیان ویرا مزلق و شدت و ثقلت معنای کلور (معنای
بیت) بودر که چون زر کر خسته لکدن حسن و جمالی قالدی و تأثیر
شر بدن خزان کبی شکوفه رونق و بهاسی صوادی دخترک جانی آنک
ضرر و زیانده قالدی یعنی زر کرک آینه رخسارنده صورت جمال جلوه کر
اولغله دختر اکابا فوب عاشق اولش و بوعشق مجازی سبیل و باله و شمش
ایدی شمدی سبب ارتباط منقطع اولغله و بادن خلاص اولدی نتمک
زهر شعرنده کلور * صحاح القلب عن سلمی و اقصر باطنه * و عری افراس
الصبی رواحله * بعد ذا بوکلامه اشارات وارد در (اولکیسی بودر که
جاریه نک زر کره سبب تعشق زر کرک حسن و جمالی ایدی کرک فی نفس
الامر اولسون و کرک جاریه نک نظری حسیه اولسون نتمک ملوک
عربدن بری لیلی بی سیه فام و ضعیف اندام اولدیغنه بناء استحقار
ایتمکده مجنون فراستله فهم ایلوب دیدیکه ای پادشاه جمال لیلی به
در یچه چشم مجنوندن نظر کرکدر تا که انک سر مشا هده سی سنک
اوزر بیکه تجلی ابله * تا ترا حالی نباشد همچوما * حال مابا شد ترا
افسانه پیش * (ایکنجیسی بودر که مستحسنتات دنیا اکثر ناسک ضلالتله

باعشر نتمک قرآنده کلور (رب انهن اضلن کثیرا من الناس) او پنجیسی
بودر که حکیم آلهینک شربت ارشاد و داروی ریاضیه نفسک
بصیرتی آچلوب مستحسنتات دنیا مستحیجات و مشتهیات مستقذرات
کور نمکله و بال تعلق و ضرر تنزدن خلاص اولدی و ماسوایه تعاق
ایتمک اهل الله حرامدر نتمک حدیثده کلور (الدنبا حرام علی اهل الآخرة
والآخرة حرام علی اهل الدنيا و هما حرامان علی اهل الله) و حرامی ارتکاب
خود ضرر و زیانی واردر که دنیا و آخرتده بعد حق و حجاب جمال مطلقدر
(درد نجیسی بودر که و بالدن مطلقا خلاصه وسیله لازمدر و اول
وسيله ظاهرده علماء شریعت و باطنده مشایخ طریقتدر نتمک قرآنده
کلور (واستغوا الیه الوسيلة) و بر موضعه دخی کلور (و یزکبهم و یعلمهم
الکتاب) (لحرره) * شاد باد آن روح پاک مرشدی * که نمایان شد
از ان راه هدی * هر که بتواند باصلاح دلم * باد جانش رادل و جانم فدی
* چونکه زشت و ناخوش ورخ زرشد *

* اندک اندک در دل او سرد شد *

* اندک * ده اند لفظی نیچه معناسنه عدد مجهولدن عبارت بر اسمدر
کاف تصغیر ایچون در اندک اذا جق دیمکدر و لیکن صکره مطلقا
آزمعناسنه استعمال اولدی کاف تصغیر لاحق اولان کلمات فارسیه نک
اکثری بویه در یعنی معنای تصغیردن منسلخدر کینزک و امثالی کبی
(معنای بیت) بودر چونکه زر کر چرکین و ناخوش ورخ زرد اولدی
یعنی تأثیر شر بدن یوزی سرردی و رونقی قالدی آزا زجاریه نک کوکلنده
سرد اولدی یعنی صوغیدی و گرمیت عشق و محبت قالدی بوندن فهم
اولنور که زر کر بر او غوردن هلاک اولدی تا که تدر یجمله جاریه نک
قلبنده برودت حاصل اوله و عشقبا زلقدن فنا بوله والا اثر حسن باقی
ایکن هلاک اولدی قی جاریه نک عودت مرضه سیدر نتمک خفی دکادر
حیوة الحیوان نام کتابده کلور که زمان نوح علیه السلامده بر کبوتر یچه
ناگاه گرفتار نیچه شاهین اولغله الی قیام الساعه کبوتر لک ایچون
نوحه و ماتم ایدر (لحرره) محور چرخ کیدی جانمندن * بواصابتده
واقع اولدی غلط * نامه هجر دیونوک مرهم * صحفه خدی یازدی خونله خط *
بونده اشارت وارددر که کرچه نفسک کالی فرق یلمده حاصل اولور

فاما آنچه جوانان را در که از زمانه جوق وجهله بهره مند اولور
 وقطع علاقات وطی مسافانده پیرلی تقدم ایدرلر تنکیم صائب شعرنده
 کلور * ریشه نخل کهن سال از جوان افزون ترست * بیشتر دایستی
 باشد بدینا پیرا * و نه انک اشعارند در که کلور * دل ز دنیا زدتر گردد
 جوان راخنک * کهنکی از سردی آبست مانع کوزه را * و بومعنايه
 قریدر او که دیشلردر * اتانی هواها قبل از اعرف الهوی * فصاف
 قلبا خالیا فتمکنا * و بوندن فهم اولور که تسلیک و تربیه صد دنده
 اولور تدریج و تانی به رعایت ایتمک کر کدر ز را قان سودا اولغه مهلت
 استر و مریدلر دخی استعجال ایتمه ز بر اقبل استکمال الجسد نفخ روح
 اولم از و بودخی فهم اولور که عیوب نفسی بصیر اولان می شد نفسی
 شعوری اولین وجهله ترکیه ایدر همان خلاص اولدیغن کور را کرچه که
 مقاسات شداند ایتمدن خالی دکلدر و نفس اماره مشهتاتک قبضه حقیقت
 اوزره مطاع اولد فیه اتباع هوایه عودت ایتمک احتمالی غالبدر نتکم
 نیچه ل اوائل مطبئه دن بله کری دوغمشلر و بادیه بلاد قالمشلردر
 پس کشف صحیح و عیان صریح کر کدر تا که حقیقه الحال معلوم اولوب
 بردخی خلافتیه توجه و اقبال کلیه نتکم حضرت هدایی قدس سره
 کلماتده کلور * کثرت اموجه الدانور صائمه * وحدت دریاسنه کیروب کلنلر *
 * بردخی فایه نظر ایلز * حقیقت دیدارنی کوروب کلنلر * الحاصل مرصده
 نکسه اولدیغی کبی سلو کده دخی رجوع وارددر انکیچون مقصود حاصل
 اولدی دینلرک اکثری مرتد اولمشلر و تنزل عظیم بولمشلردر اگر مقصود
 حاصل اولسه شهواته رجوع بولمزدی زیرا عارفلر دیشلردر که
 (الفانی لایرد الی اوصافه) بعد ذامثنویدن ذکر اولنان ایات ثلثه سر
 داستاندلر نتکم واقف اسرار اولنلره روشندلر

عشقهای کز پی رنکی بود *

عشق نبود عاقبت نکی بود *

* عاقبت * عقبنددر که مؤخر الرجل معناسنه در صکره هر نسنه نک
 آخرنه اطلاق اولندی (معنای بیت) بودر که عشق و محبت و سودا لره که
 رنک ولوندن اوتوری اوله بلیک رنک و بوی کله عشق و سوداسی کبی
 حقیقته عشق اولم از بلکه آخر عیب و عمار اولور زیرا متعلقاتی تغیر

و تبدل بولمغه زوال قبول ایدر پس رنک و بویه الدائق زنان صورت
 اسیرک حایدر که معنی و مالدن غافلدر و هدایی کلماتده کلور * کلک
 رنکینه الدانده کچه کور * و صاحب الحمدیه بیورر * صفات حسنه باغفل
 ولی حسن صفاته باق * یعنی مظاهر اسما و صفاته نظر ایلز ز را مظاهره
 عالم کثردن و کثرت دخی ترکیدن ناشیه بدر و جمیع مرکبات غایتنده
 مفرداته منحل اولسه کر کدر که عندالمکملین جز لایجزی و عندالصوفیه
 وحدتدر و بوانحلال ایلز حسن ترکیب زائل اولور بلکه مظاهره
 ظاهر اولان حسن ازلی به ناظر اوله که عالم وحدته ناظر در و تغیر و تبدل
 قبول ایتمز زیرا افراد و ترکیدن بریدر انکیچون دیشلردر که (آلان علی
 ماکان علیه) پس اسیر صورت اولنلر معناتک ظهورنده صورته
 ایتد کلری تعلقدن شرمسار اولورلر نتکم شرمسار عریده کلور * و ماغرنی
 الاخصاب بکفها * و کلل بعینیهها واثوابها الصفر * و کلماتده کلور * پس
 قامت خوش که زیر چادر باشد * چون باز کنی مادر مادر باشد *
 یعنی چادر مادرک حالی ظاهر بین اولانه مستور اولمغه تعلق ایدر
 و معشوقه اولمغه سزا قیاس ایلز چون اول پرده زائل و حجاب منکشف
 اوله تعلق خصوصنده کندی نفسنه اوم ایدر پس نقد رما کولات
 و مشروبات و ملبوسات و منکوحات و مرکبات و امثالیه الی اشیا و ارایسه
 جمله سنک حالی بو کا قیاس اولنه نتکم بعض امثله مشویده دخی
 محبندده درج اولمشلدر * و بونده اشارت وارددر که عشق مجازی نیک صوکی
 ندامت در مکر که عشق حقیقی به مبدل اوله نتکم بالاده شرح اولمشلدر
 و نفس حیوانی عشق مجازی نک مضرتن بلزایکن هوی اوچندن مرص
 اولدی و آنقالدیکه بومر ضدن هلاک اوله صکره توفیق باری ایلز مرشد کامل
 و حکیم الهی تربیه سنه داخل اولد قده تدریجیه صحت وجود بولدی
 و هوی یرینه هدی کلدی و مقدم ایتدیکی تعشق و تعلقدن اوتندی
 زیرا حرم سلطانه لایق اولان کسه نک تعلقه صالح اولین اجانبه میل
 ایتمه سی قباحت عظیمه در و بومقام دندر که شیخ شبلی قدس سر بیورر
 (واسو و آناه وان عفوت) یعنی مقدم که کناهک قیاسا حق بلوب
 تزین نفس و شیطان ابله جرائم صادر اولمش ایدی بو دفعه حقیقه
 الحال معلوم و بلکه مشهود اولوب رجوع و استغفار حسبیه کرچه

عفو و مغفرت تعلق ایندی فاما ینہ بزعار ایچنده قالدق ز برا مغفواولان
کستا خلفلک صاحبوز پس بوندن فهم اولاندیکه انسان اول امر دن
کندنی محافظه ایتمک کر کدر نتمک اشغه ده کلور و سلو کده حضرت احدیه
مرتبه سنه وصول بولنجه یوللرده یعنی مرور ابتدکی اجسام وارواح
و علوم و معارف براز خندن بر نسنه ایله مقید اولیه زیرا صکره
بی حجاب اولنلری کورد کده بحبایده قاور الحاصل ماس وای حق
مطلقا تعلقه صالح دکدر (لحرره) قاله نفسک برز خنده س الیکاپول
آله کور * نیچه برغر بنده سن واروب وطنده قاله کور *

* کاش کان هم نیک بودی یکسری *

* تازفتی بروی آن بد داوری *

* کاش * ادات تمیدر کاشکی کبی عرب لیت دبر نتمک باقی شعرنده کلور
* کوش سنک خبرلک المغه واسه چاره من * کاش قولاغیر قدر ایلیه لردی
پاره من * یکسری * براوغوردن ترکیده برباش دیرلر * داور * حاکم وقاضی
معناسنه در اخرنده یا مصدریه در داوری بد حکومت دیمکدر که زر کر
کوره قتل سوء القضا اولغله بد حکومت ایله تعبیر ایلدی پس حکم
حکیم ده بدلک یوقدر بلکه خیر محض در شر اولدیغی مقضی علیه
نسبتله مقضینک مره و مکروه اولمسیله در (معنای بیت) بودر که نولایدیکه
رنک و بوی ایچون سود از هم براغوردن و اول امر دن عار و عیب
اولایدی یعنی قبحی ظهور تام بولایدی تا که زر کرک اوزرینه مقضی
سؤکتیددی وقضا قلیجی آئی قطع ایتمیدی یعنی اول امر دن زر کر
ایله جاریه میاننده بومجازی عشق زاق اولمسیدی صوک دمه زر کر
جانندن ایرلزدی و باشلرینه بو حالر کلزدی فاما هر اتصالک برانقطاعی
اولق حسیله لاجرم ضروری جدالق اقتضا ایلدی و طرفین و وسیله
اولان حکیم دخی کارانجامه ایرشجه زحمت چکدی انکیچون دیمشلدرد
* الفت همچو الف هیچ با کسی * تابسته الم نشوی وقت انقطاع *

فقهاء دیمش لردر که متوضی اولان کسنه برالتک بلاکی ایله اوبر ذراعنی
مسح ایتمک کر کدر بلکه ماء جدید ایله غسل ایتمک لازمدر فاما بومعنی
هر کسه میسر اولماز یعنی انسان اسماء متقابله مقتضا سنجه آلاشدن
خالی دکدر فطرت اصلیه اوزرینه جریان ایتمک هر کسه میسر دکدر
بناء علی هذا بو فطرتک اثری ظهور ایدنجه ریاضت چکلور و وجود
انسان مجاهده پوته سنده یا نوب یا قیلور و لکن سوز مآلده طهارت بولمده در
کرک مقدم تلوث اولسون و کرک اولسون نتمک نیچه محروم البدایه
اولنلر مرزوقی النهایه اولمش لردر مالک بن دینار و فضیل بن عیاض
و ابراهیم بن ادهم و غیریلر کبی قدس الله اسرارهم و آی اول قیود
اهلنه که چاه طبیعتده محبوس او اب قالمشلر و سجن بشریتده اسیر
نفس اولوب بلای سیاه ایله مبتلی اولمشلردر و دیمشلدردر که برکسه نک
همتی برامرک حصوانه تعلق ایلسه یا دنیاده و یا آخرتده اکا وصوله بهره
مند اولسه کر کدر فاما اول بطال که قبل الموت وطن اصلی جائنه
بوجه من الوجوه حرکت ایلیه آخرتده دخی غربت فراقده قاله و مراده
ظفر بولیه زبر اترقیات آخرت و حصول سعادات قربت و وصلت دنیاده
حرکات باطنیه منوط و توجهات دله مر بوطه در و بونده بد حکومت
کورمین آنده کوره و دیمشلدردر که بوراده حقدن غفلتک مقداری اوراده
حضور حساب ممتد اولور یعنی حساب نفس طریقله حضور حقه ده
طول اقامت لازم کلور (لحرره) ایده کور نفسکی بو کون اصلاح * بوله
سن تا که آخرتده فلاح * حکمسه قیش ریاضتی * بلبل قوقه من موسم
بهارده کل * اولمسنک سالک راه ظلمات * نیچه نوش ایلیه سن آب حیات *
چشمه وبر منبجه کسه جلا * صائمه کیم ایده تجلی مولی * جائنه چونکه
قیدی پروانه * ایردی جانانه یانه یانه * چکدی زخم کانی تیر
انداز * ایلدی تیری منزله پرواز *

* خون دویداز چشم همچون جوی او *

* دشمن جان وی آمد روی او *

چشمک جوی کبی اولدیغی سرشکی حسیله در پس چشم حقیقتده
چشمه ساره بکره دی و لکن طریقه مبساخته سالک اولوب
باش یرینه قان روان اولدی دیدی (معنای بیت) بودر که قان یلدی
و آفندی آنک یعنی زر کرک ایرمی کبی اولان کوزندن یعنی باش یرینه

کوزندن بوزی اوزرینه ایرمق کبی قان اقدی انک بوزی یعنی حسن
وجال انک جانسه دشمن کلدی یعنی حسن و جمال اوچندن جاریه
اکا عاشق اولمق حسبله غایتده هلاک اولدی اگر زشت روی اولایدی
بویلا دن خلاص اولوردی تنکیم دینلشددر * هست نرمی آفت جان
سمور * وزدرشتی میبرد جان خار پشت * بونده اشارت وارددر که هوی
نفسک کوزی کبی ابدی آخر کوزندن یعنی عین و ذاتندن قان یعنی
شهوات نفسانیه اقدی وزوال بوادی تنکیم حدیثده کلور (ان الشیطان
لیجری من ابن آدم مجری الدم) اگر شهوات دمده مستکن اولسه
شیطان اکابول بوله مزدی انکیچون حدیثده کلور (سد دوا بحساری
الشیطان بالجوع لان الجوع یقطع ماده الشهوات) و حسن و جمالک
مشتهیاتده کور بنوردی آخر اندن نفسک فنا سنده سبب اولدی زیرا
وجود مشتهیات اولسه فنا بیه تعاقب ایدردی تنکیم عالمک وجودی اولسه
تجرد نیجه دینلوردی و بر اشارت دخی بودر که هر نفسنده دوست
اولمغه صالح اولان انک حقیقتیدر که وجه باقی در بوخسه صورتی
دکلدر که رسم فانیدر انکیچون اهل تقلیدک علومی دنیاده قالور زیرا
قشور مقوله سیدر و اهل تحقیقک معانی آخرته بله کیدر زیرا الباب
قیلنددر پس اهل جنته مصاحب اولان ادراکات و ملکات دنیاده
کشف و الهام طریقله اولانددر که بواطن قرآن اولان حقائقه متعلقدر و بر دخی
اول نسنه انک که قبحی نفسه نمایان اولمشدر بو صورتده آنی نفسک کوزنه
تقیجه حاجت و تزکیه ضرورت یوقدر زیرا که قبیحه تعلیق یوقدر
مکر که صورت حسنده ظاهر اوله پس اول صورت حسنده ذی
الصورتک هلاک جائنه سیدر زیرا تزکیه نفس ایچون البته تغیر اولمق
اقتضا ایشدر بقره بنی اسرائیلی ذبح کبی زیرا مقتولک حیاتی انک
قتله منوط ابدی تنکیم محکمه میندر و اصنام و ذی روح صورتلرینک
بوزلی تغیر اولدبغی کبی زیرا بقای فساددن خالی دکلدر و یا خود
اول صورته تعلیق ایدنک هلاک جائنه باعثدر یا تعلیق تزکیه بولمق
حسبله که هلاک معنویدر و یا تعلیق ازاله طریقه بقیله در که حیات معنویه در
پس بو صورتده هلاک نفسک صفاتنه و حیات قلبیه و روحه تعاقب ایدر فافهم جدا

دشمن طاوس آمد پراو *

ای بساشه رابکشته فراو *

* طاوس * معروف قوشدر که حسن ایله موصوفدر مع هذا ینته
آنکله تشأم اولنورز پرا ابلیسک جنته د خولنه و آدمک خر و جنه و دور
سنبله مدتیجه جنتک آدمدن خلونه سبب اولمشدر انکیچون خانه لرده
اتخاذنده کراحت وارددر و طاوس اولدیغی یرده میمنت یوقدر و شارب
الخمرک ابتداء لونی حررت اوزره اولدیغی آدم علیه السلام آسمه بی
غرس ایتد کده ابلیس کلوب اول آسمه نک دینه طاوس ذبح ایدوب قانی
کوکنه اشراب اتمسی سبیلده در تنکیم تفصیل قصه امام دمیرینک
حیوة الحیوان نام کتابنده مسطوردر و حسنی حقنده کلسه تانده کلور
* ازین مه پاره عابد فریبی * ملائک صورت و طاوس زیبی * و پرندن
مروحه دوزر لر مقبولدر و زلف و طغرا حقنده شاعر یردر * منشور خطنک
نوله طونلده بویریغی * زانی چکوب بدر او ستنه طاوس قویریغی * و بوقدر حسنه
ینه ایاقلری زشتدر تنکیم شیخ سعدی بیوردر * طاوس رابنقش و نکاری که هست
خلق * تحسین کنند و او خجل از پای زشت خویش * و طاوس زینندن
عبارت اولمغه حضرت ابراهیم علیه السلامک ذبح اندیکی طیور اربعه نک
بری طاوس ابدی که ترک زیننه اشارت ابدی (لحرره) تن زیبا سنده
اولان مغرور * اولدی طاوس مثالی مشوم * رنگ و بو آینه عالمده *
کور بنور چشمه صورت موهوم * و وایدن یننده دیانت و روایت ایله
مشهور طاوس بن کیسان کلشدر و بو مقوله اطلاق یا تسمیه مجرده
قیلندن و یا بعض مناسبات اوزرینه مینیدر تنکیم ابن ملک دیرل پدیری
ملک سیم و یا ملک خصلت اولمغه و یا غیری و جوهره * فر * تشدیدله قوت
ورونق و فروغ و دوات (معنای بیت) بودر که طاوسه قنادی دشمن
کلدی یعنی طاوس ده اول ریش حسن و پر مستحسن واریکن خلق
انکله انتفاع ایچون اکاقیرلر و اول قبادن آخر آتی صویرلریش حسن
صورت اکا دشمن و سبب هلاک اولدی (لحرره) راحت روح روان
اولمچیچون * باد بیرن دوزر لر اول پردن * پر زیبا سن آکوب باد هوا
* اوچورر لر او غریبی بردن * ای یاران عبرت کیر چوق پادشاهی
قوت و رونق و دولتی قتل ایلدی یعنی قتلنه باعث اولدی تا که ممالکی

یعنی عربدن دکل
عربین عبدالعزیز له
معاصر در

ضبط اولوب یرنه غـیریلر جلوس ایلله کدایه ایسه کسه طقونمز *
 زیرا انده مطمح نظر اولاجق نسته یوقدر وبلکه لطائف کاستاندنر که
 کلور * کر کدا پیش رولشکر اسلام بود * کافر زایم توقع برودنادر چین *
 * بونده اشارت وارد در که نفسک ریاضت وسکین مجاهده ابله قتل وذبج
 اولنسی هوی اوجندندر اگر هوی وانک تحسین و تزین اینیکی کی منتهیات
 و مشتهیات اولمسیدی بوجفا و چله بی چکمز و بعض مسخسنات دخی
 بوسیدن تغییر ویا زاله اولمز دی نتکم بالاده اشارت اولندی و بومملکت
 وجوده کلوب تحت نشین جسد اولان ارواحدن چوق روحه ضعف
 کلش و بلکه هلاک اولمشدر زیرا مجاورت طبیعت حسبله امور طبیعیه دن
 اولان اکل و شرب و امثالک احکامی و مقارنت نفس سبیله صفات
 نفسانیه دن اولان غضب و کبر و نظراسنک آناری ساری اولوب هلاک
 حکمنی بولمشدر نتکم قرآنده کلور (یحیی ویمیت) یعنی الله تعالی پرتو
 انوار جـ الیه قلوبی احیاء و صدمه جلالیه نفوسی امانه ایلر و گاه
 اولور که امر بر عکس اولوب نفوس زنده و قلوب مرده حکمنده اولور
 اولکیسی نفوس مستدره که نک شائی وایکنجیسی نفوس ضایعه نک
 حالیدر نسأل الله التوفیق *

* گفت من آن آهوم کزناف من *

* ریخت این صیاد خون صاف من *

آهودن مراد آهوی مشـکیندر خطا و ختن و ثبت و چین ولایتلرده
 اولور عرب غزال المسک دیر طبی نوعندندر حظلی استطابه ایدر *
 ودر یانک آجی صوبیدن ایچر و آهو حقهده لامعی دیمشدر * مدام افعی
 بکدن هر برینک * صدف کبی ایچی پر مهره مار * همیشه سنبیل
 تر اولمقدن * قونک نافه سی برمشک تانار * لونی سیاه و سریع العدو
 و دقیق القواثم و مفترق الاطلا قدر و ناب خنزیر کبی فک سفلهده فندن
 خارج ناب بیاض خفیفی وارد در و حقیقت مسک برقاندنر که آهونک
 سره سنده سنه ده وقت معروفده مجتمع اولور اعضا به منصب اولان
 مواد کبی اول سره معدن مسکدر که هر سنه شجره میوه دار اولدیغی
 کبی سره دخی حامل مسک اولور و مسک ظهور ایتکه بشماد قده آهومر بض
 اولور تامسک کامل ایدنجه نتکم حوامل وضع حله دک متغیر الحال اولور

و دیمشدر در که اول ولا یترک اها ایسی مسکک وقتنده ضرب اوتاد
 ایدر لر تا که آهو انلره سورینوب نالجه اوراده ساقط اوله * و عقیل
 بغدادیدن منقول اولدیغی اوزره جوف نافجه جوف جدی ده انفحه
 کیدر انفحه کسرله و حاء مهمله ایله بر صاری نسته در که سد امن کبی
 اوخلاتی قارننده اولور بر صوفه اوزرنه عصر اولوب پیر کبی غلیظ
 اولور پیر مایه سی دید کیری اودر * و بعض علمادن منقولدر که آهو
 نافجه بی جوفندن دجاچه بیضه سن القانیدر کبی القا ایدر فاما مشهور
 اولان بودر که نالجه آهودن مودع دکندر بلکه خارج و سره سنه
 ملتحمدر و مسکک ظروفی دخی بومعنا به شاهد در نتکم مشاهده اهلته
 عیاندر * دیمشدر در که مسک از فرجانب شرقده ثبت دید کیری ولایتده
 اولور و ثبت سکروزی اوزره در نتکم قاموسده مصر حدر گاه اولور که
 آهو ثبتدن هند طرفنه مسافرت ایدوب مسکی اول طرفده القا ایدر
 ولکن آب و هواسنک تأثیرندن ردی یعنی الحق و رایحه سی خفیف اولور
 ثبتده کی کبی ازفر اولمز * و رومده دخی آب و هوایک تأثیرندن بعض
 نسته هموار اولمز و بقاع و بلادک اختلافه مختلف و متغیر اولور نتکم
 شرح و بیان حاجت یوقدر * حیوة الحیوانده کلور که آدم علیه السلام
 ارضه اهباط اولند قده جله و حوش کلوب زیارتیه مشرف و دعا سبله
 مفتتم اولدیلر و آهو لردن بر نوع که آهوی مسکدر زیارت اندکده آدم
 آنلر ایچون دعا وار قارنید مبار که لریله مسح ایلدی بوسیدن نوافج
 مسک ظهور ایتدی صکره بو طاشقه مقاملرنه عود تلرنده سائرلر انلرده
 بو حالتی مشاهده ایدوب اصلندن سؤال ایلدیلر انلر دخی دعا و مسح
 آدم ایله حاصل اولدیغن اعلام اندکلرنده اول بقیه دخی زیارت آدم
 ایدوب دعا آلدیلر و مسح اولدیلر ولکن اول کلنلرده ظهور ایدن مسکک
 اثری انلرده ظهور ایلدی اصلی نه اوله که دید کلرنده مجاب اولدیلر که
 اول کلوب زیارت ایدنلر اخلاص عمل ایلدیلر سن ایسه بز دخی نائل
 اوله لم دیو غرض نفسانی ابله کلدیکز انکچون محروم اولدیکز پس
 بوندن اخلاصک تأثیری واستعدا دک کالی فهم اولندی (المحرره)
 دلکم اخلاصله اوله آهو * مسک پیدا او اورانده یا هو * آهوم * اصلنده
 آهو ام در تخفیف و ضروره همزه حذف اولمشدر ام ضمیر نفس متکلم

وحده در ناف کو بکدر که عرب سره دیر صیاد آوجیدر صید مالکی
اولین ممتحنی تن او در یعنی قنایله و یا قوائیلله تو حش ابدن حیوانی
حیلله ابله اخذ ایتکدر کرک لجمی مأ کول اولسون کرک اولسون * صاف *
اصلنده صافیدر فاشک اصلی فاشی اولدیغی کبی زیرا آخری یا اولان
کله رک نیجه زدن یا حذف اولوب ماقبلی ابله اکتفا اولمشدر معاف
ومسلم دیرل معافی دیمکدر بومعنادن ذهول ایدنلر معاف لفظنی غلط
قیاس اتمشدر در نیکم بالاده دخی اشارت اولندی صافی ابله خالصک
میاننده فرق بودر که خالص شوبی زائل اولان نسنه در صافی ایسه
اصلندن شوبی اولمیان دخی دیرل نیکم قرآنده کلور (وانهار من عسل
مصفی) (معنای بیت) بودر که زر کر مذکور شربت مزبوره نک کنند
هلاکنه سبب اولدیغی بیلوب حیانتدن مأ یوس اولدقده تشبیه طریق
ابله دیدیکه بن اول آهوی مشبکیم که نافجه مدن او توری بوصیاد
بنم خون صافی دو کدی یعنی قائم اقتدی وهلاکه سبب اولدی حکیمه
صیاد دیدی زیر از کری پس پرده دن من حیث لایحسب صید ایلدی
وحیلله ابله انی کندده کتوردی الحاصل زر کر اول حالت هائلده
دیدیکه آهونک نافه سی کنند هلاکنه سبب اولدیغی کبی بنم دخی
حسنم بنم هلاکه سبب اولدی بوندن فهم اولنور که حضرت مولانا
قدس سره قول مشهور اوزرنه مسکک نافه ده حصوانه ذاهب اولدی
انکیچون نافی تصریح ایلدی ولکن بو صورتده آهونک هلاکی ندن لازم
کدی دیرسک جواب بودر که بوسوز نافه سندن او توری آهوی قتل
ایده نه ویا هلاکنه سبب اولانه کوره در بوندن ایسه هر آهونافه سندن
او توری قتل اولنقی لازم کلیم زر کری حسندن او توری قتل
ایتمه دن سائر صبیح الوجه اولنلری دخی قتل ایتک اقتضا ایتمه الحاصل
قتله خصوص علت ملاحظه اولنور که زر کر دجاریه بی تخایصدر
فاعرف بعد ذابو بینه بر قاج وجهله اشارت وارد (اولیکسی بودر که نافدن
مراد مدخل شهواتد زرا رحم مادرده اولان جنبه بر نسته مشتهی اولسه
اولا مادر نه اول شهوات القاولنوب اندن نافه وساطتیه جنبه واصل اولور
نتکیم بوستانده کلور * نه طفل زبان بسته بودی زلاف * همی روزی آمد
بحوفت زناف * چونافش برند و روزی کسست * بهستان مادر در آویخت دست

و مدخل

و مدخل شهوات قوه طبیعیه در (ایکنجیسی بودر که صیاد
مراد حکیم آلهی در که هوی اقایم وجودده بر سر کش باغی ایکن
تلو یفته مساعده الله الہ کتوردی و شربت ارشاد و ریاضتک تأثیری ابله
حکمی ازاله ایلدی (اوچنجیسی بودر که خون صاف عبارتندن فهم
اولنور که نفس کنندنی تزکیه ایدوب چکدیکه چله بی کناه اولدیغنه
ذاهب اولدی حقیقه الحالی بلمدی و خون صافدن مراد شهوات
نفسانیه اولدیغی بالاده بلندی (در دنجیسی بودر که هوای نفس فزایه
مشرف ایکن فوت مطالبه تأسف ایلدی اگر حقیقت موتی ذائق اولادی
تخسردن خلاص اولوردی زیرا میتدن آواز کلیمز و مقتولده آرزودن
برشی قائم نیکم قرآنده کلور (لیکلا تا سوا علی ما فانکم ولا تفرحوا
بما آتیکم) یعنی مطالبه فایه نک فوتنه تأسف یوقدر زیرا اولدن دخی
تعلقه صالح دکلور و مقاصد باقیه ابله افتخار اتمک دخی اهل وجود
حالیدر پس اگر عدمدر واکر وجوددر بر نسنه نظر یوقدر مکر وجه
باقی اوله بو صورتده دخی تحذیر اولنوب (و یحذر کم الله نفسه)
دینلشدر مسلك صوب و مذهب مشکدر (لمحرره) مرض اولور قالور
بو خون عروق * بر دم اقمسه آنی فصاد * واریسه نافه ک ایچره
قطره چه خون * سنی آهو کبی اولر صیاد *

ای من آن روباه صحرا کرکین

سر بریدندش برای پوستین

* روباه * لیکودر که عرب ثعلب دیرگاه اولور که تخفیف الفنی حذف ایدوب
روبه دیرل * صحرا * دوزیر و یا خود اوت بتین فضاء واسعه * کین * پسو و کین
گاه پسو بریدر * پوستین * پوسته منسو بدر پوست دری جلد کبی و هر نسنه نک
قابیلدر پوست بادام کبی که مغزک مقابلیدر دلکو و امثالک در یسندن
کورک یعنی فروانخاذا و لغله جلد روباهد پوستین دندلی کورک معناسنه
نتکیم کلستانده کلور * دشمنانرا پوست برکن دوستار پوستین * وینه
کلمات سعدی ده کلور * کرانصاف پرسی نه نیکوست این * برهنه من و کر به
پوستین (معنای بیت) بودر که ای حاضران بن اول روباه صحرایم که
کور کنند او توری پسودن انک باشی کسدیلر یعنی ناکاه اهلاک ایلدیلر
یا صید و یاغیری طریق به بوند زر کر کنندنی صحرا ده قافلان کزن دلکو به

و پادشاهی و یا حکیمی صیاده تشبیه ایلدی مقصود دایکونک پوستی
هلاکنه سبب اولدیغی کبی زر کرک دخی حسنی و یا جاریه بی اندن
تخلیص انک هلاکنه باعث اولدیغی پساندر ولیکن بوا شاده امارات
هلاک اولماغله پسو ایله تعبیر ایلدی و بونده نفسک حیل و خدعه صفتی
ازایه اشارت وارد ز براروباه کال حیل ایله معروف و زیاده خدعه ایله
موصوفدر نتکیم طلب رزقه حیل عجبیه سندندر که تمادت ایدوب نفخ
بطن و رفع قوائم ایلر شویله که میت ظن اولنور فتن یانته بر حیوان
کله ناکاه حله ایدوب صید ایلر و رفع اذی ده خدع غریبه سندندر که
جلدنده بق و عوض مجتمع اولسه اغزنه بر پوست باره سی آوب تدر بجله
صوبه غوص ایدر شویله که اول موز بیلر انک بدنندن بوزنه و بوزنه
واغزنه و اندن اول پوست باره یه چقد قدغه اغزنندن صوبه بر اغوب
کندیسی سلامت بولور (لحیره) بوقدر حیل ایله چون روباه * نفسی
اماره کز راه بره * نیجه سالم اوله اندن سالک * مکر آگاه ایده آنی الله *
پسودن مراد مرصد طریق و پوستین نفس حیوانیدر که جسده تعلقی
وارد در پوستک تعلقی کبی یعنی نفس حیوانی بی اصلاح و مرض باطنی دن
تخلیصدن اوتوری حیل صفتی ازله ایلدیلر زرا مانع ترقی باعث تنزل
اولان حیل دخی امراض باطنه دندر و روباهی صحرا یه نسبت ایلدی زرا
صحرا بره یعنی قاره یه و بردخی جسده اشارتدر و حیل و خدعه عالم
شهادتدن اولار نفس وجسده ناظر در دریا و جبال ایسه مقام رجالدر
فافهم جدا و باشنی کس دیلر دیدوکنه اشارت وارد که اصول صفاته
زوال کلت ممکن دکدر زرا شرف مجاهده و بلکه کال انسانی اول
اصولک بقا سنه منوط بر نتکم (واقعه همت به وهم بها) مقابله سی
و کسلک (ان النفس لامارة) کلامی ذکر اولان معنایه دلالت ایلر ولیکن
بو مقام مزالقی اقدام دندر * انکی چون بعض حقیقتدن غافلر انبیا علیه
السلامک سلوکی نفس مطبئه دندر دیرلر پس نیجه انلرده امارت صفتی
بولنور (جواب بودر که نفوس انبیا مطبئه اولیق فی نفس الامر نفسک امارت بی
منافی دکدر زرا با فعل آثاری منمعی و بالقوه باقیدر انکی چون انبیا
معصوم و اولیا محفوف ظر دیرلر اگر خلاف منصور اولسه اطلاق اولنمزدی

و بوسره منیدر که ابراهیم علیه السلام طیور از بهمنک باشلرن جسدلرندن
ازاله ایلدی اگر چه که صکره رؤس یرلورین بولدی ولیکن فی الحقیقه
فانی اولان صفت باقی اولان صفتک غیریدر که اولکیسی نفسانی
وایکنجیسی حقانیدر * و مننوده بومعنایه اشارت ایدر ایات کله
کر کدر فاعرف و اعلم به *

* ای من آن پیلی که زخم پیلان *

* ریخت خونم از برای استخوان *

* پیل * با عجمینک کسر یله فیل دیدکری بیوک جانور در که هند ستانده
حاصل اولور * پیلان * فلجیدر فیل حقهغه لغز ایدوب دیمشدر * ما اسم
شیء ترکیبه من ثلث * وهو ذواربع تعالی الآله * قیل تصحیفه ولیکن
اذا ما * عکسوه بصیرلی ثلثه * دیمشدر فیل یدی سنه حل ایدوب
صکره حلنی صوابچنده وضع ایدر زرا قوائمک فواصلی اولمق حسبله
قیام حانده ولادت ایلر و فیلده اولان قوت معروفدر و کذلک فهمندن
ناشی تأدیب قبول ایدر و اهل هند آنی تعظیم ایدرلر زرا علومسمکی و عظم
صورتی و بدیع منظری و طول خرطومی و سعت اذنی و طول عمودی
و ثقل حلی و خفت وطی وارد یعنی خفت ایله بورر شویله که انسان
مرور ایدوب انسان آنی حس ایتمز و کذلک طول عمری واردر که
در تیوز سنه معمر اولور * استخوان * ضمه ککو کدر یعنی عظم و اورسمی
تلفظ اولنمز (معنای بیت) بودر که ای قوم بن اول فیل که استخوانندن
او توری فیلمی اولان هندونک زخی بنم قائمی دو کدی یعنی
کوکرمه خصوصاً استخوان دندانله انتفاع اتمدن اوتوری بی
قتل ایلدی الحاصل استخوانم هلاکه سبب اولدی قتلی فیلمی به
نسبت ایلدی زرا انک زیر تسخیرنده او اعلیه بحسب الغالب قتل
دخی اکامفوضدر بو کلام دخی کالاول تشبیه اوزرنه منیدر و فیل عجب
صفتیه اشارتدر که بحسب الغالب عظم جشهک لا زمیدر و بعضیلر
فیلمی لواطه ایله تعبیر ایدر لرفاما مشهور اولان بودر که حیوانات
اراسنده اول فعل شایعی خنزیردن غیری ایتمز و انسلم لواطه ایله
تعبیری مستلزم دکدر نتکم خنزیر حرام خوردن ایله تعبیر اولنور لواطه
ایلده کل استخواندن مراد جسددر زرا جسدک مناطی عظم یعنی ککو کدر

انکچون لحم محضه نماسک یوقدر سطح کاهنده نقل اولندیغی کبی
زیرا سطح مزبور ایکی زنک نطفه سندن مخلوق اولغله جسدنده قفادن
غیری کولک یوغیدی بناء علی هذا صحیفه سیم اوزربنه وضع ایدوب خلقه
اول کیفیت ایله اخراج ایدر لر دی الحاصل حکیم مزبور تربیه ایله نفسک
عجیبی ازله ایلدی تا که جسد ایله انتفاع ممکن اوله انکچون قرآنده کلور (اولک
الذین خسرو انفسهم) یعنی اگر نفس و اگر جسد سرمایه مقوله سیدر که
ما خلق اهلند استعمل اولنما فی اکازیاندر و قاندر مراد شهواتدر پس حکیم
عجیبی و شهواتی ازله ایلدی تا که روح نفسله جسدن منتفع اوله و طریق طایفه
سودایده و عالم ملکته نچرت ایچون کلدو کنده ده و عجب حقنده دیشلردر که
* در هر عملی که عجب ره یافت * رویش زره قبول بر تافت * معجب مش- واز
طریق تلبیس * کر عجب بچه افتاد ابلیس * وفی الحدیث (ان العجب یا کل
الحسنات کما یاکل النار الحطب) کذا فی التفاسیر الجلیله فی سورة القتال

* انکه کشتستم پی مادون من *

* می ند اند که نخسبد خون من *

* دون * بوراده غیر معناسنه در نیکم قرآنده مواضع متعدده ده کلن من دون
الله بومعنا به مجولدر پی مادون من لاجل غیری دیمکدر غیر ذوی العقوله
و غیره شامل اولغله الفاظ عمومندن اولان ما ایراد اولندی زیر امتضای مقام
تعمیدر * می ند اند * استفهامی متضمندر (معنای بیت) بودر که اول کسه که
بنی ایل ایچون مطلقا قتل ایلدی یعنی بغیر حق قتله تصدی ایلمر مراد پادشاه
و حکیمه تعریضدر بلزمی که بنم قائم او بومز نیکم مشهور در قان او بومز دیرلر
یعنی البته اول قان آنی طوتار و مؤاخذسنه سبب اولور نیکم حضرت
عسی علیه السلام بر مقتوله راست کلوب قتلت فقلت و سیقتل قاتلک دیدی
* و مفتی یحیی افندی اطاعتنددر که شمرنده کلور * هم آه ایدرم
قاچدیغه بدن او ماهک * هم خوف ایدرم کیم آنی یحیی طوته اول ماه *
بونده زر کر بی کناه مقتول اولدیغن ادعا ایلدی بلدی که بومعنی قصاص
طریقله در زیر اولدخی حکم اجاریه بی قتل ایلمش ابدی تاویل شرعی ایله
قتل ایلنه لایا سدر نیکم بوسناید کلدور * کرا شرع فتوی دهد بر هلاک
الاتاناداری ز کشتنش پاک * بونده مادون نفسه اشارت در که هوایی قتل
ایتمک نفسی حیات حقیقه ایله احیاء تمدن او توریدر و بومعنا به اشارت

ایدوب قرآنده کلور (ولکم فی القصاص حیوة) و خوندن مراد شهواتدر که
هوای قیابولد قدن صکره دخی باقیدر و لکن هوای نفسانیه مقارن اولان
شهوات نفسانی اولدیغی کبی هوایی حقانی به ملبس اولان شهوات
حقانیدر پس کل بشرک شهوات نفسانیه لری تلف اولد قدن صکره
شهوات حقانیه نعم الخلف اولوب عالم بقاده اولان حاللری حقانیت ایله
اتصاف بولور * و باطن نور اولان نار ظهوره کلور و بلکه نار حکمنده اولان خن
نوره مبدل اولور انکچون رجال اللهده کثرت وقاع وارد در بر اعروقه
انوار آلهیه سریان اتمکله قوت قدس بهک کجی فاعله کلور و غفنه غیر
دیدی زیر کر چه نفس هوائه متحد کیدر فاما قوی وصفات
حقیقه بری برندن متمایز و منفصلدر

* بر منست امر و زو فردا بروی است *

* خون چون من کس چنین ضایع کی است *

* امر و ز * ده اولان ام لفظی این کبی اشارتدر بومعنا سنه امر و زو کون و امشب
بو کجه دیمکدر ظاهر اولان بودر که ام اصلنده این در باشقه کله دکلدر
ولکن تعرض ایتشلردر دقایقه کلور که ام این معناسنه در اما بر قاج ماده به
مخصوصدر مثلام ساعت ام شب ام روز دیرلر ام ماه ام هفته ام دم
دیرلر بلکه این ماه و این هفته و این دم دیرلر من جهة المعنی اختصاص
اقتصا ایدر سنه یوقدر فاما مواضع اغت تخصیص اتمشدر لغت عربیه ده
نظاری واردر * (معنای بیت) بودر که بو کون بنم اوزر عید و یارن قاتلم
اوزربنه در یعنی بو کون بکایسه یارن اکادر بنم کبی کسه نک یعنی مظلوم
وبی کنه اهل قانی بویله فتن ضایع و هدردر یعنی البته عن قریب اثر ظلم
و تعدی ظهور ایدر و خصمک ایتدیکی یانته قالماز زیر ظلمک اثری سریع
الوصولدر عقوق والدین کبی و بلکه مظلومندن مقدم ظالمده ظهور ایدر
نیکم کلمات صابیده کلور * اول بظلمت ان اثر ظلم میرسد * پیش از هدف
همیشه کمان ناله میکند * پس فردا ایله تعبیر ایتدیکی اثر ظلمک سرعت
حصول و قرب ظهورنه اشارتدر و جائزدر که فردای قیامت مراد اوله
زیرا امدد دنیا قصیر و زمانی قلیلدر نیکم قرآنده کلور (کانهم یوم یرون
ما یوعدون لم یباشوا الا ساعة من نهار) و یارن اکادر دبدیکی مؤاخذ
سنه اشارتدر نیکم حدیثه کلور (اول ما یقضى بین الناس الدماء) (لحرره)

عدل شاهنشاه قضا فردا * اولیچق موج خیر چون داماء * کلچک هر دو خصم درگاه * ابتدا حکم اوله حق دماء * و جائز در که چون من کس ده اولان تشبیه کاله مصروف اوله نتکم ابوزیدک معروض بیع اولان غلامی حکایه سنده کلور * علی انی سانشد بوم بیعی * اضاعونی وای فتی اضاعوا * بونده اشارت وارد در که کرچه تربیه مرشد سبیل هوی مقتول وزبون اولور فاما بود دنیا آخر کیه قالمز اگر مرشد و اگر نفس وجسد در جله سی (کل نفس ذائقه الموت) و فقجه جرعه آشام قدح مرک اولور و آخر ز بر زمین فساد توارى و تسویه خاک بو اورل * و مصراع ثابده اشارت وارد در که دم انسان فی الجمله محفوظ در انکیچون حضرت داود علیه السلام مسجد اقصی به وضع اساس اتد کده منهدم اولدی و بومعنی متکرر اولیچق حکمتدن استفسار اتد کده خطاب کبریا وارد اولدیکه یاد او دینم یتیم سفک دماء ایندیر انده مل طوتمز حضرت داود یارب ارافه خون بطریق الجهاد سنک امر کله ذکلی ایدی دید کده تکرار نداء کبریا صادر اولدیکه (یاد او دالیسوا بعبادی) یعنی کفار اریسه دینم قوللرم دکلرمی و بوسره داند در که وقعه بدرده یتیم عدد صناید قریشدن قتل اولد قدده صکره وقعه احدثه اول عدد قدر اصحابدن دخی شربت شهادت نوش ایتدیله و بومعناد ندر که ذکر الله عزادن افضلدر زیر غزاده قتل نفوس و ذکرده احیاء قلوب وارد (لحرره) دیده جان اویانندن مقصود * بیل شهود جمال باقیدر * ذکرله قنخی دل که زنده اوله * عمر جاویده اول ملاقیدر *

کرچه دیوار افکند سایه دراز *

باز کرد سوی او آن سایه باز *

* دراز * جسم مندد در که لسان عربیده اکا طویل و ترکیده اوزون دبرل مقابلی کوتاه در که معنای قصه در * باز * اول کری و ثانی آنی تا کید ایچوندر * کرد * دوزیمکدر زیر کریدن کاف عجمیله رجوع و انصراف و تحول معناسند در (معنای بیت) بودر که کرچه دیوار و سار مجسدن سینه صبح وقتنده اوزون کولکه براغور و لکن اول کولکه ینه وقت استواده اول دیوار طرفه دوزرواندن اسلاثر قالمز مکر بالاعتبار فی عزوال اوله مقصود هر کسدن صادر اولان فعلک اثری ینه کنینه راجع اولدیغن بیاندر

سایه نک دیوار رجوعی کی زیر سایه دیوار دن نشأت و تولد اتمشد پس ینه اصله رجوع ایدر و سایه سی دراز اولانلرک عمر لری دخی ایکندی کی قصیردر نتکم ابن کمال فاتح مصر اولان سلطان سلیم حقه دیمشدر آزمندنده چوق ایش اتمشدی * سایه سی اولمش ایدی عالمگیر * شمس عصر ایدی عصرده شمسک * ظلی ممدود اولور زمانی قصیر * بونده اشارت وارد در که پادشاه (السلطان ظل الله فی الارض) و فقجه سایه حقد در که سایه دراز در زیر املاکی و بعدر و لکن عمری سار عمر رعایادن آزد زیرا استیلاء نامک حکمی سرعت فتدر خصوصاً که عدل و انصاف اوزر ینه اولیه نتکم بعضیله دیمشدر * طوغان طور مازن بانکار اولدیغیچون * یاشر کر کس کم آزار اولدیغیچون * وظل عاقبت ذوالظله رجوع ایدوب انده فنا بو اور و بر اشارت دخی بودر که دیواره مراد روح سلطنتیدر که نفس وجسدک مستند و معتمدیدر سایه دن مراد وجود طلیدر وفات ایل جسد فنا بو اوب قوای باطنه روحده مجتمع اولدیغی کی فنائه دخی جمیع قوی و کذلک سرانسانی و روح سلطانی منسأ اوله مندرج اوب سیول کثرات دریای وحدته واصل وانکله متحقق و حاصل اولور نتکم شجره نک اغصان و اوراقی نواتده اندراج بو اور و بومعنادندر که کل بشرک سایه سی یوقدر زیر سایه تعددی ابهام ایدر و بونلر بو حقیقته متبوعلری اولان فخر عالم صلی الله علیه و سلم کانه تابعلر در فخر عالمک نخل قامتلری ایسه سایه انداز اولمشدر نتکم ذاتی نعتده کلور * قامتک ای بوستان لامکان پیرایه سی * نوردن بر سر و در دوشمن زمینه سایه سی * معلوم اولکله سایه وجود صباح تجلیده ممدود اولمشدر یعنی تجلی الهی ایل ارواح وجوده کلش و بعده اجسام حصول بولمشدر و بوا امتداد الی یوم القیام باقیدر نتکم قرآنده کلور (الم ترالی ربک کیف مد الظل) و صباح وقتنده و بعد العصر اولان امتداد ظل ذکر اولان معنائک صورتیدر زیر اقرب قیامتده دخی تجلیات متوافره و ظهورات متکثره اواسه کر کرد و بعد العصر امتدادک غایتی غروب و فنا اولدیغی کی قرب ساعتده اولان ابتداء طک نهایی دخی انقباضدر و قرآنده کلور (واوشاء ربک لجمعه ساکننا) یعنی شمعی زمان حرکت اولفله ظلالاتی مدا یلدی وقت سکون اولد قدده قبض ایلر و عن اصل قبض ایسه دخی

قبضه قدرتنده ایدی فاما نظهر - ار حقائق اسماء و صفات ایچون نفس
رحانی ایلله بسط ایلدی و بومعنایه واقف اولان وقفه ایتموب فرعدن
اصله طوغری حرکتدن خالی اولماز نتکم قرآنده کلور (و نالیه راجعون)
و بر محله دخی کلور (الا الی الله تصیر الامر)

* این جهان کوهست فعل ماندا *

* س - وی ما آیدند اهارا صدا *

* جهان * دنیادر ولکن حدنده اختلاف اولمشدر بعضیلر قنده سموات
وارض دنیادندرز را عالم کون و فسادده داخلدر * فعل * و عمل و صنع
میانده فرق بودر که فعل بر مؤثرک جهندن اولان تأثیردر اجاده و غیر اجاده و علم
و غیر علم و قصد و غیر قصدله اولانه و كذلك انسان و حیوان و جماددن وصول
بولانه شاملدر عمل و صنع ایسه بوندن اخصدرز را عمل فعل قصدیدر که
حیوانه و جماده نسبت اولمز صنع اجاده طریقینه اولندر انکیچون
آثار حقه صنع الله دینلورز را حکمت و کمال اتقان اوزرینه مصنوعدر
نتکم قرآنده کلور (صنع الله الذی اتقن کل شیء) ندا * صوتدر صدا
اول نسنه در که صوت مقابله سننده اجسام صلبه دن منعکس اولور (معنی
بیت) بودر که بودنیا طاغ مثال و بزم فعل و قول و حاملز اول طغده
تصو بیت اولان صوت کیدر بزم جانمزه ابتدیکمز ندالز ایچون بطر بق
الانعکاس و الارتداد صدا کلور یعنی طاغده اولان صوتک صداسی
بزم جانمزه منعکس اولدیغی کی بزدن صادر اولان افعال و اقوال
واحوالک آتاری دخی بزم طرفزه دوزرز را مسبب سببه مرتبط و جزاء عمله
مستنددر نتکم قرآنده کلور (جزاء بما کانوا یعملون) و صائب کلماتده کلور
* باکران جانان مکو حرف کران تانشنوی * کوهدر ردصدا بی اختیار
افتاده است * بونده جهاندن مراد جهان وجوددر که انده واقع اولان
تنزلات و ترقیات عبادک کسب یدیدر انکیچون حدیثده وارددر که (فن
وجد خیرا فلیحمد الله و من وجد غیر ذلک فلا یلو من الانفسه) و بونده
سرفدره رمز واردر (قل لله الحجة البالغة) و بویادنددر که ابلیس
دوزخده کرسی نشین عذاب اولدقده خطبه ایدوب دیسه کر کدر که
(فلانلومونی ولوموا انفسکم) حقیقی بودر که شیطان ناری اولمغله
آدمی اضلال ایلدی فاما اول نار آدمک عناصرنده داخل ایدی پس آدمدن

میل بولمقد قجه شیطان و سوسه ایتدی کویا آدم بو خصوصده ابلیس
طرفنه امداد ایلدی پس اضلال فی الحقیقه کندندن کنهینه واقع اولدی
و بوسه بیدن ذریقی جهنده محجوج اولدی انکیچون (و ما کان لی علیکم
من سلطان) دیدی فاعرف جدا و بومقامه رمز ایدوب نسیمی نظمنده
کلور * آدمک اصلی ندن یا ملکک نسلی ندن * آدمه سجده ندن ابلیسه
انکارندر * یعنی ابلیسه انکارندر دبدیکی ایکی معنایه محمولدر بری بودر که
ابلیس آدمی نیچون انکار ایلدی و سجده ایتدی دیمکدر و بری دخی
ابلیسی سجده ایتدی کیچون جرح و انکار ایتک ندر دیمکدرز را آدمک
نورایتندن ابلیسه امداد اولمغله ابلیس دخی انکار ایلدی اگر بومعناده
ارالنده جهت جامعه اولایدی لابد سرفرو ایدردی پس بوسره واقف
اولان آدم حقیقته ابلیسه تعرض ایتمز زیرا هر کس حقیقتک حکمی
اوزرینه جاریدر و قرآنده ابلیسه نسبت اولان افعال اسبابه نسبت
قیلندندر نتکم کلور (الشیطان سول لهم و املى لهم) (محرره)
آدم ایسک اگر عارف بالله * نظر ایتمه فرشته و دیوه * بر شجر در وجود
انسانی * خیر و شر آنده مثال میوه *

* این بکفت و رفت دردم ز بر خاک *

* آن کنیرک شدن عشق ورنج پاک *

* این * آیات متقدمه ده مذکوره اشارتدر * دردم * اول نفس ده اول
ساعتده دیمکدر ولکن اول نفسده زبر خاکه کتمک موتدن عبارتدرز را
موتک غایتی زیر خاکه توارى و اختفادر (معنای بیت) بودر که زرکر
کندی حسب حالته متعلق بومذکوری سوبلیدی و اول ساعتده تسلیم
روح ایلدی و آخر ظهوردن بطونه انتقال ایدوب متواری خاک و آسوده
لحد اولدی بو وجهله اول جاریه آنک عشق مجاز یسندن و عشق
مجازی سببیه حاصل اولان رنج قلب و قالبدن پاک اولدی و نجات و خلاص
بولدی مقصود زرکرک موتی جاریه نک حیاته سبب اولدیغی بیاند
بونده خاک قنایه اشارتدر یعنی فناء صوری ایلله فنا بولان کسنه زیر خاکه
دفن اولندیغی کی تزکیه نفس ایدن سالک دخی زبر فناده ستر اولور و هوای
زوال پزیر اولمقد قجه نفس ماسوا به تعشق و تعلقدن خلاص اولماز
و مرض معنویدن قورتلز و بوقنادر که مطمح نظر سلاک و سبب وصول

درگاه مالک الاملاک در نیکم عین العارفین ابو یزید بسطامی قدس سره
غرقاب فنا و ابدی حالدی میسر * چارچیز آورده ام شاهاک در کنج
تو نیست * نیستی و حاجت و عجز و نیاز آورده ام * و روشنی گمانده کلور
روشنی نک ارمغانی طایفه یوقلقد در * یوقلدر یوقلقدن اوز که غیری
آنک نسنه سی * و حضرة هدای قدس سره آلهیاتند کلور * جناب پاک که
لایق هدای نک نسی اوله * مکر کم ارمغان التم کمال افتخار مدن * و بومقام
عزیز المال بدیجی اسیده جلوه کر حیز وصول اولور بونک ماوراسی
اون ایکی به وارنجیه مرتبه بقادر کعبه نک مناره سییدی و حرم نبوت بش عد
اولق سری مذکوره دائر در زیر حرم الله مقام فنا و حرم نبوی مقام
بقادر و سجدهات قرآنیه اون درت اولق مقام فناء اون درت سنه مکشه
اشارت در زیر کرچه فخر عالم صلی الله تعالی علیه وسلم مکّه مکرمه ده
بعض روایات اوزره اون اوچ سنه اقامت ایتدیلر و لکن اون اوچک
احدی اعتبار یله مجموع سال اون درت اولور (سؤال اولور ایه که
بوعدد مذکور آیات سجده دن نه وجهله مأخوذ در (جواب بودر که

سجده فناءیه اشارت در نیکم بالاده شرح اولندی

* زانکه عشق مردکان پاینده نیست *
* زانکه مرده سوی ما آئیده نیست *

بویته مک مصراع ثانیسی مصراع اولی تعلیل و مصراع اولی بیت
سابق مک مصراع ثانیسی تعلیل در * مردکان * مرده نک جمیع در آخرنده
هار رسمی اولان کله ره الف و نون جمع لاحق اولسه هاء رسمی بی کاف
عجمی به تبدیل ایتک قاعده در (معنای بیت) بودر که کنیز نک اول
سیددن عشق زر کر و مرض دلدن خلاص اولدیکه مرده ره اولان
عشق ثابت و مقیم دکلدر بلکه زائل در انکیچونکه مرده بردخی بزم
جانبزه کلجی و حیات نو بولوب حالت اولایه عودت ایدیجی دکلدر *
یعنی چونکه زر کر بالاخره هلاک اولدی هلاک اولان ایسه بردخی
بودنیابه کلوب اولکی حاله رجوع ایتز نیکم قرآنده کلور (انهم الیهم
لا رجعون) ناکه اکا اولان تعلق باقی و محبت پایدار اوله پس بوسیددن
اکا اولان عشق دخی دوامی اولدی الحاصل معشوقک وجودنه بقا
اولسه اکا تعلق ایدن عشقه دخی بقا اولز بلکه آنک زوالی وقتنده بودخی

زائل اولور مقصود زائل اولان نسنه به تعلق ایتدیک معنای اولدیغین
پس اندر نیکم صبح الوجه اولنر ملتجی اولوب اولکی رونق و بهیا
زائله و حسن و جمال مضمحل اولسه عشاق انلردن بیراز و کلستان املاری
خارزار اولور پس دور بین اولنر بومعنای قبل الوقوع ملاحظه و بلکه
دیدن باطن ایله مشاهد ایلوب ایرکنیدن تعلق رنکنه بویانمزل
و صوکنده آتش هجرانه یانمزل (لحیره) شونک که حسن کلی عاقبتده
اوله دکن * کر کدر اوله کوزنده اوکل دکن ایرکن * بونده اشارت
وارد در که عالم کونک مشتمل اولدیغین جمله اشیا صورته موجود و معنی
معدوم در انکیچون قرآنده کلور (کل شیء هالک الا وجهه) یعنی
وجود امکانی هالک حکمیده اولغله معنی بر دکلدر ظله اعتبار اولدیغی
کبی زیر زائلدر بوسیدندر که علوه مت اهل اولنر ماسوا به تعلق
ایتمزل زیر وجه باقی یاننده حکما فایدر اگرچه که علمای ثابتدر نظر ایله
شول کاغد و یا غیری نسنه اوزرنده اولان نقشه که بعد زمان زائل اولور
* پس اول بهجت و بهیا که ترکییدن حاصلدر حقیقتده اهل الله نظرنده
اکالتفات یوقدر * زیرا اصلی ساز جدر شونک که چشمی سرمه
توحیدله روشنایی بولمشدر فریفته نقوش اولوب بند کترنده قالور و عاقبت
معشوقدن افتراق بولور و بر اشارت دخی بودر که (الفانی لایرد
الی اوصافه) حسبجه اهل فنا و بقادن امور طبیعه صادر اولمز اولسه
دخی نفوس شهوانیه دن صادر اولانه قیاس اولمز و بومرتبه نفس
مطمئننه نک نهاییاتنده حاصل اولور حقیقت فناءله محقق اولدقچه ارتداددن
خوف وارددر انکیچون نیچه لر بر از خنده قالمشدر و نیچه لر یول یا کلمشدر
و نیچه لر کری عودت ایلشدر در نعوذ بالله تعالی (لحیره) بوحیات فنا بی
نیلرسن * قوری رنج و عنای نیلرسن * ماسوا به نظر صالوب کر مه
* بی وفا آشنایی نیلرسن * بس دکل سکا وجه باقی * فانیه اعتنایی نیلرسن *
بوفنا کاشتنه بلبل اولوب * بوجازه شنایی نیلرسن * چونکه یوقدر
تملی دنیانک * قوروب اکابنایی نیلرسن * آه ناله ک سکا بسدر حق *
دکلیوب صوت نایی نیلرسن *

* عشق زنده در روان و در بصر *
* هر دمی باشد چو غنچه تازه تر *

بعضی نسخه ز غنچه دوشمشدر غنچه آخرنده اولان هاء اختصاص
ایچوندر * غنچ * ضمه کلسونمکدر کل غنچه سنک اغزنده کی حالتی اکاتشیه
ایدوب غنچ لفظن اندن استعاره ایدرل غنچه دن اول حالت کیدیچک غنچه
دیمزل کل دیرل * هر دمی * ده اولان یا وحدت ایچوندر وزانده دخی اولق
جائزدر هر دم باشد فعلنه قیددر متعلقه ساقیه چو غنچه میسانده
مطلق تشبیه ایچون کلشدر (معنای بیت) بودر که حی و باقیه تعلق ایدن
عشق جانده و چشمده هر بردمده غنچه کی تازه و تراور یعنی هر نفسده
تازه لکی غنچه نکه تازه لکی کی اوور شو یله که یروجهله پڑمده لک
قبول ایتمز زرا معشوقک بقاسی عشقک بقاسی مستلزمدر روان یله
بصری تخصیص ایلدی اگرچه که کوش دخی داخلدر * زیرا کوز
وقولاق قلب و روحک خداهندندر که وسائل معرفتدر انکیچون بعضیلر
معرفتی رؤیت اوزرینه ترجیح ایتمشدر و قلب و روحده برنسنیه تعشق
و میل اولسه قولاق اولنسنه نکه کلامی استماعه و کوز آنک جهانی
مشاهده عاقل اولوب دائماً رصد کاهده آنی رصد ایدرلر الحاصل
مخلوقه اولان تعشق ایله خالق اولان تعشق میسانده فرق واردر *
زیرا مخلوق شرف زوال اوزرینه اولوب احوالی متغیر اولد قچه قلبدن
سوداسی کسلور و قولاق آنی استماع و کوز آنی رؤیتدن اوصانور جاریه
مذکوره زرکردن اوصاندیغی کی فاما خالق بویله دکلد * زیرا هر دم
تجلیات متنوعه سی قلبی برکونه دخی عاشق و شیدا ایلر و دیده آنک آثار
بدیهه سنی مطالعه و بصیرت مراتب خیالی و قلبیه و روحانیه و سریهده
آن مشاهدندن سیر اولماز و قولاق دخی آنک کلام مطلقنی استماعدن
فتور بولماز پس کندیجه میل و محبت افزون اولور شویله که اکانهایت
کلز و بونده اشارت وار در که دار آخرت حیات حقیقه ایلله متصف
اولغله نیکم قرآنده کلور (وان الدار الاخره الهی الحیوان) آنک نعمینه
فناکلز و بقاسنه نهایت اولمز و بودنیا عارف باللهه نسبتله جنت منویهدر
نیکم صاحب الحمیده اشارت ایدوب پرور * مکر بن جنت ایچنده
کزون کیم بو عالمده * وخواجه حافظ کلماتنده کلور * جنت نقدست
اینجاعشرت و عیش و حضور * پس جنتده عشقه فنا کمدیکی کی دنیاده
دخی کلز را ایکسی یله حی و باقی اولان معشوق حقیقی به تعلق ایتمشدر

فرق بودر که دنیانک صورتی فانی و معنایی باقیدر جنتک ایسه صورت
و معنایی باقیدر و دنیانک جنت حکمنده اولدیغی قلب حائنه اعتبار ایلله در
والا فی نفس الامر زند اندر نیکم حد یشده کلور (الدنیاسجن المؤمن
و جنت الکافر) حقیقتی بودر که دنیانک باطنی نور و ظاهری ناردر
زیرا دار محنت و ابتلا در پس یونور باطنیه و ظهر اولسلره نار ظاهر دن
ضرر یوقدر * نیکم حضرت ابراهیم علیه السلام نار ظاهر برد و سلام
اولغله کاستن اولدی یعنی اول تروتازه لک ابراهیمک باطننده دائم ایدی
صکره اثری ظاهر نده دخی ظهور ایلدی پس نازک دنیادن عدم ارتفای
نورک وجودنی منافی دکلدرفاعرف جدا * و حضرت هدیانی کلماتنده
کلور * برکاشنه بلبل اول کیم هیچ صراروب صولمز اوله * اللهم
اجعلنا من العاشقین الصادقین *

* عشق آنزنده کزین کو باقیست *

* کز شراب جان فزایت ساقیست *

بو کلام ماقبلنده اولان اجمالی تفصیلدر کزین * کاف بحمینک ضمیمه امر در اختیار
ایله دیمکدر کو * اصلنده که اودر در جده تخفیف الف رسمی ساقط اولمشدر * ساقی
لغته صوار یچیدر یعنی بالفعل و اصطلاح شعرا ده باده مجلسنده قدح سوزنه
دیرلر و اصطلاح اهل اللهده الله تعالی در که اقداح اسماء و صفات ایلله
تجلیات کیفیات بخش سقی ایدر نیکم قرآنده کلور (وسقاهم ربهم شرابا
طهورا) و مفرداتده فرق ایدوب دیمشدر که السقی والسقیان تعطیه
ماء لیشرب والا سقاءان تجعل له ذلک حتی یتناوله کیف شاء (معنای
بیت) بودر که اول زند نکه عشقنی اختیار ایلله که باقی و دائمدر که
سکا جان افزا اولان شرابدن ساقیدر یعنی قوت جان زیاده ایدن
شراب معنویدن ساقیدر یوخسه مرده نکه عشقنی اختیار ایلله که زائل
وفایددر که سکا جان اکسلدن شرابدن ساقیدر نیکم شراب دنیا زوال
عقله سیدرا کرچه که نازی جسم و تلون رخساره دخی باعندرو سائر
شراب حکمنده اولان مشروبات و بلکه جمله ماسوی حق بوکا
قیاس اولنه یعنی حقدن غیره تعلقه انتفاص جان واردر زرا ظاهرک
کالنه باعث اولان نسنه باطنک نقصانیه سبیدر انکیچون تن پرور
اولنلرک ظاهرلری قوی و باطنلری ضعیف و ریاضت کش و مجاهدلرک

بالعکس درالحاصل شراب معنوی شراب صوری و آنک حکمنده اولان کبی
دکدر انکیچون حدیثه کلور (ایت عندربی بطعنی و یسقینی) یعنی
رسول الله صلی الله علیه و سلم و سائر ورثه کله اولان اطعام
وسقی حقیقته حسی مقوله سندن دکدر اگرچه که امور حسیه ایله دخی
اکرام اولنور ل بلکه ادواق و حالات و فیوض و علوم و تجلیاتدن
عبارتدر که آنک قوتیله هربری برجهان حکمنده درنتکم دیملردر
واحد کالف و بوقوت و ازدیاد جان ایله بحسب الغالب غدا
صوری به محتاج اولوب بدل مایخلادن مستغنی اولور ل زیراعروق
انوار آیه ایله ممتلی اولوب دمدن ریاده قوت ابراث ایدر و بر دخی انسلخ
تعبیر اولنان معنایله مریض مغلوب حکمن بو لو ز تنکم بالاده شرح
اولنشددر بو معنایان محروم اولان کسینه ایسه تماسک بدن ایچون
ازد یادده و تربیه جسمه محتاج در و بو تماسک قوت بو لد فچه جان
استرخا حاصل اولور یعنی کنندی مقامنه کوره غدا عائد اولمق حسبیه
ضعف تام بو او ر و بوسیدندر که اکول و شروب و نوئم اولنلرک دیده
ارواحی سیر عالم ملکوت ایتدن محجوبدر عالم خیالده واقع اولانه دخی
علی الفور و نسبان طاری اولور کمل بشرک حالی ایسه بو یله دکدر
انکیچون انبیا و اولیانک منامی و کذلک وحی و الهامی عالم بقین و شهوددندر
انکیچون تفاوت ایتز یعنی مناملری دخی وحی و الهام قبیلندندر بعدذا
مضمون بیت تخلیه و تجلیه به اشد ایدر ز بر اعشق الهی ماسوی سوزدر
انکیچون بی عشق اولان کسینه ده جیع حجب تعینات موجوددر و شراب
جان فزاشربت مسهلده دن صکره تناول اولنان غداء مصلح کبیدر
بوابکی معنی اولسه سالک مرض باطندن خلاص اولز (لحرره)

ساقیا صون شراب معنایی * تاکه ویران ایده لم مبنایی *

* عشق آن بکزین که جمله انبیا *

* یافتند از عشق او کار و کیا *

* جمله انبیا * ده اولان همزه علامت اضافتدر انکیچون حذف او انماز
ولکن تسهیلا و تحفیفا جانبنده اماله ایله تلفظ اولنور سائر نظائرند
دخی بو یله در و نظم ترکیده دخی جاریدر تنکم لغت شاهیدی ده کلور
* او قیدم اولان کفه حسامی * کار و کیا * ایکسینده بله کاف عربیله ایش
کوج معناسنه کلور تنکم مشنوبده بر محله کلور * چون سفیها تراست

این کار و کیا * لازم آمد یقتلوان الانبیاء * و لیکن کیا کسرله پادشاه
معناسنه دخی کلور که حدود مملکتی حفظ ایده فاما پادشاهک عز
و دوات و جاه لواز مندن اولغله کیا بو محله معنایی لازمی ده استمهال
اولنشددر (معنای بیت) بودر که اول معشوق حقیقی و محبوب از اینک
عشق پاکنی اختیار ایله که جیع انبیا و کذلک کافه اولیا آنک عشقندن
عزو دولت و جاه و مراتب عالیه و درجات قاصیه بولدیلر و دنیا و آخرتده
معزز و مکرم اولدیلر مقصود عشق حقیقینک سبب عز و عشق مجازی
باعث مذلت اولدیغن بیاندر و بوندن فهم اولنور که اولیا و انبیا ده عشق
بجاری اولز بلکه تعشق صورتنده ابراز ایتد کلری علاقه عقول عامه دن
دقیق و خفی اولان معنایه محمولدر که تجلیات متنوعه حق اوزرینه مبنی
و مظاهرده شهود ظاهره موقوفدر تنکم صاحب العرائس روز بهان
بقلی به مکه مکرمه ده واقع اولدی یعنی بر بدیع الجمالک عشقبا ز لغنده
خرقه تصوفی طرح و دستار مشیختی پریشان ایدوب شیخ صنعان
وار ملامت اختیار ایلدی و آخر افاقت بو ابوب حالنه عودت قلدی
و صدق و ارسینه چاک اولمدن ال چکوب دریای وقاره غوصله خاموش اولدی
(لحرره) نه بلاد بو عشق انسانی * که قومن کنندنه دل و جان * نارغمده
یقر سراپا کاه * کاه او وراشکه غرق ایدر آنی * و بو معنی یعنی عشق حقیقی
ابتدا قلب مرتبه سنه اندن روح و اندن سرانسانده ظهور ایدر که
بو مرتبه اولان عشقک جمله سی مقبولدر ز افعال و صفات و ذات
حقک تجلیاتی مطالعه و مکاشف و معاینه به دادر فاما نفس و طبیعت
مرتبه لرنده مردوددر که هوی و شهوته محمولدر تنکم اوائل
شرحده مفصلا بیان اولنشددر معلوم اولکه انبیا علیهم السلام خبر
واحدله معلوم اولدیغی اوزره یوز بکرمی درت بیکدر و بونلرک هربری
مشرب مخصوص اوزرینه مجبولدر که کیمک ترازوی حالنده کفه جال
و کیمک کفه جلال غالب و راجحدر و بو تفاوتک اصلی بودر که آثار اسما
احکامدن و احکام دخی احوالدن و احوال دخی بحسب الاستعداد
ذاتدن متعین اولنشددر و استعداد بر سنه ایله معلل و ذاتنده مجعول دکدر
ز برا از ایدر پس هر کسک اسم استندن ظهور ایدن آثار ذکر اولنان
معنی اوزرینه موقوفدر بزم پیغمبر یمن بدر سپهر و فامحمد مصطفی

صلی الله علیه وسلم اعتدال مزاج و استواء دو کفه حالری دخی بوندن
فهم اولنه وامت مرحومه ده هر عصرده ذکر اولنان انبیاء عدد نجه اولیا
موجود اولوب هر بری برینک مشربندن شرب و علمه وراثتله شرفیاب
اولشدروگاه اولور که عدد ورثه انبیادن زائد اولوب زائدک علمه تقسیم
اولنور و بومعنی بوامتک کمال استعدادن معدود در زیر التی یک سنه ده
بحسب التدریج ظهور ایدن اکامل بشرک بودور قری ده هر ساعتده
مظاهری بولنق فضل عظیم و لطف جسیم در که اختصاصات
آلیهه دندر انکیچون قیامتده سکسان صف و ماعداسی قرق صف
اولور دیو مصر حدز فاعرف هذا *

* تو مگو مار ابدان شه بار نیست *

* با کریمان کارها دشوار نیست *

* بار * بوراده اجازت مناسنه در انکیچون ابواب سلاطین و ملوک بارگاه
دیرل دخول اجازته موقوف اولدیغیچون * کریم * بلا عوض ایصال
نفع ایدنه دیرل نفع مال اولسون غیری اولسون پس کرم ماینبخی اولان
نسبه بی لالغرض افاده ایتکدر انکیچون جالب منفعت و دفع مضرت
ایچون هبه مال ایدنه کریم دیرل انکیچون اهل حق بیور مشلدر که
افعال حق معلل بالاعراض دکلدر و برکسه بر غیره سکین هبه ایلسه که
اول غیر ذکر اولنان سکین ایله کنندی نفسی قتل ایدر اولسه اول و اهبه
کریم دنلن الله تعالی به کریم المأب دیمک عبادی اکا رجوع ایتدکلرنده
کناهرلندن تجاوز ایدیچی معنا سنه در عباددن کریم المأب دخی بوکا
قیاس اولنه زیر هر کسک کرمی حالته کوره در (معنای بیت) بودر که
دیمه که بزه اول پادشاهه یعنی معشوق حقیقی به وصوله و وصوله سبب
اولان عشق پاکنه اذن و اجازت بو قدر زیرا کریم اولنله ایش
کوج دکلدر یعنی اول سالک که کرم طبعندن و اول طالب که علوه ممتدن
ناشی انفاق موجود و بذل نقد وجود ایلله البته مقصوده ظفر بولور
وسر منزل مراده وصوله شرفیاب اولور نتکم دیرل جنت قیوسنی
جوهر دآچار پس اگر جنت صوریه و اگر مغویه در بذل و انفاق ایلله
آچیلور درگاه والای کبریا به کرم وجود ایلله کریلور الحاصل بو بایده بذل
مقدور ایدن کریمه کوچلاک یوقدر بلکه کوچلاک نفس و مالی بزلدن

بنخل اولانه دیرل نتکم اطائف اصمیدندر که بادیه ده برزن خو برویه
ملاق اولدیکه رخسارنده خال سیاهی دخی وار ایدی * نعت * نه سر
اولون بوکیم بر نقطه دوشدی کلک قدرتن * رخ جانانه زینت
لالیه داغ درون اولدی * اصمعی اول زنه سوال ایدوب اسمک ندر دیدی
زن دخی مکه در دیدی یا شول رخسارنده اولان نقطه سودا ندر دیدی
زن دخی حجر اسود در دیدی پس اصمعی مقام خطایده انبساط و اداره
کلامدن ناشی فرح و نشاط بولاقده طمعندن اذکنز اولورسه حجر اسودی
تقبیل ایدله لم دید که اول زن دخی هیهات (لم تکنونوا بالغیه الالبشق
الاتفس) دیدی اصمعی دخی کوردیکه (الدرهم لجروح الدهر مرهم)
حسنجه بذل درهم و دینار دن غیری چاره ساز یوق همان عقده
صره بی حل ایدوب وصل دلدار ایچون صرف دینار ایلدی زن دخی
بذله کوی اولوب دبلر سک حجر اسودی تقبیل و استرسک بیت عتیقی
طواف و مسجد حرامه داخل اول دیدی مقصود مدعای تنویر و مقصودی
تمشیلدر * مارابی جمع ابراد ایلدی زیر امر اد کنندی صفتنده مشترک اولنلری
در جدر انکیچون کریمان دخی صیغه جمع اوزرینه ذکر اولندی معلوم
اولکه انسان کنندی شهواتندن خلاص و غفلاتندن نجاتی استغراب
و استبعاد ایتک کر کدر زیر قدرت آلهیه بی استعجاز کفر در و قرآنده
کلور (و کان الله علی کل شیء مقتدرا) و بو بایده رجاسنی تقویت
اوزرینه استعانت مراد ایدر کسه محروم البدایه مرزوق النهایه اولنله نظر
ایلسون ابراهیم بن ادهم و فضیل بن عیاض و عبدالله بن المبارک و ذوالنون
المصری و مالک بن دینار و غیره سادات کبار کی قدس الله اسرارهم
و جائزدر که کریمان اهل ارشاده اشارت اوله زبرا اعتقاد پاک و حسن
استعداده ارشاد مرشد مقارن و متضم اوله زمان قلیله مأمول جلوه
کر حیز حصول اولور نتکم مشویده کلور * کر توستنک و صخره و مرمر
شوی * چون صاحب دل رسی کوهر شوی * بوندن مراد آینه
اولغه قابل اولان طاشدر که تربیه ایلله جلا یزیر اولوب مرمر صورتنده
ایکن جوهر یقی ظهوره کلور و الانفس مرمر جوهر اولماز نتکم بو ستانده
کلور * توان پاک کردن زرنک آینه * ولیکن نیاید زرنک آینه * معلوم
اولکه زیاده دشوار اولان مقام نفسدن تر قید روچون فتح قریب

مقام آمده باب قاب مفتوح اوله نفسك هيئات مظلمه سی زائل اولوب
مقام روحده تلویینساتدن نجات بو اور و فتح باب وحدت حصوله
کله کده اثینیتدن بالکلیه قورتلور و ذنب وجوددن خلاص اولور پس
کریم اولره کوره بومقاماته ارشاد ایتک آسان و غیر یله دشواردر
ولکن هدایت حقیقده اللهه راجعدر (انما انت منذر و لكل قوم هاد)
و دیمشدر که انسان حیرتن خلاص اولمغه طریق اوزرینه سلوک
لازمدر پس ابتدا تعیین مطلب و اندن طریق موصول معرفت و اندن
معرفتی محصل اولان سبب و اندن تحصیل غرضده آنکله استعانت
مکن اولان امور و اندن حیرتی ازاله ایدن عوائقی و عوا ثقل
کیفیت ازاله سنی معرفت لازمدر الحاصل احقه و صولده صعوبت
وارددر پس بواش مرشدن بستر (لمحرره) بولین منزل و صله ارشاد *

* غم هجرانده قالیدی اولمادی شاد *

* کشتن آن مرد بردست حکیم *

* فی بی امید بودونی زبیم *

* کشتن * کاف عربینک ضمیمه قتل مناسبه در * مردن مراد زر کردر
(معنای بیت) بودر که مرد زر کرمی حکیم الیه قتل ایتک نه رجا
ونه خوفدن اوتوری ایدی یعنی پادشاهک و کذلک حکیمک او خصوصده
نه رجاسی و نه خوفی وارددر پس زر کرک قتلده باعث و شربنله قاتل
اولدیغی بوالیکی نسته دن بری اوزرینه مبنی دکل ایدی زیرا حکیم الهی
اولان اغراض نفسانیه دن مصوندر خوف و رجا ایسه اغراض ضدندر
الحاصل زر کرک قتلده پادشاه و یا حکیم طرفنه عائد اولور جلب
منفعت و یا دفع مضرت غرضی بوغیدی اگر عرض اوزرینه مبنی اولسه
حکیم الهی اکامبا شرت ایتزدی مثلاً مال و یا جاه و یا تسلط و ریاستدن
اوتوری قتل اولمادی زیرا زر کرده بومعانی مفقود ایدی پس قتلی غیر
مصلحت جلیله و عاقبت حیده اوزرینه مبنی ایدی و برنده اشارت
وارددر که هوای نفسی قتل ایتک رجا جنت و خوف نار ایچون دکلدر
زیرا حدیث قدسیده کلور (ومن اظلم ممن عبدنی لجنه اوانار الماکن
مستحقا لان اعبد اولم اخلاق جنه و لانا) ولکن بومعنی تفرید طریقه
حاصل اولور که ذاتی نفس و آفاقدن نجریددر و قرآنده کلور (لا یمسه

الامطهرون) یعنی هویت حق و ذات احدیه به وصول جمیع
مراتبک تعلقاتی ادناسندن تطهر ایلره در و بوسره اشارت ایلوب
حدیثده کلور (واعوذک منك) یعنی حقیقده خوف اللهندربوخسه
مظهر قهر اولان دوزخدن دکل زبرا دوزخ مراتب صفاتک آثارنددر
بهشت دخی بو کایاس اولنه و صفات ذاته منتهی اولوب پس هر نسته نک
مبدئی ذاتدر و ذاته و صولده نسب و اضافات منقطع مع اولوب امید
و بیم قالماسازن براهیمه منی نک متعلق غیردر او مقامده ایسه غیر یوقدر

* اونکشتش از برای طبع شاه *

* تانیامد امر و الهام آله *

* طبع * مزاج آدمی به اطلاق اولندیغی کبی طبع جواد دخی دیرلر یعنی
مبدأ حرکت اولنه طبع دیرلر کرک کندی حرکتیه شعوری اولسون
و کرک اولسون مثلاً صورت حجر به کبی که هابطه نک مبدئدر ولکن
اول حرکتیه شعوری یوقدر طبیعت ایسه حرکتیه شعوری اولیانه
مخصوصدر پس طبع اعمدر و فلا نک خوشبختیه طبیعتی وارددر دیمک
فاسددر زیرا آدمی عاقلی جواد منزله سینه تنزیلدر و شاهده لغتده
* طبعی و طبیعتیدر آدمک نهاد و سرشت * دیدیکی صحیح دکلدر مکر
غلط مشهور اوزرینه محمول اوله بونک دخی وجهی یوقدر زیرا لغت
غلط اوزرینه مبنی اولمق بعیددر و صوفیه دید بکر که طبیعت ملکوت
جسمدر یعنی شمول قوتدر که اجسامه ساریدر و اجسام مطلقاً عنصری
و فلکی اولسون و بسیط و مرکب اولسون کمال طبعی سینه اول قوت ایلره و اصل
اولور روح ایلره جسم کبی پس طبیعت دید بکری صورت نوعیه نک غیردر
زیرا صورت نوعیه بعض اجسامه صوصدر طبیعت ایسه بین الکل مشترکدر
و بو طبیعت اشارت اولندیغی اوزره حیوانده روح حیوانی منزله سنده در که
فعل و انفعال آنکله تمام اولور اسم موجوده مظهر در واسم موجود دخی
رب اسمک خدا منددر پس بو تفریردن فهم اولندیکه صوفیه قائنده
طبیعتک جاده اختصاصی یوقدر آنکیچون انسانه کوره اصلاح طبیعت
ایلدی دیرلر * الهام * بطریق الفیض قلبه القا اولنان معنادر و الهام
ایچون موکل ملک وارددر که قلوبه نازل اولور ولکن انبیایه نزولی شرع

مطلب الفرق
بین الطبع
والطبیعت

مستقل ايله واوليايه اتباعه و متبعه و علری اولان نبی نك كتوردیكى شرعك
حقایقنی افهام ايله در پس بقدر حقایق واریسه باطن شرعدر که خواص
الهام اولور و بعض فیض دخی وارد در که بلا واسطه در تنکم مراتبی
مخلنده میندر (معنای بیت) بودر که حکیم آلهی زرگری بادشاهك
طبعی و كذلك كندی خاطر یچون قتل ایتدی تا که اکامر خدا و الهام الهی
کلمدی یعنی واقع اولان قتل فرمان حقه مضافدر یو خسه حرکه نفسانیه به
دارد کلدرد * زیرا غرض نفسانیه اوزرینه مبنی اولسه فرمان حقه
مراجعت اولمزی * بونده اشارت وارد در که انبیا و اولیا دن صادر
اولان امورك جمله سی داعیه قویه اوزرینه مبنی و اشات حقه داردر *
زیرا نفسدن بالکلیه خلاص اولنلرده حرکات نفسانیه اولق متمعدر بناء
علی هذا انبیا وکل اولیا به اعتراض ایتك جهل عظیم دن ناشیدر *
و دیشلردر که حقه وصولدن صکره صادر اولان افعالك جمله سی
شرعدر که معتقد اولنلره اقتدا و متابعت لازمدر زیرا پادشاهلرك
افعالی قانون اولدیغی صورته مظاهر حقیقتك افعالی قانون طریقت
اولق بطریق الاولی در تنکم (السلطان ظل الله) مقاله سندن
اخذ اشعارته قا در اولنلره روشندر * و باقی لطائفند ندر که شمرنده
کلور * اهل عشقك ناله سن فی قامت چنك ایلدك * پادشاه سن
اندیکك شمد نکر و قانون اولور *

* آن پسر را کش خضر بیرد خلق *

* سر آنرا در نیابد عام خلق *

* پسر * دن مراد خضر علیه السلامك قتل ایتدیکی اوغلا ندر که فرآنده
مذکور اسمی جیسور در جیم ايله و یا حبسوردر حائله و بعضا
دیشلردر که چینوندر تنکم امام سهیلی تعریف و اعلام نام کلبده بیان ایتشدرد
و پدرك اسمی کاز برا و ما درینك سهوی ایدی * کش * اصلنده که
اش در ضمیر پسره راجعدر * خضر * کشف وزنده بلیابن ملکك لقیدر
و لقب اسمافیاندر ندر و لیکن اسم مجرد کی دکلدر مدحی و یا ذمی
اشعار ایدر مذکورك نبوتنده و حال حیاتنده اختلاف اولمشدرو خیالی
چلبی حاشیه سنده کلور (ذهب العظماء من العلماء الی ان اربعة
من الانبیاء فی زمرة الاحیاء الخضر و الیاس و عیسی و ادریس فی السماء)

پس بوند ان نبوتی دخی راجح اولق لازم کالیدی حدیث مشارقده
ذکر اولند یغی اوزره خضر تسنه سنه سبب بودر که اوتورد یغی
یرنقدرد خشك و کیا هندن خالی ایسه ده سبزه زار اولور و تروتازی
بولور دی زیر حیات حقیقه اربابنك حیاتی اجزاء عالمه ساریدر *
آنکیچون جبرائیل علیه السلام راكب اولدیغی فرس الحیوة نام اسبك که
حیرنوم دخی دبرل موطی قدمی زوتازه اولغله سامری اکامطمع
اولوب اورادن برقبضه خاك آلوب صکره کوساله زرین اوزرینه
نشاراند کده خوار ظاهرا ولدی و فخر کاشات علیه اکمل التحیات
دخی قبل البعثة سوار اولسه لر بطریق الارهاص ذکر اولنان معنی
ظاهرا اولور دی فکیف بعد البعثة تنکم محبیه ده کلور * نه رده
مرکی کسته چمن چچك اولور دی خاك * و خضر علیه السلام فرآنده مذکور
اولان اسکندر یونانی که ذوالقرنین الا کبریدر آنک وزیر ایشدر
و ظمانده خول ایدوب آب حیات نوش ایتدیکی مشهوردر و بو ایکسته
اشارت ایدوب دیوان حافظده کلور * نه عمر خضر بماند نه ملک
اسکندر * نزاع بر سر دنیای دون مکن درویش * زیرا خضر آب
حیات سبیلله عمر جاوید احسان اولمشدرد و اسکندر اگر چه شرف
و غریبه مالک اولمشدرد اما آب حیاتدن محرومدر تنکم خواه
حافظ شهرنده کلور * اسکندر را نمی بخشند آبی * بزور وزیر میسر نیست
این کار * مذکور اسکندر حضرت ابراهیم علیه السلام ايله
معاصر اولدیغی کتب توار یخده مسطوردر ایمانی متفق علیه در نبوتی
مختلف فیه در * و بر اسکندر دخی وارد در که اکا ذوالقرنین الاصغر
واسکندر رومی دخی دیرلر که حکما مشاهیردن ارستطالیس اکا
وزیر اولمشدرد مصر قربنده اولان اسکندر یه ده نصب میل و وضع
آیینیه ایدن بواسکندر در تنکم باقی نظمنده کلور * جام اعلک در
سنك آیینیه روی انورك * آدی وار جام چك آیینیه اسکندر ك *
و بونك زمانی حضرت عیسی علیه السلامه قریبدر و کفری متفق
علیه در و بوا یکی اسکندر ك میاننی فرق اتمیوب علما و شعرا دن
چوق کسنه غلطه دوشمشدرد حتی قاضی بیضاوی (و بسئلونك
عن ذی القرنین) آیتی تفسیرده ذوالقرنین اسکندر رومی ايله بیان

مطلب

تحقیق اسکندر

اندو کننده نخطه اولمشدر و صائب دخی بومسلکه سالک اولغله
غلط ایدوب دیمشدر * رقم نام تو بر صفحه آینه بس است * ای سکنسدر
بخدا چشمه حیوان مطاب * وینه دیمشدر * به هر که هر چه
سزاوار بود بخشیدند * سکنسدر آینه و حضرات حیوان یافت * یعنی آینه
صاحبی اولان اسکندری ظلماته داخل اولان اسکندر قیاس اتمشدر
نتکم خضری آنک اوزرنه عطف ایتدیکی ظن مذ کوره قرینه در
والعلم عند الله و * خلق * حاء مهمله ایله بوغاز و معجمه ایله مخلو قدر اولکیسی
اولکیدن وایکنجیسی ایکنجید ندر * عام خلق * اصلنده تشدیدله در خاص
خلقك مقابلیدر بورا ده ضرورت ایچون تخفیف اولمشدر زرا
مخفف اولان عام سنه معناه سنه در سال کی عام خلق اودر که حقایق
امور و دقایق احوالی ادرا که ذهن ثاقب و یرمشدر * پس بونلرک درجائی
منازلدر خاص خلق بونلرک خلا فیدر پس بونلرک طبقاتی متصاعددر
(لحیره) چونکه انسان اولو بدرر طبقات * کیمی برقات بیلور کیمی
قات قات * اعتماد ایتمه عامه ناسه * وار یکن خاص کبی شویله ثقات *
(معنای بیت) بودر که اول اوغلانی که حضر علیه السلام آنک بوغازنی
کسدی یعنی قتل ایلدی آنک سرنی عوام ناسدن اولان ادراک ایدمه من
زرا اسرار عوام ایچون بول بوقدر بلمکه آنی خواص ناسدن اولنر بیلورلر که
عقل سلیم و طبع مستقیم اربابی اولد قلرندن ماعدا الهام و کشف
و فراست حقیقه ایله سازلر دن ممتاز اولمشلر و صور اشیا ده دقایق
معانی به اطلاع نام بولمشلر در نتکم حدیثه کلور (ربارنا الاشياء کما هی)
و تفاسیرده مبین اولدیغی اوزره اصل قصه بودر که حضرت حضر
حضرت موسی ایله علیهما السلام سفینه دن بیرون اولد قلرنده
لبدر یاده کیده رلر قریه به مریدوب اول قریه تک خار چند بر پسر
زیبا روی و بلند قامت کور دبلر که کود کان ایله ملا عیه ایلدی
پس حضر اول پسری برد یوار اردنه کوتور رب الهام و سبایه و وسطی
دید کلری اوج بر مغیله اشارت ایدوب باشنی قلغ و آنی قتل ایلدی
موسی علیه السلام بو خصوصه سبب ظاهر اولمحق حسبه اعتراض
اند که ده حضر علیه السلام دخی اعلام حقله حقیقه الحاله واقف
اولغله جواب و ربوب دید بکه بواو غلان کفر اوزرنه مطبوع و مجبول

ایدی * نتکم حدیثه کلور (ان الفلام الذی قتله الحضر طبع کافرا)
و کوردم که پدر و مادر ینک بو کاجتلی وار (و حب الشیء یمی و بصم)
و فقیحه فرزند یوزندن ضلالت و قوعلری غالبدر پس ضرر فرزند انلره
ساری اولمق خوفندن بوکار حیرت افزا صادر اولدی (سؤال اولنورسه که
بر حدیثه کلور که) کل مولود یولد علی الفطرة) پس نچه کفر اوزرنه
مجببول اولور (جواب بودر که فطرة ایله مراد قبول اسلامه استعداد در *
بومعنی ایسه جبلتینه اولان شقاوتی منافی دکلدر * و بردخی بودر که
فطرت ایله مراد الست ربکم سؤالنه جوابده بلی دید کلر یدر *
(سؤال اولنورسه که اول اوغلانک ابوبنی بحسب الظاهر مؤمنلر ایدی
پس اوغلان ابوبننه تبعیت حکمیه مؤمن اولمق کورینردی بناء علی هذا
بالفعل کفر و قوعدندن اول قتله مسامحه نه وجهله در) (جواب بودر که
* ع * علاج واقعه پیش از وقوع باید کرد * قیلنددر اوغلانک
سعادت عارضه سنه اعتبار بوقدر انکیچون حدیثه کلور (السعید سعید
فی بطن امه والشقی شقی فی بطن امه) بطن ام دن مراد بطن ام
صوریه در که مرآت ام الکتاب در پس علم حق متغیر اولماز محو اثبات
قبول ایدن اوح محفوظ مرتبه سیدر که مرتبه برزخیه در بوندن فهم
اولنور که روز فردا اطفال و مجنن و بونلرک اشلی ایمان و کفرله امتحان
اولنورلر تا که محبت بالغه ایله ملزم اولهلر نتکم بعضیلر ذاهب اولمشلر در
والعلم عند الله و بومعنا ده قبل البلوغ و قات ایله بعد البلوغ اهلاکات
میاننده فرق قالمز زرا ازلا کفر اوزرنه مجبول اولان ایدانچه سعید اولور
و بالعکس و بومقام مزالقی اقدام ندر ملا حظة صحیح و بلمکه کشف تام کر کدر
زیرا بوضو رتده غلام مذکورک پدر و مادر ینک ایمانلرینه اعتبار قالمز زرا
بعض عوارض بله زوال قبول ایتک شانتد ندر بلوغ غلام کبی پس
انلری صیانت ایچون غلامی قتلده فائده ندر معلوم اولکه ظاهر
شرعه قتل نفس ایتک محظوردر اما باطن شرعه ده جائزدر یعنی
خوانیم اموری مکاشفیه قادر اولانه کوره مرخصدر زیرامکاشف اولان
بطریق الکشف بیلور که اول مقتولک حیاتی کندی نفسنک شقاوتنه
سبب اولدیغندن ماعدا بلمکه غیر یلری دخی افساد باعث اوله ابوین
کبی زرا کرچه کفر و شقاوت اوزرنه مجبوا در فاما کمال شقاوتنه طول

حیات و اعمال کفره ما شرت ایله باغ اولور بو مسئله دخی دقیقه در زیر
برمادده قاضینک علی کفایت ایتمز بلکه حکم لاحق اولمغه خارجدن
شهادت عدل کر کر نتکم محالده مبین در مکر بوماده شارع کوره اوله
نتکم رسول الله صلی الله علیه وسلم خصایصندن اولوق اوزره نیجه
امور ایراد اولمشدر (سؤال اولور سه که نیچون الله تعالی اول اوغلانی
ایمان اوزرینه مجبول ایتمدی تا که ابویه مضرتی ساری اولیه) جواب
بودر که علم معلومه تابعدر معلومت حالی بحسب الاستعداد کفر و شقاوت
اولیجق اکا ایمان و سعادت تعلق ایتمز مثلاً برکسه نک کیمه سنده فلوس
اولسه انک اخراجنه مأور اولان کیمه فلوس یرینه دینر چقرمق
محل در و بعض عرفاء دیمشدر که مقتول اولان اوغلان زیاده بهجت
وبها و حسن و ملاححت اوزرینه مجبول ایدی پس حضر خوف ایتمدیکه
اهل حق انده ظاهر اولان نورله مستأنس اولوب واسطیه تعلق
حسبیه مشاهده حقندن غافل اولار نتکم عیسی علیه السلام ایله نصاری
فتیه دوشدیلر نتکم محمدیه ده کلور * وادی مریم بکر ایکن بر شمه حسنکدن
اثر * اول سیددن طیدیلر عیسایه چندین ماه و سال * اگر چه که شهودده اتم
اولان ظاهر ایله مظهرک میانی بلا مزاحمه جمع ایتمکدر واحد هما
ایله آخردن مخنجب اولماقددر پس رفع وسائط ایچون قتل ایلدی
وقتی دخی احکام قدردن ایدی حضرت موساک اعتراضی مقتضای
حالی اولدیغی کبی فاعرف جدا پس بو تقریر سمع جانکه رسیده
و بو تحریر رشتنه ادراککه کشیده اولد بسمه پادشاه و حکیم و جاریه نک
حالی دخی سکاء معلوم اولدی زیر از رک رک حیاتی جاریه نک هلاکنه
باعث اولد یغندن ماعدا پادشاه دخی بحسب الظاهر متضرر ایدی
و بر یرده موجب قتل اولسه دخی حاکم اولوقت بحسب الرأی سیاست
طریقیه قتل ایتمک جائزدر نتکم ساری قطع ید یرینه صلب ایتمک وارددر
کتب فقهیه ده مسطور اولدیغی اوزره و كذلك مبتدع اولان کیمسه
خالق کندی سو اعتقادنه داعی اولسه ضرر عامی دفع ایچون قتل
اولور پس چون حکیم مسئلهدن خبردار و حقندن آگاه ایدی لاجرم
اصلاح حال ایچون زر کری قتل ایلدی اگر مرحت ایدوب قتل ایتمسه
اختلال نظام حاصل اولور و اجزاء عالم انحلال بولوردی پادشاه و حکیم

نتکم دیمشدر که
ساحر ساعی بالفساد
اولسه یعنی
سحر بله تمر یض
واهلک ایلسه
قتل اولور و حسن
زر کر دخی سحر
نه عنددر

ایسه مأور اولد قلمری جهتمدن محافظه دن خالی اولماق کر کدر انکیچون
انبیاء علیهم السلام سیف ایله بهشتلری رحم جبلی یرینه مانع دکلدر زیر
گاه اولور که مرحت قهر یوزندن اولور پس حقیقته قتل زر کر نظام
حاله داردر اغراضه دکل نتکم بالاده بیان اولندی بوندن فهم اولندیکه
فساد زر کر یوزندن اولمغه زر کر قتل اولندی جاریه جهتمدن اولسیدی
جاریه قتل اولوردی و چون زر کر قتل نفسه اشارت ایدی وهوی
دخی نفسک کوزنه اشیا بی تزیین و آتی معنی اهلا کله افساددن خالی
دکل ایدی لاجرم مرشد کامل و مربی واصل النده ریاضات شاقه
و مجاهدات عظیمه سینی ایله قتل و ازاله اولندی تا که نفس اکا تشقندن
خلاص اوله و روح و سائر قوایه ضرری طوقمیه و عالم وجود نظام پذیر
اولوب روحک دخی بوبدنه تعلق ایتمدوکنه دکه و بوندن فهم اولور که
نفسی قتل دیدکلی هواسنی ازاله در والا نفس آلت و مطیة روحدر
(لحرره) نیجه قتل ایلمسون نفسن کشی * ضرری بو وجوده ساریدر
ضرری عام اولیجق بر شخصک * قتلنه حکم شرع جاریدر *

* انکه از حق یابدا و وحی و جواب *

* هر چه فرماید بود عین صواب *

* وحی * اصلنده اشارت سریعه دیرلر انبیا و اولیا علیهم السلام القا
اولمان کلام خفی به وحی اطلاق اولندیغی سرعتنه بناءدر یعنی سرعتله
ادراک اولور شویله که فهم و افهام و مفهوم بری برینک عینی اولور
نتکم الهام آلهیدن مذاقی اولنله خفی دکلدر معلوم اولکه الله تعالی نک
بشر ایله مکالمه سی اوچوجه اوزرینه در نتکم قرآنده کلور (وما کان
لبشر ان یکنمه الله الا وحیا اومن وراء حجاب او یرسل رسولا فیوحی باذنه
ما یشاء) اولکینسی وحی طریقله در که معناسی ذکر اولندی بودخی
یا الهامله و یا خود منامده القائله اولور قلب اوزرینه القا اولنق جسد
اوزرینه القادن اشددر نتکم کلور خصوصاً که صاصله جرس صورتی
اوزرینه وارد اوله اصلی بودر که انسان عالم جسددن اخذاید کلش و انکله
قوت انس بولمشدر پس انسلا خده ملک وارد اولدقده عالم طبیعتدن
عالم روحه نقل ایدر و بوانتقال عادتندن خارج والف غابنه مغایر اولمغه
سبب تغیر و مدار شدت اولور و بو تقریردن فهم اولور که وحی انبیا

اولیایه شاملدر شوقدر وارددر که وحیده شایع اولان وحی تشریعدر
تکم حدیثه کلر (انقطاع الوحي وبقیت المبشرات رؤیا المؤمن) پس
نأدبا فرق ایدوب وحی والهام دیشلدرد مقام حالنده اولان الهامه
وحی مبشرات دیرل تا که وحی تشریعدر مقیم اوله وگاه اولور که
تعریف دخی اطلاق اولور مقصود تعریف آلهیدر الحاصل الهمام
آلهی ووحی مبشرات طرف کبریا دن اولغله دخی تشریع کیدر
بوسیدندر که مشنوده کلور * این نه بخسعت ونه رسالت ونه خواب * وحی
حق والله اعلم بالصواب * ولکن الهامده ووحی مبشراتده ملک توسط ایتر
توسط ایتدیکی صورتده مغیب وغیرمشهوددر زیر ملک شهودله کلامی
سماعک مباننی جمع ایتک انبیایه مخصوص صدر پس اوایا کلام ملک
اشدرل سه کندن کرر مزل وکورل سه مکالمه ایترل و دیشلدرد که
رسول الله صلی الله علیه وسلم مونیله وحی تشریع منقطع اولشدر پس
حالانه نبی مشرع ونه نبی متابع وارددر تکم بومعنایه (لانی اعدی) شاهددر
ولکن وحی مبشرات اکبرامت ایچون الی یوم القیام باقیدر و بومعنایه
نبوت تحقیقه دیرل که حق تعالیدن انبا واحیاددر ولکن ولییه نبی اطلاق
اولنر هر نقدر الهام صحیح وکشف صریح اهل ایهده زیر نبوت
عرفده نبوت تشریعده مستعملدر پس اطلاقده خلط مراتب واختلال
نظام وارددر بوسیدن اطلاق ایهده تأدیب لازم کلور فاعرفه (ایکنجیسی
وراء حجابندر تکم حضرت موسی علیه السلام وراء حجاب نوره
ایکن شجرده کلام حق اشدی اولیایه واقع اولان هواتف غیبیه
دخی بویله در ولکن انبیایه کوره محادثه ایله شهود متکلم مجتمع اولمق
جائز در زیر قوت حالری وارددر مکر بوموطنه کوره مجتمع اولیه که
حیب الله صلی الله علیه وسلم دن غیر به میسر اولماشدر اودخی حد دنیانک
خارجنده واقع اولشدر اولیایه کوره ایهه مجتمع اولماز زیر ایزاده بهت وحیرت
ایراش ایدر مکر که حضرت مثالده تجلی واقع اوله یعنی بو حضرتده اولیا
دخی مکالمه ایله شهودی جمع ایدرل زیر تنالآت صورتده واقع وروح
اوزرینه جاریدر وروح اوزرینه وارد اولان تجلیاتده جسد متلاشی اولنر
زیرا روح صورت جسدی محافظه ایدر بی روح اولنرک صورتلری ایهه
متفرق اولور انکیچون طور موسی پاره پاره اولدی وموسی بعد زمان

افاقت بوالدی پس قلب اوزرینه واقع اولان تجلیده بشری غائب اولمق
تجلی مذکور بشریت اوزرینه وارد اولمق لازم کلسه حال نیچه اولور
یعنی جسد اول سطویه به تحمل ایتر زیر بنیه انسانیه ده ضعف
وارددر بوسیدندر که اولیاء ادنای قهریله متالم اولورل مکر بشریتدن
مأخوذ اوله ل فاما نیچه اجلا ف ناس واعراب بوالدی وارددر که حکام
انلرک جلودنی سلخ ایدرل وانلردن اصلا عجزت ظاهر اولنر سببی ضعفک
حقیقتی فقداندر (لحرره) اورسلر دست قهریله مین * جسد جاهل
اولور دخی مین * (اوچنجیسی خار جسد ملک واسطه سیله در که انبا
علیههم السلامه اختصه صی وارددر یعنی اولیایه حاصل اولان الهام سماندن
انزال معنوی ایله وجه خاصدن اولدیغی کی انزال صوری ایله وجه
عام دن دخی اولور انکیچون علوم انبیاء اصل واتم واشمل وعلوم اولیا
تبع وتام وشاملدر اگر چه که بونلرک وحهی دخی جانب رب العرشه مفتوحدر
ولکن هر اخذبرد کلدر ویا کره منایله شرفیات اولان صورت و معنائک مجموعیله
مکرم وممتاز اولان کی اولماز و بوقسمده خطاب ملک خطاب بشر کی ظاهر
جسد اوزرینه وارد اولور وجبریل علیه السلام دحیه رضی الله عنه صورتده
ظهوری حقیقت ملکیه سنی منافی دکلدر انکیچون حدیثه کلر (ان جبریل
اتاکم لعلکم دینکم) یعنی دحیه صورتده نازل اولدیغی حالده جبریل اطلاق
اواندی زیر ناظره نسبتله صورتی متبدل اولغله حقیقتده استحاله
لازم کلن الحاصل جبریل اول حالده نه بشر محض اولور ونه خود بشریت
ایلله ملکیتی جمع ایدر ونه خود حقیقت ثالثه دینلور زیر ملک حقیقتده
صورت بشره مخالفدر صورت جنه مبان اولدیغی کی ولکن صورت
بشرده تمثیل واقع اولغله اول صورتک احکامی دخی اکاتب اولور کلام
وحرکت معناده وضحک ویکاماشالی کی وسائر قوای انسانیه دخی
اکا قیاس اولنر زیر اول وقتده اکا انسان خیالی دیرل پس انسان حقیقی به
مضاف اولان انسان خیالی به دخی مضاف اولور * وقچن صورت
بشریه دن منخلع اولسه ذکر اولنسان احکام دخی زائل وذا هب اولور
وبوسرک سببی بودر که جوهر عالم اصلده امر واحددر و امر واحد
کندی حقیقتدن متغیر اولمق ممکن دکلدر پس اول جوهرده هر نقدر
صورت ظاهر اولور سه جمله سی عارضدر شویله که هر زمان فرد ده

رسول الله صلی
الله علیه وسلم
موت حالنده
مقامات شدا ید
ایتد کلر ینک
سری بومقامدن
فهم اولنه

استحاله ایتمکه در زیر الله تعالی علی الدوام ایجاد و امثال اوزرینه در
وهو الخلاق العظیم صورت عبارتند و اولان کلام الهی دخی
بوکا قیاس اولنه یعنی کلام از اینک السنه مختلفه اوزرینه ورودی
فی الحقیقه امر واحد اولدین منافی دکلدر مثلاً قرآن کلام الله در که
ذات حقه قائم بر صف قدر و غیر مخلو قدر بومعنایه کوره کسوت عربیده دن
معراوسائر قیوددن مبرادر لباس عربی ایله ملبوس اولدیغی تنزلاته کوزه در
تا که بو عالمده نظمینی اخذ و معناسنی فهم ایتمک آسان اوله و کلام حق
حرف و صوتله استماع ایتمک جبرائیلی صورت دحیه ده مشاهده
کیدر و جبرائیل رب العالمین دن سماعی و کذلک رسول الله ک ایله
معراجده سماعی و کذلک موسی نک طوره سماعی رسول الله ک جبرائیلی
کندی صورت خاصه سنده رؤیت کیدر فاعرف جدا فانه مما ینفعک
قطعه * جواب * بوراده خطاب معناسنه در خطاب اوزرینه اختیاری صوابه
توافق ایچوندر صواب خطانک ضدیدر ثواب عقابک مقابلی اولدیغی
کی (معنای بیت) بودر که اول مکاشف و معاین که حقدن دخی خطاب
بوله و وجه خاصدن حقه توجه تامی اوله هر نه امر ایدرسه عین صواب
ونه بول کوسترسه محض ارشاد اولور زیرا حق تعالینک کندی ذاتنده
سهو و خطا جاز اولیچق اندن خبردار اولان اهل حقه دخی جاری
دکلدر * و کذلک وحی و خطاب ارسال رسول ایله اولسه دخی خطا
بو قدر زیر سغیر وحی اولان ملک خطادن محفو ظدر و الاعتماد قالمز
انکیچون قرآنده جبریل امانت ایله وصف اولنوب امین دینلیدی و جله
ملائک حقه کور (لا یعصون الله ما امرهم و یفعلون ما یؤمرهم)
و کل بشر و ملائکک نک سهو و خطا شانندن اولق صدورنی مستلزم
دکلدر زیرا حضور دائم مانع و مزاحدر نه کم صامتک صوم دائماً خاطرنده
اولسه مفسد اتدن بری اولور (سؤال اولور سه که سهو و خطا بشرک شانندن
اولق ملک دخی اولغی مستلزم دکلدر) جواب بودر که عدم عصیان
ایله ممدوح اولق شانندن اولغی مقتضیدر زیرا اگر انسان و اگر ملک
شانلردن اولیان نسنه بی نغیه مدح اولمز فاعرف

* آنده جان نبشد اگر یکشد رواست *

* نایبست و دست اودست خداست *

* دست * بوراده یا تصرف معناسنه در و یا تخییل طریقله در زیر
الله تعالی جارحه انسانیه دن منزه در یعنی خدا لفظی برمتصرفدن
استعاره بالکنایه و دست لفظی استعاره تخیلیه در که انکله دسته
مشابه اولان صورت مخترعه مراد اولمشدر مع هذا حق تعالی حقه
دست ایراد اولق دست خلقه اجتماعی سبیلله مشکلددر تخیلیه به
حسن زائد ایراث ایدر و بو مقامده لطائف غریبه وارد که روح البیان
تفسیر عزمده سوره فحمده مسطوردر (معنای بیت) بودر که اول کسنه که
جان بخش ایلله و تنفخ روح و افاضه حیاته باذن الله تعالی قادر اوله حضرت
عیسی و امثالی کی اگر قتل و هدم بنایدرسه روا و سزادر زیر سرحیات
ایله محقق اولغله ایکیسیده النمن کلور نیکم ابو بزید بسطامی قدس سره
نمله مرده یه تنفخ ایدوب احیا ایتمش و فیض نفسیله حیات نو بخش ایلشدر
سائرل دخی بوکا قیاس اولنه و بو مقوله جله دن فانی و حقه باقی اولوب
جان بخش ایتمکه قادر اولان کسنه نائب حق و خلیفه کبریا در و انک الی حق
ایدر و تصرفی تصرف خدای از ایدر زیر نائب منوب عنک سرله تحقیق
و خلیفه مستخلف عنک صورتیه له قائمدر انکیچون کمال انحداد و نهایت
اتفافی بیانده انک الی همان بنم المدر دیرلر و بو اطلاقه اشارت ایدوب
قرآنده کلور (من یطع الرسول فقد اطاع الله) و بر محله دخی کلور
(و ما رمیت اذ رمیت ولكن الله رمی) و بر موضعه دخی کلور (ان الذین
یبايعونک انما یبايعون الله یدالله فوق ایدیههم) یعنی تحت الشجره ده واقع
اولان بیعت الرضوانده یدر رسول الله یداللهدر که ایدی اصحابک فوقنده در
الحاصل عادت عرب اوزرینه بطریق اخذ الید واقع اولان مبايعه ده
اصحابک الیری اوزرنده اولان ال صورتا رسول الله ک و حقیقه الله کدر
زیرا رسول الله ذات وصفات و افعالی حقه افلا ایتمشدر و حدیثده
کلور (الحجر الاسود یمین الله فی ارضه فن لم یدرک بینه رسول الله ففسح
الحجر فقد ینایع الله و رسوله) و بر روایتده کلور (الکن یمین الله فی الارض
یصافح بها عباده کما یصافح احدکم اخاه) کما فی المقاصد الحسنه
للسخاوی بوندن حجر اسودی تقیل ایتمک یمین رسول الله تقیلک صورتی
و یمین رسول الله تقیل ایتمک یمین الله تقیلک سر یدر زیر کعبه
ذات احدیه صورتیدر ذات احدیه ایدر رسول الله جمیع اسماء و صفاتیه

تجلی اینست پس اول نسنه که صورت حقدر حقیقتده صورت رسول
اللهدر حج ایتک و خصوصاً تقبیل حجر شاهد توحید اولغله بحسب
الظاهر بحریمین رنه وضع اولندی حقیقتی ایسه یمین رسول اللهدر
پس خارجده شهادت توحیدده تقبیل بحر و حقیقتده یمین
مدار اولدی ولیکن رسول الله موطن دنیادن انتقال اتمکله یمینک سری
ورثه کملک ایمانه انتقال ایلدی بومعنایه یمین رسول حالابین الناس باقیدر
الحاصل وارث اتمکله یمینی تقبیل ایتک رسول اللهک یمینی تقبیل
وانک یمینی تقبیل بداللهی تقبیلک عیندر پس یمین وارثی تقبیل ایتک
بالواسطه یمین اللهی تقبیل حکمنده اولدی زیرا سلسله انده نهایت بولدی
وبوسر جمدن خبردار اولان یمین رسول الله ایله یمین وارث اکملی فرق
انمیوب بیعة الرضوان تحتده داخل اولق لازم کلدی فیساربح المرزوق
و یاخیه المحروم (لحرره) * نیچه بر شاهراه کعبه یه کت * داخل بیعت
اولغله سعی ایت * بوله کور طور مه مرشد ناطق * اوله کور صامت
اولادن ساکت * و ذکر اولنان تقریردن مقام حبیب ایله مقام خلیلک میانده
فرق عظیم ظاهر اولدی زیرا کعبه حقیقتده مقام حبیبه ناظر در انکیچون
مقام ابراهیم مقابله سنده باشقه محمد وضع اولندی پس مقام ابراهیم ایله
کعبهک صورتده فرقی نقدر ایسه مقام خلیل ایله مقام حبیبک حقیقتده
فرقی دخی او قدر در بوندن ظاهر اولدی که حضرت ابراهیم کعبه بناء
ائمه رسول الله خدمت اتمش اولدی ومن وجهه متبوع اولدی بخی
رسول الله تابع وانک امتندن اولغی منافی اولدی فاعرف جدا *

همچو اسمعیل پیشش سر بنه *

شاد و خندان پیش تیغش جان بنده *

* اسمعیل * حضرت ابراهیم علیه السلام فرزند دلبدار یدر که
ابو العرب درنتکم برادری فروغ تنور وزنی اورزه ابو العجم در اسمعیل
لفظ عبرتیدر معناسی مطیع الله درنتکم اسحاقک معناسی اسان مذکور
ایله ضحاک دیمکدر و معالم التزیلده کلور که حضرت ابراهیم واد
خصوصنده دعا ایدوب اسمع یا ایل دیردی ایل کسرله الله معناسنده در
اسماعیل دنیایه کاد کده انکله نسیمه اولندی * پیشش * ضمیری بیت سابقده
انکه لفظنک مشار الیه نه راجعدر * خندان * کلجی معناسه در کوکل شاد

اوله نك اوزمندندر * تیغ * ناملی کرک بچاق و کرک قلیج اولسون و دقایقده
کلور که تیغ مطلقاً تیز و کسکین نسنه در دمر دن اولسون غیر بدن اولسون
اصلی تیز در زاغینه تبدیل اولمشدر شمشیر خصوصاً صله قلیجه دیرلر
اما خنجرک اوآلت معروفه یه اختصاصی بو قدر بیولا بچاغه ده خنجر دیرلر
(معنای بیت) بودر که حضرت اسمعیل حضرت ابراهیم علیه السلام
بچاغنه تسلیم اولوب او کسنه باش قود بخی کبی نتمکم قرآنده کلور
(فلما اسلمنا وتله للجبین) سن دخی جان بخش ایتکه قادر اولان اهل و حیک
و نایب حقک حضورنده باش قووا کا منقاد اول شاد و خندان انک قلیجی
و بچاغی او کمنده جاز و یربغی جان و یرنک کراحت طریقیله اولسونکه
جهلمدن و نقصانندن ناشیدر بلکه طوع و رضا طریقیله اولسونکه
مهر فتدن و کمالدن حاصلدر نتمکم قصه ذبح اسمعیله عرض اولند فده
یوردی (یا ابت افعل ما توأمرو سنجدن ان شاء الله من الصابرين) ولیکن
صبر ایله تعبیر اندیکدی پدری انک حقیقتده جزع ملاحظه سیله در نتمکم
(انی اری فی المنام انی اذبحک) دیوتمهید اندیکدی اکادالدر زیر ابو مقوله
امر عظیم محل جزع در والا اسمعیل اول بلادن مثلنذ ایدی و بلکه
مشاهده حقه لذت و المدن دخی منسلخ ایدی نتمکم رابعه عدویه رحه الله
مقالا تنده کلور (لیس بصادق فی دعواه لم ینس الضرب فی مشاهدة مولاه)
الحاصل بو مقوله فدای جان و بذل وجود ایدن کسنه تسلیم اولدی بخی
انسان کامل یوزندن تازه جان بو اور اسمعیل علیه السلام (وفدیناه بذبح
عظیم) و فقجه حیات نو و فدای عظیم بولد بخی کبی پس نیچون الم چکر
و تر دایلر و مضطرب او اور بر بلانک که غایتی و لا و بر فنانک که نهایی
بقا اوله عاقل اولان انک جامندن مست و زجاجه کبی با کلیه شکست اولور
(لحرره) بلای حق ولادر اکلریسک * فنا ولادر سوز اکلریسک *
وجودن خاکله یکسان ایدن ار * بو اور اکسیر اعظم ای برادر *
شو کیم جان قیدنه دوشدی بلادن * ابد قور تلیسیر ابتلادن *

تا بماند جانت خندان تا ابد *

همچو جان پاک احده با احد *

* جانت * لفظنده نون و زنیچون ساکن تلفظ اولنور * ابد * ازلک مقابلیدر
سرمد ایکسینی جاءعدر * احد * رسول الله صلی الله علیه وسلم کتب

قدیمه ده اولان اسم شریف بریدر انکیچون حضرت موسی علیه السلام
(اللهم اجعلنی من امة احمد) دیدی وعبسی علیه السلام تبشیر ایدوب
(بأنی من بعدی اسمیه احمد) بیوردی و حدیثه کلور که بنم عندالله
اون عدد اسم واردر اول اسمائک بری محمد وبری احمد در بوندن معلوم
اولور که بواسمائک جمله سیله تسمیه حقیقته الله تعالی به مضافدر احمد
زیاده حامد و زیاده محمود منارینه کلور و بعض کبار بیور مشلردر که
تکرر جدی حسبله محمد و لواء الحمدی حامل اولق جهتیله احمد تسمیه
اولمشدر * احمد * و واحد و حدتدن مشتق در وحدت انفراد دیمکدر احمد
اصلنده و حددر که صفة مشبهه در وحید و منفرد معناسنه و اوی همزیه
قلب اولمشدر علی خلاف القیاس احمد ذاتنده و واحد صفاتنده مشارکی
اولمیانہ دیرلر یوم الاحد دیدکلی ایکی معنادن برینه محمد اولدر یا اول دیمکدر
زیرا ایامدن ابتداء خلق اولنان کوندرو یا یوم الله دیمکدر احمده اضافتی اول
مخاوقات اولق سیبیلہ در انکیچون ثانی ایجاد اولندقدہ اثنین دندلی
زیرا یوم احدک ثانی سیدر و علی هذانتکم تفسیر مناسباده مسطوردر
(معنای بیت) بودر که تاسنک جانتک ابدی خندان قاله و غم و عبوست
یوزنی کورمیه جان پاک احمد صلی الله علیه و سلم ذاتنده فردیکتا اولان
الله تعالی نک وصال تامیله ابدی شاد اولدیغی و خندان قالدیغی کی
جان احمد ایله تمثیل ایلدی زیرا مخاطبک متبوعیدر و تابع کالده متبوعه
تابعدر انکیچون رسول الله صلی الله علیه و سلم مرتبه محبوبیتله سرافراز
اولدیغی کی امت مرحومه نک اکاملی دخی سار اوایاء ائم دن انکله ممتاز
اولدیلر الحاصل قناء کلی بوللرک جانی غم وجود دن خلاص اولوب
وجودی باقی ایله قالورلر و حیات باقیه ایله ابدی شن اولورلر تکم حضرت
هدانی قدس سره کالانده کلور * کچوب صحرای عالمین * کذرقیل
عرش اعظمین * خلاص اولدر دله غم دن * دکل یا هو و یا من هو *
مقصود حجب ظلماتیه و نورانیه دن کذرایمه کجه غم دلدن خلاص اولق
و مقام هویت و صولله اختصاص بولاق ممکن اولدیغی بیساندر چون معنی
حاصل اوله خلق صورتنده حق ظهور ایدر نتکم ابویزید بسطامی قدس
سره بیور مشلردر که اوتوزیلدر که بن حقله مکالمه ایدرم خلق ایسه
بنی کندیلر ایله مکالمه ایدر قیاس ایلر و بومعنی جان پاک ابی زیدک هویت حقه

اتصالندندر بعد ذابوینده احد ایله احمدی جمعه حکمت بودر که
احدک احددن امتیازی میم امکانی ایله در انکیچون احمد ده وجوب
وجود دن ماعدا صفات موجود در و لکن فی الحقیقه تنصیف دائره
ایدن خط فاصل متوهم اولدیغی کی میم امکانی دخی متوهمدر زیرا
حقیقت وجود ده شرکت یوقدر انکیچون قرآنده کلور (لیغفرلک الله
ما تقدم من ذنبک وما تأخر) یعنی ذنبه مراد ذنب وجود در که شرکت
وجوددن عبارتدر ماتقدمی وجود روحانی و ما تأخری وجود جسمانیدر
مغفرتدن مراد اول شرکت و اثینیت متوهمه بی نور وحدت ایله ستر
و تغطیه در و بو وحدتک ظهورنده میم امکانیک حکمی قاله زاکر چه که
امکان ابدی و باقیه در زیرا مرآتدر نتکم بالاده تحقیقی کذراشمشدر
واطائف معایننددر که نظم عرفیده کلور * از احمد احدیک میم فرقت *
همه عالم در و یک میم غرقست * یعنی احمدک میم متوهمی طی اولنسه احمد
قالور آنکیچون دیرلر که احمد جمعا و فرقا مظهر حقدر و بوسیددن
انسانک بقا سنه قائل اولمشدر زیرا عینا هالک و علما ثابتدر واحد
صورت و معنائله نائب حق اولمغله حقل جیمع اشیاده مفصله لاجلی
ایلین اسماسی انک میمنده اجالا مندر جدر زیرا اسما و صفاتک ظهوری
میم امکانیک حکمیله در ذات من حیث هی جمیع نسب و اضافاتدن
عری و قیود و عیلا یقندن بریدر و بواند راج سیبیلہ احمدک علی جمیع
آحادک علوم و احوال واحدکا منی محیطدر آنکیچون قرآنده کلور
(انا ارسلناک شاهدا) مقصود تقدم کلیتی حسبله موجودات متأخره
و اشیاء جزئییه بی مشاهده و معاینه ابتدکارینی بیاندر آنکیچون حدیثه
کاور (علمت ما کان وما سیکون) و بواحاظه سار افراده یوقدر (لحرره)
جان احمد اولوب احدایله بر * مظهر اولدی صفاتنه بربر * تعجب صورت
ز یبارد کیم * صورتندن کورندی چهره سر *

* عاشقان جام فرح آنکه کشند *

* که بدست خویش خوبان نشان کشند *

* جام * قدحدر طولی اولسون بوش اولسون و صرچه اولسون غیری
اولسون جام جم دیدکلی مشهور قدحدر که حکما آتی احوال مملکتی
مطالعہ ایچون جم نام پادشاهه دوز مشلدر * فرح * لذت عاجله ایله صدرک

انشراحته دیرل اکثر با اذات بدنیه دنیه یه ده مستعملدر * کشند * اولیکیمی
 فحله کشیدن و اینکجیسی ضمه کشتن دن مشتقدر * شان * ضمیر جمع
 غایدر عاشقانه راجعدر شانك ایشاندن فرقی بودر که شان ضمیر
 متصلک یعنی کله آخرنه لاحق اولان شینک و ایشان ضمیر منفصل اولان
 اونک جمیدر (معنای بیت) بودر که عاشقلم جام فرح و قدح سروری
 اول وقت چکرل و نوش ایدرل که خوبلری انلری کندی اللربله قتل
 ایدرل و یا خود کندی محبوبلری اللربله قتل اولنلر زیرا بر عاشقی که
 معشوق قتل ایدر آنک دینی اول معشوق اولور نتکم حدیث قدسیده
 کاور (من قتلته فانادیته) عاشقکده مقصودی معشوقه و صولدر پس
 جان برینه جانان اله کرمک نه نعمت عظمی ونه منت کبری در و بومعنی
 حاصل اولسه عاشق غمدن خلاص اولمز ز برافرا قده قالور پس عاشقلم
 سوه سوه محبوب النده فتا بواورلر و وصال جانانی بیع جانله صا تون
 الورل والا غمده قالورلر و بلکه حاللری مجر د دعوی اولوب دروغ
 اهلی زمره سنه داخل اولورلر انکیچون کاستانده کلور * ای مرغ سحر
 عشق ز پروانه بیاموز * یعنی مقتضای عشق پروانه وار یانوب کل اولمق
 و وجود قیدنده اولوب قنای کلی بولمقدر پروانه مجر دشمنک چور سنده
 دوران و شله سی اطرافنده طبران ایتمکله پروانه ایکنده صادق اولدیغی
 کی پروانه دل دخی شمع جال حقیقی ایللر بویله در (لحیره) قایر سک
 اگر وجود کی * اوله کور یوقلغله صاغ واسن * نقدر زشت ایسه ده
 روی بلا * عشقه باقجه کلور مستحسن * محکیدر که حلاجی قدس سره
 واقعه ده سر بریده و قدح دردست کورد کلرنده سرنندن سوال ایتدیلر
 جوا بنده سرندن کچمنجه جام معنی نوش اولنلر مراد ظفر بولنزدیدی

* شاه آن خون از پی شهوت نکرد *

* تورها کن بدگانی ونبرد *

* شهوت * اصلنده نفسک کندی مراد نه میل ایتسیدر در صکره لذته
 استعمال اولندی * رها کن * امر در رها کردن دن مشتقدر صالی و یرمک
 مناسبه * نبرد * فحله جنکدر کاه اولور که بایه موحده بی واوه تبدیل
 ایدوب نورد دیرل حرف بانک واوه تبدیلی فارسیده شایدر نبردک
 اصلی نابرددرانی تخفیف حذف اولمشدر و اوله ناورد دخی دیرل

(معنای بیت) بودر که پادشاه و کذلک حکیم اول قانی یعنی زر کری
 قنلی شهوتدن اوتوری ایلدی یعنی هوای نفس و حظ طبیعت ایچون
 دکل ایدی بلکه غرض صحیحه مبنی ایدی سن بو خصوصیه سوء ظن
 وجنک وجدلی صالی و یر و ترک ایللر یعنی عقل قاصرله امور خفیه نک سرنی
 بی کینه قتل ایدی دیمه ز را عقل قاصر بو مقوله امور خفیه نک سرنی
 ادراکدن عاجزدر پس اگر سن مؤمن طریقت ایسک تسلیم اوزرینه اول
 و اعتراض ایللر و اگر واصل حقیقت ایسک سکا خود نصیحتنه حاجت
 یوقدر ز را سری معلوم در عارفلر دیمشدر که سوء ظن اهلی یاننده
 نیک اولان نسنه بد و حسن ظن اهلی قاتنده بد اولان نسنه نیک اولور
 یعنی سوء ظن و حسن ظنک تأثیر واردر نتکم محکیدر که شیاطین
 و عفاریت حضرت سلیمان علیه السلامی فتنه یه ایقاع ایچون زمره
 اخضر ایللر بر زمین دو شوب حبسبانی اولور و جو هر دن ایتدیلر
 حضرت سلیمان مطاع اولد قده مواهب حقدن اولغله حل ایدوب
 سکره سجده ایلدی پس بو حسن ظن سببیللر حق تعالی اول زمین اکا
 ابا ایدوب ارض مقدسه قلدی سوء ظن دخی بوکا قیاس اولنه مثلا
 برکته ملک ایچون شیطاندر دیوسوء ظن ایللر اول ملک ارشاد
 والهامیللر منتفع اولماز ارباب انککارک کلمات اهل حقه قندن عدم
 انتفاع و اسرار افعال ارباب دله دخول ایدر مد کلری ذکر اولان
 معنایه مبیدر پس سوء ظن و قیاس نفس ایتمک زیاده منکر نسنه در
 بونده اشارت واردر که هوای نفس از لاله ایتمک شهوته مبنی دکلر بلکه
 قطع شهوت ایچوندر و قطع شهوت اگر چه که شهواتندر فاما شهوات
 مدوحه دندر پس اصلاح وجوده دأر اولان اغراضک جمله می
 صحیحدر اگر چه که اهل غرض اولنلر اصلاح وجودی عبثه حل ایدرل
 و تسلیک صدد نده او انلری هزل ایتمک یوانه کیدرلر نتکم کفار
 قریش اهل اسلامک ریاضت و پرهیز و طاعت حق و متابعت رسول
 ایللر قیا ملرینه باقوب شونلر وجودلر نه قوری زجت و برلر زیرا تحتنده
 اصلا فائده یوقدر دیرلر دی پس کفار صوریه انکار ایتمک حسیله
 عوام مؤمنینک حاللری استحه رایتد کلری کفار معنوی دخی امور معنویه بی
 عدم ادراک سببیللر خواص مؤمنینک شانلر بی از دراء و استعجاب ایلدیلر

لاجرم ایکی طائفه دخی شربت حرمان ایچدیله رودنیادن خسارت و خذلانله
کوچدیله و بونلرک حقنده قرآنده کلور (ما یجادل فی آیات الله الا الذین
کفروا) پس کفار شریعت قرآن رسمینک آیاتنده مجادله ایلدیله انکیچون
جدالری رسمی اولدی و بونلره کفار رسوم دید کلری کی کفار حقایق
دخی دیدیلر و کفار حقیقت قرآن حقیقینک آیاتنده مجادله قلدیلر
انکیچون جدالری حقیقی اولدی و بونلره کفار حقایق دیدیلر فقط
و مؤمن حقیقی اولغنه کفر و جدالی مطلقا ترک ایتک لازمدر (لحرره)
ایتمه کمال اهلنه سن بد کان * اولیه سن اگر یلک ایله کان *

* تو کان بردی که کرد آود کی *

* در صفا غش کی هلد پالوده کی *

* آلوده * بولاشقدر کافی هلد رسیدن بدل و یا مصدریه در * صفا * اصلنده
برسنه نك شو بدن خلوصیدرگاه اولور که اصلنده بی شوب اولانده دخی
استعمال اولور نیکم قرآنده کلور (من غسل مصفی) زبرا غسل جنت
صفوت اصلیه اوزرینه در دنیا کی شمع و فضلات نحل دن تصفیه یه
محتاج دکلدر * غش * کسرله صفاتک ضدیدر یعنی برسنه صافی اولوبوب
قارشق اولمقدر نیکم درهم مغشوش دیرلکشی باقر ایله مخلوط اولسه
و قحله امحاض نصیح ایتک و یا خود اضمار ایتدیکی نسنه نك خلافن
اظهار اتمکدر نیکم حدیثده کلور (من غشیا فلیس منا) وگاه اولور که
قافیه رعایتیچون مکسور مفتوح او قنور نیکم دیوان حافظده
کلور * خوش بود کر محک تجر به آید بمیان * تاسیه روی شودهر که
دروغش باشد * هلد * کسرله مضارعدر هایدن صالی و برمک و ترک ایتک
معناسنه در * پالوده * مصفی نسنه در یعنی سوزلش معروف طه اسم
پالوده دید کلری صفوتی مشتمل اولغنه بناء در (معنای بیت) بودر که
سن کان ایلندک و سوءظن ایلندک که پادشاه و کذلک حکیم اون زرگری
قتل ایتکله آلوده لک ایلدی (یعنی آنده اغراض نفسانیه و صفات ردیه
بولاشغی اولغله ایتدی بوا یسه بوبله دکلدر زبرا صفاده پالوده لک
غشی فین قور یعنی برسنه نك زیاده سوزلش اولسی صفوتنده قاریشخلق
قومز زبرا کمال اوزرنه سوزلک واردر که آنده کدورته منعلق اثر قالمیه
پس سوزلش نسنه نك صفاسنده غش مقوله سی اولم یغی کی پادشاه

و حکیمک دخی صفوت نه ساد لرنده کدورت طبع و نفس یوغیدی زبرا
طبعی شهوات بدنیه دن تنبیه و نفسی کدورات بشریه دن تصفیه
ایتمشلردی پس بوبله متقی طبع و مصفی نفسی اولاندن قاریشق ایش
صادر اولماز والا ارباب شهوت و اصحاب هوی ایله برابر اولمق لازم
کلور بلکه قاریشخلق اصلاح وجوده موفق اولیلریدن کلور زبرا
فطرتی تبدیل و مزاج اولی تغییر ایلشلردر و سائر بقیه وجود اهل دخی
بو کاقیاس اولنه (بوننده اشارت واردر که قیاس نفس ایتک جائز دکلدر
زبرا پاک ایله ناپاک فین برابر اولور پس پاکان طریقت و اعیان حقیقتک
امورنه اعتراض ایتک ناپاکلکدن و انلره سؤظن ایتک کمال جهلندن
ناشیدر و العیاذ بالله تعالی بو معنایه اشارت ایدوب بوستانده کلور *
ولی اهل صورت کجایی برند * که ارباب معنی بملکی درند * و فضولی
شعرنده کلور * نه بلسون بحر حالن اولکه منزله کا هی سا حلددر *

* بهر آنست این ریاضت وین صفا *

* تا برآرد کوره از تفره جفا *

* ریاضت * نفسی اوصاف ردیه و شهوات طبیعیه دن تهذیب و تخلیصه
دیرلر معنای اصلیه سنده کثرت ملحوظدر زبرا صولی یه روضه دیرلر
و بروادی نك صوبی کثیر اولسه استراض الوا دی دینلور پس ریاضت
نفسی و بایندی کثرت استعمالدر تا که سلاست و مهارت قبول ایلیه و حرون
حیوان تعلیم ایلده نه رائض دیرلر نیکم نفی نظمنده کلور * پهلوان گرمی
سفره کش خلق جهان * قهرمان غضبی رائض بکران فک * جفا * فتح
و مدله و گاه مقصور دخی اولور جفوت یعنی شدت و غلظتدر * و خلاف
بر و نقیض صله ده دخی مستعملدر و اجفا افعالی بایندن حیوانه تعب
وزجت و برمک و اکل و رعینه ما نع اولمقدر مقصود طالب حقک نفسه
اصلا حیچون و بریدیکی زجت و چکدیر دیگی مشقتدر نیکم حضرت هدای
قدس سره کلماتنده کلور * نفسه جفا ایسه بتر بر اطفاله ایشم بتر * جفای
ریاضت اوزرنه عطف و اشارتی تکریردن فهم اولور که ریاضت طبعه
و جفا نفسه کوره در زبرا ارباب طریقت ارا سنده شایع اولان طبعی
ریاضتله و نفسی مجاهده ایله اصلا حلددر ریاضت تقلیل طعام و امثالی
ایلله و مجاهده سائر مخالفاتله در که جمله سی حدت و غلظتدن خالی

دکدر * کوره * کاف عربی * ضمیمه * دمیجیلرک چاموردن یابد قلمی او چاق
بجره کبی عربی * نقره * ضمه عربی * التوندن و کشدن اریش قطعه
معنا * جفا * ضمه عربی * واوزرنده و غلبان ابلین چوملاک اطرافنده
اولان کوپک زبد و کف کبی و چور چوب و ضایع و باطل اولقی تکیم
قرآنده کلور (فاما الزبد فیز هب جفاء) یعنی روی آبک کفی و بیلا فزک
خبثی مطروح و ساقط اولدیغی حالده ذاهب اولور (معنای بیت)
بودر که بوریاضت و بوجفاندن اوتوریدر که تا که او چاق یعنی او چاقده
بنان آتش کشدن غشی و برامز شوب و مرجی یوقاری کتوره یعنی
قالدوره و ازاله ایده و جوهرنی کدورات خاک و سائر اجزای ارضیه
و عوارض خارجیه دن تطهیر ایلله الحاصل قیومجی و امشالی کوره ده
ایقاد نارونقره بی اذابه ده مقاست شائد ایتدکاری اول نقره بی تطهیر
و جسدی تنقیه ایچوندن پس نفس و طبعی دخی ریاضت و مجاهده
آتشده جوهر وار کداخته ایتد دن مراد و بو خصوصنده چکن زحمت
و مشقت انیری اوصاف رده و اخلاق ذمیمه دن تصفیه و بکه یو بهانیله
دل زنگار خورده بی غبار هوی و کسورت ماسوادن بالکلیه تجلیه در
و چونکه اهل الله اغراض نفسانیه دن مصفی اولمش و امرض
قلیه دن براءت بولشدر لاجرم کفتار و کردار لری حقده مضاف
و حرکات و سکونلرنده مسلم و معارفدر (بناء علی هذا پادشاه مذکور
و حکیم مسطوره یو باید موآخذ یوق و اعتراض صدندده اوللره غآله
یک چوقدر (لحرره) اولسه آدم جهانده حقانی * بی غرضدر
دوکر سه ده قانی * بعد ذآ آتشده اذابه و تطهیر محسوس و شاهد
و تأثیرده سآردن اشد اولغله حال سالک انکله تمثیل اونسی تکیم
بعض کبار بیورمشدر که (البلاء للولاء کالنار للذهب) یعنی سیم و زر
اعلی الاجساد اولوب تنقیه و تطهیر لری آتشده اذابه منوط و موقوف
اولغله قوای باطنه نک اقواسی و معدن وجودک التون کبی خاص الخاصی
اولان قلب انسان دخی اکامائش اولدی (و بوندن فهم اولور که
بوموطن دنیاده ذکر اولنسان نار مجاهدهات ایلله جوهر وجود تطهیر
و ترکیه اولنسه نشأه اخرویه ده نار الله الکبری ایلله تطهیری لازم کلور
عصامت دوزخه دخولی بو معنا دندر و الا پاک اوللر ناردن دور و چوب

جفاله ممسوس اولدن مهجورلر در زیر حاصل تحصیلدر که عیبدر
تعالی الله عن ذلک * غم مردن نبود جان غم افروخته را * نیست
از برق خطر مزروع سوخته را *

* بهر آنست امتحان نیک و بد *

* تابجو شد بر سر آرد زرزبد *

* امتحان * تجربه ایتدکر ابتلا کبی یعنی برنسنه نک جودت و ردا یعنی معرفت
و یا حال مجهولنی تعریف و اظهار ایچون معامله در او ایکیسی مخلوقه کوره در
تکیم کلور * پیام تابرنیابد بسی * نشاید سیدن بغور کسی * و ایکیجسی
خالقه کوره در زیر اعلام الغیوب فی نفس الامر امتحان ایتدن
بریدر * جوشیدن * قایما مقدر * زبد * قحنتین ایلله عربی در رسیده کف
و ترکیده کوپک دیرلر که صو اوزرنده و غلبان ایدن جوملاک اطرافنده
اولور و کبر و پاس و سلندی معنا سنه دخی کلور و دکز کوپکنه دخی زبد
البحر دیرلر قایمغه زبد دیدکاری ضمه لونده اکا مشا بهندن اوتوریدر
زیاد دخی بو کاقیاس اولنه زیاد برطیدر که کربه یا بانیه نک قویریغی آتندن
جمع اولنسان و سخدر مشک زیاد دیرلر مشهوردر تکیم نفی نظمده کلور
نکته خلقی معطر ایلسه کرعالمی * خاکله یکسان اولوردی فیت مشک
زیاد * فقها و اهل لغت زبانی طیب جمع اولنسان حیوان صائمشر در
تکیم قاموسده مصر حدر فارجمع (معنای بیت) بودر که ابوی و کی
امتحان و تجربه ایتدک اندن اوتوریدر که تا که التون آتشده قایمبوب کبر و پاس
و غشی باشی اوزرینه کتوره و مایه کدورتی طرحله جوهرن تخلیص
ایده بونده مظهری مضمر موضعنه وضع واردر زیرا بر سر آرد اوزبد
دیه چک بر دروجهی بودر که آتشده قال طریقله تخلیص جوهر ایتدک
اکثر التون و کومشک شائنددر پس التون و کشک آتشده امتحان اولنغله
بد اولان غشی ازاله و نیک اولان جوهرنی ابقایه دیکی کبی سائر امتحانه
صالح اولان امور دخی شانلرله مناسب و جهله امتحان اولنوب تطهیر اولنورلر
لکن بو صورتده نیک لفظی ازدواج طریقله ذکر اولمش اولور
زیرا نیک اولان نسنه ده امتحانه صالح زبدیوقدر مکرحالی منکر اولانه
نسبتله صفوت جوهرنی اظهار ایچون اوله و جائزدر که نیک و بدک
معناسی نیک و بدله مخلوط معناسنه اوله بو صورتده نیک و بدک موصوفی

مخدوف اولور که حقیقه زر دن عبارت در بونده اشارت وارد رک
(وعند الامتحان یکرم الرجل اویمان) حسنیحه امتحان بر نسنه ک
یا اکرام و یا اهانندن سیدر یعنی دعوی محله نتهکم پادشاهک زر کری
قتلی محک امتحان اولوب اقرار و یا انکار له هر کسک نقد حالی معلوم اولدی
* کر نبودی کارش الهام آله *

* اوسکی بودی درانده نه شاه *

الهامک تفسیری مرورایتشدر * سک * کلبدر و معروف حیوانه سکسار
دیرلر کلب باشلی اولدیغندن اوتوری و صفت غالبه سی افتراس اولنله
کلب اطلاق اولنور اسد و ذنب کی نتهکم رسول الله صلی الله علیه وسلم
ابو لهب اوغلی عتبه اوزرنه دعا ایدوب (اللهم سلط علیه کلبا من کلابک)
بیوردی صکره آنی ارض شامدن زرقاید کلری موضعده ارسلان
پاره پاره ایلدی پس بو مقامده سک ایلله ارسلان مراد اولمق اظهردر *
زیرا بر تخیلفده کالی واردر انکیچون تعریفنده حیوان مفترس دیرلر
زیرا نفع ایلله ضرارک میاننی تفرقه ایتمز اگرچه که خصوص اوزرینه
ارسلانه فارسیده شیر و عرییده اسد دیرلر و بر مناسب دخی بودر که
اسد سید اسباع اولدیغی کی پادشاه دخی سید الاتباع در * درانده *
کسرله بر تجی معناسنه در پرده در دیرلر قحله و کسرله مستعملدر *
(معنای بیت) بودر که اکر اول پادشاهک ابشی الهام آلهی اوزرینه مینی
اولیایدی بر تجی کلب اولوردی بوخسه شاه اولمازدی انکیچون ایام
خلفان صکره اولان دولت و سلطنته ملک عضو دلتشدر *
زیرا اربابی ظلم غالبلری سبیلله خلقی عض ایدرلر و کلب صفت اولورلر
بونده پادشاهی ظلی تقدیری کلبه وزر کری انک فریسه سنه تشبیه
واردر الحاصل پادشاه اهل الهام اولمقله زر کری قتلی بحق اولدی
والا اول دخی مفترس لر سیرتیه متصف اولوب پادشاهلری انک صورتنه
مفخر اولور و قیامتده صفت غالبه سی اوزرینه کلوردی بو مقوله سلطان
عالیدن ایسه اوله امر سافل صادر اولمق بعیددر * بوندن فهم اولنور که
بواطن شرعدن بی خبر اولان کسنه ظواهر شرعی محافظه ایتمک
کر کدر تا که هتک حرمت ایلله کلب کی عضو ص اولمیه نتهکم
اشغده روشن اولسه کر کدر * بونده روح ایلله نفسک حانده اشارت

واردر یعنی روحدن من حیث هو حقه مخالف نسنه صادر اولنر بلکه
ظاهری فساد اوزرنه ایسه باطنی صلاح اوزرنه در نفس ایسه کلب
مقوله سیدر که ظهری و باطنی فساددن خالی دکلدر انکیچون طریق
ریاضت و مجاهده به سلوک لازمدر که تا که نفس و قواسی منکسر اولوب
روح و قواسنه تبعیت کورستره نتهکم دیمشدر (اجمع کلبک یذک)

* پاک بود از شهوت و حرص و هوی *

* نیک کرد اولیک نیک بد نما *

* حرص * فرط الشره و فرط الاراده معناسنه در * بد نما * وصف ترکیبدر
بد کوستر یجی و بد کور یجی معنارنه (معنای بیت) بودر که پادشاه شهوت
و حرص و هوی و نفس و طبعک سائر اوصاف رزیه سندن پاک ایدی
زر کری قتلنده ایوانیدی و لیکن بد کوستر یجی و باید کور یجی ابوی یعنی
نظر عامیه کوره بد و نظر خاصیه نسبتله نیک ایدی زیرا عامه بواطن
اموری استکشافدن عاجز اولوب باطنی اصلاح اولان نسنه بی فساد
حل ایلرلر و خیر کثیردن محروم اولورلر نتهکم بر کسنه زبیب اسودی
یعنی سیاه اوزمی سیاهلکندن اوتوری استکراه ایدوب اکل اتمسه باطننده
اولانلدندن محروم اولور و احوال عالمک اکثری بومعنی اوزرنه مبنیدر
زیرا وجودده شر محض بو قدر انکیچون بیدک اخیر دندلی و رجال
اللهدن ملامیه نک حالی بوندن معلوم اولور مثلا نههار رمضانده
افطار و غیر یسی کی محکدر که ابویزید بسطامی قدس سره تنقیرناس
ایچون نههار رمضانده افطار ایلدی مطلع اولنر بلکه حل ایدوب
اندن تنفر ایدلر مع هذا جائز ایدیکه ابویزید اعدام طعامه مالک اولوب
اندن حقیقت اکل صادر اولمیه زیرا اوصاف نفسانیه دن پاک اولان
کسنه دن امور طبعیه صادر اولمق بعیددر نتهکم دیمشدر که
(الفانی لایردالی اوصافه) ولیکن تقلید عامی نک استحکامی اولماقغله
ازاجق بهانه ابله عقداری چرز بلور و اعتقادلری بوز بلور ورشته اقرارلری
اوز بلور نتهکم مشوبده کلور * خود چه باشد قوت تقلید عام *

بعد داشه هوت طبعک و حرص و هوی نفسک صفتلریدر و شهوت
و غضب قرینلردر و حرص و بخل قرینلر اولد قلری کی اولکیسی
عناصر اربعه دن آتشله هوا نک ازدوا جندن و ایکجیسی تر ابله آبک

اجتماعندن تولد ایدر بونده مقصود پادشاهک او صاف نفسدن
بالکلیه پاک اولدیغن یاندر زبراهوی جله بی جامع اولغله هوی دن پاک
اولان سائر اوصافدن دخی پاک اولور و تصوف حقیقته ذکر
اولان طهارتدن عبارتدر نتکم حضرت هدا بی قدس سره بیورر *
تصوف نفسنی پاک ایلمکدر * فانیله آتی خاک ایلمکدر * ذکر اولان
ایکی بیت مشوبده وصف حال پادشاه حسب حال حکیم آلهی در
زیرا پادشاه حقیقته حکیمک اشارتیه عاملدر بونده اشارت وارددر که
مرشد کامل اولور اوصاف وجوددن پاک اولمشلردر پس جله ایشلری
حقانیدر بناء علی هذا انله اعتراض اتمک برو جهله درست دکدر
(لحرره) اورمه دم اعتراضله زنههار * طرمتسون آینه قلبیکی پاس *
چونکه واردربانده فاروق * اینه ارباب حالی قاله قیاس *

✽ کر حضر در بحر کشتی راشکست ✽

✽ صدرستی در شکست حضر هست ✽

حضرک ترجمه سی مروراتدی * شکست * اولکسی ماضی وایکنجیسی
مصدردر شکستن معناسته نتکم مقابلی اولان درست لفظی اکاقرینه در
زیرا انده اولان بادصدریه در (معنای بیت) بو در که اگر حضر
دریاده درست اولان سفینه بی بلا سبب ظاهر شکست ایتد بیه انک
اول شکسته یوز یعنی چوق درستک وارددر یعنی صورتا شکست
فا ما حقیقته درستدر زرا مصلحتی متضمندر اجمال قصه بودر که
حضرت موسی و حضر علیهما السلام تجتمع البحرین یعنی بحر فارس
و بحر رومک ملتقا سنده متلاقی اولد قلرنده سفینه سو ارکیدر کن
حضرت حضر علیه السلام اول سفینه نک الوا خندن یکی نخته قلع
ایلمدکده حضرت موسی بوخصوصده اکابطریق الاعتراض یا حضر
اهل سفینه بی صوبه اغراق ایتکمی درسدن دیدی حضرت حضر
مدافعه ایدوب بوسه سفینه ضعیفامقوله سی بر قاج نفر کردو حالابر پادشاه
وارددر که درست اولان سفینه لری غصب ایلر پس شکست ایتدم تا که
عبلمو اولوب اول ظالمک النیدن خلاص اوله دیدی دیمشردر که اول پادشاهه
این جلندی دیرلر بر کافر ایدیکه اندلس جزیره سنده قرطبه دیدکاری شهرده
ساکن اولوردی ابتدا دریاده ظهور ایدن فسادانک ظلمی ایدی نتکم ابتدا
قراده بادی اولان شر دشور قایلک هایلی قتل ایدی و بو تقریر دن

فهم اولنور که حضرت موسی و حضرک را کب اولدقلری دریامغرب
دریاسی ایدی نتکم بعضیلر ذاهب اولمشلردر و مشلده کلور (اظلم من
این جلندی) و انسان العیونده مسطوردر که این جلندی حجاج
ظالمک اجداد ننددر که ارالرنده یتش بطن وارددر انکیچون دیمشردر که
(الوادسر ایبه معناه فیه مافیه) نتکم تحقیق کذرا تمشدر و بونده اشارت
وارددر که غصبا مأخوذ اولماق ایچون خرق سفینه ایتک ظاهر
احکام شرعدن دکدر و لکن سفینه صا حینه باطن شرعه مصلحت
اولغله تجویز اولمشدر تا معلوم اوله که مجتهد اولانه باطن شرعه
صلاحی فسادندن اکثر اولدیغن بلدیکی ماده ده ظاهر شرعه جائز
اولین نسنه ایله حکم ایتک جائزدر زرا بومقوله ظاهره مخالف اولان
نسنه حقیقته موافقدر و لکن علتی خفیه اولغله مجتهد دن غیره
اوماده ده حکم و تصرف جائز دکدر و بوندن فهم اولنور که اصحاب
سفینه اولان مساکین وراء پرده ده اولان آفتدن غافلر ایکن عنایت حقه
مظهر اولوب انبیادن برنی ایله اعانت و تدارک اولندیلر اولیا حالی دخی
بوکا قیاس اولنه زرا بوامتک اولیاسی اتم سالفه نک انبیاسی کیدر
وبوندن فهم اولنور که بعض اوقاتده نیچه ضعیفانک مصالحتی نیچه
اقویانک حالی اوزرینه ترجیح اولنور نتکم اصحاب سفینه حالی حال
موسی اوزرینه تقدیم اولندی زیرا بوخصوصده موسایه مضرت
وار ایدیکه اعتراضی اسباب فراقدن ایدی وبوندن فهم اولنور که انسانه
اول استعداد اندن صکره صحت لازمدر زیرا مستعد اولدقجه مشاق
صحبه تحمل ایده میوب اعتراضله تدنی و تنزل بولور بواپسه مقصودک
قلبی و مرادک خلافیدر (لحرره) درج دله دلین کوهر پاک * اولور
البت صدف کی خاوش * کیم بلور حکمت مسکوت ندر * یا مکر اوله
دهانی چون کوش * فاعرف جدا

✽ وهم موسی با همه نور و هنر ✽

✽ شد ازان محبوب توبی پر مهر ✽

* وهم * برقوت جسمانیه در که سائر قوای جسمانیه اوزرینه حاکم
وانلری مستخند مدر نتکم قوت عقلیه سائر قوای عقلیه به حاکم
وجه سنی مستخند مدر و وهم علمدن نوعدر و قاموسده کلور که وهم

خطرات قلبند و یا متردد فیہ اولان نسنہ نک طرفینک مر جو حیدر
نوردن مر اید بیضا و هـ نزدن مر اد سائر معجزات مودوده در پس
عامی خاص اوزرینه عطف قبیلندن اولور ونور و هنری ابراد و جمعه
اطساف و اردر ز بر اید بیضا هنر مقوله سندن ایدی عیب قبیلندن
دکل ایدی انکیچون حقنه من غیر سوء وارد اولدی آنیت سابقه
مصراع ثانیك مضمونه اشارتدر * میر * نهی حاضر در اوچه دیگدر
(معنای بیت) بودر که موسی علیه السلام قوت و همیه سی بوقدر
یدیضا و سائر معجزات قاهره ابله مؤید ایکن حضرت شکستنده نیچه
در ستاک اولدیغندن محجوب اولدی یعنی ائک حقیقتی مکاشفه ایتک نقد
وقتی و مبلغ علمی اولمایوب حضرت و همی مرتبه سیله معامله و بوجهندن
فعلند اعتراض ایلدی سن قناتسز اوچه یعنی ظاهرده جانب مقصوده
پروازه قنات لازم اولدیغی کی باطنده دخی سمع مقصوده وصوله
کشف صحیح بواق و و هـ مدن خلاص اولدی کر کدر ز بر موسی علیه
السلام کر چه بوقدر معجزات ابله مؤید ایدی قمار رسالت دأر امور
رسالت ایسه احوال ولایتدن دکلدر بلکه احوال ولایت امور رسالتک
ماعداسیدر پس بر کسه ده معجزات و کرامات اولدی هر نسنه نک
حقیقته وصولی مستلزم دکلدر انکیچون اکامل اولیادن نیچه لرینه
بعض علوم زائده احسان اولمشدر که انبیاده بوقدر ولیکن بوندن ولی
نبیدن افضل اولدی لازم کلز نتکم ندما پاد شاه مجرد قریبتر یله خار جده
خدمت پادشا هیده اولان طبل و علم اصحابندن من کل الوجوه افضل
اولمازلر پس موساک محجوب اولدیغک سبی بودر که حضرت اظهار
ابتدییکی نسنه امور ولایتدن ایدی امور رسالتدن دکل ایدی و امور
ولایت اگر چه که حقایق محضه اولدیغی جهتدن قابل تعلیم و تعلم
دکلدر زیرا الدنی صرفه در که لسانه کلز و سمعه کر من ولیکن لوازمی
جهتبله تعلم قابلدر انکیچون حضرت موسی حضرت (هل اتبعک علی
ان تعلمن) دیدی بعد از نسنه اوج حجاب وارد (اولکسی حجاب
جسددر که بوحجابی ازاله نفسک افعالی افعال حقده افناله در
و بومرتبه مقام قلبه ناظر در) ایکجیسی حجاب خیالدر که بوحجابی ازاله
نفسک صفاتی صفات حقده افناله در و بومرتبه مقام روحه ناظر در

(اوچنجیسی حجاب و هـ در که بوحجابی ازاله نفسک ذاتی ذات حقده
افناله در و بومرتبه مقام سره ناظر در پس مولانا حضرت تری حال
موسادن و هـ له تعبیر ایلدی زیرا حضرت اظهار ایتدیکی نکته ابله
موساک فهمی ار اسنده دقیقه جزئی و ارایدیکه عالم لاهوته دأر مقام
حقیقته ناظر ایدی اگر اول دقیقه منکشف اولایدی اعتراضه مجال
قالز و صحبت فراقه مبدل اولمزدی (سؤال اولور سه که موساک نبوتی
متفق علیه و حضرت مختلف فیہ و نبوتی تقدیری اوزرینه موسی کی
صاحب الکتابه حضرت حالی خفی اولدی نه وجهله در) جواب بودر که
موسی علیه السلام میران وجودنده کفه شریعت راجع ایدی اگر چه که
سائر مراتبه دخی بالفعل و اصل ایدی انکیچون شریعتدن غیر بسته
التفات ایتدی نتکم حضرت میران وجودنده کفه حقیقت راجع ایدی
اگر چه که بودخی سائر مراتبه بالفعل متحقق ایدی انکیچون حقیقتدن
ناظر اولدی پس موسی خلفادن حضرت عمر و حضرت علی
کی اولدی و کذلک تابعیندن امام اعظم ابوحنیفه و شیخ الشیوخ
حسن بصری صورتن بولدی پس جمیع انبیا و اولیاء جمیع مراتبه
واصلدر اگر چه که بری بر لرینه نسبتله تفاوتلری واردر زیرا بعضیلرینه
حاصل اولان مکاشفه قوی و بعضیلرینه متوسط و بعضیلرینه ضعیف
دوشمشدر و بالاده دخی تفصیل اولمشدر که بعض خواصک من وجه
فاضلیتی من وجهه مفضولیتی منافی دکلدر مع هـ ذا علوم آلهیه به
نهایت یوقدر انکیچون حضرت حضر (یا موسی انت علی علم علمک الله
وانی علی علم علمنی الله) دیدی و بوندن فهم اولور که رسومه تعلق ایتک
نفسه حجاب عظیمدر انکیچون بزم رسولز صلی الله علیه و سلمه امی
اطلاق اولمزدی زیرا کندی وجودی و اگر قرآنی محض حکمت و عین
حقیقتدر انکیچون موسی حضرت تبعیت کوستردی حضرت ایسه بواضتک
خدا مندن اولدی فافهم جدا

آن کل سرخست تو خوانش بخوان

مست عقلست او تو بخونش بخوان

بویت تمثیل طریقله وارددر یعنی قرمزی کلک رنگی قزل اولمغله سن
اکا قان دیه بلکه اول نفس الامر ده قرمزی کلددر مجرد قرمز یلقده

اشتراکری احد همانک اسمی آخر اوزرینه اطلاقی صحیح دکلدر زیر
کل نبجه اوصاف زانده ايله قان مجانستندن خار جدر مسک کبی پس
مسکه قان دیمک صحیح اولدیغی کبی کل سرخه صحیح اولمق بطریق
الاولی در اوکال عقلک مست و مدهو شیر سن اکا مجنون دیمه یعنی
مجنون اودر که انک نفسی ايله عقلی اراسنده حائل اووب کلام و افعا لی
مستقیم اولیه و آنک که حقیقته عقلمده ذره قدر خفت یوقدر و بلکه
مراجیح رزاندندر آنک اوضاعی کرچه عقل معاش اربانه جنون نوعندن
کورینور فاما حقیقته عقل معادن صادر و کنه شعوردن ناشیدر پس
حضر کبی حقایق و بواطن امور و واقف اولان کسینه خرق سفینه ایتدی
دیواعتراض ایلک و یا خود بغیر حق قتل غلام ایتدی دیو سو یلک
و کذلک زکر خصوصنده پادشاهه اطاله لسان ایتک قرمزی کله قان
و مست عقله مجنون دیمک کیدر که صحیح دکلدر الحاصل بعض عوارض
حسیه حسیه حس بشر غلط ایدوب کل سرخه خونی وضعف ادراکله
عقل ايله مجنونی تشخیص ایده مدیکی کبی بی بصیرت اولان دخی ارباب
حقایق حکم و مصالح خفیه اوزرینه مبنی اولان احوالنه استطلاع ایده من
نتکم دیمشلدرد علی نحت المعانی من معادنھا * و ماعلی اذالم تفهم البقر *
و قرانده کلور (و ما من الااله مقام معلوم) و خبرده کلور (رحم الله امرأ
عرف قدر مولم یتد طوره) یعنی برنسنه نک کنه هی ادراک اولمندیغی صورتده
تسلیم و قبول باری الیه کرکدر (لحرره) ایرمد کسه حقیقت کاره
* باری رد ایلله عقلک واره *

* کریدی خون مسلمان کام او *

* کافر کر بر دمی من نام او *

* مسلمان * کونده حق یعنی حقه اینانجی و اکا ایمان کتور یجی * کام *
کاف عربله مراد معناسنه در نام آددر مکتوبه نامه دیدکلری ایچنده
آد یازلق حسیه در (معنای بیت) بودر که اکر اول پادشاهک مراد
و مقصودی مسلمانک قانی بغیر حق دوکک اولایدی کافر اولور دم بن اکر
او مقوله نک نامنی ایلدر سیدم یعنی مدح طریقیله لسانه اور سیدم و قلمه کتور
سیدم زیرادم مسلمانی استحلال ایدن پادشاه کافرو بغیر استحلال اراقه ایدر سه
ظالم و مرتکب اولور و کافری مؤمن و ظالمی عادل اعتقاد ایلک کفر

اولدیغی کبی ایمانله وعدالله وصف ایلک دخی کفر در مکر عدلی جور
اوزرینه تغلیب طریقیله و یا مجازا اوله زیر اسوده ایض و اعمایه بصیر
اطلاق ایدرلر مجاز طریقیله نتکم حبشی به کافور ولد یغنه سلیم دیرلر
فاما تقوی اهلانسه بو مقوله مجازی اطلاقه رخصت یوقدر انکیچون
معار یعنی کلامدن اجتناب ایدرلر و رسول الله علیه السلامدن توریه
طریقیله کلام بردفعه صادر اولمشدر نتکم بدرده عسکر قریش نجس
اولور کن ملاقی اولدکلری کسنیه (نحن من ماء) بیوردیلر بونده اشارت
واردر که برسالک نفسه مسلمان اولدی دیمک خطا در زیر انفس و شیطان
جملت ایمان اوزرینه دکلدر انلرک ایمانی اعرالک اسلامی کیدر نتکم
قرانده کلور (قالت الاعراب آما قل لم تؤمنوا و انکن قولوا السلمنا و لم یدخل
الایمان فی قلوبکم) و خونیلک نفسک صفتی ایکن آنی اوصاف روح ایلله
وصف ایتک کافری مسلمان صفتیله وصف ایتک کیدر که قلب حقایق
مقوله سیدر و نفس اماره بی نفس مطمئنه یرینه قوی کفر صریحیدر
چونکه نفس بالفعل هوی ایلله منصف ایتدی لاجرم پادشاه روح آنک
هواسنی ذبح ایتدی تا که مملکت وجوده ضرری ساری اولیه پس
روحک فی الحقیقه قتل ایتدیکی باغی و کافر ایدی بو مقوله نک قتل ایه
مشرع و قاتلی مثاب و مأجور و آنی لسانه کتورن دخی مصیدر

* می بلزد عرش از مدح شقی *

* بد کان کرد در مدح شقی متقی *

* عرش * لغتده مسقف اولان نسنیه دیرلر و اصطلاحده جمیع اجسامی
محیط اولان جسم کایدر ارتفاعندن اوتوری عرش دیمشلدرد و مفردانده
کلور که عرش الهی حقیقت اوزره کسه بلزمکر اسمیه بله و بعض بیانی
روح البیان نام تفسیر بمزده طلب اوانه * شقی * سعیدک ضریدر (معنای
بیت) بودر که مدح شقی ن عرش اعلا در یعنی شقی مدح اولاند قد
عرش اعلا هیئت و غضبندن جنبشده کلور زیر مدح و ثنا کاله تعلق ایدر
کمال ایهسه بالذات و الاصاله الله تعالی نکدر انکیچون الحمد لله بیوردی
و بالعرض والتبعیه خواص عباد کدر انکیچون محل اولمیلری ذمده
(و یحبون ان یحمدوا بما لم یفعلوا) بیوردی و کام اولور که حرکت عرش
رضاء حق مشعر اولور نتکم حدیثده کلور (اهتز عرش الرحمن لموت

ای من ماء دا فق
وهو المني و اشار پیده
الی الواق فقال من
ماء الواق واضیف
الماء الی الواق لکنه
سند

سعد بن معاذ) وشفیت مدحند متقی اولان کسسه بدکان اولور و سوء
ظنه دوشر پس (اتقوا مواضع التهم) و فقیحه مواضع التهمیدن و سلامت
صددی تغییر بیاغت اولان امور دن اجتناب و اتقا لازم در بونده اناارت واردر که
نفس اماره مدح اولنده قلب که عرش الله در مضطرب اولور ز برانفسی
مدح ایتک قلبی ذم و قلبی ذم ایتک عرش اللهی تحقیردر که حقیقتده کفر در
و نفسک مدح اولنساندن نقدر قوای قابیه و روحیه و اریسه سوءظنه
دوشر لرزرا بونلرک تقوایی شرکت وجود اسناد در پس بر پرده که موحد
حقیقی اوله مشرک و انک مدحند محال قالمز و قلب که توحیدک امانتدار یدر
اندن خلافتنه ابش صادر اولماز زیرا خیانت عظیمه در و بوندن فهم
اولور که هر کشتی کندی متصف اولدیغی وصفه و صف ایتک کر کر
نتکم خبرده کلور (ثلاثة لیست لهم غیبة الامام الجائر و الفاسق المعان
بفسقه و المبتدع الذی یدعو الناس الی بدعته) اگر چه که بعضیلر بوقوله
نقی نهی معنایه حل ایلوب باب غیبتی بالکلیه سد ایتشدر در الحاصل
بعض امورک ذکر ایسانی صیانت طعی اولور و بعضیسی دخی خلاف
واقع اولغله امساک لازم اولور پس مؤمن متقی اولانه عظیم امور
ارتکابدن حذر و مالا یعنی دن احتراز لایدر قال الفضولی * عارض
جنان ایله بحث کمال حسن ایدر * دل اوچندندر که هر ساعت دوشر نقصان شمع

شاه بود و شاه بس آگاه بود *

خاص بود و خاصه الله بود *

* بس * باعریله زیاده معنایه در خاص و خاصه عامه ک ضدیدر
نتکم قاموسده مصر حدر خاصه الله و اهل الله بر معنایه در و جائزدر که
خاصده اولان هاء رسمی عرییدن عجمی به نقل علامتی اوله عرضه
و معشوقه و طریقه و امثالنده اولدیغی کبی بعد ذامصر اعین استدراک
معنای متضد ز بر ترفی اسلوبی اوزرینه در (معنای بیت) بودر که
شاه ایدی ولیکن سائر شاهلر کبی دکل ایدی بلکه زیاده حقندن آگاه
و حقیقتدن خبردار شاه ایدی خاص ایدی ولیکن الله تعالی ایتک خاصی
ایدی غیرینک دکل یعنی اهل الله دن ایدیکه الله تعالی آنی کندی
اسرار یچون اصطفای و کالات ذاتیه سنه مختص ایلش ایدی اهل دنیا دن
اولدیغی کبی اهل عقبا دن دخی دکل ایدی ز بر اخاص مطلق اهل اللهدر

اهل عقبا به خاص دیمک اهل دنیا به نسبتله در که خصوصیتی اضافیدر
نتکم بواج مرتبه بی فرق ایدوب حدیده کلور (الدنیا حرام علی اهل
الآخرة و الآخرة حرام علی اهل الدنیا و همما حرامان علی اهل الله)
معلوم اولاکه جمیع مراتب و مقامات اختصاصی و عطایدر کسی دکلدر
مثلا نبوت و سلطنت اختصاصی اولدیغی کبی ولایت و وزارت دخی
بویله در بعض امورک شرائط و اسباب یوزندن تدر یجمله ظهورینه
نظر ایدن محجوب آنی عمل ایله کسی ظن ایدر حقیقتده ایه فضل الهیدر
زیرا الله تعالی اسباب ایله اشلز عندالاسباب اشلر ففهم جدا شوقدر
واردر که مقربین اختصاص آلهی ایله تقریب اولورلر ابرار ایه نوافل
طاعات ایله تقریب ایدرلر پس بحسب الظاهر ایکسنتک میانی فرق اولندن
بحسب الحقیقه فرق لازم کلرز را بی جذبه و تقریب کسه سارک ایده من
و بونده روح سلطانتک کانه اشارت واردر زیرا (ونفخت فیه من روحی)
مقاله سنده اولان اضفله شرفیاب اولمشدر سائر ارواح و قواده ایه
بومعنی حاصل دکلدر الحاصل بونده روح سلطانتک کمال ذاتی و کمال
اضافیه اشارت واردر کمال اضافیسی اضافه بذکوره ایله حاصل اولان
اختصاصنه دأردر که بومیدن خاصه الله اولمشدر و کمال ذاتیسی حقایق
اشباه زیاده اطلاعندن ناشیدر زیرا زیاده آکاهلق بو عالمه تنزل ایدر کن
مرور ایتدیکی مراتبک حقایقنه و قوف و بدنه تعلندن صکره تحصیل
ایتدیکی معرفتله در پس روح انسانی کبی زیاده آگاه بوقدر انکیچون
بومر تبیه و اصل اولان اهل ارواح دخی سائر اجساد و تعلقه قالان ارباب
نفوس کبی دکلدر و هر کسک قدر و منزلتی معرفتده پایه سی مقداری
اولغله اهل الله اراسنده تفاوت عظیم ظهور ایلدی (لحرره) صاعده
هر سالکی حقندن بکم آگاه اوله * جمله دن ایده کذر واقف الله اوله *

* آن کسی را کس چنین شاهی کشد *

* سوی بخت و بهترین جاهی کشد *

* کش * کافک کسره سی ایله اصلنده که ابش در تخفیف هاء رسمی
والف کابندن دخی حذف اولنوب کسره کاف ابقا اولمشدر * کشد *
اولکسی ضمه کشتن دن قتل معنایه و ایکنجیسی قحله کشیدن
چکمک معنایه در * بخت * قحله دولت و طالع معنایه فارسیدر صکره

فهریب اولمشدر نیکم قاموسده کلور البخت الجدمعرب انتهى* بهتر*
 مر کبدر بر جزئی به در که یکدر و بر جزئی به در که ادات تفضیلدر بهتر
 بکرك دیمکدر آخرنده یا نسبت ونون تأکید ایچوندر* جاه* عربدر قدر
 ومنزلت و منصب وعزت و حرمت و اقبال معنایینه آخرنده یا زانده در
 شاهمی ده زانده و وحدت و تفخیم ایچون اولق محتملدر (معنای بیت)
 بودر که اول کسی بی که بونجیلین پادشاه و یار پادشاه و یار پادشاه عظیم
 و جلیل قتل ایلیه قتلی حکمته منی و مصلحته دار اولغله آنی جانب دواته
 و بهتر ن مرتبه چکر که قتلدن اول حاصل دکل ایدی زیر بر نسنه نکه که
 وسیله سی قتل اوله غیر و جهله اکا و صوله چاره یوقدر بعض انبیا و اولیانک
 شهادتی کبی بوندن ظاهر او اور که حضر علیه السلام غلامی قتلی
 و کذلک پادشاهک زرگری شر بتلیدیکی غضبا و قهر ادا ککل بلکه مر حه
 و لطفا ایدی ابوالبشر آدم علیه السلام ارضه هبوطیله امر اولندیغی
 کبی زیر مغضوب حقیقی اولان کمنه ایدی دوات و جاه یوزن کورمز
 نیکم حدیثده کلور (شر الناس رجل قتل نبیا و قتل نبی) و بو حدیثک
 سری شیخ صدرالدین قونوی قدس سره نکه حدیث اربین شر حنده
 میندر الحاصل قالی نبی و یامقتول نبی طرف هدایته مقابل تام اولان
 جانب ضلالتده بولمغله میانده اولان مضده کمله دن ناشی شر الناس
 اولدی بوندن فهم اولنور که غزوه احدده رسول الله علیه السلام
 بنفسه قتل ایتدیکی ابی بن خلف شیر فی الحقیقه ابوجهلدن اشد ایدی
 زیرا ابوجهلک قتلی مباشرت رسول الله دکل ایدی تفصیلی محمدیه
 اوزرینه اولان شرحزده در بونده اشارت واردر که هوای نفسک قتل
 اولمنسی اسفل سافلیندن اعلائی عاینه اصعباد ایچوندر* زیرا جاه
 اخروی هواسنک زوانده و دوات ابدیه تعلقاتنک اضمحلانده در پس
 ارباب نفوسه لازمدر که مر شد کاملک مباشرتیه اولان ریاضت و مجاهده یه
 صبرایده تا که مغلب اعلایه وصول حاصل اولسه فاعرف

* کردند سود اودر قهراو *

* می شدی آن اطف مطلق قهر جو *

* قهر * اطفک مقابیلدر اطف مطلقدن مراد پادشاهدر که الله تعالی نیک
 اطف مطلقنه مظهر در نیکم رسول الله صلی الله تعالی علیه وسلم وکل

ورنه رحت مطلقیه مظهر لدر پس اطف مطلق اطف مقیددن
 احترازدر که اطف مقید بر رخ و کمال اضافی اهلنک حالیدر* قهر جو* وصف
 ترکیبدر (معنای بیت) یودر که اگر پادشاه اول زر کرک سود و فائده سنی
 کند ی قهر و قتلنده کور میدی و تر قیسی انده بلیددی اول اطفک مطلق
 مظهری و رحت عامه سری چن قهر جو اولوردی یعنی (وما ارسلناک
 الا رحة للعالمین) مضمونندن حصه مند اولان پادشاه کسیه غضب
 مطلق ایله معامله ایتمز و اطف مطلق صاحبی قهر جو اولماز نیکم حدیث
 قدسیده کلور (سبقت رحتی غضبی) مقصود تعلق رحتنک سبقتی
 بیاندر و الا صفات ذاتیه تسابق اولماز چونکه قتل بحسب الظاهر قهر
 و غضب یوزنددر فاما اول قهر و غضبک تحتتده مغضوب و مقهور اولانه
 فائده عظیمه واردر* نیکم آکله مر ضنه مبتلی اولانک عضونی قطعده
 کمنده سلامت واردر بوندن فهم اولنور که انبیا و اولیانک قهر و غضبدری
 مقهور و مغضوبک ضرر ساریسنی قطع ایچوندر که بودخی نفعنددر
 و الارحت عامیه مظهر اولاندن کسیه ضرر کلز انکیچون رسول الله
 صلی الله تعالی علیه وسلم سیف ایله مبعوث اولدیغی رحت عامه ایله
 بعثتی منافی دکلدر* و بونده اشارت واردر که نفس و طبیعتی ریاضت
 و مجاهده ایله قتل ایتده حیات باقیه واردر اگرچه که نفس و طبیعت
 بومعنادن غافل اولوب فناء کلی بولمقدن خوف ایدرلر سود تعبیرنک
 فائده سی بودر که نفس انسان سرمایه کبیر انکیچون محل ذمده (خسروا
 انفسهم) دزدی پس خسارت نفسدن خلاص اولان کسنه البته سود
 روحانی و فائده اخرویه ایدر و حقیقتده خسارت نفس استعدادی ابطال
 ایتده در* و حدیثده کلور (کل مولود یولد علی الفطرة ثم ابواه یهودانه
 وینصرانه ویمجسانه) مقصود آباء سفلیه نکه اولاده تأثیرن بساتر قلبک
 احوالی دخی بو کاقیاس اولسه

* بچه می لرزد ازان نیش حجام *

* مادر مشفق دران غم شاذ کام *

* بچه * تشدیدله و تخفیفله یاوری هر نه مقوله حیوانک اولورسه و او غلانیق
 بوراده مراد اخیردر* نیش* کسرله نیشتر معناسنه در که فصاد و حجام
 اولنور استعمال اند کلری آتدر عرب مبضعدر و بقراط حکیمدن منقولدر که

دائما التده يامبضع ويامر ودطو تردى يعنى يانيشتر ياميل * حجام * اصلنده
تشدیده در که ضرورت ایچون تخفیف اولمشدر حجام مص و حجام مصاص
دیمکدرن برایشه ویابونیوز ابله قانی مص ایدرو اول آتیه محجم دیرلر وحید شده
کلور (ان بکى فى شى شفاء من العلل فى شرطة حجام او شربة من العسل)
شرط فتحله موضع حجامت اوز رینه مشراطله ضرب ایتکدر تا که قان چیه
مقصود امراض دمویه مک شفاسی اخراج دهنده وامراض صفراویه
وسوداویه وبلغیه نک اسهالده اولدیغن بیاند * و مرویدر که فخر عالم
صلی الله علیه وسلم مرارا احتجام ایتشدرو خصائص نبویه دندر که
فضلات بدیه سنک جله سی طاهر وانکیچون حجام نبی علیه السلام
محجمده مجتمع اولان دمی شرب ایلدی بوندن فهم اولاندیکه حجام نبی
علیه السلام سائر حجاملره قیاس اولمز (لحرره) اولدی حجام نبی شارب
دم * دیدیلر آ که هنیئا اولدم * شاذکام * اصلنده مراد نجه شاذ دیمکدر
صکره مطلق شاذ معناسنده استعمال اولندی (معنای بیت) بودر که اوغلان
حجامک نیشترندن دترر وخوقندن مضطرب اولور والده مشفقها ایه
اول غده شاد اولور * یعنی فرزندک غمتک اولدیغنه باقر بلکه فرح بواور
زیرا بیلور که فصد و حجامتده ذکر اولنان حدیث موجب نجه شفاودا وارد
الحاصل عاقبت اندیش اولان کسینه مآلده اولان نفعه نظر ایدر مضرت
حاضریه التفات الی بوندن ظاهر اولور که طالب شفا اولان نیشترک
زخنه و دارونک تلخ اولدیغنه باقر والامر ضدن خلاص اولمز نتکم بوستانده
کلور * زعلت مدار ای خرد مندییم * چوداروی تلخت فرستد
حکیم * حجام بوراده مرشد کامله اشارتدر که دم مشابه سنده
اولان شهوات نفسانیته نک خروج وزوالته سبیدر پس بوشه هوائی
ازاله وهوائی قعدده بچه کبی اولان نفس مضطرب اولور و بومعنی
اکازباده کوچ کلور زیرا راحت الیه الفت اتمش و انت فایه ایله بتمشدر
فاما مادر مشفق مرتبه سنده اولان طبیعت اصلیه انسانیته اندن محظور
اولور زیرا که کدورات وجودیه نک زوالته باعث در پس اخلاطک اخلاطنده
ظاهر وجوده انحراف کلدیکی کبی نفسله هوائک امتزاجنده دخی باطن
وجوده اختلال کلور پس بقدر الامکان محافظه دائره وجود لازم در وائلر که
(انما علی اهم لیرداد وائما) نشانیله معل اولمشلر (وامهلهم رویدا) ورطه سنه

وقوع بولمشلر در بوعلا جیدن جدا دوشمشلر و بوتیمار خانه دن
خراباته کتمشدر والی الله الملنحی

﴿ نیم جان بستاند و صد جان دهد ﴾
﴿ آنچه در و همت نیابد آن دهن ﴾

* صد جان * تکشیردن کتبه در * وهم * بوقاروده بیان اولمشدر و بوکلام
اکتفا قیلندندر زیرا احسان اولنان کوز کورمک و قولاق ایشتمک
وقبله خطوط ایتدک نسته لدر نتکم حدیث قدسیده میندر واکتفاده دقیقه
بودر که جان مشاعر ظاهر ایله ادراک اولنان امور دن دکلدر (معنای بیت)
بودر که یارم جان آکور و یوز جان یعنی چوق جان و برروسنک قوت
وهمیه که داخل اولیان نسنه نی و دائره عقلکدن خارج اولان امور
خفیه بی و بر بومعنی اگرچه تمثیل طریقیله در واکن یارم جانن مراد
فی الحقیقه نصف وجود در که نفس حیوانیدن عبارتدر زیرا وجود
جسم و روحی مشتمل اولغله نصف جسمدن و نصف اخری دخی روحدن
عبارتدر پس جسمدن عبارت اولان حصه نک قوامی نفس حیوانی
و روحدن عبارت اولان حصه اخری نک انتظامی روح سطنی ایلدر
بومعنادندر که حال برزخده مقیم اولان ارواح مؤمنینه نصف جنت اعطا
اولمشدر یعنی نعیم روحانی ایله منعملدر فقط فاعرف جدا الحاصل کرچه
نفس حیوانی به ریاضت و مجاهده یوزندن ذوبان حاصل اولور فاما فنا
بولان امور نفسانیته نک برینه جله جان کلور پس جانه فناطاری اولدیغنی کبی
بومقوله جانک تعلق ایتدیکی جسمده دخی زوال کلرزیرا جان حکمنده در
انکیچون اجساد کله انفساخ عارض اولماز نتکم بالاده اشارت اولمشدر
ونفس بوفنا به ایرمدیکه حیات باقیه بولماز و جال باقی حقیقی بی کورمز
نتکم قرآنده کلور (فلا تعلم نفس ما اخفی لهم من قره اعین) بونده مقصود
جال باقیدر که عین فایه نک اثری باقی ایکن مخفیدر والا باقیه عین فانی
اصابت ایتک لازم کلور و بونده اشارت واردر که هر کسک توبه و تقوی
وخوف و رضا و توکل و سایر مقاماتده اخلاص استعدادینه و جزاسی دخی
عملنه کوره در وگاه اولور که انساندن من غیر قصد بعض اعمال صادر
اولور که کنیدنک اکا ظاهر او باطنا شعوری یوقدر آخترده اثری ظاهر
اولدقده مطلع اولور و بوکا جزاء وفاق دیرلر زیرا نفس عمل و جزاسی

خاطره خطور سز واقع اولم شد (سؤال اول نور سه که عمل نه وجهه شعور اولماز که نیت اوزرینه موقوفدر) جواب بودر که بعض نیانده خفاواردر ار بانه خفی دگلدر فاعرف جدا

توقیاس از خویش می گیری ولیک
دور دور افتاده ای می دینک

بعض نسخده بنکر تونیک دوشمشد بونسخه او برندن اولادر زیر مر دینک یاغوله و یا مجازه محمولدر والا قیاس نفس ایدن کسه ابومرد اولق لازم کلور دور دور* اضافله ایراغک ایراغی یعنی زیاده ایراق دیملدر ضلال بعید کی* افتاده* ده اولان همزه خطاب ایچوندر همزه خطاب ایچون کلز خطاب ایچون کلن یادریک ابوسوز دگلدر نیکم موارد استعمال شاهدر (معنای بیت) بودر که سن کندی نفس کن قیاس طور سن و پاشاه مذکوره زر کر خصوصنده اعتراض ایدرسن ولیکن ای می دینک بو خصوصده قتی ایراق دوشمش سن و سن بوضلال بعید ایچنده ایکن راه حقه مهندی اولق قتی دشواردر مقصود بومقوله امور خفیه ده قیاس نفس جاری اولدیغن اشعار و اهل حالک احوالی ارباب قالک امور نه قیاس ایتمک ممنوع اولدیغن اخبار در زیر ارباب قشرب نظر لری ظاهره مقصود و معنای لفظندن فهم اند کلر نه محصوردر اولوالالبابک معارفندن بی خبرلو حقایقنی ادراکدن بی نور و فرلدر انکیچون فهم ایتمک لری مواده چون و چرا ایدرل و طریقه اعتراضه کیدرل اگر حقیقت حالدن مکاشفه اولنسه لری انکاره مجاللری قالمز و هیچ بر نه سوزیری اولمزدی* (لحرره) صورمه محروم اولانه دنیا ده * لذت آب زلالی زنههار* نه بیلور نوری او کیم شب پره در* که کوتر من بصری تاب نههار* وله* ندر صورمه حکمت مسکوت* سکاول سکوت اولدی سکوت

* تمام شد شرح داستان اول از مثنوی شریف
و معنوی منیف باعانه جواد و لطیف رب تمم بالخیر*

بود بقالی و اورا طوطی
خوش نوایی سبز و کویا طوطی

* بقال * بقل صانعیدر زاز یعنی ثیل و قزاز یعنی ابرسیم صانعی اولدیغی کی و علی هذا بقل اصلنده کو کدن نابت اولیوب تخمدن حاصل اولان سبزواتر عرب خضروات و حرمین شریفین محاورلری بشلاک دیمکه

حاصلی بودر که
همزه بابه علامت
اولغله همزه خطاب
ایچون دیمک لایا سدر
شد

تعبیر ایدر لر ذنناع و کرفس و سائر مرغوب فیه اولان نسنه لری بقالک اکثر یا صاندیغی بقول قسمندن اولغله بقال دندلی فاما بعض دیارده متعارف اولدیغی اوزره بقال سبزه صتاتک غیردر که بازارچی به و غیر به مقابلدر باقلا تخفیف و مدله خصوص اوزره بقله دید کلریدر که جوباندندر عرب فول دیر پس بواعتبارله بقال دیمک جائزدر زیر بقله و مر جک ونخود و امثالی حبوبی بقال صتار* طوطی* معروف قوشدر که زنکبار مملکتندن جلب اولور مصرده چوق بولور بغه و دره دخی دیرلر طوطی یشیل رنگدر که جسته ده کو کر جین قدر او اور خلق آتی صوتیله انتفاع ایچون اتخاذ ایدرلر طاووسی صورت و اونیله انتفاع ایچون اتخاذ کلری کی طوطینک بیاضی و غیری رنگی دخی اولور و لکن حالا بین الناس یشلدن غیری انواع معلوم درویشل اولدیغنه بطریق الایهام دیوان حافظده مخاطبه طوطی ده کلور* سمرت سبز و دولت خوش باد دایم* که خوش نقشی نمودی از خط بار* و محکیدر که معزالدوله نام خلیفه بر بیاض رنگ طوطی اهدا اولمش ایدی که منقاری و یا قلری سیاه ایدی و باشنده یشدن فستقی ذوابه سی و ارایدی پس مصرع ثانی ده اولان سبز افظی یا واقعی بیان و یا ماعدار رنگردن احراز ایچوندر ز محشری ایراد ایدر که طوطی تکلمنده (وبل لمن کانت الدنیا همه) دیر خواص طوطیدندر که بر کسه الک اسانی اکل ایلسه فصیح و کلامده جری اولور شاعر ابوالفرجه بغاء دیولقب و بر مشلردی فصاحتندن اوتوری و قضای دیر که اساننده اولان لثغه دن اوتوری ملقب ایدی لثغه اسانک بر حرفدن بر حرفه تحول ایدوب بعض کلمه بی تکلمه عدم اقتدارینه دیرلر مثلا بسم الله ده سین مغفله بی شین و یا انا اوقومق کی* نوا* ونک فتحیله و ضمیله دستان و مقام و طوطی معنای نه کلور تکیم نعمه اللهده و غیر یده مصر حذر کو یا تعیم بعد التخصیص در زیر اهر کویا اولان خوش ادا کلز و جائزدر که نطقده زیاده اقتدارنی بیان اوله زیرا معلم اولان طوطیلر اراستنده نطقده تفاوت وارددر که فی الجملة نطقه اقتدارنی اولان زیاده اقتدار صابجی یاننده خاموش کبیدر و جائزدر که معلم اولیان طوطیلر طوطیلردن احتراز ایچون اوله و لکن خوشنوا لفظنه کوره بعد وارد فافهم (معنای بیت) بودر که بر بقال و آنک بر طوطیسی و ارایدیکه

قرالولا بتیدر که
حبشندن غیریدر مصر
دن یوقار و مغرب
طرفه طوغری الی
ایاق مسافه ده در
مذکور زنکبارک
دارالملکته سناردیرلر
کسرله و تشدیدله
شد

من جزائر بحرالصین
جزیره زابج و بده
الجزیره من البغاء
وهی الدرۃ شی کثیر
بیض و حجر و صغر
و خضر و بتکلون
مع الناس بای لسان
سمعه منهم (من
خریده المجایب)
شد

خوش دستان و مقام بشل رنگ و زیاده نطقه قادر طوطی ایدی و بوراده
نواطوطی معنایه ده اخذ اولنق ممکنه در پس دیمک اولور که خوش
بشل رنگ طوطی و متکلم طوطی ایدی فاعرف بونده بقال ایله مراد طبیعت
اهلی و بقول ایله مقصود شهوات حیوانیه و لذات جسمانیه در که طبیعت
انسانیه خست طینت و دناءت همتدن و ارادات غیبیه و الهامات
آلهیه دن اعراض ایدوب بهایم سبزه و حویه مائل اولدیغی کبی
اولدخی اکل و شرب و منام و جماع کبی شهواته مائل در تکیم
بنی اسرائیل خساست طبع و رکاکت عقلارندن من و سلوایی قویوب
بقول و حویه میل ایدوب حضرت موسی علیه السلامه (فادع لنا ربک
بخرج لنا مما تبت الارض) دیدیلر و طوطیدن مراد اولدر که مضغه
صنوبر به آنک ظرفی و قفسی کبیر تکیم مولا نا جامی نظمده کلور
* نیست این پیکر مخروطی دل * بلکه هست این قفس و طوطی دل *
* کر طوطی ز قفس نشناسی * بخدا ناسنه نشناسی * و دادن طوطی ایله
تعبیرده بر قاج وجه واردر (اولیکسی بودر که طوطی دیار بعددن جلب
اولندیغی کبی دل دخی عالم ار واحدن اخذ اولنمشدر که اجسام ایله
آنک اراسته منازل کثیره و مراتب و فیره واردر تکیم بالاده اشارت
اولنمشدر اگر چه که بحسب الصوره دلك تولدی روح و نفسک بری برله
از دو اجندن صکره حاصلدر تکیم طوطی بقاله نسبت اکا دالدر
عیسی بن مریم قاله سنده عیسانی مریمه نسبت کبی ولیکن حقیقتده
طبیعت و نفس و قلب و روح جوهر واحد در تکیم قرآنده نظیری کلور
(هو الذی خلقکم من طین) یعنی آدم علیه السلام طیندن خلق
اولندیغی زمان اولادنگ ذکور و انائی انده مندرج اولغله کویا جله سی
طیندن خلق اولوب اولاد پدله بو معناده برابر اولر اگر چه که
صورتا تناسل حسبیه ابوت و بنوت اثبات اولنور پس ظاهرده تغایر
حقیقتده اتحادی منافی دکلدر و قصائد اکبری ده کلور * لنا من امره
روح و جسم * یعنی عالم امر دن اولان روحی عالم خلقدن جسمله برابر
قیلدی زیرا او عالمه نسبتله امر واحد در فاعرف جدا (ایکجیسی بودر که
ایک رنگ دخی تکلم شالرنندر زیرا قلب ولادت ثانیه ایله ولادتدن
صکره ارض وجودده خلیفه الله اولوب حقه نطق ایلر و فیض تکلم حقیقی ایله

مفاض اولوب اسرار غیب سو یلر که ظاهرده لسان آنک ترجانیدر
تکم حدیثده کلور (من اخلص الله اربعین ص باحاطت بتایع الحکمة
من قلبه علی لسانه) او پنججیسی بودر که طوطی به وراه آینه دن تعلیم
ایدر لر تکم فتوح الحرمین ده کلور * طوطی از آینه کند قیل وقال *
* کر نبود آینه طوطیست لال * و باقی نظمده کلور * قانی بر شیرین
سخن لعل شکر بارک کبی * قنده کوردی طوطی بر آینه رخسارک کبی *
کذلک قلبه دخی وراه حجابدن وحی اولنور تکم تفصیلی مرور ایدی
پس طوطی بی گفتاره کتورن ظاهرده انسان اولدیغی کبی قلبی دخی تکلمه
کتورن حقیقتده ر جان و صورتده مرشد کاملدر و مفتی یحیی اقدی
لطائفندر که کلور * بلرز بردلکه طوطی کبی گفتار ایله * سو یلدر می
یوق جهانده بلرز سو یلر می یوق * یعنی جهانده سو یلر واردر که
انسان کاملدر ولیکن سو یلدر یوقدر که طالب مستعد در تکم کمال
خجندی دیر * جهان پر شمس تبریزست می دی کو چومر لانا * و خواجه
حافظ دیواننده کلور * عاشق که شد که یار بحالش نظر نکرد * ای
خواجه درد نیست و کر نه طیب هست * (دردنجیسی بودر که طوطی
شکر خار اولغله مشهور در تکم کاستاند، کلور * کر چو طوطی
شکر بود خورست * جان شیرین فدای پرورش * و باقی دیواننده کلور
* کوکل شافی جواب او مرابندن * دان چیز او طوطی شکر خای *
کذلک قلب دخی ذوق معنوی ایله پرمذاق ولذت حقیقه ایله پرچاشنی در
تکم حدیثده کلور (ابیت عندر بی بطعمی و بسقینی) زیرا بونکله
مراد لذت مناجات و غذای معارف و حقایقدر که قلب و روحک
صفیتدر اگر چه که جندن غذای صوری و طعام حسی ورودنه دخی
مانع یوقدر (لحرره) * نجب نعمت بهشت ایله * اولسه دینه ساده
پرمذاق آدم * که غداسی ایدی او نعمت آنک * دخی ارضه هبوطدن اقدام *

بر دکان بودی نکهبان دکان

نکته کفتی با همه سوداگران

* دکان * رمان وزننده حانوتدر ضرورت حسبیه تخفیف اولنمشدر
جمعی دکانین کلور معریدر کما فی القاموس و مفرداته کلور دکان ارض
ایله و سهله در دکان اندن اخذ اولنمشدر پس آخرنده اولان الف و نون

زائد اولور عمران و امشالی کی بودی و کفّی ده اولان یالر حکایه حال
ماضیه افاده ایلر * نکهبان * اصلنده نکاهباندن تخفیف الف حذف اولمشدر
کورب کوزه دیجی معناسنه رقیب کی * نکته * فکرله استخراج اولان
لطیفه در که قابله مؤثر اوله صکره مطلقا لطیفه و دقیقه معناسنده
استعمال اولمشدر * سوداگر * سودا اهلی یعنی هوی و هوس
(معنای بیت) بودر که اول طوطی بقال اولدقجه دکان او زرینه قائم
اولوب کوروب کوزه دیجی ایدی و اورادن کلوب کچن هوی و هوس وصیت
وصدا اهله لطیفه و دقیقه سویلر و مشربلرینه موافق تکلم ایلر دی
پس همه لفظندن فهم اولسان استغراق عرفی اولور بونده دکان ایله
مراد دکان وجود و سوداگران ایله مراد دکان وجوده اوغرا یوب
صحبّت صددنده اولان سودای عشق اهلدر که طوطی دل انلره
دقایق و حقا بقدن سوز سویلر و فیض آلهی و کلام از لیدن هر برینی
عجاب ایله جک نسته بیان ایلردی و طبیعت انسانیله اولدقجه حکم
وجود انک الله ایدی زیرا طبیعت مادر و روح پدر کبدر که قلب
انلردن تولد ایتشدن بر دآره ده ایسه حکم اصلدر فرعک دکلدر مکر اصل
غائب اوله و فرعی استخلاف ایله نتهکیم قرآنده کلور (وهو الذی جعلکم
خلائف فی الارض) سؤال اولور سه که طبیعت و روحک تعلقی باقیدر
پس خلافت قلب نه وجهله در (جواب بودر که بو سوز طبیعت و روحک
کندی مقتضای نه اشتغال غیبتلری حاله کوره در پس غیبتلری
تعلقلرینه مانع دکلدر و بونده اشارت واردر که طوطی دادن غیرسی
خلافنه صالح دکلدر زیرا خلیفه مستخلف عنک صورتی او زرینه
کر کدر که حی و قیوم و سمیع و بصیر و عالم و قادر و مرید و متکلم اوله
دلده ایسه سفلی اولان طبیعت و علوی اولان روحک تصرفاتی موجود
اولدیغی کی نیابت حقه دخی استعدادی واردر و بوندن فهم اولور که
مجلسدن ثقیل اولور دور اولدقجه سبکروح اولنره جای مقال بو قدر
زیرا طبیعت ثقیل و کثیفدر و نکهبان لفظنده اشارت واردر که وجودک
قوام و صلاحی قلب ایله در پس شول وجود که آنده قلب آکا، اولیه
محافظه دن معطل اولان خراب بنا کبدر حیوانات عجمک وجودلری کی

در خطاب آدمی ناطق بدی
در نوای طوطیان حاذق بدی

* خطاب آدمی * ده اولان اضافت مصدرک فاعله اضافه ایتدیر آدمی ده
اولان یاء نسبت ایچوندر آدمه منسوب شخص دیمکدر یعنی آدم اولاندن
کیمسه مؤمن اولسون کافر اولسون * نطق * صوتله و معانی انکله ادراک
اولور حروفله تکلمه دیرلر و مفر داتده کلور که نطق تعارفده شول اصوات
مقطعیه دیرلر که لسان آنی اظهار و آذان آنی وعی و حفظ ایله اصالة
انسان و تبعیه غیر ایچون اطلاق اولور نتهکیم ناطق و صامت ایله
صوتی اولمیان مراد ایدرلر و حیواناته ناطق اطلاق اولنسه یا مقیدا
و باطریق التشبیه اطلاق اولور و قرآنده اصوات طیر، منطق دندلی
نتکم کلور (یا ایها الناس علمنا منطق الطیر) یعنی سلیمان علیه السلام
اول اصواتدن معانی فهم اتمکله منطق دندلی زیرا بر کیمسه بر نسته دن
بر معنی فهم ایسه اول نسته بی اکا نسبتله ناطق دینلور صامت ایسه ده
و فهم اتمینه کوره صامت دینلور ناطق ایسه ده نتهکیم کلور * مر دبا بد که
کیر داند کوش * ورنوشته است پند بردیوار * و بهضیلر دیمشدر در که
حقیقت نطق شول لفظدر که معنایه نطق کبدر یعنی قوشاق میانی
ضم ایتدی کی لفظ دخی معنایی ضم و حصر ایلر و نطق ایله قولک
میانی فرق ایدوب دیمشدر در که قال الله دینلور نطق الله دینلر پس
نطق حقیقته انسانیله مخصوص و قول اکا و حقه شاملدر انکیچون
دینلور (ان الله خیر من قال بالصواب و نبینا علیه السلام خیر من نطق
بالصواب) اگر رسول حقنده خیر من قال بالصواب دینلر الله تعالی
اوزرینه تفضیل لازم کلور دی مکر بشر جنسنه و مطلقا مخلوق نوعنه
کوره اوله * حاذق * ماهر دیمکدر (معنای بیت) بو که آدمه منسوب اولان
شخصک اکا خطابنده ناطق ایدی یعنی بر شخص انسانی اکا بر نسته
خصوصنده خطاب ایسه و کلام حقیقی ایله سویلر اول دخی جواب
طریقیه نطق و تکلم ایلردی و طوطیلرک مقام و دستا ندده حاذق و ماهر
ایدی یعنی طوطیلر ارا سنده طوطیلره منسوب اولان تکلمده کالی و ارایدی
نواده ناقص اولنلردن دکل ایدی بعد ذابو کلام مبایغیه محمولدر ۷ زیرا
طوطی خطاب آدمیسانک جمله سنه جوابدن عاجزدر بلکه جوابی تعلیم

۱۷ کر چه که اشغده
حرقه پوشه جوابنده
عدم مبالغه دخی
فهم اولور
س

اواند ایخی مرتبه فمصر در و بونده اشارت وارد در که قلب انسانی
منکام حقیقی اولان الله تعالی دن کلام حقیقی استفاضه ایتکله انسان
کاملک مخاطبه سته صلحدر پس مقصود استفاضه صالح اولان قلبدر
والا هر قاب فهم خطابه ورد جوابه قادر دگادر قلوب عوام و اهل
بدایت کی و دیشلدر که می شد ایکیدر می شد صامت و می شدند طقدر
و می شد صامت قرآندر زیرا ترجیه محتاجدر می شد ناطق انسان
کاملدر حقائق فرآینه و علوم لدیه مالک و لوازم و اشاراتی بسط و تقریر
قادر در بوسیدندر ارباب حقیقه اعتنا ارباب ظاهر اعتقاد اولادر زیرا
ارباب ظاهر حقیقتدن ذاهل اولغله خاموش و صامت حکمند در و بونده
کنندی بلدیکنه تابع اولدن منع وارد در پس طوطی نیجه معلمه تابع
ایسه طالب حق می شد کامله تابع اوابی کرد تا که اندن حقیقت
دن او کره نه نتکم موسی علیه السلام حکایه اولور (هل اتبعک
علی ان تعلمن مما علمت رشدا) (لحرره) او اسه استاده بر آدم تسلیم
* او اور البتہ قابل تعلیم *

* خواجه روزی سوی خانه رفته بود *

* بردگان طوطی نکهبانی نمود *

خواجه * دن مراد طوطیک صاحبدر که بقالدر * نکهبانی * ده
اولان یام صدریه در * نمود * فعل ماضی متعددر (معنای بیت) بودر که
بر کوز طوطیک صاحب اولان بقال خانه سی طرفه کیدوب طوطی
اکا بدل دکانده نکهبانلق کوستردی یعنی حفظ و حراستده خواجه سیک
وکیل و بدلی اولدی زیرا تکلمده و بعض مرتبه شعورده خواجه سیله
مشترک اولغله فی الجمله استخلافه صالح ایدی و بونده خانه دن مراد
وجود انسانیک ظاهر یدر که جسددر یعنی اول باطن طبیعتی اصلاحه
مشغول اولان سالک ظاهر وجودک تدبیرینه اشتغال کوسر مکله باطن
وجوده طوطی دلی استخلاف ایلدی * روزی * ده اولان یا و حدندن فهم
اولور که تدبیر معاش و اصلاح جسد احیانا کردر زیرا معاده و احوال
روحله اشتغاله مانع ذر نتکم اقطا بدن احد سبتی قدس سره بوم
سبتده کسب معاش ایدوب باقی ایا مده نفسنه مشغول اولور دی
* و بوسیدن قاضی عیاض بوم مذ کورده تخیل ایدوب تألیف علوم

بویست و لاحق
نسخ عتیقه بوقدر
ولکن فی الجمله
وجودی اولغله
شرح اولندی مع
هذا نظام کلامی
محل دگدر
مقد

ایلدی زیرا بو دخی فی الجمله کسب و اشتغال دندر صکره تهود ایلدی
دیو متهم اولوب خماسده ایکن قتل اولندی ولکن احد سبتی نک
بو خصوصده حالی اظهر در زیرا بوم سبت عند العارفین نفس اماره
طور نک کونیدر که اهل طاغوت وجبته اتبا عله منقطع اولمشلر
پس اول کون کسب معاش ایچون انسب اولدیغدن ماعدا اشتغال کسبله
یهوده رغم دخی حاصل اولور تألیف علوم ایسه حقیقه بویه دگدر
زیر اعلم غدا روح و احوال معاد دندر والله اعلم الخاصل سالکله لازمه در که
دائماد کان وجودی بکلیوب (ان الله اشتری من المؤمنین انفسهم واموالهم)
الایة وفقجه بیع و شری و تحصیل ربخده اوله مکر بقدر الضرورة
احوال جسدده اشتغال ایلده که اول برهفته نک بر کونی و بر کونک
بر ساعتی قدر زمانه مختصر اوله و بونده سر استخلافه اشارت وارد
نتکم بعض متر و حنین بر لر نه صور مثالیه دن بر صورت وضع ایلوب
کنندولی غائب اولور لر و اول صور مثالیه انلرک مقامنی کنندیلری کی
محافظه ایدر لر (فتبارک الله احسن الخالقین) فافهم جدا *

* کر به برجست ناکه در دکان *

* بهر موشی طوطیک ازیم جان *

* کر به * کاف بحمینک ضمیمه کدی در که عرب هر و شهنور دیر
صفت ممدوحه سی وارد در که تواضعدر و مذمومه سی دخی وارد در که لعیدر
انکیچون نقشی آق کرمانی نظمده کاور * حق فراموش ایدوب
اوینایوبن کلنلر * شکلی دوزهریه ایدر دایم اول افغان * جست * فتحله
ماضیدر صیجری معناسنه * ناکه * ناکاه دن مخفف اکسزدن دیمکدر
* موش * فاردر که فویسقه دخی دیر لر زیرا ناس اوزرینه خروج ایدوب
ماللربنی افساد ایدر انکیچون طاعتدن خارج اولانه فاسق دیدیلر زیرا
فسق خروج معناسنه در فسقه دیدکری دخی بوندندر * طوطیک * ده
اولان کاف تصغیر ایچوندن ولکن صیغه تصغیر کاهجه اظهار عطف
و تعظیم ایچون دخی اولور بو مقوله بر لده ظاهر اولان تصغیر دن
انسلا خدر کثیرک ده اولدیغی کی طوطیک ازیم جان مابعد نه
مرهوندن * بیم جان * وجودی خوفندن دیمکدر ولکن جسدک قوامی جائله
اولدیغدن انکله اکتفا ایلدی و جائزدر که جالک بدندن مفارقتی خوفندن

دینک اوله (معنای بیت) بودر که برهره بر فاره بی صید ایچون ناکاه
دکانه صیجاردی بو سیدن طوطی دخی جان خوفندن صیجاردی زیر
اکسزدن اولان نسنه دن اضطراب و بلکه زیاده تغیر حاصل او اور
نتکم قرآنده کلور (فاخذناهم بغتة وهم لا يشعرون) و دیشلر در که
(الشرا اذا جاء من حيث لا يحتسب کان اغم) بوراده کر به و موش باطن
وجودده صفت حرص ظهوره کلمکه اشارتدر نتکم بقالت تدیر جسده
مباشرتی آنک صورتیدر فاره اصلنده حرصله تعبیر اولور و بعضیلر خلقدن
مستور اولوب نفسه متعلق اولان نسنیه مباشرت صفتیدر دیشلر در
بو معنی دخی حرصدن خالی اولماز زیرا سترله اولق حرصی منافی دکلدر
و بونده اشارت واردر که باطن انسان بو مقوله اوصافی مشتملدر بقال دکانی
او مقوله حشراتی مشتمل اولدیغی کبی شوقدر واردر که بعضی صفات
نفسانیه بی عن اصل قلع لازمدر کبر و شره و حسد و حقد کبی شول حرب
اهلی کبی که کفر اوزینه مصر و جزیه قبول ایتمک حسبیه قتل لازم
کلور آنکیچون قح مکه کونی مصر اولنلردن استار کهبیه متعلق اولنلر بله
قتل اولنلر این حنظل کی زیرا کهبه عاصی بی اعاده ایتمز پس جوار
کهبه ده عاصی اولدیغی کبی جوار قلبده دخی فاسد اولماز آنکیچون اگر کهبه
واکر قابدر اصنام ظاهره و باطنه دن تطهیر اولنق کر کدر و بعض
صفات دخی واردر که تبدیله صالحدر بخل و حرص و غضب و جبنات
و شهوت کبی سخاوت و قناعت و حلم و شجاعت و محبت تبدیل اولنور
شول حرب اهلی کبی که حربی سلمه و یا کفری اسلامه تبدیل ایدر (سؤال
اولنور سه که وصف اولنان انسانده انبیا و کمل اولیا دخی داخیلیدر
(جواب بودر که بو بر عمیق نسنه در که دکه عارف بونک قعرینه و اصل
اولماشدر حاصلی بودر که نفس مطلقا علماء ظاهر و باطن اتقاقیه
اماره در شوقدر واردر که انبیا و کمل اولیاده بالفعل اثری ظاهر
دکلدر نتکم (فان شیطانی قداسلم) اکادالدر بو سیدندر که (والعصر
ان الانسان لفي خسر) نظمده استثناء آتی ملاحظه اولنق کر کدر
اگرچه که جنس انسان خسرانده در فاعرف جدا (فان الکمل ما بدوا
فطرتهم الاصلیة التي فطرهم الله تعالى علیها) بعض کباردن
مرویدر که نمله سلیمان علیه السلامه خطاب ایدوب یاسلیمان بکاامان

ویرتاسکا بلدو کم مرتبه نصیحت ایدیم دیدی سلیمان علیه السلام دخی
امان و برد کده نمله سلیمانک قولاغنه فساد یوب بن سنک (رب هب لی
ملکا لا ینبغی لاحد من بعدی) مقال لکدن رایحه حسد استشمام ایدرم
دیدی سلیمان بوسوزدن من القرن الی القدم منفعل اولدی نمله دیدیکه
بو خصوصه بر قاج وجهله جهل واردر بری بودر که ما خلق لاهک
اولان کر مدن شح فی النفسه خروج ایلدک صکره مبالغه ایدوب بو ملکک
سندن غیره اولماسن استدک بویسه باطنکده اولان حرصدن در دیدی
(و بری دخی بودر که ملکده الله الیه منازعه ایلدک عبد ایسه عبد ایکن
سیدی یا ننده بر نسنیه مالک دکلدر دیدی سلیمان دخی جواب و یروب هبه
طریقیه له فضلندن بر خاتم دلدم دیدی نمله دیدیکه یاسلیمان اف اول
ملکه که بر خاتم آتی ضبط ایلیه اگر سنک هبه مذکوریه مالک اولدیغکه
شهو دک اولایدی عطایا منع اوزرینه ترجیح ایتمزدک دیدی بعضیلر
بو ماجرایه قائل اولوب نمله سلیمانک وجودی آینه سنده کندی
حرصی مشاهده ایدوب سوبلشدر نتکم مثل ضرب ایدوب درل
(احرص من نمله واجع من ذرة) یو خسه طینت انبیا علیهم السلام ظاهره
و مطهره در دیشلر و لکن بو فقیرک فهم ایتدیکی بودر که بو سوقدن
حقیقته نمله سلیمان حرص و سائر رزائل اثبات و اسناد ایتک لازم کلز
زیرا نفوس انبیا مطهره در که طهارت اوزرینه مبتیدر بلکه نفسده
بالقوه مندرج اولان وساوس بیان و مقاله مذکورده دن اولنان اشارتله
تنبیه سلیمان ایشدر والا بو قدر معرفته مالک اولان نمله نشأه انبیا ده جائز
و غیر جائزه جاهل اولق بعیددر (لحرره) نشأه پالک انبیا ای دل * عین
آینه مجلادر * یو قدرانده غبار حرص و حسد * کور بن هب صفات مولادر *

جست از سوی دکان سویی کر بخت

شیشه های روغن کل را بر بخت

* شیشه * زجاجه معنایستدر یعنی صرچه دن اولان ظرف نتکم کمال
نچندی نظمده کلور * چشم اوقاتاد بردلهای ما * همچو مستی بردکان
شیشه کر * و دیشلر در که * یا خود بوشیشه نازک مزاج کو کلز *
* اوسنک دلن ایرن انکساریمی دیلم * روغن * مطلقا یا غدرندن
کر کهه اواسون اگرچه عرب دلنده حیوانان دن اولانه سمن و حبو باتدن

اولانه دهن دیرل انکیچون تخصیص طریقہ کله مضاف قیلدی
 وروغن سادہ دیدکری تره یاغیدر وکل پیراغندن حقیقتده یاغ او لمز
 بلکه زیت ایچنه اوراق کل قویوب تربیت ایدرل کل یاغی دیدکری
 اودر که منافع کثیره وارد * کل * ضمه لسان فارسیده هر چیچکه اطلاق
 اولور مخصوص چیچک مراد اولیچق اضافتله تعیین ایدرل مثلاً زنبق
 چیچکنه کل زنبق دیرل ولکن حالا عرف ناسده کل اطلاق اولنسه
 معروف چیچک مراد اولور که ليله معراجده عرق نبوی علیه السلامدن
 حاصل اولمشدر اگرچه اندن اول دنیاده کل نوعی وار ایدی (لحرره)
 * کر جال احمدی شرح ایتسه اوراق کل * اولمزیدی عنایب
 خوشنوا مشاق کل * کله اول حسن ازل سریکه اولدی آشکار *
 * تابد چقمر داندن بلبلک اشواق کل * ليله معراجده اولدی عر قریز
 اول حبیب * اول عرقدن بتدی اول کم ابتدیلر اطلاق کل * برینخت *
 متعدیدر دوکدی معناسنه (معنای بیت) بودر که اول طوطی جان
 قور قوسندن صیغرا یوب دکانک بر جانبندن بر جانبده قاچدی ولکن
 دکانده کل یاغی شیشه لری واریدی فرار ایدر کن انلره طوقوب جله سن
 دوکدی فاما شیشه لک انکساری مسکوت عنه درزیرا مقصود دکندر
 بونده اشارت واردر که باطن وجودده نفیدن حرص صفی ظهور
 ابتد کده طوطی دل دخی (فروا) امری موجبجه (وبمعافاتک من عقوبتک)
 استعاضه سی وفقبحه انک شرنندن جانب قهر و جلالتن جانب لطف
 و جلاله فرار و خلقندن حقه التجا مقامنده قرار ایلدی ولکن بوصفت
 مذمومه ک ظهوری سبب اولوب جله قوای روحانیه شیشه لرنده
 اولان فیض الکهی به فساد کلدی و حسن استعداد باطل اولدی
 و دکان وجودده اولان امور قشریه امور لیه زوالنه داریت بولدی
 تنکمه ظاهر شریعت کالده اولسه حقیقت نقصان پذیر و تربیت بولمین
 درخت تازه قورویوب قالور ولب دیدکری دهن کیدر که اصانده خفی
 دیدکری مرتبه دن تنزل ایدر وکل یاغی ابله تمثیل ایلدی زیرا کل ذکر
 اولدیغی اوزره عرق نبویدن حاصل اولغله تجلیات صفاته اشارتدر
 و تجلیات صفاته کلدن اظهر نسنه بو قدر زرا طیب رائحه سندن
 ماعدا صبغة الله سرنه مظهر در و متم تفصیل صفات و مکمل مراتب

* مکارم *

مکارم اولان فخر عالم دن حاصل اولمشدر و بوندن فهم اولور که ذرات
 عالمده هر نسیه استعداد وار در بقا ک دهن صانع استعدادی
 اولدیغی کبی ولکن هر کسده بالفعل کمال ظاهر اولمشدر بلکه اکثر
 مخلوقاتک قوتنده قالمشدر بونک اصلی بودر که اسماء الله بری برینه
 مرتبطدر اسم ظاهر ک تجلیسنه مظهر اولانده سائر اسمائک ظهورنه
 دخی استعداد واردر زرا حقیقتده انسابی مجمع الاسما به در و بوندن
 ظاهر اولور که افساد استعداد مظهره مضافدر تنکمه قرآنده کلور
 (ولا تفسدوا فی الارض بعد اصلاحها) یعنی شول ارض طینت که
 حسن استعداد اوزرینه مجبول و احسن تقویمده مخلوقه اولوب اسم
 جامع آتی بو وجهله اصلاح ایتمشدر سزائی بعض عوارض حسبیه
 افساد ایتکمز را بیضه فساد قبول ایلسه انن پچه حاصل اولدیغی کبی
 زمین شورده دن دخی نبات تمز و منکر اولان نسنه بردخی اولیکی
 صورته بله شکل ایتز و اعرج درست کبی یور یوب کتمز

* از سوی خانه بیامد خواجه اش *
 * بردگان بنشست فارغ خواجه وش *

اولیکی * خواجه * صاحب و مالک ایکنجی عزیز و دولتلی معناسنه در
 * وش * لسان فارسیده ادات تشبیه در اصلی فش در تنکه واقعدر
 * چنین گفت رستم که ای شیرفش * فاواوه تبدیل اولمشدر زرا ایکیسده
 شفویدر مذکور ادات اسمک آخرینه لاحق اولور (معنای بیت) بودر که
 اول طوطینک صاحبی اولان بقال منزلی جانبندن کلوب عزیز
 و دولتلو کبی سکینت و وقار اوزرینه غم و غصه دن فارغ و کدورت
 دلدن پاک و فید دنیادن آزاد اولدیغی حالده دکان اوزرینه یعنی
 دکانده مجلسی اولان محل متعینه کچوب اوتوردی اول امر دن بلیکه
 کنندن صکره دکانده نه حادث اولمش و قضادن نه ظهوره کلمشدر
 مقصود بودر که اول اصلاح باطن طبیعت مشغول اولان سالک
 اشتغال معاش مرتبه سنه تنزل و پرورش جسده متعلق اولان کاره
 توغلدن صکره ننه مقامنه ترقی و حالته رجوع ایلدی و غالانده اوتوردی
 ایام غیبت و غفلتنده واقع اولان تفرق امر و انقلاب حالی بلیدی تنکمه
 موسی علیه السلام طوره کتدکده بنی اسرائیل اراسنده فترت عظیمه

ظهور ایندی که سامری قصه سیدر نکم دیشل در * او اور همیشه
غیت شه فتنه سپاه * و بور جوعده تفاوت وارد کینه سرعیا واقع اولور
نتکم قرآنده کلور (ان الذین اتقوا اذا مسهم ضائف من الشیطان تذکروا
فاذا هم مبصرون) زیرا اذا کله سندن فهم او نور که مس مذکور
متحقق و حرف تعقیب و مفاجادن ظاهر او اور که رجوع و تذکر
سر بعد و نیجه لرینه بطیثا واقع او اور نتکم قرآنده کلور (الم یأمن للذین
آمنوا ان یخضعوا لولهم اذکر الله) و بعضیلر دخی بالکلبه منسی اولورلر
نتکم تنزیله کلور (نسوا الله فانسا هم انفسهم) و دکان اوزرنده
او تور مقدن فهم او نور که دکان وجود طبیعت کر سیسی مرتبه
سیدر که محل استوا سیدر زیر جسد متعین اولدقجه طبیعت مرتبه سی
دخی قوام پذیر اولماز یعنی کلیاتک ظهوری جزئیاتک تعینته موقوفدر
حیوان ناطق معنای اشخاص انسانیه ایله دور ایلدیکی کی وخواجه
و شدن اخذ اولور که کایجه انسان ذلتده و تنزله ایکن کندیلر بن عزنده
و ترقیده ظن ایدر لر زیر برهان ظاهر اولدقجه بومعنی متبین اولماز
نتکم قرآند کلور (ولقد همت به وهم بها) یعنی یوسف علیه السلام
هجوم طبیعت بشریه حسیله همنده تنزله مشارفه و ایددی اگرچه که
یوسف اول دمده بو تنزله وقوعندن زاهل ایدی صکره برهاله تأیید
اولوب تنزله وقوعندن تدارک اولدی و بعضیلر دخی وقوعندن صکره
متنبه اولورلر نتکم قرآنده کلور (فذوقوا العذاب) یعنی کفارک دنیا
عذاب ایچنده اولدقلم بنه شعورلری بوغیدی زبر اغفلت تامه سببیه
نأم کی ایدیلر صکره موت ایله یقظه حاصل اولدقده دنیا و آخرتده عذابده
اولدقلم بن بلدیرو طبیعت ایله ابتلازن اکلر (اللهم ایقظنا بلطفک)
(لحرره) * شب تاریک ایچنده خواب اهل * نه یلور ظلمتی اول خابک *
* چونکه بیدار اوله هنکام صباح * آجلور دیدده سی شیخ و شبک
* دید پر روغن دکان و جامه چرب *
* بر سرش زد کشت طوطی کل ز ضرب *

* جامه * معنای اصلیه اعتباریه ملبوس و مفرودن اعدر ملبوسه
تن جامه دیرلر اصلی جامه تندر مفرود شه جامه خواب دیرلر اصلی
جامه خوابدر اما کثرت استعمالله ملبوسده اعلام غالبه دن اولمشدر

اطلاق اوزرینه ذکر اولسنه مراد ارقیه کیمک اولور بر لباسک اوکی
طو تق اولسون آچق اولسون جامه دیرلر قبالوکی آچق قفتانه مخصوصدر
نتکم اکثر بلادده متعارفدر بوراده جامه معنای اصلیه منجمولدر
* چرب * جیم عجمی الله سمن و اوزلی و یاغلی معنای در نتکم واقعدر
امرته کوروب چرب پلاون امرانک * کیم کوزی باشی ایله بشو بدر
فقرانک * کل * کاف عربینک فتحیه معروف علندر عرب اقرع دیر
ضرب برشی برشی اوزرینه ایقاعده دیرلر یدله و باعصا الله و باسیفه
برنسنه بی اورمق کی (معنای بیت) بودر که بقال مذکور فارغ
و آزا ده یرینه او تور دقدن صکره کوردیکه دکان ایچی پر روغن
و اوراده ملبوس و مفرود شه متعلق اولان جامه یاغلمش و متلوث اولمش
بواش طوطی دندر دیو طوطینک باشنه ایله و یاغیری آلت ایله اوردی
طوطی بقالک ضرب سندن کل الدی یعنی اول زخدن سر نک ریشی
یولوب دو کلدی بونده اشارت وارد که اول اصلاح طبیعت سندن
اولان سالک دکان وجوده عودت و مر اقبه و محاسبیه رجعت اند که انقلاب
حال و اختلال باله مطلع اولوب کوردیکه نفسدن ظاهر اولان حرص
صفیه جله قوایه فساد استعداد حاصل اولمش و نظام وجود بوزلمشدر
سبب قریب اولان طوطی بی یعنی قلبی مؤاخذه ایلدی زبر احیده
کلور (ان فی جسد آدم لمضغه اذا صلیحت صلیح بها سائر الجسد و اذا فسدت
فسد بها سائر الجسد الا وهی القلب) و آتی شدت بطشله کل یعنی مقروع
و معیب ایلدی و بو اختلال سنک فساد کله در دیدی زیرا قرآنده کلور
(وما کان ربک لیهلک القرى الا واهلها مصلحون) یعنی قریه جسدک
ظاهر اویله اختلالی باطنا قواسنک اختلاندن ناشیدر و قواده قلب
جمله دن رئیس اولمغه نتکم ضربی رأسه تخصیص اکاد الدر قلب سبب
فساد و محل مؤاخذه اولدی اگر قلب صلاح اوزرینه اولیدی استعداد
فطریسنی طلب حقه صرف ایدر و طلب ماسوائله آتی افساد ایتزدی
و نفس دن حرص و امشالی صفات ذمیه ظهور اتمک حقیقتده قلبک
ماسوائه میلنددر انکی چون قلب دندلی زبر جلال و جلال ارا سنده
تقلیده درو طوطی لفظنده دخی اشارت وارد رز بر طوط ضمه فعل هائج
معنای کلور یعنی اول فعل که اشتهای ضراب ایلیه پس قلبده حرص

و بویله دیمک دخی
و جهردر که نفس شفا
و حیاته قلبه مرض
و ممت وارد در نتکم
قرآنده کلور (ان جاءکم
فاسق ببناء فنبهوا
ان تصیبوا قوما
بجهالة فتصیحوا علی

ما فعلتم نادمین) یعنی نفس فاسقه دائماً شهوات خیرین القا ایدر و الا اکامساعده ایله قلبه ضرر حاصل

اولوب صباح قیامتده ندامت ظاهر اولور فاعرف جدا

وما سواله بجمعه شهوت و میلی ظهورا بتمکله اشتهاى ضرباب ضربله معالجه
اولندى زیرا دلتشدر که (الجزاء من جنس العمل) و جائزدر که
اول سالکده هنوز قوای طبیعیه غالب اولغله قبا حتی قلبه نسبت ایلدی
بلد بکه نفس اماره مأوی الشر و اصل کل فساددر نظیری بودر که زلیخا
یوسف صدیقه علیه السلام نسبت سوء ایدوب (ما جزاء من اراد باهلك
سوء) دیدی مع هذا یوسف فی الحقیقه اندن پاك ایدی انکیچون
یوسف دخی جواب و یروب (هی راودتنی عن نفسی) دیدی و لکن دعوی
شاهدله فصل اولغله شهادت طفل ایله برائت یوسف ظاهر
ودعوا سنده صدق باهر ایدی بوراده شاهدله مراد عقل مجرددر که
اخرویدر عقل غریزی دکلدر که دنیویدر یعنی عقل مجرد شهادت
ایدر که قباحت نفس و طبیعتکدر یو خسه قلب و روحك دکلدر اگرچه
صو جلویه مجاورتله بونلر دخی صو جلوی دو شمشلردر زیر مجاورتله ظلمت
و نحو ست ساریدر وای ایکنسکده باشنه کلنه نیکم قیامتده حین محاجده
ایکسی دخی محجوج اولسه لکر کدر زیر اعمالله مقعد حکایه سنه بکزر (المحرره)
*معهذک دیده سی و اعمالک * ابغی الیدی اباغن انک * بعده ذاطو طینک
قرارد اولان حرکتی حکمته منیدر زیر اهر حرکت البسه بر محر که
مضافدر و محرک اول الله تعالیدر پس حقایق اموره جاهل اولان
توحید افعالده شرکدن خلاص اولمز و راه تفریده سالک اولان
بولن یا کلز اصل کون معلولدر دید کلری ذکر اولنسان معنایه
داردر انکیچون طبیعتدن خارج ایش نادردر

روزکی چندی سخن کوتاه کرد *

مرد بقال از ندامت آه کرد *

* روزکی * ده اولان کاف تصغیر و یا وحدت ایچوندر * چندی * ده
اولان بازائنده در * سخن کوتاه کرد * تکلمک یا عدد مندن
و یافتندن کتایه در و لکن ایسات آتیه قرینه سیله اولکیسی
ظاهر در * آه * شکایت و توجع و فتنده دیناور لفظدر تکم واقعدر
* آه من غربه بغیر ایا ب * آه من حسره علی الاحباب * اصلنده
اوهر همزه نك فحی و و اوک سکونیه و الفه قلب اولغشدر نیکم
اصلی اوزرنه دخی کلور * فاهه لذر اها اذا ماذکرتهما * و من بعد

ارض بنینا و سماء * بوراده آه حقیقته محمول در ندامت قرینه سیله
زیر آه ندا منك اثریدر ندامت ایسه سندن واقع اولان نسنه نك
اوزرنه غم لازم وهم دائمه دیرل واقع واقع اولسنی تمی ایله بله زیر ترکیب
حروقی معنای دوام افاده ایدر نیکم ادمن الامر دیرل ادامه ایسه
و مدن بالمکان دیرل اقامت قلده مدینه لفظی دخی بوندن اخذ اولغشدر
و لزوم غم یا اول امر دن قوتی سیبیه در و یا موجب و سببی خاطر دن
غیوبت ایتکم حسبیه در و یا کثرت تذکره بناء و یا غیره اسباب
ایچوندر و اگر کلا مده ندامت لفظی اولسیدی مجازه حمل اولنق
دخی وجه ایدی زیر اثر مؤثره الدر نیکم قرآنده کلدر (و یوم بعض الظالم
علی یدیه) یعنی تحسرو ندامت ایدر دیکدر زیر وقت ندامتده ال
و یرق عض اولنور وقت تعجیده ریش بردندان اولدیغی کبی و علی هذا
فقس (معنای بیت) بودر که قاج کونجکرتو طوطی الم و انکسارندن
قصه بی قصه و کلامی قصیر ایلدی * بونده اشارت وارددر که طوطی
دل صدمه قهر یا تله منکسر و ذلیل و قبضه قبضه متلاشی و علیل
اولد قده فیض تکلم منقطع اولوب اولکی کبی حقایق و دقایق
سو یلدن قالدی و باشنه تنزل حالی کلدی زیر اهر و قبض سکوت
و خرس ابراث ایدر لطف و بسط خلا فن ابراث ایتدی کبی نیکم ایام
زمستانده فریاد عند لب منقطع اولوب سبب شطارت اولان موسم
بهار قد و مننده دستانه آغاز ایلر و خواجه حافظ کلامنده کلور *
چه جورها که کشیدند بلبان از دی * بیوی انکه دکنو بهار باز آمد *
مقصود قبشك فصل جلال و یازك فصل جمال اولد یغنه اشا رتدر
فیض سالک دخی بوقبض تنزله باقوب سینی ملا حظه حسبیه ندامت
و تأسف ایلدی زیر بومعنی اصلنده دکان وجودی خالی ترك اندو کندن
ناشی اولدی و قلبی اتهام ایتدیکی شرکدن ناشی ایدی زیر توحید بودر که
قصود واقع اولد قده نفسنه اسناد اولنه نیکم محکمه میندر صکره
قصودن بیلوب نادم اولدی نیکم خواجه حافظ کلامنده کلور *
سیاه نامه تراز خود کسی نمی بینم * چکونه چون قلمم دو ددل
بسر زود * بو مقامک حقیقی بودر که اول اصلا ح طبیعت مشغول
اولان سالک کا هیجه مقام بسط و انسه ترقی ایدوب طوطی دله

وارد اولان فیضله منتفع اولوب اکلنور و صدای غیبی استماعیله دکلنوردی
صکره ذکر اولان معنی حسیه صیت و صدا کسادی سالک
دخی قفص اضطرار بده اصلدی قالیدی * رزق دن صکره حرمان
ووصول عقبنده قطعت رحن حادثه هائله در که قاصمه اظهار در
ویدمشلدر تنزل واقع اولدوقده چاره ترقی ابتداء ریاضت و ثابته مجاهدیه در
و مقدمه تدارک آه اتمکدر زیر باطنده اولان ندامتک صور تیدرو اما اولیکه
نفعی دیشدر * ضبط آه ایله در عاشقه اول چاره * بن ایسه آه
سزارام ایدم آه مدد * بوسه و جزعه کوره در فامابی جزع آه اتمده
تسکین دل و تسلی خاطر اولد بغندن ماعدا اقرار قصوری اشعار
دخی وارد و ضرب رأس اینک سبب قطع کلام اولق انکیچوندر که
رأس مجتمع مشاعر در خصوصاد ماغ که محل تعقل و ادراکدر قیچن
دماغله اختلال کلسه لسان دخی نطقدن دم بسته اولور زیرا قوت ناطقه
قوت عاقله به تابع و لسان دخی انک ترجان و خادمیدر و قلبک عرقی
دماغه متصلدر پس علوی اولان عقلک اختلالی قلبه ساری اولوب
اورادن سفلی اولان نطقه دخی اختلال کلور * و صیغه تصغیر دن
فهم اولور که زمان تنزل ممتد اولما مشدر زیر اعلاجنه مباه شرت اولمشدر
نتکم اشغده ذکر اولور و طلب قوتده اولسه مطلوب سریع حاصل
اولور انکیچون نیچه زینه قرق سنهده حصوله کلن معنی بعضیلر نه قرق
کونده حصوله کیشدر (لحرره) صنع حقه علت و فعلنده یوقدر
هم غرض * بی غرض اولمسه آدم قالیدی آخر پر مرض * نفسله
دنیا یله بولدن قالور سالک اولان * رهن حق اولسون زنهار بو عرض
عرض * والله الموفق *

* ریش برمی کند و می گفت ای دریغ *

* کافتاب نعمتم شد زیر میغ *

* ریش * صفالدر لبه کبی * کند * کاف عربینک فتحیه ماضیدر قوریدی
ویوادی معنا سنه مصدری کنند در بعدذا بو کلام عرفیه نظره
اکتفا قیلنددر تقدیر کلام ریش و مو برمی کند دیمکدر یعنی تأسفدن
صاچن و صفالان یوادی نتکم ریش بردندان دیرل تعجبندن صفالان
دیشنه آکدی و فکره طالیدی معنا سنه و تحسره جل اولنق دخی

وجهدر * ای دریغ * دریغ حیف دیمک و آه اینک بوراده منادی محذوفدر
تقدیری ای قوم من دریغ دیمکدر و جائزدر که بویله رلرده صرف نداجرد
تنبیه ایچون اوله تعیین منبه قصد اولمیه * میغ * بولوت و طمان معناسنه
(معنای بیت) بو در که مرد بقال بوخصو صده زیاده تأسفندن
صاچن و صفالان یوادی و یا خود تأسف ایلمدی و دیدیکه ای قوم
من حیف و حسرت که آفتاب کبی او لان نعمتم بولوت الله کتیدی
و پنهان اولدی و زوال یوادی یعنی طوطینک نطقی نعمتی بکا بر آفتاب
ایدیکه انک نور و فریله کوزم و کوکلم منور اولور دی و صحن سرای
و جو دم انکله رو شنایی بولور دی شمدی بو نعمت فوت و بو نور
ظلمه مبدل اولدی و مشکوهه عالم بی چراغ قالیدی بونده فوت نعمت
اوزرنه تأسف وار در نتکم قرآنده کلور (یا اسفا علی یوسف)
یعنی یعقوب علیه السلام فوت صحبت یوسف اوزرنه تأسف ایلمدی
کبی بقال دخی فوت نعمت طوطی اوزرنه تأسف ایلمدی یوسف
و طوطیدن ایسه مقصود قلب در پس بوندن فهم اولور که حقه
متوجه اولان کسه مخلوقا قادن رنسنه نک فوتی اوزرنه تأسف ایتمز
بلکه قلب اوزرنه تأسف ایدر زیرا قلب مرآت جمال حقدر حقیقتی
بودر که تأسف فی الحقیقه مرآنده جلوهر کر اولان معنائک فوتی اوزرنه در که
جمالدر و تکلمدر یوخصه نفس مرآت اوزرنه دکلدر ولیکن اول معنایه
طالب اولان کسبه محنائک فوتی اوزرنه دخی تأسف لازم کلور مثلاً جنت
محبوبدر ولیکن بالذات دکل بلکه رؤیت جمال ایچون پس جنت
فوت اولسه رؤیت دخی فوت اولور نتکم طوطی فوت اولسه نطق
و تکلم دخی معدوم اولور فافهم جدا و عمل و بونده صاچن و صفالان
یولق خواطر اضیاری ازاله و روحی علاقات ماسه وادن تجریده اشارتدر
زیراروح کندی ذاتنده غلام امرد صورتنده در که انده احکام صفات
و آثارا کوان یوقدر بلکه بومعنی اکاجسده تعلق ایله حاصل اولمشدر
انکیچون ابوالبشر آدم علیه السلام مانخی دکل ایدی زیرا ذاته قری
وار ایدی هنوز ملا بس صفات ایله تلبسی یوغیدی و بلکه حضرت
ابراهیم علیه السلامه کلنجه جمیع مللده غالب اولان تجرید و تنزیه ایدی
صکره ابراهیمده وقاره دال اولان شیب ظهور ایدی زیرا ابراهیمده

صفات ثبوتیه نك دخی آثاری ظاهر اولدی بو معنای او توری قیامتده
ابتدا ملبوس اولان ابراهیم اولدی و بوندن فهم اولندی که انسانک ظاهری
کثرته و علاقه ده اولق باطنک وحدته و تجردنه مانع اولمق کر کدر
زرا کثر و علاقه عارضدر که فی نفس الامر معدومدی و میغ ایله حجاب
اشارت وارددر ولیکن حجاب ایکی دورایدن یکه بری غلیظ و کثیف
و جسمانی و ظلمتدروبری دخی لطیف و رقیق و روحانی و نورانیدر نتمک
بالنده شرح اولمشدر بورا ده مراد اولکیدر زیرا او صاف کونیه ایله
حیولت واقع اولد فده عالم امر دن پرتو فیض منعکس اولمز وارض وجود
ظلمتده قالور و کون اگرچه عالم ارواحه دخی اطلاق اولنور ولیکن کون
لطیف اولمغه حیولاتی کون کثیف کی دکلدر الحاصل طوطی قلبک دم بسته
اولدیغی عال کونیه ظهوریله فیضندن دور و تجلیدن مجهور حسیله
در (لحرره) اولسه خرشید ابرله مسطور * ایتمز اولکی کبی نوری
ظهور * شب هجرک ظلمتینه باقوب * بلدزه حسرت اولور طالب نور *

❖ دست من بکشته بودی آن زمان ❖

❖ چون زدم من بر سر آن خوش زبان ❖

* خوش * زبان ذکر محل و اراده حال طریقیله زیرا زبانک خوشاخی
کلامنه کوره در و جائز در که شیء آلتک اسمیله تسمیه قیلندن اوله
(واجعل لی لسان صدق فی الآخرین) کبی زیرا بوراده لسانله
مراد ذکر حسندر که آنک آنیدر (معنای بیت) بودر که بنم الم قرلمش
اولایدی اول زمان چون بن اول خوش زبان اولان طوطینک باشنه
اوردم یعنی نولایدی آنک باشنه اورا جغم زمان الم قرلمش اولایدی
و نندن بوابش صادر اولمایدی ز براندامت ایراث ایلدی بر نسته نك
ایسه غایتی ندامت اولسد مقدماته شروع اینک دخی خطا در *
ولکن شروعك اسبابی موجب اولمق عاقبت اندیش اولمسانه کوره
خطابه مؤدی اولور انکی چون وارد که (ان من العصمة ان لا تجرد)
و نتر بلده دخی کلور (ان الانسان لیطغی ان رآه استغنی) و مثله کلور
* مور همان به که نه باشد پرش * یعنی قرینجه نك قنادی هلا کنه
سیدر نتمک دیمشدر * ماذا اخاضک یا مغرور فی الخطر * حتی هلاکت
فلیت النمل لم یطر * بونده تأسف و تنادم یدعایه اوزینه در که

حقیقتده دکان وجودی محافطه دن غافل اولوب اوصاف ذمیمه
ظهوریله انقلاب حاله سبب اولد یغیدر و آلتک قرلمسی ماسوایه
تطا اولدن کوتاه اولسنه اشارتدر تطاول تدبیر معاشه اشتغالله
اولمشدر پس کندی کسب یدندن شکایت ایتش اولور و قرآنده کلور
(وما اصابک من مصیبة فبما کسبت ایدیکم) و جا زدر که طوطینک
خاموش اولدیغی ضربه منسوب اولمق بو خصوصده کثر ریاضتدن ناشی
اولان افراطه کوره اوله زیرا افراط ریاضتله مزاجه بیوست غالب اولسه
دماغ اختلال پذیر اولوب خیالات و هذیان طویله مؤدی اولور پس
قلبدن خو طر صافه و وار دات لایقه کسلور و بیستان دماغده نخم
ادرا کدن بنمندن قالور کل اولان کسنه نك باشنده قل بنمندی کی
(لحرره) میودار اولمق سدره یال * نفعنه قائمکی قلسک دال *
اعتدالیه تراش ایت تیری * صکره دور و درار منزله صال

❖ هدیه های داد هر درویش را ❖

❖ تا بیاید نطق مرغ خویش را ❖

* هدیه * اصلنده تشدیدله در بوراده ضرورت ایچون تخفیف اولمشدر
هدیه بری برلیمزه اهدایتدیگم اطفه دیرل نتم قرآنده کلور (وانی
مرسله الیهیم بهدیه) بوراده مراد صدقه در درویش قرینه سبیل
و هر درویش لفظندن فهم اوانه استغراق عرفیه مجاور مراد شهر نك
فقرا سیدر و طوطیدن مطلق مرغ ایله تعبیر ایلدی قطع نوا ایتک
حسیله اگرچه که اضافندن خصوص اوزرینه طوطی اولمق فهم
اولنور (معنای بیت) بودر که او مراد بقال شهر نك فقراسنه ممکن
اولان در ویشانه صدقه و یردی تا که کندویه مضاف اولان طوطی
قوشنک نطقنی بوله و اولکی کبی کلامیله مستأنس اوله زیرا واقعه مذکوره
حسیله فقدان ایلش و اضاعت قلمشدی وجوه میراتدن صدقه بی
تخصیص ایلدی زیرا حد شده کلور (الصدقة تزد البلاء) و امام علی
رضی الله عنه کله سنده کلور (واذا املقم فتأجروا الله بالصدقة)
سری بودر که قلوب فقرا و درویشان نظر گاه آلهیدر پس صدقه
ایله تطیب خواطر ایتک انلرک توجهاتنی اسجلا ب و خیرله تکلماتنی
اکتساب وارددر الحاصل قلوب فقراء و السنه در ویشان بووجهله

لحق افقر (قاموس)

کشاده لك بولسه مقصود اولان نطق طوطی دخی حاصل اولوب
(الجزاء من جنس العمل) سری باهر اولور فاعرف جدا نكتم بر پادشاه
زاده ناخوش اولدقده قفسده محبوس اولان مرغانی آزاد ایتك ايله
خوش اولدی زیرا کشف و تفریح قیلندندر خصوصاً که قفس ايله
و مرغله روحك مناسبت ناهه می وارد و بوتقیر دن فهم اولندیکه
در ویشدن مراد صاحب دل اولان کسه در اگر چه که هر فقیره صله
ایتمه نك دخی نفع عظیمی وارد نكتم بوسه تانده کاور * خورش
ده بکجسك و کبک و حمام * که يك روزت افتد همایی بدام * بونده صدقه
ایله مقصود معارف و حکیم آلهیه ایله قوای باطنیه صله به اشارتدر
زیراتزل ظهورنده بالکریاضت و مجاهده کفایت ایتز بلکه غدای
روحانی ایله تربیه دخی کر کدرو بومعارف ایله مراد (خذوا العلم من افواه
الرجال) و فقیحه خار جدن اخذ اولان معارف در که قلبه بطریق
الفیض وارد اولانک غیر بدر که تقویت دل و ترقی روان ایچوندر بطریق
الفیض اولان بوندن اقوالدر زیر ملک واسطه در خار جدن اولان
ایسه بشر واسطه سبله در پس واسطه بشرله مأخوذ اولان علوم
کدورتدن خالی دکلدر ارضدن حفر اولنوب استخراج اولنان صو
کیدر که ماء مطراندن اهلادر زیر عالم بالا دن بلا سبب معهود نزول
ایدر و بوندن حاصل اولور که تحصیل مقاصد ایچون اسبابه تشبیه
و خیرات و حسنات ایله توسل لازمدر نكتم قرآنده کاور (ایانک نعبد
وایانک نستعین) یعنی عبادت و استعانت بطریق الوسيله دعا اوزرینه
تقدیم اولمشدر و جمیع اجزاء وجود عبادت ایله مأمور اولدیغی کبی
نكتم صیغه جمع آنی مشهر در که تزکیه ایله دخی مأمور در اگر چه که
تزکیه ده اصل اولان نفسدر و نفسك رزائلی بسیار در که جمله دن
بری حب مالدر پس مالی بذل ایتمه ده بورز یله دن نفسی تخیص وارد
نكتم علومی نشر و حقه ثقی افاضه ده قلب و روحی تخلیه وارد و بومعنايه
متصدی اولان کسه نه بی غرض کر کد رزیرا غرض ایله عابد هوی
اولمش اولور پس بیت مشویده اولان تا تعلیل افاده ایدر که حقیقتده
لام عاقبت معنا سنه محمولدر یعنی مطلقاً تصدق ایتمه نك غایتی مراده
ایر مکدر یو خسه تصدق ایتك مراده وصول ایچون دکلدر که غرض

نفسانی به دأردر * شیخ ابوالحسن الشاذلی دن مرویدر که اوائل
حالده بر طالب ایله بر مغاره ده متزوی اولوب مقصود بو کون فتح اولور
ویارن فتح اولور دیو مترقب اولمشدر صکره اهل الله دن برکسه انلرك
یانه واروب بطریق الارشاد نیچون الله الله ایچون عبادت ایتز سکر
بلکه فتحله تعلیل ایدر سکر دید که منته اولوب توبه ایدرل اندن بی
غرض عبودیت ده اولوب آزمانده مراده ایررل * والله الفیاض *

بعد سه روز و سه شب حیران وزار *

برد کان بنشسته بد نو مید وار *

* بعد * کله سنك آخری بومقوله ترکیبده مقنوح و مکسور اوقونق جائزدر
* زار * زار بدن دن مشتقد زار بلیق ابدیحی یعنی الکلیجی و فریاد قلمیحی
واحباء العالمو مده کاور که لفظ زار لغت عجمیه ده هلا که مشرف اوزرینه
دلالت ایدر * نو مید * اصلنده ناامیددر و اوله الف حذف اولوب نو مید
قالمشدر امید تشدیدله و تخفیفله و او مید و اوله رجادر ناامید امید سز یعنی
منقطع الرجاء * وار * ادات تشبیهدر (معنای بیت) بودر که مر دبقال
اوج کون اوج کجسه حیران وزار اولوب دکانده ناامید و مأیوس کبی
اوتوردقدن صکره معلوم اولاکه بو کلام اشغده جولقی بیتیه مرهون
و مر تبطدر و بو قاروده روزی چندین بوراده سه روز و سه شب تفسیر
و بیان واقع اولمشدر زیرا روز عند العرب کجسه سی ایله اعتبار اولنور
انکیچون بوامتک دور بنه دور قری دیرل زیرا کونک احوالی کجسه ده
رؤیت هلاله تابعدر مثلاً شهر رمضانده صیام و شوالده ترك و كذلك
تراویح رؤیت هلاله دأردر و بو تفسیردن مفهوم اولور که تخصیص عدد
حقیقتیه محمولدر و جائزدر که تعیین عدد تقلیلدن نگایه اولوب مدلول
و مؤداده ماقبلی ایله متحد اوله و بقای ناامیده تشبیه ایلدی ناامید اولدی
دیمدی زیرا مؤمن رحمت حق بدن مأیوس اولق کفردر نكتم قرآنده
کاور (ولا تبأسوا من روح الله انه لا یأس من روح الله الا القوم
الکافرون) و بر موصوفه ده دخی کاور (ومن یقنط من رحمة ربه
الا الضالون) پس ابتلا نقدر شدید و عهد بلامید و حصول مرام
بعید اولسه بنه زوال و انکشافی مأمول و مرجو (وکل آت قریب) و فقیحه
زمانی متقاصر در نكتم قرآنده کاور (متی نصر الله الا ان نصر الله

قريب) وديمشاوردر كه *ع* مثلدر بوضو اقد بغي بيره كبر و اقد در در *ز* راحق
تعالينك هر نسنه به قدرتي صالح وذات كرمي عجزدن بر يد *م* كيد در كه
بر كسنه نك سفينه سي شكسته اولوب بر مخالف جزيره ده قالد قده اوراده
خلاصني محاله تعلیق ابدوب *ا* اذ اشاب الغراب اتيت اهلي *د* دیدي صكره
عسی الكرب الذی امسیت فيه *ي* يكون وراءه فرج قريب *ن* داسيله مبشر
اولوب بالاخره خلاصنه سبب ظاهر و نجاته بر بهانه باهر اولدي
و بوفقي حق به دخی القات ار به تار بخنده عودت حجه استیلاء اعراب
واقع اولوب حجاج شامك اكثری هلاك و بادیه ده نابود اولد قلرنده
حرارت ظهیره ده پیاده قالبوب آخر حیاتدن ما بوسا سر برهنه می
بالین مر كه نهاده منتظر امر الهی اولدیغده بیت مذکور هاتفدن
كوشمه رسیده مبشر بولوب بین العشائین رجال غیبدن بر نك مساعده سیله
نجات حاصل اولدی و الحال لا یوصف (لحیره) دایم باز كرك باب
امید *ن* تا كه حاصل اوله مراد مرید *ق* قابل فیض اولسه روی زمین *
ابر رحمت ابد رنغن تسکین *و* بونده اشارت وارد كه تنزل ظهور ونده
باری اوج کون و اوج کجه خلوت صحیح و اجتهاد قوی و تضرع
عظیم کر کدر تا كه عالم آتاردن افعاله و اندن صفاته و اندن ذاته ترقی
حاصل اولوب مقصود جلوه کر حیرت ظهور اوله زیرا کجه عالم ذاته
و کوندز عالم صفاته ناظر در و هر مقصود ذاتدن بتزیرا جمله اسمانك
سماسیدر و حیرت ایدر تنزل واستارده واقع اولان مذموم و ترقی
و تجلیده واقع اولان مدوح در انکی چون او بر حیرتدن استعاده و بو حیرت
زیاده لکن طلب ایتشادر و جائزدر كه سه روز و سه شب جسد و طبیعت
و نفسه رمز اوله زیرا هر شان ایچون بر یوم الهی وار در شکم قرآنده
کلور (کل یوم هو فی شأن) پس ذکر اولنان امور ایچون دخی یوم الهی
اگرچه كه فی الحقیقه زمان غیر منقسمدر و لکن هزار ساله دخی اطلاق
اولور شکم قرآنده کلور (وان یوما عند ربك کالف سنة مما تعدون)
شکم بالاده بیان اولمشدر و امور مذکوره مراتب تنزلانددر پس بونده
اشارت وارد كه عالم قلبدن نفس و طبیعت و جسد مرتبه تنزل ایدن
سالک مدت طویل را باضت و مجاهده به محتاجدر تا كه جلال و قهر
و استاردن جمال و لطف و تجلی به ترقی ایله اکرچه كه بعض مستعدان

زمان قلیل ده بر مراد اولور و ترقی عظیم بولور فاما نادردر زیر اهر دلد
قوت استعداد اولماز *و* هر کس سر یعانقد مرادی بولماز *و* الله
الهادی *و* علیه اعتمادی *

✽ با هزاران غصه و غم کشت جفت ✽
✽ که عجب این مرغ کی آمد بگفت ✽

بو بیت نسخ عتیقه ده یوقدر و لکن مقصودی محل اولمافله درج
اولدی *غصه* اصلنده بو غازده طوران لغیه دیر صکره غمه استعمال
اولدی زیرا هلاکی مستلزم اولمافله غمه سبب قوبدر *عجب* قنچین ایله
نفسك بر نسنه دن تغیرینه دیر سببی خفی و مثلی عادتدن خارج اولمافله
انکی چون الله تعالی حقهده تعجب حقیقی صحیح دکلدر زیرا علام الغیوب در
بوراده بقاالك تعجبی طوطینك خاموش اولدیغی عادتدن خارج و غیر
معهود و نطقه کلمی مجهول اولمافله در *کی* قنچله قن معناه در نتم
دیوان حافظده کلور *بیانك بلبل و قریا کر نشوشی می *علاج کی
کنت آخر الدواء الکی *ا* کرچه كه بیت حافظده اولان کی عربی
اولان کی به دخی ابهام وارددر (معنای بیت) بودر كه هزاران غم و قساوته
مقارن و منضم اولدی تأسف ایلیموب بویه دیو كه عجبایو مرغ طوطی
قن گفته کله ونه زمان اولکی کبی گفته ایلیم به یعنی غم و غصه سی
طوطینك قطع نوا ایتسندن ایدی و بوسیدن بو خاطره دن قورتلز و آه
ایدوب استبعاد طریقه مر تبه اسانده دخی ذکر اولنان مقاله بی سو یلردی
یا کندیله و یا صاحبی یاننده و بو مقوله استبعاد عادی اولمافله قدرت
حق استعجاز و مقتضای او لان کفر لازم کلز بونده تنزل اهلی اولان
ساسك حاله اشارت وارد زیرا تنزلی حسبیه غمدن خالی دکلدر
و حقیقتده غمی طوطی دلدن فیض کلام ازلی منقطع اولمق حسبیه در
و بوفیضك بردخی حصولی کرچه عادت استبعاد ایدر و یأس حدنه
قرب اولور شکم قرآنده کلور (واذا مسه الشمرکان یوئسا) و لکن
قدرت حقه کوره بعید دکلدر شکم عزیر علیه السلام قصه سنده کلور
(قال انی یحیی هذه الله بعد موتها) یعنی عزیر قدس شریفك
خراب کلی اولدیغنه نظر ایدوب بطریق العاده استبعاد ایلدی پس
حق تعالی دخی قدرتی ابتداء عزیرك وجودنده اظهار ایلیموب یوزیل آئی

اماته اند که نصیره بنه احیای ایلدی و قدسی دخی علی التدریج
اولکی حاله اعاده قلدی * قریه جسد و سکانی اولان قوی دخی بوکا
قیاس اولسه و بومقوله معنائک حصولی بحسب الغالب زمانه منوط
واسبابه مر بو طدر نتکم حدیث قدسیده کلور (من تقرب الی شبرا
تقربت الیه ذراعا) یعنی اولاً اسباب بوزندن حرکت اختیاریه کر کدر
تا که مطلوب حاصل اوله و مراد استقبالی ایلله اگرچه که بوصفت یعنی
تقرب ابرار حالیدر که کند یلر بنه منسوبدر فلما مقرب بین جذبیه قویه
ایله تقرب اولور و لکن ابکیسی دخی قبل التقرب والتقرب سعادت
اهلیدر نتکم قرآنده کلور (لقد رضی الله عن المؤمنین) یعنی علم قدیم
و حکم سابقه رضا و انسه علم فعلی و حکم لاحقده اثر سخط ضرر
و ررمز بلکه بالفعل احتجاب ایچنده بالقوه کشف وارد در زیر عارض اولان
نسنه ذاتی به مزاجه ایتمز و درخت سعادتن میوه شفاوت بمنز (انما
العبرة بالخواتیم * فاعلم * والله العالم

✽ می نمود آن مرغ راهر کون شکفت ✽

✽ تا که باشد کاندرا آید او بکفت ✽

* کون * کاف عجمینک ضمیمه نوع دیمکدر نتکم کونا کون دیرلر کون و کون
معناسنه یعنی نوع و دورلی دورلی * شکفت * شینک و کافک ضمه لریله
و کسره لریله و فالت سکونیه لغت مشترکه در تعجب و یارمق و بارملق پیدنده
بوراده ضمله در قرینی قرینه سیله و متعجب منه معناسنه در یعنی امر عجیب
و کار غریب * اندر * زاندر (معنای بیت) بودر که مر دبقال اول طوطی به
هر نوع عجب نسنه کوستردی و دورلی دورلی شطارتلر اظهار ایلدی
تا اولاً که تکریم کله یعنی اول انبساط حسبیه انقباضی منافع اوله و نشاط
تاز بوله پس بوندن شکفتی تخصیصک وجهی ظاهر اولدی زیرا امر
هائل اظهارله انقباض افزون اولوب مراد حصوله کلز و بوندن فهم اولور که
انقباض و انبساط مطلقاً حیوانده متصور و معجب و منافر کارلر در و تاء تعالیک
معناسی بالاده مرور ایلدی بونده اشارت وارد که تنزل اهلی اولان
سالك سلو کنده هر امر عجیه تشبث و هر معنای غریبه تمسک و تعرض
لازمدر زیرا نفحات آنهییه نک ظهوری نه بوزدن اوله جنی معلوم دکلدر
و بعض یلر ررمز ابدوب دیمشالردر * مت من الحزن ارحنی بلال * یعنی

عالم کونک علایقی ظهور اینسه نمازله تجریده مسارعیت و یامعراج معنوی به
رغبت حاصل اولسه صورت صلواتله احتجایی انکشافه تبدیل کر کدر
وسائر احوالی دخی بوکا قیاس اولسه و بو معنایی تمنی صورتنده ایراد
ایلدی زیرا حصولی مقطوع دکلدر بلکه مشیت حقه مقو ضرر
و قرآنده کلور (والله یقبض ویبسط) پس گاه اولور که قبضی مد ایدر
شویله که بسطدن امید کس یاور و بلکه نیچه لردنیادن انقباضله
انتقال ایدرلر و لکن محدود در زیر اثر غضب منتهی اولمق بحسب
الظواهر کفاره کوره در مؤمنه یاد نیاده و با آخرتده فرج و انکشاف واردر
و لکن هر کسک استعدادنه کوره و حالی مقداریدر و قلبه کوره انکشاف
نجلی طریقله در زیر انجلی حسبیه عالم غیبدن نطق و تکلم حاصل اولور
کر کسه بونطق لسانه کلسون و کرک کلسون و بلکه حقائق و علوم
غریبه نک اظهاری ممنوعدر مکر زیاده قابل و مستنده کوره اوله نتکم
خواجه حافظ کلامنده کلور * قیمت در کرانمایه چه دانند عوام * حافظا
کوهر یکدانه مده جز بنحو اص *

✽ جوائی سر برهنه می گذشت ✽

✽ با سربری و چوپشت طاس و طشت ✽

* جوائی * جوالقیدن مخففدر جوالق صحائف و زننده جوالقک جمیدر
ضمحه کرچه عربیده جمعه نسبت اولنماز فلما استعمال عجم اوزره حوری
قبیلنددر یعنی جمع مفرد کی استعمال اولمشدر زیرا جوائی قتلله
خرقه ده شایعدر که مفرد مراد اولنور اصلی چواللر دیمکدر زیرا
جوائی ضمه له چوال معناسنه در و جائز در که ضمله اولان جوالقه
منسوب اوله و لکن جوالقیده جیم تخفیف ایچون مقنوخ اوقنور جوائی
حقیقه مده متصوفه دن اول طائفه مذکوردر که چوالدن خرقه کبرل
وصفاللر تراش ایدرلر بونلره قلندر به و حیدریه دیرلر که شیخ حیدره منسوب
اولوب بونلرنده دمر حلقه کو تورلر و سائر بونلره مشابه اولان اشقلر
فرق ضاله دندر که شرعک نه ظاهر نه و نه باطنه انتسابلری بو قدر
زیرا ادعا ابتدکاری باطن طریق شرعدن اولمق ظاهرلری کی مر دوددر
بوراده جوائی ایله یا مطلقا خرقه پوش و یا خود خصوص اوزرنه چوال
پوش اولان طائفه مراد اولنور زیرا سر برهنه اولق بومقوله لک عادتیدر

مطابقا خرقه پوشك دكل * طاس * معروف قابدر كه تركیده دخی مستعملدر
 نكتم اطافنده كلور * تاسه لندی طاس آندی دیو چون جامده * صكره
 جامجی طاسینی صایدی چقدی طاس تمام * اصلی طس در تشدیدله
 صكره اشباع اولمشدر * وطشت * شین معجمه و مهمله ایله طش در شینك
 بری تابه ابدال اولمشدر نكتم قاموسده مصر حدر واختریده كلور كه
 بيوك طاسدر و نعمة الله ده طاس لكن واكا بكرز نه واريسه
 ديمشدر و حلیمی ده طشت لكن در ديمش (معنای بیت) بودر كه باشی
 چبلق بر خرقه پوش و یا خود خصوص اوزرنه جوالقی اشقارندن
 بر كسه بقال دكانی او كندن كچدی اول حالده كه باشك قبلی یوغیدی
 همان طاس ولكن ارقاسنه بكرز دی نكتم قبق باشلو دیرلر تشبیه طریقیله
 و بومعنی كرك او جوالقی نك حقیقته كل اولسيله اولسون و كرك پیرا كندن
 و یا بعض عوارضدن باشك قبلی دو کیلوب كل صورتنده اولسون پس
 اشغه ده خطاب طوطی ده كل اطلاقی ایکی تقدیر اوزرنه دخی صحیح
 اولور زیرا یا حقیقته محمول اولور كه علت معروفه در و یا مجازه محمول
 اولور كه انك غیردر * بونده اشارت واردر كه سالك بر تنزل و زلال
 اول غم بال و انقلاب حالده ایكن قساوتی نهایته رسیده اولوب بر مجرد
 اهلنه راست كلوب انك یوزندن مقصودی حاصل اولدیغن بیاندر
 مرد بقال كبی زیرا حكایه مذكوره نك قیاس نفس عدم جواز یچون
 مسوق اولسی ذكر اولتان معنایی منافی دكلدر زیرا هر كلامده اشارت
 كثره واردر و جوالقینك دكان او كندن مروری دلالت ایدر كه بقالك
 و كذلك مرد سالك استعدادی كالمده ابدی كه مقصود ایاغنه كادی
 و ترقی به بهانه ظهور ایلدی شمس تبریزی مولانا حضرت قلی ایاغنه
 كادی كبی نكتم بالاده تفصیل اولمشدر و بوم مقصودك حصولی مجرد
 یوزندن اولدی نكتم سربى مو اكا دالدر و طاس و طشته تشبیه دلالت
 ایدر كه مجرد متین و قوی كركر شویله كه كونیله لمح قالسده ناقص
 اولور * و بور من دخی بودر كه قلب متین و مجرد حرص و حسد و امثالی
 صفات رذیله ظفر بوله من مور و موش و امثالی طاسه رخنه ویرمه قادر
 اولدقلى كبی (لحیره) اولدك ايسه چو طاس طشت متین
 * سكا تا شیر ایلز متین *

* طوطی اندر گفت آمد آن زمان *
 * بانك بر درویش زدكای هی فلان *
 * بانك * آواز قوی كه عربیده صیحه و تركیده اون دیرلر * ای * قحله و كسرله
 حرف ندادر * هی * اصلنده ای درها همزه دن بدادر بوراده ای مطلق
 تنبیهده مستعملدر پس هی تأکید ایچون اولور * محکیدر كه یوسف
 عجمی جذبه قویه حالنده ایكن خلوت خانه سندن طشره چیقوب
 یا فلان یا فلان دیوب كسه جراب ویرمچك بر كلب بواب هی كلب
 دیدی بوسیدن اول كلبه جمع كلاب منقاد اولدیلر زیرا یوسفك حالی
 انك اوزرنه واقع اولمش ابدی و جائزدر كه هی اصلنده ها اوله كه
 عربیده تنبیه ایچوندر و جائزدر كه هی حرف نهی اوله بحله ایتمه معناسنه
 نكتم نعمة الله ده مصر حدر بوسه ورته مؤخر اعتبار اولور تقدیر
 كلام ای فلان هی دیمكدر * فلان * ضمله و مجرد عن اللام اسماء انساندن
 كنباه در انك یچون فلان بن فلان دینلسه ابن دن همزه ساقط اولور
 زیرا علمین دن كنباه اولان كلمین بیننده واقع اولمشدر و لامله الفلان
 دیو استعمال اولسه انساندن غیرى اوزرنه اطلاق اولور نكتم فی الماده
 الفلانیة دیرلر (معنای بیت) بودر كه طوطی اول وقتنده یعنی جوالقی
 سر برهنه دكان او كندن مرور ایدر كن اول درویش خرقه پوش
 و یا جوالی بر دوشك اوزرنه صیحه ایدوب دیدیكه ای فلان یعنی
 ای درویش زید مثلا و یا خود ای كشی بحله ایتمه زیرا سكا جزئی سوزم
 واردر (بوندن ظاهر اولور كه جمیع اشیا اراستنده مناسبت واردر كرك
 جلی و كرك خفی شویله كه حكیم مراقب اول مناسبتی مطالعه ایلسه
 ادراك ایلر زیرا طوطی كندی مجانس و مناسبتی كور مدكجه كفتاره
 كمدی و سر مناسبتیه امام غزالی قدس سره یه كنجبه كسد تعرض ایتمشدر
 اول دخی جزئیت وجهی اوزرنه ایراد ایلشددر نكتم بر كون قدس
 شریف ده بر جامه ایله بر غراب كوردیكه بری برنه ملاصق و منضم
 و مستأنس طوردرلر سر مناسبتیه ذاهب اولغله بو ایکیسینك اجتماعی البنده
 ارازلنده جهت جامعه و مناسبت خفیه اوزرنه مبنی اولق كركدر دیوب
 ایله ایکیسینه اشارت ایتدكده یارندن حرکت ایتدیله كوردیكه ایکیسینه
 دخی عرج واردر یعنی یا قلمزده علت اولوب لث اولق مناسبتیه مجتمع

وقواعد الفرسده
 كلور كه هی تنبیه
 ایچوندر نهی
 متبیهده مستعملدر
 مثلا * خاك پایش
 بوسه كردم گفت
 هی * یعنی ایاغی
 طبراغنی او پدم
 دیدی هی یعنی
 نهی ایلدی
 و نعمة الله ده كلور كه
 هی حرف نهی در
 بحله ایلد دیمكدر
 سده

اولش در (و حروفی طائفه سی ذکر اولشان مناسبی یکی اسمدن دخی
 تراش ایدرل ابراهیم واسمه لفظ لرنده سرار بین و غیره کبی
 الحاصل علت انضمام لابد وجوه مناسبتدن بر وجه اوزرینه دأردر
 مناسبت ظاهره اولدیفته باقوب چه مناسبت دیمک کر کردر
 * و بوندن فهم اولنور که سال که تنزل واقع اولد قده هر حالده
 مراقبه اوزرینه اولمق کر کردر نتکم طوطی دکان او کندن
 مرور ایدنلری مطالعه و تفرسده فرصتی فوت ایتمکله آخر مر اقبه سی
 منج اولدی انکیچون نفی شهرنده کلور * فیض برده در ایر آمده
 زنه ار اودی * بول نه و عالمه نه عالم فر دایه دکش * و بوندن اخذ اولنور که
 انقباض حالده اولان کسه به محک قوی اولد قجه انبساط کلز زیر باطنی
 خود اوزرینه در نتکم باد شدید اسمد کجه دریاده موج اولماز زیر اظهاری
 رکود اوزرینه در وجیم حرکات محرکات اوزرینه مبنیدر افلاک و هیاکل
 علویه و تداور اوجیه نک حرکاتی جواهر مجرده اوزرینه مبنی اولدیغی کبی
 هبوب ریح و امثالی دخی بو کافیا اولنه ولکن هر محک مبدأ اوله منتهی
 اولور انکیچون عارفله عروه تو حیده تعاق ایدوب هر حالده خاموش
 اولور حتی بر کسه بی بر مصلحت کوندر سه ل اولدخی استبطا ایلسه
 نیچون کج کلدک و سببی نه اولدی دیمزل حکم وقته و فاعل مطلقه نظر ایدرل
 مکر اول امر عارضه بخصوصه و قوف ایچون سؤال ایدرل زیر جزئیاته
 و قوف مقتضای نبوت و ولایتدن دکلدر انکیچون قرآنده کلور
 (و مادی مایه ل بی و لا بکم) و بیت مشو بدن اخذ اولنور که طوطی
 اول در ویشه بلاتعلیم خطاب ایتمش اوله ولکن مبالغه به محمول و تشبیه
 دأردر زیر طوطیده انسان کبی شعور و ادراک و مطلقا تکلمه اقتدار
 یوقدر و الا تعلیمه محتاج اولزدی نتکم شیخ سعدی پستانده کنور * بنطق
 است و عقل آدمی زاده فاش * چو طوطی سخن کوی و نادان میاش *
 یعنی کر چه طوطیده بزبدی اولیانک غیریده نطق و ادراک تعلیم اینه در
 و کلامک فحوا سنه دخی ادراکی یوقدر زیر حیوان لایعقلدر و الانطق
 و عقل ایه فاش و مشهور و ممتاز اولان انسانله برابر اولمق لازم کلور (لحرره)
 طوطی کویا ایسه ده ناداندر * کیم تعقل صفت انساندر *

✽ از چه ای کل با کلان آمیختنی ✽
 ✽ تو مکر از شیشه روغن ریختنی ✽

* آمیختن * قارشق مناسنه در * مکر * شاید مناسنه در که تمنی افاده
 ایدر (معنای بیت) بودر که ای کل در ویش نه سپیدن کل اولنوره
 قارشق یعنی انلرک عداد و زمر سندن اولوب بویله کل دوشدک من
 شاید کل یاغی شیشه سن دو کدک یعنی سنک کل اولدیغک بنم کبی کول
 یاغی شیشه سن دو کدک ایلله باشکه ضرب اولدیغک سبید نمیدر بونده
 بیت سابقده اشارت اولدیغی اوزره سر مناسنه رمز واردر مقصود
 در ویشک حالی قیاس نفسد نصره آراده اولان صحبتی ذکر اولشان
 جهت جامع اوزرینه بناد زیر نکاتده مزاجه یوقدر و ابواب
 معانی ثوائ و ثوائ و رموز و اشارت مقو حدر نتکم مولانا بیور * بیت
 من بیت نیست اقلیمست * یعنی اگر چه بنم بیت شهرم بیت سکنی کبی بحسب
 الظاهر تنک کورینور ولکن اقلیم کبی واسعه در زیر احقایق و نکاتنه نهایت
 یوقدر شویله که بریتی بر کتاب ایتمک اولور نتکم اول مشو بدن اون سکر
 بیت بر جلد اعتبار اولمشدر و صیغه تمنی دلالت ایدر که انسانک
 بر خصوصده علم قاطعی اولد قجه قیاس ایدوب حکم جائز دکلدر زیر
 غایبه حکمدر الحاصل قیاسک صحتی علت حکم اوزرینه و قوف
 و اطلاعده در بوماده ایسه او یوقدر مطابق ظن ایسه معمول به دکلدر
 نتکم قرآنده کلور (ان بعض الظن اثم) پس طوطینک قیاسی صحیح اولدیغی
 کبی قلبک قیاسی دخی صحیح دکلدر زیر قلبک معیب اولدیغی افساد
 و استعدادله در که نفس و طبیعتک غلبه سندنر بوا یسه حقیقتده عیبدر
 فاما بعض عیب صورتنده نسنه واردر که فی الحقیقه عیب بدن معدود
 دکلدر بلکه عوام ناسک اعتقادنه کوره عیبدر مثلا تجرد اهلنک حالی
 انلرک یاننده منفور در کرک اول تجرد اهلنک ظاهرنده فی الجملة تعیبه
 صالح نسنه اولسون و کرک اولماسون پس عیب ظاهر عیب باطن کبی دکلدر
 بلکه ایکسینک میاننده فاروق واردر و کذلک نیجه عیب باطنه واردر که
 اسبابده متحد دکلدر بلکه هربری بر امر اوزرینه مبنیدر و نیجه احکام
 واردر که بی اسبابدر یعنی بقا اعتباریله زیر احکامک بقاسی سبیک بقاسندن
 مستغیدر نتکم محله مبنیدر (لحرره) هنر پاکله تحلیدن * بوا یسه بری هنر

چنانکه ایاس * سوء ظنه دوشوب هنراهلین * کنندی نفسنه ایا ربلكه قیاس
✽ از قیاسش خنده آمد خلق را ✽

✽ کوچه خود پنداشت صاحب دل را ✽

* قیاس * اغنده بر نسته بی آخر نسته ایله تقدیر ایتکه دیرلر یقال قاسه
بغیره وهلیه قدره علی مثالہ والمقدار مقیاس مصرده مقیاس که ام
القیاس دخی دیرلر بر طاش در کر کدر که نیل مبارک اوزرینه وضع
اولنمشدر صونک از دیاد وانتفاصنی انکله بیلورلر اول ستون سئکین
اصلنده خشبه ایدی تنکم استوی الماء والخشبہ مثالی اکادالدار صکره طاشه
تبدیل اولنمشدر (لحرره) نجب طرفه نسته در مقیاس * که انکله بانور
خصب رخا * کرن کچمه کر بریل نیل * دوندر فخط عرب اوستینه
رحی * وشرعه فرعی اصل ایله علت حکمه و تسویه در یعنی حکمی اصلدن
فرعه علت متعده ایله تعدیه در * خلق * بوراده مخلوق معناسنه در که خنده
قرینه سیله انسان مراد اولنور قیاسله جهنده اطافت وارد ز بر خلق
اصلنده تقدیر مستقیم دیرلر صکره ترکب اجزاء و تسویه اجسامده استعمال
اولندی * صاحب * ملازم معناسنه در انسان و حیوان و زمان و مکان و كذلك
صحبتی بدله و باعنایت و همتله اولمغه شاملدر ولکن عرفده کثرت ملازمت
شرطدر یعنی اگرچه صاحب اغنده بر ساعت صحبتی اولانه دخی اطلاق
اولنور قاعا عرفده ملازمت کثیره و صحبت و فیره کر کر که تنکم محملنده
مبیدر * دلق * درویشلر خر قه سی تنکم کلستانده کلور * ع * دلفت بچه کار
آبد و تسبیح و مرقع * بو نظمه اولان عطفدن اخذ اولنور * که
دلق مرقع * غیر بدر ز بر مرقع اصلنده بمالو خر قه در تنکم
بعضی هندیلر * کیرلر * ولکن مطلق خر قه دخی مرقع دیمک
شایددر ز بر رقه معناسندن تجرید اولنمشدر (معنای بیت)
بودر که طوطینک قیاس نفس ایتسندن اوراده حاضر اولان کسه ره
خنده کلدی یعنی کلدیلر که صاحب خر قه بی کنندی کبی ظن ایلدی یعنی
کنندی کل باغی شیشه لرن دو کک سیبیله ضرب اوانوب کل اولدیغی کبی
درویشی دخی بو قیلدن صاندی ولکن ظنی فاسد و قیاسی کاسد ایدی
و جائزدر که خنده نجبه محمول اوله ز بر ضحک نجب اوزرینه و نجب
دخی نطق اوزرینه مترتبدر یعنی ضحک امور غریبه بی ادراکدن
حاصل اولان انفعال و نجب امور غریبه بی ادراک و نطق مطلقا ادراکدر
بس انفعال مذکور ادراک مقید مسطور اوزرینه متفرعدر مسبک سبب

اوزرینه تفرعی کبی و ادراک مقید دخی ادراک مطلق اوزرینه متفرعدر
خاصک عام و یا خود مقیدک مطلق و یا جزئیک کلی اوزرینه تفرعی کبی
بونده اشارت وارددر که مظاهر اشیاده تساوت و احکام اسماده تباعد
وارددر عالم جمعه کوره اولان اتحاد عالم فرقه کوره اولان اختلافی منافی
دکلددر و هر کسک حالی آخره قیاس اولنماز حتی دیشلردر که برکسه
جمیع اشیادن کنندی معتاد اولدیغی تسبیحی استماع ایتسه کشفی صحیح
دکلددر زیر اهر مظهرک اسم مخصوصی وارددر که اول اسمک یوزندن ورد
مخصوص ایله ذکر و تسبیح ایلر پس ایکیکنی بری برینه حل ایتک درست
اولم از سائر احوال دخی بو کا قیاس اولنه و بر اشارت دخی
بودر که حاضر اولان خلق ایله مراد قوای روحانیه در که
عالم خلق دندر ز بر ارواح مخلوق اولیجی اکا تابع اولان قوی دخی
مخلوقدر متخیله و مفکره و حافظه و ذا کره و عاقله کبی و قوای حسیه
دخی بونلره تابعدر باصره و سامعه و شامه و ذائقه و لامسه کبی و بوقوی
مطلقا روح بدندن مفارقت ایتدکه دکان وجودده حاضرلدر
و بونلر طوطی قلبدن صادر اولان قیاس نفسدن نجب ایلدیلر و قای
بو خصوصده تکذیب قلدیلر ز بر قیاسی مراتبه جهلندن ناشی ایدی
خصوصا خود لفظندن تراش اولنور که قلبده دخی شرک وجود و ارایدی
و انایتدن خلاص اولمش ایدی انکیچون بو ظنه دوشیدی بعد ذا
بوییت و كذلك ابیات آیه دلالت ایدر که داستان نخستین ایله بو حکایه
اراسنده سبب ارتباط و جهت جامعه قیاس مذکوردر زیر داستان
نخستین قیاس اوزرینه ختم اولنمشدر (لحرره) مرض قلبه وارهلاج
ایله * نیجه بر علت ایله اوله سقیم * فکرینک یوق نتیجه سی اصلا *
هر قیاسی کلور صوکنده عقیم *

✽ کار باکانرا قیاس از خود مکبر ✽

✽ کرچه مانددر نبشتن شیر و شیر ✽

* پاکان * تزکیه نفس و تصفیه قلب و تخلیه روح و تجلیه سرایدنلدردر که
آلایش ماسوادن مطلقا مظهر اولمشلدردر تنکیم (لا یسمه الله المظهر و ن)
اکادالدر ز بر اسمسوس اولان هویت ذاتیددر و طهارت آنک تحتده
مراتبه کوره در ز بر اجمیع مراتبه تعلق لوذن معدوددر فافهم و فصل

فان مقام الادب لا يتحمل فوق هذا وديمش - لردر که طهارت اسرار
ذاتیه و طهارت نفس و طبیعت عرضیه در پس لازم اولان تطهیر
نفس و طبیعت در زیر اسراری تطهیرا یتک حاصل تحصیلدر و تطهیر
حقیقتده حقیقت صفتیدر نیکم الا المطهرون و كذلك صفة الله اكا
اشارت ایدر * ماند * متقدمین اعتباری اوزره مانستن لفظندن مشتقد
بکره مک معناسنه مثلی و نظیری یوق دبه جک یرده بی مانسد دیرل
ومتأخرین اعتباری اوزره ماندن لفظندن مأخوذدر * نبشتن * و نوشتن
و نوشتن یازمق معناسنه در کتابت کبی * شبر و شیر * ایکسی بله شبر * هجه
ایله در که بریله مراد ارسلان و بریله دخی سدر و بعضی نسخده ایکسی بله
مهمله ایله دوشمشدر که برینک معناسی صرمسق و برینک دخی طوقدر
(معنای بیت) بودر که آرایش ماسودن بالکلیه پاک و طاهر اولنلرک
کارنی کندی نفسکدن قیاس طومه کرچه کتابت واملاده شبر و شیر
مجه ایله و یاسیر و سیر مهمله ایله بری برینه بکرز و معناده بر قیاس اولنور
ولکن ارارنده جناس خطی وارددر که حقیقتده معنای نفی تفاوت
اوزرینه در نیکم اشارت اولندی الحاصل کلبده اولان مشابهندن
معنده موافقت لازم کلبیکی کبی بشریتده اولان مماثلندن دخی حقیقتده
مناسبت لازم کلز پس ناپایی پاک اوزرینه قیاس ایتک قیاس مع الفارقدر
زیرا پاک اولان حقله قائم و ناپاک اولان نفسله دائردر و بینهماده بون بهید
وارددر و بومعنایی تصریح ایدوب قرآنده کلور (وقالوا مال هذا الرسول یأکل
الطعام و یمشی فی الاسواق) یعنی اکل و شرب و کسب معاش ایچون
اسواقده حرکت ایتک رسالتی منافیددر پس چونکه نبوت ادعا ایدر
نه وجهله حالی بزم حالزه مخلف دکلدر و بلکه بزمله امور بشریه ده
مشرکدر دیدیلر جوابنده کلور (وما ارسلنا قبلك من المرسلین الا انهم
لیأکلون الطعام و یمشون فی الاسواق) یعنی اراد ایتدکاری معنی نبوتی
مانع و منافی دکلدر ز برانبوت و ولایت عطاء اکهی مقوله سندندر
خصوصا که فضائل بشریه و ملکات ملکیه ایله اتصاف حسنه ایله
باطنک تهییؤ و استعدادی وارددر الحاصل بدک امور ظاهره ایله اتصاف
و جسدک احوال بشریه به تعلق باطنک تجرد و حقدن اخذنه مانع دکلدر
زیرا انسان ذوالوجهین در که ملک و ملکوتی جاء - سدر پس رسم

حرفیده مشابهندن ظاهره به نظر اولندیغی کبی رسم فعلی ده دخی موافقت
صوریه به التفات اولنلر نیکم بونس امره قدس سره کلماتنده کلور *
اولیانک کوکلندن شی الله کسمه کم * سکاهمت ایلین اول کوزله قاشی دکل
یعنی کوز و قاش و سائر عوارض رسمه باقوب مغرور اولمه ز بر اولیاده
بونک ماور استنده دخی ایش وارددر که کوکل حالیدر پس کوکل حالنه
نظر ایله که انده اشتراک یوقدر ظاهره نظر ایله که کافرو مؤمن آنده برابردر
و ذات و صفات ظاهرده اشتراک معنی و حالده اشتراکی مستلزم اولندیغی
کبی امور تابه - ده دخی اشتراک بویله در لباس و کسوه کبی یعنی نیچه
کسوده مشتملر وارددر که بری اهل قال و بری اهل حالیدر پس اول
اهل قال اولان کسمه اهل حال اولانه باقوب بودخی بنم کبی انجیق دیمک
خطا در زیرانک کبی اولندیغی کسوده در حالده دکل
✽ جمله عالم زین سبب کراه شد ✽
✽ کم کسی زابدال حق آگاه شد ✽

* عالم * اصلنده علمدر فقهتین ایله وجود حقه نشان معناسنه الف
اشباع ایچوندر * سبب * اصلنده خرمانا جنه چقدقلری حبله دیرلر صکره
انکله غیره توصل اولنان نسنه به اطلاق اولندی و شریعتده بر حکمه
وصوله طریق اولان نسنه دن عبارتدر که اول حکمه مؤثر اولیه نیکم
قرآنده کلور (جزاه بما کوا یملون) یعنی اعمال جزایه سببدر بوخسه علت
دکلدر پس جنه دخول فضاله در جهنمه دخول عدله اولندیغی کبی
* کراه * ازغوندر ضال کبی زیرا کم کاف عجمینک ضمیله نابید و ضاله
وضایع دیمکدر ضلالت کبی که اصلنده قصددن میلدر صکره دینده
صوابدن عدول ایچون استعاره اولندی الحاصل بولی آزمق و بوان
یا و قلمغه ازغونلق دن تعبیر اولندی زیرا ایکسنده دخی قصددن عدول
وارددر قال تعالی (فاین تذهبون) عوام ناس کراهی مقام مدحده
استعمال ایدرلر مثلاً فلان دائره نک شنلکی و کراهلغی وارددر دیرلر ولیکن
غلط و معکوسدر ز بر تفؤل طریقله در مکان مهلیکه مفازه اولدیغه سلیم
و حبشی به کافور و طاعونه مبارک و لایرینه خیر دیرلر خلافت دیمزلر * کم *
کاف عربینک فتحیه ناقصدر مجازا آرنسینه ده کم دیرلر زیرا چوغه
نسبتله ناقص کیدر اگرچه که ذاتنده کاملدر * ابدال * بدلک جمیدر

فَقَدْ تَنَزَّلَ بِرُسُلِهِ نَكْ خَلْقِي مَعْنَاهُ اَبْدَالُ بَرَقُوا مَدْرَكَهٗ اَللّٰهُ تَعَالٰى اَرْضٰى
اَنْ لَّمْ يَاقُمْتَ اَيْدِيْكَ سَبَبُ اَنْتَظَامِ اَحْوَالِ عَالَمٍ وَمَدَارِ حَصُولِ اُمُورِ بَنِي
اَدَمَ مَدْرَيْتُمْشَ نَفَرٌ دَرَكِ قَرَفِيْ شَامِدَهٗ وَاَوْتُوْزِيْ غَيْرِيْ بِلَادِدَهٗ سَاكِنِ
اَوَّلُوْرُلْ اَنْلَرْدَنَ بَرِيْ وِفَاتِ اَبْلَسَهٗ سَاثِرُنَا سَدَنَ بَرِيْ اَنْكُ يَرِيْنَهٗ بَدَلِ وَضَعِ
اَوَانُوْرٍ وَمَكَانِهٖ اَقَامَتْ قَلَنْوَرٍ وَحَسْبِيْنَ مِيْبَدِيْ فَوَاحِشِ نَامِ كَابِدَهٗ اِيْرَادِ
اَيْدِرْ كِهٖ اَبْدَالِ يَدِيْ عَدَدِ شَخْصِدَرِ بَعْضِيْلَرِ بُوْ يَدِيْ شَخْصِيْ قُطْبِ
وَاِمَامَانِ وَاَوْتَادِ اَرْبَعَهٗ دَرِ دِيْمَشَلَرِ وَجِهَ تَسْمِيَهٗ بُوْدُرْ كِهٖ بُوْنَلَرْدَنَ بَرِيْ دُنْيَا دَن
اَنْتَقَالَ اَبْلَسَهٗ چَهْلِ تَنِ يَعْنِيْ قَرَقَدَنَ بَرِيْ يَرِيْنَهٗ بَدَلِ اَوَاوَرِ وَفَرَقِ دَخِيْ
اَوْچِيُوْ زَدَنَ بَرِيْلَهٗ تَكْمِيْلِ وَاَوْچِيُوْزِ دَخِيْ صِلْحَاءِ مَسْتَعِدِّ يَنْدَنَ بَرِيْلَهٗ تَتِيْمِ
اَوَانُوْرٍ وَدِيْمَشَلَرِ دَرَكِ اَبْدَالِ بَرِيْرِدَهٗ مَقْبَمِ اَوَّلَا زَلْ مَكْرُخْسْتَهٗ اَوَّلَا لَرِ شَامِدَهٗ
تَوَطَّلَرِيْ سَبْرُ وَحَرْكُ كَسَلَرِيْنَهٗ مَانَعِ دَكَلَدَرِ وَشَامِدَهٗ شَامَاتِ يَعْنِيْ شَامِ
اَطْرَافِدَهٗ اَوَّلَانِ بِلَادِ مَشْهُوْرَهٗ دَخِيْ دَاخِلِدَرِ زَمَانِ رَسُوْلِ
عَلَيْهِ السَّلَامِدَهٗ قُطْبِ اَبْدَالِ عَصَامِ الدِّيْنِ الْقُرْنِيْ اَيْدِيْ كِهٖ اَوْبَسَ الْقُرْنِيْ نَكْ
عَمِيْدَرِ بُوْنَكْ حَقْنَدَهٗ حَدِيْثِدَهٗ كَلُوْرُ (اَنْى لَاجِدُ نَفْسِ الرَّحْمٰنِ مِنْ قَبْلِ الْيَمِيْنِ)
عَصَامِ تُوْفِيْ اَيْتَدَكْدَهٗ مَكَّهٗ وَبَعْنِ مِيَانِنْدَهٗ بَرَقَرِيَهٗ دَن اَحْمَدِ بَنِ عَطَا كِهٖ اَبْنِ
عَطَا دِيْمَكَلَهٗ شَهْرِ تِيَا بَدَرِ يَرِيْنَهٗ بَدَلِ اَوَلْدِيْ وَبِلَالِ حَبْشِيْ رَضِيْ اَللّٰهُ عَنْهٗ
دَخِيْ زَمَانِ رَسُوْلِدَهٗ بَدَلَايِ سَبْعَهٗ دَن اَيْدِيْ دِيْمَشَلَرِ (سُؤَالِ اَوَلُوْرُسَهٗ كِهٖ زَمَانِ
رَسَالَتِدَهٗ رَسُوْلِ اَللّٰهِ دَن غَيْرِيْنَكْ قُطْبِيْتِيْ نَهٗ وَجِهَلَهٗ دَرِ) (جَوَابِ بُوْدُرْ كِهٖ قُطْبِيْتِ
كُبْرِيْ مَقَامِيْ رَسُوْلِ اَللّٰهِ مَخْصُوْصِدَرِ زَمَانِنْدَهٗ اَوَّلَانِ قُطَابِ سَمْعِ سَكْرِ
مَقُوْلَهٗ سِيْدَرِ زَبْرَا هَرِ طَائِفِيَهٗ خُصُوْصِ اَوْزَرِيْنَهٗ رَيْسِ نَصَبِ اَوَلْمَشْدَرِ
وَ اَبْدَالِ حَقْنَدَهٗ اَحَادِيْثِ كَثِيْرَهٗ وَارِدَرِ * وَ دِيْمَشَلَرِ دَرَكِ حَدِيْثِ اَبْدَالِ تَوَاتَرَهٗ
بَالِغِ دَرِ پَسِ وَجُوْدِ اَبْدَالِ مَقْطُوْعِدَرِ اَكْرَ چَهٗ كِهٖ بَعْضِ اَهْلِ اَنْكَارِ
بُوْخُصُوْصِدَهٗ مَضَائِقَهٗ كُوْسْتَرَلَرِ زَبْرَا اَسْرَارِ دَن آكَاهٗ دَكَلَرِ دَرِ لَاجِرِمِ
بَيْتِ مَثْوِيْدَهٗ دَاخِلِ اَوَاوَرَلَرِ (سُؤَالِ اَوَلُوْرُسَهٗ كِهٖ شَيْخِ اَبُوْ سَعِيْدِكْ
بُوْرِ بَاعِيْسِنْدَنَ وَانْدَهٗ مَنْدَرِجِ اَوَّلَانِ اَبْدَالِ دَن مَرَا دَنْدَرْ كِهٖ غَايَتِ مَعْقَدِ
عَدَاوَلْمَشْدَرِ وَاَوَّلِ رِبَاعِيْ بُوْدُرْ كِهٖ ذَكَرِ اَوَلُوْرُ * حُوْرَا بَنْطَارَهٗ نَكَارِمِ
صَفِ زَدِ * رَضُوَانِ بَتَجَبِ كَفِ خُوْدِ بَرَكْفِ زَدِ * اَنْ خَالِ سَبِيَهٗ رَا نِ
رَخَانِ مَطْرَفِ زَدِ * اَبْدَالِ زَيْمِ چَنْكْ دَرِ مَصْحَفِ زَدِ * (جَوَابِ بُوْدُرْ كِهٖ
حُوْرَا قَارَهٗ كُوْزَاوِ دِيْمَكَدَرِ مَلَا حَنْدَنَ عِبَارَتِدَرِ كَالِ مَلَا حَتِ اَيْسَهٗ اَنْبِيَا

وَاوَلِيَادَهٗ دَرِ زَبْرَا نُوْرُ ذَاتَهٗ وَتَجَلِيْ صِفَاتِهٖ مَظْهَرِ لَرْدَرِ پَسِ بُوْنَلَرِ مَحْجُوْبِ
حَقِيْقِيْنَكْ نَظَارَهٗ سَنَهٗ صَفِ اَوَرْدِيْلَرِ زَبْرَا جَمِيْعِ اَشْيَا دَهٗ نُوْرِ جَمَالِيْ مَطَالِعِيَهٗ
قَادِرَلَرِ وَحَقَائِقِ اَسْمَائِيْ مَكَا شَفَهٗ يَهٗ مَالِكَلَرِ دَرِ رَضُوَانِنْدَنَ مَرَادِ مَطْلَقَا
مَلَا نَكْ كِهٖ دَرَكِ رَضَا اَهْلِيْدَرِ نَتَكْمِ (لَا يَعْصُوْنَ اَللّٰهُ مَا اَمَرَهُمْ وَيَفْعَلُوْنَ
مَا يُؤْمَرُوْنَ) نَظْمِ كَرِيْمِيْ اَكَا دَا لَرِ زَبْرَا سَخْطِ عَصِيَانِدَهٗ وَرَضَا طَاعَتِدَهٗ دَرِ
وَ لَكِنْ اِيْمَانِ بِالْغَيْبِ اَهْلِيْ اَوَاغَلَهٗ اَسْرَارِ اَلْهِيَهٗ يَهٗ وَاقِفِ دَكَلَرِ دَرِ چُوْنَكِهٖ بَعْضِ
اَسْرَارَهٗ فِيْ الْجَمْلَهٗ وَاقِفِ اَوَّلَا لَرِ تَعَجُّبِ اَيْلَرَلَرِ زَبْرَا تَعَجُّبِ اِيْلَمِيْنِ اَكْثَرَا اَلَهٗ اَوَاوَرِ
اَنْ خَالِ سَبِيَهٗ دِيْدِيْ كِيْ بُوْدُرْ كِهٖ كَاغْدِ اَوْزَرِيْنَهٗ نَقْطَهٗ وَضَعِ اَيْلَسَكْ تَحْتِ سَنَدَهٗ
بِيَاضِ نَقْطَهٗ مَتَعِيْنِ اَوَلُوْرُ سِيَاهِ نَقْطَهٗ نُوْرِ عَالَمِ وَبِيَاضِ نَقْطَهٗ نُوْرِ اَلْهِيْدَرِ كِهٖ اَنْكُ
ظَهْوَرِيْ سَبِيَهٗ نَقْطَهٗ كِيْ اَوَّلَانِ عَالَمِ اَيْلَهٗ دَرِ وَسِيَهٗ نَقْطَهٗ كِيْ اَوَّلَانِ عَالَمِكْ
وَجُوْدِيْ آقِ نَقْطَهٗ كِيْ اَوَّلَانِ نُوْرِ اَلْهِيْ اَيْلَهٗ دَرِ اَلْخِلْصِ حَقِّ ظَهْوَرِيْ عَالَمِ
اَيْلَهٗ دَعَالَمِكْ وَجُوْدِيْ حَقْلَهٗ قَائِمِدَرِ اَنْ كِيْ چُوْنِ مَطْرَفِ دِيْدِيْ زَبْرَا مَطْرَفِ مَعْمُوْلِ
صَبِيْغَهٗ سِيْ اَوْزَرَهٗ اَبْرِيْ شَمَرِ دَا دَرِ عَالَمِ اَيْسَهٗ حَقِ بُوْزِيْنَهٗ رَدَا دَرِ اَبْدَالِ مَوْءُوْنِيْنَهٗ
اَشَارَتِدَرِ كِهٖ اَسْرَارِيْ عَدَمِ اَحَا طَهٗ لَرْدَنَ نَاشِيْ كَا فَرِ اَوَلُوْرُ زَدِيُوْ خُوْفَلَرْدَنَ
اَللَرْنِ مَصْحَفَهٗ اَوَاوَرَلَرِ وَشَرِيْعَتِكْ ظَاهِرَهٗ نَمَسَكْ اَيْدِرَلَرِ پَسِ بُوْنَلَرَهٗ اَبْدَالِ
دِيْمَكْ عَدَمِ اَحَا طَهٗ لَرْنَهٗ كُوْرَهٗ وَحَقَائِقِكْ ظَهْوَرِنْدَهٗ تَبْدِلِ وَتَغْيِيْرَلَرِيْنَهٗ بِنَا دَرِ *
وَ اَللّٰهُ اَعْلَمُ (مَعْنَايِ بَيْتِ) بُوْدُرْ كِهٖ جَمْلَهٗ عَالَمِ خَلْقِيْ قِيَاسِ نَفْسِ بُوْزْدَنِ اَزْمَشَلَرِ
وَ طَرِيْقِ ضَلَالَهٗ دُوْ شَمَشَلَرِ اَزْمَكْسَهٗ اَبْدَالِ وَرَجَالِ اَللّٰهِ دَن آكَاهٗ اَوَلْمَشَلَرِ دَرَكِ
اَنْلَرِ قِيَاسِ نَفْسِدَنَ خِلَاصِ اَوَلَا نَلَرِ وَ اَحْوَالِ بَا طْنَهٗ يِيْ مَطَالِعِيَهٗ يُوْلِ بُوْنَلَرِ دَرِ
پَسِ قِيَاسِ نَفْسِ مَعْرِفَتَهٗ مَانَعِدَرِ * وَ قِيَاسِ نَفْسِهٖ بَاعِثِ اَوَّلَانِ بِحَابِ
بَشَرِيْتِدَرِ وَجَانَزِدَرِ كِهٖ قَلَتِ عَدَمِدَنَ كِتَابَهٗ اَوَلَهٗ يَعْنِيْ اَهْلِ عَالَمِدَنَ كَسَهٗ
اهْلِ اَللّٰهِ مَطْلَعِ اَوَلْمَدِيْ زَبْرَا اَهْلِ اَللّٰهِ مَطْلَعِ اَوَّلَانِ يَنْسَهٗ اَهْلِ اَللّٰهِ دَرِ
وَيَا خُوْدِ حَقِّكَ تَعْرِيفِ اَيْتَدِيْ كِيْ عِبْدِ مَوْءُوْنِدَرِ وَبُوْ مَعْنَايَهٗ دَلَالَتِ اَيْدِرَاوَلِ حَدِيْثِ
قُدْسِيْ كِهٖ كَلُوْرُ (اَوَلِيَاثِيْ تَحْتِ قِبَائِيْ لَا يَعْرِفُهُمْ غَيْرِيْ) اِيْ لَا يَعْرِفُهُمْ
اَلَا اَنَا وَ اَهْلُ تَعْرِيفِيْ وَ لَكِنْ اَهْلُ وِلَايَتِ اَيْلَهٗ اَهْلُ تَعْرِيفِكْ فَرَقِيْ بُوْدُرْ كِهٖ
تَعْرِيفِ اَعْمَدَرِ * زَبْرَا كَاهٗ اَوَلُوْرْ كِهٗ مَرْتَبَهٗ اَيْلَهٗ اَوَلُوْرِ اَيْكِيْسِيْ دَخِيْ نَادَرْدَرِ
يَعْنِيْ ظَهْوَرِ حَسْبِيْلَهٗ زَبْرَا هَرِ عَصْرِدَهٗ بُوْزِيْ كَرِيْمِيْ دَرْتِ بِيْكَ وَ لَايَتِ اَهْلِيْ
مَوْجُوْدِدَرِ وَ بُوْنَلَرِكْ وَجُوْدِنَهٗ كُوْرَهٗ دَخِيْ تَعْرِيفِ اَهْلِيْ وَارِدَرِ وَ اَلَا اَسْتَخْلَافِ
مَنْقَطَعِ اَوَلَقِ لَازِمِ كَلُوْرِيْعِيْ تَعْرِيفِ اِيْمَانِ خَاصَهٗ مَوْقُوْفِدَرِ وَ اِيْمَانِ

دخی عیانه طریق قدر پس بود دنیا محب و محبوبین خالی دگل در اگر چه که اکثر نس قیاس ایله خلطه دوشمش لرواویایی تشخیص ایتدن قالمش در مثلاً بروی ده کثرت نکاح کورسه لر کند یلری کبی شهوته حل ایدرل دیملر که کثرت نکاح خصائص نبوت و ولایت دندر زیر اعر و قه دم برینه نور آلهی ممتلی اولوب زیاده قوت بولورل عوامک قوتی ایه دم اوزرینه داردر پس دم عالم فاییدن اولغله اندن حاصل اولان قوت دخی فاییدر نور ایه عالم باقیدندر زیر صفت حق و صفت مؤمندر و بونک اوزرینه سائر احوالی دخی قیاس ایله * اللهم ارنا الاشیاء کاهی واجعلنا من اهل نورک *

✽ همسری با انبیا بر داشتند ✽

✽ اولیا را همچو خود پنداشتند ✽

همسر * هم * زبان فارسیده موافقت ایچوندر ایکی کشینک بورومکده ایاقلری بری برینه اویوشسه انلره همپا دیرل باشلری اویوشسه همسر و بوللری اویوشسه همراه دیرل سائر موافقت بوانن مواضع دخی بولله در همسر اسان فارسیده مکو حیه دیرل ترکی دلدی باشی برابری خانو نبیدر دیرل بوراده مطلقا برابر معناسنه در آخرنده یا مصدربه در * انبیا * نبی نک جمیدر نبوت ولایت اوزرینه مبنی بر امری در که طریق مخصوصه حقدن اخبار در رسالت نبوتده داخلدر * زیرا نبوت اعددر پس بوراده مراد انبیا و مرسلین در نبوت جانب خلقه و ولایت جانب حقه ناظر در نبی نک نبوتی علوم شریعت کوره در که خلقک ضرورتی مقدارنی تجاوز ایتز ولایتی علوم حقیقه کوره در که نامحصوردر * ولی دینلک حقه ولی و قربی جهتنددر پس نبی نک ولایتی نبوتدن افضلدر الحاصل ولایت ایچون رتبه علیا و نبوت ایچون فضلیت عظمی واردر هر بری مقامه کوره فضائلدندر ولیکن ری رنه نسبتله تفاوتلری واردر * ولی نک ولایتی بویله دگلدر پس ولی نبی ایله برابر اولقی لازم کلز (معنای بیت) بودر که انبیا همسرلک قادر دیرل و برابرلک ادعا ایتدیلر و اولیایی کندیلری کبی ظن ایلدیلر یعنی انبیا همسرلک معاصر اولنلر انبیا همسرلک و اولیا هم معاصر اولنلر دخی اولیا هم مساواته ذاهب اولدیلر زیرا کر چه انبیا و مرسلین زماننده اولیاء امت دخی واریدی ولیکن مقصود انلره

مساوات دکل ایدی زیرا مستقل دگلردی بلکه معارضه ایتدیلری انبیا همسرلک ایدی بوصورتده اصالة انبیا و تبعیة اولیا ایله برابرلک ایتمش اولدیلر الحاصل کندیلر ایله انبیا و اولیا اراسنده فرق کثیر و تفاوت عظیم واریکن جهالتلرندن قیاس نفس ایدوب رتبه ده برابرلکه ذاهب و نبوت و ولایتی سلب ایتک طریقته سالک اولدیلر مع هذا انبیا و اولیا هم باطنده دکل بلکه ظاهرده بله همسرلک بوغیدی انکیچون رسول الله صلی الله علیه وسلم حلیه لرنده کلور که نقدر طویل القصد ایله برابر یوریه لرنه اندن بلند کورینورلردی تنکم خاقانی دیر * حاصلی اوسط ایکن قدر رسول * بر طویل آدمیه یوریه اول * نقدر قد بلند اولسه وار * ینه بالاتر ایدی پیغمبر * و روی زمینده سایه لری دو شمزدی تنکم ذاتی دیر * قامتک ای بوستان لامکان پیرایه سی * نوردن بر سرودر دو شمز زمینه سایه سی * و بوحالت بعض کمل اولیاده دخی مشاهده اولمشدر زیرا اکملیت وجهی اوزره وارثلردر پس مطلقا انبیا و اولیا هم برابرلک یوقدر برابرلک ادعا ایتک بی بصیرت اولقدندر (لحرره) جهلاء جهان حقیقهده * صانکه اشیا ایچینده میمردر * جهلانک اراسنده علما * لعل وش میمر ایچره مضمردر *

✽ گفته اینک ما بشر ایشان بشر ✽

✽ ما و ایشان بسته خوابیم و خور ✽

* گفته * ماضیدن قسمدر سویش معناسنه * بشر * معناسی مرور ایتشددر * خواب * فتحله و واورسمی ایله اویقونوم کبی رؤیا نومده واقع اولغله رؤیایده خواب دیدیلر * خور * طعام خوردنی بیکه لایق طعام دیمکدر و لکن خوری تر و سر قافیه سنده ایراد ایدر لر بو محلهده اولدیغی کبی (معنای بیت) بودر که انبیا و اولیا همسرلک ادعا ایلین اهل عالم سویش و دیمش اشته ز بشر و انلر بشر بز و انلر جمله من مقام و طعام بسته سی و مبتلاسی یعنی بزده بشریت اولدیغی کبی انلرده دخی واردر و کذلک بز خواب وجود و سائر احوال بشریه ایله مبتلا و زندگانیز اکا منوط و مرتبط اولدیغی کبی انلردخی بویله در پس انلرک بزدن فرقی ندر دیوب قیاس مع الفسار و قیاس ایتدیلر و ظن فاسد بویله طریق ضلاله کندیلر اینک دیدکلی زعملرنجه مدعایینک کمال ظهورنه اشارتدر شویله که ادنی حس و مشاهده به قادر اولانه خفی دگلدر دیمکدر و خواب

و خوری تخصیص ایلدیلرلر را امور طبیبیدنک معظمی وصفات بهیمنک
 اشهری اولمغله زیاده محل جرحدر انکیچون ملائکهده خواب و خور
 اولمغله استعظام اولنورلر و خوری خواب اوزرینه عطف ایلدی جمع
 طریقله والا خواب خور اوزرینه میندر انکیچون ریاضت اهلنک خوابی
 قیلدر زیر ریاضت سبیلله معده اتلادن خالی و دماغ بخاردن پاک
 واعصاب فتور واستر سالدن سالم اولمغله خواب کلز کثیرالاکل اولنلرک
 احوالی ایهه بوکامخالف و مغایر وایکسینک میاننده فرق جلی ظاهر در
 بعد ذاکر اولنسان طائفهک بشریتده مساوات ادعا اندکلی قرآنده
 مسطور نیکم کلور (ما انتم الالبشر مثلنا) ولکن انبیادخی بشریتده
 قائلدر نیکم کلور (ان نحن الالبشر مثلکم) یعنی بشریت رسالتی منافی
 دکدر زیرا انسان جمیع حقایق جامع وجهله فضائل حاوی اولمغله
 ظاهری خلقله و باطنی خلقله مانع یوقدر زیرا تعلق و تجرد جهتلری
 مختلف در و بلکه خلقله اولدقلری حالده دخی خلقله قائمدر نیکم
 قرآنده کلور (الم نشرح لك صدرك) یعنی شرح صدر سبیلله حق
 و خلقله و مناجات و تبلیغ ایلله اولمق برابر در پس کفارک قیاسی عقیددر
 و کذلک منام و طعام و شرابده برابرک ادعا اند کلرنده دخی کاذبلر در
 نیکم منام خصوصنده کلور (ینام عینای و لاینام قلبی) انکیچون کاهجه
 وضوایتمدن نماز قلور لردی و رؤیت دخی بوبله در یعنی جهت واحده به
 اختصاصی یوقدر * انکیچون ورا دن دخی قدامدن کورد کلری کبی
 کورر لردی پس اگر خوابلری و اگر خواب تعلق ایدن بصرلری و رؤیتلری
 کفارک کبی اولدی زیرا کفارک ظاهرلری کبی باطنلری دخی غفتمده در
 و رؤیتلری دخی قدامه مقصور اولدیغی کبی قاصدر در زیرا رسول الله
 صلی الله علیه وسلم رؤیتلری بهض مسافیه منحصر دکل ابدی بلکه
 جهات اربعن سیر ایدرلر دی و خورده دخی قیاسلری غلطدر
 زیرا انبیانک غداسی نوره محول و کفارک ناره متبدلدر زیرا انبیادار فناده
 عالم بقاده در انکیچون اهل جنت کبی قضاء حاجته محتاج اولمزلر
 و اولسه لردخی حکم جوارله فضلائدن رایحه مسک ظاهر او اورمع هذا
 قلب اعیانه قادرلر در مثلاًخری باذن الله تعالی ماء طهور صورتنه تبدیل
 و باعسل مصنی شربتنه تغیر و تحویل ایدرلر و بلکه اغزلرینه الدقلری

غداری اغزلرنده اعدام واقفا ایدرلر شویله که صوملرینه ضرر و برمن
 و ادريس عليه السلام وغير ياردن منقول و مأثور اولدیغی اوزره مدت طویله
 غداتساول ایتیموب بدل مایخلل دن مستغنی اولورلر پس اولیانک دخی
 احوالی انبیایه و اهل انکارک خصوصنی دخی کفار قیاس ایلله زیرا
 انبیاء اولیا اراستنده جهت جامعه اولدیغی کبی کفارله اهل انکارک میاننده
 دخی مابه الارتياب وارد نیکم ارباب بصیرته روشن و جلی و هرو جهله
 منجیلدر نسأل الله الشهود انه ذوالجود

✽ این ندا ناستند ایشان از عی ✽

✽ هست فرقی در میان بی منتهی ✽

* این * لفظنک مشار الیهی مصرع ثانینک مضمونیدر * ایشان *
 ضمیری اهل عالمدن کفار و اهل انکار اولوب انبیاء و اولیائله مساوات ادعا
 ایدنلره راجعدر * عی * قحتمین ایلله افتقاد بصر و افتقاد بصیرت معنایینه
 کلور بوراده مراد ثانیدر ندانستد قرینه سبیلله و قرآنده کلور
 (فانها لانعمی الابصار ولکن تعمی القلوب التي فی الصدور) یعنی عی
 بصر و بصیرتده اولور ولکن عمای بصیرت یاننده عمای بصره اعتبار یوقدر
 شویله که فی الحقیقه عمان عدوانمازوعی پوشیده معناسنده کلور
 (وهو علیهم عی) قولنده اولدیغی کبی * منتهی * هانک قحیلله
 اصلنده مبتداتک مقابلدر بوراده مصدر مییدر انتهامعناسنده (معنای
 بیت) بودر که اهل عالمدن کفار و اهل انکار اولنلر بونی بلدیله که انبیاء
 و اولیائله کندی ارالرنده بی نهاییه فرق وارد یعنی کرچه صورت بوزنده
 اورتاده فرق یوقدر ومد عاری کیدر ولکن معنی جهتمده فرق بسیار
 وارد اول فرق انلره خفیدر زیرا امور معنویه و احوال باطنه دن اولان
 نسته بصیرتله ادراک اولنور انلرایسه بی بصیرتدر پس فاقدالبصیره اولان
 کسه اومقوله امور خفیه بی نیجه ادراک ایده بیاور بناء علی هذا کفر و انکاره
 دوشر و دیمشلدر برکسه برکاملی برنسته ایلله متهم فلسفه حقیقتمده کندی
 نفسنی متهم قیلور زیرا کامل فی نفس الامر محل تهمتده دکدر و آخری
 محل تهمتده کورن کسه اکاقتدا ایدمن و اوسلم ظاهر اولان احوالی
 اعتقادنک نتیجه سی اولور اقتداسنک ثمرسی اولماز بوسیدن ترک تراض
 لازمدر بعض اهل الهی کثرت نکا حده کوروب جرح ایدرلر بلزلر که

کثرت نکاح خصایص نبوت و ولایت دندر نتکم بالاده اشارت اواندی
زیرا شهوت دید کلری نسنه کر چه مشترک فیه در قاما اهل حجابده
طبیعی و نفسانی و اهل کشفده حقیقی و روحانیدر زیر دیمشدر که
(نور محبت و نار عشق و حرارت شهوت) یعنی خواص ناسده اولان
شهوت نار عشق اوزرینه مبنی و نار عشق دخی نور محبت اوزرینه موقوفدر
پس کدورت طبیعت اهل اولان کسه نك شهوت فاسده و فانیه سی
صفوت نهادله متصف اولانک شهوت صحیح و باقیه سبله نیچه برابر اولور
فناء شهوت بودر که علاج قبول ایتمز بقاء شهوت بودر که بی علاج
افزون اولور و بو سره مبنیدر که رسول الله صلی الله علیه و سلم لیله
واحدده حجرات تسعی دورا یتشدر عوام ناسده ایسه بو مقوله اقتدار
یوقدر مع هذا (حب الی من دنیا کم ثلث الطیب والنساء و قره عینی
فی الصلوة) مقاله منیفه سنده درج اولد بیغی اوزره خواص ناس طیبده
ذوق انس و محاضره و نساد ذوق قربت و وصلت و صلوتده ذوق
مکشفه و مشاهده بو اولور زیر بو نلر شول انسان حقیقیدر که حضرت
احدیه سربله متحقق و حضرت واحدیه نوربله متتوردر سائر انسان
حیوانی اولانه ایسه بو متحقق و تنور دن حظ و نصیب یوقدر پس نیچه
همسر اولور لر و بعض کمن مقام هیبتیه و صوللر نده کثرت اکل الیه مبتلی
اولور زیر نیران حقایق درونلر سوزان و سطوت تجلی دللر بریان ایلر
پس تنور سوزان کبی که هل من مزید الیه نمره زن اولور و کثرت اکل
بو معنایه دائر اولغله معده لر نده ثقلت و امتلا حاصل اولماز بلکه مأکولات
و مشروبات امور روحانیه یه ملحق و مستحیل اولور زیر باطنلرنده عالم
بقادن نشان وارددر پس سائر معده پرست اولملرله بونلرک اراسی طبیعت
الیه و حک اراسی کیدر و قیاس نفسک عمقنه بر صورت دخی
بودر که خواص ناسک بدنلری بعد الوفات چوریمز زیر
برکات روح جسده ساری اولوب تفسخ و انحلالدن محافظه
ایلر و نشاء اخرویه یه دک بقا سنده سبب اولور و حیدر یسده کلور
(ان الله حرم علی الارض ان تأکل اجساد الانبیاء) و بعض آثارده
شهدا دخی تصریح اولمشدر کرک شهداء سیوف و کرک شهداء
محبت ولیکن انبیانک اجسادی غایت طراوت اوزرینه اولور شویله که

نظر ایدن کسه انلری خوابده ظن ایدر اولانک ایسه بو مشابه ده دکلدر
ز را انبیانک من اجلری اولایا دن اعدا در سا برلک ایسه صور ایدانه
ارض مستولی او اوب قرق کونه دک انحلال اولور و انفساخ بولور
پس بشرتیه ده مساوات دعواسی نیچه صحیح اولور که برینک
بشره سی الی یوم القیام کاکان و برینک دخی زمان قلیله کان لم یکن در
واول که منقول اولد بیغی اوزره بعض رهانه چوریمز یوب قالمشدر معالجات
حسیله در یوخسه ذاتی دکلدر بو صورتده دخی اعضا و جوارح سائرک کبی
مستبین دکلدر فاین هذا من ذلك (لحرره) بدن پاک اولما چوریمز *
ترو تازہ قالو کیدر قوریمز * ایلن سرنی عقل ادراک * بوراده عقل هیولی
یوریمز * بعد ذام صراع ثانی دلالت ایدر که فرق مواد مختلفه حسیله
اوله نتکم ظاهرا اولان بودر و جائز در که مواد مختلفه حسیله فرق
اولد بیغی کبی هر ماده ده دخی وجوه کثیره جهتشدن فرق اوله
مثلا جسده اشتراک فروع کثیره وارددر (اولا خواص ناسک جسدی
بعد الوفات انحلال قبول ایتمز نتکم اشارت اولندی (ثانیا خواص ناس
مراد ابد کلری و فتنه برلرنده جسدرینه بدل صورت استخلاف ایدوب
کندیلری غائب اولور و بلکه وقت واحدده مواضع کثیرده کورینور *
نتکم قضیب البان الموصلی و سائر اهل ترو حیندن قدس الله اسرا رهم
منقولدر (ثالثا خواص ناس بتون جسد لر ایله کوررلر نتکم حدیثده کلور
(لا تسبقونی بالکوع والسجود فانی اراکم من خلفی کما اراکم من امامی)
زیرا صلوتده محاسن ذات تامه واقع او اوب قر شمسده محاذانده بدر
و جمیع جوانبی بر نور اولد بیغی کبی انسان کاملک دخی اول حالدیه نوری
کمال بو اوب ادراکی بالکمز بصره منحصرا اولماز نتکم (الله نور السموات
والارض) بومعنا یه دالدر ز را سموات ارواحه و ارض اجسادده
اشارتدر پس نور حق مقید او لم یحق مظهره منعکس اولان بر تروی
دخی بوبله در (رابعا خواص ناس جسدریله سمواته عروج ایتمشدر نتکم
فخر عالم صلی الله علیه و سلمدن و حضرت ادریس و عیسی علیهما السلامدن
منقولدر (خامسا خواص ناس جسدریله بی منفذ اولان موضعدن
نفوذ ایتمشدر نتکم بعض اولایادن مأثوردر * و علی هذا فان فضل الله
لا غایه له و هو المنتهی فاعرف

* هر دو کون زنبور خوردند از محل *

* ليك شد زين نيش وزان ديكر عسل *

* کون * کاف بحمینک ضمیمه دورلی دیمکدر نوع کبی * زنبور * ضمیمه آری دیدکری ذباب لساندر کافی القاموس پس اسم عام اولوب جمیع آروله اطلاق اولور نیکیم سلمان نظمده کلور * که بافت این قصب سگری بقامت نی * که دوخت این عسلی خرقة برقد زنبور * یعنی سلمان زنبور ابله ذباب عسل مراد ایتشدر زیر صاری آری و امثالک رنگی عسلی دکلدر وظهیر فاریابی شعرنده کلور * بدان طمع که دهن خوش کنی زغایت حرص * نشسته مترصد که فی کند زنبور * یعنی ظهیر دخی زنبور ابله معنای مذکوری مراد ایتشدر زیر هر آری بال ایتز پس بویکی بیتده زنبوری تخصیصه قرینه واردر نیکم خفی دکلدر * و حدیثده کلور (من قتل زنبورا اکتسب ثلث حسنات) بوزنبور دن مراد زنبور عسلک غیر بدر که حشراتندر زیر زنبور عسل حقهده کلور (کل ذباب فی النار الا ذباب العسل) پس آنک قتلی مکروهدر مکر جلب منفعت ایچون اوله زیر فقها دیمشدر که (لا یقتل الحيوان الا لجلب المنفعة اولدفع المضرة) انکیچون ایک قوردنی کونشه قویوب اهلاک ایتک لابا سدر شو قدر واردر که زنبور عسلک غیرینک دخی بیوتنی احراق بالنار ایتک مکروهدر نیکم امام دمیری حیوة الحیوانده تصریح ایتشدر و کتاب مزبورده کلور قال ابو حنیفه لا یصح بيع النحل کالزنبور و سایر الحشرات نحل حاء مهمله ابله خصوص اوزرینه بال آروسیدر ولکن تمثیل دلالت ایدر که نخله زنبور اطلاق اولنیه مکر معناسی نخلک غیری آری و سایر حشرات کبی دیمک اوله فامل نخلدن مراد میوه و چیچک و بیرا قدر زیر آری بومقوله نسته لک اوزرندن اجزاء علیه مص ایدوب خانه سینه کلوب فی ایدر نیکیم بالاده ظهیر بیتدن مأخوذ در و بعضیلر دیر که عسل آرونک رجعیدر فی دکلدر نیکیم امام علی رضی الله تعالی عنهدن مرویدر که (واشرف شراب ابن آدم رجیع نخله) فاما قرآنده (نخرج من بطونهم شراب) دینلدی بطونندن نه وجهله خارج اولدیغنه تعرض اولنمدی شو قدر واردر که صحابینک بیانی معتبر در خصوصاً اجتهاد جاری اولین مواضعده پس علی رضی الله عنهم

کلامی ثابت ايسه را حيدر * نيش * اغولو حیوانات اکنه سیدر و دقا فقهده کلور که نیش سوری نسته در کثرت استعماله آرونک دکنده اعلام غالبه دن اولمشدر اطلاق اوزرینه ذکر اولسه مراد اودر او دکنک آغوسی اولدیغندن اوتوری نیشی مقابله نوشده ذکر ایدر لر انتهی بوراده عسل مقابله سنده ذکر اولندیغنی کبی ونیشه آغودندان مارده اولان زهر کبیدر که آنک خاصه سیدر * عسل * لعاب نخلدر کا فی المفردات والقاموس بوندن فهم اولور که عسل فدن خارج اولور اسفل دن دکل والعلم عندالله تعالی نیکم مرویدر که حضرت سلیمان علیه السلام استطاع حال ایچون آروبی شیشه به قود قده آرو شیشه نک اطرافنه طلا ایدوب کیفی ستر و تعلق قدرتی اخفا ایتشدر و عسلک اسماء کثیره سی واردر حافظ و امین دخی دیرلر زیر عسل ایچنه هر نسته که ایداع اولنه محفوظ اولور مثلاً میتی ابدی ولحمی اوج آی وفا کهه بی التي آی حفظ ایدر و سایر سریع الفساد اولنلری دخی عسل ایچنه وضع ایتسهل مدت مقامی طویل اولور و بوندن غیری دخی منافع کثیره سی واردر صو و آتش و دخان کورمدک عسلی مسک ایله خلط ایدوب اکتحال ایتسهل کوزه نزول ایدن صو ایچون نافع اوله وانی لعق ایتک یعنی بلامق قودز کلب عضنه نافع در و عسلک مطبوخی دافع سموم در (معنای بیت) بودر که هر ایکی نوع آرو برخلدن بدیلر یعنی میوله و چیچکله و بیراقلره و غیری نسته قونوب اجزاء لطیفه علیه بی مص و خاله لینه کلوب وضع ایتدیلر ولیکن بوندن یعنی صاری آرو و مرکب آروسی و امثالندن اکنه و دکن یعنی زهر و او برندن یعنی بال آروسندن نوش اولدی بوسیدن ایکسنگ میاننده فرق عظیم ظهوره کلدی یعنی نیش ایله نوشک فرق نقدر ايسه آرولرینک دخی اوقدر در الحاصل عسله استحالات بال آریسنگ خاصیتی وزهره انقلاب دخی غیری آرولرک خاصیتیدر که استعدادلرینه کوره ظهور ایتشدر استعداد دخی مجموعه دکلدر نیکم محلینده مییندر بونده اشاعت واردر که علم شریف نسبت واحده در فاما انکله عمل ایدنلر بال آروسنه بکزرلر که اغزلندن حتی نسیان ایدن قلوبه شفا اولاجق مواضع و علوم و معارف جاری اولور و عامل اولینلر غیری آروله بکزر که فائده لری یوق و بلکه

مومیادید کلری
بودر شد

مطلب
نفع العسل
فی العین

ضرر لری وارد و قرآند کور (بضل به کثیرا و یهدی به کثیرا) تنکم نور شمس صفت واحد در واکن متاون اولان زجاجة منعکس اولدقده
 ۱. تغییر اولور فاما تغییر فی الحقیقه اوز زجاجة در نور شمس اصلی اوزرینه در
 و قیامته تحول - قی دخی بویادر یعنی قلوب ناس زجاج واعتقادات
 اولان کبدره تغییر اولان - قی دکادر واکن هر که مک اعتقادنه کوره ظاهر
 او اور و بومعتنک نظاری چوقدر تنکم اشعه ده دخی اشارت کسه کر کدر
 و و بیسی نظرنده دخی قلمه خطاباکور * سنسن اول چشمه حکمت کده سیکله
 طبع * دشنه زهر ایچورر دوسنه هم آب ذلال * والله الموفق

هر دو کون آهو کیا خوردند و آب

زین یکی سر کین شد و زان مشک ناب

آهونک و مشک تفصیلی حکایه سابقه ده مرور ایلدی * کیا * کافی عجمینک
 کسر یله اوتدر نبات معناسنه و بعض لغاتده قوری اوتدر دیش کیا ه
 لفظندن تخفیف اولمشدر کوا و پادشا کی کواه و پادشاهدن محققدر
 بعضیلر دیشلردر که آهونک اوتلورغی هر دورلی اوت دکلددر بلکه زعفران
 و سنبل و سائر ریاحیندر * سر کین * قحله ترک و مطلقا ترس که کره دیرلر
 تعریب ایدوب سر قین دیرلر ترس یوالیان بوجکه سر کین دان دیرلر
 لسان عربده جهل دینلور جیمک ضمی و عینک قحله * مشک * ضمله و شین
 معجمه ایلر فارسی و کسرله و مهمله ایلر عربیدر قاصیحانده کور که مسک
 حلالدر اکل اولور وادو به مقوله سنه دخی قونیلور * ناب * خالص و صافی
 معناسنه در مشکی نابله و صفدن فهم اولور که غیر خالصی دخی اوله
 انکیچون مشک غایت اعلا سنه مسک اذفر دیرلر ذال معجمه ایلر التونک
 ایوسنه زرطلا دید کوری کی و بالاده مرور ایلدی که گاه اولور که آهوی
 مشک جانب شر قدن هندستانه انتقال ایتکله مسکی متغیر اولور زیرا
 آب و هوی و کیهک تأثیری واردر بعد ذابت سابقه نیشی عسل و بو
 بیتده سر کینی مشک و بیت اخبرده خالی پر اوزرینه تقدیم ایتدی کی کثرته
 بناءدر تنکم قرآند کور (فنکم کافر و منکم مؤمن) (معنای بیت) بودر که
 هر ایکی دورلی آهو یعنی آهوی سپید و آهوی مسک کیا و سنبل و ریاحین
 و زعفران اوتلایوب صوابچیلر و لکن آهوی سپیدن سر کین و آهوی
 مشکیندن مسک خالص اولدی پس ایکیسی آهو اولمده و مطعم و مشربده

اشتراک لری و ارایکن خاصیت طبع سببیه انلردن ظاهر اولان اثرده
 متفرق و ممتاز اولدیله حاصل آهوی سپیده آهو دیمکله آهوی مشکین
 ایلر برابر اولق لازم کلدی زیرا هر سنه نیک اثری کندی اوزرینه دلالت
 ایدر و اثر یله آخردن آنی ممتاز ایلر انسانی حیواندن نطق تمیز ایلدی کی
 کی بونده اخلاص و نفاقه اشارت واردر تنکم مشکک سر تی بیاتده مرور
 ایلدی بعض اعمال واردر که اخلاصدن ناشی اولمغه مرعای طیبیدن
 حاصل اولان این طیب کبدر و بعض اعمال دخی واردر که نفاقدن
 صادر اولمغه مرعای خبیثدن حاصل اولان این خبیث کبدر تنکم آرونک
 آجی سنه لردن جمع ایتدی کی بال دخی آجیدر تنکم کستانه بالنده محسوسدر
 و عمل اگر چه شرائط ظاهره سی حسیبیه پاک کورینور فاما نفاق وریا
 و اغراض فاسده ایلر سر قین کی اولور پس بوندن فهم اولور که عملک
 طیب اولدی دخی یا اصلی مشروع و یا نفاقدن پاک اولدیقتندر خبیث
 دخی بو کاقیاس اولنه محکمدر که بعض ریاضت کشلرک فضلاتندن رایحه
 مسک ظاهر اولور مش پس اگر چه که مرعای اولان کیمسه آهو کی
 رایحه دار سنه تناول ایتماشدر و لکن امعاء انسان منبع رایحه جنت
 اولان قلبه مجاور اولمغه قبلده حاصل اولان حال طیبیدن کسب رایحه
 طیبیه ایلر و بلکه جمیع اجزاء وجودینه طیب ساری اولور تنکم ارواح
 طیبیه دخول و نزول ایتدی کی مواضعدن رایحه طیبیه استشمام اولمشدر
 زیرا وجودلرینک طینتی ارض جنته ملحقدر جنتک رایحه سی ایسه بشیوز
 یلاق یولدن مشهور و دنیا که بشیوز یلاق مسافه در بورایحه ایلر مملودر
 زیرا اهل الله اهل جنت اولمغه دنیا دخی انلره نسبتله جنت حکمنده در
 تنکم محمدیه ده کور * مکر بن جنت ایچنده کزرون کیم بو عالمده * و لکن
 ارواح خبیثه و نفوس ضایعه نیک مشامندن اول رایحه دوردر زیرا اهل
 قلب دکلددر وقوت شاهه لرنده آفت واردر انکیچون بوستانده کور
 * اگر مشک خالص نداری مکوی * و کرهست خود فاش کردد پیوی *
 یعنی رایحه مسکک فی نفس الامر ظهوری واردر دعوا به حاجت بو قدر
 و لکن مؤف اولان حس آنی استشمام ایدمز پس اهل حالک محجوبلریله
 حالی بوندن قیاس اولنه و بیت منوبده بر اشارت دخی بودر که آهوی
 سپید اهل غرض اولان سالک و آهوی مشکین فی غرض اولان طالب

حقدر بوایکسی اگر چه که مر شد کامل یوزندن برابر تربیه بواورل وعلوم
و معارفدن غمدای روحانی آاورل فاما اولیکیده آثار نفس و طبیعت
وایکنجیده ثمرات قلب وروح ظهور ایتکله بری برندن ممتاز اولورل
(لحرره) نیاسون قوت ارشادای دل * آئی کیم ما سوی زبون
ایتدی * نه ایسه هر یک استعدادی * سبزه سیده اکا کوره بتدی *

✽ هر دونی خورد ندازیک آنخور ✽

✽ آن یکی خالی وآن پرازشکر ✽

نی قامشدرنتکم عنوان نگابده بیان اولندی * آنخور * اصلنده خورنده آبدر
صکره صولانجق یرمعناسنه استعمال اولندی (معنای بیت) بودر که
هرایکی قامش بر صولانجق یردن ایچدیلو بر صودن تربیه بولدیلر بوبری
یعنی حصیر قامشی و امثالی خالی و بوش و اول بری یعنی شکر قامشی شکردن
طواوا وادی وهر بری استعداده کوره ظهور بولدی معلوم اولاکه
صونک حقیقی بر در که قاف طاغیندن صخره الله الله واورادن بتون
دنیا به متوزع و منقسم اولور و لکن ارضک منرا جنده اولان اختلافه
کوره صولر دخی طعمده مختلف اولمشدر پس صونک اختلاف طعمی
امر عارض ایله در انکیچون نیل مبارک حقنده اثر واردر که اگر آجی دریاه
مرور ایتسه لذتندن ایچامزدی بوراده یک آنخوردن مراد اصناف
میاهدن صنف مخصوص صدر که نیلری تربیه به صالحدر و شکرک مصره
اختصاصی یوقدر هندستانده و غیره بلادده دخی حاصل اولور بونده
اشارت واردر که شریعت اهلی مطلق قامشه و حقیقت اهلی شکر
قامشته بکزر زراشر بیت اهلنک لبی یوقدر که حقایق و علم الدنیدر فاما
حقیقت اهلنک هم لبی و هم قشری واردر و بوحقایق جان دماغنه شکر
کیدر * من لم یذق من لم یعرف * پس فیض که (ثمرش علیهم من نوره)
مقاله سندن مفهومدر جلیه برابر حاصل اولمش وهر بر موجود اول فیض
مقدسندن وجود بولمش ایکن هر بری نماده براولدی وهر کس آخرک
بولدیغی ظهوری بولدی نتکم نوعی نظمنده کلور * کلشنده کونه کونه
نه در بوشکوفلر * آب و هوای برقونک باغبانی بر * بعدذا شکردن دیدیکی
جوفی اعتباریله دکلدر بلکه سربان حسبیله در یعنی قامشک جمیع اجزاسنه
ساریدر پس بونده اشارت واردر که علم الدنی ارباب حقیقتک جمله اجزاء

وجودینه ساریدر زرا اول فیض مخصوص اگر چه قلبه نازلدر و لکن
قلب دخی جسده متصل اولغله آنک برکاتی جسده دخی سرابت ایتشدر
نتکم عرب دیر * والارض من کأس الکرام نصیب * و بومر تبیه ری تام
دبرلر اگر چه حقیقتده قانع یوقدر انکیچون دیشلدر * فانقد الشراب
ولارویت * وقرآنده کلور (ربی زدنی علما) نتکم بالاده بیان اولمشدر
ونی شکرک غیره بحسب الغالب مجوفدر پس برنسنه نیک که جوفی خالی
اوله سائر اجزاسی دخی خالیدر زرا سائر اجزاسی جوفنه تابعدر
بوسیدندر که ارباب شریعتنک اکثرینک قلبلری ملال و دللری
کلال و جسدلری فتور و اختلال اوزرینه در و بونده اشارت واردر که
نیشکر تربیه ناس ایله حاصل اولدیغی کبی نتکم مصرده اطلاع حاصل
اولمشدر نی شکر مثال اولان اهل حقیقت دخی تربیه مرشد ایله حاصل
اولور مبايعه و تسلیک بوسراوزرینه مبنیدر خودرو اولان اغاج
میوه دار اولمز اولدیغی صورتده دخی میوه سی لذت دکلدر عقله تابع و نفسه
یار اولنلرک حالی دخی بویله در و بونده اشارت واردر که کر چه نیشکر
سراپا شکرله مملودر و لکن خالی اولان فی ایله صورتده برابردر پس انک لذتی
اغز ایله تجربه اولغنه محتاجدر تا حقیقی ظهور ایده اهل حقیقت دخی
بویله در نتکم کلور (خذوا العلم من افواه الرجال) یعنی علمی افواه رجالدن
سمع قلبه و اندن دهان جانیه قومد قبحه کیفیتی معلوم اولماز و بونده اشارت
واردر که نیشکرک ظاهرده شکر نه علامت اولدیغی کبی اهل حقیقتک
دخی علوم و معارفنک نشانی یوقدر بلمکه دائما حفظ اسرار و سر
احوال ایله مقیددر مگر ضرورت قویه اوله پس اول وقت افشا ایدر
نتکم شکر قامشندن استخراج اولنور تا که مذاقی سلیم اولانلر اندن انتفاع
ایده لر زرا مرور المزاج اولنلره اشیاء حلومنک وجودی عدم حکمنده در
(لحرره) هر کیمک یوقدر اغزنک دادی * شکرک سوبلنور قوری آدی *

بکزر عنینه کیم جهان ایچره * اولمشدر جماع معنادی *

✽ صد هزاران این چنین اشیاء بین ✽

✽ فر قشان هفتاد ساله راه بین ✽

* صد هزاران * تکثیر ایچوندر بعض نسخهده اینچنین برینه همچنین دوشمشدر *
اشباه * قحله شبهک کسرله و شبیهک جمیدر نظیر معناسنه نتکم فقهده برکاتک

اسمائه اشباه ونظار دیرل ز پراهر مسله نك نظير وشبهه جمع ايتشد
 * هفتاد ساله راه * یتش یلاق بول دیکدر ساله آخرنده اولان هاء رسمی
 بونک کبی پرلده مقدار معناسن افاده ایدر ترکیده لقی لفظی ایله تعبیر اوانور
 تکیم لغت شاهیدی ده کلور * کداده ساله اولدقد * خدایی * ایدوب
 رحلت قودی دارفتایی * مقصود بو کد او فقیرا ون یلاق یعنی اون یاشنده
 اولدقد دیکدر * (معنای بیت) بودر که نیچه بوز یک بونجملین یعنی
 ذکر اولنان امثله کبی چوق اشباه ونظار کور اول اشباه ونظار ک ارالنده
 فرقی یتش یلاق بول کور یعنی بالاده ذکر اولنان امثله اراسنده فرق بسیار
 اولدیغی کبی دنیاده انلره بکزر نیچه لک اراسنده دخی ظاهرده اویله
 شرکت و حقیقتده فرق کثیر وارددر مثال همان مذکور * منحصر دیکدر
 تکیم بعض پیشه زار وارددر که انده مازو دیدکلی نسنه اولور که
 عرییده عقص دیرل پس اول مازو اغاجنک سار پیشه لاله اشترایی
 واریکن اثری اولان مازو ایله انلردن ممتاز اولمشلردر فستق اغاجیله سار
 صبورل دخی بوکا قیاس اوانه و بادیده ابوجهل قار پوزی دیرل
 برسنه اولور که آجیلقدن انکله مثل ضرب اولنور عرییده حنظل وعقل
 دخی دیرل تکیم کلستانده کلور * اگر حنظل خوری از دست خوش خوی *
 * به از شیرینی از دست ترش روی * گاه اولور که حجاج آنی پیانی قار پوز
 قیاس ایدوب جمع ایدرل پس ظاهرده مأ کولاندن اولان قار پوزه مشابیهتی
 وارددر فاما طعم مروز هر تاکیله ارالنده فرق باهر دروعلی هذا بعدذا
 یتش ییل تکثیر ایچوندرو بونده اشارت وارددر که فرق مذکور بزیاشنده
 صبی نادان ایله یتش یاشنده پیردانا اراسنده فرق کیدر ز پراهر
 انسانک ستین وسبعین اراسنه زیاده اختصاصی وارددر پس بوا یکسنگ
 اراسنده تباعد مثال اولدیغی کبی انلرک اراسنده دخی تباعد حال وارددر
 وقرآنده کلور (وفی الارض قطع متجاورات) یعنی زمینده بقاء کثیره
 وارددر که بری برینه تلاصق و متصل ایکن اوصافده مختلفدر ز پراهر
 سبخنه و کیمی کریمه و کیمی صلب و کیمی رخودر الی غیر ذلک وکلستانده
 کلور * بارانکه در لطافت طبعش خلاف نیست * در باغ لاله روید و در شوره
 بوم خس * و فیض نیسان دخی بوکا قیاس اوانه (لحیره) ابر نیسان
 او کنبه کوهر پاش * صدف اغزنده دانه سی در اولور * دهن ماره

دو شرسه اما * دهنی زهره آنک پراولور * بر تخمدن کلور نیچه اولاد *
 فرقی مانند زآون پراولور * و کذلک ارض وجود انسانیده دخی نفس و قلب
 و روح و سر و خنی قطع لری وارددر که قرب جوارله متعار بلرو ایکن حقایقه
 مختلفلر و تباعدلردر کیمی حیوانی و کیمی ملکوتی و کیمی روحانی و کیمی جبروتی
 و کیمی عظموتیدر که اسماء الکبیه نك تقابلی حسبیلله متضاده دو شمشلردر
 پس اگر چه هر نسنیه فیض اسم اعظمدر مفاضلدر ولیکن هر نسنه نك
 اسم اعظمه انتسابی اسم مخصوص یوزندن اولغله کندی اسم مخصوص نك
 حکمنجه ظهور ایدر و آنک کالی دخی اول وجهله ظهورده در ناقصک
 نقصانی عدم قابلیت کوره در والا تأثیر بر در کنشک تأثیری کبی که
 هر خانه نك روزه نه سته کوره در پس اول خانه نك که اصلا روزه نه سی اولیه
 و یا خود نك اوله کنشک صوبی و نقصانی ندر و کذلک انسانک وجودنده
 رطوبت دیدکلی نسنه امر واحد ایکن محال اعتبار یله متعدد و مختلفدر
 تکیم ماء الفیم و ماء الالف و ماء العین و ماء الاذن دیرل که مختلف الطعم و مدر
 مع هذا بری برلینه قرب جوارلی وارددر ز پراهر رأس انسان جله سنی
 مشتملدر و شیر که عرییده این دیرل فرث ایلدم اراسنده نازل اولور کن
 نه فرثک رایحه سبیلله متغیر و نه دمک اونی ایله متلون اولور پس بواج
 نسنه نك بری برلینه تلاصقلری واریکن هر بری آخردن من کل الوجوه
 جدادر که (بینهما برزخ لایغیان) سری اوزرینه جار یلردر فسبحان
 القادر (لحیره) عقل کلک واریسه فکرایت * بوکا بکزر هزار سرلر وار *

* این خورد کرد پلیدی زوجدا *

* و آن خورد کرد همه نور خدا *

* این * اهل طبیعت اشارتدر * خوردن * یمکدر ولیکن ایچمکده دخی
 مستعملدر و یا خود اکتفایه مجولدر * پلید * باء عجمیله مر دار معناسنه
 * جدا * آیرودر مفارق کبی * آن * اهل قلبه اشارتدر (معنای بیت) بودر که
 اهل طبیعت اولان کیمسه اکل و شرب ایدر و اندن مر دارلق و نجاست
 ظاهر اولور که امعادن مفارقت ایدن فضلات غداییه در ز پراهر غذا
 معده ده کیلوس اولدقدن صکره نفلی امعایه نزول ایدوب نجاسته
 مستحیل اولور و اهل قلب دخی مأ کولات و مشروباندن تناول ایدر
 وجهله سی نور خدا اولور ز پراهر اهل قلب اهل جنت مقوله سیدر جنتده

فضلات غذائیه اولیوب بلکه اکل اولان مشتهیات و شرب اولان
مستلذات خارجیه عرقه و داخله نوره مبدل اولدیغی کبی دنیاده
دخی بو حالت فی الجمله اهل قلبه میسر در نتکم بعضی یارندن وقت
تقاضیده کلمات توحید صادر اولدقده تقاضیسی منافع اولمشدر و احیاناً
قضاء حاجت ابتدکاری تقدیر اوزرینه فضلاتندن رایحه مشک
استشمام اولمشدر زیر اجزاء وجود باطنک صفت غالبه سی اوزرینه
یعنی حکم جوار ایله آنک اثر یله ظاهر در بوسره بناء در که نوری پلید
مقابله سنده ایراد ایلشدر زیر دنیا ایله آخرت نیچه مقابل ایسه اهل طبیعت
ایل اهل دل دخی مقابلدر زیر ابری غایتده سفلی و بری دخی نهایتده علویدر
پس علوینک غذاسنک اثری نور اولدیغی کبی سفلینک دخی مردار قدر
و جائزدر که بلید باء عربیله اولوب احق و جاهل معناسنه مخمول اوله
بو صورتده سر مقابله بودر که جهل و کفر و معاصی ظلماتدر نفس
و طبیعت کبی و علم و ایمان و طاعات انواردر قلب و روح کبی یعنی قلب
و روح عالم ملکوتندر که نور ایدر و نوردن صادر اولان دخی نوردر
و نفس و طبیعت عالم ملکوتندر که ظلماتدر و ظلمندن حاصل اولان
دخی ظلمندر پس نوره پاکک و ظلمده ناپاکک وارد بوسیدندر که
اعمالک امامتی مکروهدر زیرا کوزینک نوری اولماتی حسیه
تلوئندن خالی دکلدر الحاصل پلید که سبب ظلمندر مطلقاً نعوذ بالله

این خورد زاید همه بخل و حسد

و آن خورد کرد همه نور احد

معلوم اولاکه بیت سابقده غذاتک فضلات و نوره استحالتی بیاندن
صکره بو بیتده غدادن اوصاف ذمیه و حمیده ظهورنی بیانه شروع
ابتدی پس بوانتقال صورتدن معنایه انتقالدر یوخسه ماقبلنک اجمالی
بیان دکلدر بوراده این فاسقه و آن مطیعه اشارتدر * بخل * جودک مقابلدر
یعنی مالی اتمکدر اول کسه دن که امساک لایق اولیه زیر اتمک
اولیاندن مالی حبس اتمک بخل دکلدر نتکم قرآنده کلور (ولانوا السلفاء
اموالکم) حسد * محسود کزوال نعمتی تمی اتمکدر یعنی اول نعمت اندن
زائل اولوب کندیچون حصولی طلب اتمکدر مع هذا اول محسود
اول نعمتده مستحقدر و گاه اولور که حاسده اول نعمتک ازاله سنه سعی

دخی بوانور که باطنده اولان صفت حسدک اثر بدر و میرویدر که (المؤمن
یفط والمنافق یحسد) بعض نسخده مصراع ثانیده زاید همه عشق احد
دوشمشدر بواولی در زیر عشق دخی بخل و حسد کبی اوصافنددر
اگرچه که اوصاف حمیده نک جمله سی نوردر فاعرف عشقی بخل و حسد
مقابلنده ایراد ایلدی زیر بخل و حسد اکتفا طریقله ذکر اولمشدر
مقصود جمیع اوصاف ذمیهدر و عشق اوصاف ذمیه نک مقابلدر
زیر عشق اولان محمده جمیع اوصاف حمیده موجوددر انکیچونکه عشق
ماسوی سوزدر یعنی آتش ایله خس و خاشاک محترق اولدیغی کبی عشق ایله
دخی اوصاف نفسانیه مضحکدر بوسیدندر که بی عشق اولان سلوکک
قوتی یوقدر (معنای بیت) بودر که فاسق اولان اکل و شرب ایدر و اندن
اوصاف نفسانیه طوغر بخل و حسد و امثالی کبی و صالح اولان دخی
تناول ایدر و اندن اوصاف روحانیه تولد ایدر عشق و محبت و نظاری کبی
مثلاً بر سر فرودن بر اهل نفس و بر اهل دل اکل ایدوب قیام ایدر لر صکره
برنده قوت نفسانیه حادث و برنده دخی قوت روحانیه ظاهر اولور مع
هذا غدار ی بروتغیده دخی برابرلر ذرا حکم غابکدر یعنی فاسقه حکم
طبیعت و نفس غالب اولغله اجزاء غذائیه دخی اکا منقلب اولور یعنی
غدا سنک بر مقداری بهدالکیلوس فضلاته مستحیل اولدیغی کبی بر مقداری
دخی قوت نفسانیه به منقلب و متحول اولور نتکم آب پایی ماء خبیثه القا ایله سک
اول دخی خبیث اولور خصوصاً تناول ابتدکی غذا خبیث اولسه نفسانیت
بو قوت بواور و آنک آثار یله ارض فاسد اولور کرک ارض خارج که آفاق
و کرک ارض داخل که انفسدر زیر فاسقک کنیده ضررندن ماعدا غیره
دخی ضرری وارددر پس آنک شری شرمته ایدر صالحک حالی دخی بو کایاس
اوله پس آنک خیری خیر متعدیدر بعدذا غذا ایله وجود انسان نما و قوت
بولدیغی امر محسوسدر زیر استحالت طریقله در استحالت ایسه امر
مقرردر زیر غدادن دم حاصل اولور دم دخی جکردن عروقه جاری
اولوب اجزاء بدنیه بری بریله تماسک بواور پس برنسنه اخلاص مزاح ایله
صورت اخرایه کربوب قوای ظاهریه معین اولدیغی کبی قوای باطنیه
دخی معین اولور و استحالت علم طبعده و علم اکسیرده مفصلاً بیان اولمشدر
بعدذا نور احد دیدی نور صمد دیدی مع هذا صمد مناسبله اشد در زیر

صفاتند سری بودر که احدیت مبداء جمیع صفاتند و نور ذات نور
صفاتند اعلا در بوندن ظاهر او اور که نور احده مظهر اولئک آثار
حسنه لری دخی نور کی ظاهر در تنکم ظلمات نفس اهلک عبوست و آثار
قبیه بخل و حسد لری دخی با هر در و اطائف باقیدند که کلور * سرردی
رنکی حسد در بنله یاری کورب * رقیب روسیه بر غریب رنگ اولدی *

* این زمین پاک و آن شوره است و بد *

* این فرشته پاک آن دیوست و دد *

* شوره * طوز او برو چورق * دیو * شیطان علیه مایستحق * دد * برنجی
جانور در سبع معناسنه (معنای بیت) بودر که بو بر زمین پاکدر که کریم مثبت در
او بر بر چورق و بددر که اولئک خلافیدر یعنی صفته ایکسی بری
برینه بکره من (وفی الارض قطع متجاوزات) آبتده بیان او اندی
و بو شخص فرشته پاک و ملک لطیف در که صفات ناقصه ایله متصفدر
او بر شخص شیطان و برنجی حیواندر که صفات ضاره ایله متصفدر
بو کلام اگر چه ظاهری اوزرینه فرشته ایله دیو و ددک میبائنده اولان فرقی
بیان اولمق قابلدر فاما سوق کلامه انسب اولان تشبیهه محمول اولمقدر
یعنی انسانک افرادی صورته متحد ایکن سیرته مختلفدر که کیمی خون خور
و کیمی برنجی صفته شیر و ببر و کرک و روباه و امثالی کبی زیر انسانکی
اوج دورلی حیوانک خوبی اوزرینه تقسیم ایشلدر (اولکسی نافع محض
اولندر قیون و امثالی کبی) ایکنجیسی ضار محض اولندر سباع کبی
(اوجنجیسی نفع و ضرر میبائنده دائر و یا خود لاخیر و لاشر اولندر سائر
حیوانات کبی معتبر اولان نافع محض اولندر و بواوچی یعنی فرشته
و دیو و ددی ارادک وجهی بودر که انسانده اولان خوی اگر روحانی
ایسه ملک مشربدر و اگر کبر و امثالی کبی شیطانکی ایسه دیو و خصنددر
و اگر اکل و شرب و زیان و فساد و نظائر ایسه حیوان و دد و صفته
و بویله دیمک دخی ممکندر که فرشته ارواح علویه به اشارتدر که انلر
فرشته کبی یا روحا و یا روح و بدله معاروج اهلیدر تنکم انبیایه و اولیایه حاصل
اولمشدر و دیو و دد ارواح سفلیه به اشارتدر که انلر دیو و دد کبی عروجه
قادر دکلدر در ددک عروجه عدم اقتداری ظاهر در دیولر دخی حالا
عروجدن محجورلدر که شهاب ثاقب ایله مطر و دلدر پس نیچه نفس

اهلی وارددر که ملکوت قلبه صمود ادعا لیدر او ایسه نفسنده حیوان
صفت و مرکز طبیعتدن ترقی ابتدایی بوقدر و ملکوتک معناسند ن دکل
صورتندن بله بی خبردر و نیچه لری دخی فی الجمله خفت روحانیه حسبیلله
عروج صد دنده اولد قلرند کذب حالرینه بناء دست غیرت ظهور ابدوب
بنه ثقات وجوده رد اولورلر تنکم خواجه حافظ کلامنده کلور * مدعی
خواست که آید بمشاک که راز * دست غیب آمد و بر سینه نا محرم زد *
و بو نلرده دد صفتی بودر که دعوالری سبیلله استعداد طلابی افساد
ایلیوب ارض وجودده زیان ابدلر و تفریق قلوبه باعث اولورلر پس
بو تفریر اوزرینه مصراع اول دخی تشبیه اوزرینه محمولدر یعنی ظاهرا
ابقاع ارضده صلابت و رخاوت و غیره اوصاف ایله تباین اولدینی کبی
قلوب ناسده دخی تفاوت وارددر زیرا بعض قلوب شوره بر کبیدر که
اکافیض آلهی دن نمی دوشمش و اندن علوم و معارف محصولی حاصل
اولمشدر و بعضیسی دخی بونک خلافتدر که (جنة تجری من تحتها
الانهار) سرندن خبر و رمش و شکل و صورتنی باغ ارم مثال کوسترمشدر

* هر دو صورت کر بهم ماند رواست *

* آب شور و آب شیرین را صفاست *

* آب شور * برینه آب تلخ و آب تلخ دخی نسخه دوشمشدر طلیخ خاء معجه ایلله
حوض دینده باقی قلان چو کلک که تغیرندن و حشرات دخی مختلط
اولدیفندن شرب اولماز فاما بو نسخه اوزرینه کرچه شربن ایلله تقابل صحیح
اولور و لیکن صفوت ایلله توصیف درست کلز مکر تکلف اولنه فاعرف * شیرین *
طلوددر لذیذ معناسنه یا نسبت ونون تأکید ایچونددر طلولرده انسان
اول طتدینی لذیذ نسنه سد اولغله طلولوی اکانسبت ایشلدر در بعددا
مصراع ثانی اولی تعلیلدر (معنای بیت) بودر که هر ایکی صورت یعنی
آجی صو و طلولو و صورتلری اگر بری برینه بکره سه روا و لایقدر زیرا
طوزلی و آجی صویک هر ایکسینک صفا و اطافتی وارددر یعنی رأی العین
ایکسینده صافی کورینور و لیکن مذاق حسبیلله ایکسینک میبائنده فرقی وارددر
تنکم بیت اخیرده کلور بونده اشارت وارددر که علم دبدکاری صفت فلسفی
واهل شرعه بر کورینور زیرا آک علمیده علم و بونک علمی دخی علمدر
فاما ایکسینک فرقی وارددر زیرا فلسفینک علمی ارض وجودده محل قوت

خیالیه دن عقل قاصر معونیه حفر طریقیه استخراج اولنش مالح
وذاقدر واهل شرعک علی فیض آلهی ووحی آسمانیدر که باران کی
بلا سبب و عمل فائض و نازل اولشدر که عذب صرفدر پس یردن تکلف
ایله چنان آجی صو کو کدن بغان طنلو صوبله برابر اولدیغی کی ذکر
اولشان ایکی علم دخی بویه ذراصلی بودر که اهل حقک علوم حقیقیه سی ذکر
اوزرینه میندر ذکر دذکره تفکر ایسه طریقه مسلو که در که
قرآن حکیم آنی ناطقدر نتکم کلور (الذین یذکرون الله قیاما و قعودا
و علی جنوبهم ویفکرون فی خالق السموات والارض) غیر یلرک علومی ایسه
اول امر دن نظریه مقوله سیدر انظارده ایسه خطا چوق واقع او اور
انکیچون اکا اعتماد یوقدر بوسیدن علم ضروری و کشنی سائر علومدن
افضلدر پس صورت ایله معنائک فرقی اولدیغی کی قشرا یله لبیه نک دخی
فرقی واردر وای او کیسه به یتش سکسان بیل تدریسه اشتغال ایدوب
اغزینه بر ایچم صو آلیانه بگزیه وهدایی افندی قدس سره مفرداتنده
کلور * علم باللهه چالش وار بوری ای همت دون * نیچه برجاز یجوز
نیچه بر کان بکون * واشرف اوغلی رحمه الله نظمنده = کلور *
نیچه بر الفاظ و معنی خرج ایدرسن ای فقیه * واراوتانکم حق منزهدر
بو آغ وقاره دن * یعنی الفاظ مقوله سی حجاب ظلمانی و معانی قبیله سی
حجاب نورانیدر که حقایق دید کلمی بونلرک وراستنده در
(لحرره) نوش ایدن کیسه شراب نابی * نیاسون غائله لی تلخ آبی *

* جز که صاحب ذوق که شناسد بیاب *

* اوشناسد آب خوش از شوره آب *

* که * استفهامدر نسخ عتیقه دیالیه رسم اولمشدر وزن ایچون شناسد لفظنه
وصل اولنور * شناسد * مضار عددر شناختن لفظندن مأخوذدر نتکم لغه
حائمه کلور شناختن الکلی مضار عنده خایی سینه قلب ایدوب شناسد
و شنا سنده دیرلر انتهی * بیاب * امر در اگاهه مناسنه در لفظی ایله دریاب
دخی مستعملدر (معنای بیت) بودر که صاحب ذوقدن غیری کیم اکلر
ویلور فهم و ادرك ایله یعنی اول صاحب ذوق بیلور طنلو صوبی آجی
صودن یعنی بر کیسه اول صوری اغزینه آلوب طنلده آجی و طنلو معلوم
اولماز الحاصل اگر چه اول ایکی نوع صویک صفوتده اشتراکری واردر

ولکن طنلده قجه بری برندن متمیز اولماز پس مبر اولان ذوق و طمعه در بوندن
فهم اولنور که مجرد طامق کفایت ایتز زیر ایلکه ذاتی اولان مرور المزاج اولوب
طنلو اکا آجی کله بس علندن عری و آفتدن بری ذوق صحیح اهلی کر کدر تا که
هر بر ینک حقیقتندن کاهی خبر و یره بونده اشارت واردر که عقول قاصره
اهلنک علم دید کلمی خیالات و فلاسفه طائفسنک ادراک دید کلمی ملکات
اگر چه کنیدلر ینک امثالی یاننده علومدن معدود و بری برلری ارالنده
مغبوط و مرغوب در ولکن اهل دل و اهل ذوقه لازمدر که اول علومی علوم
انیدیا و اولیادن تشخیص ایله و کدورتنی بیه یعنی بو مقوله کیسه مقارنت
ایتمکجه بر کیسه نک ادراکاتنک صحتی معلوم اولماز زیرا هر کس کندی
علومنی علوم فاضله دن هدایدن و بوندن فهم اولنور که صاحب
ذوقک قول و فعل و ترکنه اعتماد واردر انکیچون انک هر حالی شرایعه
محمود در بعض امور ینک بدعت صورتنده اولدیغی مشروعتنی منافی دکلدر

* سحر رابا معجزه کرده قیاس *

* هر دو رابو مکر پندارد اساس *

* سحر * بالاده بیان اولمشدر * معجز * اعجاز دندر غیری فعلدن و یار آیدن
عاجز قلمق معناسنه اصلنده مؤثنه صفت اولمغه تأیث اولمشدر زیرا
تقدیری خصلت معجزه دیمکدر معلوم اولاکه خارق طاده اولان نسنه
اگر نبیدن قبل النبوه صادر اولورسه ارهاص دیرلر تأسیس معناسنه کوبا
پیغمبر اولمغه قابلیت بنیاد اولمغه در بر بواوت دائما اوزرنده سایان اولمق
و حجر و مدر سوبلک و امثالی کی واکر بعد النبوه صادر اولورسه معجزه
دیرلر شرائطی واردر محتمله میندر واکر خواص ناسدن یعنی اولیادن
صادر اولورسه کرامت دیرلر زیرا اعمال صالحه و احوال صادق و اوزرینه
مبنی اولمغه حقندن اکر امدر واکر شرع نبویسی اولان عوامدن صادر
اولورسه معونت دیرلر زیرا حقه و هدایه معاونت ایدر واکر کفره و فجره دن
صادر اولورسه اهانت و استدراج دیرلر زیرا عاقبت خذلان و خسارت
و حقارتلرینه سبیدر فرعونک اجراء نبل و دجالک احیاء موتی ایتیمی
کی و اصابت عین و اصابت اللسان یعنی کوز دیمک و دل دیمک دخی خارق
عادتندر اهل کذبندن دخی صادر او اور بحسب الغالب اهل غفلنک
شانیدر زیرا ما سوا بی استخواندن ناشیدر مکر حقه استخوان اولته

مطلب
فی بیان المعجزه
و غیرها

بوصورتی که شهود افعاله مقارن اولغله ضرر ویرمن انبیدان و اولیادن
بومقوله نسنه لبحکی دکدر بلکه حکایه اولان احتراز در نیکم قرآنده
حضرت یعقوب علیه السلام اولادینه وصیتند کسور (وقال یابی
لاتد خلوا من باب واحد وادخلوا من ابواب متفرقة) الایة تمامی روح
البیان نام تفسیر من ده در * کرده * بوهایه هاء ترتب دیرلایوب دیمکدر
* قیاس * بر نسنه بی آخر اوزرینه تقدیر ایتکدر * مکر * سعی بالفساد در خفیه
طریقله بوراده مراد حبله در * اساس * هر نسنه نک اصلیدر بناتک و غیرینک
اصلی و عملی کبی (معنای بیت) بودر که کافر اولان کیسه سحری معجزه به
قیاس ایلایوب هر ایکسینک اصلی و عملی مکرو حبله اوزرینه اولمق ظن ایدر
بوکا قیاس ایسه فاسد در زیر اسحر تدبیرایله و معجزه ایسه محضاً تقدیرایله در
انکیچون فرعون لئیم موسای کلیم علیه السلام ایله معارضه صد دنده
اولدقده موسادن موعده طلب ایلدی زیر معجزه مجرد قدرت حقله قائم
اولغله انکیچون وقت مخصوص بو غیدی قدر تک وقت مخصوصی
اولدیغی کبی بلکه ظهور تک عندالله مخصوصی و ارایدی قدر تک
تعلقنک زمان معنی اولدیغی کبی کفارک انبیا و معجزاته حالی بو اولیحق
اهل انکارک اولیا و کراماته حالی دخی بوکا قیاس اولنده و کرامتی انکار ایتک
معجزه نک انکارنی مستلزم در زیر ایکسی دخی اصل واحد دندر پس میانلری
فرق ایتک جهل عظیم دندر بو معنائک شاهی بودر که اولیانک کرامتی
انبیایه معجزه در دیرل یعنی بحسب الحقیقه ایکسینک میاننی تفریق ایتلر بلکه
بحسب الظاهر مصدر لری حسیله تأدبا معجزه و کرامت دیرل دعوت و ارشاد
و وحی و الهام دیدکری کبی پس سحرله معجزه و کرامتک فرقی حقیقی
و معجزه ایله کرامتک فرقی اعتباری در زیر سحر مکر اوزرینه مبنی و کرامت
و معجزه عمل صالح و صدق حاله منوط در و بونده اشارت واردر که
قیاس مذکور ظن فاسد اوزرینه مبنی در سوء ظن ایسه حرام در نیکم
قرآنده کلور (ان بعض الظن اثم) وجهی بودر که سوء ظن ایتک صفات
نفسانیه دندر امور نفسانیه نک ایسه جمله سی حرام در خصوصاً که
القائه شیطانی دخی منضم اوله فراست ایسه قلبک صفتی اولغله حلالدر
پس فراست اهلی حسن ظن اهلیدر که ظنده مصیدر زیر نور حقله
نظر ایدر نیکم حدیثه کلور (اتقوا فراسة المؤمن فانه ينظر بنور الله)

نورایسه ظلماتی محو و ازاله ایدر انکیچون اهل ایمان اولان معجزه و کرامتی
تصدیق ایدر زیر نور یقین ایله تمشی ایدر اهل کفر و انکار ایسه تکذیب
ایدر زیر ظلمت شک و ریبه قالمشدر و قرآنده کلور (او من کان میتاً
فاحیناه و جعلناه نوراً یمشی به فی الناس کن مثله فی الظلمات
لیس بخارج منها) (لمحرره) نه بلادر جهلنده ظلمت جهل
* که دوشو بدرا کا کافر منکر * نفس میخانه سند سرخوش وار * کافر
و منکر ایچرلر مسکر * نسأل الله العرفان التام بحرمة الکلام *

✽ ساحران موسی ازا ستیزه را ✽
✽ بر گرفته چون عصای او عصا ✽

* ساحرانک موسی به اضافتی ادنام لابسه ایچون در زیر اسحر لری معجزه
موسی مقابله سنده ایدی دیمشدر که بوساحر لر نواحی مصرده اولان
شهر لر دن جمع اولمش ایدیکه صید مصر دیرلر یعنی صید دیدکری
مصر دن طولاً اون بش کونلک بره دک اولان بلاد در و خریده العجایبه
کلور که سحره فرعون مدن ازلیه مصر دن ابو صیر دیدکری شهر دن
ایدی و ابو صیرده حالا انلردن بقیه واردر انتهى بالترجمة ابو صیر قصیده
برده صاحبی شیخ محمد بو صرنیک شهر بدر و قاموسده کلور که بو صری
قرای مصر دن درت قریبه در * استیزه * عناد و جدلدر اولنده همزه زائد در *
سطبر و اسطر و سپر غم و اسپر غم و امثالی کبی * عصا * و عود کندر دیمشدر که
عصای موسی آسن جشندن ایدیکه حضرت آدم علیه السلام ویرلش
ایدی صکره انبیاء توارث ایدوب حضرت شعیبه اندن حضرت موسی به
انتقال ایلدی طولاً اون ارشون و سری دوشاخه و اسفلند و سنان
نشاند ایدی و غیر اوصاف کثیره سی واردر تفاسیرده مبنی در
(معنای بیت) بودر که موسی علیه السلام ایله معارضه صد دنده اولان
جادولر جنک و جدل و عناد و انکله مقابله دن اوتوری هر بری الارنده
عصای موسی کبی عصا طوتمشدر و کند یلرین اگا تشبیه ایتشدر
دیمشدر که بتشک مجوف عصا ایدیکه پر سیاب ایلشدر دی و اول اعصارده
غالب اولان سحر اولغله حضرت موسی عصا ایله ارسال اولندی نیکم
زمان ابراهیم علیه السلامده نجوم و زمان رسول الله صلی الله علیه
وسلمده فصاحت و بلاغت و زمان عیسی علیه السلامده طبابت غالب

ایدی پس هر بری مقتضای عصره کوره اظهار معجزه ایتدیلر بونده موسای
قلب و عصای ذکر و توحید و فرعون نفس و ساحران قوای نفسانی و عصی
حیل و خیالاته اشارت وارد رزیرا انفس و آفاق نسختین متطابقین در و لکن
امور آفاقیه ده نسخ جاری و انفسیه ده جاری دکلدر انکیچون امور حقیقیه به
زوال کلز و اشارت باطنه تغیر بولماز بلکه الی بوم التلاقی و دائما قائم و مستمر در

* زین عصا تا آن عصا فرقیست ژرف *

* زین عمل تا آن عمل راهی شکرف *

* ژرف * فتح زاء بحمله درک معناسنه در عمیق کی دقایقه کلور که ژرف
لسان فارسیده درک ایچون وضع اولمشدر درک بیلچی دییه جک یرده
عجم ژرف باب دیر بیوک معناسنه ده استعمال اولنور پیل ژرف دیرل ظاهر
بودر که معنای ثانیه و نائیده استعمالی استعاره طریقه در نیکم متبحر
فی العلم دیرل بحر کی واسع و عمیق معناسنه * عمل * فعل قصیدر که ذوی
العقوله مخصوصدر و افعال قلوب و جوارحه شمولی وارد ایمان و طاعات
و کفر و معاصی کی * شکرف * کسرله اولو عظیم کی (معنای یت) بودر که
بو عصادن یعنی عصای ساحران دن اول عصایه دکی یعنی عصای موسایه دکی
فرق بعید و عمیق وارد رزیرا موسائک عصاسی جتندن و جادولرک
عصاری دنیادندر و کذلک موسائک عصاسی قدرت حقه مضاف
وانلرک عصاری تدبیر نفسه منسوبدر و کذلک موسائک عصاسی بی حیل
وانلرک عصاری بحوف و پرسیما بدر و کذلک موسائک عصاسی مأمور
وانلرک عصاری ساحه التفاتدن دوردر انکیچون ثعبان صورت اولوب
انلرک عصالرنی و یا حیلله لرنی اکل و ابطال ایلدی و کذلک موسائک
عصاسی روح وانلرک عصاری جساد ایدی انکیچون هر وقتده حرکت
قدرتی و ارایدی جادولرک عصالرنک حرکاتی ایسه کر میت آفتابه
موقوف ایدی یعنی حیات صورتنده اولدیخی امر خارج و عارض اعتباریه
ایدی و کذلک موسائک عصاسی قبضه جمال ایله مقبوض وانلرک قبضه
جلال ایله مأخوذ ایدی و کذلک موسائک عصاسی نبوته مقارن وانلرک
عصاری مکر و سحره منضم ایدی که عاصیلر انده ایدی و کذلک موسائک
عصاسنده فنون تجلیات مندرج وانلرک عصاری فن واحد اوزرنه
منحصرا ایدی زیرا منقولدر که عصای موسی وقت خوابده نکهبستانی

موسی ایلدی و بوندن غیری کرامات اخراسی دخی و ارایدی و کذلک
عصای موسی تنها وانلرک عصاری ایسه بری برلرله متظاهر ایدی پس
عصای موساده (یدالله فوق ایدیهم) سری و ارایدی انکیچون ظهورنده
ایدی جزئیته نک آثاری متلاشی و مضمحل اولدی مصرع ثانیته معناسی
بودر که ساحرلرک ابتدکاری سحر عملندن موسائک معجزه عملنه و ارنجه
طریق عظیم و راه دور و مسافه بعیده وارد رزیرا ساحرلرک عملی نفسانی
و شیطانی و موسائک عملی روحانی و روحانیدر و بر دخی ساحرلرک عملی
ابطال حق و موسائک عملی احقاق حق ایچون در نیکم قرآنده کلور
(ایحق الحق و یبطل الباطل) و بر دخی ساحرلرک عملی سحر و موسائک
عملی معجزه در و بر دخی ساحرلرک عملی غایتی ندامت و موسائک عملی
نهایتی سعادتدر بوسیدن جناب قدسه منجذب اولوب ضروری مؤمن
اولدیلر و موسائک تحت اللوا سنده اولوب خذلاندن نجات بولدیلر
زیرا نصرت ایکی نوع در حق اوزرنه موت دخی نصرتندر نیکم قرآنده
کلور (الا ان نصر الله قریب) یعنی بالموت کما فسر به بعض العلماء و بر دخی
ساحرلرک عملی پرتزور و بتدبیر و موسائک عملی محض اثر تقدیر در و بر دخی
ساحرلرک عملی سفلی و موسائک عملی علویدر انکیچون موسی تواضعله
مرفوع و ساحرلر ادعاء غلبه ایله موضوع اولدیلر و بر دخی ساحرلرک عملی
میدان قضا و موسی نک عملی میدان رضاده ایدی و بر دخی ساحرلرک
عملی شرک و موسائک عملی توحید ایدی انکیچون عصاسی جملله کثراتی
افنا ایلدی و بر دخی ساحرلرک عملی ملحق و موسائک عملی رحمت
متصل اولدی نیکم کلمه کدرالی غیر ذلک من اطاعت
الاشارات پس سحر معجزه ایله برابر اولماز و انکله معارضیه مجال بولماز نیکم
خواجه حافظ دیوانده کلور * سحر با معجزه پهلو نزن دایمن باش * سامری
کیتست که دست ازید بیضا ببرد * بونده موسای قلبله قوای
نفسانیته نک تفاوتنه و اهل ارشاد ایله اهل دعوانک حالتیه اشارت وارد
زیرا ارباب قلب و اصحاب ارشاد اولنلرک راهی مستقیم و اعمالی منجیح
واهل نفس و ریا و دعوی اولنلرک حالری سقیم و عملاری عقیدر
شویله که ارشاد لری طالب حق بر منزله ابصال اینز وانلرک تربیه لری
برخام اوکوب بتمز اهل قلب ایسه بویله دکلدر زیرا انلرک توحید لری
حقانی و هر حال لری روحانی اولغله اسانلری اسرارذ کرله مشحون و تربیه لری

انتظام حاله مقررند پس انلك عصاری عصای اخلاص و عملاری
اعمال اختصاصی (لحرره) دسترس بولق استین حقہ * طومسون دکه
کسک دامان * دام در بلکه دکلدر دامان * صیدایر بوفلکک خامان *
﴿ لعنة الله این عمل را در قفا ﴾
﴿ رحمة الله آن عمل را در وفا ﴾

* رحمت * حقندن و یادرجه ابراردن رد و طرده مناسنه در اول کسی کفارہ
و اینکجیسی سائرله کوره در * قفا * معروف در که یوز مقابلدر * وفا * برنسنه
تمامه بلوغیدر و غدرک مقابلنه دخی در (معنای بیت) بودر که سائرلک
عملی اولان سحرک قفا سنده وارد نجه لعنة الله وارد ز را باطلدرو عالمی
کافر در و کافر ظالمدر نتکم قرآنده کلور (ان الشکر اظلم عظیم) و ظالم
ملعوندر نتکم قرآنده کلور (الالعة الله علی الظالمین) و هوسالک عملی
اولان معجزه ایچون رحمة الله وارد در تمام و کالده ز را حقدر و عالمی
مؤمندر و مؤمن عادلدر نتکم قرآنده کلور (و من خلقنا امة یهدون بالحق
و به یعدلون) (و من قوم موسی امة یهدون بالحق و به یعدلون) و عادل
محبوبدر نتکم قرآنده کلور (والله یحب المقسطین) و جازدر که وفا قائل
رحمت اولنره کوره اوله یعنی اول عمله رحمة الله دیمک وفای ایمانددر
الحاصل عمل ساحران لعنت و سخطدن ناشی و قهر و جلالدن فاشی
اولغله عملاری و کندیلری لعنت بولدیله و عمل موسی رحمت و رضادن
صادر و لطف و جالدن ظاهر اولغله عملی و کندیسی رحمت و رضایه
مضاف اولدی اگرچه حقیقته ملعون و مرحوم اولان عملک صاحبیدر
(سؤال اولورسه که ساحران نیچه ملعون اولدیله بلکه ایمانلری سببیه
مرحوم اولدیله نتکم قرآنده کلور (قالوا آمنا رب العالمین رب موسی
و هرون) جواب بودر که بوسوز مطلق سحر و ساحره کوره در و سحره
فرعون قبل ایمان ذکر اولان صفت ایله منصف اولدیله صکره ایمان
حسبیه منقطع اولدی نتکم مؤمنک لعنتی دخی توبه سی سببیه منقطعدر
مثلا حدیثه کلور (من احتکر فهو ملعون) پس احتکاردن تائب اولان
مطلقا مرحوم اولش اولور مع هذا ساحرلک عملی فرعون و قومنه
مضافدر ز را انلك امریله مباشر اولنشددر پس ملعون اولان
حقیقته فرعون و قومی و سائر تائب اولنلردر معلوم اوله که عملک قفا سنده

لعنت ذو القفایه نسبت الیه در که حقیقته اول عملک صاحبیدر پس
بوندن فهم اولان بودر که اهل جلال اولنلر قفای محضدر که انلر ده
حقه توجه ایده جک وجه یوقدر ز را قهر و جلاله مظهر یتلری حسبیه
انلك حقیقته جمیع ابواب مسدود و جله اسباب مسدوددر نتکم اهل
جلال اولنلر وجه صرفدر که وجه مطلقک تعینی اوزرینه کلمش لرو حقه
هر یوزدن توجه تام قلمش لردر ز را لطف و جلاله مظهر یتلری سببیه
هر جانبلری باب و بلکه آینه پرنور و تاب اولمش لردر ولیکن بونلر مقرر بین
اطلاق اولان اهل جلالدر ز را مقرر بین ظاهر و باطنده و جهدر که
انلرده اصلا قفا یوقدر رسول الله صلی الله علیه وسلمک نمازده قفادن
رؤ یتلری بوسره دأردر ز را اول حالده حضرت علیایه محاذات تامه
واردر فاما ابرار اولان اهل جلالکه اصحاب یمین دخی دینلور بونلر ظاهرده
و جهدر ایمانلری جهشتدن و باطنده قفادر بصیرتلیک عدم انکشافی
جهشتدن ز را احاطت نزع ده و حشرده حاصل اولان انکشاف احوال
آخرته کوره در معرفه الله و جمال الله کوره دکلدر انکیچون قرآنده
کلور (و من کان فی هذه اعمی فهو فی الآخرة اعمی) پس کافر کفری
حسبیه اعمی اولدیغی کی مؤمن دخی عدم مکاشفه سی سببیه اعماد
مکر دنیاده سالک اوله بوسورتده مقصود یادنیاده حاصل اولور کاله
بلوغه دک معمر اولغله و باآخرته حاصل اولور قبل البلوغ فناء صوری
بولغله نتکم تمام الفیض نام کابزمده میبندر اصحاب شمال اولنلر ایسه ظاهرده قفاء
محضدر بدایت اعتباریه و باطنده وجه محض در نهایت اعتباریه ز را
دوزخده واقع اولان تر یسه طویله و شدیدله وجه حقیقت ظاهر
و سرازل و ابد باهر اولسه کر کدر ولیکن کفارہ نعیم صفاتی یوقدر
انکیچون جهنمده مخلد اولورلر فافهم جدا پس بوتقر یردن وجه و قفانک
سری هویدا و مرآت اعمال و مرآت اصحاب اعمال پیدا اولدی (نسأل الله
العمل الذی هو من الوجه لامن القفایه ذو الفضل و المن والوفا بعدذا اهل
قفایه اولان لعنت کلام نفسی و سائر مرآتیی حسبیه در وجه مرآتیدن
بری اول لعنت ایله ملعون اولان کسه در نتکم ظالم اولان (الالعة الله علی
الظالمین) ذیمکله کندینه دخی لعنت ایدوب و شیطان دخی طقوز بیک
بیل و یاخود سکسان بیک ییل حقه عبادت ایلدی برکون جنت قبوسی

اوزرینده یازمش کوردیکه برکسه امر حقه عدم امثال ایله ملعون
اولسه کر کدر پس اول کسبه مدت طویله لعنت ایلدی کندی اواندین
یلیوب کندی کندیسه لعنت قلمش اولدی انکیچون بدعمل صاحبک
قفاستده دردیرلر زیرا وجهدن بدعمل صادر ایلماز و قفادن صادر اولان
بدعلاک جزاسی دخی اندن مفارقت قلمز جمله جزادن بری دخی کندیسه
ابتدیکی لعنتدر زیرا کشی کندی خوار و ذایل ایتدیکه غیر بیلر دخی
ایتمزل حاصل بودر که الله تعالیکن و ملائکه کرامک و سائرلرک لعنتی
ملعونک کندی کندیسه ابتدکی لعنته تابعدر زیرا کندی نفسی میداء
لعنتدر و عین ثابته سنک مقتضاسی و حالیدر و العیاذ بالله تعالی و اهل
وفایه اولان رحمت دخی بو کافیا اولنه (اللهم انصر من نصر الدین
واخذل من خذل المسلمین) مقله سنده ذکر اوائان اسراره اشارت وارد
نتکم واقعه بدرده کفار قریش حقه و دینه نصرت و خلافتنه خذلان
طلب ایلدیلر و حق تعالیدن دلدکلرینه کور بولدیلر انکیچون ملعون
اولدیلر (لحرره) آلهی ابررحمتدن نم ابرکور * دل و جان مرده سن
فیضکله دیرکور * بزی مر حوم و مغفور ایله دایم * اولام جدشکرک ایله قائم

* کافران اندر مر اوزینه طبع *

* آفتی آمد درون سینه طبع *

* کافر * لغتده کفر دندر ستر معناسنه لیل کافر دیدیلر زیرا ظلمتیه اشخاصی
ستر ایلر و زارعه کافر دیدیلر زیرا نخمی زمینده ستر ایلر و شاکر نعمت
اولمیان کافر دیدیلر زیرا اداء شکری ترکله نعمتی ستر و عرف ده کافر
و حدایتی و یانوتی و یاشر یعنی بحد و انکار ایدندر کفرله جهلاک میابنده
فرق بودر که لفظ کفرگاه اوور که اصول دینه متعلق اولان اعتقاد فاسده
و لفظ جهل فروعه متعلق اولان اعتقاد فاسده استعمال اوونور اگرچه که
فی الحقیقه کفر جهلدندر و دیمشلدندر که کفر فسقندن اخص در کافره فاسق
دیدکلری حقلک الزام و فطرتک اقتضا ایلدیکی امورک جمله سنی اخلاادن
اوتوریدر * و دیمشلدندر که کافر مطلقا ایمانی اولمیاندر اگر ایمان اظهار
ایدرسه منافقدر * و اگر ایماندن صکر کفره رجوع ایدرسه مرتددر و اگر
ایکی آله اثبات ایدرسه مشرکدر و اگر بر دین ایله دین ایدرسه کابیدر
و اگر قدم دهره قائل اولوب حوادثی اکاستاد ایدرسه دهریدر

واکر بونکله نبوته اعتراف و شرعی اظهار ایدر سه زندقدر پس بونلرک
جمله سی کافر در و لکن بعض احوال و اضافات سببیه باشقه اسمیه تسبیه
اولمشدر * مر * کسریله و مدله مریه و شک اولان نسنه ده مجادله و محاجه در
مر آء و جدال اراستنه فرق بودر که مر آء کلام غیر اوزرینه اعتراضدر
بالفاظ و ایامه و یا قصد اخلل اظهار ایتکله لفظا و معنی اظهار اخلل ظاهر در
قصد ا بودر که بو کلام حقدر و لکن سنک بوندن قصدک حق دکلدر
سن بو خصوصده صاحب غرض سن دیه * و جدال غیرک الزامی
و تعجیرتی و کلامی قدحله تنقیصی و آتی قصور و جهله نسبت اتمکی
قصددر پس اولکینک مرجعی اظهار فضل و مزیت و کیاست ایله
ترفع در که دعوی کبریاک طغیانندندر و ایکنجینک مرجعی غیر
تنقیص و تمزینقدر که مقتضای سبیتدندر * پوزینه * بآء عجمیه عرب قرد
ونرک میمون دیدکلری حیواندر نتکم شعرده کلور * بن او مردم که طوکز
قوپه رقیبک اما * عاقبت طالعنی کور نیچه میمون اولدی *
دیمشلدندر که میمون زیاده مقلد و مدرک حیواندر حتی دیمشلدندر که
تعلم ایلوب آخرک خانه سندن متاع سریقه ایدین کسنک یدی قطع
اولماز * زیرا حیوانک اختیاری وارد و بر عورت کندی نفسنی میونه
تمکین ایدوب وطی ایدر سه تعزیر اوونور و طی بهیمه کبی و بعضیلر دخی
قتل اوونور دیمشلدندر * و خبرده کلور که امم سالفده برکسه سده صو
خلط ایدوب بیع ایدردی صکره جمع ایلدیکی مالی یانته آلوب برسفینه به
راکب اولوب لجه دریابه وارد قدده الله تعالی اول سفینه ده بر میونه الهام
ایدوب اول کسه نک التونی صره سنی بولوب الیدی و سفینه نک عودی
اوزرینه چیقوب صره بی آچدی بر دینارنی دریابه و بر دینارنی سفینه به
طرح ایلوب اول مالی ایکی قسم ایلدی یعنی صویک بهاسنی صویه
وسدک بهاسنی سفینه به القا ایلدی و بو مقوله عجایی چوقدر * و بعض
شعر ایدمشدر که * فاسجد افر دالسوء فی زمانه * و داره مادامت فی سلطانه *
بو اول قصه به اشارت ایدر که زنج ایله حبشه اراستنه مقدسودیدکلری
شهر عظیمه بر زمان میمون مسلط اولوب خلقی مساکن و اسواقده تضییق
ایتمشلدردر شوبله که اوانی ده اولان طعامی اکل ایدرلر و گاه اووردیکه طعامک
ظرفنی طعامیه بیله کوثر لر دی صا حی ادرنه دوشوب تطف ایله چنانغی

طعامی تناولدن صکره کوچه بچه سندن آوردی و خانه لده عورتلری
بالکری بولسه و طی ایدرلری و اول شهرک پادشاهنک عادتق بوایدی که
وقت معینده ارکان دولت انک قصری التسه کلوب مجتمع اولدقلرنده
قصرک اعلا سندن بر پنجره آچیلور و اول زمان ارکانک جله سی تقبل
ارض ایدوب رفع رؤس ایتد کد نصکره پادشاه انلراوزرینه اول پنجره دن
اشراف ایدوب امر ونهی ایدردی بعض ایام اولدیکه پادشاه برینه
میمون اشراف ایلدی و انلر پادشاه ظن ایدوب میونه سجده ایلرلر و اول
عصرده مستولی اولان میونلر کندی ارالرندن بر کبر نصب ایدوب
جمله سی اکا تابع او اوب سلاطین و ملوک کبی آلائی کوسه تزلردی و اول
زمانک خلقی بوساطی حقندن عقوبت بیلورلردی زیرا بروجله دفعنه
چاره بولامیوب میونلره سرفرو قلمشردی نقله السخاوی عن قاضی
المدینه محمد بن اسحق بن محمد والله اعلم بحکمة ذلك و ليس بدع من قدرة الله
المالك (لحرره) و آی اول شهره که و الیسی انک * یاخر و خوک
و یاخود میوند * خلق عالم چکر صداع سری * نه زمان غائله دن
مأموند * طبعک * معناسی و طبیعت ایله فرقی مرور ایلدی * سینه *
کو کسدر صدر کبی رلفظی ایله فرقی بودر که بر کو کسک ایکی بانلریدر
ایرک آلت معروفه سینه سینه بندید کلری انک کو کسنی بغل دیغندن اوتوریدر
(معنای بیت) بودر که کافر لر مرآء وجدال ایتده میون مشر بلردر
نتکم کسه کر کدر درون سینه و باطن انسانده طبع دید کلری قوته آفت
و بلا کلدی یعنی اصلاح طبیعت ایتین کسه آفات وجوددن خلاص
اولدی معلوم اولاکه طبیعتک اصلا حی شریعت و نفسک اصلا حی
طریقت اوزرینه موقوفدر طبیعتک حکمی شهوات و نفسک مقتضاسی
هوادر پس آثار شهوتی ریاضت و رسوم هوایی مجاهده ایله محو و ازاله
لازمدر دبش لردر که شهوت بطن و شهوت فرج نفس کافره نک ایکی
سیف صصامی کیدر بو حساسلری قل و کسر ایتده زیاده صعوبت
واردر انکی چون بویاده نیچه رقاب صنادید مقطوع و بو خصوصده
بسیار کردن متألهان موضوعدر زیاده صعوبتندن اوتوری حجة
الاسلام امام غزالی قدس سره احیاء علومده بونلراچون باشقه کتاب
افراز ایلوب کسر الشهوتین دیوتسمیه ایشدر * بعدذا کافرلرک مرآء

خریده الجاییده
کلور که جزیره الفرد
واردر که انده چوق
میمون واردر و اول
میمونلرک ریسی
واردر که آنی اموز
لرنده و بیونلرنده
کتوررلر و اول رئیس
انلرک اوزرینه
بروجهله حکم ایدر
که کسه کسه یه ظم
ایمز و اول جزیره به
سفینه اوغراسه
عض و خوش و رجم
ایله تعذیب ایدرلر
ولکن بعض اهل
جزائر انلری حبله ایله
صید ایدوب ثمن
غالی ایله بیع ایدرلر
واهل بمن میونه زیاده
رغبت ایدرلر و حاتو
نلرنده آنی حارس
اتخاذ ایدرلر عبید
کبی و میون غایت
ایله زکاصا حبیدر
انتهی بالترجیه
شد

و جدالی بحسب الغالب انبیا ایله و منکرلرک نزاع و عنادی اولیائله در پس اگر
کافر و اگر منکردر میون مشر بدر و میون مشرب اولدقلری غلبه طبعندن
ناشیدر اگر اصلاح طبیعت ایلوب شریعتیه اقتدا و طریقتیه اتتایلسه لردی
سخریت و استهزاء و جفا و اذی به رخصت و یرمز لر و بوسیلله جهنم
بوزی کورمز لر و نار فطیعت و هجرانه کرمز لر دی * و بونده اشارت
واردر که انسانک طبع حیوانیسی جمیع حیوانانک صفاتی حامل و جله سنک
صوریلله قیامه قابلدر زیر اعم الموجودات و اشمل الکائنات در ولکن
مرآء وجدل معناسنده خصوص اوزرینه میون صفتلوردر و بوصفتی
ازله و طبعی اندن تزکیه ایتین یوم حشرده صورت میونده محشور و اولر
ز راهر کسک ظهوری صفت غالبه سینه کوره اولسه کر کدر نتکم بالاده
دخی اشارت اولمشدر * و حدیثده کلور که تمام اوللر میون صورتی
اوزرینه حشر اوللورلر نتکم (فتاوتون افواج) آیتی تفسیرنده ایراد
اولمشدر پس هر کسک حدیثی اسماع و زید و عمرو اراسنده سبب نزاع
اولان کسه معنی دنیاده میون و صورته آخرته میوندروا ایدبالله تعالی
* هر چه مردم میکند پوزینه هم *
* آن کند کز می دیند دم بدم *

* مردم * آدم اوغلانیدر و عجم کشی زاده به مردم زاده دیر نتکم کلور * کوزم
باشینه رحمت سوره دردن * که مردم زاده در دوشمش نظردن * و جهی
بودر که حراصل اولوب حسب مقارن اولان کسه به کشیک لازمدر
(معنای بیت) بودر که هر نه که آدم اوغلانی ایشلر میون هم اول آدم اوغلانندن
کور دیکنی ایشلر نفس بنفس یعنی دائمالندن نه کورسه تقلید ایدر و اکامعارضه
و مقابله قیلور زیرا ادراکده سائر حیواناته غالبدر سائر حیوانانک زمان
طویلده تعلیم ایله ایشلر دیکنی نسانه بی میون مجرد مشاهده و جزئی
اشارت و ادنی التفاتله ایشلر و انسانه زیاده مشارکتی واردر انکی چون
غداء انسان اولان مأکولاتک اکثرن اکل ایدر و انسان کبی غالب الشهوه در
حتی بالاده اشارت اولندیغنی اوزره عورتی تهابولسه و طی ایدر اصلی
بودر که انسان تر ایدن مخلوق اولدیغنی کبی میون دخی ترابه متصل
و بریه به مجاوردر پس بونده رمز واردر که جسد انسان دخی بریه
و طبعی بریه حیوانی اولان میون کیدر و بریه ده هلاک غالب اولدیغنی کبی

احوال جسد ایلله اشتغال و مقتضای طبع اوزرینه حرکت ایدن کسیه
دخی هلاک غالبدر و مقلدك حقیقه صفتی حیوانیت در نتکم محققك
صفتی انسانیت و بلکه حقانیتدر و مقلدك ایمانك صحتی میمونك افعالك
صحتی کبیر زرا انسان ایلله میمونك میاننده فرق عظیم اولدیغی کی
تقلید و تحقیق میاننده دخی تفاوت کثیروارددر خصوص که تقلید
مقبول اولمایوب استهزا و سخریت مقوله سی اوله مقلد موسی علیه السلامك
در یای قلزمین نجاتی امر ظاهر حسبیلله در والادریای طبع ده غریقدر
پس نجات ایچنده هلاک اولق یوقدر زرا محجوب اولان کسه چنده
دخی ر ویت دائمه دن محروم و فی الجملة قطیعت و هجرانله موصوفدر
(المحرره) * کمال بو رازی فهم ایلله نعمت ایچره نعمت وار * بلدم
بلدم دیده جهنمه جنت وار *

* اوکان برده که من کردم چواو *

* فرق راکی داندان استیزه رو *

* استیزه رو * جدال یوزلو و عناد صورتلو زرا معاندك عناد وجدانك
اثری یوزینه منعکس و صورتشدن بلاودر وجدل یوزلو اولغله بالفعل
جدل لازم اولغله استیزه ره جدل جوده استعمال اولندی (معنای بیت)
بودر که اول میمون بنده خی مردمك اشدیککی کی اشدیم و افعالنده
اکا موافقت ایلدم دیوطن ایلندی و او یله قیاس ایلدی اول جدل
جو عناد و تقلید و فرقی فین یلور یعنی مردم ایلله کندینك اراسنده
افعالده فرق عظیم وارددر ولیکن میمون حیوان اولدیغی جهندن فرق
و ادراک ایلزعیب و هنرکی که حرفلری اوچر اولغله ایکسی بر اولق لازم
کلز و کدک اغاجدن استصناع اولان سیف حدیددن اولان ایلله برابر
دکدر زرا بری نافذ و بری غیر نافذدر پس لفظله معنایك فرقی اولدیغی
کی لفظله لفظك و معنایله معنایك دخی فرقی وارددر و علییه ما یستحق
حضرت ابراهیم علیه السلامه معارضه ایدوب انا احی و امیت دیدی مع
هذا انک احیا و اماته سی ما ولد و لیکن جدل یوزندن معارضه ایلدی پس
انک حالی میمونه بکزر دی و کذلک مسئله کذاب قرآنه معارضه ایلدی
نتکم سورة کوثرک معارضه سنده دیر انا اعطینک الجمهر فصل لربک
وهاجر انا کفینک الکابر و المجاهر فانظر کیف کان سافل الالفاظ و البنا

* فاسد *

فاسد المعانی من الجنان * و سائر اقوال و افعال دخی یومذ کوره قیاس اولانه
ویونده اشارت وارددر که اهل طبع و نفسله اهل قلب و روح و سرک میاننده
فرق بین و تفاوت جلی وارددر اگر چه که صورت اعمالده مشرک در زرا
اهل طبع و نفسدن صادر اولان طبیعت و نفسانیت اوزرینه مبتنی ایلله
سینه در و یومر تبه ده عمل واحده واحد بعینه و برادر و قرآنده کلور (و جزاء
سینه سینه مثالها) زرا یومر تبه مرتبه آحاد دیرلر نتکم حیشه کلور
(ویل لمن غلبت آحاده علی اعشاره) و مرتبه قلبده عمل واحده اون مثلی
و بریلور زرا یومر تبه مرتبه عشرات دیرلر نتکم قرآنده کلور (من جاء
بالحسنة فله عشر امثالها) و مرتبه روحده یوز و بریلور زرا یومر تبه مرتبه
مأت دیرلر نتکم قرآنده کلور (فی کل سبلة مائة حبة) و مرتبه سرده بیك
و بریلور الی مالانهایه زرا یومر تبه مرتبه الوف دیرلر نتکم قرآنده کلور
(والله یرزق من یشاء بغیر حساب) پس ذکر اولان مراتب اهل بری
بر یله اعمالده اتحاد و اشتراك ادعا ایدرلر ولیکن خلوص نیت و صفوت
طو یلرینه کوره تفاوت و اختلافلری وارددر پس میمون کی ظاهر حاله
مغرور اولماق کرکدر زرا قشمرله لبك بیننده فرق اولدیغی کی ایلله
لبك میاننده دخی فرق وارددر و یونده مقرایله مقرك میاننده دخی
فرقه اشارت وارددر زرا میمون حیوان اولدیغی جهندن تقلید اوزرینه
مصر و اسان حاله مساواتی مدعیدر انساندن حیوان مشرب اولان دخی
بوکا قیاس اولانه انکیچون دیمشردر که حجب بشریت ایلله محجوب اولنلرک
صلاحی حجب روحانیت ایلله محجوب اولنلرک صلاحندن ارجادر زرا
طائفه اولی جهالتلرینه مقررلر طائفه ثانیه ایستده مقاللرینه و حماللرینه
مغرورلر در فلاسفه طائفه سی وائلره ملحق اولنلر کی الحاصل شریعت
اهلنک محجوبی طریقته اهلنک مدعی و مغرورلر حقه قریبدر و دیمشردر که
جهل ایکی قسمدر بری ضعیفدر که سبب علمدر بوکا جهل بسط دیرلر
زرا صاحبی کندی جهالتنه معترف و طالب معرفتدر و بری قویدر که
سبب اصراردر بوکا جهل مرکب دیرلر زرا صاحبی فی نفس الامر
جاهل و جاهل اولدیغنه دخی جاهلدر نعمود بالله من الجهالات المطلقة
* و نسأل الله العلوم و المعارف الحقه *

* این کند از امر و او بهر سبب *

* بر سر استیزه رویان خاک ریز *

* امر * واحد الاوامر و واحد الامور کلور بوراده ایکی دخی محملدر
* ریز * ریختن لفظندن امر در قول متقدمین اوزره (معنای بیت) بودر که
یعنی مردم اشد ایکی ایشی امر دن ناشی ایشلر تقایدا اشلز و یا خود
بر مصلحت و منفعتدن اوتوری ایشلر میون ایسه جدل و عناددن اوتوری
مقابله ایلر سخریت و استهزاء اهلی ایتدکری کی یعنی مقصودی مرده
تقلید مجرد و آنی مسخره اغله آلمقدیر بویه جدل جو و جنک خواولرک
باشی اوزرینه طپراق دوک و صاج یعنی انلری خوار و ذلیل و بی اعتبار
طوت و حقارتلرینه متعلق دعاایله نتم قرآنده کلور (قائلهم الله فزادهم
الله مرضا) و حدیثه کلور (اللهم اشد و طأئتک علی مضر اللهم
اهزم الاحزاب و زلزلهم) الی غیر ذلک زیرا مذات و هو ان اهلی خاکه
متصل و خاک دخی اوضع العناصر اولغله خاک ریز اولق معنای مذکور دن
عبارتدر و حدیثه کلور (تربت یداک) زیرا بوجه اصلنده افتقارله
دعا در صکره معانی آخرد ه دخی استعمال اولمشدر نتم محملده مبین در
بعدا بویته بر قاج وجهله اشارت واردر (اولکسی بودر که حیوانات
اراسنده میون خوار و ذلیل مخلوقدر بناء علی هذا الله تعالی اصحاب
سبتی انک صورته مسخ ایلدی نتم قرآنده کلور (کونو قردة خاسئین)
قوم عیسائک صورت خنزیره مسخ اولند قلمری دخی بویه در درکات
حیواناته نازل اولند صفت میون و خنزیرله متصف اولند دخی بونلره
قیاس اولنه زیرا دیمشدر که ام سالفک مسخره عقوبتلری اجساد اوزرینه
ایدی بوا امک ایسه قلوب اوزرینه در و عقوبات قلوب عقوبات نفوسدن
اشددر نتم قرآنده کلور (ونقلب افئدتهم وابصارهم) الایة و مجاهد مسخ
آیتک تفسیرنده بنی اسرائیلک فقط قلوبی مسوخ و افهامی قرده کی اودی
دید و کنی علماء تضعیف ایشلر و دیمشدر که هذا قول تفرده عن جمیع
المسلمین زیرا عقوبات و مثلثات ام سالفه ده شایع و مشهور و متواتر و منصوصدر
پس ظاهر دن عدول و حقیقتدن میلک معنایی بوقدر (ایکجسی بودر که
کندی فضاحتنی اختیار ایده فی مقتضی قلبی لا بأسدر انکی چون دیمشدر که

معاتبه و انکار
و تعجب و تعظیم امر
و حث علی الشئ
کی نتم حدیثه
مراد معنای اخیر در
وقیل اراده تربت
یداک ان لم تفعل
ما امرک الله اعلم
شد

فاسق معانی غیبت جائزدر و تارک ادب اولانی دخی اهل طریقت اراسنده
تشهیر لازم در تا که بر دخی عودت ایتیه و قرآنده کلور (ولیشهد عذابهما
طائفة من المؤمنین) پس مخالفک حالتی ستر ایتک موافقله جفا در
فاما اولکه امام علی رضی الله عنک حدیثه سننده کلور (النصیحة بین
الملاء تقریع) بوسوز فی الحقیقه حد نصیحتده در حد تشهیرده دکلدر
زیرا موجب تقریع اولان یرده تقریع دخی کر کدر (او چجسی بودر که
افعالده معتبر اولان امره اتباع و ارشاده موافقت طریقیله اولندر و الا
صاحبی حیواناته ملحق اولور پس فلاسفه و رهبانه و امثالک بی اتباع
ریاضتلی سقیم و سلوکلی عقیم و حاللری غیر مستقیمدر زیرا ظلمات
طبیعتدن نجات بولمشلر و قید هوا دن قور تلمشدر * (در دنجسی
بودر که بر ایشده مصلحت ملاحظه اولنق کر کدر و الا عبث و سفه اولور
حتی عبث یره قتل اولنان سرچه قوئی قیامتده یارب قائله سؤال ایله
بنی نیچون قتل ایلدی دیوب مخصوصه ایتسه کر کدر (لحرره) اولمه مسؤل
روز رستاخیز * ایده کور کار عبثدن پر هیز *

* آن منافق باه و افق در نماز *

* از بی استیزه آیدنی نیاز *

* منافق * اودر که اعتقادا کفری اضمار و قولایمانی اظهار ایده اصلنده
نفقندر نفق فحشین ایله اول زیرزمینه دیرلر که نافذ و بر مکانه مخلص
اولیه نتمیم نافقاء یربوع دیرلر زیرا یربوع یعنی فاره بیابانی که ترکیبده
عرب طوشانی دیرلر را بچنده انک ایکی دلوکی واردر برینه نافقا دیرلر که
مستور در و برینه دخی قاصعاه دیرلر که ظاهر و مکشوف در آنی صید
ایده نه که حارش دیرلر حاء مهمله ایله قاصعاه طرفندن کلد کسه یربوع
دخی نافقا طرفنه واروب باشیله آنی ضرب ایدر و جبقوب فرار ایلر
نفاق دخی بویه در زیرا بر بادن شرعه دخول و بر بادن شرعدن
خروجدر نتمیم قرآنده کلور (ان المنافقین هم الفاسقون) ای الخارجون
عن الشرع * موافق * و فقندر که ایکی سننه اراسنده مطابقدر بوراده
مراد مؤمن مخلصدر که ظاهر و باطنی متوافق و قول و اعتقادی مطابقدر
* نیاز * حاجت معنسنه در حق تعالی به بی نیاز دیدکری بی احتیاج
معنسنه در زیرا غنی مطلقدر نتمیم قرآنده کلور (والله غنی عن العالمین)

(معنای بیت) بود در که اول منافق موافق و مخاص ایله نماز خصوصاً مسجد
مسجد جنک وجدادن اوتوری کلور بی نیاز اولدیغی حالده یعنی نماز که
قاضی الحاجات مناجات واکا عرض نیاز و احتیاج و افتقار در منافق
نماز ایچون مسجد کلمه سی بو معنی ایچون دکلر زیرا مناجات و نیاز
فی الحقیقه مخلصک شایدر نماز ایسه مناجات و غرض نیاز ایچون وضع
اولمشدر پس منافق نماز کلمه سی مجرد جنک وجدل دن اوتوریدر یعنی
میونک افعال انسانه موافقتی کبی بودخی فعل محاصه مجرد تقاید و محض
سخریت ایچوندر زیرا نموده معنای صحیح یو قدر الحاصل منافق
نمازی موافقت صورت نموده ایسه ده حقیقه نموده جدل و خلاف در بونده
اشارت وارد در که نماز فی الحقیقه مناجات قیامنددر مشاهده نوعندن
دکلر یعنی مناجات نوعاً حجابدن خالی اولمغله مشاهده ایله مجتمع اولمز
پس مناجات صاحبی کلام و مشاهده اهلی متکلم ایله اولمغله فرق وجع
اهلی اولدیلر فرقان و قرآن کبی فرق وجع ایسه حالت واحده ده حاصل
اولمز مکر بالاعتبار اوله (سؤال اولور سه که نماز ده حضور و شهود
لازمدر حتی دیشلردر که حضور دل شرط استجاب دعا و سبب قبول
صلاتدر حضورک ادنی مرتبه سی (فان لم تکن تراه فانه یراک)
مقاله سندن مفهوم اولانددر که بو مرتبه دن ساقط اولسه بی روح اولان
بدن کبی اولوب صاحبیه اصلاً قائده سی اولمز (جواب بو در که مناجات
فی الجمله حضور و شهودی منافی دکلر و لیکن حضور و شهودک عریضی
وارد ادناسی مراقبه در که قلبک الله تعالیک اکا نظر نه علمیدر
واعلاسی رؤیتدر وکل ارباب مشاهده اگرچه عین الیقین و بلکه
حق الیقین مرتبه سنده صفات جمال و جلالی شهودله مستعد
اولمشلردر ولیکن هنوز نظر لرندن مستور اولان بطون غیبه کوره
ایمان مرتبه سندن خلاص اولمازلر انکیچون علم انسان حقلک کنهنی ابدی
محیط دکلر * و بردخی بودر که غلبه فنا لیه شهود تام حاصل اولسه
نماز قیام ممکن اولماز بوسیددن فخر عالم صلی الله علیه وسلم حضرت تلیینه
وحی الهی نازل اولدقده کنیدیلرندن غائب و حسدن منسلخ اولورلر
و استلقا ایدر لردی اصلی بودر که اول وقتده روح انسانی تدبیر بدنه
مشغول اولمغله بدک قیام و قعودنی حفظ ایدر نسته قالمیوب اصله

رجوع ایدر که لصوق بالارضدر خطاب ملکه حال بو اولیجی خطاب
حقده استغراق نیجه اولمی کر کدر قیاس اولنه و محکیدر که ابو یزید
بسطامی قدس سره بر دفعه فرق کون قدر مقام هیبتده حسدن مأخوذ
اولوب عبادته قادر اولدی حتی الله تعالی دن نماز ایده جنک قدر غفلت
طلب ایلدی زیرا بو غفلته استتار ممدوح دیرلر تکیم دیشلردر که حس
و عقل باقی اولدقجه تکلیف دخی قائمدر مغلوب اولسه تکلیف مر تفع
اولور پس مدار تکلیف حس و غفلتدر * و موسی علیه السلام دخی وقت
نجلیده مغشی علیه ساقط اولدی تکیم قرآنده مسطور در شودر
وارد در که نماز ایچنده شهود اکوان ایتک حضور مانع دکلر بلکه
مانع اولان حدیث نفسدر که اشتغال بالغیر در شهود مذکور ایسه بویه
دکلر زیرا انسان باطنده متجلی اولان صور دن انماض عین ایتکه قادر
دکلر و رسول الله صلی الله علیه وسلم دن مر ویدر که نماز ده جنت
وناری و اهل دارینی مشاهده ایدر لردی و بومقوله مشاهده نمازی قطع
ایدوب حضور دله مانع اولمز و بونده بر اشارت دخی بودر که منافق
صورت و فاقی جدادن خالی اولدیغی کبی غافلک حالی دخی بویه در
زیرا غافل دخی مناجات و نیازدن خالیدر دیشلردر که حرمان مناجاتی
موجب اولان نسته ارتکاب مباحاتده اسراف در * پس مناجات استینه
پرهیز لازمدر بومعنادن اوتوری مشایخ طریقت ارباب اراده ریاضت
ایله توصیه ایدر لر و خبر قدسیده کلور (تجووع ترانی مجرد تصل)
و دیشلردر که حیوانیتی انسانیتی اوزرنه غالب اولان کسه انعام دن اضلدر
تکیم قرآنده کلور (اولئک کالانعام بل هم اضل) و بونلر ظالم انفسه
مقوله سندندر (لحرره) نیجه بر ظلم ایده سن غفلات ایله نفسکه سن *
* کوشکه کر مدعی نکتة العدل حسن * والله الموفق *

در نماز و روزه و حج و زکات

بامنافق مؤمنان در برد و مات

بو کلام تخصیصدن صکره تعمیم قیامنددر زیرا منافق موافقه موافقتی بالکن
نمازده دکلر بلکه بحسب الظاهر جمع امور شرعیده انکله مشترکدر
* روزه * اورجدر صوم کبی تکیم واقمدر * بیت * روزه چون میداری
ای شیرین پسر * کز دواب بینم دهانت پرشکر * اوروجه روزه دیدکاری روز که

کوندرا کا اختصاصی اولاد یغندن اوتوریدر زیر آخرنده ها اادات
اختصاصدر هفته ده و پنجاهه اولان هار کی بوندن فهم اولنور که
صوم یوم شرعیدن اقلده اولماز نیکیم قرآنده کلور (ثم اتموا الصیام
الی اللیل) ولکن کسر نفس وطبیعت ایچون طعام بمیوب
برساعت دخی اولسون امساك ایتک سبب تقرب درگاه و آلائی کبریا در
وبوندن غیری دخی فقهده کلام واردر * حج * اصلنده قصد زیارتدر
تعارف شرعه اقامت نسک ایچون قصد بیت الله تخصیص
اولنشد * زکوة * اصلنده نمادری از کوة شرعه ده رجا برکت و یا تزکیه
نفس یعنی برکات و خیرات ایله نفسی تمییه واردر و یا خود نفسی تزکیه
دیمک رذیله بخلدن تطهر در وقاموسده کلور که زکات مالکدن اخراج
اندکک نسنه در مالکی تطهیر ایچون یعنی زکوة دیدکلی اوساخ
مالدر پس قچن مالدن زکوة اخراج اولسه مال وسخن دن خلاص
اولوب طاهر قالور * بوسیدندر که بنی ها شمه زکوة یوقدر زیر مالک
اوساخنی اخذ ایتک طهارت عرفلینه وحسبده عرافلرنه مناسب
دکدر * ولکن بعض فقهها لاجل الضرورة فقراء بنی ها شمه زکوة
تجویر ایتمشلردر * زیرا زمان اولده خمس الخمسدن حصه لری وار
ایدی صکره منقطع اولدی * زیرا شرفا چو خالدی ولکن سلاطین
عثمانیه بقدر الامکان معنای مزبور ایله عمل ایدوب الی الان اوچیوز
قدر ساداته بیت المال دن وظیفه و یرلر * برد * ضمه براق معنای کلور
بردن معناسنه که ایتکدر واسم امر در جنک وقتنده استعمان ایدرلر
صاقن و صاول دیمک کی و اوراق اول دیمکدر و بوندن غیری دخی
معنایی واردر ولکن بوراده غلبه معناسنه در که دست بردیمکدر *
زیرامات شطرنج بازلر اصطلاحندرتکیم محمدیه ده کلور * شاهی سورمه
بونطعه کبرله سن * اوله سن برپاده به شهمات * واشغه ده بازی لفظی
دخی اکاقرینه در والحاصل دست بردغال اولق و مات مغلوب اولمقدر
زیرا مغلوبیت هلاک حکمده در انکیچون دشمنه زبون و خصمه مغلوب
و غم و غصه ده گرفتار اولان کسه منامده کنندنی مریض و یا خود میت
کورر (معنای بیت) بودر که صلوة و صوم و حج و زکات و امثالی امور
شرعیده مؤمن مخلص اولنر منافق ایله بردوماده در * یعنی مخلصلر

منافقه غالب و منافق اولنر مغلوب در * زیرا اگرچه شرکت ظاهره لرنه
نظر اولنوب موطن دنیا حسبیه هر بری غالب کورینور فاما دنیاده معنی
و آخرتده حسا فرقلری واردر نیکیم کاسه کرکدر ارباب انکار و غفلت
و حجاب ایله اصحاب اقرار و یقظه و کشفک حاللری دخی بونلره قیاس
اولنه * بعد ذامنافق تخصیص اندی زیر مخلص ایله شرکت صوریه سی
واردر سائر کفار ایسه بویه دکدر * زیرا انلرک صوره و معنی مخالفلری
واردر * بوندن فهم اولنور که منافقین ایله دخی کفار کی محاربه اولنور
زیرا مخالفت باطنه لری اولدیغی کی فی الجمله مخالفت ظاهره دن دخی خالی
دکدر در انکیچون قرآنده کلور (جاهد الکفار و المنافقین و اغلظ
علیهم) پس انلرله ادنی مرتبه جهاد کلام غلیظ ایله در و دیمشلردر که
انبیاء علیهم السلامک ظواهر و بواطن عامه و خاصیه تسلطلری اولدیغی کی
ملوکک دخی ظواهر عامیه و حکماء الهیهک بواطن خاصیه و وعاظک
بواطن عامیه و عقلاک و هم و خیال و قرای شریه اوزرنه تسلطلری
واردر که بونلر ایله انفس و آفاکک شری مطلقا منافع اولور و ارباب
انکار ایله دخی محاربه قدیمدر زیر شرک خفی ار بایدر * و حدیثده کلور
(جاهدوا المشرکین باموالکم و انفسکم و استتکم) بوسیدندر که صوفیه
ایله انلرک ارا لرنه بروقنده مسالمه واقع اولدیغی یوقدر (محرره)
اولدیلر چونکه اهل کفره بدل * مستمر اولدی انلرله جمدل *
منکره سوبله حرف علتی * الف الفقه قلسون مبدل * قلمز یسه مجوف
ایدوب آتی * نیره دل ایله تاجانی دل * و بوندن اخذ اولنور که نفس اماره
هرچند اهل سلم اولوب اسلامی قبول اتسه ده ینه شفاقدن خالی دکدر *
پس هواسنی بالکلبه قع ایدنبجه مجاهده لازم در زیر کافر در که زناری
باطندندر انکیچون عین العارفین ابو یزید بسطامی قدس سره مدت
طوبله مجاهده دن صکره دیده باطن ایله نفسنه نظرا یتز کده کوردیکه
باطنندن زنار قوشا نمشدر بوقدر ایام دخی کر بسته مجاهده اولدی
تا که (ان الله اعانی فاسلم) رتبه سن بولدی (محرره) دیدیلر
اشبو نفس شریرک * اصل وضعنده بوقدر ایمانی * غالب اولوب هواسی
ایله او بد * کافر ایله نیجه مسلمانی * کیم ایدمه آتی مسلمان آخر * مکر اوله
مدد رحمانی * و ناظم قدس سره امور مذکوره بی تخصیص ایلدی

زیرا نمازك اصلنده مو ضوعیتی کبر نفسی ازاله ایچوندر و لیکن منافقك
کبری باطندر انکیچون تواضع ظاهر نه التفات اولندی و کبر عبودیتك
ضدیدر بریده حقیقت عبودیت اولسه اول حاله تعلق دیرل تواضع
دیرل پس تواضع تزکیه اهلنك شایندر وزکاة بخل نفسی رفیعچوندر
و بخل صفت منافقدر نیکم قرآنده کلور (و یقبضون اید بهم) و انفاق
اندکاری صورته دخی کراحت ایله انفاق ایدر ل نیکم قرآنده کلور
(ولا یفقون الا وهم کارهون) صدقات و مبرات ایسه طیب نفسه
مقارن اولدجه قبوله قرین اولماز انکیچون حدیثه کلور (طیبة بها
انفسکم) و صوم ریاضت ایله طبیعتی اصلاح و تحسین اخلاق ایچوندر
ولیکن منافقده حقیقت صوم یوقدر انکیچون بدخودر و اهل نفاقك
ارباب اخلاصه اندکاری اذی و جفایاری سوره توبه ده و غیری
مواضعده مسطور در و حج مشترکدر زراهم مال و هم بدن ایله در
و منافقدر بو ایکبسی ایله حقیقت خدمتدن محروملر در انکیچون بریسی
بیمه الرضوانه کلبوب تشاقل ایلدی و دوه سی اردنده اختفا ایلوب
مبیعه دن محروم اولدی و نیچه ل دخی وقعه احده فرار ایلدیلر و مار
و بدنه ضرر توهم اولمان مواضعده قعود ایچون دائم استیذان ایدرلردی

✽ مؤمن را برد باشد عاقبت ✽

✽ بر منافق مات اندر آخرت ✽

* عاقبت * عقیدندر عقب قافك کسر یله مؤخر الرجل در که ترکیده
اوکجه دیرل صکره هر نسندنك آخرنده استعمال اولندی و عاقبت مطلقه
جندر زیر دنیانك مقصود بالذات اولان عاقبتیدر جهنم ایسه بویه
دکدر یعنی جهنمك عاقبت اهل نار اولدیخی سوء اختیارلرندن اوتوریدر
پس جهنمك عاقبت دار دنیا اولدیخی مقصود بالذات دکدر بوراده
عاقبت ایله مراد دار آخرتدر نیکم قرینی اکاشاهددر * آخرت * بومقوله
کله لرده استعمال عجم اوزرنه حالت وقفده تامقوطدر دار آخرت
دیمکدر یعنی حقیقتده دارك صفتیدر نیکم قرآنده کلور (تلك النار
الآخرة) ولیکن صفت غایبه دن اولمشدر دنیا لفظی دخی بویه در
و قرآنده موصوفدن مجرد کلور (وبالآخرة هم یوقنون) کبی آخرت
آخرك تأنیثیدر آخر کسر خالّه اولك مقابلیدر وجه تسمیه دنیادن

تأخیرد ربیعنی دنیادن صکره خلق اولمشدر نیکم دنیادیمك قریب
ودانی اولمغله در و دنیا به اولی دیمك آخرتدن اول خلق اولمغسته کو ره در
زیرادیمشدر که فلك اعظمك حرکاتندن اللی درت بیک بیل مرورایتد کده
دنیا خلق اولندی و خلقت دنیادن طقوز بیک سنه دخی مرورایتد کده
آخرت خلق اولندی و آخرتدن مراد جنت و ناردر قیامت کونته یوم
آخر دیدیلر زیر آخر الایامدر یعنی اوقات منقضیه نك آخری اولان وقت
دائم وزمان ایددر (معنای بیت) بودر که عاقبت و آخرته مؤمنلرك
منافق اوزرینه غلبه سی اولور نیکم منافق اوزرینه اول وقتنده مات
و مغلوبیت حاصل اولور زیر اخلص جنت و قربت و وصلت و رؤیت ایله
منعم و مکرم و منافق جهنم و بعد و فراق و حجاب ایله معذب و مهان
اولور خصوصاً که مخلص ایچون جنت مبرات دخی وارددر جنت
مبرات اهل نارك جسته اولان مقابیدر ایمان تقدیری اوزرینه نیکم
قرآنده کلور (تلك الجنة التي نورث من عبادنا من كان تقیاً) زیرا
دیمشدر که افس و جن بر شخص بوقدر که انك جنت و نارده برر موضعی
اولیه و لیکن اهل نار اهل جنتك کفر تقدیری اوزرینه نارده اولان
مترلرینه وارث اولماز ل بودخی رحك سبق غضب ایتنددر تفصیلی
مولانا فتاریك فاتحه نفس برنده در پس شول کسه که مقصود اعظمه
ظفر بوله و دشمنك برینه وارث اوله دشمنه غالب اولمش اولور و دشمن
اکانسبتله خائب و خاسر اولوب مغلوبیت بواور بونده اشارت وارددر که
مؤمن حقیقی اولان کسه که مخلص و مخلصدر کسر لامله و قحله یعنی
صفات و ذاتده اثبیت و شرکدن خلاص کلی بولمشدر دوروی و شرک
اهلی اوزرینه آخرته عابدر زیر شرک خفی اهلی جنته کردکاری تقدیر
اوزرینه اخلاص توحید اهلنك مقامن بولمزلر که استغراق تجلیدر
و اهل آخرت حقیقتده اهل الله دیمکدر زیر آخرت لفظنده تا عارضدر
آخر ایسه الله تعالی در نیکم قرآنده کلور (هو الاول والاخر) پس
واجد حق ایله واجد جنت بر اولماز بلکه اولکی ایکجی اوزرینه راجح
و غالبدر زیر الهی اولان جمیع اشیایی بولور فلما جمیع ماسوایی بولانگاه
اولور که الهی بولماز سلوککنده ناقصلرکی و بونا قصلر اگرچه مقامات
کلی کوزلر ولیکن قیامتده حرمانله الدانورلر زیر اول مقاماته

اهلیت لری یوقدر (لحر ره) یوغیکن سنده قوت بازو * منزل تیری
آر سن قتی دور * اهل قریه دیه لر چون بری کل * دیه لر اهل بده وار اوتی طور
* کرچه هر دو بر سر یک بازیند *

* هر دو با هم مروزی و رازیند *

بعض نسخده شریک دوشمندر * سر * باش و اوج و هوس و * یک * بر در
ظاهر اولان بودر که شرکندن اولان شریک لفظی اگر بعض نسخ
عقبده مکتوب بدر و لیکن تصحیفه محمودر ز بر مصدرله تأویله محتاج
اولغله تکلف وارد در مع هذا نسخه دیگر انک مؤداسنی تأدیه ایدر * بازی *
باء اصلیه ایله او یوندر لعب کبی * مروزی * فتحله اصلنده مروشا هجانه
منسوبدر که کراسی خراسانک بریدر ز بر کراسی خراسان در تدر بری
ذکر اولان مرودر و بری دخی نیسایور و بری هرات و بری بلخ در
مروی شاهجانه اضافت ابتدکاری مرو و روز شهرندن تمیز ایچوندر که
ایکینسک مابینی قرق فرسخدر مروی اسکندر ذوالقرنین بنایتمشدر
شاهجان روح الملک دیگدر نسبتده زای زیاده ایدوب مروزی دیدیلر
ریه نسبتده رازی و اصطخره نسبتده اصطخرزی دیدکاری کبی و لیکن
بوز یاده عند اکثر اهل العلم بنی آدمه مخصوصدر انکیچون فلان مروزی
دیرلر فاماثوبه و سائر متاعه کوره مروی دیرلر راء مهمله نک سکو نیله
* رازی * ریه منسوبدر ری بلاد دیکلک مشاهیرنددر که قومس ایله جبال
اراسنده واقع اولمشدر زای مروزیده کی کی زاندر علی غیر القیاس و قطب
الدین الرازیدن منقولدر که مدینه ریه نسبتده لائق بوایدیکرینی دیه لر
زای زیاده نک سبی بودر که اول اقلیم ده ایکی پادشاه و ارایدیکه برینه ری و برینه
رازدیرلردی ایکیسی اتفاق ایدوب ری شهرنی بنایتمشدر و لیکن تسمیه ده
رازلری اراسنده اختلافه دوشدیلر صکره بونک اوزرینه قرار
و یردیکه ری تسمیه اولوب رازه نسبت اولنه و بو وجهله ایکینسک
دخی اسملری رعایت اولوب السنه ناسده دورایده ذکره ابن
الخطیب فی هامش الروضة * و ملح اخبار و لطائف آثارنددر که بر زمان ری
شهرنده بر روستایی یاغلو بغرسق صاتون آلوب قو اتوغنده
کتورر کن ازدحام ناس ایچنده دوشوب بغرسق اسمی کندنه معلوم اولیق
حسیله همان میزان علمن انه آلوب بوله دیوندا ابتد * یها المساکنون

بلده ری * هل و حدم بمثل هذا الشی * بعدذا بویته و او منفصله در که
او معناسنده در زرا مانعة الجمع در مکر مکی مدنی قیلندن اوله تکم اصول
حدیثده میبندر * و مصر اعرانی تمثیل طریقله در (معنای بیت) بودر که
کرچه مختص و منافقندن هر ایکیسی بر او بونک شرکتی اوزرینه در یعنی
بر او یونده مشترک اولمشدر و یا خودهر ایکیسی بر او بونک هوسنده
و سوداسی اوزرینه در کویا ایکی سده مرو شهرنه و یاربه منسوب لدر *
یعنی ایکی سیده بر شهر لودر جوابی بیت آتیدر معلوم اولاکه نمازه
وامثالنه بازی دیدیکی بردومات اعتبار یله و یا بطریق التغلیب در
زیرا منافقک نمازی و سائر امور شرعیه سی بازی مقوله سندندر که انده
غرض صحیح یوقدر تکم برکسه بر فعل ایله مقصد صحیح قصد ایتسه
لعب فلان دیرلر * بونده مرو و راز شهر و جوده اشارتدر یعنی اهل حجاب
ایلله اهل کشفک وجود و مضافات وجودده بری لر یله اشتراکاری احوال
قلیه ده دخی اشتراک لری مستلزم دکلدر * ز بر اجد عالم ملکدن و قلب
عالم ملکوتندر انکیچون جسده امور شهادیه و قلبه احوال غیبیه غالبدر
و روحه محمول اولیق دخی بعید دکلدر بوصورته فلاسفه و رهابنه کبیرله
اهل اسلامک مکاشفات روحانیه لرنه اشارت اولور یعنی کرچه طوائف
مذکوره نک مکاشفات روحانیه ده اشتراکاری وار در زیر اسرار
روحانیه معقولات مقوله سندندر و معقولات مؤمنه و یا کافره
اختصاصی یوقدر روحک اختصاصی اولم دخی کبی و لیکن مهبط
انوار ربانیه و اسرار حقانیه و معدن مشاهدات و حقائق علوم لدنیه
اولیق مؤمن و موحد و مخصوصدر * و بودخی بعید دکلدر که مولانا
حضر تلی بویته مروزی ایلله کندی نفس لرنه و رازی ایلله امام
فخرالدینیه اشارت ایده ز بر مولانا نک مسبقط رأ سلی اولان بلخ
کراسی مرونددر تکم بالاده اشارت اولندی و فخرالدین رازی که
تفسیر کبیر صا حیدر بلخ ده و اعظ سلطان ایدی نفاق ایدوب
مولانا نک پدری سلطان العلماء نک جمیع اتباعله بلخ دن جلاوطن
ایتمسنه سبب اولمش ایدی پس مولانا ی مختصک فخرالدین دوروی
و خسود و بدخویله وطنده و علوم ظاهره ده و بعض احوالده اشتراکاری
حقیقته انفراد لری منافی دکلدر * ز بر مولانا نک وطنی (لا تکن زمانیا

تکم اشفه ده بوما
جرایه متعلق بعض
تعریضات کلسه
کرکدر

ولامكانيا) سریدرومرجی مقصد قدر و هجرتی الله تعالی یدر
 وفخرالدین ایسه بویله دکلدر فاین ایدهمان الآخر (لحرره)
 نه روا در بو قدر زورله شیر * اوله خرکوشه جهان ایجره اسیر *
 کیمکه نفس بده اطاعت اید * بوجهاندن فضا حیلله کیده * طوته لم
 نامه دنلش امام * نفعی نه اولسه نفسله بدنام * پندیرانه دلرک ای یار *
 اولایه طوقنه وار زنهار *

﴿ هر یکی سوی مقام خود رود ﴾

﴿ هر یکی بروفق نام خود رود ﴾

* مقام * فتحله اصلنده موضع قیام در صکره جمع امکنده استعمال اولندی حتی
 موضع قعودده دخی مقام دندلی اوراده اصلاقیام بوانمزسه ده پس معنای عامده
 استعمالی شایع اولان خاص قیلمندن اولور (معنای بیت) بودر که هربری کند
 مقیمی جانبته کیدر کندی نامی و مقتضاسی و شانی موافقی اوزره مثلاً ایکی
 کشی مرو شهرندن اولسه لوربری مؤمن وری کافر اولسه بر شهردن اولمده
 اشتراکری وار یکنینه هربری محله سنده منزل مخصوص و خانه مهودینه
 کیدر مؤمن اولان مسلمان محله سنده اولان مقامنه و کافر اولان دخی کفره
 محله سنده اولان مفرنه نازل اولور زیرا عموم و خصوص اوزرینه
 ناملرینک مقتضاسی بودر مؤمن و کافر دینلور و خصوص اوزرینه
 بودر که مثلاً محمد و قسطنطین و بابوالقاسم و ابو جهل دینلور الحاصل
 صورت انسانیه ده اشتراکری مقامده اشتراکری مستلزم دکلدر زیرا
 میانده فارق واردر که ایمان و کفر و تغایر اسمادر پس آخرت حالی دخی
 دنیا حالته قیاس اولسه یعنی آخرتده مؤمن کندی مقیمی اولان جنت
 اعلا جانبته کیدر * زیرا نامنک مقتضاسی بودر و کافر دخی نار کبری
 طرفته کیدر * زیرا انک دخی نامه موافق اولان منزل اودر خصوصاً
 مؤمن کامل اعلا درجته مثلاً طبقات جنانبه دن فردوس و یاعدنده
 منع اولد یغی کی منافق دخی اسفل درکاتده یعنی منازل نار به دن
 هاویده معذب اولور نتکم قرآنده کلور (ان المنافقین فی الدرك الاسفل
 من النار) الحاصل دنیاده بر مؤمن بر کافرا یله و طنده مشترک اولمق محله ده
 و خانه ده اشتراکی مقتضی اولد یغی کی آخرتده نعیم و عجمیده دخی
 شرکی مستلزم دکلدر * یعنی نه مؤمن کافرا یله جهنمده معذب ونه خود

کافر مؤمن ایله جنتده منع اولور زیرا ایمان و کفرده اولان تفاوت
 بو شرکته مانع در مخلص ایله منافقک حالی دخی بویله در بعض منافق
 مخلص ایله اعمال قابیه ده مشترک اولمغه ثوابده دخی شرکت لازم کلز *
 زیرا آخرت عالم مسقدر که هر کسک دنیاده قلوبک صفتی و حالی ایسه
 اوراده او ظاهر اولور نتکم قرآنده کلور (یوم تبلی السرار) وحید شده
 کلور (ان الله لا ینظر الی صورکم و اعمالکم بل الی قلوبکم و نیاتکم)
 پس اخلاص و نفاقده اولان تفاوت دخی شرکت مانعده * و بونده
 ایکی وجهله اشارت واردر (اولیکسی بودر که هر کسک عندالله و عندالناس
 نامی واردر اگر عندالله نامی مؤمن ایسه عندالناس اولان نامه اعتبار
 اولمز و کافرا یسه ده بویله در * زیرا مؤمن واردر که خاتمه سنده شقاوت
 فایه نک اثری ظهور ایدوب سعادت عارضه سنده دائر اولان اسمی زائل
 اولور نتکم حدیثده کلور (انما العبر بالحوالیم) و بعض کبار پیور مشلدر که
 شهر یلک نامز شودر و لیکن عندالله نه ایدوبی معلوم دکلدر اگر قولدر
 دیر ایسه اول وقتده عبد الله اولور زیرا دیمزسه و افضاحتاه بوقفیر
 حرم نبویه مجاورتم حائده بر کون سرمبار کده مراقب ایکن کورد مکه
 هر کسک اسمی تقش اولسون یرنده میسر دینلور فی الواقع تقش
 اولد قدده اکثر ناسک اسمی یرنده بولیموب خسارت عظیمه ظاهر اولد قدده
 بر فقیر دخی اول مقام هیته علی الفور اسمیه نظر ایدم کورد مکه یرنده در
 حامدا لله تعالی بشریتیه کلام و بومقام زیاده مخوف یردر ثبنا الله
 وایاکم علی طریق و تدارکنا بفضله و توفیقه (ایکنجیسی بودر که
 صوفیه قاتنده اسم تعیین ایتکدر یعنی اسم مسمانک تعیینندن عبارتدر نتکم
 قرآنده کلور (و علم آدم الاسماء) زیرا حضرت آدم علیه السلامه تعلیم اولنان
 بالکز اسماء دکل ایدی بلکه اسمانک مسمیات دخی احضار اولوب
 اشارت حسیه ایله اشارت اولمشلرایدی اصلی بودر که اسم مسمایی سائر
 اسمایه کرره تشخیص ایدر فی الحقیقه مسمایی سائر مسمیاتدن تشخیص
 ایدن ایسه ینه مسمادر یعنی عوارضی اعتبار یله پس هر کس کندی اسمی
 یعنی تعینی مقتضاسی اوزرینه جاری اولور زیرا اصلنده استعدادی
 مجعول دکلدر و عین ثابته سنک احوالی نه ایسه خارجده ظاهر اولان اودر
 انکیچون حدیثده کلور (اعملوا فکل میسر لما خلق له) پس اگر (هؤلاء

فی الجنة ولا ابالی) ده داخل ایسه انک اعمالته میسر و عهدها اولوب مقامی
اولان جنته و خصوصاً مقصد صدقه کیدر واکر نهوذ بالله (وهؤلاء
فی النار ولا ابالی) ده داخل ایسه ینه انک حکمی اوزرینه جاری اولوب
مقری اولان جهنمه و خصوصاً درک اسفله کیدر (یضل من یشاء و یهدی
من یشاء) پس بوتقریردن مصراع ثانینک معناسی ورود و لفظنک
مفهومی مقرر اولدی (لحرره) بوچنده دکلم خود روبن *
پرورش بویه و برادی حقندن *

﴿ مؤمنش خوانند جانش خوش شود ﴾

﴿ و منافق کوبی بر آتش شود ﴾

* مؤمنش * ده و جانش ده اولان ضمیر کساندن برکسهر اجددر آتش ایله
مراد غضبدر که آتش کی تیز و علو اندازدر انکیچون منامده کورنسه
حرارت و غضبه تعبیر اولنور (معنای بیت) بودر که برکسهدی مؤمن
اوقسهلر و مؤمندر دیسهلر بوسوزدن جانی خوش اولور و حظ ایدوب
صفابولور واکر منافق دیسک آتش غضبه پر اولور و بوسیددن
قلبنده انقباض بولور تنگم سری اشغوده کسه کر کدر بعد ذاه مؤمن
مخلصه مؤمن دیمکله خوش اولدیغی کی منافقه دخی مؤمن دیمکله خوش
اولور ولیکن منافقک خوشلغی خلقندن عارنددر والا اهل کفر و نفاق
یائنده ایمان صفتی مغوضدر انکیچون ربیهودینک بر مسلماننه مخاطبه سنده
گاستنده کلور * جهود کفت بتوراة میخورم سوکنند * اکر خلاف کنم
همچوتو مسلمانم * ولیکن مؤمن مخلصه منافق دیسهلر ایکی وجهندن
خالی دکلدرا کر نقصان اهلی ایسه منقبض واکر کمال اهلی ایسه منبسط
اولور انکیچون دیمشدر که اهل حجاب اولان مؤمنلر کندیلربی
اعتیاب ایدن کسهدن متأذی اولور لر زیر سوبیلن عیب کندیلرند
موجود اولدیغین مشاهده ایتزلر مکر وراء حجابدن مشاهده ایدر
بونکله ایسه انقباض مندفع اولماز اهل شهود اولنلرک حالی ایسه بویه دکلدرا
یعنی اهل مکاشفه جمیع اشباتکیمی بالفعل وکیمی بالقوه کندیلرند موجود
اولدیغن مشاهده ایدر لر ولیکن بوصفوت جمیع اسمائک حقایق ایله
متحقق و جلّه اخلاق آهیه ایله متخلق اولدندن صکره در پس الله تعالی به
ولدو صاحب و امثالی عیوب اسناد ایدر لر که ذات کریمی اندن مبرا و منزهدر

الله تعالی ایسه بواسطه منأذی اولماز کمال حالی دخی بویه در مع هذا
کمالک بالفعل کالی عبوبک وجودنی منافی دکلدرا زیر اسم جامع یوزندن
اضدادی جمع ایتشدر الحاصل اوصاف متضاده بالقوه انسان کاملده
موجود در و یا خود انسان کامل جمیع افراددن عبارت اولغله انلرده
بالفعل موجود اولان صفات مختلفه انسان کاملده دخی بالفعل موجود حکمنده در
پس انسان کامل بر وصف بدایله وصف و یارب عار و عیب اولاجق نسنه به
نسبت ایتسدر متأذی اولماز و اثرده کلور (الکلام صفة المتکلم) و مثله کلور
(کل اناء بما فییه یطبخ) فاعرف السر ولا تنظر الی الشر بعد ذاه خوانند
لفظنی جمع ایراد ایلدی تعظیماً زیرا مؤمنک داعیسی چوقدر و غائب کتوردی
شبین ضمیرینه مطابقت ایچون وکونی لفظنی مفرد ایراد ایلدی تحقیراً
و قبیحی لسانه کتورمدن احترازاً و خطاب کتوردی زیر اظهارده خلافی
مقتضی بو قدر اگرچه که حقیقته تقدیری واکر منافقش کونی دیمکدر
(لحرره) سبل غمدن طوئه کور سینه کی صاف * حال در بیه باقی ایله انصاف *

﴿ نام او محبوب از ذات ویست ﴾

﴿ نام این مغوض از آفات ویست ﴾

* او * مؤمنه را جدر دقایقه کلور که اولسان فارسیده ضمیر غائب منفصلدر
عربیده که هو کی جمعی ایشندر اصلی اویدر کاه اولور که الف حذف ایدوب
واوه حرکت و یروب وی دیرلر کاه اولندن الفی و آخرندن بایی حذف ایدر لر یا لکر
واو قالور و اوی یا لکر استعمال ایتلور و لیحق ساکنله ابتداء متعذر اولغین
اخف حرکاتدن اولان فتحه ایله تحریک ایدوب و رادیرلر اما چنانکه اولنده
کلمه آخری اولسه تحریکه حاجت قالماز اول و اوی حالی اوزرینه ابقا ایدوب
سکونله استعمال ایدر لر مثلاً کو دیرلر اصلی که اودر اولفظنک آن دن فرقی
واردر آن بعیده اشارت ایچوندر ذلک کی عجم آنکس دیرا و کس دیمز و آن
زیدرا بکوی دیرا و زیدرا دیمز یعنی آن لفظنک مداولی مجرد اشارتدر که
مشار الیه اولان اسم مبهم اولسون کس کی و کرکمه عین اولسون زید کی
اولفظنک مداولی ایسه شی مبهمدر پس غیر مبهمه و یامینه دلالت ایدن
اسمه جمعی جائز دکلدرا آن ده جائز اولدیغی کی این قریبه اشارتدر عربیده
هذا کی بوراده منافقه اشارتدر * مغوض * مغفور دیمکدر (معنای بیت)
بودر که مؤمنک نامی کنیدی ذاتدن محبوبدر امر عارضی ایله دکل زیرا

فطرت اصلیه مقتضای اوست که ذاتی و حقیقیدر منافق
نامی ایه کندی آفتابی سبیل به منفور در امر ذاتی ایل دکل زبر اسوء اختیار به
فطرت اصلیه بی تغییر ایدوب منافق اولمشدر پس اول اسم عارضیدر
نتکم حدیده کلور (کل مولود یولد علی الفطرة ثم ابوا یهودانه و ينصرانه
و یمجسانه) سؤال اولور سه که شول ارل که انک ابوبنی یوقدر اکا کفرندن
کلور (جواب بودر که مقصود یهودیت و نصرائیت و مجوسیتک ظهورندن
صکره مولود اولانک حانی بیاندر پس بوادیان باطله دن قطع نظر دخی
کفر جائزدر شیطانتک کفری کبی وقابیلک کفری دخی بوقیلنددر زبر اول
وقته بوادیان باطله یوغیددی اگر چه ابوبنی واریدی و بویه دیمک دخی
جائزدر که شیطان آتش و هوادن مخاوق اولغله آتش انک والدی و هوا
والده سی کبی اولوب ایکیسندن تولد ایلدی بس شیطان دخی ابوبینه منسوب
اولوب آتش و هوانک حکم غالی سبیل به کافر اولمشدر * بونده اشارت
واردر که نام محبوب اولیحق نام صاحبنه مضاف اولان امورک سائر لری
دخی محبوبدر مغرض اولان دخی بوکافیهاس اولنه بوسیدنددر که جمیع
انبیا و اولیا حسن الاسمدر * نتکم تحقیقی تمام الفیض نام کتابمزه در و گاه
اولور که اسماده اتفاق واریکن اخلاقده اختلاف بوانور نتکم فرزدق
شعرنده کلور * وقد تلقتی السماء فی الناس والکفی * کثیرا ولیکن فرقوا بین
الخلایق * و بوندن فهم اولنور که سعادت عارضه شقاوت اصلیه به مانع
و شقاوت عارضه سعادت ذاتیه به مراحم دکلدر پس مبعوض اولان کسه نک
اگر سبب بغض و نفرتی عارض اولوب صکره مقام سعادتیه قدم بصرسه
محبوب و مرغوب اولور و بلکه اول بغض و نفرت حائده بله اوله در * زیرا
سبل دریایی بولاندن من و عارض اولان نسنه ذاتی اولانه معارضه اتمز پس
محبوب ازلی اولان محبوب ابدیدر و اگر سبب بغض اولان نسنه ذاتی ایه
یعنی شقاوت اصلیه نک اثری ایه متغیر اولماز و سبب حب و رغبت عارض
اولدیغی صورت دخی بوکافیهاس اولنه یعنی بصورتده محبوب ایکن
مبعوض اولوب شقاوت اصلیه سنک حکمی ظاهر اولور الحاصل عارض
اولان سعادت و شقاوته اعتبار یوقدر آفات عارضه ایل فطرتی تبدیل ایدن
کسه ینه شقاوت اصلیه حسبله در فافهم

میم و و او و میم و ونون تشریف نیست
لفظ مؤمن جز بی تعریف نیست

تشریف شریف و عظیم قلمی و شریف عدایمک و شرفه نسبت ایمک
* لفظ * اغزدن چقان سوزدنه اولور سه * مؤمن * ایماندر ایمانک همزه سی
اصلنده تعدیه ایچوندن مخبری تکذیبدن امین فلق معناسنه و صبرورت
ایچون دخی اولور غیر تکذیبدن امن صاحبی اولدی معناسنه حق تعالی به
مؤمن اطلاقک وجهی بودر که جمله امن و امان انک جهتندن مستفاددر
و عبده مؤمن دیمک حق تصدیق و خلق انک جائزندن امین اولغله در
باقی تفصیل مخلصدن مطالعه اولنه (معنای بیت) بودر که میم و و او و میم
ونون که درت حرف در و مؤمن لفظنک ماده سی و اصلیدر بونلر تشریف
و تعظیم دکلدر یعنی شرف و عزته دلالت اتمز زیرا الفاظک شرفی
معنائله در و الا اصوات حیواناته ملحق اولور مؤمن لفظی تعریف و تعلیمدن
غیر ایچون دکلدر نتکم اولاد ایچون وضع اولن ان اسمای بری رلندن تمیز
و تشخیص ایچوندن براوغلانک که اسمنی ارسلان و اسد و امثلی ایل
تسمیه ایتسلر صکره نفسندن شجاعت و یاسخاوت اثری ظهور ایتسه
تعریف مجرد ایچون اولمش اولور پس مؤمن لفظی اطلاق اولن ان
کسه نک دخی قلبنده تصدیق بوانور سه حقیقه مؤمن اولوب لفظ
و معنی بری بویه متطابق اولور و لفظ دخی معنائک شرف ذاتیسنندن
شرف عارضی بولور و الا بالک لفظ ایچون حروف مجرده اولدیغی جهتندن
شرف بوقدر و سائر اوصاف دخی بویه در مثلا زمانمزه بعض اشخاص
ایچون صالح آدم در دیرلر ذاتنده صلاح شرعی اولیحق اول وصف
کذب اولور زیرا صلاح حقیقته انبیا و اولیا صفتیدر نتکم قرآنده کلور
(والحقنی بالصالحین) و هویتولی الصالحین) زیرا حق تولى ایتدیکی
کسه صلاح معتبر ایله صالحدر و بونده غیر کلام دخی وارددر که روح
البیان نام تفسیر یمنزه سوره یوسفده مسطوردر و بونده اشارت وارددر که
الفاظ مجرده عاریه کبیدر و امور مستعارده شرف بوقدر و بلکه بقدر
اسماء و الفاظ و اریسه صوفیه قائنده جمله سی مجازدر یعنی علماء رسومک
حقیقت و مجاز اطلاق ایتدکلر ینک مجموعی مجازدر تفصیلی بودر که اسماء
ایکی نوع او زرنه در بری اسماء مجازیه و بری اسماء حقیقه در اسماء

مجازیه اودر که لسان ایلہ مقرو و معمله مسموع و قلم ایلہ مکتوب و قلب ایلہ محفوظ اولہ اسماء حسنی کبی فاما اسماء حقیقیہ مقرو و مسموع و مکتوب قبیلندن دکلدر (سؤال اولنور سہ کہ بوقدر حقایق کہ لسانہ و قلمہ کنور رر جملہ سی مجاز اولق لازم کلور) جواب بودر کہ لسانہ و قلمہ کلن حقیقیہ صرفہ نک اواز میدر والاتس حقایق سر انسان ایلہ قائم در پس حقایقہ دلالت لوازم مقیدہ نک جملہ سی مجازدر حضرت موسی ایلہ خضر علیہ السلام اراستہ جاری اولان رموز و اشارات دخی علم لدنی انک حقایق دکلدر واسم حقیقینک اوج مرتبہ سی واردر (اولکیسی مراتب آتہ در بومر اتبہ اسم حقیقی ذات بختدر کہ مرتبہ احدیتدر و آتہ در کہ مرتبہ واحدیتدر پس اول باطن واسم ثانی ظاهر در) و اینکیسی مراتب کونہ در بومر اتبہ اسم حقیقی باطن قطب زمان واسم حقیقی ظاهر سلطان الوقدر (واو پنجیسی مراتب لفظیہ در بومر اتبہ اسم حقیقی باطن لفظ جلالہ در کہ الله اسمیدر واسم حقیقی ظاهر رب اسمیدر زیرار بوبیت مبدأ فیضدر ولیکن بونلک حقیقی اولدیغی حقیقتلری و سمالری اعتباریہ در والالفظ جهندن اسماء مجزیہ دندر زیرامقرو و مسموع و مکتوب و محفوظدر نتکم اشارت اولندی و مجاز قنطرہ حقیقتدر اگر اعتبار مجازمر تفع اولسہ حقایق باطل اولق لازم کلور نتکم دیشلدر کہ (اولا الاعتبار لبطلت الحقایق) و شیخ مغربی دیوانندہ کلور * کجاشود بحقیقت عیان جمال حقیقت * اگر مظاهر و آیینہ مجاز نباشد * بوندن ظاهر اولور کہ اشیاہ ظاهر اولان وجود ظلیدر مرآتہ ظاهر اولان صورت کبی و حقیقت بونک وراستہ در نتکم دیشلدر (الآن علی ماکان علیہ) یعنی کثرتک ظهوریہ و وحدتہ تغیر کلمشدر حال وحدت اولکی مرتبہ سندنہ در فاعرف (لمحرره) طوتمہ بو کثرتی هرگز مسکن * جانب وحدتہ عزم ابتایرکن *

﴿ کر منافق خوانیش این نام دون ﴾

﴿ همچو کردم می خلددر اندرون ﴾

* دون * ادنی مکان من الشیء دیمکد ز یقال دون ذلک اذاکان احط منه قلیلا صکره تفاوت احوال ورتبہ دہ استعارہ اولنوب زید

دون عمرو فی الشرف دیدیلر صکره اتساع اولنوب هر تجاوز و تخطیہ استعمال ابتدیله و قاموسدہ کلور کہ دون شرف و حبیب معناسندہ کلور اضداد دندر بورادہ مراد نایدرد قایقہ کلور کہ دون دانا مقابله سندنہ مستعملدر نتکم کلور * بوایش دانالری قیلور جکر خون * قیاس ایت قانده قالدی دیکہ بردون * بوقفیرک فہم ایتدیکی بودر کہ داتانک مقابلی ناداندر عالمک جاهل اولدیغی کبی ولیکن نادان اولانہ دون اولق لازم اولغله دون دانا مقابله سندنہ استعمال اولادی بو مقولہ علم بدیع دہ ملحق بالطباق دیرلر نتکم قرآنکہ کلور (وامامن یخل واستغنی) یعنی استغنائک آیت اولی دہ اتقایہ مقابل اولدیغی استغنائک عدم اتقای مستلزم اولسندہ کورہ در پس ایکی نسنہ نک اراستہ نوعا لزوم اولسہ احدهما آخر مقامنہ قائم اولور نام دون مابعدنہ مرہوندر و نام دون ایلہ توصیف دالی مدلولک وصفیلہ توصیف قبیلندن زیرا منافق فی نفس الامر دون و دنی اولغله انک متصف اولدیغی معنایہ دلالت ایدن لفظ دخی بالتبع دون اولدی نتکم اسماء حسنی دیمک دخی مداول و مسماک محاسنی اعتباریہ در الحاصل اسمانک حسن و قبحی لذاتہا دکلدر زیرا الفاظ واصواتدر بلکه حسن و قبح معانی سندن او توریدر پس سستار و غفار و رحیم و امثال اسمانک حسنی معنای احسانہ دلالتی حسیلہ در نتکم کافر و منافق و زندیق و نظاری اسمانک قبحی معنای انکارہ دلالتی حسیلہ در * کردم * زای عجبیلہ عقرب معناسندہ در دیشلدر کہ عقرب مبتی و نائم ضرب ایتز مکر حرکت ایلہ و گاہ اولور کہ یلانی ضرب ایدوب یلان انک ضرر بدن هلاک اولور آنکیچون عارۃ الینی شعرندہ کلور * ولا تخف کیدا ضعیفا فرما * قوت الافاعی من سموم العقارب * دیشلدر کہ عقربک ولادت معروفہ سی بوقدر بلکه وقتی کلد کدہ اولادی احشاسنی اکل ایدوب طشرہ چیقرلر و کندوسی هلاک اولور مر ویدر کہ رسول الله صلی الله علیہ وسلم نماز قیلور کن عقرب صوقدی بعد الفراغ بیوردیلر کہ (لعن الله القرب ماتدع مصلیا ولا غیرہ ولا نبیا ولا غیرہ الا لدغته) پس نعلن الوب انکله اول عقربی قتل ایلدی و مسوع اولان محله طوڑلو صو سوردی و اخلاص و معوذتین او قدی و حدیثہ کلور کہ برکسہ اخشام اولدقدہ (اعوذ بکلمات الله التامات کلہا من شر ما خلق) دیسہ اکا

عقربدن ضرر اولیه یعنی صوقر سه ده ضرر کور میه و دیملردر که فند قدده
اول خاصه وارد که الم ماسوعی دفع ایدر انکیچون به ضیلر مبان بندلرنده
یعنی فوشاقلرنده و یاغیری برلرنده فندق کوتر لر و دیملردر که بر خانه
زر بنج احر و شخم بقر ایله تجیر ایتسه لر عقارب اندن فرار ایلیه * خلد *
فحله مضار عدر خلدندن زیرا دالک ماقبلی یا اولسه مضار عنده
حذف اوانوب ماقبلی مفتوح او اور پریدنن پرد کی خلدن فحله اکنه
ودکن باتمق و یاره صابجوب اغریق و یلان و عقرب صوقمق متعلیسی
خلاندن کلور یعنی صابجدر مق و باتر مق و صوقدر مق * اندرون * اصلنده
اندر در اندرا یچدر درون لفظنده اولان در کی و اونسبت ونون تا کید
ایچوندر اندرون ایچرودر درون کی (معنای بیت) بودر که اول کسه بی
منافق او قوسک بونام دون و دنی آنک ایچر و سنده عقرب کی صوقر
یعنی ادغه عقربدن متأذی او لدیخی کی بویله دیمکله دخی ششوب
قبار روزیاده کوجنه کلور بعد ذابیت بالاده * کر منافق کوی بر آتش
شود * مصراعنی تذکیردر سبب تأذی اشغه ده کلسه کر در و بونده
منافق خوان اولانی عقربه و لفظنی ضرب عقربه و اول لفظک تأثیرنی
ضرب عقربک تأثیرنه تشبیه وارد و عقربنی تخصیص ایلدی ز یاز یاده
مؤذیدر حتی برطعامی افساده چاره بولسه سقغه مقابله سنده کلوب
مردار ایلر یلان دخی مؤذیدر فاما عقربه کوره قلیل در وجیوه الحیوانده
کلور که عقرب ایله فاره بی برز جاجدن ظرف ایچنده جمع اتسلر فاره
عقربک اکنه سنی قطع ایدوب شرنندن سلامت بواور پس هر مؤذی به
مؤذی وارد و حدیثده کلور (الظالم عدل الله فی ارضه ینتقم به
ثم ینتقم منه) بونده اشارت وارد که ناقص اولان سالکه نفاق صورتلو
ایشندن او توری منافق دیسک کوجنه کلور زیرا اول صفتک بقاسی
تأذی اقتضا ایدر انکیچون یاره سی اولان قوجنور دیرلر یعنی قوجنمه سی
یاره سی مقدار ینز پس چور یاره دن اثر قالمیه قوجنمق دخی قالمز ناقصده
بقیه نفس اولغله مجاز و حقیقت ایله مختلط در مجاز ایسه هر ض
مقوله سیدر انکیچون کل اولیانک حالته نفاق اکبر دیرلر و انلر بواوادن
متأذی اولر لر زیرا حسب حاللر یدر اول سیدندر که ظاهر لری مجازه
و باطنلری حقیقته در و هر کسه مقامنه کوره معامله ایدوب حاللر ین

ستر ایدر لر و بومعنایه تلوین حقیقی دیرلر که زیاده مقبولدر نتمم قرآنده
اشارت ایدوب کلور (وایک اعلی خاق عظیم) یعنی وسعت اخلاق حکمی
بودر که جمیع صوری رعایت ایلر و حسن معامله بی صورت واحدیه حصر
ایتمز زیرا اهل قلب واسع اسمنه مظهر در که هر جانبنه تقلب ایدر اهل
عقل ایسه حصر اهلیدر انکیچون فقها و محدثین و متکلمین ایله سادات
صوفیه ارا سنده فی الجمله مخافت وارد زیراشی کبرک ظرف صغیره
کنجایش محالدر و بوندن فهم اولنور که برنسنه اضافت حسیه ادنی
واعلی او اور فاعرف * و نفس کژدمه بکرز که هر زمان بر شهوت ایله
قلب انسانی ضرب ایدر و آنک هلاکنه سبب او اورا کرچه که نفس
فی الحقیقه کژدمدن دخی بتدر که اژدهادر نتمم اشغه ده کلسه کر کدر
ولکن مراتبی حسیه عقربه و یلان و اژدایه تشبیه اولنور نتمم غضب
انسان مشتمل اولسه یلان صورتنده کورینور اکر اول غضب اکل متعلق نسنه
ایچون ایسه قور د صورتنده تمثیل ایدر و اگر غیری خصوصیچون
ایسه کلب و آتش صورتنده دخی کورینور یس نقدر سباع و اریسه
نفس انلر صفاتیله متصفدر (محرره) یا فیه دن نارغجه جان و دلک * نفس
آتش پرستی و اراوده یاق * نفس مارک کنهادر زهری توبه در زهرنه آنک تریاق *

کرنه این نام اشتقاق دوزخست

پس چرا دروی مذاق دوزخست

* چار پردی ده کلور که اشتقاق بر فرعی بر اصلدن اقتطاعدر که
اول اصل آنک تصاریفنده بله دور ایلیه حروفنک ترتیبی ایله و معناسنده
زیاده لک اوله بوراده اشتقاق ایله مراد مطلق اخذدر مفردانده
کلور که (فلان شقیق نفسی و شق نفسی ای گانه شق منی لمشابهة
بعضنا بعضا و بعضیلر دیدیلر که برنسنه منشق او لب ایکی نصف
اولسه هر برینه شقیق دیرلر لاوین اولان برادره شقیق دیرلر و کاه
اولور که لاب اولانه دخی دیرلر کویا سکنکله بطن امی شق ابتدی پس
اشتقاقده یارمق و شق اخذ ایتک معناری ملحوظدر * چرا * جمیع عجمینک
فحی و کسر یله نیچون دیمکدر اصلنده چه ایله رادن مر کیدر که چه رادر
را تخصیص ایچوندر و دقایقده کلور که چرابی جیمک فحیه سبله ده

تلفظ ایدر اما اصلی چه اولوب عند التركيب هاسا قاط اولش اولیچق
جیم کسره ایله تلفظ اولمشق افصحدر زیرا نه معناسنه اولان چه
مکسوردر *وی* اصلانده ایدر که ضمیر منفصلدر عربده کی هو کی جمعی
ایشاندر یاسنی حذف ایدوب اودیرلر وگاه اولور که الف حذف ایدوب
واوه فتحه حر که ویرلروی دیرلر تکم بومقامده واقع اولمشدر *مذاق*
مصدر میمی در ذوق طعام معناسنه (معنای بیت) بودر که اگر بونام
یعنی منافق نامی دوزخک اشتقاقی یعنی جهنمدن مأخوذ اولیاییدی
یس نیچون انده جهنم ذوقی واردی اولور دیکه منافق دینان کسه
جهنمه کرمش کی انکله متأذی و متعذب اولور و آکا غایت آچی کلور
بونده اشارت واردر که لفظ منافق کر چه لفظ دوزخدر و جهنمدن
وامثالندن مشتق دکلدر ولکن نفاق جهنمک معناسنندن مأخوذدر
یعنی جهنمک حقایقندن بر حقیقتدر زیرا اوصاف نفسدر نفس ایسه
جهنمدن عبارتدر پس نفس جهنمدن عبارت اولغله نفس اهلی اولان
کسه اومقوله نفسه دار اولان صفت واسمدن متأذی و مضطرب
اولور ولکن اصلاح نفس ایدرلر متأذی اولماز زیرا اومقوله صفتک
انلره تعلقی یوقدر بلکه اگر کندیلرینه منافق دیرلر شدت کوستر دکلری
تربیه بایندندر و نیجه مصالحه دأردر و بوندن اخذ اولور که
هر نسنه ک حقیقتک مأخذی واردر پس هر مفرح اولان نسنه دارالفرح
اولان جنتدن و مؤلم اولان نسنه دارالترح اولان جهنمدن و قلب و روح
انسان کامل آثارر جنتدن اولغله جنته واصل و نفس و طبیعت آثار غضبدن
اولغله جهنمه داخل اولورلر و بقاع ارض دخی بویله در مثلا مساجد
و سائر منارات شریفه و مواضع لطیفه نورانی حسیله ارض جنته
و خلاقی اولان امکنه ظلمانی حسیله ارض جهنمه ملحقدر (سؤال
اولور سه که (الاسماء والکنی تنزل من صوب السماء) دیرلر بواطلاقدن
فهم اولور که اسماء اهل دوزخ دخی سمدن نازل اولور اسماء ایسه
دوزخک مقابله بیدر که بر طرف اوج و علین و بر طرف جانب حضیض
و سجین در پس بومعنا ذکر اولسان اسماء و کنی نک دوزخدن اشتقاقی
منافیدر (جواب بودر که جانب سمدن نزو تقدیرنه ناظر دوز بر اهر نسنه سمدن
مقد ز ولوح محفوظه مکتوب در خیر اولسون شر اولسون نتکم

قرآنده کاور (وفی السماء زکیم و ماتوعدون) مقصود اگر رزق و اگر
خلقک وعد اولند قلمی ثواب و عقابدر جمله سی سمدن مقدر و مکتوبدر
دیمکدر مع هذا بعضی نوازلک عینی دخی سمدن نزول ایدر صاعقه
و صیحه و سجیل و نار و طوفان و امثالی کی دیشلر در که مقعر کرسی تحت
الثرایه وارنجه حد جهنمدن و سموات السبع کر سیک تحتند در پس اسماء اشقیاء
سمدن نزول اینسه دخی ینه حد جهنمدن نزول ایدر زیرا منافقه
اعتبار اولند یعنی کی اسمنه دخی اعتبار یوقدر پس اسفلک جمیع شانی
فی الحقیقه سفلیدر حتی اوط علیه السلام قومی اوزرینه ارسال اولنان
حجابه سجیل دخی ارض سادسه ده محفوظ و نار جهنم ایله مطبوخ
اولان احجار دندر که اوزرلر نده اصحابنک اسماسی مکتوب ایدی و احجار
جهنمدن خارج اولیچق اوزرلر نده اولان اسمادخی آندن مأخوذ اولدی
مع هذا لسان صوفیه ده اسم تعین معناسنه در پس (کل شیء یرجع الی
اصله) حسیله دوزخه رجوع ایدر *

﴿ زشتی آن نام بداز حرف نیست ﴾

﴿ تلخی آن آب بحر از طرف نیست ﴾

* زشتی آن * بوهمه به علامت اضافت دیرلر * حرف * لغنده طرف
معناسنه در نتکم حرف الوادی دیرلر و ادینک طرفنه و حرف اسم و فعله مقابل
جانبنده واقع اولغله حرف دیندی تقابلی بودر که اسم و فعل کلامده
عمده واقع اولورلر حرف ایسه واقع اولماز و اطراف کلیه حروف هجادرلر
نتکم نخوده حروف عاملیه اطراف کلمات دیرلر * طرف * قاب و عاء کی توسع
واردر معلوم اوله که دریایدی عدددر که بحر روم و بحر صقالیه و بحر قلزم
و بحر فارس و بحر صین و بحر هند و بحر جاندن و بوندن غیری و جمله
دخی تقریر اولمشدر بوجه نک اصلی بحر محیط در که خاکی احاطه
ایتمشدر و ملکوت نام کابده کلور که طوفان نوح علیه السلامده عبون
ارض منفجر و سمدن دخی باران نازل اولوب صکره ارض کندی عبوننده
منفجر اولانی ابتلاع ایدوب سمدن نازل اولان حالی اوزرینه شویله
قالدی یر یوزنده اولان در یالاول صودندر بحر محیط بونلرک غیر یدر زیرا
زمین خلق اولمز دن اول عرش الله ماء عذب اوزرنده ایدی اول ماء کفندن
ارض خلق اولند فده اسلوب و زمینده کسلوب بحر محیط قالدی پس بحر محیط

اول ماء عذبك بقیه سیدر و آب دریا نك آجی اولدیغك حكمتی بودر كه تاكه تقادم دهوور و ازمان ایله منتن اولیه زیر اكر عذب اولسه عالم ارض انك رایحه کریمه سندن هلاك اولوردی نظر ایله كه انسانك كوزی شحمه یعنی یاغ پاره سیدر كه دمع ایچنده مستور در دمع ایسه ماء مالحددر شحم ایسه ملح ایله صیانت اولنور انکیچون دمع مالخ اولدی و بعضیلر دیدیلر كه طول مكث ایله شمس آتی احراق ایدوب مر و ملح اولمشدر و هواء اجزاء لطیفه سن اجتناب ایدوب بقیه سی شویله غلیظ قالمشدر * و بعضیلر دخی دیدیلر كه دریاده عروق وار در كه ماء بحری تغیر ایلر و آتی مر و ذعاق قیلور و الله اعلم (معنای بیت) بودر كه اونام بك بدلکی و حرکتلیکی حرفدن دكلدر كه میم و نون و الف و فو قافدر مؤمن نامك نيك اولدیغی حروفندن اولدیغی کی یعنی بلکه معنا سندن و حقیقتند ندر نكیم اول در یا صوینك آجیلغی ظرفندن دكلدر زیرا نه مقوله ظرفه وضع اولسه بنه آجیدر بلکه دریانك ذاتندن و حقیقتنددر و بعض طنلو صوكم ظرفندن و یا بعضی آجی نسیه مروری سیبیه اچی اولور اكا اعتبار یوقدر زیرا امر عارض حسبیه در و انسانك حسن و قبحی و سایر امور ذاتیه و عارضیه دخی بو قیاس اولنه و بونده اشارات واردر (اولکسی بودر كه رسمه اعتبار یوقدر زیرا جبان اولان آدمه اسد دیمك لفظ مجرد اولدیغی کی شجیع اولان آدمه دخی جبان دیمك بویله در و كذلك شجیعك شجاعتی اسمك تأثیرندن دكلدر بلکه مسما سنك احكامنددر جبان دخی بو کاف یاس اولنه (ایکنجسی بودر كه انسانك بدلکی حرف وجوددن دكلدر زیرا فطرت اصلیه اوزرینه مفظور در بلکه نفسنك خباثت و طبعنك کثافتنددر و الاجسم طبیعی و هیکل انسانی آلت و مر کبدر و حرف حقیقتنده شئونات ذاتیه مرتبه سیدر كه انده اصلا ترکیب یوقدر یعنی واقع اولان حال اکر نيك و اکر بد اول مرتبه ده جاعلاک جعلیه دكلدر بلکه از لیدر كه هر کسك ذاتنك حکمیدر و بومعنا فطرت اصلیه اوزرینه مفظور اولدیغی منافی دكلدر زیرا بالقوه استعداد باقیدر و لکن فاسدده صلاح عین ثابته سنك مقتضاسی اولمغله بالفعل ظاهر اولما زانکیچون خلق ارا سنده دخی برکسه بی مدح اینسه لر مستعد آدمدر دیرلر مع

هذا بعض استعداد بالفعل و بعضی دخی بالقوه درو بعضیلر دخی ذم ایدوب شره مستعددر دیرلر مع هذا جمیع شرور انده بالفعل موجود دكلدر (اوچنجسی علوم فلا سغه و امثالی آب در یا یه و قلب كه معدن علمدر ظرفه بکزر و لکن اول علومك بی اعتبار اولدیغی فی نفس الامر خلاف اولدیغنددر یو خسه قلبه مر و رایلد یکندن دكلدر را کرچه كه قلبه مر و رله دخی بعض علوم فی الجملة تغیر قبول ایدر نكیم بعض آب شیرینك مجرا سنده امور عارضه بو لغله اول صو اول امر عارضك طبعیه تلون ایدر ارباب رسو مك اکثرینك علومی بوقیلنددر فافهم)

﴿ حرف ظرف آمد درو معنی چو آب ﴾

﴿ بحر معنی عنده ام الکتاب ﴾

* کتاب * اصلنده الله تعالی نك لوح محفوظه یازدیغی نسیه در پس مکتوب معنا سنه اولور صکره اندن بر قاج معنی دخی تفرع ایلشدر قضا و فرض و جعل کی * ام الکتاب * لوح محفوظدر كه کتب سماویه نك اصلیدر زیرا ام اصل معنا سنه در نكیم قرآنده کلور (وانه فی ام الکتاب) و مفرداتده کلور كه جمله علوم لوح محفوظه منسوب و اندن متوالیددر و مکة مکریمه ام القری دنلشدر زیرا ارض کهبه نك التندن بسط اولندی و فاتحه ام الکتاب دیدیلر زیرا مبدء کتباب در و لوح ایکیدر بری لوح تحتانیدر كه نفس کلیه لوح قدر دیرلر و بری دخی لوح فوقانیدر كه اكا عقل اول و لوح قضا و ام الکتاب و قلم اعلی دیرلر الله تعالی قلم اعلا بی خلق ایلد كده مرتبه ثابته ذکر اولسان نفس کهبه بی ایجاد ایلدیكه لوح محفوظدر پس اولکی ام الکتاب اطلاق و ایکنجی اضافیدر بوراده ام الکتاب ایله مراد هر نسه نك اصلی و حقیقتیدر اندن معنی ایله تغیر ایلدی واتی بحر ه تشبیه قلدی زیرا بحرده توسع و احاطه اولدیغی کی بونده دخی واردر زیرا عالم معنی لطف و قهره متعلق اولان جمیع جزئیاتی جامع و جمله اضدادی حاویدر و هر نسه دن کتباب ایله تعبیر ایلدیکی لوح محفوظده مکتوب و یا مکتوب اولمق شاندن اولمغله در (معنای بیت) بودر كه حرف ظرف کی کلدیکه معنی انده آب کیدر یعنی ظرفدن مقصود آب و آبك دخی تلخ و شیرین اولدیغی ذات اولدیغی کی حرف دن دخی مقصود معنی

مطلب
فی بحث اللوح

و معنائك دخی خیر و شر اولدیغی اصلی و حقیقتی در زیر جمیع معانی
جزئیة معنای کلی به منتهی اولور بحسب سبعة بحر محیط اولدیغی کی
پس هر نسته نك اصلی بحر معنی قاتنده و عالم ملکوتده و بلکه جبروتده
و بلکه لاهوتده در پس بحر معنی مبتداء و عنده ام الكتاب جمله سی اکا خبر
اولور و بوبله ديك دخی جائز در که هر حرفك معنای مکتوبك اصلیدر
یعنی مکتوب اولان حرفك اصلی کندی معنای سیدر که اول حرف
ملفوظ اول معنای معقول اوزرینه مبتدیر فرعك اصلی اوزرینه ابتدائی
کی و جائز در که ام الكتاب اصلی اوزرینه لوح محفوظ اوله و لکن مقصود
مجرد لوح محفوظ بحر معنی قاتنده در دیکله اخبار دکلدر بلکه هر نسته
لوح محفوظده مکتوب اولوب بو واسطه ایله عالم معنای استنادی بیاند
عنده ضمیرنی آلهه ارجاع ایدوب بحر معنی الله قاتنده ام الكتاب در
دیکله نك بوراده چوقلق معنای یوقدر کا لایخی علی ارباب الذوق
بونده اشارت وارد در که قرآنك علی ام الكتاب اولان فاتحیه و فاتحه نك بسملیه
و بسمله نك بایه و بانك نقطیه منتهی اولدیغی کی جمیع رسوم و معانی
جزئیة نك دخی نهایتی معنای کلیه در و اول معنای کلی جامع الاضداد در
انکی چون دیرلر که لطف و قهرك علی بر در اگر چه ظاهرده متعدد
و متکثر در و انسا نك وجودنده اکا نظیر وارد در که ایکی الاریله بونی در
زیر ایکی الاری بونی منتهی اولوب بونی نك کلیتده متحد اولورل انکی چون
دیرلر که سعادت و شقاوت ایکی قبضه در که هر بری نصف وجود در
زیر وجودده ذکر اولانان ایکی قبضه در غیر یوقدر و اول ایکی قبضه
حقه منتهیدر زیر آنک ذاتندن ظهور ایتشد و وجه انتها بود در که جمیع اسماء
آلهیه نك مبدائی اسم اعظم در عارفلر بومبداه نظر ایلوب مستتر یخ اولورل
(لحرره) سرنی نك انك مشکدر * نه یلور آتی کیم آب و کلدر * کورمدی
نور و حدتی آخر * دیده کیم ناظر هیما کلدر * و معنایی در بایه تشبیه ایتدن
فهم اولور که در بایه دخول استین لباسدن تجرد ایلدیکی کی معنایه وصول
استین دخی الفاظ و انك حکمنده اولاز رسوم ظاهرده در تجرد ایتك کرکدر
و معنادن مراد حقائق کونیة و آلهیه در (والله المعین ایاک نعبد و ایاک نستعین

بحر تلخ و بحر شیرین در جهان

در میان شان برزخ لایبغیان

* شیرین * لفظی بالاده شرح اولمشدر آجی و طنلو دیچک یرده عجم تلخ
و شیرین دیر * برزخ * ایکی نسته نك اراسنده حد و حاجز معنایه در
و وقت موتدن قیامتده دك اولان اراغه برزخ و عالم مثال دیرلر که وفات
ایده نك روحی اول عالمده داخل اولور و بوضعیته در که برزخ
اصلنده برزه اولوب صکره تغیر اولمشدر و لکن معربانده یوقدر و قاموسده
کلور که البرزة العقبه من الجبل پس جائز در که عربی اولان برزه دن تغیر
اولمش اوله * بغی * اصلنده انسان تحری ایتدیکی نسته ده اقتصاد می تبه سنی
تجاوز ایلک طلب ایتکدر کرک تجاوز ایلسون کرک ایلسون و قرآنده سوره
رحمانده کلور (مرج البحرین یلتقیان) یعنی الله تعالی بحر ملح ایله بحر
عذبی ارسال ایلدی متجاوز و سطحلری بری برینه متماس اولدیغی
حالده شویله که مرأی عینده ارازنده فصل یوقدر (بینهما برزخ
لایبغیان) یعنی اول ایکی در یانك اراسنده قدرت حقندن مانع و حاجز
و پرده وارد در که اول سبیدن بری برلری اوزرینه تجاوز ایلرلر ممازجه
و ابطال خاصیت ایله یوقدر بطریق الحج اسکندریه طرفندن دریای
شامی کچوب رشید بوغازنه و اصل اولدنده کوردمکه نیل مبارک ایله
دریا ظاهره بری برلرینه متصل اولمشدر و لکن حقیقتده محل اتصال مری
و مشهود و ایکی بری برندن مشخص و ممتاز در شویله که کویا ارازی
بول کبیر اوراده مرج البحرین خاطر کلوب قدرت مدیه حتی
مطالع و معاینه دن تأثر و انفعاله حاصل و خصوصاً مجمع البحرین ده
حضرت موسی علیه السلام قصه لری خاطره و رودندن درونه سوز
و درد واصل اولغله حاضران اولان اخوان و اصحابه محله مناسب
دعا اولندی (معنای بیت) بودر که آجی دریا و طنلو در یانك دینده
ارازنده برزخ و حائل وارد در که اول سبیدن بری بری اوزرینه بغی ایتدلر
و بری برلرنه قاریشوب خاصیتلرندن ابطال قلملرلر برامازجه انسه ل
مزاج خاصلرندن چیقوب عذوبت و ملوحتلرنه منوط اولان خواص
باطل اولق لازم کلور مثلاً بغدادك دجله سی و سائر انهار عظیمه کی
بحره داخل اولوب بحری شقی ایدر و نیچه فرسخ بحر اراسنده جریان
ایدز و طبعی متغیر اولماز و شواهد قدرندن بری دخی بودر که نهر
طبریه نك نصفی حار و نصفی بارد در و بری برلرنه قارشمز بلکه ایکسید

حرات و برودتدن طبع خاصی اوز رینه باقیدرو بونلرک غیری دخی
دلایل قدرت چوقدر چشم بجانی کحل الجواهر شهودایله مکحل
اولنلره و بلکه ادنی مشاهده به اقتدار بونلره روشنلر بوند و بحرین ایله
خوف و رجایه اشارت واردر که مؤمنک قابنده بری بری اوزرینه غلبه
ایتمز زیرا خبرده کلور (لوزن خوف المؤمن و رجاءه لا اعتدلا) و برزخ
حسابت آلهی و صیانت نامتناهیدر و بردخی بخر تلخ بحر حقایق
ذاتدر که تناولی ممتددر و بحر شرین بحر صفاتدر که عقول و ارواح
و قلب و اسرار اندن استغاضه ایدر و برزخ مشیت و ارادت در که
انکه بحر ذات اهللی بحر صفاته رجوع ایتمز و بحر صفات اهللی بحر ذات داخل
اولنلر را ابرار و مقربین دن هر برینک مقام مخصوصی واردر که اولکیینک
قاب قوسین وایکنجینک اودانادر و بحر حقایق ذاتک امتناع تناولی کنهی
حسیله در والا کمل اولیایه اول مرتبه دن تجلیات برقیه اکسک اولماز
اگر بالکلیه تناولی ممتنع اولسه برسالک مقام ذاته قدم بصمحق لازم
کلوردی و بردخی بحر نفس و بحر روحدر که ارالنده برزخ عقل واردر
بحر روحک آبی عالم الطافدن و بحر نفسک آبی عالم قهریاتندر انکی چون
قوم لوط زیر و زیر اولد قلنده ارضلنده آیه للعالمین اولق اوزره برسیاه
رنک صو ظاهر اولدیکه غایت ایله رابحه کر بهه سی و ارایدی و یاخود
بحر روح اخلاق حمیده ربانیه ایله عذب و بحر نفس اخلاق ذمیه حیوانیه
ایله اجاج در و ارالنده قلب برزخ در تا که روح و صفاتی نفس وانک
صفاتیله مختلط اولیه و بویله دیمک دخی ممکندر که بحر روح و بحر نفس
ایکبسی مقام وحدتده ملتقی اوورلر ولیکن وحدت و کثرت اراسنده
فاصل اولدیغی کی انلرک ارالنده دخی حاجز معنوی واردر که نه بالکلیه
روحک حکمی قلبه نزول ونه بالکلیه قلبک اثری روحه عروج ایدر والا
خاصه لری باطل اولق لازم کلور و بوندن بیت مذکورده جهان قیدنک
سری ظاهر اولدی زیرا جهان کثرتدن عبارتدر پس اگر چه کثرت
کوره ابکی نسنهک اراسنده برزخ و تخالف و تغایر واردر ولیکن وحدته
کوره بوقدر زیرا عالم وحدته جمیع اضداد بری برینه ملاقی اولور
شویله که جنت و نار اهللی بری بریله اتحاد صورتن بولور و بردخی بحر
حدوث و بحر قدم در که ارالنده امتناع عزت وحدتیتدن حاجز واردر

شویله که حدوثله قدم بری بریله مختلط اولماز زیرا الله تعالی اماکنده
طول و مواظنده استقراردن منزهدر و عقل اولدن موالید ثلثیه دک
عالم حدوثدر ارواح اولسون اجسام اولسون و اولکه (الرحمن علی
العرش استوی) دیشلشدر مقصود الله تعالی نک صفت رحانتک
عرش اوزرینده تجلیسنی بیان و یاخود شرع اوزرینه امر تسکینی مستوی
اولدیغی کبی انک مغلوبی اولان عرش اوزرینه دخی امر ارادی نک
استواسنی عبارتدر زیرا حقک امر ارادیسی عرش اوزرنده ظاهر
اولدقجه قرآنده (ینزل الامرینهن) و نظارندن مفهوم اولان تجلیات
وجودیه و جوده کلز پس عرش و امر ارادی الی یوم القیام وجود
بولان آثارک و بلکه ابدالاباد ظهوره کلن تجلیاتک مبادی و مفاتیحننددر
فافهم جدا و جبل طور و شجره موسی علیه السلام مدن ظاهر اولان تجلی
مقام جمعه ناظر و یا مظاهره اولان تنزیلات و استرسالاته دائردر والا
شجره حادثه دندر که اندن حی و قدیم انی انا الله دیه و شجره وجود انسانی
دخی بویله در یعنی بو شجره که حادث و باطل مقوله سیدر فناء تام ایله
زاهق و ذاهب اولوب وجود قدیم تجلی ایتمکله حلاج انا الحق دیمشدر
پس (انا الحق و یا سبحانی ما اعظم شأنی و یا لیس فی جنتی سوی الله)
دیمک فی الحقیقه لسان حادثک صفتی دکدر تنکم اثبات حقیقت دخی
وجود حادثه کوره دکدر کنش پرتوی ایله زمینه منعکس اولغله زمینه
نزول ایتمک لازم کلز انجق شو قدر واردر که زمینک اول نورک انعکاسنه
قابلیتی وسطو حنک مظهریتنه استعدادی اولغله اوزرینه طالع
ایتمشدر و صفات الوهیت ایله متصف اولق ابن آدمک مرتبه سیدر
تنکم حدیثده کلور (تخلقوا باخلاق الله) و بر حدیثده دخی کلور (عنوان
کتاب الله الی اولیایه یوم القیمة من الملك الحی الذی لا یموت الی الملك
الحی الذی لا یموت) پس بور منزه واقف اولد کسه الحاددن
خلاص اولدک و اولیاء الله طعن ایتمدن قورتلدک * نسال الله العصمة
من الاحاد * و زجوه منه الارشاد * الی طریق خواص العباد *

﴿ و آنکه این هر دو زبک اصلی روان ﴾
﴿ بر کذر زین هر دو روتا اصل آن ﴾
* آنکه * آنکاهدن تخفیف اولمشدر آنکه و آنکاهی اول وقت و اندن صکره

معنای بنه کلور بوراده مراد ناید رتکم کال اصفهانی شعرنده کلور * ع *
 اول اعوذ انکھی الحمد والضحاست * روان جاری معناسنه در (معنای بیت)
 بودر که اندن صکره یعنی ذکر اولنان ایکی در یانک بری آجی و بری طنلو
 وارالنده برزخ اولد قدن صکره هر ایکیسی بر اصلدن روان و جار بدرسن
 ایکیسندن کج نا اول ایکیسنگ اصلنه بوری یعنی انهارار بهه که جنتدن
 چیقوب دنیایه روان اولور و بحار سهبعه که طوفانده سماندن نازل
 اولوب روی زمینده قالمشدر هر ایکیسنگ اصلی ماء عذیدر ولیکن نیجه حکم
 و مصالح حسبله دریا متغیر اولمشدر نتکم بالاده بیان اولندی و در یاد کل
 انهارار بهه بله کنندی مشربندن چقه مشدر شویله که اگر مرور ایلدیکی
 بقاعک من اجیله متغیر اولسه عذو بتندن ایچلزدی پس سن ظاهرده
 برینک آجی و برینک طنلو اولدیغنه نظر ایله بلکه اصلنده ایکیسنگ
 دخی طنلو اولدیغنه باقی وارادن حجاب کثرتی قالدیر تا که تعدد و اختلافدن
 قورتلاسن و صوبک باشنی بولاسن و نسبت عذو بت و ملوحتدن خلاص
 اولوب مقام وحدتده قائم اوله سن بونده اشارت وارد که لطف و قهرک
 اصلی بر مبدئی واحد در نتکم نسیمی کلامنده کلور * لطف قهرک
 علی معینده واحد در ولی * یلدی شیطان بو توحیدی احدثدن دوشدی
 دور * بونده رمز وارد که شیطانک ماده سی اولان نار و هوایله آدمک
 عنصری اولان خاک و آبک اصلی امر واحد در ولیکن اسماء و صفاتک
 تجلیات مختلفه و ظهورات متنوعه سی حسبله هر بری بر صورتده
 تمثل ایلدی شیطان بو معنادن غافل اولغله کنندی ناری اولدیغنی
 جهندن آدم خاکی اوزر بنه عالی طوتوب سجده دن ابا ایلدی مع هذا
 حقیقته ایکیسی دخی جوهر واحد در انکیچون آدمک عناصرنده نار
 دخی مندر جدر نتکم اسماءسنده مضل اسمی دخی مند مجدر بوسیدندر که
 آدم بو اسمک بوزندن شیطانده امداد ایتمکجه شیطان آئی اضلاله
 قادر اولمز پس حقیقته کنندی کنندی اضلال ایتمش اولور و برنه آدم
 و بر بنه شیطان دیمک اعتباریدر (اولا الاعتبار لبطالت الحقایق)
 الحاصل اگر اجسام و اگر ارواحدر کیمی بالواسطه و کیمی دخی بلاواسطه
 عالم امره و عین الجمعه مستند در ظهور حسبله مختلف دوشمشدر در نتکم
 اولاد نفس واحده به متناسبدر اگر چه بحسب الصوره اصل ایله
 تفاوتلری وارد * قدیاره کیمی عرعر دیمش کیمی الف * جمله نک مقصود بر

الاروات مختلف * یعنی تشبیهده تکثر و اسماده تعدده باقلم بلکه مسمانک
 وحدتده نظر اولور و بومر تبهه مر تبهه احدیت دیرلر که جمیع اشیانک وجودی
 بونده مستهلکدر که اصلا نسب حضرت واحدیه اعتبار اولمز شجره نک
 وجودی نوانده مستهلک اولدیغنی کبی و اجسامک اصلی اول جوهر در که
 نظر یاری ایله اریوب صوا اولمشدر و ارواحک اصلی روح محمدیدر
 و ایکیسنگ دخی اصلی نفس رحمانی ایله واقع اولان تجلیدر و بوم مقامک
 زیاده تفصیله تحملی وارد ولیکن ذکر اولنان اجمالک اشارتی عرفیه کافیدر

زر قلب وزر نیکو در عیار *
 بی محک هرگز ندارد اعتبار *

* قلب * بکمز انچه دیرلر قلب دیدکاری والله اعلم قایی و باطنی نحاس
 اولغله و یاخود حیلله ایله تقلب و تصرف اولغله و یاخود ظاهرنی قلب
 و صرف ایتمک ایچروده نحاسی ظهوره کلمه در * عیار * کسرله و تخفیف
 ایله و زندر ذهب صحیح العیار دیرلر وزنی صحیح و غشیدن خالص اولسه
 و فاسد العیار دیرلر خلاقی اوزر بنه بولسه و قاموسده کلور عیار الدنایر
 وزنها واحدا بعدواحد و مختارده کلور عارالمکایل و الموازن عیار اولا
 تقل عیار و العیار بالکسر العیار * محک * کسرله و قحله و تشدید کافله
 آلت حک و یا محل حکدر یعنی شول طاش که انکله النون و کومش تجر به
 ایدرلر مشهور در * هرگز * زمانک افرا دواجز اسنی احاطه ایچوندر
 اوقاتدن هیچ بروقتده دیمکدر یا لکن هر لفظی کل احاطی معناسنه در
 کرافظی الحاق اولوب معنای من بونده استعمال اولمشدر * اعتبار *
 برقاج معنایه کلور اوکت المی و انتقال ایتمک کبی بقال اعتبار فلان ای اعط
 و اعتبار جل ای انتقل کما فی الاخری و تاج المصادرده کلور که اعتبار
 عبرت طوتمق و فکرله برنسنه نک اردنجه کتمک و دیمشدر اعتبار اول
 نسنه در که خارجده وجودی یوقدر بلکه عقلده وارد و دیمشدر که
 اعتبار امورده نظر ایتمکدر تا که اول امورک جنسندن شی آخر معلوم اوله
 و بر عبارتله دخی بودر که اعتبار برنسنه بی نظیرنه در بواره اعتبارله مراد
 اعتبار عقلیدر (معنای بیت) بودر که قلب التونی و ایواتونی عیار و وزنده
 و خلوصده اوقاتدن بروقتده اعتبار و ملا حظة عقل و انتقال باطن
 بوزندن بلزن یعنی التونک صحیح العیار و فاسد العیار اولدیغنی بالکن اعتبار
 عقل ایله یله من سن بلکه محک ایله نجر به به محتاجسن پس بومعرفت

بی محک حاصل اولماز زیرا هر یرده فراست و اعتبار عقل جاری دکلدر
ودیوان حافظه کلور * خوش بود کر محک تجربه آمد بیهان * تاسیه
روی شود هر که دروغش باشد * بونده اشارت واردر که شریعت ارباب
نظر و طریقت اصحاب دعوی ایچون محک کبیر پس شریعت مطابقی
اولیان فلاسفه و امثالنه اعتبار یوقدر و کذلک ریاود دعوی اهلنک حالنه
دخی نظر اولماز مادامکه طریقت ایله عامل اولیده و اوز رنده اثر صدق
و خلوص بولمیه پس بونلر ذکر اولنان محککه محتاجلر در زیر اهر نسنه نك
حقیقتی علام الغیوب بیلور مکرکیم شواهد ظنیه و امارات الهیه معلوم
اوله و بوستانده کلور * بایام تار نیاید بسی * نشاید رسیدن بغور کسی *
و کاه اولور که بر کیمسه نك شواهد یوزندن حقیقتی معلوم ایکن تجربه
دخی اولور تا که اطمینان حاصل و غیر بلره دخی معلوم اولوب حالی
غیر بلریدن متمیز اوله و بونوعدن مرید ایله مرشد میاننده جاریدر زیر
مرشد کامل نور فراستله مریدک حالی کشف ایتمش ایکن تجربه دخی
ایدر تا که آنی الزام ایلیه و غیر بلرک دخی معلومی اوله (لحرره)
کیمسنک حانی لازم می دیمک * آنی اظهار رایدربته محک *

هر کر ادر جان خدا بنهد محک *

هر یقین را باز داند آوز شک *

* یقین * علمی محکم قلغه دیرلر شک و شبهه بی نفیله نظر او استدلالا انکیچون
علم قدیم و علوم ضروریه یقین ایله وصف اولماز مثلا آسمان فوقه اولدیغن
یقین ایتمدم دینلر و ارباب حقیقت قائنده معلومی مشاهده دن حاصل
اولان مرتبه در زیر بعض امور غیبیه اولان اعتماد تشکیک ایله زائل
اولور فاما مشاهده مرتبه سنک یقین و اطمیناننه شک و شبهه عارض
اولماز شک نقیضین میاننده تردد ایتمکدر شویله که احدهما آخر اوزرینه
ترجیح بولنمید (معنای بیت) بودر که هر کیمک جائنده خدای تعالی محک
و نور فراست و یقین قومش ایسه اول کیمسه هر یقینی شکدن بیلور
و تشخیص بیلور و ایک کیمسنک میاننی فرق ایلر اهل الله القاء رحانی ایله
القاء شیطانی بی فرق ایتمکدری کبی بونده اشارت واردر که محک صوری
ایله محسوسات تمیز اولدیغی کبی محک معنوی ایله دخی معقولات تشخیص
اولور و محسوساتده تفاوت اولدیغی کبی معقولاتده دخی تفاوت واردر

و بونک محکی علم ضروری و علم کشفیدر که اهل الله شک صفتیدر والا
نیجه شک اهلی واردر که شک یقین دیو ادا ایدر پس اول کیمسه یقین
نه ایدو کن بلز زیر علم ضروری بی و یا علم کشفیسی یوقدر و بر کیمسه
کندینک حقیقت حالنه مطلع اولدیغی صورتده غیرک حالنه نیجه مطلع
اولور انکیچون فلاسفه و حکما و سایر انلره ملحق اولان ارباب جدل و نظر
سراب شکده قالب شراب یقیندن سیراب اولمدقبری جهتمدن کلامری
مضطرب و حالری مشو شدربعدذا بعضیلر فطرت اصلیه اوزرینه
ظاهر و نامی اولملرله انلرده اولوا و اخر اشک و شبهه یوقدر بلکه هر حالده
یقین اهلیدر و بعضیلر دخی ریاضات و مجاهدات و امور عارضه بی ازاله
و صحبت ارباب یقین ایله مرتبه یقینه واصل اولمشلر در نتمک دیمشلر در
* المجاهدات تورث المشاهدات * و بعضیلر دخی بعض احوال عارضه
ایله تغییر فطرت ایملر و اهل شبهه اولمشلر در بوسیدندر که عقل قاصر
اهلنه غوامض علم کلامی و علوم حکمیه بی تعلیم ایتمک جائز دکلدر زیر
اختلاف عقیده به باعثدر عقیده ایسه اساس دیندر انکیچون اول یابده
متفنن کچنلرک اکثرنده اعمال شریعت ایله تقید یوقدر زیر عمل صالح
علم نافع اوزرینه مبتیدر و علم نافع اولسه هوای نفسی دافع اولماز نتمک
هدایای افندی قدس سره نظمنده کلور * بکم علم اولیحق نافع کر کدر *
هوای نفسی اول دافع کر کدر * و بومقوله ادانی به کندی حالی مسنونر
اولیحق اعالینک حالی نیجه منکشف اولور اعالی ایسه بویله دکلدر یعنی
اهل یقین اولان کیمسه کندی وجودنده اولان مرتبه مطلع و خیر و شرینی
تمیز اولدقدن صکره غیر بلرک احوالنه دخی اطلاع بولور و غث و سمینلری
قاهر در ویت مشویده ایما واردر که هر کمال حقک عطاسنه منوط و هر
حال اتک زمام اختیارینه مر بوطدر ظاهرده ریاضت و مجاهده و صحبت
اسباب مقوله سندندر پس محکی و سایر فیض و کالی اتدن طلب ایتمک
کر کدر (لحرره) اولسه ابرسمادن فیاض * بولر اصلا ثما کبیه و غیاض *
ورمز واردر که محک انسانک جائنده اولور نفس و طبیعت و جسدنده
اولماز و جان مراتب قلب و روح و سره شاملدر زیر قلب روح انسانینک
فرزند و سر دخی روح انسانینک پدری منزله سنده در پس بوراده جان

الله مراد روح حیوانی دکلدر بلکه روح سلطانی در و بویکی روح عنوان
کتابه مفصلا شرح و بیان اولمشدر * فارجم الی هذا الجمل فلفظن وانصف

* در دهان زنده خاشاک جبهه *

* آنکه آرامد که بیرونش نهد *

* خاشاک * خاء مجمه ابله چور چوب دیکدر جبهه جهیدن مضار عدر
جهیدن جیم عربی ابله صبرامق و قالمق * بیرون * طشره در که اندرونک
مقابله در ضمیر خاشاکه راجعدر (معنای بیت) بودر که زنده و حبس
اغزیه بر چور چوب صبرار و داخل اولور اول زنده اول وقتده آرام
ایدر و دکلنور که اول چور چوبی طشره قویه یعنی اغزیدن طشره
چقر مدفجه راحت و حضور اغزنتکم انسانده و حیوانده چوق دفعه
واقع اولور بونده اشارت واردر که بر سالکک دهان جائنه خاشاک ماسوی
داخل اولسه و خار تعلقاتدن بر نسته تعلق ایلسه اگر اول سالک فی الجمله
زنده و بازنده دل اولقی شانندن ایلسه اول خاشاک اخراج و تعلق قطع
ایند که حضور اینتر زبراماسویه تعلقه غم و غصه واردر و اول غمی ازاله
ایتمک غن چکمک آثار حیوانیتدن و ماسوانک حقه وارنجده و کثرت وحدته ایرنجده
مراتبی واردر بالاده اشارت اولمشدر اگر چکه ماسوی حتی مشر و کثرت دخی
وحدته ناظر در و اگر چه مذکور اوزره زنده اولیوب بلکه زنده لاک مقابلی
اولان مرده اولسه مقید اولماز نیکم بر مرده جسدک اغزنده چوب اولسه اول
مرده ابدی اول چوبی اغزیدن چقر مغه امکان بولمز زبراحس و حرکتی
بوقدر بلکه جاددر و اگر مرده اولیوب بلکه خفته اولسه ینه علاج
قابلدر * نیکم شیخ الشیوخ حسن بصری به سؤل ایدوب دیشلر که
قلبمز خفته اولدیغندن کلامک مکرزه کار و تأثیر اینتر بس نه چاره ایتمک
کر کدر اولدخی دیشکه کاشکی خفته اولایدی تحریک ابله بیدار ایتمسه
امکان واریدی فاما مرده در که اصلا تحریک ایتمک کار اینتر حق تعالی
قدرتیه احیا ایلده بس و آی اول کسه ره که قلبی مرده و نفسی
زنده اوله و بوقدر تعلقات ابله حقندن جدا اوله و ماسواله آرام ایددر
زنده دل اولنلریانده ایلسه حقندن غیر بله آرام ایتمک بوقدر * زیرا
بر کسه حتی وجدان ایلسه هر نسته آنک وجدانده در و بر کسه
حتی فقدان ایلسه هر نسته آنک وجدانده اولسه دخی حقه بدل اولغه
صالح دکلدر پس حتی فقدان ایدن جیم اشیا دخی فقدان ایدر *

سری بودر که جمیع اشیا و جله موجودات اسماء و صفاتک مظاهر بدر
جمالیه اولسون جلالیه اولسون پس اسماء و صفاتک مسمی و موصوفه
ایرمن کشی اسماء و صفاتی دخی فقدان ایلر زیرا بالکن اشیا و مجرد
اسمائله تعلقدن فائده بوقدر اول سببندر که تجلیات وجودیه تجلیات
شهودیه به آینه در پس اول آینه به منکس اولان تجلیاتی مشاهده
قادر اولیان اعمایه آینه دن نه فائده وار در نیکم محمدیه ده کلور * ع *

چو کور من یوسفک بوزن چه حاصل چشم اعمادن *

* در هزاران لقمه یک خاشاک خرد *

* چون در آمد حس زنده پی ببرد *

* هزاران * بوراده تکثیر ایچون کلمشدر * لقمه * ضمه و فحله اکل و ابتلاع
ایچون مهبیا اولان نسته * در آمد * اصلنده ایچروکلای دیکدر صکره مجازا
بری کلدی و حصوله کلدی و ظهور بولدی معنای زنده استعمال اولندی
* حس * بر نسته بی حاسه ابله ادراک ایتمکدر و حواس بشدر که سمع
و بصر و شمع و ذوق و لمس در نسته سکافر بیامر و اینسه سن آنک حس
و حرکت و صوت خفی سن استماع ایتمک و لیکن رؤیت تعلق ایتمسه
اکا حس دیرلر نیکم رسول الله صلی الله علیه وسلم قبل الوحی اسرافیلک
صوتنی حس و ادراک ایلر و لیکن شخصی کور من دی وطن معنا سنه
دخی کلور بومعنا به اکثر احساس دیرلر نیکم قرآنده کلور (فلما احس
عبسی منهم الکفر) پی ببرد * ایز ایلندی و بول بولدی و نوسل ایلدی دیکدر
و بومقوله انارله متلفظن اولانه قائف دیرلر من یعرف الانار معنا سنه
(معنای بیت) بودر که هزاران لقمه ده یعنی اکل ایچون تهیه و احضار
اولان نیچه لقمه لک برنده بر جزئی چور چوب حاصل اولسه و وجود بولسه
و ظهوره کلسه حی اولان نسته نک حس و ادراکی اکایز ایلندی
یعنی حس و ادراکی سببیه قننی لقمه ده چور چوب وار ایلسه آنی بولدی
و طشره جیقردی مثلا انسان و یا حیوان اکل اوله ان طعمک و یا خود
حبوب و نباتات ایچنده مطعموم و مأکوله مخالف نسته ادراک ایلسه آنی
ابتلاع اینتر بلکه لسانی و یادندانی ابله بواب اخراج ایلر پس
بوصفت حسه موقوف و حس دخی زنده و حی اولغه منوط اولدی هر محله که
حس و حیسات بوقدر آنده ضار و نافع تشخیص و تمیز دخی اولماز

وحس و حیات ایکبدر کہ بری صوری و بری معنوی در پس حس و حیات
صوری نیچہ مضرک استخراجہ مدار و ملائمی غیر ملائمتی فرقہ سبب
ایسہ حس و حیات معنوی دخی بویله در یعنی بر قلب کہ فی الجملہ
حی اولہ واندہ احساس معنوی بوانہ اول قلبہ غذا مرتبہ سندیہ اولان
علوم و معارفک نافع و غیر نافعنی تمیز حاصل اولور و نافعنی ابقا ایدوب
غیر نافعنی سلب ایدر علوم غیر نافعہ اودر کہ کتاب و سنت آنک صحت
و حقیقتہ شہادت ایتیمہ علوم فلاسفہ و امثالی کبی * و بعض علوم رسمیمہ
دخی وارد کہ تعلیم ضرورت قویہ بوقدر پس اومقوله لہ توغل دخی
اسراف عمر دنسرو بعض معارف دخی وارد کہ اسمادہ و یاصفاتندہ و یاداندہ
الحادہ دآردر اول دخی ضاردر * زیر عقیدہ اہل سنتدن خارج در
متصوفہ نک اکثری بوالحادلہ مبتلا در برنسنہ کہ الہام ربانی و بالقاء
ملکی اولسہ خطر دن خالی دگادر زیرا یا خواطر ردیہ نفسانیہ و بالقاءات
فاسدہ شیطانیہ در پس ظاہری علوم و معارف کورینور
فاما مقبول دکلدر * و بوندہ بر اشارت دخی بودر کہ احیاء قلب
واماتہ نفس صد دندہ اولان سالکہ لازمدر کہ غذا رده احتیاط ایلیمہ
وسلو کدہ ترقی بہ مانع اولان شبہاتی ترک ایدہ بونی تمیز دہ ایسہ زیادہ
صوابت وارد کہ حس انسان سلامت و عقل کمال و فراست تمام اوزرینہ
کر کدر اشدہ بومبتدی حالیدر فاما منتهی اولنلرک اطوار مختلفہ سی وارد *
محکبدر کہ بعض بکارہ طعام احضار اولند قدہ اگر شبہہ لی ایسہ
بر مغنہ طبری حرکت ایدردی پس اول دخی اندن تناول ایتزدی
و بعضیلرینہ یمہ دیوندا کوردی * و بعضیلرینہ غشیان غلبہ ایدردی
* و بعضیلرینہ حاضر اولان طعام قان کورینوردی و بعضیلرینہ
سیاہرک و بعضیلرینہ خنزیر صورتندہ تشکل ایدردی و بازید بسطامی
قدس سرہ والدہ سی بازیدی حامل ایکن الن حرام طعامہ صونفہ
قادر اولز دی و نیچہ اولیا و اصفیایہ دخی بونلرک کبی علامات ظہور
ایدردی یا ظاہر وجود زندہ و باداعیہ حسبیلہ و یا طعامک ذاتندہ
و یا خارجدن پس شبہات حرام چور چوب مقولہ سی کبیدر کہ سالک
آنی کندی غذا سی ارا سندیہ اخراج ایتک لازمدر تا کہ صو کندیہ کدردی
ظہور ایتیمہ زیرا بالکن کندیکن تناول ایتدیک دکل بلکہ حلی حالتندہ

والدہ سنک اکا کندن بلہ اثناء سلوک کدہ فترات و وقفات ظہور
ایتشددر شبہہ لی ابن ارتضاع ایتک دخی بویله در پس صیبانی
صباوتی حالتندہ محافظہ کر کدر *

✽ حس دنیا نردبان این جہان ✽

✽ حس دینی نردبان آسمان ✽

* نردبان * معروف آلت در کہ عریضہ سلم و مرقعات و درجہ دیرلر ظاہر اولان
بودر کہ نردبان مرکبدر بر جزئی نرد در کہ بدایع مناسبہ درو بر جزئی
دخی بان در کہ بر نوع اغا جدر فدائی و دالمری وارد کہ محبوبلرک قائمدرینی
اکا تشبہ ایدرلر پس نردبان دیمک بان اغا جک بدایع دیمک اولور
یعنی بان اغا جک بدایعندن مصنوع اولان آلت صکرہ ہر اغا جک غصون
بان کبی مستقیم اولہ و بلکہ طاشدن مصنوع اولانہ دخی اطلاق اولندی
* حس دین * امر و جدانیدر پس اکا حس اطلاق اولنلق مشاکلہ طریقلہ در
اگرچہ حواس باطنہ دخی دیرلر وحس و خیال و وہم حقیقتندہ نفسک
صفتیدر نتکم ند کرو تفکر و حفظ و امثالی روحک نعتیدر (معنای بیت)
بودر کہ حس دنیا و ادراکی صوری بوجہانک نردبانیدر یعنی عالم ملکک
مقاصدندہ وصولہ وسیلہ در * زیرا بوحس بولند قبحہ و سلامت اوزرہ اولد قبحہ
نفع و ضرر تشخیص اولنماز و مطلوب اولان معنی حصولہ کلز و حس دینی
و وجدان باطنی آسمانک نردبانیدر یعنی عالم ملکوتک مطالبک حصولہ
سبیدر زیرا حس دنیا بورادہ نمشی ایتمز و عالم خلقندن اولان نسنبہ
عالم امرہ طوغری حرکت ایدوب کتمز بلکہ شعوری قاصر و ادراکی
ناقصددر انکیچون نیچہ دنیا عاقلاری امور دیندہ احققلر و نیچہ علوم
رسمیمہ دہ عالم معارف اکہیمہ دہ جاہلار در انکیچون تعلیم و ارشادہ محتاجلر در
* بور باباف اگر بافندہ است * نبردندش بکار کاہ حریر * بہدنا مولانا
حضر تلمی آسمانی جہانہ مقابل ایراد ایتندن فہم اولنور کہ حد دتیا فلک
قرک مقعدن اعتبار اولنہ فاما مشہور اولان بودر کہ کرسی کریمک مقعدن
معتبردر کہ سموات سبع حد دنیادہ داخلدر زیرا عالم کون و فساد دندر
نتکم (اذا السماء انشقت) و امثالی اکا دالدر انکیچون جہان مطابق عالم ملک
و آسمان مطابق عالم ملکوت معنا سنہ اخذ اولندی ملکوتدن مراد عالم
ملک باطنیدر پس براعتبارلہ عرش و کرسی باطن ملکدر و براعتبارلہ

هر نسته ك باطنی و ملكوتی انكه قائم اولدیغی سری و روحیدر كه قبضه
قدردنه در تنكم قرآنده كلور (فسبحان الذی بیده ملكوت كل شیء)
بونده اشارت وارد در كه نزد بانك ذاتنده صلابت و صاعدك دخی
اعضاسنده قوت و منات اولدقجه مقصوده صعود ممكن اولدیغی كبی
حسن ظاهر و باطنده دخی صحت و سلامت اولسه مقصوده وصول
حاصل اولز و لكن بوحسبك تصحیح و تقویتمدن هر كسده عجز ظاهر
و بعضی مفسور اولنه كوره صحیح و قویم اولدیغی صورتده دخی
مقصوده وجه توسلده جهل باهر اولغله مولانا حضرت تری اصلاح
وجود و تحصیل شهودك طرفته ارشاد ایدوب بیورر * والله الموفق *

صحت این حس بجوید از طیب *

صحت آن حس بجوید از حیب *

* طیبك * معنای بالاده بیان اولدی * حیب * محبوب معنای در مراد
بالاصاله الله تعالى و بالتبعیه رسول الله صلى الله علیه و سلم و ورثه كلدر
ز برادعوت و ارشاده حقك و كلاء و خلفاسیدر اگرچه كه فی الجمله صحت
جسمانیه و روحانیه سز من عند الله اخذ ایتك دخی وارد طریق
اویسیه افرادنده اولدیغی كبی * بعدذا این تأخیر و آن تقدیم اولمق كرك
ایدی و لكن دنیاك قرینه و معناسك دنونه و فی الحقیقه دنائته بناء این
ایله اشارت اولدی فاعرف (معنی یت) بودر كه بوحس دنیاك صحت
و سلامتی طیب صوری دن طلب ایدكز را طیب جسمانی معالجه
صوریه و مباشرت جسمانیه و تربیه جسدانیه ایله صحت مزاج و اعتدال
وجود و سلامت اعضا و مشاعره سیدر و اول حس دینك صحت و عافیتی
حكیم اكهی و طیب معنویدن طلب ایدكز را حکیم ربانی و طیب
روحانی معالجه معنویه و مباشرت روحانیه و تربیه قلبیه ایله تزکیه
اخلاق و تصفیه درون و اصلاح قوای باطنه باعشد * و حسن دنیا
سلامت اوزرینه اولسه جمیع شعور و ادراكات دخی قوام اوزرینه
اولوب آلتك حصول ایله مقاصدك حصول دخی وجود پذیر اولدیغی
كبی حسن دین دخی عافیت اوزرینه اولسه جمیع وجدانیات و روحانیات
دخی تمام اوزرینه اولوب احبابك وجودبله مسیبات دخی وجود بولور
بونده اشارات وارد (اولكیسی بودر كه حیب ایله طیبك میاننده فرق

وارد ز را حیب حکیمد ر طیب د كلدر ز را طیبده معالجه اعضا
و جوارح ملحوظ اولغله الله تعالى اوزرینه اطلاق صحیح دكلدر بوندن
فهم اولور كه عرشده كامله حکیم دنلد یکی كبی طیب دخی دیناور
ز را هم جهت طبی وارد لقمان حکیم كبی انکیچون تسلیك و تربیه
وقتده اغذیه موافقه ایله سالكرك مزاجلرن تقویم و مشربلرن تصحیح
ایدلر ز را مزاج اعتدال بولدقجه سلوك ممكن اولز انکیچون کیوف
اهللك سلوكنه امکان یوقدر مکر تدر یجله طبع اولنه عودت ممكن اوله
(لحرره) نه روادریه سن بونجه کیوف * طبی تغییر ایدیه سن یوف سکا
یوف * اینکجیسی رتبه انسانك جامعیتدر كه ظاهر و باطن و ملك
و ملكوتك اسرارینه مظهر و علویات و سفلیاتك جمله سی اكامسخردر
انکیچون نظام ظاهره و قوام باطنه سیدر یعنی بدنی ایله عالم شهادتی
ضبط و روحی ایله عالم غیبی حفظ ایدر و بوجمله مفردات عالم اختلال
و ترکیبات بنی آدم انحلالدن خلاص اولور (اوچنجیسی بودر كه كچه
هر مولود فطرت اصلیه اوزرینه تولد ایدر فاما ظاهرده جسمك انحرافنه
و باطنده روحك اختلالنه عوارض و عوائق ظهور ایتكله جسم حرکتدن
و روح دخی سیردن قالور بوسه سیدن طیب و حبیبه مراجعت لازم كلور
و طیب و حیبك كرتی رحندر ز را كرت اسمایه ناظردر پس هر كس
زخنه ممكن اولان یردن مرهم و چاره آرر فاعرف جیدا (فان الله جامع
وكل من الاسماء ناظر الی وجه خاص مشبرا الی الرحمة الواسعة لایعرفه
الا اهل الاختصاص) در دنجیسی بودر كه علماء ظاهر طیب مقوله سیدر كه
دینك ظاهرینه خدمت ایدلر و علماء باطن حیب مقوله سیدر كه ظاهر
و باطنده احبایه تصرفلری وارد ز را وجوه باطنه دن خبردار اولور
امور ظاهریه دخی جاهل دكلدر درو خبرده كلور (ما اتخذ الله من ولی جاهل
ولو اتخذ له علمه) یعنی اول تعلیم ایلوب اندن صكره ولی اتخاذ ایلر و قرآنده
كلور (ذلكم مما علمنی) وینه قرآنده كلور (هل ایتك علی ان تعلمن مما
علمت رشدنا) صدق الله العظیم و بلغ رسوله الكرم *

صحت این حس ز مهموری تن *

صحت آن حس ز تخریب بدن *

بعض فسخده ز تخریب برینه زویرانی دوشمشد * تخریب * عرف

ناسده تعميرك مقابلدر وليكن فصيحى عمارتدر كه خرابك نقيضيدر
 زيرا تعمير عمر و بر مكدن نتكمن قرآنده كلور (وما يعمر من معمر) و عمارت
 حفظ بنادر كه معمور لفظى اندن مفعولدر و عمارت تن حيات ايله حاصل
 اولور * تن * كوده در باش و آل و اياق انك مسما سندن خارجدر بدن دخی
 بويله در لکن تن فارسى و بدن عربيدر و مفردانده كلور كه بدن جسددر
 لکن بدن جثه اعتباريله و جسدان اعتباريله مفعولدر (معناى بيت)
 بودر كه بوجهان حسنك صحتى و عالم ملكه متعلق اولان ادراكك
 سلامتى تنك معمور اغندن و عالم شهادته ناظر اولان ظاهر ك آبادانلغندن
 يعنى جسمك صحت و اعتدال ايله معمور اولماسندندر كه طيب صورتى
 اكادمدر و اول حس دينى ك صحتى بدنى تخریب و ويران ايتكندندر
 يعنى رياضتله جسدی و طبيعتى و مجاهده ايله نفسى و قواسنى زبون
 و مغلوب ايلوب عالم غيبه ناظر اولان قلب و روحى احيا ايتكندندر كه
 حبيب يعنى حكيم الهى اكادم در پس قچن تن استيفاء لذات نفسانيه
 و تمتعات شهوات حيوانيه ايله معمور اولسه قلب و روح اخلاق حميده
 و صفات روحانيه ايله تخلق و انصافدن محروم اولوب خراب قالور زيرا
 ظاهر ك كالى باطنك نقصانده و باطنك كالى ظاهر ك نقصانده سبيدر
 انكي چون بوستانده كلور * ندارند تن پروران آكهى * كه بر معده باشدز حكمت
 نهى * پس تخریب بدن قتل صورتى ايله دكلدر نتكمن بعض متواجدر
 وجد كاذب ايله كنديلرن سطحدن و يا بر مر تفع بدن القايدوب اهلاك
 نفس ايدر لر كه منهيدر بلكه قتل حكمنده اولان رياضت و مجاهده ايله در
 انكي چون رياضت و مجاهده بي سيفه و خنجره تشبيه ايتشلدن زيرا نفس
 و طبيعتك تعلقى كردن قطع ايدر و شهواتى قاتن دو كر حلاج قدس
 سرده دعواى معهود صادر اولدقده و يا خود رسول الله صلى الله عليه
 وسلم بر خصومه اعتراض صورتنده كلام وجوده كلد كده كفارتچون
 وجود دن ككذر ايله اشارت اولندي اولدخی ظاهر وجوددن
 كذره حل ايدوب آخر مفعول و مصلوب اولدى فاما كرك ايديكه ناسوتيتى
 لاهوتينده افشا ايتكله عرق دعوايى قطع ايدى و مقام بقايه نزول ايله
 من بعد شطح و طامات يوائه كتمه و حبيب اللهك لسانی لسان حق
 اولديغن فهم ايدوب انك كلامنى كلام حقه حل ايتكله اعتراض ايتيه

زيرا حديث قدس سیده کلور (فاذا احببته كنت سمعه وبصره و لسانه
 ویده) سؤال اولور سه كه حلاجك كلامى دخی كلام حق
 دكليدر (جواب بودر كه محب ايله محبوبك ميساننده فرق واردر
 زيرا محب لسان عشقندن سويلر كه مقتضاسى اثنيثدر ريرا
 عشق عالم صفاته ناظر در محبوب ايسه اسان فنا دن سويلر كه
 مقتضاسى فردايتدر زيرا فناء عالم ذاته ناظر در پس عبدك حقه محب
 اولسه يله حقه عبده محب اولماسنك مابيننده فاروق واردر الحاصل
 فنايه بقا حاصل اولدقجه اكليت مرتبه سى ظهوره كلز و كال مطلق
 وجود بولم از پس بومعنايه ظاهر و باطن بالكلية خراب اولق كر كدر
 زيرا عمارت باطن دخی توحيد حقيقى منافی و فنايى قادحدر و مرتبه ده
 حس عين شهود در مطلقا فاعرف (لحرره) منقطع اولز سه سندن
 عرق حس * خون سودا داده قالور محبتس * ظلمت تندن خروج
 ايت حقا * اوله كور انوار حقندن مقتبس

✽ راه جان مر جسم را ویران کنند ✽

✽ بعد ازان ویرانی آبادان کنند ✽

بعض نسخده راه جان يربنه شاهجان دوشمشدر ر اظهر اولان بودر
 زيرا راه جانده مضاف محذوف اعتبار اولوب سالك راه جان ديمكه
 محتاجدر بوراده جاندن مراد روح انسانيدر حيوانى دكل * مر * لفظى
 تحسين ايجوندن * جسم * طول و عرض و عمق اولانه ديرلر و قاموسده كلور كه
 الجسم بالكسر جماعة البدن والاعضاء من الناس وسائر الانواع العظيمة
 انتهى جسمله شخصك فرقى بودر كه جسمى تقطع و تجزیه اينسدر
 جسميتدن چقمن شخص ايسه بويله دكليدر * بعد ازان ویرانی * آن
 مابعدنه و ماقبلنه اشارته صالحدر نتكمن تصوير معناده كلور وليكن
 مابعدنه اشارت اولور سه ویرانی بامصدریه و ماقبلنه اشارت اولور سه
 تذكيره اولوب ادات مفعول تقدير اولور ویرانی راكبي (معناى بيت)
 بودر كه راه جان و طريق معنایه سالك اولان كسه و يا خود شاهجان
 و متصرف ولايت روح روان اولان دين جان اول جسمى و عالم صورتى
 و مقتضياتى ویران و افنايلر اندن اول ویرانلقدن صكره ویران اولان رنى
 معمور و آبادان ايلر و يا خود جسمى ویران ايلد كد نصكره ویرانی عمارت

قیلور حاصلی عمارتی خراب اوزرینه بنایلر نتمک بقمادقجه یايلز دیرلر
وبعض اشیاك عمارتی آخرك خرابلغنه موقو قدر پس آتی ویران ایتمك
خیر محضدر که مقصود بالذات اولان نتمك عمارت و آبادانلغنه وسیله در
چونکه جسمك مقتضاسیله تقیدایتمك جانی عالم اطلاقه توجهدن وقلبی
جمال غیبی مشاهده دن مانع وعائقدر پس اول قیدی ازاله ایتمك کجه راه
اطلاق اجلزو اول مانع و پرده مرتفع اولد قجه روی مقصود سیجلمز
نتمک برخانه نك جمیع جوانبی دیوار اولسه اول خانه پرتو آفتابدن محروم
اولور قچن برقاج رندن روزنه آجلسه روزنه سی مقداری شعله آفتابك
انعکاسی سیبله منور اولور واکر بالکلیه سقفی ساقط وجداری منهدم
اولسه عین نوردن عبارت اولور بوسیدن دیرلر که خانه وجودی فتائله
بالکلیه خراب اولان درویش خراب اولان خانه کبیر که جمیع جوانبی
روزنه در نتمک صائب دیواننده کلور * نور خورشید بویرانه فزون می افتد *
* بیشتر اطف خدا شامل درویشانست * یعنی خراب اولان منزلتک جمیع
اجزاسن پرتو خورشید محیط اولدیغی کبی تعینات پرده لری خرق ووجودی
مجازی بنالرن ویران ایدنلرک دخی بالکلیه قلب وروحلری دکل بلکه جمیع
اجزاء بدنیه لری نوره منقلب اولور نتمک قرآند کلور (واشرقت الارض
بنور ربها) دینه کلور (الله نور السموات والارض) یعنی ارواح واجسام نور
حقله قائمدر و نور شهود و شعله نجلی قلب وروح وارد اولدقده پرتوی
نفس وطبیعت وجسده دخی منعکس و بلکه جمیع عروق ساری اولوب
محل دم محل نور اولور نتمک بونورک قوتی سیبله کدل اولباو جمیع اصفیانك
قوت شهویه لری غالبدر و نمازله احیاء لیالی ایدنلرک بوزلری منوردر زیرا
سحرگاه عالم غیبیه مسلاقی اولد قللری بوزك نور یله قلبلری
منور اولغله وجه ظاهر لینه دخی نور الهی ساری اولوب نورانیت ایلله
اتصاف بولور * ع * والارض من کأس الکرام نصیب * و بونده (ان الملوك
اذا دخلوا قرية افسدوها) سرنه اشارت وارددر زیرا تجلیات آلهیه
قوای جسد وروح حیوانی قوای طبیعیه ونفسانیه نك تعیناتن ازاله
وانیانتن افنایلر و بوفنده قیامت کبری قائم اولوب بقاء ذاته حشر اولوق
لازم کلور الحاصل وجود مجازی به قیمن کسه وجود حقانیدن امید قیام
ایلسونز براوهم ایلله حقیقت بر پرده مجتمع اولماز یعنی اول امور موهمه نك

اعتباری رفع ایتمك کر کدر تا که جمال حقیقت ظ هر اوله بوسیدندر که
بالکلیه ریاضت کفایت اینکلیه عشقک وجودی دخی لازمدر زیرا عشق
آلهی آتش بکزر آتش ایلله مروتی بکی یری احراق ایدر عوام ناس
دائمتن پرور اولوب جسمانیلرن محافظه ایلد کلرندن عالم روح ایلله
آشناقلردن محروم اولمشلردن و آداب طریقت کوزنمین سالک لردخی بویله در
زیرا سالک حقیقی اودر که خاوص وصدق ارادت قلبنده غالب اولوب
مطلوبه وصول بواننده جمیع وجودیاتی افنا ایلله و صوم و روضولک
اسبابندندر (تجويع ترانی تجردتصل) اگر چه که تجويع ایلله مراد
حقیقتنده جانب مطلوبه اولان اشتها و اشتیاق قدر و لکن فضلات
غذائیه روی جانه حجابدر بوسیدندر که حضرت موسی علیه السلام
تمام اربعینی وصال ایلدی و رسول اکرم صلی الله علیه وسلم حضرت نلری
دخی صوم وصال ایدر لردی (لحرره) * ای کوکل معمور اولام دیرسك
سنی ویران قیل * پرتو نور تجلیدن کوزك حیران قیل * (اللهم زدنی تحیرافیک
* ای خنك جانی که در عشق مال *

* ترک کرد او خاتمان و ملک و مال *

* خنك * بختلو و طالعلو دیمکدر * مال * مدله مر جمع و مصیر و مأب
معناسنه در که الله تعالی در اصلی اولدر قول و زننده اول اصله رجوعدر
نتمک موئل دیرلر اول موضعه که اکار جوع ایدرلر و التجا قیلورلر و لکن
مال اولدندر که ذکر اولندی یقال آل الیه اولا و مال رجوع و موئل
وئلندندر یعنی واولک تقدیم یله یقال وال الیه یئل والالاء وال المکان بادر
* خاتمان * اوبارق دیمکدر تفصیلی بالاده مروتی بکشد * ملک * سمله ذوی
العقوله و غیرده تصرفه شاملدر و کسمله ذوی العقولک غیریه
مختصدر بوزاده مال ملک دن و ملک دخی خاتماندن اعم در پس تعمیم
بعد التخصیص قیلندن اولور (معنای بیت) بودر که ای بختلو و کوکلو
وسعادتلو جانکه مال و مرجع اولان الله تعالینک عشق و شوقنده خاتمان
و ملک و مالی ترک ایدی نتمک ابراهیم بن ادهم قدس سره اول سودایه دوشوب
سلطنت هواسندن کچدی و جمیع مال و ملکدن مفارقت ایلدی و خصوصاً
اهل و عیال دن منقطع اولدی زیرا بو حقایق امکاتیه و حقیقت انسان
اول حقایق احکانه نزول ایتمك حق تعالیدن محض رجندر که تجلیات
وجودیه ده تجلیات شهودیه ایلله رب الاربابه هدی تحصیل ایدر یعنی

اسماء و صفاتك مراتبی سیرایدر وینه اصله رجوع ایدر که حضرت
احدیه و هویت ذاتیه در پس بو عالم ملکه تنزل ایتک ملک و مال ایله
تقید و مظاهر ایله ظاهر دن احتجاب ایچون دکلدر بلکه تحصیل شهود
ایچوندر و بوشهودی تحصیل ایچون بیچاره مال و ملکی ترک ایتدیلر یعنی
علاقانندن خلاص اولی ایچون کنیدیلر بر اقدیلر اگر چه که
فی الحقیقه فرار ایتک حقدن حقه در ولکن علاقه حجابدر و وراء
حجابدن مشوقی تماشا ایتک مشکدر پس حجابی خرق ایچون اکواندن
بکدیلر صکره بر مرتبه واصل اولدیلر که اکوان بوزنده منعکس اولان
نور ظاهری مطالعیه قادر اولدیلر و من بعد حجابدن نجات بوالدیلر و فناده
عالم بقاء سر یله متحقق اولوب صور انلری عوق ایتدی بلکه نعيم جهان
ایچنده نعيم جنان بوالدیلر (اللهم اجعلنا منهم) بوندن فهم اولند یکه
بر نسنه بی ترک ایتک حقیقه تده انک حجابدن تخلص درو الابی مرآت مشاهده
ممکن دکلدر و بو عالم سز تکر ی بیلنور و بو انور دیمک ایدو دکلدر
پس انسان نره دن نره به فرار ایدر یعنی وجوددن صاحب الوجوده
فرار ایدر تا که صاحب الوجود وجود دات ایچنده مراتبی
اکسیر ایتدیره و در جاتی کوستره و افعال و صفات و ذاتی ایله آشنا قله
ولکن ترکی دخی ترک ایتک کر کدر زیر اترک و تخرید دخی براز خنددر فاعرف
جدا * و بونده برفاج و جهله رمز واردر که بری بودر که ابوالبشر آدم علیه
السلام ارضه هبوطله مأمور اولدیغی عتب ایچون دکلر بلکه تشریف
ایچون ایدی تنکم ابن کال ذاهب اولمشدرو بعض کبار بومعنی ابن کالک سبب
مغفرتی اوله دیمشدر زرا ابن کال کر چه ارباب حقایقندن دکلدر فاما
کلامی حقیقه مطابق و فهمیده مصیدر و آدمک جنانی ترک ایتدی یکی
عشقک ثمره سی ایدی اگر چه که حقیقت عشق دنیاده ابتلا بوزندن حصوله
کلدی و بومعنایه اشارت ایدوب حضرت هدایی قدس سره کلماتنده
کلور * طینت آدمده قوناسه ازل سودای عشق * جنتی بردانه یه
صائمزدی اول دانای عشق * فاما اولکه محمدیه ده کلور * ع * دانه کیم
آدم یدی کر کو هر اولسه باقیم * بوندن مقصود کند ی اسانندن
آدمک علوهمتنی بیاند زرا آدم دخی ارضه هبوط ایدوب سر عشقه
مظهر اولدقد و بوسوزی سویلدی زرا جسته دانبه التفاتی لاجل
المصلحه ایدی صکره کونینه التفاتی قالدی فافهم و بو کلامک بعض

من ایا سنی محمدیه اوزر بنه اولان شرحزده مصرع مذکور ذیلنده
تفصیل ایتشوز در * و بری دخی بودر که خاتمان و ملک و مالی ترک ایتک
اگر عشق حق اوزر بنه مرتب ایه مقبول والا مر دود در * مثلاً اهل
وعیال بلا سندن خلاص ایچون و یا غیری غرضه بناء ترک ایتک کی
زیر ابومقوله ترک ثمره سی بوقدر زیر اترک مفید اودر که اند باقی بی فانی
اوزر بنه اختیار بولنه * و بری دخی بودر که عشق دل کلیت بولند حقه
بالکلیه ترک دخی حاصل اولمز و صاحبی دخی قدر عالی و بخت رفیع
بولمز * و بری دخی بودر که مولانا حضرتلری عشق ماله مضاف قلدی
مأل ایه بالا اعتبار ایکدر بری مأل مطلقدر که الله تعالی در * و بری دخی
مأل مقید در که مراتب اسمادر و دیمشدر در که مطلق کامله مصر و قدر پس
سالکه واجبدر که مراتب بدن بر مرتبه ده قرار ایتوب رفیع الدرجاته واصل
اوله و حقیقه الحقائقه یول بوله و الاسلوک ناقص اهلی اولور مثلاً کعبیه
متوجه اولان کعبیه لازمدر که بلاددن بر بلده ده قرار ایتدی یکی کی
مدینه ده دخی قرار ایتیه زرا مدینه صفات مرتبه سیدر بلکه کعبیه
واصل و حرم الله داخل اوله که ذات مرتبه سیدر که اصلدر و روی
ارض دخی تحت کعبه دن بسط اولمغله تراب کعبه جله نك ترابنه مأل
و مر جعدر پس بوندن صورة و معنی کعبیه رجوعک سری معلوم اولدی
ورسول الله صلی الله علیه و سلم مکه دن مدینه هجرتی آدم
علیه السلام جنتدن ارضه هبوطی صورتیدر * زیرا کعبه دخی حنت
کی جوار حقه اشارتدر و اول جوار دن مفارقت ایتک عالم اسماء
و صفات و اناری سیر و مطالعه ایچون ایدی و بو مقصود حاصل اولدقد
سرله جوار حاصل اولدی اگر چه که جوار صوری دخی وار در
زرا رسول الله صلی الله علیه و سلم بالاخره مکیه مالک و کعبیه داخل
اولدیغی کی آدم علیه السلام دخی اولاد مؤمنینی ایله جسته داخل اولسه
کر کدر نا که ازل و ابوسری مجتمع اوله وقاب قوسین مرتبه سی اوادنایه
ملاقات بوله (فاعرف) فانه رمز شریف (لحرره) فقی دور و دراز در
مقصد * یوری بار وجودی تخفیف ایت * هیچ بر یرده توقف ایتیه
* سیر آهسته ایله یوالکه کت *

﴿ کرد ویران خانه بهر کنج زر ﴾
﴿ وز همنان کجش کند معمور تر ﴾

* کنج * کاف فارسیست فحیه کثر و خزینه معنایست در بهر ذابویت
ماقبلنی تمیلدر (معنای بیت) بود که باقی ایچون فانی بی ترک ایتک
اکا بکر که بر کسبه التون خزینه سندن اوتوری خانه بی ویران ایلدی
وهمان اول التون خزینه سندن خانه بی زیاده معمور ایلر و اولیکدن
آبادان قبلور یعنی بر کسبه نك خانه سی التده التون و دفینه سی اواسه
کر چه اول کسه ذکر اولسان دفینه بی اخراج ایچون خانه سی ویران
ایلر و کن بوو برانلغ نك فی الحقیقه اکا ضرری یوقدر زیرا اله کتوردیکی
مال ایله خانه بی اولیکدن زیاده مستحکم بنسا ایلر و معمور قبلور پس
بر خرابک که آخری عمارت اوله اکالم یوقدر نك اور تاده مقصود حاصل
اولسون بونده فتا و بقا سرنه اشارت وارد نیکم حضرت هدایی قدس
سره بیورر * فانی وجودی ترک ایدن * بولمزمی حقانی وجود * یعنی انسانک
وجود مجازی و تعینات و احوالی برخانه کبیر که تحتده وجود حقانی
دفینه سی وارد و اول وجود حقانیه وصول وجود مجازی بی افتا
و ازاله موقوفدر * پس قچن سالک ریاضات شاقه و مجاهدات قویه
آلایله وجود مجازی بناسنی ویران و ناسوتی لاهوتیته افتایله
وجود مجازیدن خیر او اولان وجود حقانی به نائل اولور * زیرا وجود
مجازی فانی و وجود حقانی باقیدر نیکم قرآنده کلور (ان الله بامرکم
ان تؤدوا الامانات الی اهلها) یعنی سالک عروج حائده تحلیله جمیع
مراتبیدن اخذ ایتدیکیکی امانات لباس سندن نجر ایدر و وجود وانک
مضافاتندن بر نسنه سی قالمز و بونکله فتانی الله بولور صکره نزول حائده
حین تعقیده جله مقاماتندن مجددا لباس بقا ایله تلبس ایدر و ترک
ایتدیکندن خیر لوعوض بولور و من بعد غناسنه زوال کلز و عمارتی
خراب اولماز شویله که اول معنی انک وجود صوریسنه دخی ساری اولوب
روحی بدندن مفارقت ایتدیکدن صکره بدنه الی یوم القیام انحلال کلز
واعضای وجودی انتشار و انفساح بولم سائر جانلرینه جفا کوستر میتلر
ایسه بوصفادن محروم اولوب ظاهر او باطنا ویران اولوب قالورلر پس
بوندن فهم اولدیکه خانه سی تحتده دفینه اولدیغنه واقف اولیان کسه نك

خانه سی حالی اوزرینه قالوب کندوسی دولت دفینه دن محروم
اولدیغی کبی وجود مجزی تحتده وجود حقانی اولدیغنه مطلع اولیان
عامی دخی دولت سربقادن تهی قالور و لکن اگر فی الجمله بودلندن
آگاه اولوبده تحصیله سعی ایتزسه عجب خسارت و بونده (الدنیا من رعة
الآخرة) سرنه اشارت وارد بر بزرگ انبرده دانه سن صقلیوب من رعیه
بریشان ایتسه اول دانه بی آخر موش و پیش اکل ایدوب انکله انتفاع
و تمتعدن محروم اولدیغی کبی مانده و وجودینه بخیل اولانی دخی عاقبت
مار و مور بر (لحرره) دلر یسک یمیه جسمکی مار * ایله تریاق عشقه تیار
دانه پاش اولیان کشی بو کون * ای عجب غله دن یارن نه او مار * و بونده
(کنت کنزاً مخفياً) حدیثه رمز وارد اهل تصوف قاتنده کنز
مخفی هویت احدیه در که عالم غیبده مکتونه در وجهه باطن اسمی
تحتده اولان باطن لک باطنیدر یعنی حق و کنز مخفیدر ذات و صفاتک
ازدواجی حاصل اولوب خلق خلق ایتدیکه خلق ظاهر اولدی یعنی
حقه کوره اسم ظاهر صفاته دائر و اسم باطن ذته ناظر اولدی بوندن فهم
اولدیکه حق خلیقدر نیکم حضرت هدایی قدس سره بیورر * کنز مخفیدن
ظهوره کلدی اشیا لاجرم * و ظاهر خلق جقدر ز را لباس صفات ایله
تلبس ایلشدر نیکم شیخ اکبر قدس سره الاطهر حضر تلی بیورر
* انما الی کون خیال و هو حق فی الحقیقه * پس بو کنز مخفی سرنی عشقه
خراب و فناء تاهله ویران اولان بولور جقارر * الخراب وطن الحق *
و بوندن ظاهر اولدیکه خلق ممکن دیمک ظهوری اعتباریه در زیرا
ظهورنه امکان اولسه باطن حقه مستجن اولوب قالوردی ممتنعات کبی
(سؤال اولئورسه که حدیث مذکورده مندرج اولان کنت صیغه سی
نیه محمولدر زیرا که لایسل و لانهار عالمه اشارتدر) جواب بودر که
ازله نسبت ایله اخبار از منسه دن بر نسنه ایله متصف دکلدر زیرا
الله تعالی به نسبتله ماضی و مستقبل و حال یوقدر پس صورت ماضیده
اولان صیغه ل اخبار محضه محمولدر یعنی زماندن خالی و مجرددر الحاصل
کنت کلمه سندن مقصود مجرد کینونت ایله اخبار در که اند زمان ماضی
معتبر دکلدر و بر جواب دخی بودر که آن و غیر منقسمه کوره در که جمیع
آیات و از منته نك ام واصلیدر و لکن فهمی دقیقدر و بعض کبار بوسره رمز

ایدوب بیورر (لاتکن زمانیا و لامکانیا) فاعرف والله الهادی وعلیه التکلان
 * آب را ببرد و جو را پاک کرد *
 * بعد ازان در جو روان کرد آب خورد *

* ببرد * ماضیدر اولکی باعلامت اشتقاقدر که مشتقات او ائله داخل
 اولور و بو باده اصل اولان مکسور اولمقدور و لکن ما بعدنک حرکت
 تبعیتله مضموم او قنور زیر بریدن ضمه کسمکدر قطع کی بوراده
 یاء ثانیه اسکان اولنق ضرورت ایچوندر و قطع عرفیدر که سد
 و مجرا شدن منعه محمولدر * جو * ضمه ارمقدور نهر کی اصل جویدر * آب
 خورد * صوایچه جک و صولانچق بر در آشخورد کی بوراده مراد صونک
 کندیدر ذکر محل و اراده حال طریقله خورد کرده تطبیق ایچون خاتک
 ضمه سنی فحیه اما له ایله تلفظ اولنور (معنای بیت) بودر که صوبی کسدی
 و ایرماغی پاک ایلدی اندن صکره ایرماغه صوبی جاری قلدی یعنی ایرماغه
 پاک صو جریان اینسون دین کسه ابتدا صویک مجرا سنی تطهیر و موافق
 ازاله ایله بوا یسه بر زمان صونک اول مجرا دن انقطاعله وجوده کلور
 پس بوانقطاع نتیجه سی اولکیدن خیر او جریان اولور نتم خرابه
 مشرف اولان مسجدی هدم ایتمکد کجه عمارت قبول ایتمز الحاصل بومقوله
 خصوص صلرده عقلا یه روشن بودر که عاقبت اندیش اولمین جهلایه و حتی نک
 سوزن استماع ایتمیوب بلدیکی وجه اوزره کارنه مقید اوله تا که نهایتده
 طعن و تشنیع ایدنلر شرمسار اولار نتم بوفقیه بروسه ده واقع خانه مزک
 خارجیه سن مسجد جامع قلمغیچون هدم ایتمکده ظاهر بین اولانلر زبان
 درازلق ایلوب شویله زیبا بناری تخریب ایلدی دیدیلر صکره فانی باقی به
 مبدل و بنا اولکیدن مکمل اولدیغن کوروب ملزم اولدیلر اشته اهل دنیانک
 جمیع امور اخرویه ده حاللری بودر * نعوذ بالله تعالی خصوص صا اهل
 سلوک فقرا سنت احوالن انکار ایدرلر یعنی ترک دنیا و عزالت و انقطاع
 و امثالنده حاللری انلره خوش کلر بلزلر که بوفقد انده وجدان و بو عزالنده
 صحبت و بوانقطاع و فرقتده وصلت وارددر پس بومقوله منکرلر ظاهرده
 صلوة و صیام و امثال ایله مقید اولوب مسلم اولیق زعم اینسلر دخی حاللری
 تقلید در زیرا اگر ایمانلرنده یقین و حاللرنده تحقیق لری اولایدی نتایج
 نظر ایدرلر و کندیلری دخی اهل ترک و تجرید اولورلری بونده آب ایله

علوم رسمیه و جو ایله قلبه اشارت وارددر زیرا قلبی جمیع رسوم دن
 تخلیه و محلی تهیه ایتمکد کجه علوم حقیقه نیایع و انهار ی جریان ایتمز
 و علوم رسمیه نک حقیقتده وصولدن صکره در نتم امام غزالی رحمه الله
 بغدادده تدریس رسوم ایدرکن جمیع علومک نتایجنه نظر ایدوب کا
 ینبغی حقه موصل اولدیغن یقینا بلد کده علم تصوفه طالب اولوب
 سودای سلوک ایله درسی ترک ایلدی و بیچه زمان سیاحتدن صکره
 جامع دمشقده مناره بیضاده اون برسنه تخلی ایلدی و اوراده علوم
 حقیقه تصنیف ایتدی مقصود حاصل اولدقدن صکره بغدادده عودت
 ایدوب کالاول درسه مشغول اولدی و علمک ذوقنی اندن صکره بولدی
 بوسیدن حقه عظماء طریقنددر دیوشهادت اولمشدر و یکنانه عصر
 اولان مولانا فنارینک بروسه ده قطب الاقطاب اولان شیخ حامد
 قدس سره یه ملاقاتدن صکره تصوفانه سوره فاتحه اوزرینه تحریر
 ایتدیکی تفسیر مشهوردر و بونده اشارت وارددر که برسالک برمر شد
 قیوسنه مر اجعت ایتد کده ابتدا قلبندن جمیع رسومی اخراج ایدوب
 اندن صکره اول قیویه دخول ایتمک کرکدر نتم بهضایلر حین
 مر اجعتده اولاطهارت شرعیه ایدرلر و نایب جمیع معاوناتی دلدن
 چیقارلر و کندیلر طفل ایچد پایه سنه تنزیل ایدوب حضور مر شده
 ساده دل وارلر مش زیر ابویه اولدقجه فیض حاصل اولماز وسلو کندن
 کسه منفعت بولماز نتم شیخ سعدی بیورر * ترا کی بود چون چراغ
 التهاب * که از خود پری همچون قندیل از آب * برزخ وجودن گذر
 ایتمده زیاده صعوبت اولغله علماء رسوم و مقول و بعض کالات صوریه
 و ملکات جزیه ایله شهر تیاب اوللردن سلوک ایتمک نادر واقع اولمشدر
 علم حقیقت ایسه قلبنده کونینه لمح نظر اولانه منفعت و منکشف اولماز
 الحاصل هست اولان نیست و مملو اولان خالی اولغله محتاجدر تا که
 وجود حقانی آناری ظهور ایله و فیض جدید حاصل اوله نتم
 حضرت هدی بیورر * سبب اشلا یحق بیده * اولکی رسم
 کیده * باقی که ظهور اید * فانی اریوب افه *

* پوست را بشکافت بیکانرا کشید *

* پوست تازه بعد از انش بردمید *

* بشکافت * ماضی متعدیدر یاردی معناسنه تانک ضمه سی وزن ایچون اشباع اولماز * پوست تازه * تازه پوستک صفتیدر ولکن تانک کسره سی اشباع اولموب اختلاس ایتمک کر کدر پوست دریدر جلد کی * دمیدن * اوفور مک و اوت بتمک و غیره معناره دخی کلور بوراده مراد تازه ات ودری بتوب جسد اول کی کبی مانئم اولمقدردر (معنای بیت) بودر که درینی یاردی وات ایچنده اولان دمرنی چکدی و چقاردی اول دریدن صکره تازه دری بتدی و یاره سی اوکلدی یعنی برکسه نک جسدنه اوق دمرنی باتسه اول محلی کسکین پچاق ایله یاروب دمرنی ایچرودن چقاروق کر کدر زیر اخراج اولمسه بدنی فساد قبول ایدوب هلا کنه مؤدی اولور تنکم اگله مرضی ظهور ایدن عضوی قطع ایتمک کر کدر تا که ساری اولیه و چونکه اول دمرن اخراج اولنه بدن فساددن خلاص اولوب یرینه تازه ات ودری بتیس بای طریق کان دمرنی اخراج لازمدر و بدنتک یارلدیغی اصلاح ایچون اولغله ابتداء مضر انتهاء نافع ایله منجبر اولور و بدن اولکیدن زیاده اصلاح بو اورمر ویدر که امام علی کرم الله وجهه نک وقت محاربده بدنه دمرن قالبوب صکره نمازه شرو عنده انجذاب الی الله ایله جسددن مأخوذ و بشریتدن منسلخ اولدقده اول محلی یاروب دمرنی چقارلردی بونده پیکان ایله جراحت دله سبب اولان امور دنیا و علاقات ماسوادر که قلبه باتمش و درونه تعلق ایتمشدر پس سال که لازمدر که اول تعلق قطع و وجودنی تصحیح ایچون جسدنی ریاضتله یاره و سیف مجاهده ایله نفسنی پاره پاره ایلیه زیر ریاضت قویه و مجاهده غالبه ایله اجزاء وجود منحل و متخلخل اولان مواد متفرق و مجمّد اولان امور ذائب اولوب یکیدن صحت وجود حصول و ظهوره کلور الحاصل وجود فانی و مجازی بی وجود باقی و حقیقی به تبدیل ایدن سالک تجارتنده سو ایدر زیر وجود باقی و حقیقینک برکاتی وجود فانی و مجازی به دخی ساری اولوب بعد الموت عدم انحلالنه سبب اولور تنکم اکیر اعظم نحاسه ساری اولوب ذهب و فضه به استحاله ایدر و ابندی مرغوب اولمسنه باعث اوور و بوسریانیدن صکره تشدید ریاضت و تضییق مجاهده به حاجت قائماز اگرچه که اهل وصول الی وقت الموت پرهیزدن خالی دکلدردر پس ریاضت امری تمام اولدقده جسد بعض مساعدات ایله

تازه پرورش بولور و صنوت و نورانیتی اولکیدن زیاده اولور زیر اول کی نظارت و اطاعت غداء مجازینک و ایکنجی غداء حقیقینک آثاریدر انکیچون پیر اولنلرک چهره لری جوان کی و بلکه دخی کوزن کورینور (سؤال اولور سه که برغدا نجه هم مجازی و هم حقیقی اولور) جواب بودر که غدا نک حکمی متغیدی به تابعدر پس متغیدیده احکام روح احکام نفسه غالب اولسه و بلکه نفسدن اثر قالمسه انک غدا سی نهایتنده قان صورتنده نور اولور و نورک قاندن قوتی و تأثیری غالبدر انکیچون اهل اللهده کثرت نکاح واردر بروجهله که حار و مقوی تناول ایدنلرده یوقدر و اگر عکس اولوب احکام نفس احکام روح اوزرینه غالب و بلکه روحدن اثرنا پیدا ایه متغیدینک غدا سی قانه مبدل اولور قانک ایسه فنا و تغیری سریدر انکیچون اهل طبیعت اولنلر دائما بدیل مایتمخلله محتاجلردر تا که قوام وجود حاصل اوله ارباب ریاضت اراستنده ایسه مدت طوبیله غدا دن مستغنی کسه لر واردر کرک اذواق و حالاتی غدا یرینه عدایله و کرک منام و انسلاخده واقع اولان اکل و شربی حساب ایله سوز غداء صوری ترک ایتمده در وحدیشده کلور (المبشرات جزء من اجزاء النبوة) یعنی رسول الله صلی الله علیه وسلم صوم وصال ایدوب منام و انسلاخده تناول ایتدکری غدا نله اکتفا ایتدکری کبی ورثه کمل دخی اکتفا ایدرل شویله که یقظه و بشریت به عودت لرنده شیع وریک اثرندن مشا هده ایدرلر و بلکه اغزلرندن رایحه طعام شم اولور ناقص لرک حالی ایسه بویله دکلدردر یعنی انلر طوق یاتوب آج قالقارلر کرک منامده نسته تناول ایتسونلر و کرک ایتسونلر (لحرره) اوله کور فیض خدادن مملو * طوله انوار له عروق قو * اوقدر پرورش بوله جانک * نقدر جسمک اولسه ضعهله مو * والله الهادی * قاعه ویران کرد و از کافر ستند * بعد ازان بر ساختش صد برج و سد *

* قاعه * اول حصن بمنعدر که جبل اوزرنده اوله حصن قلعه دن اعددر زیرا حصن اول موضع حصین و متیننه دیرلر که جوفندن وصول ممکن اولیه کرک طاع اوزرنده اولسون و کرک اولسون قلعه اطلاق الله

اعلم مقلوع اولی شاندن اولغه بنادر نیکم تشریف اباسنه خلعت
دیرلر زرا بحسب الغالب ظهوردن مخلوعدر * ستم * ستادن دن ماضیدر
اخذایتدی معناسنه مضارعنده الف و نون زیاده قلوب ستاند دینلور
* صدر برج * صد نکثیر ایچوندر برج ضمه اصلنده اکابر و اشراف اولور دینی
قصره دیرلر صکره حصاره و حصار برجنه اطلاق اولندی ظهورنه بناء
زیرا اصل ترکیده ظهور معناسی واردر محاسن اوزرینه اشتمال ایله بله
قصر ایسه رفعت و حسنی سبیلله کوزله طاهر و محاسنی مظهردر
وقصوره تشبیهها آسمانک اون ایکی برجنه دخی بروج دیدیلر زرا منازل
سیارات و مقرثو ابتدر * سد * فتحله حاجز و مانع و بند ایتک یعنی کرکری
طوئقی بعضیلر فرق ایدوب سد فتحله فعل ناسدن اولاندنر نیکم سدا سکندر دیو
فتحله مشهوردر و ضمه فعل اللهیدن اولاندنر (معنای بیت) بودر که قلعه بی
ویران ایلدی و کافردن الیدی یعنی اهل حربدن الدقدن صکره آتی تخریب
ایلدی زرا او و مطابق جمع ایچوندر و یا خود زور بازو و ضرب دستله قلعه بی
ویران ایلدی تا که اهل حربدن اخذ ظفر بولدی آندن صکره اول
قلعه نیچه برج و سد دوزدی و اولکیندن معور و آبادان ایلدی نیکم
سلاطین و ملوک عنوة فتح ابتد کلری قلاع معتبره ده مشاهده اولمش
و بعضیلر دخی اخبار صادق و صحیحه ایله بلنمشدر مقصود نفس اماره
و قواسی الندن قلعه قلبی آلوب و حصار وجودی فتح ایدوب یکیدن آتی
اخلاق حسنه و اوصاف روحانیه ایله تجدید و مقامات عالیه دن انده نیچه
برج و قوی و متین اسملر ندن نیچه سد و برزخ احداث ایلدی یکن
بیاندر تا که بوسیله بردخی نفس اماره قلعه مذکوره به یول بولیه
و محاصره سنه مجال قالمیه و مقابله هو سنک اولیه نیکم قرآننده کلور
(ان الذین اتقوا اذا مسهم طائف من الشیطان تذکروا فاذا هم مبصرون)
یعنی شیطان و نفس قلعه قلبک اطرافنده دوراندن خالی دکلردر ولکن
اهل قلب حاضر و متبصر اولغله ظفر بولامزلر (سؤال اولور سه که
شیطان خارجدن اولغله ظفر بولمق ممکندر فاما نفس اماره نیچه
بولامز مع هذا داخلده در) جواب بودر که شیطان و نفس حقیقتنده
یردر که عالم فهور و جلالندر ولکن بری آفاده و بری دخی انفسده اعتبار
اولور پس شیطان خارجده مابین الکتبتین یعنی ایکی بغرن ارا سندن

طرف قلبه خرطومنی ادخال ایدوب القاء و سوسه ایدر انکیچون
اول محله حجامت سندر و نفس دخی ایچرودن معین اولور و حقیقتده
نفس شیطاندن اشددر انکیچون شیطان دخی نفسی اضلال ایلدی
و چونکه تزکیه نفس حاصل اوله شیطان بردخی ظفر بولامز و نفس کرچه
داخل انسانده اعتبار اولور ولکن حرم قلبدن خارجدر خصوصاً فتح قلبدن
صکره بردخی او دایره به دخوله مساع یوقدر زیرامقهور و مغلوب و مطروددر
نیکم قرآننده کلور (فلا یقرءوا المسجد الحرام بعد ما هم هذا) انکیچون حرمده
مشرك اسکان اولمق شرعی دکلدر و داخل حرم اولمق دخی خفیه
داخل اولورلر اگر چه بزم زمانمزه قزلباشه زیاده رخصت واردر
ولکن (بدء الاسلام غریبا و سیدعود غریبا) سر نه ناظردر انکیچون
خلافت و ولایت مطلقه دن صکره قبیل قیامتده کلن ناس بالکزمربیه
حیوانده ظاهر اولسه لر کرکدر حیوانده ایسه رقلب اولماز بلکه مجرد شهوت
طبیعیه اولور فاعرف جدا * بعدذا مولانا حاضر تلمی قدس سره مقصود
سابق اوزرینه ابیات اربعه ده درت وجهله مثال ایراد ایلدی بری
خانه بی کنج زر ایچون ویران ایتک و بونی تقدیم ایلدی زیرا کنت
کتر ا مقاله سنک سر نه ناظردر و بری دخی آب جو قصه سیدرو بونکه
تثبیه ایلدی زیرا فیض آب فیض وجود صور تبدر نیکم حدیثده کلور
(ثم رش علیهم من فیض نوره) بوفضیله در که اعبان ثابته غلندن
عینه حرکت ایدوب مقام ارواحده متعین و عالم کونیده متحقق اولدیله
و بری دخی پوست مثالیدر که جسده اشارتدر و بونکه تثلیث ایلدی
زیرا جسد روحدن مرتبه ده و خلقتده متأخردر نیکم (و تفحنت فیه
من روحی) اکادالدر و قلعه تمثیلی ایله ختم ایلدی زیرا انسان بالکن
نشأه طبیعی و نفس ناطقه جهتیله موافق و سیددر مخالفت و شقاوت
بو مجموعک ازدواجی و امر تکلیفی نک ظهور یله در انکیچون بونکه ربیع
ایلدی تا که سالک مقام رابعده نفس و طبیعت ایله مجاهده ایدوب
حساب ظلماتی اولان جسد و عالم ملکدن عالم ارواح و ملکوتیه ترقی ایلده
و بو عالم حساب نورانی عالی اولغله آتی دخی خرق ایدوب کلدیکی
یوله کیده و عالم جبروت و لاهوتیه ترقی انده و مقام وحدتده قرار ایلده

یعنی بالاده مال ایله تعبیر اولنان وحدت ذاتیه به واصل و کنت کنز
حرمت داخل اوله ونه وجهله تنزل ابتدیه اول وجهله ترقی ایده
نتکم قرآنده کلور (فسبحان الذی بیده ملکوت کل شیء والیه ترجعون) یعنی
نیچه ملکوتدن ملکه تنزل ابتدیکز ایسه ملکدن دخی ملکوت اول وجهله
ترقی ایدرسز و بردخی بیت اول عالم ذاته و ثانی عالم صفاته و ثالث عالم افعاله
وزابع عالم آثاره ناظر در که بونل مرآت حیوة وعلم و ارادت و قدر رتدر
پس نظر دقیق ایله ناظر اولوب جمال مقصودی مشاهده ایتک کر کدر
(لحرره) تخم ابدک کویا که کنت کنزده * بتدک ارواح عالمده چون شجر
* عالم جسم ایچره اولدک میوه دار * میوه دن اول تخمی جرایتدک کینه
* کار بیچون را که کیفیت نه د
* این که کتم این ضرورت می دهد

* بیچون * بالاده شرح اولندی موصوفی محذوفدر که الله تعالی در
وصفات غایبه دن اولمق دخی محتملدر * کار بیچون * کلجک بیتک مضمونیدر
که الله تعالی تک خلق اراسنده (کل یوم هوفی شأن) حسبیه تجلیات
مختلفه و شئون متنوعه سیدر و اگرچه که ماقبلنه تعلقدن دخی خالی
دکدر زیر ماقبلی دخی افعال حقه ناظر در که عبد بوزندن ظاهر در
(والهمت فی السحر الاعلی ان هذا الیوت ابتداء کلام ومن شئون الله تعالی
ان حضرت مولانا قدس سره انتقل من الاول الی هذا یسر الامر والخلق
الاله الخلق والامر تبارک الله رب العالمین) که * استفهامدر کیفیت چگونگی
ایلّه تعبیر ایتدکدر بدر تفصیلی علم حکمتده و غیریده مبین در بوراده بیچون
ایلّه جمع ایلدی زیر چون دخی و او اصلیه ایلّه نیچه دیمکد رکیف
معناسنده این ادات مفعول محذوفدر این را دیمکدر بعض نسخده این برینه
ازدوشمشدر و بومعنایه این مابعدنه اشارت اولوب حذف ادات اعتبار اولمق
دخی وجه در * ضرورت * اضطرار معناسنده در اصائده ضرردن
مشتقد ضرر اول نازل به دیرلر که دفعنه چاره اولیه و ضرور ینک اقسامی
وارددر محتملدر (معنای بیت) بودر که کنهنه اطلاع اولمیا یوب
حقیقتدن استفسار جائز اولین الله تعالی تک ایشنه کیمدر که کیفیت قویه ونه
گونه لکدن خبر ویره و علتدن سوز سوبلیه زیر کاری علل دن بری
و چگونه لکدن عریدر بوسوز بکه سوبلدم یعنی کیمسه انک کارنه کیفیت

قویامز دیدم بوسوزی ضرورت و عجز و ناچارلق و پرر یعنی فی نفس الامر
مقدور مخلوق الماهق حسبیه کیمسه کیفیت و برمیة قادر دکلدر بلکه اگر
محبوب واکر مکاشف انک ایشنده حیراندر نتکم تفصیلی کلسه کر کدر
و بعض رموز دخی مرور ایتشدر بونده اشارت واردر که ذات وصفات
وافعال حقدن تقریر و تحریر عدم اقتدار اولمق فی الجملة بیانی منافی
دکلدر بلکه ضرورت دفع ایده جک قدر افاده لازمدر تا که قاصر دخی
الفاظ مجازی به یوزندن فی الجملة معانی حقیقه به توسل وانتقال ایده لر
و بقدر الامکان حیرتلردن دفعله طریق حقه تردد کیده لر * والله المبین *

* که چنین بنماید و که ضد این *

* جز که حیرانی نباشد کاردین *

* ضد * کسرله اضداد دندر مثل و مخالف معنای نه کلور بوراده مراد
ثانیدر و مفرداتده کلور که ضدان اول ایکی نسنه در که برجنسک
تحتده داخلدر و لکن هر بری اوصاف خاصه ایلّه آخره مخالفدر
سواد و بیاض و خیر و شرکی پس جنس واحد تحتده اولیانه ضدان
دیمرلر خلوت و حرکت کی دیمشدر در که ضدان و نقیضان اراسنده فرق
بودر که ضدان کرچه وجود ده مجتمع اولماز و لکن مرتفع اولمسی
جائز در سواد و بیاض کی نقیضان ایسه نه مجتمع ونه مرتفع اولور
موت و حیوة کی و دیمشدر در ضدان وجود یان در نقیضینک طرفینی
ایسه بری عدمی و بری وجودیدر و ضدان یا ذوات و ماهیاتدن
ویا صفات و اعراضدنر ذوات و ماهیات شدت و ضعف قبول ایتز
صفات و اعراض ایسه قبول ایدر * حیرانی * ده اولان یا مصدریه
در حیرت بر امرده تردد و انک طریقه مهتدی اولما مقدر و وصفده
حیران و حایر دیرلر بوراده حیرت مدوحه در نتکم بیت آتی قرینه در
پس دین ایلّه دخی دین اسلام حقیقی مراد اولنور که انک اهلنه حیران
حقیقی دیرلر (معنای بیت) بودر که الله بی چون کار بدیع و صنع عجیبده گاه
شوبله که و گاه انک ضد و مخالفنی کوسترز برابروقتده ایکی تجلی اولمدیغی کی
ایکی تجلی دخی بر اولماز پس کاردین حیرانلقدن غیری اولماز یعنی دین
و اسلام حقیقی اهلی بونجلیات مختلفه اراسنده حیرت عظاماده قائمشدر
انکیچون انبیا و کل اولیانک حیرتلری سائر افراد امتک حیرتلرینک فوقنده در

مطلب
فی بیان القصد
و النقیض

زیرا هر کس که حیرتی شهود نه کوره انبیا و اولیا ایه شهود ده غیر یلردن ایلندر
پس انلرک حیرتلی اشد در جله اسباب حیرتدن بری بودر که هر کس که حرکات
وسکناتی قضا و مقتضای عین ثابته سی اوزره اولوب کندنه مخصوص
اولان اسمک طریقه مستقیم و دیننده قویم ایکن انک خلافتنه دعوت
وارشاده مأمور و مکلف اولورلر پس بو خصوصده حیرتده قالورلر بوندن
فهم اولور که انبیا و اولیا تجلی مطلقه خدمت ایتمزلر والا کفار و فساق
حالی اوزینه ترک ایدوب حرکتلر نه مغایر وضعله تعرض ایتمک لازم کلور
ز برا انلرک حرکتلری دخی تجلیاتله در که مریوبک ره ارتباطی ایله
حاصلدر حقیقی بودر که منصف اولدقلری احوال و حرکاتک خلافتیه
مقابله ایتمک دخی احوال اعیانندن اولغله امر تکلیفی ایله کوسترلر کرک اورتاده
امر ارادی اولسون و کرک اولسون الحاصل افعال حق نقش بوقلمون
کبیر که الوان کوسترلر و اول الوانله ناظر اولنله حیرت کلور نتمک
مهر نبوت سطحینده منقش اولان خط قدرت هر وقتده بر کونه اوقنوردی
ز برا رسول الله صلی الله علیه و سلمه واقع اولان تجلیات تابع ایدی پس
تجلیات مختلف اولدقچه خط مزبور دخی متوع اولوردی و محل واحده
بو کونه امور مختلفه اولق باعث حیرتدر و نقدر اسماء آلیمه و صفات رحانیه
وار یسه جله سنک مسمی و موصوفی عین واحده ایکن آثار و احکامله
مختلف اولمشلر در کویا بر شجره میوه های کونا کون اولق کبی زیرا
جمله سی اسم اللهک حیطه سنده در می ویدر که هر مس الهرامسه
یعنی ادریس علیه السلام بر شجره آب اکسیر ایله پرورش و یروب
هر نوعدن تلقیح ایلدی پس اول الوان ایله اکانظر ایدن مخیر اولوردی
یعنی حقیقته واقف اولسه بله ینه مشاهد سی حیرت ابراث ایدردی
و بونده اهل حقیقتک تلویحاته اشارت واردر زیرا تلوین ایکی نوعدر
بری اهل ظاهر تلوینیدر که تلوین مذموم و بری اهل حقیقتک تلوینی در که
تلوین ممدو و حدر و بو تلوین ممدوح که تمکیندن صکره حاصل اولور
ارباب بقائک صفتیدر و بومر تبه نک اهلندن امور عجیبه صادر
اولور که عقلا مخیر اولورلر ز برا تجلیات تابع اولغله احوال مختلف ایله
منصف اولورلر بوجهتدن ظاهر بین اولنلر آنلرده ولایت واردر دیمز
تلوینات مذکوره خود عین ولایتی غمازدر * فافهم جدا رحک الله

بالتوفیق (لحرره) نیجه یوز بیک یوزده عارف کرجه یوز بیک
یوز کورر * بر یوزه ناظر در اما صائمه آتی یوز کور *

❖ نی چنین حیران که پشتش سوی اوست ❖

❖ بل چنین حیران و غرق و مست دوست ❖

* او * ضمیر غائب منفصلدر عرییده هو کی بورا ده الله را جعدر * بل *
عرییدر که حرف اضرب و انتقاددر بومقامک تقدیری بل که چنین
حیران که او غرق و مست دوست دیمکدر و لکن ضرورت ایچون طی
اولمشدر * غرق * غریق معناسنه در یقال غرق کفرح فهو غارق و غرق
و غریق من غرق کما فی القاموس ظاهر اولان بودر که غرقک اصلی
غرق در کسرله * مست * حد سکره واران کسه در * دوست * دشمن
مقابلیدر بوراده مراد الله تعالی در نتمکم قرآنده کلور (الله ولی الذین
آمنوا) (معنای یت) بودر که حیران ایله مرادم بونجیلین حیران دکلدر
که انک ارقه سی الله تعالی جانبده در یعنی حقه ادبار و اندن اعراض ایتمشدر
زیرا اگر حیرت و ترددی اولسه اقبال ایدر و حقه طو غری کیدر بلکه
بونجیلین حیراندر که دوست حقیقی اولان الله تعالی نک تجلیات متوعه سی
سبیلله حیراندر نتمکم کلور (اللهم زدنی تحیرا فیک) و دریای فیض
و شهود غریق و باده و صلی ایله مست و مد هو شددر بونده ایکی نوع
حیرته اشارت واردر بری مذموم در که حقندن روگردان اولنلرک حیرتیدر
پس بونله ابتدا تعین مطلب لازمدر اعلی ایه الله تعالی در یعنی انک
رضایی و اکاتقرب و شهود ذاتیسی در آندن طریق موصلی معرفت
کر کدر که شریعت مکله ملازمدر اندن سبب محصلدر که مرشددر اندن
تحصیل غرضده انکله استعانتی ممکن اولان نسسته لر در ذکر و فکر
و غیر یلر کی اندن عوائق که شیطان و نفس و امثالیدر * و کیفیت ازاله سی
معرفتدر اشته بو امور خسه متعین اولد قده حیرت زائل اولور
ولیکن حقه و صوله دکنه بعض ترددن خالی دکلدر نتمک بر سالتک
هنوز طریقه اولسه یا خوف دن خالی اولماز و یا خود اطمینان بولماز
و بری دخی ممدو و حدر که حقه واصل و دایره جمعه داخل اولنلرک حالیدر
زیرا بو حاده کمال اولیا حیرته دوشلر نتمک حضرت هدای قدس سره
بیورر * حقله هر کیم بلشدی * وادی حیرته دوشیدی * و بو حیرت

اول و صلته اولور تنکم برکسه حضور پادشاهه ابتدا وصولنده
متحیر اولور صکره ندر یحیله انس بولور ولکن بنه حیرت دن خلاص
اولماز زبرا حقیق تجلیات مختلفه و شئون متلو نه واقضیه متوعه
سنه باقوب مبهوت اولور اگرچه که انس دائم اهلیدر تنکم دیمش لردر
که اهل کشف حقه حیرتی نظارک حیرتندن اشددر * زیرا اصحاب نظر
و فکر اولئر اکوان مرتبه سنده در نظرو فکر ایسه اکوان مرتبه سن
تجاوز اتمز اهل کشف ایسه شهود حقیقی ایله اکواندن مرتفع اولمشل
وشاهد و مشهودی عالم و جویده بر کور مشلردر پس انلرک اختلاف
تجلیات ایله اولان حیرتی تعارض دلالت ایله اولان حیرتندن اشد اولور
و کذلک مقام قرب نوافلده که الله تعالی عبدک سمع و بصر و سائر قواسی
اولور مع هذا عبودیت باقیدر پس قواسته نظر انک حقی و صورتنه
باقسک عبددر دیر سن پس بودخی بر محل حیرتدر و بو حیرت مدوحه مقامنده
انبیا ایله کنل اولیانک فرقی بودر که انبیا علیهم السلام حقه نسبتی لایق
اولان صفاتی اظهاره قارلردر اولیایه کوره ایسه امکان یوقدر زیر
انبیا شاعر اولیایه دکلدر بوسیدن مضایقه دوشملر و نفسلرند
غایت تالم بولور لر زبرا برکسه برکالاک بوزنی اظهاره آینه بولمسه
منقبض اولور پس بوضورتند اولیایه تکذیب اولانان نی کی اولور مؤمنی
آزدر تنکم قرآنده کلور (وما آمن معه الا قلیل) بوسیدن اسراری کنم
ایدرلر وانلردن بعض علوم غریبه و حقایق عجیه اولور که بوموطنند
اکا اصلا مظهر بولماز وانلرله آخرته بله انتقال ایدر پس کن اولیانک
علومنی اظهاره ابتد کلمری مرتبه منحصر قیاس اتمک قصوردر
و کلاک برحالی وارددر که مقام حقیقنده عین واحده اولورلر انکیچون تقریر
و تخریرلنده بله اختلاف واقع اولق جزئیدر زیرا بر منبندن مستفیض
اولورلر که جمیع اسماء و صفاتک کلبیدر سائر غافل و محجوب اولئر ایسه
بویله دکلدر انکیچون تعارضدن خالی دکلردر وارالزنده ملل و نحل
و مذاهب متوعه منشرا اولمشدر که هر بری کنندی باعث حسیله ربوبی
طوئوب حقیق تعین و انبیا و رسالک ارشاد ایلدی کی طریقندن ضال
اولمشدر که حیرت مذمومه نیک اثر ایدر و باعث دیدکلی مخاطبه نفسانیه
در که مخاطبی اول باعشک مستند اولدیغی اصله داعیدر (نمود بالله

من البواعث الفاسدة ومن التجارات الخاسرة) بعدذا سوال
کلور که حیرت مذمومه ایله حیرانک پستی سوی حقه و روی ماسوايه
اولمقدن فهم اولئور که حق تعالی عبدله حاضر و دائم اکا ناظر اولیه
بولایسه واقعه مخالفدر تنکم قرآنده کلور (وهو معکم ایما کنتم) الی غیر
ذلک من الآیات (جواب بودر که حقیق اگرچه حقیقنده عبدله محاذات
تامه و مقابله صحیحه و کامله سی وارددر شمس و قمر بری برینه محاذی
و مقابل اولدیغی کی ولکن کاهیجه مایتنه بعض حائل توسط طایدوب
قره خسوف واقع اولدیغی کی عبده نسبتله دخی حجاب غلفت تخیل
ایدوب ذکر اولئان محاذاتی ادراک و جمال ربی مشاهدیه قادر اولماغله
مدبر کی اولدی پس ادبار و حجاب عبده کوره در ره کوره دکلدر
تنکم شیخ سعدی بیورر * دوست نز دیکتر از من نیست * وین عجبر که
من از وی دورم * چکنم با که توان گفت که او * در کنار من و من همجورم
* آن یکی را روی او شد سوی دوست *
* و آن یکی را روی او خود روی اوست *

* یک بر * یکی را بری دیکدر که معدوددن عبارت در * روی * یوزدر
واوکه اشبا علیه رویک مدلولی اولان یوز ارقه مقابلی اولان یوزدر
یعنی اسان فارسیده روی پشت مقابله سنده استعمال اولئور چهره نیک
مدلولی اولان یوز عضو معروف در * دیدار * دخی یوزدر ولکن ظهوری
اعتباریله اطلاق اولئور پس اوچنک میاننده فرق ظاهر اولدی * خود *
بوراده اداتدر که بر اسمک آخرنه لاحقی اولوب حکم مرتبه ده
خصوص حالته دلالت ایدر بعد ذابوینک مضمونی التزاما معلوم
اولان نسبتی نصریح قیلنددر زیرایت سابقه خلق اوج قسم
اولق فهم اولئدی (اولیکسی حیرت مذمومه اهلیدر که انک ارقاسی
سوی حقه در بوزی دکل) ایکیجیسی حیرت مدوحه اهلیدر که ابکی
قسمدر بوزی جانب حقه اولاندرو بوزی دخی حقی بوزی اولوب
اقبال نسبتدن خلاص اولانددر تنکم فرق لری بیان اولنسه کرکدر
(معنای بیت) بودر که اول برینک بوزی دوست حقیقی اولان الله
تعالی جانبیه اولدی یعنی اکا اقبال ایلدی و حیرت مذمومه دن ناشی
اولان ادباردن قورتلدی و اول برینک بوزی ایسه دوست بوزینک

عینی اولدی یعنی اقبال مرتبه سن بحسب اوز و طریقی نسبتند نه نهایت
رسیده اولوب اقبال اولنان دوستله مقام وحدتده هوو اولدی معلوم
اولا که بو بیتده روی ایله مراد بالکلیه حقه توجه و اقبالدر یو خسه
عضو مخصوص د کادر زیر حق تعالی جهت مخصوصده د کادر که
عضو مخصوص ایله اکا اقبال اولنه نیکم قرآند کاور (فایما توالوا فثم
وجه الله) یعنی عارف بالله و مشاهد لوجه الله هر نه جانبده یوز یله دونسه
وقبیلله توجه فلسفه و این دن اینه قلب ایلسه اوراده جمال و جلالی ایلله
منجلی اولان ذات احدیه نیک نورنی سیر ایدر یعنی انک نوری این
مخصوصده تجلی به منحصر د کادر تجلی آفتاب کی ولکن قلب
انسان اول نوره زیاده مظهر در نور آفتابه کوره قرکی و مصراع
اولک مضمونی صفات مرتبه سنده اولان اقبالدر که قاب قوسینک
حکیمدر زیر بومر تبهده عاشق دخی معشوقه ملاقی اولماشدر ولکن
پرتو جمال ایلله سیر ایدوب کیدر نیکم بومر تبه اشارت ایدوب سلیمان چلی
مولدنده کاور * ع * کل حبیبم سکا عاشق اولشم * و مصراع ثانینک
مضمونی ذات مرتبه سنده اولان حالت جعدر که اودانانک مقتضاسیدر
زیر بومر تبهده عاشق معشوقه ملاقی اولوب سبک در یایه و صوانده
آوازی منقطع اولوب در یا ایلله هوو اولدیغی کی عاشقک دخی حالی بوکا
نظیر اولور و بومر تبهده عاشق خلق محبوبیته تبدل بولور و بومر تبه نیک
صاحبندن صیت و صدا کلز زیر صیت و صدا و عشق و سوز ائینیتندن
ناشیدر انک ایلله وجود مجازی سنک حکمی بالکلیه زائل اولوب وجود
حقیقی ظهور ایتشدر وحدت دیدک لری بودر یو خسه عبد رب اولق
معناسنه د کادر زیر عبدک وجودی وجود و هووم و ربک وجودی وجود
محقی و معلوم در و هووم ایلله محقق ایلله متحد اولق محالدر و بو محل مزاق
اقدامدن اولغله امام غزالی قدس سره اسماء حسنی شرحنده ابو یزید و چند
و حلاجدن قدس الله اسرارهم صادر اولان کلمات وحدتی تاویل
ایدوب شرعه تطبیق ایتشدر ولکن ارباب ظاهره کوره فهمی عسر
اولغله طعن و تشنیعدن خالی اولمازلر محکیدر که ابو یزید رضی الله عنه
سبحانک دیو حق تنزیه ایتد کده خطاب حق و ارد اولدیکه
یا ابو یزید بنم جنابمده عیبی کوردک که بنی اول عیددن تنزیه ایدرسن

زیرا تنزیه نقصان شانندن اولان مخلوقه کوره در ابو یزید دخی
(لایارب) دیدکده حق تعالی بیوردیکه پس وار کندی نفسکی
تنزیه ایلله بو جهندن ابو یزید (سبحانی) دیر ایدی ولکن بوسره
واقف اولین علماء عصری آنی زندقیه نسبت ایدر لر دی بوندن فهم
اولور که حق تنزیه ایتک نیکم قرآند و حدیثده و کلمات کبارده مواضع
کثیرده کلمشدر غافل و محجوب اولنلرک اوهام خیالاتنی ازاله ایچوندن
والا ذات حقده و کذلک صفات و افعاله کالیدن غیری نسنه متصور
د کادر پس بونده کلمه شهادتده اولان نفیک معناسی دخی متین اولدی
یعنی شرکتی نفی ایتک توهم مشرکینه کوره در و الاحتمال غیری
معبود بالحق متصور د کادر ولکن نفی سابقه کوره (لارسلو الامجد)
دنددی بلکه (وما محمد الا رسول و محمد رسول الله) دنددی زیر
فخر عالم صلی الله علیه وسلم ایلله فی الحقیقه رسالتده مشرک چوقدر
که کادر ایدن انبیا و مرسلین در و ذکر اولنان قضیه نفیک بر نظیری
دخی رسول الله صلی الله علیه وسلم کوره واقع اولمشدر نیکم قرآند
کاور (فذكر فائت بنعمة ربك بکاهن ولا یجنون) زیرا تده کیر امر دن
فخر عالم علیه السلام صدق نبوت و کمال عقلی مفهومدر کهانت
و جنونی نفی ایتک اوهام ناسی ازاله و جواب تشریف ایلله مشرک لری
رد و تحقیردر و تقریر مشویدن منقر اولور که محجوب و غافل
اولان اهل قفا و مکاشف اولان اهل وجه و معاین و و اجد اولان اهل عیندر
پس اولیکسی فرق و ایکجسی جمع و اوچجسی جمع الجمع اهلیدر که
نهایه نهایت و اصل و حرم حقیقه داخلدر و مکاشفه اهل جمع
دینک فی الجملة در * و اهل عینه جمع الجمع دینک دخی بقا اعتبارله در
والا ابو یزید و امثالی مقام جمعه قالمش و بقیه رد اولماشدر ائیکچون
ابو یزید کاه اولور دیکه فرق کون قدر متصل مقام هیبتده قائم اولوب
نمازی ادایه عدم اقتدارندن ناشی الله تعالی دن نمازی تعقل و عبادتی
ادایده جیک قدر غفلت استردی و بو غفلته استناددر رحمت
مقوله سیدر زیر احباب رفیقدر وجه آفتاب اوزرنده اولان غیم بیاض
ورقین کی سائرلرک غفلتی ایلله زجت مقوله سیدر زای مجبه
ایلله زیر احباب غلیظ و کثیفدر (لحرره) نیجه بر حقه اوله سن پرده *

بنلك حائل اوله هر یرده * آنچه کور جان کوزینک پرده سنی * واریسه
بخت سعادت سرده * قالدی چیک نفس انده آخر کار * اولیان
بر او چاقده پرورده * یعنی بر کامل او جاغنده و پاننده

* روی هر یک می نگر می دار پاس *

* بو که کردی نور خدمت روشناس *

* يك * اصلنده عددده مستعملدر تنکم سابقده اشارت اولندی بوراده
معدودده مستعمل اولان یکی معناسنه در وجائزدر که عدد معناسنه
دخی اوله * پاس * حفظ معناسنه در تنکم یکجی به پاس بان دیرل
زیرا محافظه اهلبدر * بو که رجاء معناسنه اسمدر بود که دن مخفقددر تنکم
دیوان حافظده کلور * حافظ از چشمه حکمت بکف آور جامی *
* بو که از لوح دلت نقش جهالت برود * اکثرا مکر لفظنی بو که به عطف
تفسیری صورتده ایراد ایدوب بوک و مکر در تنکم کلور * رفت بر بوک
و مکر عمر تو سلمان چکنم * کار دنیا همه بر بوک مکر می گردد *
(معنای بیت) بود که ذکر اولیان اوج قسمک هر بر بسنک بوزینه
فراست و تجربه ایله نظر ایدوب حفظ ایله وضبط ایت اولاکه و امید
وارد که سن بو نظر و حفظله خدمتک بوزندن بوز اکلا یجی و منظور
و محفوظک اولان بوز که نه مقوله بوز اولدیغن بلجی و تمیز و تشخیص
قلجی اولاسن تا که اهل قفا اولان شیطانی به اقتدا ایتوب اهل وجه
واهل عین اولان رجائی به متابعت قلاسن و جائزدر که خدمت منظور
اولان بوز صاحبنه کوره اوله زیرا شریعت و طریقه خدمت و عبودیت
معیار حالدر که آنکله رجائی و شیطانی اولان بانور و محتملدر که ناظرک
صفتی اوله و لکن متعلق معنای اولک غیری اولور یعنی حق و یارباب
سلو که خدمتک جهتدن و اول سیله فراست و بلکه اهل کشف اولوب
هر کسی یا علامتدن و یا غیری وجهله به سن و مقدارک اکتیه سن
(بونده بر قاج وجهله اشارت وارددر) اوا کسی بود که انسان آخرک
حالی یا فراست و یا تجربه و امتحان و یا کشفله کشف ایدر زیرا قمری
بعد نسنه در که دکه حاله اطلاع قابل دکلدر * تنکم بو سنانده
کلور * بایام تار نیاید بسی * نشاید رسیدن بغور کسی (ایکجی
بودر که نیجه فساد صورتده اولانر صلاح حال اوزرنه در که تفتیش

ایله معلوم اولور تنکم جنید بغدادی قدس سره به سلو کند به بر شکل
عارض اولدقده خرسانده بر پیره اشارت اولوب جنید دخی پیاده
بر آی بول بوربوب محمل مأموره کلد کده اول پیردن سوال ایلدی
او بر خراباتی کسه در فلان خرابه ده ساکن اولور دیو جواب
وردیلر جنید آتی واروب خرابه ده بواب کور دیکه او کنده قدح
ویاننده ایکی نازه رو کسه وارددر اول پیر جنیدی یک اشارتله ارشاد
اند کدن صکره بوقد حده اولان صو و بو ایکی نازه رو برادرزاده لیدر
بو حالی خلفدن تسترا بچون اختیار اشمدر دبدی پس بوک صورتی
شرعک ظاهر نه به مخالف دکلدر زیرا ظاهر شرعه مخالف اولان
کرچکدن قد حده شراب و حقیقهده اجنبی نازه لاله اختلاطدر زیرا
خردن نهی اولاند یعنی کبی صحبت احداثدن دخی نهی اولاند
اگرچه که به ض رجال کاسه خجری اللزله الدقه عسله منقلب اولور
ولیکن کل بونی ضعفا حالی در دیشلدر الحاصل منهینک صورتی
دکل حقیقهده به بهض رجاله کوره توقف اولنور * محکبدر که بر کسه نک
النده حظه خیر بوانوب حد اولانسون دبد کلرنده امام اعظم حضر تلمری
جواب ووروب اول کسه نک یاننده آلت زنا دخی وارددر پس نیچون
اندن اونوری یا حد و یا رجیم اولنور دبدی پس حکم شرع بر نسنه نک
فعلی اوزرنه ترتیب ایدر و فعلی صورتده دخی اشخاص ارا سنده فرق
وارددر مثلا دنیا سر خوشی باده نوش ایلمسه عقلی زائل و اغزند
خجرك رایحه می ظاهر اولور پس حد اولنور فاما استحاله به قادر اولان
کسه ده بومعنی بولنور از پس نه وجهله اسانا ویدا جفا اولنور
(لحرره) ایتمه هر کز رجال حقه جفا * بولاسن تا که ورت ایچره
صفا * عهدنه طور مدی حقک کسه * بنه اندیسه عاشق اندی وفا *
(او جنجسی بودر که حقیقت اهلی شریعتده اولان خدمتدن بللور
زیرا شریعت حقیقه باب والده میر اندر پس بر کسه ده وجوه تعبد
اولسه حقیقتدن آگاه دکل و بلکه اشق مقوله سیدر زیرا احکام شریعت
تجلیات حقه آینه واقع اولشددر تنکم نماز خصوصنده کلور (ارحنا
بلال) آینه سن بوز کورمک اسنین ایسه بوز سن قالور و محمدیه ده
کلور * شرعنه کوره بولور کیشی حقیقهده طریق * الحاصل امور

شرعیه ابله تقید ایتین کسه البته حقیقه واصل اولماز نتکم قرآده کلور (وما خلقت الجن والانس الا ليعبدون) ای لیرفون بونک ایله تفسیر کوره سببی مسبب اوزره اطلاق ایتک طریق مقوله ارشاد در بعضی معرفت مقوله اودر که عبادت شرعیه یوزندن حاصل اوله فلاسفه نك کبی اولیه وحیدینه کلور (من عمل بما علم ورثه الله تعالى علم ما لم يعلم) یعنی علم وراثت معلومات شرعیه ایله عمله موقوف قدر و حقیقه وصولدن صکره دخی تشکر ا تعبد اولور نتکم حدیثه کلور (افلا اکون عبدا شکورا) و دیمشدر که فتح صحیح و کشف صریح اثری رعایت ادب و محافظه احکام در پس هر کیمده بومعنی وجود بولسه مکر اهلیدر و معارف دخی معارف شیطانیه در زمانه مدعی لیرنک حالی کبی که نیجه معرفت صورتلوسوزلر سو یا یوب نظماونثرا افتخار ایدر لر بلزلر که شعرا به ملحق اولمشدر (والشعراء يتبعهم الغاؤون) دردنجیسی بودر که عوام ناس خواص ناسک حالی بلك دکل بلکه کندی مجانس لیرنک احوالنه اطلاعیدن بله عاجزدر زیر فی الحقیقه ادراکاری قاصر اولدیغندن ماعدا فراساتلری دخی نادر در و اما خواص ناس کنندی صدر لر نه مقدوف اولان نور الهی ایله جمله نك حالی کشف ایدر لر و خواص بومعنايه وقوفی بحسب الغالب خدمت یوزندن بولمشدر دی عوامده ابله بویله خدمت یوقدر خدمتلری دخی مجانس لیرنه در که اصلا ترقیسی یوقدر (خدمة الملوك نصف السلوك) دیدکاری بعض آداب ظاهره به کوره در انکیچون خدمت ماو که اضافت قلدی زیرا هر شریفه خدمتدن ادب مقبول حاصل اولمز خصوصاً بواعصارک احوالنده زیاده اختلال وارد ز زیرا رسم اول اوزرنه ادب کیساید ر ایلوب تارك آداب غصب * چقدی کنندی جهاندن اهل ادب * (بشجیسی بودر که عیوب ناسدن تفتیش و احوال خفیه دن تنقیر اتمک جائز دکلدر نتکم قرآده کلور (ولا تجسسوا) مکر که امر بالمعروف ونهی عن المنکر ایچون والی ولایت خلقتک احوالی تفحص ایلیه وبوسره بناء حدیثه کلور (اللهم استر عورتنا وآمن روعاتنا) پس برنسنه که صفت حقدر که ستار بتدر خلق اول خلق ایله تخلق اتمک لازمدر نتکم حدیثه کلور (تخلقوا باخلاق الله) و بنه حدیثه کلور

(لا یبلغنی احد من اصحابی عن احد شیئاً فانی احب ان اخرج الیکم وانا سلیم الصدر) یعنی عیوب ناسی تفتیش و آئی آخره تبلیغ ایتک سلامت صدری منافیدر سلامت صدر اولدجه ایله اخوت بقسا بولز نتکم حدیثه کلور (وكونوا فی الله اخسوانا) پس عیوب ناسی ببله ده فائده یوق و بلکه ضرری چوقدر از جمله آخره تبلیغ ایله حاصل اولان تغیر در و ندر فاما اعی اولان کسه موضع قدمن عصائله مقدم یوقلق کر کدر تا که چقوره دوشمیه بناء علی هذا انسابک بصیر اولانی دخی اعمی حکمنده در پس سالک راه حق اولق استین کسه نقدر بی بصیرت ابله باری اعمی قدر تفقد اهلی اولق کر کدر تا که خسرو شری تبیر و تسلیکه قادر اولانی اولمساندن تشخیص ایلیه واقفدا ایدیکی (اولئک آتانی فجئنی بمنلهم) قبیلشدن اوله و تسلیکه قادر اولمیان ایکی نوعدر بری هنوز وسط طریقه در اگر چه اهل تقلیدک تحقیق در و برینک اصلا سلوی یوقدر که مدعی مجرد و مرانی محض و ناقص مطلقدر پس نوع اوله افتدا صحیح اولمچق نوع ثانی به نیجه صحیح اولور و قرآنده کلور (فیهدهاهم اقتده) یعنی اقتداهدای انبیایه و هدای ورثه انبیایه کر کدر که بولر تجلی علمندن صکره تجلی عینی به مظهر اولمشدر و نیجه لر دخی تجلی حق مقامنده قطیعت عظمی بولمشدر الحاصل سلوک امر صعب اولمغه انک اهلنی تحصیل ایچون خلقی تفتیش ایدوب صحیح و سقیم بلك لا بأسدر زیرا غرض صحیحه منیر (لحرره) نیجه بکزر ایله انسانه صنم * گاه اولور بر کرینور کرک و غم *

❖ چون بسی ابلیس آدم روی هست ❖
❖ پس بهر دستی نشاید داد دست ❖

* چون تعلیل ایچوندر و او بی اشباعدر بسی * نیجه نیجه دریمکدر یا نسبت ایچون اولدیغنی دقایقه مصر حدر * ابلیس آدم روی * وصف ترکیبدر آدم بوزلی ابلیس دیمکدر یعنی انسان صورتنده شیطان ابلیس اسم اعجمی در عربی دکلدر زیرا عربی اولسه منصرف اولوردی و بعضیلر عربیدر ابلیس بلیس دن مشتقدر دیمشدر در تحریف و بیاس معنایه کویا که رحمت حقندن ابلاس ایلدی یعنی ما یوس و نا امید اولدی پس ابلیس و شیطان بعد اللعن و عزازیل قبل اللعن اسماسندندر معربات

چو البقی ده کلور که والقول هو الاول یعنی اسم اعجمی اولدییی معتددر
عجبدر که قاموسده عربی اعجمیتی اوزرنه تقدیم اولمشدر ومفرداتده
دخی مسطوردر که ابلاس شدت یأسدن معترض اولان حزندر ابلیس
اندن مشتقددر و بلاس که اسکی وکهنه نسیه دیرل فارس مهر بدر
* شاید * مضارعدر شایستن دن مشتقدر برامق معناسنه * داد * بوراده
مصدر معناسنه در یعنی دادن (معنای بیت) بودر که چونکه چوق آدم
یوزلی وانسان صورتلی ابلیس وشیطان وارددر پس هر برالهال ویرمک
یراهن ولایق وسزا اولماز بلکه امتناع واجتناب لازمدر حاصلی
بودر که نیچه صورته آدم وارددر که سیرته نظر اولانسه ابلیس کبیردر
پس هر کسه تسلیم اولوب متابعتده مساعدده ومبايعتده موافقت جائز
دکلدر ز برابله اقتدا وانقیاده صالح اولیه پس بوندن فهم اولاندیکه
نشاید جائز نباشد معناسنه محوادر بعد ذابویتده ایکی وجهله
اشارت وارددر (اولانکسی بودر که ابلیس قبل اللعن عمل جهندن
ملک صورتنده ایدی اگرچه که اصلنده جنی ایدی نیکیم قرآنده کلور
(کان من الجن) وعملده مشاکله ملکیده سی اولغله ملائکه دن استثناسی
صحیح اولدی نیکیم قرآنده کلور (فسجدوا لالابلس) پس بنی آدم
اراسنده دخی نیچه صورت بوزندن آدم وارددر که سیرت جهندن آمده
مخالفدر بلکه شیطان کی ضال ومضادر اعتبار ایه صفت غایبه در
صورت ظاهره یه دکلدر انکیچون آخرته عالم صفت دیدیلر ز برابله
هر کس صفت غایبه سنه کوره محشور اولور مثلا برکسه نک نهاده
اکل حرامه حرص غاب اولاسه صورت خنزیرده حشر اولنور
دنیاده آدم صورتنده اولدیفنه نظر اولنور ز برادنیاده دخی معناده
صورت خنزیرده ایدی پس آخرته ظاهر اولان دنیاده که سریره سی
وصورت باطنه سیدر نیکیم قرآنده کلور (یوم تبلی السراثر) وبرکسه که
سیرت حسبله شیطانیه مشارک اوله ضال ومضل اولور پس اومقوله یه
اقتدا شیطانیه اقتدا کبیردر شیطانیه مطاوعت ومتابعت ایسه منهیدر
ز برادشمن قدیمدر وعافل اولان دشمنه اتباع ایتمز ز برابله ندامت
وتنهلیکده وقوعدر نیکیم ابوالبشر آدم علیه السلامه واقع
اولدی ایکنجسی مبايعتدر ز برال ایلله معاقده مبايعه ومعاقده ده
واقع اولور نیکیم بیعة الرضوانه اشارت ایدوب تنزیلده کلور (ان الذین

یایعونک انما یبایعون الله بدالله فوق ایدیهم) پس سالک حق اولان
کسه وارث نبی اولانک الن طوته وانکله عقد بیعت ایلله واکاتسلیم اولانکه
مبايعته صالح وارشاده قادر و بزازخه عارف وهر طورده مفسده
ومصلحتده واقفدر یو خسه مدعی وکذاب ومرائی اولانه بیعت
ایچون ال اوزانیه ز برادعدم نفعندن غیری مضرت عظیمه سی دخی
وارددر نیکیم زمانه حزنی شعورلندن مشاهددر که غول مثال اولنوره اتباعله
طریق سداددن چقرلر وبوستانده کلور * کرت عقل یارست ازینان رمی *
* که دیونده در صورت آدمی * نه مردم همان استخوانند و پوست *
* نه هر صورتی جان معنی دروست * وحضرة هدایی بیورر * اگر
بولد کسه بر اهل کمالی * یولنده خدمت ایت قومکر و آلی * والا دکه
برلافه اینانیه * قوری دعوائله ایش بتدی صائمه * که ز بر اهل لافک
کرتی وار * دریغا اهل حقک قلی وار * معا رفتن دم اورر بعض
اشخاص * کچنور باده نوش مجلس خاص * ولی نفسی آنک ثعبانه بکزر *
طاشی آدم ایچی قبلانه بکزر * ومولانا جامی قدس سره بیورر * ع * از طبع
دیو خاصیت آدمی مجوی * وکلمات خواجه حافظده کلور * ع * در راه
عشق وسوسه آهر من بسیت *

زانکه صیاد آورد بانک صغیر

تافر بید مرغ را آن مرغ کبر

* صیاد * صید بالاده مرور ایتشددر که ممتنع اولان حیواناتدن مظفور به
اولانی صیدومتاولنه تناوله صیاددیرلر * صغیر * قحله اصواتنددر که صقلق
دیدکلری آوازدر وقوش آوازه دخی دیرلر صقلق ویرمکه شیفیلدن دیرلر
شین معجه نک کسر یله ومفرداتده کلور که صوته صغیردیرلر مسوعی حکایه
طریق یقوله برچناق بوش اولوب اندن صغیر ایشیداسه صفرالائء دیرلر خلوندن
اوتوری صکره هر خالی اولان نسنده ده مستعمل اولدی کرک انا و کرک غیر
* مرغ کبر * وصف تر کبیردر قوش طویجی واولایی معناسنه (معنای بیت)
بودر که اندن اوتوری هر کسه متابعت وهر صیت وصدایه کوش طویق
جائز دکلدر که صیاد یعنی آوجی وشکارچی صقلق آوازی کتورر یعنی صقلق
ویروب رفع صوت ایدر تا که اول قوش اولایی قوشی الدایه وحیله
ایله آله کتوره (مقصود بودر که صید ایلده جکی قوش هر نه جنسندن

ایسه انک آوازه کوره صقلق ویر و بو طریق ایله هوادن آتی استنزال
ایدوب دامه کتورر (نتکم طوغان شکار ایدن طاغده اشجار اراستنده دام
قوروب و اول دامک اورتا سنده برزنده کو کر جین قویوب طوغان
صفیری کبی صفیر ایدر طوغان دخی کندی جنسک آوازی صانوب
اول محله کله کده کو کر جینی کوروب هجوم ایدر و دامه طولاشوب
اله کلور و علی هذا بعدا صیاد مطلقدر و لکن صیدی قوش جنسندن
بانک صفیر ایله اله کیرمک شاندن اولان شکار نوعی اولمله اندن مرغ
کیر ایله تعبیر ایلدی * بونده مقلدی صیاده و تقلید له اولان دعوتی
صفیره و خالی الذهن اولان مردی مرغ تشبیه وارد در زیر مقلد
دخی صیاد کبی حیل کارد دعوته متعلق اولان کلماتی دخی صفیر کبی
تقلید و مرد دخی مرغ کبی خالی و آزاده در و انسان سیر و سلو کله
حضیض ناسوتدن اوج لاهوته حرکت ایتده ده قوش کبیر نتکیم
خواجه حافظ کلماتنده کلور * بال بکشا و صفیر از شجر طوبی زن *
حیف باشد چونو مرغی که اسیر قفسی * حقیقتی بودر که انسانک عالم
علوه حرکتی روحله در روحده ایسه قوش کی خفت وارد در زیر
ثقت و کثافت جسمک لوا زمندندر که خالی در و بعضی لرنه تلطیف
اجسام ایتکله جسم ایله حرکت دخی میسر اولمندر ادر یسه و عیسایه
ولیه معرا حده رسول الله علیه السلام واقع اولدیغی کبی و بدنک
اطافتی روحک اطافتنددر که سر یان حسبیه حاصل اولور روحک
اطافتی دخی تجلی حقله در اگر چکه بعضی اسباب ظاهره نک دخی
دخی وار در مثلا بکرمی او توز ییل دوام ذکر ایله دم محرق اولوب
حظ شیطان و مغن ابلیس اولان علقه اریوب قی ایله زائل اولور
و بدن خفت و نشاط تازه بولور و من بعد جسدور و حده اثر کثافت قالمز
انچون بومعناک حصولدن صکره عبادات باینده تعب قالمیوب عادات
کبی آسان اولور فاما انده که بو معنی حاصل اولمایوب دم مجمیدی
ذوبان قبول ایتیه مقام مجاهده ده قاور و بو عبارت ایله دخی تصویر
ایتمک اولور که عن صر مطلقه بو صور مخصوصه ایله تشخیص ایتزدن
اول نفس کله مرتبه سته قربی حسبیه لطافت ایله متصف ایدی
صکره عالم طبیعتنه نزول ایدوب ماده ایله تقیدنده متکاثف اولدی

پس حق ریاضت و مجاهده استعمالی ایله عالم علوی به صعود حاصل اولسه
نفس کله به قربی قدر و وصف اولی اولان لطافت ظهور ایدوب جسم
دخی عناصرک لطافتیه تلطف ایدر رسول الله صلی الله علیه وسلم
بطولرنه حجروضع ایدکری بو اطافتی اشعار ایدر فاعرف (لحرره) اولسه
آدمه عناصر بر بار * مرغوش حقه او چاردی هر بار *

* بشنود آن مرغ بانک جنس خویش *

* از هوی آید یساید دام و نیش *

* هوا * اصلنده مدله هواء در بر ایله کواکب اراسی معناسنه عرب بر عبارتله دخی
جو در نتکم قرآنده کلور (فی جوا السماء) و اخوان صفاده تعریف ایدوب
دیمشدر که الهواء جسم لطیف خفیف سیال شفاف سریع حرکتی
الجهات الست فوق و تحت و شرق و غرب و جنوب و شمال یعنی هوا عناصر
اربعة دندر که محلی مابین السماء و الارض در زیر کره نازک تختنده هوا
و هوایک تختنده ماء و مائک تختنده ترایدر * یابد * مضار عدم مصدر یافتن در
بولق معناسنه مضار عنده قابیه قلب اولور اما بعض متأخرین آتی بایندندن
اخذ ایدر * نیش * حیوانات اکنه سی و دکن و نیشتر نتکم بالاده مفصلا بیان
اولمندر (معنای بیت) بودر که اول مرغ اول صفیر زن و مرغ کیردن
کندی جنس آوازی یعنی کندی جنسی آوازه مشابیه آواشیدوب
هوادن کلور و نزول ایدر و لکن جنسی بولمزل بلکه انک بر نه طوزاق و جراحت
و هلاکته سبب نسنه بولور پس اول قوش بویه هر آوازه قواق طوتغله
هلاک اولدیغی کبی خالی الذهن اولان دخی مقلد و مدعینک دعوتی
استماعله هلاک اولور و بلکه بونک هلاکی انک هلاکندن اشد در زیر انک
هلاکی جسمنده و بونک جائنده در و جان فطرت اصایه اوزرینه عدم
جریانله هلاک اولسه جسمک فائده سی قالمز بلکه عدم حکمنده اولور فاما جسم
هلاک اولسه نه جانیه بر جسم بولور نتکم بومعناک اجزاء اصلیه اوزرینه
اعاده اولسه کر کدر و جسمک هلاکی دخی دینک هلاکته ساری اولماز
و بلکه نیجه جسمله هلاک اولانلر وارد در که روحله حی در شهداء و امثالی
کبی پس هر صدایه قواق طوتغی جائد کدر نتکم مولانا جامی بیورر * بلاف
ناخلفان زمانه غره مشو * مرغ و چوسامری از ره بانک کوساله * و تبدیل
فطرت و افساد عقاید سبب اولنلرک قیامته حالی زناکار اولنلردن بتردر
زرا زناده اهلاک اولد اولدیغی کبی بونده دخی اهلاک جان وارد در که اندن

بتردد پس انسان هر آوازه قولی طوتمقدن ایه اصم اولی یکدر زیرا
اصم اولدیغی حالدی طریق سمعدن انتفاعدن محروم اولور سهده باری
اهل تقلید و ارباب ریاء دعوائک مقالات باطله سندن خلاص اولور و بونده
اشارت وارد که سالک پر عشق و بال همتله عالم اصله صعودده ایکن گاه
اولور که نفس و شیطان یوزندن صورت حقده کلام صادر اولوب آئی
اصغالیله هوای سلوکدن تنزل واقع اولور و نیچه لری بوجه سندن
ارتداد بولور زیرا نفس مطمئنه غایب نه رسیده اولدیقه دام کردن
خلاص اولی بوقدر و شیطانک دخی اکثر مقامات و مراتبه حیل عجیبه
و خدع غریبه سی وارد پس بوبنده عنایت استناد و شفاعته اعتماد
و ارشاد اهل تحقیق قبول و محافظه یمین و یسار ایدوب سیر و سلوک
مقبول کر کدر و بونده بواشارت دخی وارد که انسانک صلاحته سبب
اولان کسه نک دافنه دوشمک فساد و هلاکدن دکلر نتمک طوغان صید
اولدیقه تربیه ایله پادشاه الله لایق اولور و بواشارت دخی وارد که
هر کسک فطرت اصلیه حسبیله بحسب المأل ارباب کمال ایله مجانبستی وارد
ارباب ریاء و اصحاب دعوائله ایه خالی الذهنک مناسبتی بوقدر زیرا ریاء
و دعوی اهلی تبدیل فطرت و تغییر طبیعت ایشلر و طریق سداد روحدن
چیقوب نفس ضاله همراه اولغله باشقه یوله کتمشلدرد پس انسان ایله
غول اراستنده مناسبت اولدیغی کبی ضال ایله مهتدی اراستنده دخی بوقدر
کرک بالفعل هدایت اولسون و کرک بحسب المأل اولسون چن انسان ضاله
تبعیله ضال اولسه بلکه بهانه هدایت ظهور ایتیموب شویله ضال قاله
نتکم دیمشلدرد * اینه نازک من اجکی بیمار * شاید اولیه قابل تیمار *

✽ حرف درویشان بدزد مرد دون ✽

✽ تا بخواند بر سایی زان فسون ✽

* حرف * اصلنده اسم و فعلک مقابلدر وجه تسمیه بالاده می و رایتمشدر بوراده
حرف دن مراد کلام در کلمه و کلمه ده دخی حرف مندر جدر نتمک بخواند
لفظی اکاد الدر زیرا خواندن قرائت معناسنه در قرائت ایه حروف
و کلماتی بری برنه ضم ایتمکدر پس بر حرفی تفوه ایده نه قاری دنلر الحاصل حرفله
مجازا کلام مراد اولور کلمه ایله مراد اولدیغی کبی نتمک کلمه شهادت دیرلر

مع هذا کلام درو بوستان اوائلنده کلور * نه مستغنی از طاعتش یشت کس *
* نه بر حرف او جای انکشت کس * مصنوعه حرف اطلاق کن کلمه سی
اعتباریله و یا خود اصلدن نقل حسبیله در زیرا اصلده انکشت حرف و کلمه
و کلام لفظور سمی اوزرینه وضع اولنور و محل غلطی تعیین ایچون صکره
اوزرینه خط بطلان چکلور و حرف لغت معناسنه دخی شاید در نتمک
حدیثده کلور (نزل القرآن علی سبعة احرف) مقصود قرآنک یدی لغت
اوزرینه ورودنی بیساندر و لغت اگرچه اغنده شول اصواتدن عبارتدر که
هر قوم انکله اغراضدن تعبیر ایدر و لکن صوته که کیفیات مخصوصه
عارض اولسه حروف دیناور پس لغت حقیقه حروفدر و بوراده
درویشان ایله مراد درویشان حقیقه در که صوفیه محققین در انلرک حرفی
معارف و حقایقه متعلق اولان الفاظ عالیله و کلمات غالیله در که من عند الله
معلم و ملهم اولمشلر و مدت طویله جست و جویله جواهر کبی اربابوب
بولمشلردر مراد دون مراد ادنی و سفلی و طبیعی و مقلد و مدعی سلیم ایله
مراد سلیم الطبع و خالی الذهندر که فارسیده سزاده دل دیرلر حقیقه
اطلاقته وجه اول خلوه بقا تقدیری اوزرینه رجا سلامتدر نتمک زربانه
سلمدیرلر زیرا انکله امکانه عالیله توصل اولنوب سلامت رجا اولنور و یا خود
آفات باطنه دن تعری اعتباریله در زیر خالی الذهنک آفات بطریق
العروضدر بوسیدن اهل الله سلیم اسمی سورلر زیر معنای شریفه دلالتی
وارد در و قرآنده کلور (یوم لا ینفع مال ولا بنون الا من اتی الله بقلب سلیم) ای
خالی عن الاغیار الحاصل سلیم قرآنده قلبه صفت واقع اولغله اسماء حسنه
وصفات مستحسنه دندر زیرا دنیا و آخرتده مقصود آفات صوریله و معنویله دن
سلامت و تعلقاتدن نجاتدر * فسون * ضمه افسوندن تخفیف اولمشلدر حیلله
و مکر معناسنه و اول نسینه دخی دیرلر که بعض کسه لر خواص دیوا و قورلر
او فورلر عرب رقیه دیرعوام غلط ایدوب اوسون دیر خواص دیدکری
کلماتک خاصه سی اعتباریله در و جائزدر که خواص کلمات دیمک اوله (معنای
بیت) بودر که مراد دون و نفس اماره به زبون اولان مقلد و مدعی و ابون
فقراء صوفیه نک کشف صحیح ایله بلدکری علوم و معارف حقیقه نک
کلمات و الفاظنی و یا خود اول کلمات و الفاظک معانی و مدلولاتی سرقه
ایدر تا که بر سلیم الطبع و خالی الذهن اوزرینه اندن افسون اوقیه و کندی
کشی و متحقق اولدیغی معانیدن اولغی ایهام ایدوب مکر و حیلله ایله اول

ساده دلی استماع ایده و آتی کنندنه می یدایلیه مع هذادعوا سنده کاذبدر
کذبك ايسه فروغی اولماز انکیچون کذاب دخی ایدی روشنائی بولماز
وبلكه نفسك ظلمتده قالور واهل صدق یاننده رسوای اولور زیرا کون
طوغشندن بللور دیرلر کذاب دخی آغاز کلام ایلسه راست بودر که
راستانه دم سردندن بوی انجماد کلور و فی الحال حالی معلوم اولور بونده
اشارت وارددر که حرف اگر فائلك علومندن اولسه محقق دینلور محقق ایلسه
علومنی افاضه ایچون محل و مستحق طلب ایدر پس انک حالی افسوسندن خارج
وتذکیر و تنبیهدده داخلدر نتکم قرانده کلور (باغ ما انزل الیک) یعنی شرائعی
عوامه و معارفی خواصه و حقایق اخصه تبلیغ ایله و اول سر مکتوم که سنک
خواصکندنر آتی ستر ایله و ورثه کمال دخی بو معنادن بهره یابدر و لکن
بعض اعصار اولور که ظلمات غلبه دن ناشی تنوره ضالح دل مفقود
اولغله خصائصدن اولمیان دخی مکتوم قالور الحاصل ارباب صدق
دام و دانه سی مقبول و افسوسنی مر غوبدر زیرا انلرک مر ادلری صلاح
طبیعت و تزکیه نفسله مدار نظام عالم اولق و هادی استمدن حصه
بولقدر اصحاب کذبك ايسه مر دود و منفوردر زیرا انلرک مقصودلری
افساد عقائد و اهلاک قلوبله پریشانی عالمه سبب اولوب حکمت عظمایه
مخاف حرکت ایتمکدر (لحرره) و اریسه سنده اگر طبع سلیم * اوله
هر دون و دنی ید تسلیم * بلبل اولان او قور نیچه دستان * داد حقددر
اکالسان کلیم * طوطیه قیل نظر که عجزندن * اکا ایلار ایدر سوزی
تعلیم * ایلدن آلوب صحنله اهل سخن * بر مبدر فکر صحیح ایلیم *
ایتمه ناجسله صحبت زیرا * وارددر انده سکا عذاب الیم * والله اهادی

کار مر دان روشنی و گرمیست

کار دونان حیل و بی شرمیست

* مردان * مردک جمیدر سرد اردیم کدر رجل معناسنه حد بلوغه
وار منجه مر ددیمزلر بوراده مر دان ایله مراد اهل اللهدر که عالم حقیقه
بلوغله کرچک ارا اولمشلردر کویا انلره نسبتله اهل غفلت و حجاب اولملر
زن حکمنده درو حضرت هدی بیورر * ع * حق اکلامق مر دا یشیدر *
وگاه اولور که رجال الله ارا سنده زن دخی بوانور پس بو مقوله زنه انوشتی
ضرر و برمیوب حقیقهده سلك مر ذانده منتظم اولور و اما سیه لی مهری

خانون شاعره نك کلماتنددر که دیمشدر * چونکه ناقص عقل اولور
دیرلر نسا * هر سوزی معذور طوتمقددر روا * بر مؤنث یکدرر کامل
اوله * بیک مذکردن که اول نا اهل اوله * کرم * اسیدر مقابلی سرددر که
صوقدر بوراده مراد حرارت عشق و سوز دلدر * حبله * حولندر ما قبل
مکسور اولغله و او یایه قلب اولمشدر تعریفانده کلور که حبله احتیالندن
اسمدر و اول نسبه دیرلر که کشتی بی کراحت ایتدیکی نسنه دن محبت
ایتدیکی نسنه تحویل ایلیم و امام راغب دیر که حبله اول نسنه در که
انکله حالت خفیه یه توصل اولور اکثر استعمالی تعاطیسنده خبت
اولانده در * شرم * اود ایلله تعبیر اولنان کیفیتدر نتکم بر کسه بی ذم ایتسه لر
انک اود و ادبی بوقدر دیرلر یعنی بی حیا و بی ادبدر (معنای بیت) بودر که
اهل اللهک قدس الله اسرارهم ایشی روشنی صدق و خلوص و کرمی
عشق و سوز و حالتدر زیرا بونلرک صدرلری اسلام حقیقی ایلله مشروحدر
و قرانده کلور (افن شرح الله صدره للاسلام فهو علی نور من ربه)
پس بونور و بو حرارت صادق ایلله تقلید ظلماتندن خارجلر و سردی
زهد و تقوی بلاسندن سالمدر دون مشرب و سفلی طبع اولان مقلد
و مد عیلرک حالی ایلسه حبله و خدعه و مکرو بی حیالقدر * زیرا لافله
خلقی کندی جانبلر نه نحو یله سعی ایدرلر و اوتانموب غیرک معنیسن کندی
لفظلر نه ادخال ایلرلر و کندی بیزه بطریق الالهام و المکاشفه حاصل
اولمشدر دیرلر مع هذا خلط کلام ایتمکله سوزلرنده فروغ قالماش و ارباب
بصیرت یاننده ساخته اولدیغی قتی روشن اولمشدر * الحاصل مر داتک
حالی کندیلرینه حال اولانی اسناددر و حال اولدیغی صورته دخی حد
محدودی وارددر که زیاده و نقصان قبول ایتمز و الا امین اولماش اولورلر
و گاه اولور که الهام اولنان معانی الفاضله بله توارد ایدر شویله که
بر جاعل آتی جعل ایلله اول قابله افراغ ایده مر پس حقانی اولدیغی من کل
الوجوه ظاهر اولور نتکم بعض طاعلر امام غزالی حقننده دیمشدر که
(الحمد لله الذی اخرج الغزالی من بین العلماء بتصنیف الاحیاء) امام
غزالی نك ایلسه لسان حالی دخی بو سوزی سو یلر * زیرا حقیقهده الله تعالی
انی علماء متقشفین و اهل رسوم متصلفین ارا سندن اخراج ایدوب احیاء
العلوم و امثالی کتب جلیله تصنیفی ایلله سرافراز ایلش و حبر هذه الامه

قلمشدر مذکور کبی هزار طاعن و بی شرمک چراغ آلهی به پف دیمیری
جهلیدن ناشی و حیلہ نفسدن فاشیدر * زد شیخ شهر طعنہ براسرار
اہل دل * المرء لا يزال عدوا لما جہل *

✽ شیر پشمین از برای کد کنند ✽

✽ بومسہلم را لقب احمد کند ✽

✽ شیر پشمین ✽ پشمین شیرہ صفتدر پشم بوکدر قبون و پچی و دوہ و امثالی
یوی کبی آخرندہ یا نسبت و نون اول نسبتی تا کید ایچوندر درویشلر
خرقہ سنہ پشمین دیرلر و گاہ او اور کہ خرقہ صفت قیلورلر نتکم و بسی
نظمندہ کلور * آہ کیم او اسہ کرک پوشش تابوت فنا * خلعت پادشہ
و خرقہ پشمین کدا * بورادہ شیر پشمین شول ارسلان صور تیدر کہ
یو کدن دوزوب تصور یایدلر و اعیاد و طونما و شنکاردہ خلقہ سیر
ایتدروب انککہ سنہ جرایدلر ساثر جرایچون ایتد کلری تصاویر و تماثل
کبی * کد * پهلوی اغتندہ خانہ و کد خدا خانہ صاحبی دیمکدر دانور کن
اولور قبوسنہ کلد و کندن اوتوری سائلہ کدا دیمشلدردر زیرای کلیجی
دیمکدر بوسبیدن کد لفظی کد الق و دلنجیلک معناسندہ استعمال اولندی
پس کدانک کافی عربیدر فاماتر کیدہ عجمی شایعدر * بومسہلم * لامک
کسریلہ تصغیر صیغہ سی اوزرہ مسئلہ دن تخفیف اولمش و وزن ایچون
ہامہجور قلمشدر مسئلہ یمامہ ولایتندہ نبوت ادعا یتشدرد و قومی تعنا
اکارجان الیمامہ دیرلردی دیمشلدرد کہ نیرنجہ ات دید کلری علمہ مالک
اولمغلہ خلقہ بعض خارق عادات سنہلر اظہار ایدردی و یمرطہ بی
ضیق الفم شبشہ ایچنہ قور دی دیمشلدرد کہ یمرطہ بی بطن دجا جہ دن
خروجی کونی برکون و برکیچہ سرکیہ و نوشادردہ قوسہلر اپلاک کبی
متمد اولوب بوسبیدن شیشہ ایچنہ قورلر اندن اوزرینہ صودو کرلر تاکہ
اولکی کبی منجمد او اور و بعض اموری دخی معکوس کلوردی مثلاً
برکون برقیوہ تبرک دیو تو کردی و اول قیونک صوی زہر کبی آجی اولدی
و براوغلانک باشنی مسح اتدی اول اوغلانک باشی کل اولدی و برکسہ نک
کوزلرنی شفا ایچون مسح اتدی اعمی اولدی و برکسہ نک ایکی اوغلنہ
برکت ایلہ دعا ایلدی اول کسہ اوینہ کلد کدہ ایکسنی دخی ہلاک اولمش
بولدی مذکور مسئلہ کذابی حضرت صدیق رضی اللہ عنہ خلافتندہ

وحشی دید کلری قتل ایلدی انکیچون دیدی (قتل خیرالناس فی
الجاهلیۃ و شرالناس فی اسلامی) خیرالناسدن مرادی عم النبی علیہ السلام
اولان سید الشہداء جزہ رضی اللہ عنہ در شرالناس دن مراد مسئلہ در
و مسئلہ نک بزم مطاعہ ایتدیکن ادوات علوم غایہ دہ ابو مسئلہ یازدیی
یوقدر بلکہ یالکز مسئلہ در پس جازدر کہ حضرت مولانا قدس سرہ
ابو مسئلہ بی ابوالکذیدن کتابہ قلعہ کذبہ زیادہ ملابسہ سی حسیلہ تنکم
احمد لفظی اکاقرینہ در زیر احمد ابوالصدق دن کتابہ در صدقہ مزید
ملازمتی سبیلہ * لقب * علم خاصدن ماعداد اسمدر کہ یامدحہ و یاذمہ
دلالت ایلدی لقب اسمادن اولمغلہ احمد دندلی اگرچہ کہ بورادہ احمد دن
مراد ابوالصدق و نبی و مسئلہ دن مراد ابوالکذب و مدعیدر * تنکم
اشارت اولندی (معنای بیت) بودر کہ بوکدن دوزیلن ارسلان
صورتنی کد القدن اوتوری یعنی خلقدن جر مال و جلب منفعت ایچون
ایلرلر پشمین استصناع اولتان صورتک ایسہ فی نفس الامر ارسلان
اولدیی بوقدر پس اول صورت مصنوعہ یہ ارسلان اطلاق مجازا در
زیرا محاسن معانی الفاظہ تابع دکلدر کو یا مسئلہ کذاب لقبی احمد ایلرلر
یعنی ابوالکذبہ ابوالصدق دیرلر و مدعی ایچون نبیدر دیوسو بیلرلر نبی
اولق ایسہ احمد علیہ السلام صفتیدر کہ اکامعجزات و یرلمش و قرآن
وحی اولمش دیرلر ارسلان اولق حیوان مفترک صفتی اولدیی کبی
مسئلہ نک صفتی دکلدر کہ اول نیرنجہات و سائر حیل ایلہ عمل ایلر
و ساختہ مقفی سوزلر سو یلردی پس احمد علیہ السلام حالی
حقیقت شیرہ و مسئلہ نک صورت شیرہ بکرہ دی و مسئلہ نک حالی
فی الحقیقہ کد الق اولمغلہ رسول الہدن وجہ ارض تنصیف اولنوب
نصفی کندوبہ اولق دلدی رسول اللہ علیہ السلام ایسہ قومنہ پیوردی
(لا اسألكم علیہ اجرا) انکیچون ایلہ معراجدہ اللہ تعالیٰ یہ خطاب ایدوب
(انت وانا و ما سوی ذلک ترکته لاجلک) دیدی بوندہ اشارت وارد کہ
نیچہ خرقہ پوش اولنلر وارد کہ کندیلرینہ درویش اطلاق ایلرلر
و بلکہ ولایتہ قدم بصدق دیوسو بیلرلر نتکم ساقطلرک بریسی کتابک
ظہرینہ بشرت بالقطبیۃ دیویازمشدر و خرقہ دن ماعداد ارقارینہ
بکتاشی اشقلری کبی ارسلان و قیلان پوستی و قیون و آہو در یسی آورلر

و بعضی در دخی سستند در دیو بطولرینه حجروضع و ربط ایدرل مع هذا
صومدن خیر لری اولدیغندن ماعدا کیفیات دخی برل و بلکه شهر
رمضانده بله آج طور مز لر پس بونلر درویش صورتنده کدار و تغییر الشکل
لاجل الاکل مقاله سته ماصدقلر در صورت ارسلان حقیقت ارسلان
اولدیغنی کبی بونلر دخی فی الحقیقه درویش دکلدر و مسئله فی الحقیقه
نبی اولدیغنی کبی بونلر دخی فی نفس الامر اوایاد کلر در والاتصنع ایله خلقدن
جرا تملز و غیرک مقالاتن کندولره اسناد قلزل و احکام شریعت و آداب
وارکان طریقت ایله مقید اولوب خلوات و جلواتی تطبیق ایدرل
و صدیقلر طریقه کیدر لر دی نتکم باباندیعی کندی حالتدن و سائر
خلیع العذار اولنلرک احوالنه اشارت ایدوب دیمشدر * نه زکاتنه ایدم
طمع مالک * نه نمازنده نه اورجنده * بعدذا ولایتہ قدم بصانک علامت
وارد در که کرامات علیه در یعنی حق تعالی نک افعال و صفات و ذاتنه
متعلق علوم لدنیه مکاشفه ابتکدر پس بوعلوم ولایتده شرطدر کرامات
کونیه شرط دکلدر انکیچون هیچ بر کرچک ار یوقدر که انده کرامات
علیه اولیه مع هذا بعضی لر نه کرامات کونیه یوقدر ز بر انتایج سلوک دکلدر

* بومسیر القاب کذاب ماند *

* محمد را اولو الباب ماند *

* ابومسیر * لفظنک اعتداری مرور ایلدی * کذاب * مسئله نک لقییدر
قال فی القاموس الکذابان مسئله الحنفی والاسود العنسی انتهى بنو حنیفه
سفینه وزنی اوزره قبیله مشهوره در که مسئله کذاب رهطیدر نسبتده
حنفی و حنفی دینلور و عنص دخی نونله بمنده بر قبیله در که اسود کذاب
اکامسو بدر * مر * لفظی بحسین ایچوندر * اولوالباب * اولوقصرله ذونک
جمعدر من غیر لفظ الباب بلک جمعدر لب ضمه قشرب خلا فیدر بوراده مراد
نور قدس ایله منور اولان عقلدر که او هام و خیالات قشورندن صافیدر
بوراد اولوالباب رسول الله علیه السلام لقییدر و لکن جمع ایراد اولندیغنی
نظم قرآنه موافقت ایچوندر ز بر اقرآنده ذکر اولندیغنی مواضعده جمع
ایراد اولمشدر و بومقوله القاب مشرفه والفاظ مفرجه ایله مراد ابتدا
رسول الله و ثانیاً اصحاب و آکدر و بر دخی اووا الباب اولان آل و اصحابک
مقتداسی اولغله اطلاق اولمشدر و بر دخی واحد کالف مقوله سندن اولغله در

و واحد اسم جمعه تسمیه اولتور نتکم قرآنده کلور (فتاده الملائکه)
مقصود بالکبر جبر ایلدر و بنه بر موضعه ککلور (و اطراف النهار) جلایلین
تفسیرنده کلور که مراد صلوة ظهر در که طرف نصف نایده در بوراده
اولوا الباب کذاب مقابلنده ذکر ایلدی زیر عقل کاملی اولان کذب ایتمز
انکیچون الله تعالی قرآنده (ام تأمرهم احلامهم بهذا) دیوعقول
قریشی تحقیر ایلدی مع هذا انلر کندیلرینه اولوا الاحلام والنهی دیرلر دی
ولکن مقتضای عقل اوزرینه حرکت ایتموب رسول الله علیه السلام حقنده
اکاذیب و باطیل تفوه ایتمه لر یله کاهن و شاعر و مجنون کبی لاجرم طرف
کبر یادن تسفیه و ازراء اولندیلر و بوتقر یردن فهم اولندیکه اولوا الالباب
صادق لفظندن کنایه در زیرا رسول الله صلی الله علیه وسلم بعثندن
مقدمدن بری محمد صادق دیومعروف و مذکوردر و لکن اولوا الالباب
جمع ایراد اولندیغنی کثرت صدقنه کوره در که جمیع مواد حسبیه در نتکم
کذابده صیغه مبالغه امر عظیم اولان نبوتی ادعا و یانبوتدن ماعدا
مواد کذب کوره در پس بونده اولوا الالباب اولان جمعیتک بروجهی
دخی ظاهر اوادی فاغتم (معنای یت) بودر که مسئله نک لقی کذاب
قالدی یعنی هر نه نقدر نبوت و رسالتنه انتسابه سعی ایتمیسه ده انتسابده
کاذب اولغله بنه الی یوم القیام کذاب دیوآ قالدی و کسه اکار رسول
و یانی دیوالباب مشرفه ایله ذکر ایتمدی * ع * ازماه منخسف مطلب نور
صبحکاح * بولمز فروغی هیچ دروغ اهلی تا ید * محمد صلی الله علیه
وسلمک ایسه لقی اولوا الالباب یعنی صادق و نبی و رسول و بونلرک امثالی
القاب مشرفه قالدی ز بر ادعوا سنده صادق ایدی انکیچون الله تعالی ذکرنی
رفع و نامنی الی یوم القیام خیرایله ابقا ایلدی * ع * حق باقدیغنی چراغه هیچ
کسه یف دیه من * بونده محمد لفظنی اجدده بدل کتوردی و ز یچون و یاخود
مشهور اولان اسمی ایله تعریف ایتمکله تشریف ایچون و یاخود
اسماده اختلاف و کثرت شرف مسمایه دلالت ایدوب ذاتده اتحاد
اولدیغنی اعلام ایچون بعدذا نقدر کاذیلر و ارایسه مسئله ده داخل
و نقدر صادق لر دخی وار ایسه اجد علیه السلامه مندر جدر اگر چه که
بعضیسی نامایله مذکوردر و بعضیسی غیر مذکوردر و ابن کثیر تفسیرنده
کلور که الله تعالی کتابنده و رسول الله علیه السلام سنت متواتره سنده

خبر و یردی که رسول الله بن صکره نبی یوقدر یعنی نه نبی مشرع و نه نبی متابع تا معلوم اوله که بمقامی اندن صکره دعوی ایدنلرک جمله سی کذاب و افاک و دجال و ضال و مضلدر کر کسه خارق عاده نسنه اظهار ایلسون و کرک ایلسون و شعبده به و انواع سحر و طلسم و تبرجیاته قادر اولوب وجوده کتورسون و کرک کتورسون زیر ابونلرک جمله سی اولوا الالباب قائنده محالدر نتکم یمنده اسود عنسی و یامه ده مسئله کذاب النسنه نیچه احوال فاسده و اقوال بارده ظاهر اولدیکه لب فهم و حجبی صاحبی اولنلر انلرک کاذب و ضال ایدیکن بلدیله لهنهما الله تعالی الی یوم القیامة نقدر مدعی کلورسه بونلره قیاس اولنه و انلرک آخری مسیح دجال اولسه کر کدر ز بر دجالک الله دخی چوق خارق عاده نسنه صادر اولسه کر کدر و لکن علماء و مؤمنون انک کذاب اولدیغن بیلوب اعتماده ایتمزل پس بوندن فهم اولدیکه دجال ایکی نوعدر بری دجال ظاهر و بری دجال باطندر که ایکیستدن دخی اجتناب لازمدر دیملردر که متصوفه طائفه سی اون ایکی فرقه در اون بری ضلال و برسی هدی اهلیدر پس هدی اهلندن غیر به اقتدا صحیح دکلدر و هدی اهل اولق مراتب اربعه ده اهل سنت و جماعت مذهبی اوزره اولوب اعتقادنده درست و عملنده متشرع اولمندن معلوم اولور فاعرف (لحرره) باقه دجال مشرب به زنهار * کوسترسه سکا کر لیل نهار * کوردکک یرده بدعت اهل عدد * اهل سنت ایله استظههار *

✽ آن شراب حق ختامش مشک ناب ✽

✽ باده را ختمش بود کند و عذاب ✽

* شراب حق * دن مراد رحیقدر نتکم قرآنده کلور (یسقون من رحیق مخنوم ختامه مشک) ختام * هر ایشک آخری غایت و عاقبت کبی مشک ناب خالص مشک دیملدر مسکک احوالی بالاده بیان اولندی مقصود شراب حق و جلال مطلق و صافی و مروق و مصدر قدرتدن مشتق اولان رحیق شرب اولندقد ه شربنک آخرنده و ختامه سنده طعم مشک و رایحه طیبیه اولدیغن بیاندن نتکم دنیاده دخی مشک مخلوط اولان اشربه نوش اولندقد ه منقطعنده رایحه مشک حس اولنور * باده * شرابک مطبوخ اولانده درلر * کند * کاف عجمینک قحیله مر دار قوقو و اول قوقان

نسنه یعنی عارضه و معروضه اطلاق اولنور عذاب ایجماع شدید معناسنده در و دیملردر که تمذیب عذبه سوط یعنی طرف سوطله اکثر ضربدر و دیملردر که عذاب انسان اکل و شرب و نوعی ترک ایتکدر که نفسه انده وجع و شدت وارد (معنای بیت) بودر که اشربه جنتدن شراب رحیق که حق تعالی جانبندن تعظیما ابرار اولنلره دور اولنور آنک خاتم و عاقبتی مسک خالصدر یعنی نوش اولندقد ه صوکنده مسک خالص رایحه سی بولنور که انکله دماغ معطر و مسک اولور اما شراب دنیا یعنی خمر که واردلرک ختمی رایحه بد و عذاب و ایجماعدر نتکم نهایی خمر یعنی الم و صداع و اذی در والحاصل نه کندنده لذت و حلاوت و نه خود ختامنده کیفیت مذکوره وارددر شراب جنت ایسه بویله دکلدر بلکه اولی و آخری کیفیت بخش و حلوا المذاقدر * بویستدن مقصود بیت سابقدن مفهوم اولان معنای ختمی تنظیردر یعنی مسئله کذاب و امثال اهل کذبک عاقبتی کو یا عاقبت باده و محمد صادق علیه السلام و ورثه سی اهل صدقک نهایی کو یا نهایت رحیقدر و بر نسنه نیک نهایی طیب اولق بدایتنک طیب اولدیغندندر * بونده ازل وابد سرینه رمز وایما وعلوم نافعه وعلوم ضاربه اشارت وارددر زیرا بر علم اگر نافع و فیض ازلی مقوله سی ایسه صاحبی انکله انتفاع ابتدایی کبی صکره کلنلردخی الی یوم القیام انکله انتفاع ایدرلر و صوکی کتدیکه کوزل کلور علوم انبیا و اولیا کبی اگر علم ضار و اقاء نفسانی و انواء شیطانی قیلندن ایسه نه صاحبی منتفع اولور و نه خود غیره برار و کندیکه سیل صوبی کبی صوکی بولانق کلور علوم فلاسفه و رهبانیه کبی و بواعصارده نیچه علماء رسوم وارددر که انلردخی فرقه ثابیه کبی مذموم اولملر و غوا مض فلسفیاته طالمشدر و بوندن ماعدا کیوف مختلفه ایله ملوث دهان و خیت رایحه اولوب عذاب نفس ایچنده قائملردر پس عاقله لازمدر که مسک کبی اوهام و خیالاتدن خالص اولوب شراب حق اولان رحیق علوم لدنیسه دن نوش و صهبای اذواق معنویه دن جانی مست و مدهوش ایله بوخسه باده مثان اولان رسوم زائده بی قدح ادرا که طوادر و ب انکله جائنه عذاب

و یرمیه و بو مجلس فنانک انجاسی فصاحت اولان جامی سورمیه و باده
سبب عربده و زوال عقل اولغله مذموم اولدیغی کبی قشور علوم
دخی باعث جدل و فساد لب اولغله منکر درر حقیق و علوم ذوقیه
ایسه بو یله دکادر * (لحرره) وار یسه سطح
دماغکده اکر عقل تام * عشقی یاز عقله بدل
تا بوله سن حسن
ختم *

م

* کتبه تبریزه دخی شیرازه * سالکا بسدرر سکار و سه *
* فیض حقیقین ایله لبک پرتم * غم بیمه هفت یم قور و سه *

تم طبع الجزء الاول من (روح المشوی) لاسما عیل حتی
البرسوی و یلبه الجزء الثاني فی مطبعة العامرة
فی سنة ۱۲۸۷ سبع وثمانین و مائین
والف فی عشر ذی الحجة

۲۲۲

م

Süleymaniye U. Kütüphanesi
Hacı Hürri
Eski Kayıtlar
1756